

榕村講授三卷

〔清〕李光地編

中國人民大學圖書館藏清康熙李氏教忠

堂刻本

附《四庫全書總目·榕村講授

三卷》提要

吾家子弟輩授諸經畢即令稍誦近世標
先說理之文雖今之學者不崇此然而
志趣合轍焉吾懲未晚出之為俗駭未
角輒笑宋人其為腐且陋矣此殊有關
涉非特講解文字間焉雖然前代成弘先
輩未嘗不學也前代風氣之醇人物
之盛必曰成弘自好異者不能改評也其
時之講解文章出於是乎抑如後之出於
序一
子史雜書旁及異說者乎理詭於聖文詭
於經古謂之不雅馴故未論聖人之理漢
唐而宋合者誰也聖人之文亦未易與之
並引而偶舉王守溪以韓文成句對論語
帖然也出是則配焉而不類然則後起之
文非惡其采摭子史雜書以後代言語附
於經也惡其不類焉耳詞句如此義理何
如哉講解文字之所開涉如此趣舍何如

哉此集所編是前輩以配經書者也故幼
者誦授自此始光地書

序二

榕村講授上編目錄

周子太極圖

通書附養心

張子西銘

正蒙又附錄十四條

明道程子定性書

伊川程子顏子好學論

易傳八十條

朱子太極圖解


附跋

西銘解

定性書解

荅胡廣仲附荅論性彙後

榕村講授上編目錄



無極而太極太極動而生陽動極而靜靜而生陰靜極復動一動一靜互為其根分陰分陽兩儀立焉陽變陰合而生水火木金土五氣順布四時行焉五行一陰陽也陰陽一太極也太極本無極也五行之生

榕村講授上編

也各一其性無極之真三五之精妙合而凝乾道成男坤道成女二氣交感化生萬物萬物生而變化無窮焉性人也得其秀而最靈形既生矣神發知矣五性感動而善惡分萬事出矣聖人定之以中正仁義聖人之道仁義中正而已矣而主靜無欲立人極焉故聖人與天地合其德日月合其明四時合其序鬼神合其吉凶君子修之吉小人悖之凶故曰立天之道曰陰與陽立地之道曰柔與剛立人之道曰仁與義又曰原始反終故知死生之說大哉易也斯其至矣

誠者聖人之本大哉乾元萬物資始誠之源也乾道變化各正性命誠斯立焉純粹至善者也故曰一陰一陽之謂道繼之者善也成之者性也元亨誠之通利貞誠之復大哉易也性命之源乎

聖誠而已矣誠五常之本百行之源也靜無而動有至正而明達也五常百行非誠非也邪暗塞也故誠則無事矣至易而行難果而確無難焉故曰一日克己復禮天下歸仁焉

榕村講授上編

二

誠無為幾善惡德愛曰仁宜曰義理曰禮通曰智守曰信性焉安焉之謂聖復焉執焉之謂賢發微不可見充周不可窮之謂神

寂然不動者誠也感而遂通者神也動而未形有無之間者幾也誠精故明神應故妙幾微故幽誠神幾曰聖人

動而正曰道用而和曰德匪仁匪義匪禮匪智匪信悉邪也邪動辱也甚焉害也故君子慎動

道第六

聖人之道仁義中正而已矣守之貴行之利廓之配天地豈不易簡豈爲難知不守不行不廓耳

師第七

或問曰易爲天下善曰師曰何謂也曰性者剛柔善惡中而已矣不達曰剛善爲義爲直爲斷爲嚴毅爲幹固惡爲猛爲隘爲強梁柔善爲慈爲順爲異惡爲懦弱爲無斷爲邪佞惟中也者和也中節也天下之達道也聖人之事也故聖人立教俾人自易其惡自至其中而止矣故先覺覺後覺聞者求於明而師道立矣師道立則善人多善人多則朝廷正而天下治

榕村講授上編

三

矣

幸第八

人之生不幸不問過大不幸無恥必有恥則可教聞過則可賢

思第九

洪範曰思曰睿睿作聖無思本也思通用也幾動於彼誠動於此無思而無不通爲聖人不思則不能通微不睿則不能無不通是則無不通生於通微通微生於思故思者聖功之本而吉凶之機也易曰君子見幾而作不俟終日又曰知幾其神乎

志學章第十

聖希天賢希聖士希賢伊尹顏淵大賢也伊尹恥其君不爲堯舜一夫不得其所若撻於市顏淵不遷怒不貳過三月不違仁志伊尹之所志學顏子之所學過則聖及則賢不及則亦不失於令名

順化第十一

天以陽生萬物以陰成萬物生仁也成義也故聖人在上以仁育萬物以義正萬民天道行而萬物順聖德修而萬民化大順大化不見其迹莫知其然之謂神故天下之衆本在一人道豈遠乎哉術豈多乎哉

治第十二

十室之邑人人提耳而教止不及況天下之廣兆民

榕村講授上編

四

之衆哉曰純其心而已矣仁義禮智四者動靜言貌視聽無違之謂純心純則賢才輔賢才輔則天下治純心要矣用賢急焉

禮樂第十三

禮理也樂和也陰陽理而後和君君臣臣父父子子兄兄弟弟夫夫婦婦萬物各得其理然後和故禮先而樂後

務實第十四

實勝善也名勝恥也故君子進德修業孳孳不息務實勝也德業有未著則恐恐然畏人知遠恥也小人則僞而已故君子曰休小人曰憂

愛敬第十五

有善不及曰不及則學焉問曰有不善曰不善則告之不善且勸曰庶幾有改乎斯爲君子有善一不善二則學其一而勸其二有語曰斯人有是之不善非大惡也則曰孰無過焉知其不能改改則爲君子矣不改爲惡惡者天惡之彼豈無畏耶烏知其不能改故君子悉有衆善無弗愛且敬焉

動靜第十六

動而無靜靜而無動物也動而無動靜而無靜神也動而無動靜而無靜非不動不靜也物則不通神妙萬物水陰根陽火陽根陰五行陰陽陰陽太極四時

格致書上編

五

運行萬物終始混兮闢兮其無窮兮

樂上第十七

古者聖王制禮法修教化三綱正九疇敎百姓大和萬物咸若乃作樂以宣八風之氣以平天下之情故樂聲淡而不傷和而不淫入其耳感其心莫不淡且和焉淡則欲心平和則躁心釋優柔平中德之盛也天下化中治之至也是謂道配天地古之極也後世禮法不修政刑苛紊縱欲敗度下民困苦謂古樂不足聽也代變新聲妖淫愁怨導欲增悲不能自止故有賊君棄父輕生敗倫不可禁者矣嗚呼樂者古以平心今以助欲古以宣化今以長怨不復古禮不變

今樂而欲至治者遠矣

樂中第十八

樂者本乎政也政善民安則天下之心和故聖人作樂以宣暢其和心達於天地天地之氣感而太和焉天地和則萬物順故神祇格鳥獸馴

樂下第十九

樂聲淡則聽心平樂辭善則歌者慕故風移而俗易矣妖聲豔辭之化也亦然

聖學第二十

聖可學乎曰可曰有要乎曰有請聞焉曰一爲要一者無欲也無欲則靜虛動直靜虛則明明則通動直

格致書上編

六

則公公則溥明通公溥庶矣乎

通書二

公明第二十一

公於已者公於人未有不公於已而能公於人也明不至則疑生明無疑也謂能疑爲明何啻千里

理性命第二十二

厥彰厥微匪靈弗瑩剛善剛惡柔亦如之中焉止矣二氣五行化生萬物五殊二實二本則一是萬爲一實萬分萬一各正小大有定

顏子第二十三

顏子一簞食一瓢飲在陋巷人不堪其憂而不改其樂夫富貴人所愛也顏子不愛不求而樂乎貧者獨

格致論上編

七

何心哉天地間有至貴至愛可求而異乎彼者見其大而忘其小焉爾見其大則心泰心泰則無不足無不足則富貴貧賤處之一也處之一則能化而齊故顏子亞聖

師友上第二十四

天地間至尊者道至貴者德而已矣至難得者人人而至難得者道德有於身而已矣求人至難得者有於身非師友則不可得也已

師友下第二十五

道義者身有之則貴且尊人生而蒙長無師友則愚是道義由師友有之而得貴且尊其義不亦重乎其

聚不亦樂乎

過第二十六

仲由喜聞過令名無窮焉今人有過不喜人規如獲疾而忌醫寧滅其身而無悟也噫

勢第二十七

天下勢而已矣勢輕重也極重不可反識其重而亟反之可也反之力也識不早力不易也力而不競天也不識不力人也天乎人也何尤

文辭第二十八

文所以載道也輪轅飾而人弗庸徒飾也况虛車乎文辭藝也道德實也篤其實而藝者書之美則愛愛

格致論上編

八

則傳焉賢者得以學而至之是爲教故曰言之無文行之不遠然不賢者雖父兄臨之師保勉之不學也強之不從也不知務道德而第以文辭爲能者藝焉而已噫弊也久矣

聖蘊第二十九

不憤不啟不悱不發舉一隅不以三隅反則不復也子曰予欲無言天何言哉四時行焉百物生焉然則聖人之蘊微顏子殆不可見發聖人之蘊教萬世無窮者顏子也聖同天不亦深乎常人有一聞知恐人不速知其有也急人知而名也薄亦甚矣

精蘊第三十

聖人之精畫卦以示聖人之蘊因卦以發卦不盡聖人之精不可得而見微卦聖人之蘊殆不可悉得而聞易何止五經之源其天地鬼神之奧乎

乾損益動第三十一

君子乾乾不息於誠然必懲忿窒慾遷善改過而後至乾之用其善是損益之大莫是過聖人之旨深哉吉凶悔吝生乎動噫吉一而已動可不慎乎

家人睽復无妄第三十二

治天下有本身之謂也治天下有則家之謂也本必端端本誠心而已矣則必善善則和親而已矣家難而天下易家親而天下疏也家人離必起於婦人故

榕村講授上編

九

睽次家人以二女同居而志不同行也堯所以釐降二女於嬀汭舜可禪乎吾茲試矣是治天下觀於家治家觀身而已矣身端心誠之謂也誠心復其不善之動而已矣不善之動妄也妄復則无妄矣无妄則誠矣故无妄次復而曰先王以茂對時育萬物深哉

富貴第三十三

君子以道充爲貴身安爲富故常泰無不足而銖視軒冕塵視金玉其重無加焉爾

恆第三十四

聖人之道入乎耳存乎心蘊之爲德行行之爲事業彼以文辭而已者恆矣

擬議第三十五

至誠則動動則變變則化故曰擬之而後言議之而後動擬議以成其變化

刑第三十六

天以春生萬物止之以秋物之生也既成矣不止則過焉故得秋以成聖人之法天以政養萬民肅之以刑民之盛也欲動情勝利害相攻不止則賊滅無倫焉故得刑以治情偽微暖其變千狀苟非中正明達果斷者不能治也訟卦曰利見大人以剛得中也噬嗑曰利用獄以動而明也嗚呼天下之廣主刑者民之司命也任用可不慎乎

榕村講授上編

十

公第三十七

聖人之道至公而已矣或曰何謂也曰天地至公而已矣

孔子上第三十八

春秋正王道明大法也孔子爲後世王者而修也亂臣賊子誅死者于前所以懼生者於後也宜乎萬世無窮王祀夫子報德報功之無盡焉

孔子下第三十九

道德高厚教化無窮實與天地參而四時同其惟孔子乎

蒙艮第四十

童蒙求我我正果行如筮焉筮叩神也再三則瀆矣
瀆則不告也山下出泉靜而清也汨則亂亂不決也
慎哉其惟時中乎艮其背背非見也靜則止止非爲
也爲不止矣其道也深乎

附錄

孟子曰養心莫善於寡欲其爲人也寡欲雖有不存
焉者寡矣其爲人也多欲雖有存焉者寡矣子謂養
心不止于寡焉而存耳蓋寡焉以至于無無則誠立
明通誠立賢也明通聖也是聖賢非性生必養心而
至之養心之善有大焉如此存乎其人而已張子崇
範有文有行其居背山而面水山之麓構亭甚清淨

榕村講授上編

士

子偶至而愛之因題曰養心園謝且求說故書以勉
養心亭說

西銘

張子橫渠

乾稱父坤稱母予茲藐焉乃混然中處故天地之塞
吾其體天地之帥吾其性民吾同胞物吾與也大君
者吾父母宗子其大臣宗子之家相也尊高年所以
長其長慈孤弱所以幼其幼聖其合德賢其秀也凡
天下疲癯殘疾惻獨鰥寡皆吾兄弟之顛連而無告
者也于時保之子之翼也樂且不憂純乎孝者也達
曰悖德害仁曰賊濟惡者不才其踐形惟肖者也知
化則善述其事窮神則善繼其志不愧屋漏爲無添
存心養性爲匪懈惡旨酒崇伯子之顧養育英才類
封人之錫類不弛勞而底豫舜其功也無所逃而待
烹中坐其恭也體其受而歸全者參乎勇於從而順
令者伯奇也富貴福澤將厚吾之生也貧賤憂戚庸
玉女於成也存吾順事沒吾寧也

榕村講授上編

士

太和篇

知虛空即氣則有無隱顯神化性命通一無二顧聚散出入形不形能推本所從來則深於易者也若謂虛能生氣則虛無窮氣有限體用殊絕入老氏有生於無自然之論不識所謂有無混一之常若謂萬象爲太虛中所見之物則物與虛不相資形自形性自性形性天人不相待而有陷于浮屠以山河大地爲見病之說此道不明正由情者略知體虛空爲性不知本天道爲用反以人見之小因緣天地明有不盡則誣世界乾坤爲幻化幽明不

梓材講授上編

三

能舉其要遂躐等妄意而然不悟一陰一陽範圍天地通乎晝夜三極大中之矩遂使儒佛老莊混然一途語天道性命者不問于恍惚夢幻則定以有生於無爲窮高極微之論入德之途不知擇術而求多見其蔽於詖而陷於淫矣

氣塊然太虛升降飛揚未嘗止息易所謂絪縕莊生所謂生物以息相吹野馬者歟此虛實動靜之機陰陽剛柔之始浮而上者陽之清降而下者陰之濁其感遇聚散爲風雨爲雪霜萬品之流形山川之融結精粕煨燼無非教也

氣之聚散於太虛猶冰凝釋於水知太虛即氣則無

無故聖人語性與天道之極盡于參伍之神變易而已諸子淺妄有有無之分非窮理之學也

由太虛有天之名山氣化有道之名合虛與氣有性之名合性與知覺有心之名

鬼神者二氣之良能也聖者至誠得天之謂神者太虛妙應之目凡天地法象皆神化之糟粕爾

感而後有通不有兩則無一故聖人以剛柔立本乾坤毀則無以見易

游氣紛擾合而成質者生人物之萬殊其陰陽兩端循環不已者立天地之大義

參兩篇

梓材講授上編

四

一物兩體氣也一故神兩在故兩故化推行此天之所以參也

地純陰凝聚於中天浮陽運旋於外此天地之常體也恒星不動純繫乎天與浮陽運旋而不窮者也日月五星逆天而行并包乎地者也地在氣中雖順天左旋其所繫辰象隨之稍遲則反移徙而右爾間有緩速不齊者七政之性殊也月陰精反乎陽者也故其右行最速日爲陽精然其質本陰故其右行雖緩亦不純繫乎天如恒星不動金水附日前後進退而行者其理精深存乎物感可知矣鎮星地類然根本五行雖其行最緩亦不純繫乎

地也火者亦陰質爲陽萃焉然其氣比日而微故其運倍日惟木乃歲一盛衰故歲歷一辰辰者日月一交之次有歲之象也

天左旋處其中者順之少遲則反右矣

虧盈法月於人爲近日遠在外故月受日光常在於外人視其終初如鈎之曲及其中天也如半璧然此虧盈之驗也

日月雖以形相物考其道則有施受健順之差焉星月金水受光於火日陰受而陽施也

陰陽之精互藏其宅則各得其所安故日月之形萬古不變若陰陽之氣則循環迭至聚散相盪升降

格致論上篇

五

相求綱緼相揉蓋相兼相制欲一之而不能此其所以屈伸無方運行不息莫或使之不曰性命之理謂之何哉

陰性凝聚陽性發散陰聚之陽必散之其勢均散陽爲陰累則相持爲雨而降陰爲陽得則飄揚爲雲而升故雲物斑布太虛者陰爲風驅斂聚而未散者也凡陰氣凝聚陽在內者不得出則奮擊而爲雷霆陽在外者不得入則周旋不舍而爲風其聚有達近虛實故雷風有大小暴緩和而散則爲霜雪雨露不和而散則爲戾氣晴陰常散緩受交於陽則風雨調寒暑正

火日外光能直而施金水內光能圓而受受者隨材各得施者所應無窮神與形天與地之道歟

木曰曲直能既曲而反中也金曰從革一從革而不能自反也水火氣也故炎上潤下與陰陽升降土不得而制焉木金者土之華實也其性有水火之雜故木之爲物水漬則生火然而不離也蓋得土之浮華于水火之交也金之爲物得火之精于土之燥得水之精于土之濡故水火相待而不相害鏘之反流而不耗蓋得土之精實于水火之際也土者物之所以成始而成終也地之質也化之終也水火之所以升降物兼體而不遺者也

格致論上篇

六

陽陷於陰爲水附於陰爲火

天道篇

天道四時行百物生無非至教聖人之動無非至德夫何言哉

天體物不遺猶仁體事無不在也禮儀三百威儀三千無一物而非仁也昊天曰明及爾出王昊天曰旦及爾游衍無一物之不體也

天不言而四時行聖人神道設教而天下服誠於此動於彼神之道與

天之不測謂神神而有常謂天運於無形之謂道形而下者不足以言之

人之知物不以耳目心思然知之之理過於耳目心思天視聽以民明威以民故詩書所謂帝天之命主於民心而已焉

自天德然後天地之道可一言而盡

神化篇

神天德化天道德其體化其用一于氣而已

虛明照察神之明也無遠近幽深利用出入神之充塞無同也

其有陰陽推行有漸爲化合一不測爲神其在人也知義用則神化之事備矣德盛者窮神則知不足道知化則義不足云天之化也運諸氣人之化

神化篇上篇

七

也順大時非氣非時則化之名何有化之實何施中庸曰至誠爲能化孟子曰大而化之皆以其德合陰陽與天地同流而無不通也所謂氣也者非待其蒸鬱凝聚接於目而後知之苟健順動止浩然湛然之得言皆可名之象爾然則象若非氣指何爲象時若非象指何爲時世人取釋氏銷礙入空學者舍惡趨善以爲化此直可爲始學遺累者薄乎云爾豈天道神化所同語也哉

鬼神常不死故誠不可掩人有是心在隱微必乘間而見故君子雖處幽獨防亦不懈

人可爲也大而化不可爲也在熟而已易謂窮神知

化乃德盛仁熟之效非智力能強也

見幾則義明動而不括則用利屈伸順理則身安而德滋窮神知化與天爲一豈有我能勉哉乃德盛而自致爾

精義入神事豫吾內求利吾外也利用安身素利吾外致養吾內也窮神知化乃養盛自致非思勉之能強故崇德而外君子未或致知也

神不可致思存焉可也化不可助長順焉可也存虛明久至德順變化達時中仁之至義之盡也知微知彰不舍而繼其善然後可以成之性矣

聖不可知謂神莊生謬妄又謂有神人焉

神化篇上篇

大

知神而後能饗帝饗親見易而後能知神是故不聞性與天道而能制禮作樂者末矣

動物篇

賢才出國將昌子孫才族將大

誠明篇

義命合一存乎理仁智合一存乎聖動靜合一存乎神陰陽合一存乎道性與天道合一存乎誠

天所以長久不已之道乃所謂誠仁人孝子所以事天誠身不過不已於仁孝而已故君子誠之爲貴自明誠由窮理而盡性也自誠明由盡性而窮理也性者萬物之一源非有我得私也惟大人爲能盡

其道是故立必俱立知必周知愛必兼愛成不獨成彼自蔽塞而不知順吾理者則亦末如之何矣天所性者通極于道氣之昏明不足以蔽之天所命者通極於性遇之吉凶不足以戕之不免于蔽之戕之者未之學也性通乎氣之外命行乎氣之內氣無內外假有形而言爾故思知人不可不知天盡其性然後能至于命知性知天則陰陽鬼神皆吾分內爾

天性在人正猶水性之在冰凝釋雖異爲物一也受光有大小昏明其照納不二也

湛一氣之本攻取氣之欲口腹於飲食鼻舌於臭味皆攻取之性也知德者居欲而已不以嗜欲累其

孟子卷之七

元

心不以小害大末喪本焉爾

心能盡性人能弘道也性不知檢其心非道弘人也盡其性能盡人物之性至於命者亦能至人物之命莫不性諸道命諸天我體物未嘗遺物體我知其不遺也至於命然後能成已成物不失其道

性於人無不善繫其善反不善反而已過天地之化不善反者也命於人無不正繫其順與不順而已行險以僥倖不順命者也

形而後有氣質之性善反之則天地之性存焉故氣質之性君子有弗性者焉

德不勝氣性命於氣德勝其氣性命於德窮理盡性

則性天德命天理氣之不可變者獨死生修夭而已故論死生則曰有命以言其氣也語富貴則曰在天以言其理也此大德所以必受命易簡理得而成位乎天地之中也所謂天理也者能悅諸心能通天下之志之理也能使天下悅且通則天下必歸焉不歸焉者所秉所遇之不同如仲尼與繼世之君也舜禹有天下而不與焉者正謂天理馴致非氣稟當然非志意所與也必曰舜禹云者餘非乘勢則求焉者也

纖惡必除善斯成性矣察惡未盡雖善必粗矣

莫非天也陽明勝則德性用陰濁勝則物欲行領惡

格致論上編

辛

而全好者其必由學乎

屈信相感而利生感以誠也情偽相感而利害生雜之偽也至誠則順理而利偽則不循理而害順性命之理則所謂吉凶莫非正也逆理則凶爲自取吉其險幸也

莫非命也順受其正順性命之理則得性命之正滅理窮欲人爲之招也

大心篇

大其心則能體天下之物物有未體則心爲有外世人之心止於聞見之狹聖人盡性不以見聞格其心其視天下無一物非我孟子謂盡心則知性知

天以此天大無外故有外之心不足以合天心見聞之知乃物交而知非德性所知德性所知不萌於見聞

天之明莫大於日故有目接之不知其幾萬里之高也天之聲莫大於雷霆故有耳屬之莫知其幾萬里之遠也天之不禦莫大於太虛故心知廓之莫究其極也人病其以耳目見聞累其心而不務盡其心故思盡其心者必知心所從來而後能體物體身道之本也身而體道其爲人也大矣道能物身故大不能物身而累於身則藐乎其卑矣能以大體身則能體物也不疑

格致講授上編

圭

釋氏不知天命而以心法起滅天地以小緣大以末緣本其不能窮而謂之幻妄真所謂疑冰者歟釋氏妄意天性而不知範圍天用反以六根之微因緣天地明不能盡則誣天地日月爲幻妄蔽其用於一身之小溺其志於虛空之大所以語大語小流通失中其過於大也塵芥六合其蔽於小也夢幻人世謂之窮理可乎不知窮理而謂盡性可乎謂之無不知可乎塵芥六合謂天地爲有窮也夢幻人世明不能究所從也

中正篇

可欲之謂善志仁則無惡也誠善於心之謂信充內

形外之謂美塞乎天地之謂大大能成性之謂聖天地同流陰陽不測之謂神

大而未化未能有其大化而後能有其大極其大而後中可求止其中而後大可有尊德性則學問從而不道不致廣大則精微無所立其誠不極高明則擇乎中庸失時措之宜矣絕四之外心可存處蓋必有事焉而聖不可知也不得已而後爲至於不得爲而止斯智矣夫志道則進據者不止矣依仁則小者可游而不失和矣

志學然後可與適道強禮然後可與立不惑然後可

格致講授上編

圭

與權博文以集義集義以正經正經然後一以貫天下之道

將窮理而不順理將精義而不徙義欲資深且習察吾不知其智也

君子於天下達善達不善無物我之私循理者共悅之不循理者共改之改之者過雖在人如在己不忘自訟共悅者善雖在己蓋取諸人而爲必以與人焉善以天下不善以天下是謂達善達不善責已者當知天下國家無皆非之理故學至於不尤人學之至也

學者捨禮義則飽食終日無所猷爲與下民一致所

事不踰衣食之間燕游之樂爾

儒者窮理故率性可以謂之道浮圖不知窮理而自謂之性故其說不可推而行

道以德者運於物外使自化也故論人者先其意而遜其志可也蓋志意兩言則志公而意私爾

至當篇

必物之同者已則異矣必物之是者已則非矣安所遇而敦仁故其愛有常心有常心則物被常愛也

易簡然後能知險阻易簡理得然後一以貫天下之道易簡故能說諸心知險阻故能研諸慮知幾爲

林氏講授上編

三

能以屈爲伸

將致用者幾不可緩思進德者徙義必精此君子所以立多凶多懼之地乾乾德業不少懈於趨時也有吉凶利害然後人謀作大業生若無施不宜則何業之有

作者篇

上天之載無聲臭可象正惟儀刑文王當冥契天德而萬邦信悅故易曰神而明之存乎其人不以聲色爲政不革命而有中國嘿順帝則而天下自歸者其惟文王乎

三十篇

三十器於禮非強立之謂也四十精義致用時措而不疑五十窮理盡性至天之命然不可自謂之至故曰知六十盡人物之性聲入心通七十與天同德不思不勉從容中道

常人之學日益而不自知也仲尼學行習察異於他人故自十五至於七十化而知裁其德進之盛者與窮理盡性然後至於命盡人物之性然後耳順與天地參無意必固我然後範圍天地之化從心而不踰矩老而安死然後不夢周公

困而不知變民斯爲下矣不待困而喻賢者之常也困之進人也爲德辨爲威遠孟子謂人有德慧術

林氏講授上編

三

知者存乎疾疾以此自古困於內無如舜困於外無如孔子以孔子之聖而下學於困則其蒙難正志聖德日躋必有人所不及知而天獨知之者矣故曰莫知我也夫知我者其天乎

仲由樂善故車馬衣裘喜與賢者共敝顏子樂進故願無伐善施勞聖人樂天故合內外而成其仁顏淵從師進德于孔子之門孟子命世修業於戰國之際此所以潛見之不同

有德篇

行修言道則當爲人取不務徇物強施以引取乎人故往教妄說皆取人之弊也

言有教動有法晝有爲宵有得息有養瞬有存

無微而言取不信啟詐妄之道也杞宋不足徵吾言

則不言周足徵則從之故無微不信君子不言

言形則卜如響以是知蔽固之私心不能嘿然以達

於性與天道

困辱非憂取困辱爲憂榮利非樂忘榮利爲樂

谷神能象其聲而應之非謂能報以律呂之變也猶

卜筮叩以是言則報以是物而已易所謂同聲相

應是也王弼謂命呂者律呂聲之變非此之謂也

大易篇

大易不言有無言有無諸子之陋也

穆村講錄上編

三

易語天地陰陽情僞至隱顯而不可惡也諸子馳騁

說辭窮高極幽而知德者厭其言故言爲非難使

君子樂取之爲貴

易爲君子謀不爲小人謀故撰德於卦雖爻有大小

及繫辭其爻必論之以君子之義

一物而兩體其太極之謂與陰陽天道象之成也剛

柔地道法之效也仁義人道性之立也三才兩之

莫不有乾坤之道

陰陽剛柔仁義之本立而後知趨時應變故乾坤毀

則無以見易

六爻各盡利而動所以順陰陽剛柔仁義性命之理

也故曰六爻之動三極之道也

尚辭則言無所苟尚變則動必精義尚象則法必致

用尚占則謀必知來四者非知神之所爲孰能與

於此

易非天下之至精則詞不足待天下之問非深不足

通天下之志非通變極數則文不足以成物象不

足以制器幾不足以成務非周知兼體則其神不

能通天下之故不疾而速不行而至

顯道者危使平易使傾懼以終始其要無咎之道也

神德行者寂然不動冥會於萬化之感而莫知爲

之者也受命如響故可與酬酢曲盡鬼謀故可以

穆村講錄上編

美

佑神

乾之四德終始萬物迎之隨之不見其首尾然後推

本而言當父母萬物

彖明萬物資始故不得不以元配乾坤其偶也故不

得不以元配坤

乾至健無體爲感速故易知坤至順不煩其施普故

簡能

靜之動也無休息之期故地雷爲卦言反又言復終

則有始循環無窮人指其化而裁之爾深其反也

幾其復也故曰反復其道又曰出入無疾

辭各指其所之聖人之情也指之以趨時盡利順性

命之理臻三極之道也能從之則不陷于凶悔矣所謂變動以利言者也然又有攻取愛惡本情素動因生吉凶悔吝而不可變者乃所謂吉凶以情遷者也能深存繫辭所命則二者之動見矣又有義命當吉當凶當否當亨者聖人不使避凶趨吉一以貞勝而不顧如大人否亨有隕自天過涉滅頂凶无咎損益龜不克違及其命亂也之類三者情異不可不察

樂器篇

九疇次敘民資以生莫先天材故首曰五行君天下必先正己故次五事已正然後邪得而治故次八

穆村講授上編

五

政政不時舉必昏故次五紀五紀明然後時措得中故次建皇極求大中不可不知權故次三德權必有疑故次稽疑可徵然後疑決故次庶徵福極徵然後可不勞而治故九以嚮勸終焉五爲數中故皇極處之權過中而合義者也故三德處六

乾稱篇

至誠天性也不息天命也人能至誠則性盡而神可窮矣不息則命行而化可知矣學未至知化非真得也

天包載萬物於內所感所性乾坤陰陽二端而已無內外之合無耳目之引取與人物最然異矣人能

盡性知天不爲最然起見則幾矣

有無一內外合此人心之所自來也若聖人則不專以聞見爲心故能不專以聞見爲用無所不感者虛也感即合也成也以萬物本一故一能合異以其能合異故謂之感若非有異則無合天性乾坤陰陽也二端故有感本一故能合天地生萬物所受雖不同皆無須臾之不感所謂性即天道也感者性之神性者感之體惟屈伸動靜終始之能一也故所以妙萬物而謂之神通萬物而謂之道體萬物而謂之性

穆村講授上編

天

人一已百人十已千然有不至猶難語性可以言氣行同報異猶難語命可以言遇

浮屠明鬼謂有識之死受生循環遂厭苦求免可謂知鬼乎以人生爲妄可謂知人乎天人一物輒生取舍可謂知天乎孔孟所謂天彼所謂道惑者指游魂爲變爲輪迴未之思也大學當先知天德知天德則知聖人知鬼神今浮屠極論要歸必謂死生轉流非得道不免謂之悟道可乎自其說熾傳中國儒者未容窺聖學門牆已爲引取淪胥其間指爲大道其俗達之天下致善惡知愚男女臧獲人人著信使英才間氣生則溺耳目恬習之事長

則師世儒宗尚之言遂冥然被驅因謂聖人可不修而至大道可不學而知故未識聖人心已謂不必求其迹未見君子志已謂不必事其文此人倫所以不察庶物所以不明治所以忽德所以亂異言滿耳上無禮以防其僞下無學以稽其弊自古誠淫邪遁之詞翕然並興一出於佛氏之門者千五百年自非獨立不懼精一自信有大過人之才何以正立其間與之較是非計得失

釋氏語實際乃知道者所謂誠也天德也其語到實際則以人生爲幻妄有爲爲疣贅以世界爲蔭濁遂厭而不有遣而弗存就使得之乃誠而惡明者

榕村講授上編

完

也儒者則因明致誠因誠致明故天人合一致學而可以成聖得天而未始遺人易所謂不遺不流不過者也彼語雖似是觀其發本要歸與吾儒二本殊歸矣道一而已此是則彼非此非則彼是固不當同日而語其言流遁失守窮大則淫推行則誠致曲則邪求之一卷之中此弊數數有之大率知晝夜陰陽則能一性命能知性命則能知聖人知鬼神彼欲直語太虛不以晝夜陰陽累其心則是未始見易未始見易則雖欲免陰陽晝夜之累未由也已易且不見又烏能更語真際捨真際而談鬼神妄也所謂實際彼徒能語之而已未始心

解也

易謂原始反終故知死生之說者謂原始而知生則求其終而知死必矣此夫子所以宜子路之間而不隱也

體不偏滯乃可謂無方無體偏滯於晝夜陰陽者物也若道則兼體而無累也以其兼體故曰一陰一陽又曰陰陽不測又曰一闢一闢又曰通乎晝夜語其推行故曰道語其不測故曰神語其生生故曰易其實一物指事異名爾

益物必誠如天之生物日進日息自益必誠如川之方至日增日得施之妄學之不勤欲自益且益人

榕村講授上編

三

難矣哉易曰益長裕而不設信夫

戲言出於思也戲動作於謀也發乎聲見乎四支謂非已心不明也欲人無已疑不能也過言非心也過動非誠也失於聲繆迷其四體謂已當然自誣也欲他人已從誣人也或者以出於心者歸咎爲已戲失於思者自誣爲已誠不知戒其出汝者歸咎其不出汝者長傲且遂非不知孰甚焉

附錄

所訪物怪神姦此非難說顧語未必信耳孟子所論知性知天學至於知天則物所從出當源源自見知所從出則物之當有當無莫不心喻亦不待語

而知諸公所論但守之不失不爲異端所劫進進不已則物怪不須辨異端不必攻不逾期年吾道勝矣若欲委之無窮付之以不可知則學爲疑撓智爲物昏交來無間卒無以自存而溺於怪妄必矣

朝廷以道學政術爲二事此正自古之可憂者孔孟可作將推其所得而施諸天下耶將以其所不爲而強施之於天下與大都君相以父母天下爲王道不能推父母之心于百姓謂之王道可乎所謂父母之心非徒見於言必須視四海之民如已之子設使四海之內皆爲已之子則講治之術必不

樸村講授上編

卷

爲秦漢之少思必不爲五伯之假名人不足與適也政不足問也能使吾君愛天下之人如赤子則治德必日新人之進者必良士帝王之道不必改途而成學與政不殊心而得矣

右二條答范與之

天地變化至著至速者目爲鬼神所謂吉凶害福誅殛窺伺豈天所不能耶必有耳目口鼻之象而後能之耶

所謂山川門雷之神與郊社天地陰陽之神有以異乎易謂天且不違而況于鬼神乎仲尼以何道而異其稱耶又謂游魂爲變魂果何物其游也情狀何如試求之使無疑然後可以拒怪神之說知亡

者之歸此外學素所援據以質成其論者不可不察以自快其疑耳

心統性情者也

未能立心惡思多之致疑既知所立惡講治之不精講治致思莫非術內雖勤而何厭所以急於可欲者求立吾心于不疑之地然後若決江河以刊吾往遜此志務時敏厥修乃來故雖仲尼之才之美然且敏以求之今持不逮之資而欲徐徐以聽其自適非所問也

爲天地立心爲生民立道爲去聖繼絕學爲萬世開太平

樸村講授上編

卷

爲學大益在自求變化氣質不爾皆爲人之弊卒無所發明不得見聖人之奧

心大則百物皆通心小則百物皆病

既學而先有以功業爲意者于學便相害既有必穿鑿創意作起事端德未成而先以功業爲事是代大匠斲希不傷手也

爲嘗病孔孟既沒諸儒黨然不知反約窮源勇于苟作持不逮之資而急知後世明者一覽如見肺肝然多見其不知量也方且劍艾其弊默養吾誠顧所患口力不足而未果他爲也

世祿之榮王者所以錄有功尊有德愛之厚之示恩

遇之不窮也爲人後者所宜樂職勸功以服勤事
任長廉遠利以似述世風而近代公卿子孫方且
下比布衣工聲病售有司不知求仕非義而反差
循理爲無能不知蔭襲爲榮而反以虛名爲善繼
誠何心哉

人不足與適也政不足問也惟大人爲能格君心之
非非唯君心至於明游學者之際彼雖議論異同
未欲深較惟整理其心使歸之正豈小補哉

吾學既得於心則修其辭命辭無差然後斷事斷事
無夫吾乃沛然精義入神者像而已矣右一條
見近思錄
不書

朱子語類

卷

論定性書 答橫渠先生

程子明道

承教論以定性未能不動猶累於外物此賢者慮之
熟矣尚何俟小子之言然嘗思之矣敢貢其說於左
右所謂定者動亦定靜亦定無將迎無內外苟以外
物爲外牽已而從之是以已性爲有內外也且以性
爲隨物于外則當其在外時何者爲在內是有意于
絕外誘而不知性之無內外也既以內外爲二本則
又烏可遽語定哉夫天地之常以其心普萬物而無
心聖人之常以其情順萬事而無情故君子之學莫
若廓然而大公物來而順應易曰貞吉悔亡憧憧往
來朋從爾思苟規規于外誘之除將見滅於東而生

朱子語類

卷

于西也非惟日之不足顧其端無窮不可得而除也
人之情各有所蔽故不能適道大率患在於自私而
用智自私則不能以有爲爲應迹用智則不能以明
覺爲自然今以惡外物之心而求照無物之地是反
鑑而索照也易曰艮其背不獲其身行其庭不見其
人孟氏亦曰所惡于智者爲其鑿也與其非外而是
內不若內外之兩忘也兩忘則澄然無事矣無事則
定定則明明則尚何應物之爲累哉聖人之喜怒哀樂
之當喜聖人之怒以物之當怒是聖人之喜怒哀樂
于外者爲非而更求在內者爲是也今以自私用智

之喜怒而視聖人喜怒之正爲何如哉夫人之情易發而難制者惟怒爲甚第能於怒時遽忘其怒而觀理之是非亦可以見外誘之不足惡而于道亦思過半矣心之精微口不能宣加之素拙于文辭又吏事匆匆未能精慮當否佇報然舉大要亦當近之矣道近求遠古人所非惟聰明裁之

顏子所好何學論

程子伊川

聖人之門其徒三千獨稱顏子爲好學夫詩書六藝三千子非不習而通也然則顏子所獨好者何學也學以至聖人之道也聖人可學而至歟曰然學之道如何曰天地儲精得五行之秀者爲人其本也真而靜其未發也五性具焉曰仁義禮智信形既生矣外物觸其形而動于中矣其中動而七情出焉曰喜怒哀樂愛惡欲情既熾而益蕩其性鑿矣是故覺者約其情使合于中正其心養其性故曰性其情愚者則不知制之縱其情而至於邪僻情其性而亡之故曰情其性凡學之道正其心養其性而已中正而誠則

聖矣君子之學必先明諸心知所養然後力行以求至所謂自明而誠也故學必盡其心盡其心則知其性知其性反而誠之聖人也故洪範曰思曰睿睿作聖誠之道在乎信道篤信道篤則行之果行之果則守之固仁義忠信不離乎心造次必於是顛沛必於是出處語默必於是久而弗失則居之安動容周旋中禮而邪僻之心無自生矣故顏子所事則曰非禮勿視非禮勿聽非禮勿言非禮勿動仲尼稱之則曰得一善則拳拳服膺而弗失之矣又曰不遷怒不貳過有不善未嘗不知知之未嘗復行也此其好之篤學之道也視聽言動皆禮矣所異于聖人者蓋

聖人則不思而得不勉而中從容中道顏子則必思而後得必勉而後中故曰顏子之與聖人相去一息孟子曰充實而有光輝之謂大化而化之之謂聖聖而不可知之謂神顏子之德可謂充實而有光輝矣所未至者守之也非化之也以其好學之心假之以年則不日而化矣故仲尼曰不幸短命死矣蓋傷其不得至於聖人也所謂化之者入於神而自然不思而得不勉而中之謂也孔子曰七十而從心所欲不逾矩是也或曰聖人生而知之者也今謂可學而至其有爲乎曰然孟子曰克舜性之也湯武反之也性之者生而知之者也反之者學而知之者也又曰孔子則生而知也孟子則學而知也後人不達以爲聖本生知非學可至而爲學之道遂失不求諸已而求諸外以博聞強記巧文麗辭爲工榮華其言鮮有至於道者則今之學與顏子所好異矣

粹精講授上編

三

易傳

程子伊川

乾健也健而無息之謂乾夫天專言之則道也天且弗違是也分而言之則以形體謂之天以主宰謂之帝以功用謂之鬼神以妙用謂之神以性情謂之乾

乾以龍爲象龍之爲物靈變不測故以象乾道變化陽氣消息聖人進退初九在一卦之下爲始物之端陽氣方萌聖人偶微若龍之潛隱未可自用當時養以俟時

四德之元簡五常之仁篇言則一事專言則包四者大人與天地日月四時鬼神合者合乎道也天地者

粹精講授上編

三

道也鬼神者造化之迹也聖人先於天而天同之後于天而能順天者合於道而已合于道則人與鬼神豈能違也

取牝馬爲象者以其柔順而健行地之類也行地無疆謂健也乾健坤順坤亦健乎曰非健何以配乾未有乾行而坤止也

先唱則述失陰道後和則順而得其常理西南陰方從其類得朋也東北陽方離其類喪朋也離其類而從陽則能成生物之功終有吉慶也與類行者本也從於陽者用也陰體柔躁故從于陽則能安貞而吉應地道之無疆也

爲臣處下之道不當有其功善必含晦其美乃正而可常然義所當爲者則以時而發不有其功耳不失其宜乃以時也非含藏終不爲也含而不爲不盡忠者也

君子主敬以直其內守義以方其外敬立而內直義形而外方義形於外非在外也

二守中正不苟合於初所以不字苟貞固不易至於十年屯極必通乃獲正應而字育矣以女子陰柔苟能守其志節久必獲通況君子守道不問乎初爲賢明剛正之人而爲寇以侵逼于人何也曰此自據二以柔近剛而爲義更不計初之德如何也

榕村講授一

彖

易之取義如此

山下出泉出而遇險未有所之蒙之象也若人蒙穉未知所適也君子觀蒙之象以果行育德觀其出而未能通行則以果決其所行觀其始出而未有所向則以養育其明德也

雲氣蒸而上升于天必待陰陽和洽然後成雨雲方上升于天未成雨也故爲須待之義陰陽之氣交感而未成雨澤猶君子畜其才德而未施于用也君子觀雲上升于天雷而爲雨之象懷其道德安以待時飲食以養其氣體宴樂以和其心志所謂居易以俟命也

天上水下相違而行二體違戾訟之由也若上下相順訟何由興君子觀象知人情有爭訟之道凡所作事必謀其始絕訟端于事之始則訟無由生矣謀始之義廣矣若慎交結明契券之類是也

初師之始也故言出師之義及行師之道在邦國興師而言合義理則是以律法也謂以禁亂誅暴而動苟動不以義則雖善亦凶道也善謂克勝凶謂殃民害義也在行師而言律謂號令節制行師之道以號令節制爲本所以統制於衆不以律則雖善亦凶雖使勝捷猶凶道也制師無法而不敗且勝者時有之矣聖人之所戒也

榕村講授上編

卑

五君位與師之主也故言與師任將之道師之興必以蠻夷猾夏寇賊姦宄爲生民之害不可懷來然後奉辭以誅之若禽獸入于田中侵害稼穡于義宜獵取則獵取之如此而動乃得无咎若輕動以毒天下其咎大矣執言奉辭也明其罪而討之也若秦皇漢武皆窮山林以索禽獸者也非田有禽也任將授師之道當以長子帥師二在下而爲師之主長子也若以弟子衆主之則所爲雖正亦凶也弟子凡非長者也自古任將不專而致覆敗者如晉荀林父邲之戰唐郭子儀相州之敗是也此之道由兩志相求兩志不相求則睽矣君懷撫其

下下親輔于上親戚朋友鄉黨皆然故當上下合志以相從苟無相求之意則離而凶矣大抵人情相求則合相持則睽相持相待莫先也人之相親固有道然而欲比之志不可緩也

王者顯明其比道天下自然來比來者撫之固不煦煦然求比于物若田之三驅禽之去者從而追來者則取之也此王道之大所以其民皞皞而莫知爲之者也

畜道不能成大如密雲而不成雨陰陽交而和則和固而成雨二氣不和陽尚往而上故不成雨蓋自我陰方之氣先倡故不和而不能成雨其功施未

榕村講學上編

聖

行也小畜之不能成大猶西郊之雲不能成雨也畜聚爲蘊畜之義君子所蘊畜者大則道德經綸之業小則文章才藝君子觀小畜之象以懿美其文德文德方之道義爲小也

四於畜時處近君之位畜君者也若內有孚誠則五志信之從其畜也卦獨一陰畜衆陽者也諸陽之志係乎四四苟欲以力畜之則一柔敵衆剛必見傷害唯盡其孚誠以應之則可以感之矣故其傷害遠其危懼免也如此則可以无咎不然則不免乎害矣此以柔畜剛之道也以人君之威嚴而徵細之臣有能畜止其欲者蓋有孚信以感之也

大畜畜之大故極而散小畜畜之小故極而成尚德載四用柔巽之德積滿而至于成也陰柔之畜剛非一朝一夕之能成由積累而至可不戒乎載積滿也詩云厥聲載路婦貞厲婦謂陰以陰而畜陽以柔而制剛婦若貞固守此危厲之道也安有婦制其夫臣制其君而能安者乎

古之時公卿大夫而下位各稱其德終身居之得其分也位未稱德則君舉而進之士修其學學至而君求之皆非有預于已也農工商賈勤其事而所享有限故皆有定志而天下之心可一後世自庶士至于公卿目志于尊榮農工商賈日志于富侈

榕村講學上編

聖

億兆之心交驚于利天下紛然如之何其可一也欲其不亂難矣此由上下无定志也君子觀履之象而分辨上下使各當其分以定民之心志也古之聖人居天下之尊明足以照剛足以決勢足以專然而未嘗不盡天下之議雖芻蕘之微必取乃其所以爲聖也履帝位而光明者也若自任剛明決行不顧雖使得正亦危道也可固守乎有剛明之才苟專自任猶爲危道况剛明不足者乎上處履之終于其終視其所履行以考其善惡禍福若其旋則善且吉也旋謂周旋完備无不至也人之所履考視其終若終始周完无疚善之至也是

以元吉人之吉凶係其所履善惡之多寡吉凶之
小大也

既取陰陽交和又取君子道長陰陽交和乃君子之
道長也

君子之進必以其類不惟志在相先樂于與善實乃
相賴以濟故君子小人未有能獨立不賴朋類之
助者也自古君子得位則天下之賢萃於朝廷同
志協力以成天下之泰小人在位則不肖者並進
然後其黨勝而天下否矣蓋各從其類也

泰之時則以同征爲吉否之時則以同貞爲亨始以
內小人外君子爲否之義復以初六否而在下爲

傳附錄上編

四

君子之道易隨時取義變動无常否之時在下者
君子也否之三陰上皆有應在否陽之時陽絕不
相通故无應義初六能與其類貞因其節則處否
之吉而其道之亨也當否而能進者小人也君子
則伸道免禍而已君子進退未嘗不與其類同也
六二其質則陰柔其居則中正以陰柔小人而言則
方否于下志所包畜者在承順乎上以求濟其否
爲身之利小人之吉也大人當否則以道自處豈
肯枉已屈道承順于上唯自守其否而已身之否
乃其道之亨也

三以陰柔不中不正而居否又切近于上非能守道

安命窮斯濫矣極小人之情狀者也其所包畜謀
慮邪濫无所不至可羞恥也

君子志存乎謙巽達理故樂天而不競內充故退讓
而不矜安履乎謙終身不易自卑而人益尊之自
晦而德益光顯此所謂君子有終也在小人則有
欲必競有德必伐雖使勉慕于謙亦不能安行而
固守不能有終也

雷者陽氣奮發陰陽相薄而成聲也陽始潛閉地中
及其動則出地奮震也始閉鬱及奮發則通暢和
豫故爲豫也坤順震發和順積中而發于聲樂之
象也先王觀雷出地而奮和暢發于聲之象作聲

傳附錄上編

四

樂以褒崇功德其殷盛至于薦之上帝推配之以
祖考殷盛也禮有殷奠謂盛也薦上帝配祖考盛
之至也

人之於豫樂心悅之故遲遲遂至于耽戀不能已也
二以中正自守其介如石其去之速不俟終日故
貞正而吉也處豫不可安且久也久則溺矣如二
可謂見幾而作者也

既有所隨是其所上守有變易也故曰官有渝貞吉
所隨得正則吉也有渝而不得正乃過動也出門
交有功人心所從多所親愛者也常人之情愛之
則見其是惡之則見其非故妻孥之言雖失而多

從所憎之言雖善爲惡也苟以親愛而隨之則是私情所與豈合正理故出門而交則有功也出門謂非私暱交不以私故其隨當而有功

甲數之首事之始也如辰之甲乙甲第甲令皆謂首也事之端也治蠱之道當思慮其先後三日蓋推原先後爲救弊可久之道先甲謂先于此究其所已然也後甲謂後于此慮其將然也一日二日至于三日言慮之深推之遠也究其所以然則知救之道慮其將然則知備之之方善救則前弊可革善備則後利可久此古之聖王所以新天下而垂後世也後之治蠱者不明聖人先甲後甲之誠

格致書卷上編

聖

慮淺而事近故勞於救世而亂不革功未及成而弊已生矣甲者事之首庚者變更之首制作政教之類則云甲舉其首也發號施令之事則云庚庚猶更也有所更變也

聖人爲戒必于方盛之時方盛而慮衰則可以防其滿極而圖其永久若既衰而後戒亦无及矣自古天下安治未有久而不亂者蓋不能戒于盛也方其盛而不知戒故狃安富則驕侈生樂舒肆則綱紀壞忘禍亂則毀孽萌是以浸淫不知亂之至也天道至神故曰神道觀天之運行四時无有差忒則見其神妙聖人見天道之神體神道以設教故天

下莫不服也夫天道至神故運行四時化育萬物无有差忒至神之道莫可名言惟聖人默契體其妙用設爲政教故天下之人涵泳其德而不知其功鼓舞其化而莫測其用自然仰觀而戴服故曰以神道設教而天下服矣

君子長負才業志在乎垂善天下然有卷懷自守者蓋时无明君莫能用其道不得已也豈君子之志哉故孟子曰中天下而立定四海之民君子樂之既觀見國之盛德光華古人所謂非常之遇也所以志願登進王朝以行其道故云觀國之光尚賓也尚謂志尚其志意願慕賓于王朝也

格致書卷上編

聖

質必有文自然之理理必有對待生生之本也有上則有下有此則有彼有質則有文一不獨立二則爲文非知道者孰能識之

諸陽消剝已盡獨有上九一爻尚存如碩大之果不見食將見復生之理上九亦變則純陰矣然陽无可盡之理變于上則生于下无間可容息也聖人發明此理以見陽與君子之道不可亡也或曰剝盡則爲純坤豈復有陽乎曰以卦配月則坤當十月以氣消息言則陽剝爲坤陽來爲復陽未嘗盡也剝盡于上則復生于下矣故十月謂之陽月恐疑其无陽也陰亦然聖人不言耳陰道盛極之時

其亂可知亂極則自當思治故衆心願載于君子
君子得輿也詩匪風下泉所以居變風之終也理
既如是在卦亦衆陰宗陽爲共載之象小人剝廬
若小人則當剝之極剝其廬矣无所容其身也更
不論爻之陰陽但言小人處剝極則及其廬矣廬
取在上之象

一陽復于下乃天地生物之心也先儒皆以靜爲見
天地之心蓋不知動之端乃天地之心也非知道
者孰能識之

雷行于天下陰陽交和相薄而成聲於是驚蟄藏振
萌芽發生萬物其所賦與洪纖高下各正其性命

榕村講授上編

聖

无有差妄物與无妄也先王觀天下雷行發生賦
與之象而以茂對天時養育萬物使各得其宜如
天與之无妄也茂盛也茂對之爲言猶盛行永言
之比對時謂順合天時天道生萬物各正其性命
而不妄王者體天之道養育人民以至昆蟲草木
使各得其宜乃對時育物之道也

君子法猶豕之義知天下之惡不可力制也則察其
機持其要塞絕其本原故不假刑法嚴峻而惡自
止也且如止盜民有欲心見利則動苟不知教而
迫於飢寒雖刑殺日施其能勝億兆利欲之心乎
聖人則知所以止之之道不尚威刑而修政教使

之有農桑之業知廉恥之道雖賞之不竊矣故止
惡之道在知其本得其要而已不嚴刑于彼而修
政于此是脩患豕牙之利不制其牙而猶其勢也
在身爲言語于天下則凡命令政教出於身者皆是
慎之則必當而无失在身爲飲食於天下則凡貨
資財用養于人者皆是節之則適宜而无傷推養
之道養德養天下莫不然也

顛覆則拂經不獲其養爾妄求于上往則得凶也今
有人才不足以自養見在上者勢力足以養人非
其放類妄求之取辱得凶必矣六二中正在他
且多吉而凶何也曰時然也陰柔既不足以自養

榕村講授上編

與

初上二爻皆非其與故往求則悖理而得凶也
上九以陽剛之德居師傅之任六五之君柔順而從
于已賴已之養是當天下之任天下由之以養也
以人臣而當是任必常懷危厲則吉也如伊尹周
公何嘗不憂勤兢畏故得終吉夫以君之才不足
而倚賴于已身當天下大任宜竭其才力濟天下
之艱危成天下之治安故曰利涉大川得君如此
之專受政如此之重苟不濟天下艱危何足稱委
遇而謂之賢乎當盡誠竭力而不顧慮然惕厲則
不可忘也

君子觀山澤通氣之象而虛其中以受于人夫人中

虛則能受實則不能入矣虛中者无我也中无私
主則无感不通以量而容之擇合而受之非聖人
有感必通之道也

感之道无所不通有所私係則害于感通乃有悔也
聖人感天下之心如寒暑雨暘无不通无不應者
亦貞而已矣貞者虛中无我之謂也憧憧往來朋
從爾思夫貞一則所感无不通若往來憧憧然用
其私心以感物則思之所及者有能感而動所不
及者不能感也是其朋類則從其思也以有係之
私心既主于一隅一事豈能廓然无所不通乎
君子之大壯者莫若克己復禮古人云自勝之謂強

榕村講學上編

癸

中庸于和而不流中立而不倚皆曰強哉矯赴湯
蹈火及武夫之勇可能也至于克己復禮則非
君子之大壯不可能也

譬如升進也推如抑退也于始進而言遂其進不遂
其進唯得正則吉也罔孚若在下而始進豈遽能
淡見信于上苟上未見信則當安中自守雍容寬
裕无急于求上之信也苟欲信之心切非汲汲以
失其守則悻悻以傷于義矣皆有咎也故裕則无
咎君子處進退之道也

君子之于進退或遲或速唯義所當未嘗不裕也聖
人恐後之人不達寬裕之義居位者廢職失守以

爲裕故特云初六裕則无咎者始進未受命當職
任故也若有官守不信于上而失其職一日不可
居也然事非一槩久速唯時亦容有爲之兆者
家人之道利在女正女正則家道正矣夫夫婦婦而
家道正獨云利女貞者夫正者身正也女正者家
正也女正則男正可知矣

正家之本在正其身正身之道一言一動不可易也
君子觀風自火出之象知事之由內而出故所言
必有物所行必有恒也物謂事實恒謂常度法則
也德業之著于外由言之謹于內也言慎行修
則身正而家治矣

榕村講學上編

辛

夫聖賢之處世在人理之常莫不大同于世俗所同
者則有時而獨異蓋于秉彝則同矣于世俗之失
則異也不能大同者亂常拂理之人也不能獨異
者隨俗習非之人也要在同而能異耳中庸曰和
而不流是也

當睽之時君心未合賢臣在下竭力盡誠期使之信
合而已至誠以感動之盡力以扶持之明義理以
致其知杜蔽惑以誠其意如是宛轉以求其合也
遇非枉道迎逢也巷非邪僻曲徑也故夫子特云
遇主于巷未失道也未非必也非必謂失道也
天下之難豈易平也非聖賢不能其用可謂大矣順

時而處量險而行從平易之道由至正之理乃塞之時用也

自古聖王救難定亂其始未暇遽爲也既安定則爲可久可繼之治自漢以下亂既除則不復有爲姑

隨時維持而已故不能成善治

在人上者施其澤以及下則益也取其下以自厚則損也譬諸蠶土損于上以培厚其基本則上下安固矣豈非益乎取于下以增上之高則危墜至矣豈非損乎

損飾所以存誠也故云易之用二篇可用享二篇之約可用享祭言在乎誠而已誠爲本也天下之害

榕村講校上編

卷

无不由末之勝也峻宇雕牆本于宮室酒池肉林本於飲食淫酷殘忍本于刑罰窮兵黷武本于征討凡人欲之過者皆本於奉養其流之遠則爲害矣先王制其本者天理也後人流于末者人欲也損之義損人欲以復天理而已

人君居得致之位操可致之權苟至誠益于天下天下受其大福其元吉不假言也有孚惠我德人君至誠益于天下天下之人无不誠愛戴以君之德澤爲恩惠也

上居无位之地非行益于人者也以剛處益之極求益之甚者也所應者陰非取善自益者也利者衆

人所同欲也專欲益己其害大矣欲之甚則昏蔽而忘義理求之極則侵奪而致仇怨故夫子曰放於利而行多怨孟子謂先利則不奪不廢聖賢之深戒也

小人方盛之時君子之道未勝安能顯然以正道決去之故含晦俟時漸圖消之之道今既小人衰微君子道盛當顯行之于公朝使人明知善惡故云揚于王庭孚信之在中誠意也號者命衆之辭君子之道雖長盛而不敢忘戒備故至誠以命衆使知尚有危道雖以此之甚盛決彼之甚衰若易而无備則有不虞之悔是尚有危懼必有戒懼之心

榕村講校上編

卷

則无患也聖人設戒之意深矣

一陰始生自是而長漸以盛大是女之將長壯也陰長則陽消女壯則男弱故戒勿用取如是之女取女者欲其柔和順從以成家道婚乃方進之陰漸壯而敵陽者是以不可取也女漸壯則失男女之正家道敗矣婚雖一陰甚微然有漸壯之道所以戒也

上者萃聚天下之道至于有廟極也萃生至衆也而可一其歸仰人心莫知其鄉也而能致其誠敬鬼神之不可度也而能致其來格天下萃合人心總攝衆志之道非一其至大莫過于宗廟故王者萃

天下之道至于有廟則萃道之至也祭祀之報本于人心聖人制禮以成其德耳故豺獾能祭其性然也

天下之聚必得大人以治之人聚則亂物聚則爭事聚則紊非大人治之則萃所以致爭亂也萃以不正則人聚爲苟合財聚爲悖人安得亨乎故利貞天地之化育萬物之生成凡有者皆聚也有无動靜終始之理聚散而已故觀其所以聚則天地萬物之情可見矣

上承貞者君之德民所歸也故此天下之道與萃天下之道皆在此三者既有其位又有其德中

梅村講授上編

垂

正无過咎而天下尚有未信服歸附者蓋其道未光大也元永貞之道未至也在修德以來之如苗民逆命帝乃誕敷文德舜德非不至也蓋有遠近昏明之異故其歸有先後既有未歸則當修德也萬物之進皆以順道也善不積不足以成名學業之充實道德之崇高皆由積累而至積小所以成高大升之義也

時雖困也處不失義則其道自亨困而不失其所亨也能如是者其唯君子乎若時當困而反亨身雖亨乃其道之困也

君子當困窮之時既盡其防慮之道而不得免則命

也當推致其命以遂其志知命之當然也則窮塞禍患不以動其心行吾義而已苟不知命則恐懼于險難隕穫于窮厄所守亡矣安能遂其爲善之志乎

井以濟用爲功幾至而未及用亦與未下絀于井同也君子之道貴乎有成所以五穀不熟不如莠稗掘井九仞而不及泉猶爲棄井有濟物之用而未及物猶无有也羸敗其瓶而失之其用喪矣

革者變其故也變其故則人未能遽信故必已日然後人心信從元亨利貞悔亡弊壞而後革之革之所以致其通也故革之而可以大亨革之而利于

梅村講授上編

垂

正道則可久而得去故之義无變動之悔乃悔亡也革而无其益猶可悔也况反害乎古人所以重改作也

人性本善有不可革者何也曰語其性則皆善也語其才則有下愚之不移所謂下愚有二焉自暴也自棄也人苟以善自治則无不可移者雖昏愚之至皆可漸磨而進也唯自暴者拒之以不信自棄者絕之以不爲雖聖人與居不能化而入也仲尼之所謂下愚也然天下自棄自暴者非必皆昏愚也往往強戾而才力有過人者商辛是也聖人以其自絕于善謂之下愚然考其歸則誠愚也既曰

下愚其能革而何也曰心雖絕于善道其畏威而寡罪則與人同也唯其有與人同所以知其非性之罪也

君子蘊其德久而必彰守其道其終必亨五有聰明之象而三終上進之物陰陽交暢則兩方兩且將雨也言五與三方將印合虧悔終吉謂不足之悔終當獲吉也

陽生上下而上進有亨之義又震爲動爲恐懼爲有主震而奮發動而進懼而修有主而保大皆可以致亨故震則有亨

畜止者制畜之義力止之也艮止者安止之義止其

格村講授上編

義

所也

人之所以不能安其止者動于欲也欲牽于前而求其止不可得也故艮之道當艮其背所見者在前而背乃背之是所不見也止于所不見則无欲以亂其心而止乃安不獲其身不見其身也謂忘我也无我則止矣不能无我无可止之道行其庭不見其人庭除之間至近也在背則雖至近不見謂不交于物也外物不接內欲不萌如是而止乃得止之道于止爲无咎也

艮其止謂止之而止也止之而能止者由止得其所也止而不得其所則无可止之理夫子曰於止知

其所止謂當止之所也夫有物必有則又止於慈子止於孝君止於仁臣止於敬萬物庶事莫不各有其所得其所則安失其所則悖聖人所以能使天下順治非能爲物作則也唯止之各於其所而已

九以剛實居上而又成艮之主在艮之終止之至堅篤者也敦篤實也居止之極故不過而爲敦人之止難于久終故節或移于晚守或失于終事或廢於久人之所同患也上九能敦厚于終止道之至善所以吉也

折獄者必照其情實唯明克允致刑者以威于姦惡

格村講授上編

義

唯斷乃成

兩澤相麗交相浸潤互有滋益之象故君子觀其象而以朋友講習朋友講習互相益也先儒謂天下之可說莫如朋友講習朋友講習固可說之大者然當明相益之象

小人者備之不至則害于善聖人爲戒之意深矣剝者消陽之名陰消陽者也蓋指上六故孚于剝則危也以五在說之時而審比于上六故爲之戒雖舜之聖且畏巧言令色安得不戒也說之惑人易人而可懼也如此

人之離散由乎中心心離則散矣治乎散亦本于中

能收合人心則散可聚也

中虛信之本中實信之質

豚躁魚冥物之難感者也孚信能感于豚魚則无不
至矣所以吉也忠信可以蹈水火况涉川乎守信
之道在乎堅正故利于貞也

君子之于議獄盡其忠而已于決死極于惻而已故
誠意常求于緩緩寬也于天下之事无所不盡其
忠而議獄緩死取其大者也

鶴鳴于幽隱之處不聞也而其子相應和中心之願
相通也好爵我有而彼亦繫慕說好爵之意同也
有孚于中物无不應誠同故也至誠无遠近幽深


程子講學上編

卷

之間故繫辭云善則千里之外應之不善則千里
違之言誠通也至誠感通之理知道者爲能識之
孤能度水濡尾則不能濟其老者多疑畏故履冰而
聽懼其陷也小者則未能畏慎故勇于濟汜當爲
佗壯勇之狀書曰佗佗勇夫小狐果於濟則濡其
尾而不能濟也未濟之時求濟之道當至慎則能
亨若如小狐之果則不能濟也既不能濟无所利
矣

太極圖解

朱子



○此所謂無極而太極也所以動而陽靜而陰之
本體也然非有以離乎陰陽也即陰陽而指其本
體不離乎陰陽而爲言耳○此○之動而陽靜而
陰也中○者其本體也○者陽之動也○之川所
以行也○者陰之靜也○之體所以立也○者○

程子講學上編

卷

之根也○者○之根也○此陽變陰合而生
水火木金土也○者陽之變也○者陰之合也○
陰盛故居右○陽盛故居左○陽稱故次火○陰
稱故次水○沖氣故居中而水火之○交系乎上
陰根陽陽根陰也水而木木而火火而上土而金
金而復水如環無端五氣布四時行也○
五行一陰陽五殊二實無餘欠也陰陽一太極精
粗本末無彼此也太極本無極上天之載無聲臭
也五行之生各一其性氣殊質異各一其○無假
借也○此無極二五所以妙合而無間也○乾男
坤女以氣化者言也各一其性而男女一太極也

○萬物化生以形化者言也各一其性而萬物一
太極也此以上引說解判圖體惟人也得其秀而
最靈則所謂人○者於是乎在矣然形○之爲也
神○之發也五性④⑤⑥⑦⑧之德也善惡男女之分
也萬事萬物之象也此天下之動所以紛綸交錯
而吉凶悔吝所由以生也惟聖人者又得夫秀之
精一而有以全乎○之體用者也是以一動一靜
各臻其極而天下之故常感通乎寂然不動之中
蓋中也仁也感也所謂○也○之川所以行也正
也義也寂也所謂○也○之體所以立也中正仁
義渾然全體而靜者常爲主焉則人○於是乎立

釋村請授上編

堯

而○④⑤⑥⑦⑧天地日月四時鬼神有所不能違
矣君子之戒愼恐懼所以修此而吉也小人之放
僻邪侈所以悖此而凶也天地人之道各一○也
陽也剛也仁也所謂○也物之始也陰也柔也義
也所謂○也物之終也此所謂易也而三極之道
立焉實則一○也故曰易有太極○之謂也

無極而太極

上天之載無聲無臭而實造化之樞紐品彙之
根柢也故曰無極而太極非太極之外復有無
極也

太極動而生陽動極而靜靜而生陰靜極復動一動一

靜五爲其根分陰分陽兩儀立焉

太極之有動靜是天命之流行也所謂一陰一陽
之謂道誠者聖人之本物之終始而命之道也其
動也誠之通也繼之者善萬物之所資以始也其
靜也誠之復也成之者性萬物各正其性命也動
極而靜靜極復動一動一靜互爲其根命之所以
流行而不已也動而生陽靜而生陰分陰分陽兩
儀立焉分之所以一定而不移也蓋太極者本然
之妙也動靜者所乘之機也太極形而上之道也
陰陽形而下之器也是以自其昔者而觀之則動
靜不同時陰陽不同位而太極無不在焉自其微

釋村請授上編

卒

者而觀之則冲漠無朕而動靜陰陽之理已悉具
于其中矣雖然推之于前而不見其始之合引之
於後而不見其終之離也故程子曰動靜無端陰
陽無始非知道者孰能識之

陽變陰合而生水火木金土五氣順布四時行焉
有太極則一動一靜而兩儀分有陰陽則一變一
合而五行具然五行者質具于地而氣行于天者
也以質而語其生之序則曰水火木金土而水木
陽也火金陰也以氣而語其行之序則曰木火土
金水而水火陽也金水陰也又統而言之則氣陽
而質陰也又錯而言之則動陽而靜陰也蓋五行

之變至于不可窮然無適而非陰陽之道至其所
以爲陰陽者則又無適而非太極之本然也夫豈
有所虧欠間隔哉

五行一陰陽也陰陽一太極也太極本無極也五行
之生也各一其性

五行具則造化發育之具無不備矣故又卽此而
推本之以明其渾然一體莫非無極之妙而無極
之妙亦未嘗不各具于一物之中也蓋五行異質
四時異氣而皆不能外乎陰陽陰陽異位動靜異
時而皆不能離乎太極至其所以爲太極者又初
無聲臭之可言是性之本體然也天下豈有性外

朱子語類上編

卷

之物哉然五行之生隨其氣質而所稟不同所謂
各一其性也各一其性則渾然太極之全體無不
各具于一物之中而性之無所不在又可見矣
無極之真二五之精妙合而凝乾道成男坤道成女
二氣交感化生萬物萬物生生而變化無窮焉

夫天下無性外之物而性無不在此無極二五所
以混融而無間者也所謂妙合者也其以理言無
妄之謂也精以氣言不二之名也凝者聚也氣聚
而成形也蓋性爲之主而陰陽五行爲之經緯錯
綜又各以類凝聚而成形焉陽而健者成男則父
之道也陰而順者成女則母之道也是人物之始

以氣化而生者也氣聚成形則形交氣感遂以形
化而人物生生變化無窮矣自男女而觀之則男
女各一其性而男女一太極也自萬物而觀之則
萬物各一其性而萬物一太極也蓋合而言之萬
物統體一太極也分而言之則一物各具一太極也
所謂天下無性外之物而性無不在者於此尤可
以見其全矣子思子曰君子語大天下莫能載焉
語小天下莫能破焉此之謂也

惟人也得其秀而最靈形既生矣神發知矣五性感
動而善惡分萬事出矣

此言衆人具動靜之理而常失之于動也蓋人物

朱子語類上編

卷

之生莫不有太極之道焉然陰陽五行氣質交運
而人之所稟獨得其秀故其心爲最靈而有以不
失其性之全所謂天地之心而人之極也然形生
于陰神發于陽五常之性感物而動而陽善陰惡
又以類分而五性之殊散爲萬事蓋二氣五行化
生萬物其在人者又如此自非聖人全體太極有
以定之則欲動情勝利害相攻入極不立而違禽
獸不遠矣

聖人定之以中正仁義而主靜立人極焉故聖人與
天地合其德日月合其明四時合其序鬼神合其吉
凶

此言聖人全動靜之德而常本之於靜也蓋人稟陰陽五行之秀氣以生而聖人之生又得其秀之秀者是以其行之也中其處之也正其發之也仁其裁之也義蓋一動一靜莫不有以全夫太極之道而無所虧焉則向之所謂欲動情勝利害相攻者乎此乎定矣然則靜者誠之復而性之真也苟非此心寂然無欲而靜則又何以酬酢事物之變而天下之動哉故聖人中正仁義動靜周流而其動也心主乎靜此其所以成位乎中而天地日月四時鬼神有所不能違也蓋必體立而後用有以行若君子論乾坤動靜而曰不專一則不能直遂

孫村講授上編

卷

不翕聚則不能發散亦此意爾

君子脩之吉小人悖之凶

聖人太極之全體一動一靜無適而非中正仁義之極蓋不假修爲而自然也未至此而修之君子之所以吉也不知此而悖之小人之所以凶也修之悖之亦在乎敬肆之間而已矣敬則欲寡而理明寡之又寡以至十無則靜虛動直而聖可學矣故曰立天之道曰陰與陽立地之道曰柔與剛立人之道曰仁與義又曰原始反終故知死生之說陰陽成象天道之所以立也剛柔成質地道之所以立也仁義成德人道之所以立也道一而已隨

事著見故有三才之別而于其中又各有體用之分焉其實則一太極也陽也剛也仁也物之始也陰也柔也義也物之終也能原其始而知所以生則反其終而知所以死矣此天地之間綱紀造化流行古今不言之妙聖人作易其大意蓋不出此故引之以證其說

大哉易也斯其至矣

易之爲書廣大悉備然語其至極則此圖盡之其指豈不深哉抑嘗問之程子是弟之學于周子也周子手是圖以授之程子之言性與天道多出于此然卒未嘗明以此圖示人是則必有微意焉學

孫村講授上編

卷

者亦不可以不知也

熹既爲此說嘗錄以寄廣漢張敬夫敬夫以書來曰二先生所與門人講論問答之言見于書者詳矣其于西銘蓋屢言之至此圖則未嘗一言及也謂其必有微意是則固然然所謂微意者果何謂耶熹竊謂以爲此圖立象盡意剖析幽微周子蓋不得已而作也觀其手授之意蓋以爲惟程子爲能當之至程子而不言則疑其本有能受之者爾夫既未能默識于言意之表則馳心空妙八耳出口其弊必有不勝言者近年已覺頗有此弊矣觀其答張闕中論易傳成書深患無受之者及東見錄中論橫

渠清虛一大之說使人向別處走不若且只道敬則其意亦可見矣若西銘則推人以之天卽近以明達於學者日用最爲親切非若此書詳于性命之原而略于進爲之目有不可以驟而語者也孔子雅言詩書執禮而于易則鮮及焉其意亦猶此耳韓子曰堯舜之利民也大禹之慮民也深熹子周子程子亦云旣以復于敬夫因記其說于此乾道癸巳四月旣望熹謹書

西銘解

朱子

乾稱父坤稱母予茲藐焉乃混然中處

天陽也以至健而位乎上父道也地陰也以至順而位乎下母道也人稟氣於天賦形於地以藐然之身混合無間而位乎中子道也然不曰天地而曰乾坤者天地其形體也乾坤其性情也乾者健而無息之謂萬物之所資以始者也坤者順而有常之謂萬物之所資以生者也是乃天地之所以爲大地而父母乎萬物者故指而言之

故天地之塞吾其體天地之帥吾其性

乾陽坤陰此天地之氣塞乎兩間而人物之所資

以爲體者也故曰天地之塞吾其體乾健坤順此天地之志爲氣之帥而人物之所得以爲性者也故曰天地之帥吾其性深察乎此則父乾母坤混然中處之實可見矣

民吾同胞物吾與也

人物並生於天地之間其所資以爲體者皆天地之塞其所得以爲性者皆天地之帥也然體有偏正之殊故其於性也不無明暗之異惟人也得其形氣之正是以其心最靈而有以通乎性命之全體于並生之中又爲同類而最貴焉故曰同胞則其視之也皆如已之兄弟矣物則得夫形氣之偏

而不能通乎性命之全故與我不同類而不若人之貴然原其體性之所自是亦本之天地而未嘗不同也故曰吾與則其視之也亦如已之儕輩矣惟同胞也故以天下爲一家中國爲一人如下文所云惟吾與也故凡有形于天地之間者若動若植有情無情莫不有以若其性遂其宜焉此儒者之道所以必至于參天地贊化育然後爲功用之全而非有所強於外也

大君者吾父母宗子其大臣宗子之家相也尊高年所以長其長慈孤弱所以幼其幼聖其合德賢其秀也凡天下疲癯殘疾惻獨鰥寡皆吾兄弟之顛連而

椿村講授上編

卷

無告者也

乾父坤母而人生其中則凡天下之人皆天地之子矣然繼承天地統理人物則大君而已故爲父母之宗子輔佐大君綱紀衆事則大臣而已故爲宗子之家相天下之老一也故凡尊天下之高年者乃所以長吾之長天下之幼一也故凡慈天下之孤弱者乃所以幼吾之幼聖人與天地合其德是兄弟之合德乎父母者也賢者才德過於常人

是兄弟之秀出乎等夷者也是皆以天地之子言之則凡天下之疲癯殘疾惻獨鰥寡非吾兄弟無告者而何哉

于時保之子之翼也樂且不憂純乎孝者也畏天以自保者猶其敬親之至也樂天而不憂者猶其愛親之純也

違曰悖德害仁曰賊濟惡者不才其踐形惟肖者也

不循天理而徇人欲者不愛其親而愛他人也故謂之悖德戕滅天理自絕本根者賊殺其親大逆無道也故謂之賊長惡不悛不可教訓者世濟其凶增其惡名也故謂之不才若夫盡人之性而有以充人之形則與天地相似而不違矣故謂之肖知化則善述其事窮神則善繼其志

椿村講授上編

矣

之道則所行者無非天地之事矣通神明之德則所存者無非天地之心矣此二者皆樂天踐形之事也

不愧屋漏爲無忝存心養性爲匪懈

孝經引詩曰無忝爾所生故事天者仰不愧俯不忤則不忝乎天地矣又曰夙夜匪懈故事天者存其心養其性則不懈乎事天矣此二者畏天之事而君子所以求踐大形者也

惡旨酒崇伯子之顧養育英才賴封人之錫類

好飲酒而不顧父母之養者不孝也故遇人欲如禹之惡旨酒則所以顧天之養者至矣性者萬物

之一源非有我之得私也故育英才如顏考叔之
及莊公則所以永錫爾類者廣矣

不弛勞而底豫舜其功也無所逃而待烹中其恭
也

舜盡事親之道而瞽瞍底豫其功大矣故事天者
盡事天之道而天心豫焉則亦天之舜也中其無
所逃而待烹其恭至矣故事天者天壽不貳而脩
身以俟之則亦天之中其生也

體其受而歸全者參乎勇于從而順令者伯奇也

父母全而生之子全而歸之若曾子之殺豚啓足
則體其所受乎親者而歸其全也况天之所以與

梓材講授上編

堯

我者無一善之不備亦全而生之也故事天者能
體其所受于天者而全歸之則亦天之曾子矣子
于父母東西南北唯令之從若伯奇之履霜中野
則勇於從而順令也况天之所以命我者吉凶禍
福非有人欲之私故事天者能勇于從而順受其
正則亦天之伯奇矣

富貴福澤將厚吾之生也貧賤憂戚庸玉女干成也
富貴福澤所以大奉于我而使吾之爲善也輕貧
賤憂戚所以拂亂于我而使吾之爲志也篤天地
之于人父母之于子其設心豈有異哉故君子之
事天也以周公之富而不至于驕以顏子之貧而

不改其樂其事親也愛之則喜而弗忘惡之則懼
而無怨其心亦一而已矣

存吾順事沒吾寧也

孝子之身存則其事親者不違其志而已沒則安
而無所愧于親也仁人之身存則其事天者不逆
其理而已沒則安而無所愧于天也蓋所謂朝聞
夕死吾得正而斃焉者故張子之銘以是終焉

梓材講授上編

丰

定性書解

朱子

定性者存養之功至而得性之本然也性定則動靜如一而內外無間矣天地之所以為天地聖人之所以為聖人不以其定乎君子之學亦以求定而已矣故廓然而大公者仁之所以為體也物來而順應者義之所以為用也仁立義行則性定而天下之動一矣所謂貞也夫豈急于外誘之除而反為是憧憧哉然常人之所以不定者非其性之本然也自私以賊其仁用智以害大義是以情有所蔽而憧憧耳不知其所以去其所蔽顧以意外物為心而反求照于無物之地亦見其用力愈勞而燭理愈昧益以憧憧而不自知也

榕村講授上編

主

不自知也良其背則不自私矣行無事則不用智矣內外兩忘非忘也一循于理不是內而非外也不是內而非外則大公而順應尚何事物之為累哉聖人之喜怒哀大公而順應天理之極也眾人之喜怒哀私而用智人欲之盛也忘怒則公觀理則順二者所以為自反而去蔽之方也夫張子之于道固非後學所敢議然意其強探力取之意多滯滯完養之功少故不能無疑于此程子以是發之其言深哉

答胡廣仲

朱子

伊川先生曰天地儲精得五行之秀者為人其本也真而靜其未發也五性具焉曰仁義禮智信形既生矣外物觸其形而動于中矣其中動而七情出焉曰喜怒哀樂愛惡欲情既熾而益蕩其性鑿矣熹詳味此數語與樂記之說指意不殊所謂靜者亦指未感時言爾當此之時心之所存渾是天理未有人欲之偽故曰天之性及其感物而動則是非真妄自此分矣然非性則亦無自而發故曰性之欲動字與中庸發字無異而其是非真妄特決于有節與無節中節與不中節之間耳來教所謂正要此處識得真妄是也

榕村講授上編

主

也然須是平日有涵養之功臨事方能識得若茫然都無主宰事至然後安排則已緩而不及于事矣至謂靜字所以形容天性之妙不可以動靜真妄言則熹却有疑焉蓋性無不該動靜之理其焉若專以靜字形容則反偏却性字矣記以靜為天性只謂未感物之前私欲未萌渾是天理耳不必以靜字為性之妙也真忘又與動靜不同性之為性天下莫不具焉但無妄耳今乃欲并與其真而無之此韓公道無真假之言所以見譏于明道也伊川所謂其本真而靜者真靜兩字亦自不同蓋真則指本體而言靜則但言其初未感物耳明道先生云人生而靜以上不容

說纔說性時便已不是性矣蓋人生而靜只是情之未發但于此可見天性之全非真以靜狀性也

記論性答葉後

此篇出於論定之初徒以一時之見驟正累年之失向背出入之際猶有未服習者又持孤論以當衆賢心不自安故自今讀之尚多遺恨如廣仲之言既以靜爲天性之妙又論性不可以真妄動靜言是知言所謂歎美之善而不與惡對者云爾應之宜曰善惡真妄動靜皆以對待而得名者也不與惡對不名爲善不與動對不名爲靜既非妄又非真則亦無物之可指矣今不知性之善而未始有惡也真而未始有

榕村講授中編

七

妄也主乎靜而涵乎動也顧曰凡有對者皆不可以言性而別有無對之善與靜焉然後可以形容天性之妙不亦異乎當時對既不出此它所自言亦多曠闕如論性無不該不可專以靜言此固是也然其說當云性之分雖屬乎靜而其蘊則該動靜而不偏故樂記以靜言性則可廣仲以靜形容天性之妙則不可如此則語意同矣如論程子真靜之說以真爲本體靜爲未感此亦是也然當云下文所謂未發卽靜之謂也所謂五性卽真之謂也然則仁義禮智信乃所謂未發之蘊而性之真也與如此則文義備矣

榕村講授中編目錄

董子對賢良策

論春秋

揚氏法書

王氏中說

韓子原性

原人

原道

師說

送王垣秀才序

與孟尚書書

答侯生問論語書

論佛骨表

禘祫議

請遷玄宗廟議

邵子觀物外篇

榕村講授中編目錄

胡氏知言

四十六條

一

對賢良策第一

董子

陛下發德音下明詔求天命與情性皆非愚臣之所能及也臣謹案春秋之中視前世已行之事以觀天人相與之際甚可畏也國家將有失道之敗而天乃先出災害以譴告之不知自省又出怪異以警懼之尚不知變而傷敗乃至以此見天心之仁愛人君而欲止其亂也自非大亡道之世者天盡欲扶持而安全之事在強勉而已矣強勉學問則聞見博而知益明強勉行道則德日起而大有功此皆可使還至而立有效者也詩曰以夜匪解書云茂哉茂哉皆強勉

榕村講授中編

之謂也道者所由適於治之路也仁義禮樂皆其具也故聖王已沒而子孫長久安寧數百歲此皆禮樂教化之功也王者未作樂之時乃用先王之樂宜於世者而以深入教化於民教化之情不得雅頌之樂不成故王者功成作樂樂其德也樂者所以變民風化民俗也其變民也易其化人也著故聲發於和而本於情接於肌膚感於骨髓故王道雖微缺而箎絃之聲未衰也夫虞氏之不為政久矣然而樂頌遺風猶有存者是以孔子在齊而聞韶也夫人君莫不欲安存而惡危亡然而政亂國危者甚衆所任者非其人所以者非其道是以政日以仆滅也夫周道衰於

幽厲非道亡也幽厲不由也至於宣王思昔先王之德興滯補弊明文武之功業周道粲然復興詩人美之而作上天祐之為生賢佐後世稱誦至今不絕此夙夜不解行善之所致也孔子曰人能弘道非道弘人也故治亂廢興在於已非天降命不可得反其所操持諄諄失其統也臣聞天之所大奉使之王者必有非人力所能致而自至者此受命之符也天下之人同心歸之若歸父母故天瑞應誠而至書曰白魚入于王舟有火復于王屋流為烏此蓋受命之符也周公曰復哉復哉孔子曰德不孤必有隣皆積善累德之效也及至後世淫佚衰微不能統理羣生諸侯

榕村講授中編

二

并畔殘賊良民以爭壤士廢德教而在刑罰刑罰不中則生邪氣邪氣積於下怨惡畜於上上下下不和則陰陽繆戾而妖孽生矣此災異所緣而起也臣聞命者天之令也性者生之質也情者人之欲也或天或壽或仁或鄙陶冶而成之不能粹美有治亂之所生故不齊也孔子曰君子之德風也小人之德草也草上之風必偃故堯舜行德則民仁壽桀紂行暴則民鄙夫夫上之化下下之從上猶泥之在鈞唯甄者之所為猶金之在鎔唯冶者之所鑄紱之斯條動之斯和此之謂也臣謹案春秋之文求王道之端得之於正正次王王次春秋者天之所為也正者王之所為

也其意曰上承天之所爲而下以正其所爲正王道之端云爾然則王者欲有所爲宜求其端於天天道之大者在陰陽陽爲德陰爲刑刑主殺而德主生是故陽常居大夏而以生育養長爲事陰常居大冬而積於空虛不用之處以此見天之任德不任刑也天使陽出布施於上而主歲功使陰入伏於下而時出佐陽陽不得陰之助亦不能成歲終陽以成歲爲名此天意也王者承天意以從事故任德教而不任刑刑者不可任以治世猶陰之不可任以成歲也爲政而任刑不順於天故先王莫之肯爲也今廢先王德教之官而獨任執法之吏治民毋乃任刑之意歟

榕村講學中編

三

孔子曰不教而誅謂之虐虐政用於下而欲德教之被四海故難成也臣謹案春秋謂一元之意一者萬物之所從始也元者辭之所謂大也謂一爲元者視大始而欲正本也春秋深探其本而反自貴者始故爲人君者正心以正朝廷正朝廷以正百官正百官以正萬民正萬民以正四方四方正遠近莫敢不壹於正而亡有邪氣奸其間者是以陰陽調而風雨時羣生和而萬民殖五穀熟而草木茂天地之間被潤澤而大豐美四海之內聞盛德而皆徠臣諸福之物可致之祥莫不畢至而王道終矣孔子曰鳳鳥不至河不出圖吾已矣夫自悲可致此物而身卑賤不得

致也今陛下貴爲天子富有四海居得致之位操可致之勢又有能致之資行高而恩厚知明而意美愛民而好士可謂誼主矣然而天地未應而美祥莫至者何也凡以教化不立而萬民不正也夫萬民之從利也如水之走下不以教化隄防之不能止也是故教化立而姦邪皆止者其隄防完也教化廢而姦邪並出刑罰不能勝者其隄防壞也古之王者明於此是故南面而治天下莫不以教化爲大務立大學以教於國設庠序以化於邑漸民以仁摩民以誼節民以禮故其刑罰甚輕而禁不犯者教化行而習俗美也聖王之繼亂世也埽除其迹而悉去之復修教化

榕村講學中編

四

而崇起之教化已明習俗已成子孫循之行五六百歲尚未敗也至周之末世大爲亡道以失天下秦繼其後獨不能改又益甚之重禁文學不得挾書棄捐禮義而惡聞之其心欲盡滅先聖之道而顯爲自恣苟簡之治故立爲天子十四歲而國破亡矣自古以來未嘗有以亂濟亂大敗天下之民如秦者也其遺毒餘烈至今未滅使習俗薄惡人民嚚頑抵冒殊扞熱爛如此之甚者也孔子曰腐朽之木不可彫也糞土之牆不可圻也今漢繼秦之後如朽木糞牆矣雖欲善治之無可奈何法出而姦生令下而詐起如以湯止沸抱薪救火愈甚無益也竊譬之琴瑟不調甚

者必解而更張之乃可鼓也爲政而不行甚者必變而更化之乃可理也當更張而不更張雖有良工不能善調也當更化而不更化雖有大賢不能善治也故漢得天下以來常欲善治而至今不可善治者失之於當更化而不更化也古人有言曰臨淵羨魚不如退而結網今臨政而願治七十餘歲矣不如退而更化更化則可善治善治則災害日去福祿日來詩云宜民宜人受祿于天爲政而宜於民者固當受祿於天夫仁義禮知信五常之道王者所當修飭也五者修飭故受天之祿而享鬼神之靈德施於方外延及羣生也

對賢良策第二

臣聞堯受命以天下爲憂而未以位爲樂也故誅逐亂臣務求賢聖是以得舜禹稷禹咎繇衆聖輔德賢能佐職教化大行天下和洽萬民皆安仁樂誼各得其宜動作應禮從容中道故孔子曰如有王者必世而後仁此之謂也堯在位七十載適遜于位以禪虞舜堯崩天下不歸堯子丹朱而歸舜舜知不可辟乃卽天子之位以禹爲相因堯之輔佐繼其統業是以垂拱無爲而天下治孔子曰韶盡美矣又盡善也此之謂也至於殷紂逆天暴物殺戮賢知殘賊百姓伯夷太公皆當世賢者隱處而不爲臣守職之人皆奔

走逃亡入於河海天下亂萬民不安故天下去殷而從周文王順天理物師用賢聖是以闕天大顛散宜生等亦聚於朝廷愛施兆民天下歸之故太公起海濱而卽三公也當此之時紂尚在上尊卑昏亂百姓散亡故文王悼痛而欲安之是以日昃而不暇食也孔子作春秋先正王而繫萬事見素王此文焉繇此觀之帝王之條貫同然而勞逸異者所遇之時異也孔子曰武盡美矣未盡善也此之謂也臣聞制度文采玄黃之飾所以明尊卑異貴賤而勸有德也故春秋受命所先制者改正朔易服色所以應天也然則宮室旌旗之制有法而然者也故孔子曰奢則不

遜儉則固儉非聖人之中制也臣聞良玉不琢資質
潤美不待刻琢此亡異於達巷黨人不學而自知也
然則常玉不琢不成文章君子不學不成其德臣聞
聖王之治天下也少則習之學長則材諸位爵祿以
養其德刑罰以威其惡故民曉於禮誼而恥犯其上
武王行大誼平殘賊周公作禮樂以文之至於成康
之隆囹圄空虛四十餘年此亦教化之漸而仁誼之
流非獨傷肌膚之效也至秦則不然師申商之法行
韓非之說憎帝王之道以貪狠爲俗非有文德以教
訓於天下也誅名而不察實爲善者不必免而犯惡
者未必刑也是以百官皆飾空言虛辭而不顧實外

有事君之禮內有背主之心造僞飾詐趣利無恥又
好用憎醋之吏賦斂亡度竭民財力百姓散亡不得
從耕織之業羣盜並起是以刑者甚衆死者相望而
姦不息俗化使然也故孔子曰導之以政齊之以刑
民免而無恥此之謂也今陛下并有天下海內莫不
率服廣覽兼聽極草下之知盡天下之美至德昭然
施於方外夜郎康居殊方萬里說德歸誼此太平之
致也然而功不加於百姓者殆主心未加焉曾子曰
尊其所聞則高明矣行其所知則光大矣高明光大
不在於他不在乎加之意而已願陛下因用所聞設誠
於內而致行之則三王何異哉陛下親耕藉田以爲

農先夙寤晨興憂勞萬民思惟往古而務以求賢此
亦堯舜之用心也然而未云獲者士素不厲也夫不
素養士而欲求賢譬猶不琢玉而求文采也故養士
之太者莫大乎太學太學者賢士之所關也教化之
本原也今以一郡一國之衆對亡應書者是王道往
往而絕也臣願陛下興太學置明師以養天下之士
數考問以盡其材則英俊宜可得矣今之郡守縣令
民之師帥所使承流而宣化也故師帥不賢則主德
不宣恩澤不流今吏旣亡教訓於下或不承用主上
之法暴虐百姓與姦爲市貧窮孤弱冤苦失職甚不
稱陛下之意是以陰陽錯繆氛氣充塞羣生寡遂黎

民未濟皆長吏不明使至於此也大長吏多出於郎
中中郎吏二千石子弟選郎吏又以富貴未必賢也
且古所謂功者以任官稱職爲差非所謂積日累久
也故小材雖累日不離於小官賢材雖未久不害爲
輔佐是以有司竭力盡知務治其業而以赴功今則
不然累日以取貴積久以致官是以廉恥質亂賢不
肖渾殺未得其真臣愚以爲使諸列侯郡守二千石
各擇其吏民之賢者歲貢各二人以給宿衛且以觀
大臣之能所貢賢者有賞所貢不肖者有罰夫如是
諸侯吏二千石皆盡心於求賢天下之士可得而官
使也徧得天下之賢人則三王之盛易爲而堯舜之

名可及也毋以日月爲功實試賢能爲上量材而授
官錄德而定位則廉恥殊路賢不肖異處矣陛下加
惠寬臣之罪令勿牽制於文使得切磋究之臣敢不
盡愚

對賢良策第三

臣聞論語曰有始有卒者其唯聖人乎今陛下幸加
惠留聽於承學之臣復下明策以切其意而究盡聖
德非愚臣之所能具也前所上對條貫靡竟統紀不
終辭不別白指不分明此臣淺陋之罪也冊曰善言
天者必有徵於人善言古者必有驗于今臣聞天者
羣物之祖也故徧覆包含而無所殊建日月風雨以
和之經陰陽寒暑以成之故聖人法天而立道亦溥
愛而亡私布德施仁以厚之設義立禮以導之春者
天之所以生也仁者君之所以愛也夏者天之所以
長也德者君之所以養也霜者天之所以殺也刑者

君之所以罰也由此言之天人之徵古今之道也孔
子作春秋上揆之天道下質諸人情參之於古考之
於今故春秋之所譏災害之所加也春秋之所惡怪
異之所施也書邦家之過兼災異之變以此見人之
所爲其美惡之極乃與天地流通而往來相應此亦
言天之一端也古者修教訓之官務以德善化民民
已大化之後天下常亡一人之獄矣今世廢而不修
亾以化民民以故棄行誼而死財利是以犯法而罪
多一歲之獄以萬千數以此見古之不可不用也故
春秋變古則譏之天今之謂命命非聖人不行質樸
之謂性性非教化不成人欲之謂情情非度制不節

是故王者上謹於承天意以順命也下務明教化民以成性也正法度之宜別上下之序以防欲也修此三者而大本舉矣人受命於天固超然異於羣生入有父子兄弟之親出有君臣上下之誼會聚相遇則有耆老長幼之施絜然有文以相接驩然有恩以相愛此人之所以貴也生五穀以食之桑麻以衣之六畜以養之服牛乘馬園豹檻虎是其得天之靈貴於物也故孔子曰天地之性人為貴明於天性知自貴於物知自貴於物然後知仁義知仁義然後重禮節重禮節然後安處善安處善然後樂循理樂循理然後謂之君子故孔子曰不知命無以為君子此之謂

榕村講學中編

士

也冊曰上嘉唐虞下悼桀紂寢微寢滅寢昌之道虛心以改臣聞衆少成多積小致鉅故聖人莫不以晦致明以微致顯是以堯發於諸侯舜興乎深山非一日而顯也蓋有漸以致之矣言出於已不可塞也行發於身不可掩也言行治之大者君子之所以動天地也故盡小者大慎微者著詩云惟此文王小心翼翼故堯兢兢日行其道而舜業業日致其孝善積而名顯德章而身尊此其寢明寢昌之道也積善在身猶長日加益而人不知也積惡在身猶火之銷膏而人不見也非明乎情性察乎流俗者孰能知之此唐虞所以得令名而桀紂之可為悼懼者也夫善

惡之相從如景響之應形聲也故桀紂暴設讒賊並進賢知隱伏惡日顯國日亂晏然自以如日在天終陵夷而大壞夫暴逆不仁者非一日而亡也亦以漸至故桀紂雖亡道然猶享國十餘年此其寢微寢滅之道也冊曰三王之教所祖不同而皆有失或謂久而不易者道也意豈異哉臣聞夫樂而不亂復而不厭者謂之道道者萬世之弊弊者道之失也先王之道必有偏而不起之處故政有貶而不行舉其偏者以補其弊而已矣三王之道所祖不同非其相反將以揀溢扶衰所遭之變然也故孔子曰無為而治者其舜乎改正朔易服色以順天命而已其餘盡循堯

榕村講學中編

士

道何更為哉故王者有改制之名無變道之實然夏上忠殷上敬周上文者所繼之揀當用此也孔子曰殷因於夏禮所損益可知也周因於殷禮所損益可知也其或繼周者雖百世可知也此言百王之用以此三者矣夏因於虞而獨不言所損益者其道如一而所上同也道之大原出於天人不變道亦不變是以禹繼舜舜繼堯三聖相受而守一道亡救弊之政也故不言其所損益也由是觀之繼治世者其道同繼亂世者其道變今漢繼大亂之後若宜少損周之文致用夏之忠者陛下有明德嘉道愍世俗之靡薄悼王道之不昭故舉賢良方正之士論議考問將欲

興仁義之休德明帝王之法制建太平之道也臣愚
不肖迷所聞誦所學道師之言屢能勿失耳若乃論
政事之得失察天下之息耗此大臣輔佐之職三公
九卿之任非臣仲舒所能及也然而臣竊有怪者夫
古之天下亦今之天下今之天下亦古之天下共是
天下古亦大治上下和睦習俗美盛不令而行不禁
而止吏無姦邪民無盜賊囹圄空虛德潤草木澤被
四海鳳皇來集麒麟來游以古準今一何不相逮之
遠也安所繆繆而陵夷若是意者有所失於古之道
與有所謬於天之理與試迹之古返之於天黨可得
見乎夫天亦有所分予予之齒者去其角傅其翼者

博學錄中編

主

兩其足是所受人者不得取小也古之所予祿者不
食於力不動於末是亦受人者不得取小與天同意
者也夫已受大又取小天不能足而況人乎此民之
所以囂囂苦不足也身寵而載高位家溫而食厚祿
因乘富貴之資力以與民爭利於下民安能如之哉
是故衆其奴婢多其牛羊廣其田宅博其產業畜其
積委務此而無已以迫蹙民民日削月朘寢以大窮
富者奢侈羨溢貧者窮急愁苦窮急愁苦而上不救
則民不樂生民不樂生尚不避死安能避罪此刑罰
之所以蕃而姦邪不可勝者也故受祿之家食祿而
已不與民爭業然後利可均布而民可家足此上天

之理而亦太古之道天子之所宜法以爲制大夫之
所當循以爲行也故公儀子相魯之其家見織帛怒
而出其妻食於舍而茹葵愠而拔其葵曰吾已食祿
又奪園夫紅女利乎古之賢人君子在列位者皆如
是是故下高其行而從其教民化其廉而不貪鄙及
至周室之衰其卿大夫緩於義而急於利無推讓之
風而有爭田之訟故詩人疾而刺之曰節彼南山惟
石皤皤赫赫師尹民具爾瞻爾好義則民卿仁而俗
善爾好利則民好邪而俗敗由是觀之天子大夫者
下民之所視效遠方之所四面而內望也近者視而
放之遠者望而效之豈可以居賢人之位而爲庶人

博學錄中編

主

行哉夫皇皇求財利常恐乏匱者庶人之意也皇皇
求仁義常恐不能化民者大夫之意也易曰負且乘
致寇至乘車者君子之位也負擔者小人之事也此
言居君子之位而爲庶人之行者其患禍必至也若
居君子之位當君子之行則舍公儀休之相魯無可
爲者矣春秋大一統者天地之常經古今之通義也
今師異道人異論百家殊方指意不同是以上亡以
持一統法制數變下不知所守臣愚以爲諸不在六
藝之科孔子之術者皆絕其道勿使並進邪辟之說
滅息然後統紀可一而法度可明民知所從矣

論春秋

董子仲舒

周道衰微孔子爲魯司寇諸侯害之大夫壅之孔子知言之不用道之不行也是非二百四十二年之中以爲天下儀表貶天子退諸侯討大夫以達王事而已矣子曰我欲載之空言不如見之於行事之深切著明也夫春秋上明三王之道下辨人事之紀別嫌疑明是非定猶豫善善惡惡賢賢賤不肖存亡國繼絕世補敝起廢王道之大者也易著天地陰陽四時五行故長於變禮經人倫故長於行書記先王之事故長於政詩記山川谿谷禽獸草木牝牡雌雄故長於風樂樂所以立故長於和春秋是非故長於治人

榕村講授中編

五

是故禮以節人樂以發和書以道事詩以達意易以道化春秋以道義撥亂世反之正莫近於春秋春秋文成數萬其指數千萬物之散聚皆在春秋春秋之中弑君三十六亡國五十二諸侯奔走不得保其社稷者不可勝數察其所以皆失其本已故易曰失之毫釐差以千里故曰臣弑君子弑父非一旦一夕之故也其漸久矣故有國者不可以不知春秋前有讒而弗見後有賊而不知爲人臣者不可以不知春秋守經事而不知其宜遭變事而不知其權爲人君父而不通於春秋之義者必蒙首惡之名爲人臣子而不通於春秋之義者必陷篡弑之誅死罪之名其實

皆以爲善爲之不知其義被之空言而不敢辭夫不通禮義之旨至於君不君臣不臣父不父子不子夫君不君則犯臣不臣則誅父不父則無道子不子則不孝此四行者天下之大過也以天下之大過子之則受而弗敢辭故春秋者禮之大宗也

榕村講授中編

六

法言

楊子子雲

學行篇

或曰學無益也如質何曰未之思矣夫有刀者礪諸有玉者錯諸不礪不錯焉彼用礪而錯諸質在其
中矣否則輟螟蠕之子殪而逢螺贏視之曰類我
類我久則肖之矣速哉七十子之肖仲尼也
師哉師哉桐子之命也務學不如務求師師者人之
模範也模不模範不範爲不少矣一閭之市不勝
異意焉一卷之書不勝異說焉一閭之市必立之
平一卷之書必立之師

稽神錄校中編

七

者審其是而已矣或曰焉知是而習之曰視日月
而知衆星之蔑也仰聖人而知衆說之小也
學之爲王者事其已久矣堯舜禹湯文武汲汲仲尼
皇皇其已久矣

或曰使我紆朱懷金其樂不可量也曰紆朱懷金之
樂不如顏氏子之樂顏氏子之樂也內紆朱懷金
之樂也外或曰請問屢空之內曰顏不孔雖得天
下不足以爲樂然亦有苦乎曰顏苦孔之卓也或
人瞿然曰茲苦也祇其所以爲樂也歟

吾子篇

或問吾子少而好賦曰然童子彫蟲篆刻俄而日壯

夫不爲也或曰賦可以諷乎曰諷則已不已吾恐
不免於勑也或曰霧縠之組麗曰女工之蠶矣劍
客論曰劍可以愛身曰狂狷使人多禮乎或問景
老唐勒宋玉枚乘之賦也益乎曰必也淫淫則奈
何曰詩人之賦麗以則辭人之賦麗以淫如孔氏
之門川賦也則賈誼升堂相如入室矣如其不用
何

或問交五聲十二律也或雅或鄭何也曰中正則雅
多哇則鄭請問木曰黃鍾以生之中正以平之確
乎鄭衛不能入也

或曰君子尚辭乎曰君子事之爲尚事勝辭則仇辭

稽神錄校中編

太

勝事則賦事辭稱則經

多聞則守之以約多見則守之以卓寡聞則無約也
寡見則無卓也緣衣三百色如之何矣紵絮三千
寒如之何矣

震風凌雨然後知夏屋之爲帡幪也虐政虐世然後
知聖人之爲郭郭也古者楊墨塞路孟子辭而闢
之廓如也後之塞路者有矣竊自比於孟子
或曰人各是其所是而非其所非將誰使正之曰萬
物紛錯則懸諸天衆言淆亂則折諸聖或曰惡觀
乎聖而折諸曰在則人亡則書其統一也

脩身篇

或曰仁義禮智信之用曰仁宅也義路也禮服也智燭也信符也處宅由路正服明燭執符君子不動動斯得矣

或問治已曰治已以仲尼或曰治已以仲尼仲尼奚宜也曰率馬以馭不亦可乎或曰田甫田者莠稂喬思遠人者心忉忉曰日有光月有明三年不日日視必盲三年不日月精必朦榮魂曠枯糟孽曠沈地壘索塗冥行而已矣

或問衆人曰富貴生賢者曰義聖人曰神觀乎賢人明見衆人觀乎聖人則見賢人觀乎天地則見聖人

榕村講授中編

九

問道篇

或問天曰吾於天歟見無爲之爲矣或問雕刻衆形者匪天歟曰以其不雕刻也如物刻而雕之焉得力而給諸

聖人之言似於水火或問水火曰水測之而益深窮之而益遠火用之而彌明宿之而彌壯

允治天下不待禮文與五教則吾以黃帝堯舜爲疣贅或曰太上無法而治法非所以爲治也曰鴻荒之世聖人惡之是以法始乎伏羲而成乎堯匪伏羲堯禮義峭峭聖人不取也

或問道有因無因乎曰可則因否則革或問無爲曰

奚爲哉在昔虞夏襲堯之舊行堯之道法度彰禮樂著垂拱而視天民之阜也無爲矣紹桀之後纂紂之餘法度廢禮樂虧安坐而視天民之死無爲乎

問神篇

或問神曰心請問之曰潛天而天潛地而地天地神明而不測者也心之潛也猶將測之況於人乎況於事倫乎敢問潛心於聖曰昔仲尼潛心於文王矣達之顏淵亦潛心於仲尼矣未達一問耳神在所潛而已矣天神天明照知四方天精天粹萬物作類人心其神矣乎操則存捨則亡能常操而存

榕村講授中編

十

者其惟聖人乎聖人存神索至成天下之大順致天下之大利和同天人之際使之而無間者也虞夏之書渾渾爾商書灝灝爾周書噩噩爾下周者其書誰乎

或問聖人之經不可使易知歟曰不可天俄而可度則其覆物也淺矣地俄而可測則其載物也薄矣大哉天地之爲萬物郭五經之爲衆說郭

君子之言幽必有驗乎明遠必有驗乎近大必有驗乎小微必有驗乎著無驗而言之謂妄君子妄乎不妄

或曰淮南太史公著其多知歟易其難也曰難乎難

人病以多知爲難惟聖人爲不難書不經非書也
言不經非言也言書不經多多贅矣

問明篇

或問鳥有鳳獸有麟鳥獸皆可鳳麟乎曰羣鳥之於
鳳也羣獸之於麟也形性豈羣人之於聖乎

或曰甚矣聖道無益於庸也聖蹟而庸行盡去諸曰
甚矣子之不達也聖蹟而庸行猶有聞焉去之阮
也豈不若耳斯乎投諸火

或問命曰命名者天之命也非人爲也人爲不爲命請
問人爲曰可以存亡可以死生非命也命不可避
也或曰顏氏之子冉氏之孫曰以其無避也若立

榕村講學中編

幸

燬牆之下動而微病行而招死命乎命乎吉人凶
其吉凶人吉其凶

寡見篇

或問五經有辯乎曰惟五經爲辯說天者莫辯乎易
說事者莫辯乎書說體者莫辯乎禮說志者莫辯
乎詩說理者莫辯乎春秋捨斯辯亦小矣

五百篇

或問聖人有詘乎曰有曰焉詘乎曰仲尼於南子所
不欲見也於陽貨所不欲敬也見所不見敬所不
敬不詘如何或曰衛靈公問陳則何以不詘曰詘
身將以信道也如詘道而信身雖天下不可爲也

昔者齊魯有大臣史失其名曰如何其大也曰叔孫
通欲制君臣之儀徵先生於齊魯所不能致者二
人曰若是則仲尼之開跡諸侯也非邪曰仲尼開
跡將以自用也如委已而從人雖有規矩準繩焉
得而用之

或問孔子之時諸侯有知其聖者歟曰知之曰知之
則易爲不用曰不能曰知聖而不能用也可得聞
乎曰用之則宜從之從之則棄其所習逆其所順
雖其所劣捐其所能衡衡如也非天下之至德孰
能用之

榕村講學中編

垂

或問天地簡易而聖人法之何五經之支離曰支離

蓋其所以爲簡易也已簡已易焉支焉離

或問聖人占天乎曰占天地若此則史也何異曰史
以天占人聖人以人占天或問星有甘石何如曰
在德不在星德隆則彗星隆則彗德也

周之人多行秦之人多病行有之也病曼之也周之
士也貴秦之士也賤周之士也肆秦之士也拘月
未望則載魄於西既望則終魄於東其迥於日乎
形弓驢矢不爲有矣聆德前世清視在下鑑莫近
於斯矣

或問何如動而見畏曰畏人何如動而見侮曰侮人
夫見畏與見侮無不由已

或問禮難以彊世曰難故彊世如夷侯侶肆羈角之
哺果而啗之奚其彊或性彊及其名一也見弓
之張兮弛而不失其良兮或曰何謂也曰撒之而
已矣川有防器有範見禮教之至也經營然後知
皆積之克立也莊楊蕩而不法墨晏儉而廢禮申
韓險而無化鄒衍迂而不信聖人之材天地也次
山陵川泉也次鳥獸草木也

先知篇

或曰齊桓夷吾而霸仲尼曰小器請問大器曰大器
其猶規矩準繩乎先自治而後治人之謂大器
或曰爲政先殺後殺曰嗚呼天先秋而後春乎將先

穆村講授中編

書

春而後秋乎吾見玄駒之步雉之晨雉也化其可
以已矣哉民可使覲德不可使覲刑覲德則純覲
刑則亂

重黎篇

或問嬴政二十六載天下擅秦秦十五載而楚楚五
載而漢五十載之際而天下三擅天邪人邪曰具
周建子弟列名城班五爵流之十二當時雖欲漢
得乎六國蚩蚩爲羸弱姬卒之屏營羸擅其政故
天下擅秦秦失其猷罷侯置守守失其微天下孤
睽項氏暴彊改宰侯王故天下擅楚擅楚之月有
漢叛業山南發跡三秦追項山東故天下擅漢天

也人曰兼尚才權右計左數動謹於時人也天不
人不因人不天不成或問楚敗垓下方死曰天也
諒乎曰漢屈羣策羣策屈羣力楚愷羣策而自屈
其力屈人者克自屈者負天曷故焉或問秦楚既
爲天典命矣秦繼霸上楚分江西興廢何速也曰
天胙光德而隕明武昔在有熊高陽高辛唐虞三
代咸有顯懿故天胙之爲神明主且著在天庭是
生民之願也厥饗國久長若秦楚彊閼震撲胎籍
三正播其虐於黎苗子弟且欲喪之况于民乎况
於鬼神乎廢未速也

或問周官曰立事左氏曰品藻太史遷曰實錄

穆村講授中編

書

君子篇

或問孟子知言之要知德之奧曰非苟知之亦允蹈
之或曰子小諸子孟子非諸子乎曰諸子者以其
知異於孔子者也孟子異乎不異

或問人言仙者有諸乎曰吁吾聞伏羲神農歿黃帝
堯舜殂落而死文王畢孔子魯城之北獨子愛其
死乎非人之所及也仙亦無益子之彙矣或曰聖
人不師仙厥術異也聖人之於天下恥一物之不
知仙人之於天下恥一日之不生曰生乎生乎名
生而實死也或曰世無仙則焉得斯語曰語乎者
非器器也歟惟器器能使無爲有或問仙之實曰

無以爲也有與無非問也問也者忠孝之問也忠臣孝子惶乎不惶或問壽可益乎曰德曰回牛之行德矣易壽之不益也曰德故爾如回之殘牛之賊也焉德爾曰殘賊或壽曰彼妄也君子不妄有生者必有死有始者必有終自然之道也

孝至篇

事父母自知不足者其舜乎不可得而久者事親之謂也孝子愛日

孝子有祭乎有齋乎夫能存亡形屬荒絕者惟齋乎故孝子之於齋見父母之存也是以祭不賓人而不祭豺獺乎

孝子傳卷中

卷

或問德有始而無終與有終而無始也孰寧曰寧先病而後瘳乎寧先瘳而後病乎

或問大曰小問遽曰邇未達曰天下爲大治之在道不亦小乎四海爲遠治之在心不亦邇乎

中說

王道篇

王子仲淹

子謂薛收曰昔聖人述史三焉其述書也帝王之制備矣故索焉而皆獲其述詩也興衰之由顯故究焉而皆得其述春秋也邪正之跡明故考焉而皆當此三者同出於史而不可離也故聖人分焉文中子曰吾視遷固而下述作何其紛紛乎帝王之道其暗而不明乎天人之意其否而不交乎制理者參而不一乎陳事者亂而無緒乎

子在長安楊素蘇夔李德林皆請見子與之言歸而有憂色門人問子子曰素與吾言終日言政而不及化

孝子傳卷中

卷

及化夔與吾言終日言聲而不及雅德林與吾言終日言文而不及理門人曰然則何憂子曰非爾所知也二三子皆朝之預議者今言政而不及化是天下無禮也言聲而不及雅是天下無樂也言文而不及理是天下無文也王道從何而興乎吾所以憂也門人退子援琴鼓蕩之什門人皆霑襟焉

靖君亮問辱子曰言不中行不謹辱也

子曰封禪之費非古也徒以夸天下其秦漢之侈心乎

子曰易樂者必多哀輕施者必好奪

子曰無敵之國其刑必平多敵之國其財必削

子曰廉者常樂無求貪者常憂不足

叔恬曰舜一歲而巡五嶽國不費而民不勞何也子

曰無他道也兵衛少而徵求寡也

子曰使諸葛亮而無死禮樂其有興乎

天地篇

子曰問者動方者靜其見天地之心乎

李伯華見子而論詩子不答伯華退謂薛收曰吾上

陳應劉下述沈謝分四聲八病剛柔清濁久有端

序音若貫篋而夫子不應我其未達歟薛收曰吾

嘗聞夫子之論詩矣上明三綱下達五常於是徵

博學後中

幸

存亡辨得失故小人歌之以貢其俗君子賦之以

見其志聖人采之以觀其變今子營營馳騁乎末

流是夫子之所痛也不答則有由矣

賈瓊問君子之道子曰必先恕乎曰敢問恕之說子

曰爲人子者以其父之心爲心爲人弟者以其兄

之心爲心推而達之於天下斯可矣

李密問王霸之略子曰不以天下易一民之命李密

出子謂賈瓊曰亂天下者必是夫也幸災而念禍

愛強而願勝神明不與也

子居家雖孩孺必狎其使人也雖童僕必斂容

子曰不就利不違害不強交不苟絕惟有道者能之

薛方士問葬子曰貧者斂手足富者具棺槨封域之
制無廣也不居良田古者不以死傷生不以厚爲
禮

陳叔達問事鬼神之道子曰敬而遠之問祭子曰何

獨祭也亦有祀焉有祭焉有享焉三者不同古先

聖人所以接三才之奧也達茲三者之說則無不

至矣

子謂陳壽有志於史依大義而削異端謂范甯有志

於春秋徵聖經而詰衆傳

子曰使陳壽不美於史遷固之罪也使范甯不盡美

於春秋歆向之罪也裴晞曰何謂也子曰史之失

博學後中

幸

自遷固始也記繁而志寡春秋之失自歆向始也

棄經而任傳

子曰蓋九師興而易道微三傳作而春秋散賈瓊曰

何謂也子曰白黑相淪能無微乎是非相援能無

散乎故齊韓毛鄭詩之末也大戴小戴禮之衰也

書殘於古今詩失於齊魯汝知之乎賈瓊曰然則

無師無傳可乎子曰神而明之存乎其人苟非其

人道不虛行必也傳又不可廢也

子曰我未見見謗而喜聞譽而懼者

事君篇

楊素使謂子曰盍仕乎子曰疏屬之南汾水之曲有

先人之弊廬在可以避風雨有田可以具饘粥彈琴著書講道勸義自樂也願君侯正身以統天下時和歲豐則通也受賜多矣不願仕也

子見牧守履易曰堯舜三載考績仲尼三年有成今旬月而易吾不知其道薛收曰如何子曰三代之興邦家有社稷焉兩漢之盛牧守有子孫焉不如是之祿也無定主而責之以忠無定民而責之以化誰能之末由也已

房玄齡問史子曰古之史也辨道今之史也耀文問文子曰古之文也約以達今之文也繁以塞

子聞居儼然其動也徐若有所慮其行也方若有所

梓材錄中編

卷

畏其接長者恭恭然如不足接幼者溫溫然如有就

鄉人有喪子必先往反必後

子之言應而不唱唱必有大端

或問人善子知其善則稱之不善則曰未嘗與久也子之放婚嫁必具六禮曰斯道也今亡矣三綱之首不可廢吾從古

子曰吏而登仕勞而進官非古也其秦之餘酷乎古者士登乎仕吏執乎役祿以報勞官以授德

周公篇

子曰聖人之道其昌也潛其弊也寢寢寢焉若寒暑

進退物莫不從之而不知其由也

子曰通其變天下無弊法執其方天下無善教故曰存乎其人

程元曰敢問幽風何也子曰變風也元曰周公之際亦有變風乎子曰君臣相誚其能正乎成王終疑則風遂變矣非周公至誠孰能卒之哉元曰幽居變風之末何也子曰夷王已下變風不復正矣夫子蓋傷之者也故終之以幽風言變之可正也唯周公能之故繫之以正

王孝逸謂子曰天下皆爭利棄義吾獨若之何子曰捨其所爭取其所棄不亦君子乎

梓材錄中編

卷

子曰大風安不忘危其霸心之存乎秋風樂極哀來其悔志之萌乎

楊素謂子曰甚矣古之爲衣冠裳履何樸而非便也子曰先王法服不其深乎爲冠所以莊其首也爲履所以重其足也衣裳襜如劍珮鏘如皆所以防其躁也故曰儼然人望而畏之以此防民猶有疾驅於道者令捨之曰不便是投魚於淵寘猿於木也天下庸得不馳騁而狂乎引之者非其道也文中子曰易之憂患業業焉孜孜焉其畏天閔人思及時而動乎繁師玄曰遠矣吾視易之道何其難乎子笑曰有是夫終日乾乾可也視之不臧我思

不遠

李密問英雄子曰自知者英自勝者雄問勇子曰必也義乎

問易篇

子曰處貧賤而不憚可以富貴矣童僕稱其恩可以從政矣交遊稱其信可以立功矣

子曰史傳興而經道廢矣記注興而史道誣矣是故惡夫異端者

薛收曰帝制其出王道乎子曰不能出也後之帝者非昔之帝也其雜霸王之道而取帝名乎其心正其跡謫其乘秦之弊不得已而稱之乎政則苟簡

新唐書

卷

豈若唐虞三代之純懿乎是以富人則可典禮則未薛收曰純懿遂亡乎子曰人能弘道焉知來者之不如昔也

賈頊問何以息謗子曰無辯曰何以止怨子曰無爭子曰易聖人之動也於是乎用以乘時矣故夫卦者智之鄉也動之序也薛生曰智可獨行乎子曰仁以守之不能仁則智息矣安所行乎哉

子讚易至序卦曰大哉時之相生也達者可與幾矣至雜卦曰旁行而不流守者可與存義矣

薛方士曰逢惡斥之遇邪正之何如子曰其有不得其死乎必也言之無罪聞之以誠

禮樂篇

子曰恭則物服怒則有成平則物化

子謂京房郭璞古之亂常人也

文中子曰周齊之際王公大臣不暇及禮矣獻公曰天子失禮則諸侯修於國諸侯失禮則大夫修於家禮樂之作獻公之志也

子曰君子可招而不可誘可棄而不可慢輕譽苟毀好憎尚怒小人哉

子不相形不禱疾不卜非義

子曰君子不受虛譽不祈妄福不避死義

或問長生神仙之道子曰仁義不修孝悌不立奚爲

晉書

卷

長生甚矣人之無厭也

文中子曰其名彌消其德彌長其身彌退其道彌進

述史篇

吳季札曰小雅其周之衰乎幽其樂而不淫乎子曰孰謂季子知樂小雅烏乎衰其周之盛乎幽烏乎樂其動而不怨乎

薛收問一卦六爻之義子曰卦也者著天下之時也爻也者微天下之動也趨時有六動焉吉凶悔吝所以不同也收曰敢問六爻之義子曰六者非他也三才之道誰能過乎

魏相篇

文中子曰聞謗而怒者讒之由也見譽而喜者佞之媒也絕由去媒讒佞遠矣

子謂北山黃公善醫先寢食而後鍼藥汾陰侯生善筮先人事而後說卦

子曰吾不仕故成業不動故無悔不廣求故得不雜學故明

子謂竇威曰既冠讀冠禮將婚讀婚禮居喪讀喪禮既葬讀祭禮朝廷讀賓禮軍旅讀軍禮故君子終身不違禮竇威曰仲尼言不學禮無以立此之謂乎

薛收問易子曰天地之中非他也人也收退而歎曰

薛收問易

中

乃今知人事修天地之理得矣

立命篇

子曰不以伊尹周公之道康其國非大臣也不以霍光諸葛亮之心事其君者皆具臣也

門人有問姚義孔庭之法曰詩曰禮不及四經何也姚義曰嘗聞諸夫子矣春秋斷物定志而後及也樂以和德全而後及也書以制法從事而後及也易以窮理知命而後及也故不學春秋無以主斷不學樂無以知和不學書無以議制不學易無以通理四者非具體不能及故聖人後之豈養蒙之具耶或曰然則詩禮何爲而先也義曰夫教之以

詩則出辭氣斯遠暴慢矣約之以禮則動容貌斯立威嚴矣度其言察其志考其行辨其德志定則發之以春秋於是乎斷而能變德全則導之以樂於是乎和而知節可從事則達之以書於是乎可以立制知命則申之以易於是乎可以盡性若驟而語春秋則蕩志輕義驟而語樂則喧德敗度驟而語書則狎法驟而語易則玩神是以聖人知其必然故立之以宗列之以次先成諸已然後備諸物先濟乎近然後形乎遠重其深乎重其深乎子問之曰姚子得之矣

薛收問易

中

其天乎識爲神其人乎吾得之理性焉

收曰敢問三才之蘊子曰至哉乎問夫天者統元氣焉非止蕩蕩蒼蒼之謂也地者統元形焉非止山川丘陵之謂也人者統元識焉非止圓首方足之謂也乾坤之蘊汝思之乎於是收退而學易房玄齡謂薛收曰道之不行也必矣夫子何營營乎薛收曰子非夫子之徒歟天子失道則諸侯修之諸侯失道則大夫修之大夫失道則士修之士失道則庶人修之修之之道從師無常誨而不倦窮而不濫死而後已得時則行失時則蟠此先王之道所以續而不墜也古者謂之繼時繼我不往子

寧不嗣音如之何以不行而廢也玄齡惕然謝曰
其行也如是之遠乎

關朗篇

子曰罪莫大於好進禍莫大於多言痛莫大於不聞
過辱莫大於不知耻

子曰人不里居地不井授終苟道也雖舜禹不能理
矣

子曰委任不一亂之媒也監察不止姦之府也

杜淹問隱子曰非伏其身而不見也時命大謬則隱
其德矣惟有道者能之故謂之是藏於密

原性

韓子

性也者與生俱生者也情也者接於物而生也性之
品有三而其所以爲性者五情之品有三而其所以
爲情者七曰何也曰性之品有上中下三上焉者善
焉而已矣中焉者可導而上下也下焉者惡焉而已
矣其所以爲性者五曰仁曰禮曰信曰義曰智上焉
者之於五也至於一而行于四中焉者之于五也一
不少有焉則少反焉其于四也混下焉者之于五也
反於一而悖于四性之于情視其品情之品有上中
下三其所以爲情者七曰喜曰怒曰哀曰懼曰愛曰
惡曰欲上焉者之於七也動而處其中中焉者之于

七也有所甚有所亡然而求合其中者也下焉者之
於七也亡與甚直情而行者也情之於性視其品孟
子之言性曰人之性善荀子之言性曰人之性惡揚
子之言性曰人之性善惡混夫始善而進惡與始惡
而進善與始也混而今也善惡皆舉其中而遺其上
下者也得其一而失其二者也叔魚之生也其母視
之知其必以貽死楊食我之生也叔向之母聞其號
也知必滅其宗越椒之生也子文以爲大戚知若敖
氏之鬼不食也人之性果善乎后稷之生也其母無
災其始匍匐也則岐岐然疑疑然文王之在母也母
不憂既生也傳不勤既學也師不煩人之性果惡乎

堯之朱舜之均文王之管蔡習非不善也而卒爲姦
瞽叟之舜鯀之禹習非不惡也而卒爲聖人之性善
惡果混乎故曰三子之言性也舉其中而遺其上下
者也得其一而失其二者也曰然則性之上下者其
終不可移乎曰上之性就學而愈明下之性畏威而
寡罪是故上者可教而下者可制也其品則孔子謂
不移也曰今之言性者異於此何也曰今之言者雜
佛老而言也雜佛老而言也者笑言而不異

原道

韓子

博愛之謂仁行而宜之之謂義由是而之焉之謂道
足乎己無待於外之謂德仁與義爲定名道與德爲
虛位故道有君子小人而德有凶有吉老子之小仁
義非毀之也其見者小也坐井而觀天曰天小者非
天小也彼以煦煦爲仁孑孑爲義其小之也則宜其
所謂道道其所道非吾所謂道德也其所謂道德其所
德非吾所謂德也凡吾所謂道德云者合仁與義言
之也天下之公言也老子之所謂道德云者去仁與
義言之也一人之私言也周道衰孔子沒火於秦黃
老子漢佛于晉魏梁隋之間其言道德仁義者不入
於楊則入於墨不入于老則入于佛入于彼必出於
此入者主之出者奴之入者附之出者汙之噫後之
人其欲聞仁義道德之說孰從而聽之老者曰孔子
吾師之弟子也佛者曰孔子吾師之弟子也爲孔子
者習聞其說樂其誕而自小也亦曰吾師亦嘗云爾
不惟舉之于其口而又筆之于其書噫後之人雖欲
聞仁義道德之說其孰從而求之甚矣人之好怪也
不求其端不訊其末惟怪之欲聞古之爲民者四今
之爲民者六古之教者處其一今之教者處其三農
之家一而食粟之家六工之家一而用器之家六賈
之家一而資焉之家六奈之何民不窮且盜也古之

時人之害多矣有聖人者立然後教之以相生養之道爲之君爲之師驅其蟲蛇禽獸而處之中土寒然後爲之衣飢然後爲之食木處而顛土處而病也然後爲之宮室爲之工以瞻其器用爲之賈以通其有無爲之醫藥以濟其夭死爲之葬埋祭祀以長其恩愛爲之禮以次其先後爲之樂以宣其壹鬱爲之政以率其怠勸爲之刑以鋤其強梗相欺也爲之符璽斗斛權衡以信之相奪也爲之城郭甲兵以守之害至而爲之備患生而爲之防今其言曰聖人不死大盜不止割斗折衡而民不爭嗚呼其亦不思而已矣如古之無聖人人之類滅久矣何也無羽毛鱗介以

蘇林傳中編

卷

居寒熱也無爪牙以爭食也是故君者出令者也民者行君之令而致之民者也民者出粟米麻絲作器皿通貨財以事其上者也君不出令則失其所以爲君臣不行君之令而致之民民不出粟米麻絲作器皿通貨財以事其上則誅今其法曰必棄而君臣去而父子禁而相生養之道以求其所謂清淨寂滅者嗚呼其亦幸而出於三代之後不見黜於禹湯文武周公孔子也其亦不幸而不出于三代之前不見正於禹湯文武周公孔子也帝之與王其號名殊其所以爲聖一也夏葛而冬裘渴飲而飢食其事殊其所以爲智一也今其言曰曷不爲太古之無事是亦貴

冬之裘者曰曷不爲葛之之易也責飢之食者曰曷不爲飲之之易也傳曰古之欲明明德於天下者先治其國欲治其國者先齊其家欲齊其家者先修其身欲修其身者先正其心欲正其心者先誠其意然則古之所謂正心誠意者將以有爲也今也欲治其心而外天下國家滅其天常子焉而不父其父臣焉而不君其君民焉而不事其事孔子之作春秋也諸侯用夷禮則夷之進于中國則中國之經曰夷狄之有君不如諸夏之亡詩曰戎狄是膺荆舒是懲今也舉夷狄之法而加之先王之教之上幾何其不肖而爲夷也夫所謂先王之教者何也博愛之謂仁行而

蘇林傳中編

卷

宜之之謂義由是而之焉之謂道足乎已無待於外之謂德其文詩書易春秋其法禮樂刑政其民士農工賈其位君臣父子師友賓主昆弟夫婦其服麻絲其居宮室其食粟米果蔬魚肉其爲道易明而其爲教易行也是故以之爲已則順而祥以之爲人則愛而公以之爲心則和而平以之爲天下國家無所處而不當是故生則得其情死則盡其常郊焉而天神假廟焉而人鬼饗曰斯道也何道也曰斯吾所謂道也非向所謂老與佛之道也堯以是傳之舜舜以是傳之禹禹以是傳之湯湯以是傳之文武周公文武周公傳之孔子孔子傳之孟軻軻之死不得其傳焉

苟與楊也擇焉而不精語焉而不詳由周公而上上而爲君故其事行由周公而下而爲臣故其說長然則如之何而可也曰不塞不流不止不行其人其火其書廬其居明先王之道以道之鰥寡孤獨廢疾者有養也其亦庶乎其可也

原人

韓子退之

形於上者謂之天形於下者謂之地命於其兩間者謂之人形於上日月星辰皆天也形於下草木山川皆地也命於其兩間夷狄禽獸皆人也曰然則吾謂禽獸人可乎曰非也指山而問焉曰山乎曰山可也山有草木禽獸皆舉之矣指山之一草而問焉曰山乎曰山則不可故天道亂而日月星辰不得其行地道亂而草木山川不得其平人道亂而夷狄禽獸不得其情天者日月星辰之主也地者草木山川之主也人者夷狄禽獸之主也主而暴之不得其爲主之道矣是故聖人一視而同仁篤近而舉遠

原鬼

韓子退之

有嘯於梁從而燭之無見也斯鬼乎曰非也鬼無聲有立於堂從而視之無見也斯鬼乎曰非也鬼無形有觸吾躬從而執之無得也斯鬼乎曰非也鬼無聲與形安有氣曰鬼無聲也無形也無氣也果無鬼乎曰有形而無聲者物有之矣土石是也有聲而無形者物有之矣風霆是也有聲與形者物有之矣人獸是也無聲與形者物有之矣鬼神是也曰然則有怪而與民物接者何也曰是有二有鬼有物漠然無形與聲者鬼之常也民有忤於天有違於民有爽于物逆於倫而感於氣於是乎鬼有形於形有憑於聲以

韓子退之

學

應之而下殃禍焉皆民之爲之也其既也又反乎其常曰何謂物曰成於形與聲者土石風霆人獸是也反乎無聲與形者鬼神是也不能有形與聲不能無形與聲者物怪是也故其作而接於民也無恒故有動於民而爲禍亦有動於民而爲福亦有動於民而莫之爲禍福適丁民之有是時也作原鬼

師說

韓子退之

古之學者必有師師者所以傳道授業解惑也人非生而知之者孰能無惑惑而不從師其爲惑也終不解矣生乎吾前其聞道也固先乎吾吾從而師之生乎吾後其聞道也亦先乎吾吾從而師之吾師道也夫庸知其年之先後生於吾乎是故無貴無賤無長無少道之所存師之所存也嗟乎師道之不傳也久矣欲人之無惑也難矣古之聖人其出人也遠矣猶且從師而問焉今之衆人其下聖人也亦遠矣而恥學於師是故聖益聖愚益愚聖人之所以爲聖愚人之所以爲愚其皆出於此乎愛其子擇師而教之於

韓子退之

學

其身也則恥師焉惑矣彼童子之師授之書而習其句讀者非吾所謂傳其道解其惑者也句讀之不知惑之不解或師焉或不焉小學而大遺吾未見其明也巫醫樂師百工之人不恥相師士大夫之族曰師曰弟子云者則羣聚而笑之問之則曰彼與彼年相若也道相似也位卑則足羞官盛則近諛嗚呼師道之不復可知矣巫醫樂師百工之人君子不齒今其智乃反不能及其可怪也歟聖人無常師孔子師郯子萇弘師襄老聃郯子之徒其賢不及孔子孔子三人行則必有我師是故弟子不必不如師師不必賢於弟子聞道有先後術業有專攻如是而已李氏子

嵎年十七好古文六藝經傳皆通習之不拘於時學
於余余嘉其能行古道作師說以貽之

送王秀才序

韓子退之

吾常以爲孔子之道大而能博門弟子不能徧觀而
盡識也故學焉而皆得其性之所近其後離散分處
諸侯之國又各以所能授弟子原遠而末益分蓋子
夏之學其後有田子方子方之後流而爲莊周故周
之書嘉稱子方之爲人荀卿之書語聖人必曰孔子
子弓子弓之事業不傳惟太史公書弟子傳有姓名
字曰馯臂子弓子弓受易於商瞿孟軻師子思子思
之學蓋出曾子自孔子沒羣弟子莫不有書獨孟軻
氏之傳得其宗故吾少而樂觀焉太原王頊示予所
爲文好舉孟子之所道者與之言信悅孟子而屢贊
其文辭夫沿河而下苟不止雖有遲疾必至於海如
不得其道也雖疾不止終莫幸而至焉故學者必慎
其所道道於楊墨老莊佛之學而欲之聖人之道猶
航斷港絕潢以望至于海也故求觀聖人之道必自
孟子始今頃之所由旣幾于知道如又得其船與機
知沿而不止嗚呼其可量也哉

來示云有人傳愈近少信奉釋氏此傳之者妄也潮州時有一老僧號大顛頗聰明識道理遠地無可與語者故自山召至州郭留十數日實能外形骸以理自勝不爲外物侵亂與之語雖不盡解要自胸中無滯礙以爲難得因與來往及祭神至海上遂造其廬及來袁州留衣服爲別乃人之情非崇信其法求福田利益也孔子云丘之禱久矣凡君子行己立身自有法度聖賢事業具在方冊可效可師仰不愧天俯不愧人內不愧心積善積惡殃慶自各以其類至何有去聖人之道捨先王之法而從夷狄之教以求福

韓愈集卷中

聖

利也詩不云乎愷悌君子求福不回傳又曰不爲威惕不爲利疚假如釋氏能與人爲福果非守道君子之所懼也况萬萬無此理且彼佛者果何人哉其行事類君子耶小人耶若君子也必不妄加福于守道之人如小人也其身已死其鬼不靈天地神祇昭布森列非可誣也又肯令其鬼行胃臆作威福於其間哉進退無所據而信奉之亦且惑矣且愈不助釋氏而排之者其亦有說孟子云今天下不之楊則之墨楊墨交亂而聖賢之道不明則三綱淪而九法斁禮樂崩而夷狄橫幾何其不爲禽獸也故曰能言拒楊墨者皆聖人之徒也揚子雲云古者楊墨塞路孟子

辭而闢之廓如也夫楊墨行正道廢且將數百年以至於秦卒滅先王之法燒除經書坑殺學士天下遂大亂及秦滅漢興且百年尚未知修明先王之道其后始除挾書之律稍求亡書招學士經雖少得尚皆殘缺十亡二三故學士多老死新者不見全經不能盡知先王之事各以所見爲守分離乖隔不合不公二帝三王羣聖人之道於是大壞後之學者無所尋逐以至今泯泯也其禍出于楊墨肆行而莫之禁故也孟子雖賢聖不得位空言無施雖切何補然賴其言而今學者尚知宗孔氏崇仁義貴王賤霸而已其人經大法皆亡滅而不救壞爛而不收所謂存十

韓愈集卷中

聖

一于千百安在其能廓如也然向無孟氏則皆服左衽而言侏離矣故愈嘗推尊孟氏以爲功不在禹下者爲此也漢氏以來羣儒區區修補百孔千瘡隨亂隨失其危如一髮引千鈞絲絲延延寢以微滅於是時也而唱釋老於其間鼓天下之衆而從之嗚呼其亦不仁甚矣釋老之害過于楊墨韓愈之賢不及孟子孟子不能救之于未亡之前而韓愈乃欲全之于已壞之後嗚呼其亦不量其力且見其身之危莫之救以死也雖然使其道由愈而粗傳雖滅死萬萬無恨天地鬼神臨之在上質之在傍又安得因一摧折自毀其道以從於邪也

答侯生問論語書

韓子退之

愈白侯生足下所示論語問甚善聖人踐形之說孟子詳於其書當終始究之若萬物皆備於我反身而誠是也苟有偽焉則萬物不備矣踐形之道無他誠是也足下謂賢者不能踐形非也賢者非不能踐形能而不備耳形言其備也所謂具體而微是也充實之謂美充實而有光輝之謂大充實則具體未大則微故或去聖一間或得其一體皆踐形而未備者唯反身而誠則能踐形之備者耳愈昔注解其書而不敢過求其意取聖人之旨而合之則足以信後生輩耳此說甚爲穩當切更思之愈白

榕村講授中編

吳

論佛骨表

韓愈退之

伏以佛者夷狄之一法耳自後漢時流入中國上古未嘗有也昔者黃帝在位百年年百一十歲少昊在位八十年年百歲顓頊在位七十九年年九十八歲帝嚳在位七十年年百五歲帝堯在位九十八年年百一十八歲帝舜及禹年皆百歲此時天下太平百姓安樂壽考然而中國未有佛也其後殷湯亦年百歲湯孫太戊在位七十五年武丁在位五十九年書史不言其年壽所極推其年數蓋亦俱不減百歲周文王年九十七歲武王年九十三歲穆王在位百年此時佛法亦未入中國非因事佛而致然也漢明帝

榕村講授中編

畢

時始有佛法明帝在位纔十八年耳其後亂亡相繼運祚不長宋齊梁陳元魏已下事佛漸謹年代尤促惟梁武帝在位四十八年前後三度捨身施佛宗廟之祭不用牲牢晝日一食止於菜果其後竟爲侯景所逼餓死臺城國亦尋滅事佛求福乃更得禍由此觀之佛不足事亦可知矣高祖始受隋禪則議除之當時羣臣材識不遠不能深知先王之道古今之宜推闡聖明以救斯弊其事遂止臣嘗恨焉伏惟睿聖文武皇帝陛下神聖英武數千百年已來未有倫比卽位之初卽不許度人爲僧尼道士又不許創立寺觀臣嘗以爲高祖之志必行於陛下之手今縱未能

卽行豈可恣之轉令盛也今聞陛下令羣僧迎佛骨於鳳翔御樓以觀昇入大內又令諸寺遙迎供養臣雖至愚必知陛下不惑於佛作此崇奉以祈福祥也竊以年豐人樂徇人之心爲京都士庶設詭異之觀戲玩之具耳安有聖明若此而肯信此等事哉然百姓愚冥易惑難曉苟見陛下如此將謂真心事佛皆云天子大聖猶一心敬信百姓何人豈合更惜身命焚頂燒指百十爲羣解衣散錢自朝至暮轉相倣效惟恐後時老少奔波棄其業次若不卽加禁遏更歷諸寺必有斷臂斷身以爲供養者信風敗俗傳笑四方非細事也夫佛本夷狄之人與中國言語不通衣

服殊製口不言先王之法言身不服先王之法服不知君臣之義父子之情假如其身至今尚在奉其國命來朝京師陛下容而接之不過宣政一見禮賓一設賜衣一襲衛而出之於境不令惑衆也況其身死已久枯朽之骨肉穢之餘豈宜令入宮禁孔子曰敬鬼神而遠之古之諸侯行弔於其國尚令巫祝先以桃茢後除不祥然後進弔今無故取朽穢之物親臨觀之巫祝不先桃茢不用羣臣不言其非御史不舉其失臣實恥之乞以此骨付之有司投諸水火永絕根本斷天下之疑絕後代之惑使天下之人知大聖人之所作爲出於尋常萬萬也豈不盛哉豈不快哉

佛如有靈能作禍祟凡有殃咎宜加臣身上天鑒臨臣不怨悔

禘祫議

韓子退之

右今月十六日敕旨宜令百僚議限五日內開奏者將仕郎守國子監四門博士臣韓愈謹獻議曰伏以陛下追孝祖宗肅敬祀事凡在擬議不敢自專非求厥中延訪羣下然而禮文繁漫所執各殊自建中之初迄至今歲屢經禘祫未合適從臣生遭聖明涵泳思澤雖賤不及議而志切效忠今輒先舉衆議之非然後申明其說一曰獻懿廟主宜永藏之火室臣以爲不可火祫者合也毀廟之主皆當合食於太祖獻懿二祖卽毀廟主也今雖藏於夾室至禘祫之時豈得不食於太廟乎名曰合祭而二祖不得祭焉不可

梅村講校中編

卷一

謂之合矣二曰獻懿廟主宜毀之瘞之臣又以爲不可謹按禮記天子立七廟一壇一墀其毀廟之主皆藏於祫廟雖百代不毀祫則陳於太廟而饗焉自魏晉已降始有毀瘞之議事非經據竟不可施行今國家德厚流光創立九廟以周制推之獻懿二祖猶在壇墀之位況於毀瘞而不祫乎三曰獻懿廟主宜各遷於其陵所臣又以爲不可二祖之祭於京師列於太廟也二百年矣今一朝遷之豈惟人聽疑惑抑恐二祖之靈眷顧依遲不卽饗於下國也四曰獻懿廟主宜附於興聖廟而不祫祫臣又以爲不可傳曰祭如在景皇帝雖太祖其於屬乃獻懿之子孫也今

欲正其子東向之位廢其父之大祭固不可爲典矣五曰獻懿二祖宜別立廟於京師臣又以爲不可夫禮有所降情有所殺是故去廟爲祫去祫爲壇去壇爲墀去墀爲鬼漸而之遠其祭益稀昔者魯立煬宮春秋非之以爲不當取已毀之廟既藏之主而復築宮以祭今之所議與此正同又雖違禮立廟至於禘祫也合食則禘無其所廢祭則於義不通此五說者皆所不可故臣博采前聞求其折中以爲殷祖玄王周祖后稷太祖之上皆自爲帝又其代數已遠不復祭之故太祖得正東向之位子孫從昭穆之列禮所稱者蓋以紀一時之宜非傳於後代之法也傳曰子

梅村講校中編

卷一

雖齊聖不先父食蓋言子爲父屈也景皇帝雖太祖也其於獻懿則子孫也當禘祫之時獻祖宜居東向之位景皇帝宜從昭穆之列祖以孫尊孫以祖屈求之神道豈遠人情又常祭甚衆合祭甚寡則是太祖所屈之祭至少所伸之祭至多比於仲孫之尊廢祖之祭不亦順乎事異殷周禮從而變非所失禮也臣伏以制禮作樂者天子之職也陛下以臣議有可采粗合天心斷而行之是則爲禮如以爲猶或可疑乞召臣對面陳得失庶有發明謹議

請遷玄宗廟議

韓子退之

右禮儀使奏謹按周禮天子七廟三昭三穆與太祖之廟而七尚書咸有一德亦曰七世之廟可以觀德荀卿子曰有天下者祭七代有一國者祭五代則知天子上祭七廟典籍通規祖功宗德不在其數國朝九廟之制法周之文太祖景皇帝始爲唐公啓基天命義同周之后稷高祖神堯皇帝創業經始化隋爲唐義同周之文王太宗文皇帝神武應期造有區夏義同周之武王其下三昭三穆謂之親廟與太祖而七時常饗自如禮文伏以今年宗廟通遷玄宗明皇帝在三昭三穆之外是親盡之祖雖有功德新主入廟禮合祧藏太廟中第一夾室每至禘祫之歲合食如常謹議

韓子講義中編

卷

皇極經世

邵子堯夫

觀物外篇上

天數五地數五合而爲十數之全也天以一而變四地以一而變四四者有體也而其一者無體也是謂有無之極也天之體數四而用者三不用者一也地之體數四而用者三不用者一也是故無體之一以況自然也不用之一以況道也用之者三以況天地人也

人見乎南而潛乎北極於六而餘於七是以人知其前昧其後而略其左右也

韓子講義中編

卷

而尅者在地猶晝之餘分在夜也是以天三而地四天有三辰地有四行也然地之火且見且隱其餘分之謂耶

有地然後有二有二然後有晝夜二以變錯綜而成故易以二而生數以十二而變而一非數也非數而數以之成也天行不息未嘗有晝夜人居地上以爲晝夜故以地上之數爲人之用也天之有數起乾而止震餘入于無者天辰不見也地去一而起十二者地火常潛也故天以體爲基而常隱其基地以用爲本而常藏其用也

陽爻晝數也陰爻夜數也天地相銜陰陽相交故晝

夜相離剛柔相錯春夏陽也故畫數多夜數少秋冬陰也故畫數少夜數多

陽者道之用陰者道之體陽用陰陰用陽以陽爲用則尊陰以陰爲用則尊陽也陰幾於道故以況道也

圓者星也曆紀之數其肇於此乎方者土也畫州井地之法其倣於此乎蓋圓者河圖之數方者洛書之文故義文因之而造易禹箕敘之而作範也

易之大衍何數也聖人之倚數也天數二十五合之爲五十地數五十合之爲六十故曰五位相得而各有合也五十者著之數也六十者卦數也五者

一經卦講授中編

聖

著之小衍也故五十爲大衍也八者卦之小成則六十四爲大成也著德圓以況天之數故七七四十九也五十者存一而言之也卦德方以況地之數故八八六十四也六十者去四而言之也著者用數也卦者體數也用以體爲基故存一也體以用爲本故去四也圓者本一方者本四故著存一而曰去四也

奇數極於四而五不用策數極於九而十不用五則一也十則二也故去五十而用四十九也奇不用五策不用十有無之極也以況自然之數也

歸奇合卦之數得五與四四則策數四九也得九與

八八則策數四六也得五與八八得九與四八則策數皆四七也得九與四四得五與四八則策數

皆四八也爲九者一變以應乾也爲六者一變以應坤也爲七者二變以應兌與離也爲八者二變以應艮與坎也五與四四去掛一之數則四三

也九與八八去掛一之數則四六二十四也五與八八九與四八去掛一之數則四五二十也九與四四五與四八去掛一之數則四四十六也故

去其三四五六之數以成八九七六之策也人極既分由儀立矣陽上交於陰陰上交於陽四象生矣陽交於陰陰交於陽而生天之四象剛交於

一經卦講授中編

美

柔柔交於剛而生地之四象於是八卦成矣八卦相錯然後萬物生焉是故一分爲二二分爲四四分爲八八分爲十六十六分爲三十二三十二分爲六十四故曰分陰分陽迭用柔剛易六位而成章也十分爲百百分爲千千分爲萬猶根之有榦榦之有枝枝之有葉愈大則愈小愈細則愈繁合之斯爲一行之斯爲萬是故乾以分之坤以翕之震以長之巽以消之長則分分則消消則翕也乾坤定位也震巽一交也兌離坎艮再交也故震陽少而陰尚多也巽陰少而陽尚多也兌離陽浸多也坎艮陰浸多也是以辰與火不見也

離在天而當夜故陽中有陰也坎在地而當晝故陰中有陽也震始交陰而陽生與始消陽而陰生兌陽長也艮陰長也震兌在天之陰也與艮在地之陽也故震兌上陰而下陽與艮上陽而下陰天以始生言之故陰上而陽下交泰之義也地以既成言之故陽上而陰下尊卑之位也

乾坤定上下之位離坎列左右之門天地之所闔闢日月之所出入是以春夏秋冬晦朔弦望晝夜長短行度盈縮莫不由乎此矣

無極之前陰含陽也有象之後陽分陰也陰爲陽之母陽爲陰之父故男孕長男而爲復父生長女而

一格卦義中編

彖

爲姤是以陽始於復陰始於姤也

陽不能獨立必得陰而後立故陽以陰爲基陰不能自見必待陽而後見故陰以陽爲唱陽知其始而享其成陰效其法而終其勞

陽能知而陰不能知陽能見而陰不能見也能知能見者爲有故陽性有而陰性無也陽有所不偏而陰無所不偏也陽有去而陰常居也無不偏而常居者爲實故陽體虛而陰體實也

自下而上謂之升自上而下謂之降升者生也降者消也故陽生於下而陰生於上是以萬物皆反生陰生陽陽生陰陰復生陽陽復生陰是以循環而

無窮也

本一氣也生則爲陽消則爲陰故二者一而已矣六者三而已矣八者四而已矣是以言天而不言地言君而不言臣言父而不言子言夫而不言婦也然天得地而萬物生君得臣而萬化行父得子夫得婦而家道成故有一則有二有二則有三有三則有四有四則有八

有變則必有應也故變於內者應於外變於外者應於內變於下者應于上變于上者應于下也天變而日應之故變者從天而應者法日也是以日紀乎星月會于辰水生于土火潛于石飛者棲木走

一格卦義中編

本

者依草心肺之相聯肝膽之相屬無他變應之道也

飛者食木走者食草人皆兼之而又食飛走也故最貴于萬物也

天有四時地有四方人有四支是以指節可以觀天掌文可以察地天地之理具乎指掌矣可不貴之哉

神統于心氣統于腎形統于首形氣交而神主乎其

中三才之道也
日行陽度則羸行陰度則縮賓主之道也月去日則明生而進近日則魄生而疾君臣之義也陽消則

生陰故日下而月西出也陰盛則蔽陽故日望而月東出也天爲父日爲子故天左旋日右行日爲夫月爲婦故日東出月西生也

日隨天而轉月隨日而行星隨月而見故星法月月法日日法天天半明半晦日半贏半縮月半盈半虧星半動半靜陰陽之義也

天晝夜常見日見于晝月見于夜而半不見星半見于夜貴賤之等也

陽生陰故水先成陰生陽故火後成陰陽相生也體性相須也是以陽去則陰竭陰盡則陽滅

天變而人效之故元亨利貞易之變也人行而天應

榕村講學中編

奎

之故吉凶悔吝易之應也以元亨爲變則利貞爲應以吉凶爲應則悔吝爲變元則吉吉則利應之亨則凶凶則應之以貞悔則吉吝則凶是以變中有應應中有變也變中之應天道也故元爲變則亨應之利爲變則應之以貞應中之變人事也故變則凶應則吉變則吝應則悔也悔者吉之先而吝者凶之本是以君子從天不從人

至哉文王之作易也其得天地之用乎故乾坤交而爲泰坎離交而爲既濟也乾生于子坤生于午坎終于寅離終于申以應天之時也置乾于西北退坤于西南長子用事而長女代母坎離得位兌艮

爲耦以應地之方也王者之法其盡於是矣

坤統三女于西南乾統三男於東北

易者一陰一陽之謂也震兌始交者也故當朝夕之位離坎交之極者也故當子午之位艮巽雖不交而陰陽猶雜也故當用中之偏位乾坤純陰陽也故當不用之位

初與上同然上亢不及初之進也二與五同然二之陰中不及五之陽中也三與四同然三處下卦之上不若四之近君也

天之神棲乎日人之神發乎目人之神寤則棲心寐則棲腎所以象天也晝夜之道也

榕村講學中編

奎

五行之木萬物之類也五行之金出乎石也故火水上石不及金木金木生其間也

天以氣爲主體爲次地以體爲主氣爲次在天在地者亦如之

氣則養性性則乘氣故氣存則性存性動則氣動也堯之前先天也堯之後後天也後天乃效法耳

凡事爲之極幾十之七則可止矣蓋夏至之日止于六十兼之以晨昏分可辨色矣庶幾乎十之七也

東赤南白西黃北黑此正色也驗之于曉午暮夜之時可見之矣

固雖無文也吾終日言而未嘗離乎是蓋天地萬

物之理盡在其中矣

不知乾無以知性命之理

月者日之影也情者性之影也心性而膽情性神而情鬼

心爲太極又曰道爲太極

草伏之獸毛如草之莖林棲之鳥羽如林之葉類使之然也

說物外篇下

天地之氣運北而南則治南而北則亂亂久則復北而南矣天道人事皆然推之歷代可見消長之理也

榕村講義中編

奎

任我則情情則蔽蔽則昏矣因物則性性則神神則

明矣潛天潛地不行而至不爲陰陽所攝者神也

在水者不眠在風者眠走之類上睫接下飛之類下睫接上類使之然也

神者人之主將寐在脾熟寐在腎將寤在肝

又言正

寐在心

發於性則見於情發于情則見于色以類而應也

天地之大寐在夏人之神則存於心

天地之交十之三

人之神則天地之神人之自欺所以欺天地可不慎哉

星爲日之餘辰爲月之餘

心一而不分則能應萬變此君子所以虚心而不動也

明則有日月幽則有鬼神

夫聖人六經渾然無跡如天道焉故春秋錄實事而善惡形于其中矣

寂然不動反本復靜坤之時也感而遂通天下之故

陽動於中間不容髮復之義也

理窮而後知性性盡而後知命命知而後知至

几處失在得之先則得亦不喜若處得在失之先則失難處矣必至于墮穽

榕村講義中編

奎

人必有德器然後喜怒皆不妄爲卿相爲匹夫以至學問高天下亦若無有也

人必內重內重則外輕苟內輕必外重好利好名無所不至

漢儒以及經合道爲權得一端者也權所以平物之輕重聖人行權酌其輕重而行之合其宜而已故

執中無權者猶爲偏也王通言春秋王道之權非王通莫能及此故權在一身則有一身之權在一

鄉則有一鄉之權以至于天下則有天下之權用雖不同其權一也

復次剝明治生于亂乎姤次大明亂生于治乎時哉

時哉未有剝而不復未有夫而不姤者防乎其防
邦家其長子孫其昌是以聖人貴未然之防是謂
易之大綱

先天學心法也故圖皆自中起萬化萬事生乎心也
五霸者功之首罪之魁也春秋者孔子之刑書也功
過不相掩聖人先褒其功後貶其罪故罪人有功
亦必錄之不可不想也

其人受春秋於尹師魯師魯受于穆伯長其人後復
攻伯長曰春秋無褒皆是貶也田述古曰孫復亦
云春秋有貶而無褒曰春秋禮法廢君臣亂其間
有能爲小善者安得不進之也況五霸實有功于

榕村講授中編

奎

天下且五霸固不及于王不猶愈于夷狄乎安得
不與之也治春秋者不辨名實不定五霸之功過
則未可言治春秋先定五霸之功過而治春秋則
大意立若事事求之則無緒矣

平王名雖王實不及一小國之諸侯齊晉雖侯而實
僭王此春秋之名實也子貢欲去告朔之餼羊羊
名也禮實也名存而實亡猶愈于名實俱亡苟存
其名安知後世無王者作是以有所待也

人言春秋非性命書非也至於書郊牛之口傷改卜
牛又死猶三望此因魯事而貶之也聖人何容心
哉無我故也豈非由性命而發言也又曰春秋皆

因事而褒貶豈容人特立私意哉人但知春秋聖
人之筆削爲天下之至公不知聖人之所以爲公
也如因牛傷則知魯之僭郊因初獻六羽則知舊
僭八佾因新作雉門則知舊無雉門皆非聖人有
意于其間故曰春秋盡性之書也

春秋爲君弱臣強而作故謂之名分之書

鬼神者無形而有川其情狀可得而知也於用則可
見之矣若人之耳目鼻口手足草木之枝葉華實
顏色皆鬼神之所爲也福善禍淫主之者誰邪聰
明正直有之者誰邪不壞而速不行而至任之者
誰邪皆鬼神之情狀也

榕村講授中編

葵

一陰一陽之謂道道無聲無形不可得而見者也故
假道路之道而爲名人之有行必由乎道一陰一
陽天地之道也物由是而生由是而成者也
陽中陽日也陽中陰月也陰中陽星也陰中陰辰也
柔中柔水也柔中剛火也剛中柔土也剛中剛石
也

法始于伏羲成乎堯革于三王極于五霸絕于秦萬
世治亂之迹無以逃此矣

日爲心月爲膽星爲脾辰爲腎藏也石爲肺土爲肝
火爲胃水爲膀胱府也

易之生數一十二萬九千六百總爲四千三百二十

世此消長之大數演三十年之辰數卽其數也歲三百六十日得四千三百二十辰以三十乘之得其數矣凡甲子甲午爲世首此爲經世之數始於日甲月子星甲辰子又云此經世日甲之數月子星甲辰子從之也

起震終艮一節明文王八卦也天地定位一節明伏羲八卦也八卦相錯者明交錯而成六十四也

數往者順若順天而行是左旋也皆已生之卦也數云數往也知來者逆若逆天而行是右行也皆未生之卦也故云知來也夫易之數由逆而成矣此一節直解圖意若逆知四時之謂也

格致論中編

奎

易始於三皇書始於二帝詩始於三王春秋始於五霸

自乾坤至坎離以天道也自咸恒至既濟未濟以人事也

天地之心者生萬物之本也天地之情者情狀也與鬼神之情狀同

而生於水露生於土雷生於石電生於火電與風同爲陽之極故有電必有風

有一日之物有一月之物有一時之物有一歲之物有十歲之物至於百千萬皆有之天地亦物也亦有數焉

陰者陽之影鬼者人之影也

毋意毋必毋固毋我合而言之則一分而言之則二合而言之則二分而言之則四始於有意成於有我有意然後有必必生於意有固然後有我我生於同意有心必先期固不化我有已也

學在不止故王通云沒身而已

附錄

無者問道者曰天何依曰依乎地地何附曰附乎天曰然則天地何依何附曰自相依附天依形地附氣其形也有涯其氣也無涯有無之相生形氣之相息終則有始終始之間天地之所存乎

格致論中編

矣

性者道之形體也心者性之郭郭也身者心之區宇也

擊壤集序
語一條

天命

誠者命之道乎中者性之道乎仁者心之道乎惟仁者爲能盡性至命

曰理萬物之理得吾心之說也易動處萬物之分得吾心之樂也難是故仁智合一然後君子之學成士選於庠塾政令行乎世臣學校起於鄉行財出於九賦兵起於鄉遂然後政行乎百姓而仁覆天下矣

這充乎身塞乎天地而拘於軀者不見其大存乎飲食男女之事而溺於流者不知其精諸子百家億

格致論中編

堯

之以意飾之以辨傳聞習見蒙心之言命之理性之道置諸茫昧則已矣悲夫此邪說暴行所以盛行而不爲其所惑者鮮矣然則奈何曰在修吾身知人之道驗之以事而觀其詞氣從人反躬者鮮不爲君子任已蓋非者鮮不爲小人天命爲性人性爲心不行己之欲不用己之智而循天之理以求盡其心也

修身

道不能無物而自道物不能無道而自物道之有物猶風之有動猶水之有流也夫孰能問之故離物求道者妄而已矣

天命不已故人生無窮具耳目口鼻手足而成身合父子君臣夫婦長幼朋友而成世非有假於外而強成之也是性然矣聖人明於大倫理於萬物暢於四肢達於天地一以貫之性外無物物外無性是故成已成物無可無不可焉釋氏絕物遁世棲身冲寞窺見天機有不器於物者遂以此自大謂萬物皆我心物不覺悟而我覺悟謂我獨高于萬物於是顛倒作用莫知所止反爲有適有莫不得道義之全名爲識心見性然四達而實不能一貫長神淫遁莫可致詰世之君子信其幻語而惑之孰若卽吾身世而察之乎

格致論中編

辛

萬物生於天萬事宰於心性天命也命人心也而氣經緯乎其間萬變著見而不可掩莫或使之非鬼神而何法制者道德之顯爾道德者法制之隱爾天地之心生生不窮者也必有春夏秋冬夏之節風雨霜露之變然後生物之功遂有道德結於民心而無法制者爲無用無用者亡有法制繫於民身而無道德者爲無體無體者滅是故法立制定苟非其人亦不可行也

陰陽

夫婦之道人醜之者以淫慾爲事也聖人安之者以保合爲義也接而知有禮焉交而知有道焉惟敬

者爲能守而勿失也語曰樂而不淫則得性命之正矣謂之淫慾者非陋庸人而何

天得地而後有萬物夫得婦而後有男女君得臣而後有萬化此一之道也所以爲至也

維天之命於穆不已聖人知天命存於身者淵源無窮故施於民者溥博無盡而事功不同也知之則於一事功可以盡聖人之蘊不知則一事功而已矣不足以言聖人也莊周乃曰聖人之道真以治身其緒餘土苴以治天下豈其然乎

好惡

志仁則可大依仁則可久

榕樹樓中編

圭

仲尼從心所欲不踰矩可謂盡心矣天卽孔子也孔子卽天也釋氏無障礙而所欲不能不踰矩吾知其未見心之全也猖狂妄行而已

一嘘吸足以察寒暑之變一語默足以著行藏之妙一往來足以究天地之理自陋者不足與有言也自小者不足與有爲也

人雖備天道必學然後識習然後能然後用用無不利唯樂天者能之

水有源故其流不窮木有根故其生不窮氣有性故其運不息德有本故其行不窮孝弟也者德之本歟

有爲之爲出於智巧血氣方盛則智巧出焉血氣既

衰則智巧窮矣或知功之可利而銳於立功或知名之可利而進以求名或知正直之可利而勉於正直或知文詞之可利而習於文詞皆智巧之智也上好恬退則爲恬退以中其欲上好剛勁則爲剛勁以中其欲上好溫厚則爲溫厚以中其欲上好勤恪則爲勤恪以中其欲上好文雅則爲文雅以中其欲皆智巧之巧也年方壯則血氣盛得所欲則血氣盛壯邁欲失則血氣挫折消懦而所爲屈矣無不可變之操也無爲之爲本於仁義善不以名而爲功不以利而勤通於造化與天地相終

榕樹樓中編

圭

始苟不至德則至道不凝焉

郡縣天下可以持承平而不可支變故封建諸侯可以持承平可以支變故

往來

釋氏以盡虛空沙界爲吾身大矣而以父母所生之身爲一塵刹幻化之物而不知敬焉是有間也有間者至不仁也與區區於一物之中沉惑而不知反者何以異

卽物而真者聖人之道也談真離物者釋氏之幻也子思子曰率性之謂道萬物萬事性之質也因質以致用入之道也人也者天地之全也而何以知其

全乎萬物有有父子之親者焉有有君臣之統者焉有有報本反始之禮者焉有有兄弟之序者焉有有救災恤患之義者焉有有夫婦之別者焉至於知時御盜如雞犬猶能有功於人然謂之禽獸而人不與爲類何也以其不得其全不可與爲類也夫人雖備萬物之性然好惡有邪正取舍有是非或中於先或否於後或得於上或失於下故有不仁而入於夷狄禽獸之性者矣惟聖人既生而知之又學以審之盡人之性盡物之性德合天地心統萬物故與造化相參而立斯道也不然各適其適雜於夷狄禽獸是異類而已豈人之道也哉

格致書卷中

盡

是故君子必戒謹恐懼以無失父母之性自別於異類期全而歸之以成吾孝也

中者道之體和者道之用中和變化萬物各正性命而純備者人也性之極也故觀萬物之流形其性則異察萬物之本性其源則一聖人執天之機惇敘五典庸秩五禮順是者彰之以五服逆是者討之以五刑調理萬物各得其所此人之所以爲天地也

仲尼

氣主乎性性主乎心心純則性定而氣正氣正則動而不差動而有差者心未純也告子不知心而以

義爲外無主於中而主於言言有不勝則惑矣而心有不動乎北宮黝孟施舍以氣爲本以果爲行一身之氣有時而衰而心有不動乎曾子孟子之勇原於心在身爲道處物爲義氣與道義同流融合於視聽言動之間可謂盡性者矣夫性無不體者心也孰能參天地而不物開百聖而不惑亂九流而不繆乘富貴而能約遭貧賤而能亨禮儀三百威儀三千周旋繁縟而不亂乎

格致書卷中

盡

人皆有良心故被之以桀紂之名雖匹夫不受也夫桀紂萬乘之君而匹夫羞爲之何也以身不親其奉而知其行醜也王公大人一親其奉喪其良心處利勢之際臨死生之節貪冒苟免行若犬鼠者皆是也富貴而奉身者備斬良心之利劍也是故禹菲飲食卑宮室孔子重贊之曰吾無間然矣富貴一時之利良心萬世之藝乘利勢行藝章如雷之震如風之動聖人性之君子樂焉不然乃以一時之利失萬世之藝自列於禽獸寧貧賤而爲匹夫不願王公之富貴也

今之儒者移學文藝于仕進之心以收其放心而美其身則又何古人之不可及哉父兄以學文藝令其子弟朋友以仕進相招徠而不返則心始荒而不治萬事之成咸不逮古先矣

學欲博不欲雜守欲約不欲陋雜似博陋似約學者不可不察也

文王

文王之行王政至善美也孟子之言王道至詳約也然不越制其田里漁之樹畜教之以孝悌忠信而已自五霸之亂以至於今日里之弊無窮樹畜之業不修孝悌之行不著忠信之風不立治道日苟則謂日煩非有超百世英才之君臣與文王孟氏比肩者其孰能復之養民惟恐不足此世之所以治安也取民惟恐不足此世之所以敗亡也有源之水寒冽不凍有德之人厄窮不塞

穆村講義中編

盡

行謹則能堅其志言謹則能崇其德

人君聯屬天下以成其身者也內選於九族之親禮其賢者表而用之以聯屬其親外選於五方之人禮其英傑引而進之以聯屬其民是故賢者衆之表君之輔也不進其親之賢者是自賊其心腹也不進其人之賢者是自殘其四肢也殘賊之君鮮不覆亡哉

事物

探視聽言動無息之本可以知性察視聽言動不息之際可以會情視聽言動道義明著孰知其爲此心視聽言動物欲引取孰知其爲人欲是故誠成

天下之性性立天下之有情效天下之動心妙性情之德性情之德庸人與聖人同聖人妙而庸人所以不妙者拘滯於有形而不能通爾今欲通之非致知何適哉

至親至切者其仁之義也歟至通至達者其義之理也歟人備萬物賢者能體萬物故萬物爲我用物不備我故物不能體我應不爲萬物役而反爲萬物役者其不智孰甚焉

行吾仁謂之恕操吾心謂之敬敬以養吾仁釋氏窺見心體故言爲無不周徧然未知止於其所故外倫理而妄行不足與言孔孟之道也

穆村講義中編

盡

物無非我事無非真彼遺棄人間萬務惟以了死生爲大者其蔽孰甚焉

紛華

人欲盛則於天理昏理素明則無欲矣處富貴乎與天地同其通處貧賤乎與天地同其否安死順生與天地同其變又何富室妻妾衣服飲食存亡得喪而以介意乎

人之於天地有感必應猶心之於身疾痛必知焉物不獨立必有對對不分治必交焉而文生矣物盈於天地之間仁者無不愛也故以斯文爲已任理萬物而與天地參矣

人者天地之精也故行乎其中而莫禦五行萬物之秀氣也故物爲之用而莫違

大學

陽中有陰陰中有陽陽一陰陰一陽此太和所以爲道也始萬物而生之者乾坤之元也物正其性萬古不變故孔子曰成之者性

復義

小人得用則民志不定

漢文

漢景以郅都甯成爲中尉以嚴酷治宗室貴戚人人惴恐夫親親尊尊之道必選天下有節行賢德之

移林講義曰編

主

人爲之師傅爲之交遊則將有大人君子可爲天下用何有憂其犯法耶治百姓亦然修崇學校所以教也刑以助教而已非爲治之正法也

釋氏隱不知奉天顯不知理物竊弄鬼神之機以自利者也君子居敬所以精義也理於義所以順於道德也盛德大業至矣哉

卦之必重何也天道然也天道何爲而然乎太極動則重矣天道無息故未嘗不重也非深知天地之幾者孰能識之

附錄

立志以定其本居敬以持其志志立乎事物之表敬

行乎事物之中而義乃可精

榕村講授下編目錄

賈太傅論保傅

匡丞相戒妃匹勸經學威儀之則

劉中壘封事

谷永論神怪

劉歆移讓太常博士

漢書禮樂志

藝文志
總序 六藝目錄

董仲舒贊

揚雄贊

諸葛丞相出師表

唐書禮樂志

韓愈贊

李蔚贊

榕村講授下編目錄

明道程子上殿劄子

請修學校尊師儒取士劄子

伊川程子為家君應詔上英宗皇帝書

論經筵劄子
上太皇太后書

答橫渠先生書
答楊時論西銘書

答張閔中書
與方元案手帖

答門人書
答朱長文

王介甫性說

書義序

周禮義序

詩義序

虔州學記

曾子固梁書目錄序

宜黃縣學記
筠州學記

陸象山先生與趙詠道

真西山先生說洪範

榕村講授下編目錄

榕村講授下編

論保傅

賈子 論

夏爲天子十有餘世而殷受之殷爲天子二十餘世而周受之周爲天子三十餘世而秦受之秦爲天子二世而亡人性不甚相遠也何三代之君有道之長而秦無道之暴也其故可知也古之王者太子廼生固舉以禮使士負之有司齊肅端冕見之南郊見於天也過闕則下過廟則趨孝子之道也故自爲赤子而教固已行矣昔者成王幼在襁抱之中召公爲太保周公爲太傅太公爲太師保保其身體傅傅之德意師導之教訓此三公之職也於是爲置三少皆上

榕村講授下編

一

大夫也曰少保少傅少師是與太子爲晏者也故乃孩提有識三公三少固明孝仁禮義以道習之逐去邪人不使見惡行於是皆選天下之端士孝悌博聞有道術者以衛翼之使與太子居處出入故太子乃生而見正事聞正言行正道左右前後皆正人也夫習與正人居之不能毋正猶生長於齊不能不齊言也習與不正人居之不能毋不正猶生長於楚之地不能不楚言也故擇其所嗜必先受業乃得嘗之擇其所樂必先有習乃得爲之孔子曰少成若天性習貫如自然及太子少長知妃色則入於學學者所學之官也學禮曰帝入東學上親而貴仁則親疏有序

而思相及矣帝入南學上齒而貴信則長幼有差而民不誣矣帝入西學上賢而貴德則聖智在位而功不遺矣帝入北學上貴而尊則貴賤有等而下不踰矣帝入太學承師問道退習而考於太傅太傅罰其不則而匡其不及則德智長而治道得矣此五學者既成於上則百姓黎民化輯於下矣及太子既冠成人免於保傅之嚴則有記過之史徹膳之宰進善之旌誹謗之本收諫之鼓瞽史誦詩工誦箴諫大夫進謀士傳民語習與智長故切而不規化與心成故中道若性三代之禮春朝朝日秋暮夕月所以明有敬也春秋入學坐國老執爵而親餽之所以明有孝

榕村講授下編

二

也行以鸞和步中采齊趣中肆夏所以明有度也其於禽獸見其生不食其死聞其聲不食其肉故遠庖厨所以長恩且明有仁也夫三代之所以長久者以其輔翼太子有此具也及秦而不然其俗固非貴辭讓也所上者告訐也固非貴禮義也所上者刑罰也使趙高傅胡亥而教之獄所習者非斬剗人則夷人之三族也故胡亥今日卽位而明日射人忠諫者謂之誹謗深計者謂之妖言其視殺人若艾草菅然豈惟胡亥之性惡哉彼其所以導之者非其理故也鄙諺曰不習爲吏視已成事又曰前車覆後車誠夫三代之所以長久者其已事可知也然而不能從者是

不法聖智也秦世之所以亟絕者其轍跡可見也然而不避是後車又將覆也夫存亡之變治亂之機其要在是矣天下之命懸於太子太子之善在於早諭教與選左右夫心未濫而先諭教則化易成也開於道術智誼之指則教之力也若其服習積貫則左右而已矣夫胡粵之人生而同聲嗜欲不異及其長而成俗累數譯而不能相通行者雖死而不相爲者則教習然也臣故曰選左右早諭教最急夫教得而左右正則太子正矣太子正而天下定矣書曰一人有慶兆民賴之此時務也

按此講授下編

三

戒妃匹勸經學威儀之則疏 匡 術

陛下乘至孝哀傷思慕不絕於心未有游虞弋射之宴誠隆於慎終追遠無窮已也竊願陛下雖聖性得之猶復加聖心焉詩云焚焚在疚言成王喪畢思慕意氣未能平也蓋所以就文武之業崇大化之本也臣又聞之師曰妃匹之際生民之始萬福之原婚姻之禮正然後品物遂而天命全孔子論詩以關雎爲始言太上者民之父母后夫人之行不侔乎天地則無以奉神靈之統而理萬物之宜故詩曰窈窕淑女君子好仇言能致其貞淑不貳其懷情欲之感無介乎容儀宴私之意不形乎動靜夫然後可以配至尊

按此講授下編

四

而爲宗廟主此綱紀之首王教之端也自上世已來三代興廢未有不由此者也願陛下詳覽得失盛衰之效以定大基采有德成聲色近嚴敬遠技能竊見聖德純茂專精詩書好樂無厭臣衡材無以輔相善義宣揚德音臣聞六經者聖人所以統天地之心著善惡之歸明吉凶之分通人道之正使不悖於其本性者也故審六藝之指則天人之理可得而和草木昆蟲可得而育此永永不易之道也及論語孝經聖人言行之要宜究其意臣又聞聖王之自爲動靜周旋奉天承親臨朝享臣物有節文以章人倫蓋欽翼祇栗事天之容也溫恭敬遜承親之體也正躬嚴

恪臨衆之儀也嘉惠和說饗下之顔也舉錯動作物尊其儀故形爲仁義動爲法則孔子曰德義可尊容止可觀進退可度以臨其民是以其民畏而愛之則而衆之大雅云敬慎威儀惟民之則諸侯正月朝觀天子天子惟道德昭穆穆以視之又觀以禮樂饗醴迺歸故萬國莫不獲賜祉福蒙化而成俗今正月初幸路寢臨朝賀置酒以饗萬方傳曰君子慎始願陛下留神動靜之節使羣下得望盛德休光以立基楨天下幸甚

榕村講授下編

五

封事

劉子向

初元以來六年矣按春秋六年之中災異未有稠如今日者也夫有春秋之異無孔子之救猶不能解紛况甚於春秋乎原其所以然者讒邪並進也讒邪之以並進者由上多疑心既已用賢人而行善政如或譖之則賢人退而善政還夫執狐疑之心者來讒賊之口持不斷之意者開羣枉之門讒邪進則衆賢退羣枉盛則正士消故易有否泰小人道長君子道消君子道消則政日亂故爲否否者閉而亂也君子道長小人道消小人道消則政日治故爲泰泰者通而治也詩又云雨雪霏霏見艱辛消與易同義昔者

榕村講授下編

六

繇共工驩兜與舜禹雖處堯朝周公與管蔡並居周位當是時迭進相毀流言相謗豈可勝道哉帝堯成王能賢舜禹周公而消共工管蔡故以大治榮華至今孔子與季孟借仕於魯季孟與叔孫俱宦於秦定公始皇賢季孟季孟而消孔子叔孫故以大亂汚辱至今故治亂榮辱之端在所信任信任既賢在於堅固而不移詩云我心匪石不可轉也言守善篤也易曰渙汗其大號言號令如汗汗出而不反者也今出善令未能踰時而反是反汗也用賢未能三旬而退是轉石也論語曰見不善如探湯今二府奏佞譖不當在位歷年而不去故出令則如反汗用賢則如轉

石去佞則如拔山如此望陰陽之調不亦難乎是以羣小窺見間隙緣飾文字巧言醜詆流言飛文譁於民間故詩云憂心悄悄愠于羣小小人成羣誠足愷也昔孔子與顏淵子貢更相稱譽不爲朋黨禹稷與皋陶傳相汲引不爲比周何則忠於爲國無邪心也故賢人在上位則引其類而聚之於朝易曰飛龍在天大人聚也在下位則思與其類俱進易曰拔茅茹以其彙征吉在上則引其類在下則推其類故湯用伊尹不仁者遠而衆賢至類相致也今佞邪與賢臣雖在交戰之內合黨共謀違害依惡歛歛訛訛數設危險之言欲以傾搖上上如忽然用之此天地之所

榕村講授下編

七

以先戒災異之所以重至者也自古明聖未有無誅而治者也故舜有四放之罰而孔子有兩觀之誅然後聖化可得而行也今以陛下明知誠深思天地之心迹察兩觀之誅覽否泰之卦觀雨雪之詩歷周唐之所進以爲法原秦魯之所消以爲戒考祥應之福省災異之禍以揆當世之變放遠佞邪之黨壞散險詖之聚仕閑羣枉之門廣開衆正之路決斷狐疑分別猶豫使是非炳然可知則百異消滅而衆祥並至太平之基萬世之利也

論神怪疏

谷永

臣聞明於天地之性不可或以神怪知萬物之情不可固以非類諸背仁義之正道不遵五經之法言而盛稱奇怪鬼神廣崇祭祀之方求報無福之祠及言世有仙人服食不終之藥造典輕舉登遐倒景覽觀縣圃浮游蓬萊耕耘五德朝種暮獲與山石無極黃冶變化堅冰淖溺化色五倉之術者皆姦人或衆挾左道懷詐僞以欺罔世主聽其言洋洋滿耳若將可遇求之溫溫如係風捕景終不可得是以明主距而不聽聖人絕而不語昔月史其弘欲以鬼神之術輔尊靈王會朝諸侯而周室愈微諸侯愈叛楚懷王隆

榕村講授下編

八

祭祀事鬼神欲以獲福助卻秦師而兵挫地削身辱國危秦始皇初并天下甘心於神仙之道遣徐福韓終之屬多齎童男童女入海求神采藥因逃不還天下怨恨漢興新垣平齊人少翁公孫卿藥大等皆以仙人黃冶祭祠事鬼使物入海求神采藥貴幸賞賜累千金大尤尊盛至妻公主爵位重衆震動海內元鼎元封之際燕齊之間方士瞋目扼腕言有神仙祭祀致福之術者以萬數其後平等皆以術窮詐得誅夷伏辜至初元中有天淵玉女鉅鹿神人轅陽侯師張宗之姦紛紛復起大周秦之末三五之隆已嘗專意散財厚爵祿竦精神舉天下以求之矣曠日經年

靡有毫釐之驗足以揆今經曰享多儀儀不及物惟
曰不享論語說曰子不語怪神唯陛下距絕此類毋
令姦人有以窺朝者

穆村講授下編

九

移讓太常博士書

劉歆

昔唐虞既衰而三代迭興聖帝明王累起相襲其道
甚著周室既微而禮樂不正道之難全也如此是故
孔子憂道之不行歷國應聘自衛反魯然後樂正雅
頌乃得其所修易序書制作春秋以紀帝王之道及
夫子沒而微言絕七十子終而大義乖重遭戰國棄
邈豆之禮理軍旅之陳孔子之道抑而孫吳之術興
陵夷至於暴秦燔經書殺儒士設挾書之法行是古
之罪道術由是遂滅漢興去聖帝明王遐遠仲尼之
道又絕法度無所因襲時獨有一叔孫通略定禮儀
天下惟有易卜未有他書至孝惠之世乃除挾書之

穆村講授下編

十

律然公卿大臣絳灌之屬咸介冑武夫莫以爲意至
孝文皇帝始使掌故蒯錯從伏生受尚書尚書初出
於屋壁朽折散絕今其書見在時師傳讀而已詩始
萌芽天下衆書往往頗出皆諸子傳說猶廣立於學
官爲置博士在漢朝之儒唯賈生而已至孝武皇帝
然後鄒魯梁趙頗有詩禮春秋先師皆起於建元之
間當此之時一人不能獨盡其經或爲雅或爲頌相
合而成秦晉後得博士集而讀之故詔書稱曰禮壞
樂崩書缺簡脫朕甚憫焉時漢興已七八十年離於
全經固已遠矣及魯恭王壞孔子宅欲以爲宮而得
古文於壞壁之中逸禮有三十九書十六篇天漢之

後孔安國獄之遭巫蠱倉卒之難未及施行及春秋
左氏丘明所修皆古文舊書多者二十餘通藏於秘
府伏而未發孝成皇帝閱學殘文缺稍離其真廼陳
發秘藏校理舊文得此三事以考學官所傳經或脫
簡傳或間編傳問民間則有魯國桓公趙國賈公膠
東庸生之遺學與此同抑而未施此乃有識者之所
惜閔士君子之所嗟痛也往者綴學之士不思廢絕
之闕苟因陋就寡分文析字煩言碎辭學者罷老且
不能究其一藝信口說而背傳記是末師而非往古
至於國家將有大事若立辟雍封禪經緯之儀則幽
冥而莫知其原猶欲保殘守缺挾恐見破之私意而

榕村講授下編

上

無從善服義之公心或懷妬嫉不考情實雷同相從
隨聲是非抑此三學以尚書爲備謂左氏爲不傳春
秋豈不哀哉今聖上德通神明繼統揚業亦閱文學
錯亂學士若茲雖昭其情猶依違謙讓樂與士君子
同之故下明詔試左氏可立不遺近臣奉旨銜命將
以輔弱扶微與二三君子比意同力冀得廢遺今則
不然深閉固距而不肯試猥以不誦絕之欲以杜塞
餘道絕滅微學夫可與樂成難與慮始此廼衆庶之
所爲耳非所望士君子也且此數家之事皆先帝所
親諭令上所考視其古文舊書皆有徵驗外內相應
豈苟而已哉夫禮失求之於野古文不猶愈於野乎

往者博士書有歐陽春秋公羊易則施孟然孝宣皇
帝猶復廣立殺梁春秋梁丘易大小夏侯尚書義雖
相反猶並置之何則與其過而廢之也寧過而立之
傳曰文武之道未墜於地在人賢者識其大者不賢
者識其小者今此數家之言所以兼包大小之義豈
可偏絕哉若必專已守殘黨同門妬道真違明詔失
聖意以陷於文吏之議甚爲二三君子不取也

榕村講授下編

上

六經之道同歸而禮樂之用爲急二者並行合爲一體畏敬之意難見則著之於享獻辭受登降跪拜和親之說難形則發之於詩歌詠言鐘石筦絃蓋嘉其敬意而不及其財賄美其歡心而不流其聲音故孔子曰禮云禮云玉帛云乎哉樂云樂云鐘鼓云乎哉此禮樂之本也漢興撥亂反正日不暇給猶命叔孫通制禮儀以正君臣之位高祖說而歎曰吾乃今日知爲天子之貴也以通爲奉常遂定儀法未盡備而通終至文帝時賈誼以爲漢承秦之敗俗廢禮義捐廉耻今其甚者殺父兄盜者取廟器而大臣特以簿

律考據下編

七

書不報期會爲故至於風俗流溢恬而不怪以爲是適然耳夫移風易俗使天下同心而鄉道類非俗吏之所能爲也夫立君臣等上下使綱紀有序六親和睦此非天之所爲人之所設也人之所設不爲不立不修則壞漢興至今二十餘年宜定制度典禮樂然後諸侯軌道百姓素朴獄訟衰息乃草具其儀天子說焉而大臣絳灌之屬害之故其議遂寢至武帝卽位進用英雋議立明堂制禮服以興太平會竇太后好黃老言不說儒術其事又廢後董仲舒對策言王者欲有所爲宜求其端於天天道大者在於陰陽陽爲德陰爲刑天使陽常居大夏而以生育長養爲事

律考據下編

八

陰常居大冬而積於空虛不用之處以此見天之任德不任刑也陽出布施於上而主歲功陰入伏藏於下而時出助陽陽不得陰之助亦不能獨成歲功王者承天意以從事故務德教而省刑罰刑罰不可任以治世猶陰之不可任以成歲也今廢先王之德教獨用執法之吏治民而欲德化被四海故難成也是故古之王者莫不以教化爲大務立大學以教於國設庠序以化於邑教化已明習俗已成天下嘗無一人之獄矣至周末世大爲無道以失天下秦繼其後又益甚之自古以來未嘗以亂濟亂大敗天下如秦者也習俗薄惡民人抵罪今漢繼秦之後雖欲治之無可奈何法出而姦生令下而詐起一歲之獄以萬千數如以湯止沸沸愈甚而無益辟之琴瑟不調甚者必解而更張之乃可鼓也爲政而不行甚者必變而更化之乃可理也故漢得天下以來常欲善治而至今不能勝殘去殺者失之當更化而不能更化也古人有言臨淵羨魚不如歸而結網今臨政而願治七十餘歲矣不如退而更化更化則可善治而災害日去福祿日來矣是時上方征討四夷銳志武功不暇留意禮文之事至宣帝時琅邪王吉爲諫大夫又上疏言欲治之主不世出公卿幸得遭遇其時未有建萬世之長策舉明主於三代之隆者也其務在於

簿書斷獄聽訟而已此非太平之基也今俗吏所以牧民者非有禮義科指可世世通行者也以意穿鑿各取一切是以詐僞萌生刑罰無極質朴日消恩愛寢薄孔子曰安上治民莫善於禮非空言也願與大臣延及儒生述舊禮明王制驅一世之民濟之仁壽之域則俗何以不若成康壽何以不若高宗上不納其言吉以病去至成帝時犍爲郡於水濱得古磬十六枚議者以爲善祥劉向因是說上宜興辟雍設庠序陳禮樂隆雅頌之聲盛揖讓之容以風化天下如此而不治者未之有也或曰不能具禮禮以養人爲本如有過差是過而養人也刑罰之過或至死傷今

禮制講授下編

五

之刑非皋陶之法也而有司請定法創則削筆則筆救時務也至於禮樂則口不敢是敢於殺人而不敢於養人也爲其粗且免絃之間小不備因是絕而不爲是大小不備而就人不備或不備或莫甚焉夫教化之止於刑罰法輕是舍所重而急所輕也且教化所恃以爲治也刑法所以助治也今廢所恃而獨立其所助非所以致太平也自京師有悖逆不順之子孫至於陷大辟受刑戮者不絕緣不習五常之道也夫承千載之衰周繼暴秦之餘敝民漸漬惡俗貪饕險譎不聞義理不示以大化而獨敞以刑罰終已不改故曰蕩之以禮而民和睦初叔孫通將制定禮

儀見非於齊魯之士然卒爲漢儒宗業垂後嗣斯成法也成帝以向言下公卿議會向病卒丞相大司空奏請立辟雍案行長安城南營表未作遭成帝崩羣臣引以定諡及王莽爲宰衡欲耀衆庶遂興辟雍因以篡位海內畔之世祖受命中興撥亂反正改定京師於土中卽位三十年四夷賓服百姓家給政教清明乃營立明堂辟雍顯宗卽位躬行其禮宗祀光武皇帝於明堂養三老五更於辟雍威儀既盛美矣然德化未流洽者禮樂未具羣下無所誦說而庠序尚未設之故也孔子曰譬如爲山未成一簣止吾止也今叔孫通所撰禮儀與律令同錄藏於理官法家又

禮制講授下編

六

復不傳漢典寢而不著民臣莫有言者又通沒之後河間獻王采禮樂古事稍稍增輯至五百餘篇今學者不能昭見但推士禮以及天子說義又頗謬異故君臣長幼交接之道寢以不章昔殷周之雅頌乃上本有娥姜原高稷始生王公劉古公太伯王季姜女太任太姒之德乃及成湯文武受命武丁成康宣王中興下及輔佐阿衡周召太公申伯召虎仲山甫之屬君臣男女有功德者靡不褒揚功德既信美矣褒揚之聲盈乎天地之間是以光名著於當世遺譽垂於無窮也今漢郊廟詩歌未有祖宗之事八音調均又不協於鐘律而內有掖庭材人外有上林樂府

皆以鄭聲施於朝廷至成帝時謁者常山王禹世受河間樂能說其義其弟子宋華等上書言之下大夫博士平當等考試當以爲漢承秦滅道之後賴先帝聖德博受兼聽修廢官立大學河間獻王聘求幽隱修興雅樂以助化時大儒公孫弘董仲舒等皆以爲音中正雅立之大樂春秋鄉射作於學官希闕不講故自公卿大夫觀聽者但聞鏗鏘不曉其意而欲以風諭衆庶其道無由是以行之百有餘年德化至今未成今華等守習孤學大旨歸於興助教化衰微之學興廢在人宜領屬雅樂以繼絕表微孔子曰人能弘道非道弘人河間區區下國藩臣以好學修古能

椿村講授下編

七

有所存民到於今稱之見於聖主廣被之資修起舊文述而不作信而好古於以風示海內揚名後世誠非小功小美也事下公卿以爲久遠難分明當議復寔是時鄭聲尤甚百姓漸漬日久又不制雅樂有以相變豪富吏民湛汙自若陵夷壞于王莽今海內更始民人歸本戶口歲息平其刑辟收以賢良至於家給既庶且富則須庠序禮樂之教化矣今幸有前聖遺制之威儀誠可法象而補備之經紀可因緣而存者也孔子曰殷因於夏禮所損益可知也周因於殷禮所損益可知也其或繼周者雖百世可知也今大漢繼周久曠大儀未有立禮成樂此賈誼仲舒王吉

劉向之徒所爲發憤而增歎也

椿村講授下編

太

昔仲尼沒而微言絕七十子喪而大義乖故春秋分爲五詩分爲四易有數家之傳戰國縱橫真僞分爭諸子之言紛然敎亂至秦患之乃燔滅文章以愚黔首漢興改秦之敗大收篇籍廣開獻書之路迄孝武時書缺簡脫禮壞樂崩聖上喟然而稱曰朕甚憫焉於是建藏書之策置寫書之官下及諸子傳說皆充秘府至成帝時以書頗散亡使謁者陳農求遺書於天下詔光祿大夫劉向校經傳諸子詩賦步兵校尉任宏校兵書太史令尹咸校數術待詔李柱國校方技每一書已向輒條其篇目撮其指意錄而奏之會

樞府議授下編

九

向卒哀帝復使向子侍中奉車都尉歆卒父業歆於是總羣書而奏其七略故有輯略謂諸書之總要有六藝略六經有諸子畧有詩賦畧有兵書畧有術數畧有方技畧今刪其要以備篇籍

六藝目錄序

凡易十三家二百九十四篇易曰宓戲氏仰觀象於天俯觀法於地觀鳥獸之文與地之宜近取諸身遠取諸物於是始作八卦以通神明之德以類萬物之情至於殷周之際紂在上位逆天暴物文王以諸侯順天而行道天人之占可得而効於是重易六爻作上下篇孔氏爲之象象繫辭文言序卦之屬十篇故

曰易道深矣人更三聖世歷三古及秦燔書而易爲筮卜之事傳者不絕漢興田何傳之訖於宣元有施孟梁丘京氏列於學官而民間有費高二家之說劉向以中古文易經校施孟梁丘經或脫去无咎悔亡唯費氏經與古文同

凡書九家四百一十二篇易曰河出圖洛出書聖人則之故書之所起遠矣至孔子纂焉上斷於堯下訖於秦凡百篇而爲之序言其作意秦燔書禁學濟南伏生獨壁藏之漢興亡失求得二十九篇以教齊魯之間訖孝宣世有歐陽大小夏侯氏立於學官古文尚書者出孔子壁中武帝末魯共王壞孔子宅欲以

樞府議授下編

十

廣其官而得古文尚書及禮記論語孝經凡數十篇皆古字也共王往入其宅聞鼓琴瑟鐘磬之音於是懼乃止不壞孔安國者孔子後也悉得其書以考二十九篇得多十六篇安國獻之遭巫蠱事未列於學官劉向以中古文校歐陽大小夏侯三家經文酒誥脫簡一名誥脫簡二率簡二十五字者脫亦二十五字簡二十二字者脫亦二十二字文字異者七百有餘脫字數十書者古之號令號令於衆其言不立具則聽受施行者弗曉古文讀應爾雅故解古今語而可知也

凡詩六家四百一十六卷書曰詩言志歌詠言故哀

樂之心感而歌詠之聲發誦其言謂之詩詠其聲謂之歌故古有采詩之官王者所以觀風俗知得失自
考正也孔子純取周詩上采殷下取魯凡三百五篇
遭秦而全者以其諷誦不獨在竹帛故也漢興魯申
公為詩訓故而齊轅固燕韓生皆為之傳或取春秋
采雜說咸非其本義與不得已魯最為近之三家皆
列於學官又有毛公之學自謂子夏所傳而和閭獻
王好之未得立

凡禮十三家五百五十五篇易曰有夫婦父子君臣
上下禮義有所錯而帝王質文世有損益至周曲為
之防事為之制故曰禮儀三百威儀三千及周之衰

樸材講授下編

主

諸侯將踰法度惡其害已皆滅去其籍自孔子時而
不具至秦大壞漢興魯高堂生傳士禮十七篇訖孝
宣世后舍最明戴德戴聖慶普皆其弟子三家立於
學官禮古經者出於魯淹中名里及孔氏學十七篇文
相似多三十九篇及明堂陰陽王史氏記所見多天
子諸侯卿大夫之制雖不能備猶猶翁等推士禮而
致於天子之說

凡樂六家百六十五篇易曰先王作樂崇德殷薦之
上帝以享祖考故自黃帝下至三代樂各有名孔子
曰安上治民莫善於禮移風易俗莫善於樂二者相
與并行周衰俱壞樂又微眇以音律為節又為鄭衛

所亂故無遺法漢興制氏以雅樂聲律世在樂官頗
能紀其鏗鏘鼓舞而不能言其義六國之君魏文侯
最為好古孝文時得其樂人竇公桓譚新論云竇公
年百八十歲兩目
皆盲文帝奇之問曰何因至此對曰臣年十三失
明父母哀其不及眾技教鼓琴臣導引無所服餌獻
其書乃周官大宗伯之大司樂章也武帝時河間獻
王好儒與毛生等共采周官及諸子言樂事者以作
樂記獻八佾之舞與制氏不甚遠其內史丞王定傳
之以授常山王禹禹成帝時為謁者數言其義獻二
十四卷記劉向校書得樂記二十三篇與禹不同其
道淺以益微

樸材講授下編

主

凡春秋二十三家九百四十八篇古之王者世有史
官君舉必書所以慎言行昭法式也左史記言右史
記事事為春秋言為尚書帝王靡不同之周室既微
載籍殘缺仲尼思存前聖之業乃稱曰夏禮吾能言
之杞不足徵也殷禮吾能言之宋不足徵也文獻不
足故也足則吾能徵之矣以魯周公之國禮文備物
史官有法故與左丘明觀其史記據行事仍人道因
興以立功就敗以成罰假日月以定曆數藉朝聘以
正禮樂有所褒譏貶損不可書見口授弟子弟子退
而異言丘明恐弟子各安其意以失其真故論本事
而作傳明夫子不以空言說經也春秋所貶損大人
當世君臣有威權勢力其事實皆形於傳是以隱其

書而不宣所以免時難也今末世口說流行故有公羊穀梁鄒夾之傳四家之中公羊穀梁立於學官鄒氏無師夾氏未有書

凡論語十二家二百二十九篇論語者孔子應答弟子時人及弟子相與言而接聞於夫子之語也當時弟子各有所記夫子既卒門人相與輯而論纂故謂之論語漢興有齊魯之說傳齊論者昌邑中尉王吉少府宋畸御史大夫貢禹尚書令五鹿充宗膠東庸生唯王陽名家傳魯論者常山都尉龔奮長信少府夏侯勝丞相韋賢魯扶卿前將軍蕭望之安昌侯張禹皆名家張氏最後而行於世

徐村講授下編

謹

凡孝經十一家五十九篇孝經者孔子為曾子陳孝道也夫孝天之經地之義民之行也舉大者言故曰孝經漢興長孫氏博士江翁少府后倉諫大夫翼奉安昌侯張禹傳之各自名家經文皆同唯孔氏壁中古文為異父母生之續莫大焉故親生之膝下諸家說不安處古文字讀皆異

凡小學十家四十五篇易曰上古結繩以治後世聖人易之以書契百官以治萬民以察蓋取諸夬夬揚於王庭言其宣揚於王者朝廷其用最大也古者八歲入小學故周官保氏掌養國子教之六書謂象形象事象意象聲轉注假借造字之本也漢興蕭何草

律亦著其法曰太史試學童能諷書九千字以上乃得為史又以六體試之課最者以為尚書御史史書

今史吏民上書字或不正輒舉劾六體者古文奇字

篆書隸書繆篆蟲書師古曰古文謂孔子壁中書奇字即古文而異者也篆書謂小篆繆篆始自秦使程邈所作也隸書亦程邈所創主於徒隸從簡易也繆篆謂其文屈曲纏繞所以摹印章於也蟲書謂為蟲鳥之形所以書幡信也皆所以通知古今文字摹印章

書幡信也古制書必同文不知則闕問諸故老至於

衰世是非無正人用其私故孔子曰吾猶及史之闕

文也今亡矣夫蓋傷其寢不正史籍篇者周時史官

教學童書也與孔氏壁中古文異體蒼頡七章者秦

丞相李斯所作也爰歷六章者車府令趙高所作也

徐村講授下編

謹

博學七章者太史令胡毋敬所作也文字多取史籍篇而篆體復頗異所謂秦篆者也是時始造隸書矣起於官獄多事苟趨省易施之於徒隸也漢興閭里書師合蒼頡爰歷博學二篇斷六十字以為一章凡五十五章并為蒼頡篇武帝時司馬相如作凡將篇無復字元帝時黃門令史游作急就篇成帝時將作大匠李長作元尚篇皆蒼頡中正字也凡將則頗有出矣至元始中徵天下通小學者以百數各令記字於庭中楊雄取其有用者以作訓纂篇順續蒼頡又易蒼頡中重複之字凡八十九章臣復續楊雄作十三章凡一百二章無復字六藝羣書所載略備矣蒼

顏多古字俗師失其讀宣帝時徵齊人能正讀者張敞從受之傳至外孫之子杜林爲作訓故并列焉

凡六藝一百三家三千一百二十三篇六藝之文樂以和神仁之表也詩以正言義之用也禮以明體明者著見故無訓也書以廣聽知之術也春秋以斷事信之符也五者蓋五常之道相須而備而易爲之原故曰易不可見則乾坤或幾乎息矣言與天地爲終始也至於五學世有變改猶五行之更用事焉古之學者耕且養三年而通一藝存其大體玩經文而已是故用日少而畜德多三十而立也後世經傳既已乖離傳學者又不思多聞闕疑之義而務碎義

卷下

五

述難便辭巧說破壞形體說五字之文至於二三萬言後進彌以馳逐故幼童而守一藝白首而後能言安其所習毀所不見終以自蔽此學者之大患也序六藝爲九種

諸子目錄序

儒家者流蓋出於司徒之官助人君順陰陽明教化者也游文於六經之中留意於仁義之際祖述堯舜憲章文武宗師仲尼以重其言於道最爲高孔子曰如有所學其有所試唐虞之隆殷周之盛仲尼之業已試之効者也然惑者既失精微而辟者又隨時抑揚違離道本苟以譁衆取寵後進循之是以五經乖

析儒學寢衰此辟儒之患道家者流蓋出於史官歷記成敗存亡禍福古今之道然後知秉要執本清虛以自守卑弱以自持此君人南面之術也合於堯之克讓易之謙謙一謙而四益此其所長也及放者爲之則欲絕去禮學兼棄仁義曰獨任清虛可以爲治陰陽家者流蓋出於羲和之官敬順昊天歷象日月星辰敬授民時此其所長也及拘者爲之則牽於禁忌泥於小數舍人事而在鬼神法家者流蓋出於理官信賞必罰以輔禮制易曰先王以明罰飭法此其所長也及刻者爲之則無教化去仁愛專任刑法而欲以致治至於殘害至親傷恩薄厚名家者流蓋出

卷下

五

於禮官古者名位不同禮亦異數孔子曰必也正名乎名不正則言不順言不順則事不成此其所長也及譽者爲之則苟鉤鈇折亂而已墨家者流蓋出於清廟之守茅屋采椽是以貴儉養三老五更是以兼愛選士大射是以上賢宗祀嚴父是以右鬼順四時而行是以非命以孝視天下是以上同此其所長也及蔽者爲之見儉之利因以非禮推兼愛之意而不

於議官兼儒墨合名法知國體之有此見王治之無
不貫此其所長也及盪者爲之則漫美而無所歸心
農家者流蓋出於農稷之官播百穀勸耕桑以足衣
食故八政一曰食二曰貨孔子曰所重民食此其所
長也及鄙者爲之以爲無所事聖王欲使君臣並耕
詩上下之序小說家者流蓋出於稗官街談巷語道
聽塗說者之所造也孔子曰雖小道必有可觀者焉
致遠恐泥是以君子弗爲也然亦弗滅也閭里小知
者之所及亦使綴而不怠如或一言可采此亦芻蕘
狂夫之議也凡諸子百八十九家四千三百二十四
篇諸子十家其可觀者九家而已不數小皆起於王

稽村講授上編

卷

道既微諸侯力政時君世上好惡殊方是以九家之
說蠡出並作各引一端崇其所善以此馳說取合諸
侯其言雖殊譬猶水火相滅亦相生也仁之與義敬
之與和相反而皆相成也易曰天下同歸而殊塗一
致而百慮今異家者各推所長窮知究慮以明其指
雖有蔽短合其要歸亦六經之支與流裔使其人遭
明王聖主得其所折中皆股肱之才也仲尼有言禮
失而求諸野方今去聖久遠道術缺廢無所更索彼
九家者不猶瘡於野乎若能修六藝之術而觀此九
家之言舍短取長則可以通萬方之畧矣

董仲舒贊

漢書

贊曰劉向稱董仲舒有王佐之才雖伊呂亡以加筦
晏之屬霸者之佐殆不及也至向子歆以爲伊呂乃
聖人之耦王者不得則不興故顏淵死孔子曰噫天
喪余唯此一入爲能當之自宰我子貢子游子夏不
與焉仲舒遭漢承秦滅學之後六經離析下帷發憤
潛心大業令後學者有所統壹爲羣儒首然考其師
友淵原所漸猶未及乎游夏而曰筦晏弗及伊呂不
加過矣至向曾孫龔篤論君子也以歆之言爲然

稽村講授下編

卷

楊雄贊

漢書

贊曰雄之自序云爾初雄年四十餘自蜀來至游京師大司馬車騎將軍王音奇其文雅召以爲門下史薦雄待詔歲餘奏羽臘賦除爲郎給事黃門與王莽劉歆並哀帝之初又與董賢同官當成哀平間莽賢皆爲三公權傾人主所薦莫不拔擢而雄三世不徙官及莽篡位談說之士用符命稱功德獲封爵者甚衆雄復不侯以耆老久次轉爲大夫恬於勢利迺如是實好古而樂道其意欲求文章成名於後世以爲經莫大於易故作太玄傳莫大於論語作法言史篇莫善於蒼頡作訓纂箴莫善於虞箴作州箴賦莫深

榕村講段下編

說

於離騷反而廣之辭莫麗於相如作四賦皆斟酌其本相與依而馳騁六用心於內不求於外於時人皆習之唯劉歆及范滂敬焉而桓譚以爲絕倫王莽時劉歆豐皆爲上公莽既以符命自立卽位之後欲絕其原以神前事而豐子尋歆子棻復獻之莽誅豐父子投棻囚奇辭所連及便收不請時雄校書天祿閣上治獄使者來欲收雄雄恐不能自免迺從閣上自投下幾死莽聞之曰雄素不與事何故在此間請問其故迺劉棻嘗從雄學作奇字雄不知情有詔召問太京師爲之語曰惟寂寞自投閣爰清靜作符命雄以病免復召爲大夫家素貧嗜酒人希至其門

時有好事者載酒肴從游學而鉅鹿侯芭常從雄居受其太玄法言焉劉歆亦嘗觀之謂雄曰空自苦今學者有祿利然尚不能明易又如玄何吾恐後人用覆瓿也雄笑而不應年七十一天鳳五年卒侯芭爲起墳喪之三年時大司空王邑納言嚴尤聞雄死謂桓譚曰子嘗稱揚雄書豈能傳於後世乎譚曰必傳顧君與譚不及見也凡人賤近而貴遠親見楊子雲祿位容貌不能動人故輕其書昔老聃著虛無之言兩篇薄仁義非禮學然後世好之者尚以爲過於五經自漢文景之君及司馬遷皆有是言今揚子之書文義至深而論不詭於聖人若使遭遇時君更閱賢知爲所稱善則必度越諸子矣諸儒或譏以爲雄非聖人而作經猶春秋災楚之君借號稱王蓋誅絕之罪也自雄之沒至今四十餘年其法言大行而玄終不顯然篇籍具有

榕村講段下編

三

前出師表

諸葛武侯

臣亮言先帝創業未半而中道崩殂今天下三分益州疲弊此誠危急存亡之秋也然侍衛之臣不懈於內忠志之士忘身於外者蓋追先帝之殊遇欲報之於陛下也誠宜開張聖聽以光先帝遺德恢宏志士之氣不宜妄自菲薄引喻失義以塞忠諫之路也宮中府中俱爲一體陟罰臧否不宜異同若有作姦犯科及爲忠善者宜付有司論其刑賞以昭陛下平明之治不宜偏私使內外異法也侍中侍郎郭攸之費禕董允等此皆良實志慮忠純是以先帝簡拔以遺陛下愚以爲宮中之事事無大小悉以咨之然後施行必能裨補闕漏有所廣益將軍向寵性行淑均曉暢軍事試用於昔日先帝稱之曰能是以衆議舉寵爲督愚以爲營中之事事無大小悉以諮之必能使行陣和睦優劣得所也親賢臣遠小人此先漢所以興隆也親小人遠賢臣此後漢所以傾頽也先帝在時每與臣論此事未嘗不嘆息痛恨於桓靈也侍中尚書長史叅軍此悉貞諒死節之臣也願陛下親之信之則漢室之隆可計日而待也臣本布衣躬耕南陽苟全性命於亂世不求聞達於諸侯先帝不以臣卑鄙猥自枉屈三顧臣於草廬之中諮臣以當世之事由是感激遂許先帝以驅馳後值傾覆受任於敗

檄村講授下編

三

軍之際奉命於危難之間爾來二十有一年矣先帝知臣謹慎故臨崩寄臣以大事也受命以來夙夜憂嘆恐託付不效以傷先帝之明故五月渡瀘深入不毛今南方已定兵甲已足當獎帥三軍北定中原庶竭駑鈍攘除姦兇興復漢室還於舊都此臣之所以報先帝而忠陛下之職分也至於斟酌損益進盡忠言則攸之禕允之任也願陛下託臣以討賊興復之效不效則治臣之罪以告先帝之靈若無興德之言則責攸之禕允之咎以彰其慢陛下亦宜自謀以咨諏善道察納雅言深追先帝遺詔臣不勝受恩感激今當遠離臨表涕泣不知所云

檄村講授下編

三

由三代而上治出於一而禮樂達於天下由三代而下治出於二而禮樂爲虛名古者宮室車輿以爲居衣裳冕弁以爲服尊爵俎豆以爲器金石絲竹以爲樂以適郊廟以臨朝廷以事神而治民其歲時聚會以爲朝覲聘問懼欣交接以爲射鄉食饗合衆興事以爲師田學校下至里閭田畊吉凶哀樂凡民之事莫不一出於禮由之以教其民爲孝慈友悌忠信仁義者常不出於居處動作衣服飲食之間蓋其朝夕從事者無非乎此也此所謂治出於一而禮樂達天下使天下安習而行之不知所以遷善遠罪而成俗

穆利講授下編

五

也及三代已亡禮樂變古後之有天下者自天子百官名號位序國家制度宮車服器一切用秦其間雖有欲治之上思所改作不能追然遠復三代之上而牽其時俗稍仰以損益人抵安於苟簡而已其朝夕從事則以簿書獄訟兵食爲急以此爲政也所以治民至於三代禮樂具其名物而藏於有司時出而用之郊廟朝廷曰此爲禮也所以教民此所以治出於二而禮樂爲虛名故自漢以來史官所記事物名數降登揖讓拜俛伏興之節皆有司之事爾所謂禮之本節也然用之郊廟朝廷自搢紳大夫從事其間者皆莫能曉習而天下之人至於老死未嘗見也况欲

識禮樂之盛曉然論其意而被其教化以成俗乎嗚呼習其器而不知其意忘其本而存其末又不能備具所謂朝覲聘問射鄉食饗師田學校冠昏喪葬之禮在者幾何自梁以來始以其當時所行傳於周官五禮之名各立一家之學唐初卽用隋禮至太宗時中書令房玄齡秘書監魏徵與禮官學士等因隋之禮增以天子上陵朝廟養老大射講武讀時令納皇后皇太子入學太常行陵令朔陳兵大社等爲吉禮六十一篇賓禮四篇軍禮二十篇嘉禮四十二篇凶禮十一篇是爲貞觀禮高宗又詔太尉長孫无忌中書令杜正倫李義甫中書侍郎李友益黃門侍郎劉

穆利講授下編

書

祥道許圜師太子賓客許敬宗太常卿韋瓘等增之爲一百三十卷是爲顯慶禮其文雜以武令而義府敬宗方得幸多希旨傳會事旣施行議者皆以爲非上元三年詔復用貞觀禮由是終高宗世貞觀顯慶二禮兼行而有司臨事遠引古義與二禮參考增損之無復定制武氏中宗繼以亂敗無可言者博士掌禮備官而已玄宗開元十年以國子司業韋紹爲禮儀使以掌五禮十四年通事舍人王崑上疏請刪去禮記舊文而益以今事詔付集賢院議學士張說以禮記舊文不爲書久遠不可易而唐貞觀顯慶禮儀注前後不同宜加折衷以爲唐禮乃詔集賢

院學士右散騎常侍徐堅左拾遺李銳及太常博士
施敬本撰述歷年未就而銳卒蕭嵩代銳爲學士奏
起居舍人王仲丘撰定爲一百五十卷是爲大唐開
元禮由是唐之五禮之文始備而後世用之雖時小
有損益不能過也貞元中太常禮院修撰王涇考次
歷代郊廟沿革之制及其工歌祝號而圖其壇屋陟
降之序爲郊祀錄十卷元和十一年秘書郎修撰韋
公肅又錄開元以後禮文損益爲禮閣新儀三十卷
十三年太常博士王彥威爲曲臺新禮三十卷又採
元和以來王公士民葬祭喪葬之禮爲續曲臺禮三
十卷嗚呼考其文記可謂備矣以之施於貞觀開元

梓材講授下編

重

之間亦可謂盛矣而不能至三代之隆者具其文而
意不在焉此所謂禮樂爲虛名也哉

韓愈贊

唐書

唐興承五代剖分王政不綱文弊質窮黽黽混井天
下已定治荒剔蠹討究儒術以興典憲熏醲涵浸殆
百餘年其後文章稍稍可述至貞元元和間愈遂以
六經之文爲諸儒倡障隄末流反刊以樸剗僞以真
然愈之才自視司馬遷楊雄至班固以下不論也當
其所得粹然一出於正刊落陳言橫驚別驅汪洋大
肆要之無牴牾聖人者其道蓋自比孟軻以荀況楊
雄爲未淳寧不信然至進諫陳謀排難卹孤矯拂嬖
末皇皇於仁義可謂篤道君子矣自晉迄隋老佛顯
行聖道不斷如帶諸儒倚天下正議助爲怪神愈獨
喟然引聖爭四海之惑雖蒙訕笑踰而復奮始若未
之信卒大顯於時昔孟軻拒楊墨去孔子才二百年
愈排二家乃去千餘歲撥衰反正功與齊而力倍之
所以過況雄爲不少矣自愈沒其言大行學者仰之
如泰山北斗云

梓材講授下編

素

李蔚贊

唐書

人之惑怪神也甚哉若佛者特西域一稿人耳裸顛露足以乞食自資濯辱其身屏營山樊行一槩之苦木無求於人徒屬稍稍從之然其言荒茫漫靡夷幻變現善推不驗無實之事以鬼神生死貫爲一條據之不疑指嗜欲棄親屬大抵與黃老相出入至漢十四葉書入中國蹟夫生人之情以耳目不際爲奇以不可知爲神以物理之外爲畏以變化無方爲聖以生而死死復生回復償報歆豔其間爲或然以賤近貴遠爲憲輟譯差殊不可研詰華人之誦誕者又攘莊周列禦寇之說佐其高層累架騰立出其表以無

補註講下編

孝

上不可加爲勝妄相夸音而倡其風於是自天子達庶人皆震動而祠奉之初宰相王縉以緣業事佐代宗於是始作內道場晝夜梵唄黃纓冠戎大作孟蘭會祖宗像分供塔廟爲賊臣嘻笑至憲宗世遂迎佛骨於鳳翔內之宮中韓愈指言其弊帝怒竄愈瀕死憲亦弗獲天年幸福而禍無亦左手慈宗不君精爽奪迷復蹈前車而覆之興衰無知之場丐庇百解之皆以死自誓無有顧籍流淚拜伏雖事宗廟上帝無以進焉屈萬乘之貴白等於古胡數千載而遠以身爲狗嗚呼運彥祚殫天告之矣懿不三月而徂唐德之不競厥有來哉悲夫

七殿劄子

程子明道

臣伏謂君道之大在乎稽古正學明善惡之歸辨忠邪之分曉然趨道之正故在乎君志先定君志定而天下之治成矣所謂定志者一心誠意擇善而固執之也夫義理不先定則多聽而易惑志意不先定則守善而或移惟在以聖人之訓爲必當從先王之治爲必可法不爲後世駁雜之政所牽制不爲流俗因循之論所遷惑自知極於明信道極於篤任賢勿貳去邪勿疑必期致世如三代之隆而後已也然天下之事患常生於忽微而志亦戒乎漸習是故古之人君雖出入從容閒燕必有誦訓箴諫之臣左右前後無非正人所以成其德業伏願陛下禮命老成賢儒不必勞以職事俾日親便座講論道義以輔養聖德又擇天下賢俊使得陪侍法從朝夕延見開陳善道講磨治體以廣聞聽如是則聖智益明王猷允塞矣今四海靡靡日入偷薄民俗嚙嚙無復廉恥蓋亦朝廷尊德樂道之風未孚而篤誠忠厚之教尚鬱也惟陛下稽聖人之訓法先王之治一心誠意體乾剛健而力行之則天下幸甚

補註講下編

孝

請修學校尊師儒取士劄子

程子明道

臣伏謂治天下以正風俗得賢才爲本宋興百餘年而教化未大醇人情未盡美士人微謙退之節鄉閭無廉恥之行刑雖繁而奸不止官雖冗而材不足者此蓋學校不修師儒不尊無以風勸養厲之使然也去聖久遠師道不立儒者之學幾於廢熄古者一道德以同風俗方今人執私見家爲異說支離經訓無復統一道之不明不行蓋在於此臣謂宜先禮命近侍賢儒各以類舉及百執事方岳州縣之吏悉心推訪凡有明先王之道德業充備足爲師表者其次有篤志好學材良行修者皆以名聞其高蹈之士朝廷

穆村講授下編

美

當厚禮延聘其餘命州縣散遣萃於京師館之寬閒之宇豐其粟餼卹其家之有無以大臣之賢典領其事俾羣儒朝夕相與講明正學其道必本於人倫明乎物理具教自小學灑掃應對以往修其孝弟忠信周旋禮樂其所以誘掖激厲漸磨成就之道皆有節序其要在於擇善修身化成天下自鄉人而可至於聖人之道其學行皆中於是者爲成德又其次取才識明達可進於善者使日受其業稍久則舉其賢傑以備高任擇其學業大明德義可尊者爲大學之師次以分教天下之學久之則十室之鄉達於黨遂皆當修其庠序之制爲之立師旣一以道德仁義教養

之又專以行實材學升進去其聲律小碎糊名謄錄一切無義理之弊不數年間學者靡然丕變豈惟得士浸廣天下風俗將日入醇正王化之本也臣謂帝王之道莫尚於此願陛下特留宸意爲萬世行之

卷之四下編

四

天下之勢所甚急者在安危治亂之機若夫指一政之闕失陳一事之利病徒爲小補不足以救當世之弊而副陛下勤求之意也安危治亂之機臣以爲所尤先者有三焉請爲陛下陳之一曰立志二曰責任三曰求賢三者之中復以立志爲本君志立而天下治矣所謂立志者至誠一心以道自任以聖人之訓爲可必信先王之治爲可必行不狃滯於近規不遷惑於衆口必期致天下如三代之世也夫以一夫之身立志不篤則不能自修况天下之大非體乾剛健其能治乎自昔人君孰不欲天下之治然而或欲爲

程子講授下編

聖

而不知所措或始銳而不克其終或安於積久之弊而不能改爲或惑於衆多之口而莫知適用此皆上志不立故也故臣願陛下以立志爲先法先王之治稽經典之訓篤信而力行之救天下深沉固結之弊爲生民長久治安之計勿以變舊爲難勿以衆口爲惑則三代之治可望於今日也所謂責任者海宇之廣億兆之衆一人不可以獨治必賴輔弼之賢然後能成天下之務自古聖王未有不求任輔相爲先者也商王高宗之初未得其人則恭默不言蓋事無當先者也及其得說而命之則曰濟川作舟楫歲旱作霖雨和羹惟鹽梅其相須倚賴之如是此聖人

任輔相之道也夫圖任之道以慎擇爲本擇之慎故知之明知之明故信之篤信之篤故任之專任之專故禮之厚而責之重擇之慎則必得其賢知之明則仰成而不疑信之篤則人致其誠任之專則得盡其才禮之厚則體貌尊而其勢重責之重則其自任切而功有成是故推誠任之待以師傅之禮坐而論道責之以天下治陰陽和故當之者自知禮尊而任專責深而勢重則挺然以天下爲己任故能稱其職也雖有姦諛巧佞知其交深而不可間勢重而不可搖亦將息其邪謀歸附於正矣後之任相者異於是其始也不慎擇擇之不慎故知之不明知之不明故信

程子講授下編

聖

之不篤信之不篤故任之不專任之不專故禮之不厚而責之亦不重矣擇不慎則不得其人知不明則用之猶豫信不篤則人懷疑慮任不專則不得盡其能禮不厚則其勢輕而易搖責不重則不稱其職是故任之不盡其誠待之不以其禮僕僕趨走若吏史然文案紛冗下行有司之事當之者自知交不深而其勢輕動懷顧慮不肯自盡上懼君心之疑下虞羣議之奪故蓄縮不敢有爲苟循常以圖自安耳君子不願處也姦邪之人亦知其易搖日伺間隙如是其能自任以天下之重乎若曰非任之艱知之惟艱且何以知其賢而任之或失其人治亂所係此人君所

以難之也臣以爲知人誠難亦繁取之之道如何耳
皋陶爲帝舜謨曰在知人禹吁而難之及其陳九德
載采采則曰底可績蓋詢行考實人焉度哉願陛下
既堅求治之志則以責任宰相爲先待之盡其禮任
之盡其誠責之盡其職不患其不爲患其不能爲不
患其不能爲患其不得爲蓋不爲者可責之必爲不
能者可勉求而能惟不得爲則已矣所謂不得爲者
君臣之志不通懷顧慮而不肯自盡此由失待任之
道也所謂求賢者古聖王之所以能致天下之治無
他術也朝廷至於天下公卿大夫百職羣僚皆稱其
任而已何以得稱其任賢者在位能者在職而已何

蘇詩下編

聖

以得賢能而任之求之有道而已今取士之弊議者
亦多矣大概投名自薦是謂聲律非求賢之道求不
以道則得非其賢間或得才適由偶幸非知其才而
取之也以今選舉之科用今進任之法而欲得天下
之賢與天下之治其猶北轅適越不亦遠乎願陛下
既立求治之志又思責任之道則以求賢爲先苟不
先得賢雖陛下焦心勞思將安所施誠得天下之賢
置之朝廷則端拱無爲而天下治矣此所謂勞於求
賢逸於得人也若曰非不欲賢也病求之之難也臣
以爲不然夫以人主之勢心之所嚮天下風靡景從
設若珍禽異獸瑰寶奇玩之物雖遐方殊域之所有

深山大海之所生志所欲者無不可致蓋上心所好
奉之以天下之力也若使存好賢之心如是則何巖
穴之幽不可求山林之深不可致所患好之不篤耳
夫人君用賢亦賴公卿大臣推援薦達之力今朝廷
未嘗求賢公卿大臣亦不求賢取士爲意相先引
策世所罕聞訪道求師貴達所恥欲其助皇明燭幽
隱不可得也然亦繫上之所爲而已陛下誠能專心
致志孜孜不倦以求賢爲事常恐天下有遺棄之才
朝廷之上推賢拔能者登進之蔽賢自任者疎遠之
自然天下嚮風自下及上孰不以相先爲善行薦達
爲急務搜拔既廣雖小才片善無所隱晦如此則士

榕村講授下編

聖

益貴而守益堅廉恥格而風敦厚矣既得天下之賢
則天下之治不足道也今世人情淺近積慣成俗朝
廷進人苟循常法則雖千伯而取千伍而用庸惡混
雜曾不以爲非設或拔一賢進一善出於不次則求
撫小差衆議囂沸如真廟擢種放先朝用范仲淹是
也設非君心篤信寧免疑惑反自以爲過此所以非
常之舉曠久不行也臣前所陳三者治天下之本也
臣非不知有興利除害之方安國養民之術邊境備
禦之策教化根本之論可以爲陛下陳之願三者不
先徒虛言耳三者既行不患爲之無術也願陛下以
社稷爲心以生民爲念鑒苟安之弊思永世之策賜

之省覽察其深誠萬有毫髮之補於聖朝臣雖被
妄言之誅無所悔恨

容齋詩話下編

卷五

論經筵劄子 依梓言本

程子伊川

古之人君守成業而致盛治者莫如周成王其所以
成德則由乎周公周公之輔成王也幼而習之所見
必正事所聞必正言左右前後皆正人故習與性長
化與心成今陛下春秋方富輔養之道不可不至也
所謂輔養之道非謂告詔以言過而後諫也尤在涵
養薰陶之而已矣今夫一日之間接賢士大夫之時
多親寺人宦官之時少則氣質自化德器自成臣欲
謹選賢德之士以待勸講講讀既罷常留以備訪問
從容燕語不獨漸磨德義至於人情物態稼穡艱難
日積既久自然通達比之深處宮闈為益多矣夫傳

榕村詩話下編

卷五

德義者在乎防閑見之非節嗜慾之過保身體者在
乎適起居之宜存畏謹之心故左右近侍宜選老成
重厚小心之人服飾器用皆須朴質之物俾華巧靡
麗不至於前淺俗之言不入於耳凡動作言語必使
勸講者知之庶幾隨事箴規應時諫正調護聖躬莫
過於此矣人君居崇高之位持威福之柄百官畏懼
而莫敢仰視萬方崇奉而唯欲必得苟非知道畏義
所養如此其成則中常之君無不驕肆英明之主自
然滿假此古今同患治亂所由也

臣愚鄙之人自少不喜進取以讀書求道爲事於茲幾三十年矣當英祖朝暨神宗之初屢爲當塗者稱薦臣於斯時自顧學之不足不願仕也及皇帝陛下嗣位太皇太后陛下臨朝求賢願治大臣上體聖意搜揚巖穴首及微賤蒙恩除西京學官臣於斯時未有意於仕也辭避方再而遽有名命臣以爲名而不往唯子思孟軻則可已之微賤食土之毛而爲王民名而不往邦有常憲是以奔走應命到闕蒙恩授館職方以義辭遂蒙召對臣於斯時尚未有意於仕也進至簾前咫尺天光未嘗敢以一言及朝政旣而親

榕村講授下編

畢

奉德音擢至經筵事出意外惘然驚惕臣竊內思儒者得以道學輔人主者非常之遇使臣自擇所處亦無過於此矣臣於斯時雖以不才而辭然許國之心實已萌矣供職而來夙夜畢精竭慮唯欲主上德如堯舜異日天下享唐虞之治而社固無窮之基乃臣之心也伏以太皇太后陛下心存至公躬行大道開納忠言委用耆德不止維持大業且欲興致太平臣以爲今日至人至急爲宗社生靈長久之計惟是輔義主德而已歷觀前古輔養幼主之道莫備於周公周公之爲萬世之法也周公作立政之書舉言常伯至於綴衣虎賁以爲知恤者鮮一篇之中丁寧重

惟在此一事而已又曰僕臣正厥后克正又曰后德惟臣不德惟臣又曰侍御僕從罔匪正人以旦夕承弼厥辟出入起居罔有不欽是古人之意人主跬步不可離正人也蓋所以涵養氣質薰陶德性故能習與智長化與心成後世不復知此以爲人主就學所以涉書史覽古今也若止於如是則能文官人可以備勸講知書內侍可以充輔導何用設官置職精求賢德哉大抵人主受天之命才質鮮不過人然而完德有道之君至少其故何哉皆輔養不得其道而位勢使之然也伏惟皇帝陛下天姿粹美德性仁厚必爲有宋令主但恐輔養之道有未至爾臣供職以來

榕村講授下編

吳

六侍經筵但見諸臣拱手默坐當講者立案傍解釋敷行而退如此雖積年彌歲所益幾何與周公輔養成王之道殊不同矣或以爲上上幼且當如此此不知本之論也古人生子能食能言而教之大學之法以豫爲先人之幼也知思未有所主便當以格言至論日陳於前雖未曉知且當薰貼使盈耳充腹久自安習若固有之雖以他言惑之不能入也若爲之不豫及乎稍長私意偏好生於內衆口辨言鑠於外欲其純完不可得也或又以爲上上天姿至美自無違道此尤非至論夫聖莫聖於舜而禹皋陶未嘗忘規戒至曰無若丹朱好慢遊作傲虐且舜之不爲慢

遊傲虐雖至愚亦當知之蓋處崇高之位儆戒之道
不得不如是且人心豈有常哉以唐太宗之英睿躬
歷艱難力平禍亂年亦長矣始惡隋場侈麗毀其層
觀不六七年復欲治乾陽殿是人心果有常乎所以
聖賢雖明盛之際不廢規戒爲慮豈不深遠也哉况
冲幼之君閑邪拂逆之道可少懈乎夫開發之道有
方面朋習之益至切故周公輔成王使伯禽與之處
其廟使蔡伯希侍仁宗乃師古也臣欲乞擇臣寮子
弟十歲以上十二歲以下端謹穎悟者三人侍上左
右辨色則入昏而罷歸常情笑語亦勿禁止唯須言
語必正舉動必莊歲月之間自覺其益又間日講讀

穆村講授下編

見

則史官一人侍史官之職言動必書施於視政之
時則可經筵講肄之所乃燕處也主上方問學之初
宜心泰體舒乃能悅懌今則前對大臣動虞有失旁
立史官言出輒書使上欲游其志得乎欲發於言敢
乎深妨問學不得不改今講讀官共五人四人皆兼
他職獨臣不領別官近復差修國子監太學條制是
亦兼他職也乃無一人專職輔導者夫告於人者非
積其誠意不能感而入也故聖人以蒲蘆喻教謂以
誠化之也今夫鍾怒而擊之則武悲而擊之則哀誠
意之感而入也告於人亦如是古之人齋戒而告其
君臣前後兩得進講未嘗敢不宿齋豫戒潛思存誠

觀感動於上心若使營營於職事紛紛其思慮待至
上前然後善其辭說以頌舌感人不亦淺乎此理非
知學者不能曉也道衰學廢世俗何嘗聞此雖聞之
必以爲迂誕陛下高識遠見當蒙鑒知竊以聖人之
學不傳久矣臣幸得之於遺經不自度量以身任道
方將區區駕其說以示學者不虞天幸之至得備講
說於人主之側使臣得以聖人之學上沃聖聰則聖
人之道有可行之望豈獨臣之幸哉

穆村講授下編

平

累書所論病倦不能詳說試以鄙見道其畧幸不責其妄易觀吾叔之見至正而謹嚴如虛無卽氣則無無之語深探遠隨豈後世學者所嘗慮及也餘所論以大槩氣象言之則有苦心極力之象而無寬裕溫厚之氣非明睿所照而考索至此故意屢偏而言多窒小出入時有之更願完養思慮涵泳義理他日自當條暢何日得拜見當以來書爲據句句而論字字而議庶及精微牽勉病軀不能周悉

前所寄史論十篇其意甚正纔一觀便爲人借去俟更子細看西銘之論則未然橫渠立言誠有過者乃在正蒙西銘之爲書推理以有義擴前聖所未發與孟子性善養氣之論同功豈墨氏之北哉西銘明理一而分殊墨氏則二本而無分分殊之弊私勝而失仁無分之罪兼愛而無義分立而推理一以止私勝之流仁之方也無別而迷兼愛至於無父之極義之賊也子此而同之過矣且謂言體而不及用彼欲使人推而行之本爲用也反謂不及不亦異乎

答張宏中書

程子伊川

易傳未傳自量精力未衰尚覲有小進爾然亦不必
直待身後覺耄則傳矣書雖未出學未嘗不傳也第
患無受之者耳來書云易之義本起於數謂義起於
數則非也有理而後有象有象而後有數易因象以
明理由象而知數得其義則象數在其中矣必欲窮
象之隱微盡數之豪忽乃時流逐末術家之所尚非
儒者之所務也管輅郭璞之徒是也

懷軒講授下編

重

與方元案手帖

程子伊川

聖人之道坦如大路學者病不得其門耳得其門無
遠之不可到也求入其門不由於經乎今之治經者
亦衆矣然而買櫝還珠之弊人人皆是經所以載道
也誦其言辭解其訓詁而不及道乃無用之糟粕耳
覲足下由經以求道勉之又勉異日見卓爾有立於
前然後不知手足之舞足之蹈不加勉而不能自止
矣

懷軒講授下編

重

前者奉答適病倦不能詳後來親知講論幾盈箱矣設端雖多大率意不相遠於大概尚不識况屈伸久速之際乎平日不謂至如是豈皆知不足以及之蓋爲衆說漂煦不能自立爾此由見信不篤故也孔孟之門豈皆賢哲固多衆人以衆人觀聖賢弗識者多矣惟其不敢信已而信其師是故求而後得今諸君於願言纔不合則置不復思所以終其也不可便放下更且思之致知之方也姑求自曉無庸他恤深尤不知者甚無謂也

向云無多爲詩與文者非止爲傷心氣也直以不當輕作爾聖賢之言不得已也蓋有是言則是理明無是言則天下之理闕焉如彼耒耜陶冶之器一不制則生人之道有不足矣聖人之言雖欲已得乎然其包涵盡天下之理亦甚約也後之人始執卷則以文章爲先平生所爲動多於聖人然有之無所補無之靡所闕乃無用之贅言也不止贅而已既不得其要則離真失正反害於道必矣又言欲使後人見其不忘乎善人能爲合道之文者知道者也在知道者所以爲文之心乃非區區懼其無聞於後欲使後人見其不忘乎善而已夫子疾沒世而名不稱疾沒身無善可稱云爾非謂疾無名也名者可以厲中人君子所存非所汲汲又云上能探古先之陳迹綜羣言之是非欲其心通默識固未能也夫心通乎道然後能辨是非如持權衡以較輕重孟子所謂知言是已揆之以道則是非了然不待精思而自見不通乎道而較古人之是非猶不持權衡而酌輕重竭其目力勞其心智雖或屢中君子不貴也

性說

王安石

孔子曰性相近也習相遠也吾是以與孔子也韓子之言性也吾不有取焉然則孔子所謂中人以上可以語上中人以下不可以語上惟上智與下愚不移何說也曰習於善而已矣所謂上智者習於惡而已矣所謂下愚者一習於善一習於惡所謂中人者上智也下愚也中人也其卒也命之而已矣有人於此未始爲不善也謂之上智可也其卒也去而爲不善然後謂之中人可也有人於此未始爲善也謂之下愚可也其卒也去而爲善然後謂之中人可也惟其不移然後謂之上智惟其不移然後謂之下愚皆於

律村講學下編

卷

其卒也命之夫非生而不可移也且韓子之言弗顧矣曰性之品三而其所以爲性五夫仁義禮智信孰而可謂不善也又曰上焉者之於五主於一而行之四下焉者之於五反於一而悖於四是其於性也不一失焉而後謂之上焉者不得一焉而後謂之下焉者是果性善而不善者習也然則堯之朱舜之均瞽瞍之舜鯀之禹后稷之桀叔魚之事後所引者皆不可信邪曰堯之朱舜之均固吾所謂習於善而已者后稷之瞽瞍之舜鯀之禹固吾所謂習於惡而已者詩以異云而吾之所論者常也詩之言至以爲人子而無父人子而無父猶可以推其質常乎夫言性亦

常而已矣無亦常乎則狂者蹈火而入河亦可以爲性也越叔叔魚之事徒聞之左丘明丘明固不可信也以言取人孔子失之宰我以貌失之子羽此兩人者其成人也孔子朝夕與之居以言貌取之而失彼其始生也婦人以聲與貌定而卒得之婦人者獨有過孔子者耶

律村講學下編

卷

書義序

王安石

熙寧二年臣某以尚書入侍遂與政而子牙實嗣講
事有旨爲之說以獻八年下其說大學班焉惟虞夏
商周之遺文更秦而幾亡遭漢而僅存賴學士大夫
誦說以故不泯而世主莫或知其可用天縱皇帝大
知實始操之以驗物考之以決事又命訓其義兼明
天下後世而臣父子以區區所聞承乏與榮焉然言
之淵懿而釋以淺陋命之重大而承以輕眇茲榮也
祇所以爲愧也歟謹序

孫付講授下編

五

周禮義序

王安石

士弊於俗學久矣聖上閔焉以經術造之乃集儒臣
訓釋厥旨將播之校學而臣某實董周官惟道之在
政事其貴賤有位其後先有序其多寡有數其遲數
有時制而用之存乎法推而行之存乎人其人足以
任官其官足以行法莫盛乎成周之時其法可施於
後世其文有見於載籍莫具乎周官之書蓋其因習
以崇之庶績以終之至於後世無以復加則豈特文
武周公之力哉猶四時之運陰陽積而成寒暑非一
日也自周之衰以至於今歷歲千數百矣太平之遺
迹掃蕩幾盡學者所見無復全經於是時也乃欲訓
而發之臣誠不自揆然知其難也以訓而發之之爲
難則又以知夫立政造事追而復之之爲難然竊觀
聖上致法就功取成於心訓迪在位有馮有翼壘壘
乎郊六服承德之世矣以所觀乎今考所學乎古所
謂見而知之者臣誠不自揆妄以爲庶幾焉故遂昧
目自竭而忘其材之弗及也謹列其書爲二十有二
卷凡十餘萬言上之御府副在有司以待制詔頒焉
謹序

孫付講授下編

六

詩義序

王安石

詩三百十一篇其義具有其辭亡者六篇而已上既使臣勞訓其辭又命臣某等訓其義書成以賜太學布之天下又使臣某爲之序謹拜手稽首言曰詩上通乎道德下止乎禮義放其言之文君子以興焉循其道之序聖人以成焉然以孔子之門人賜也商也有得於一言則孔子悅而進之蓋其說之難明如此則自周衰以迄於今泯泯紛紛豈不宜哉伏惟皇帝陛下內德純茂則神同時惻外行恂達則四方以無侮日就月將學有緝熙於光明則頌之所形容蓋有不足道也微言與義既自得之又命承學之臣訓釋

榕村講學下編

空

厥遺樂與天下共之傾臣等所聞如燭火焉豈足以磨日月之餘光姑承明訓代置而已傳曰美成在久故械模之作人以詩考爲言蓋將有來者焉追琢其章繼聖志而成之也臣哀且老矣尚庶幾及見之謹序

虔州學記

王安石

虔州江南地最曠大山長谷荒翳險阻交廣閩越銅鹽之販道所出人椎埋盜奪鼓鑄之姦視天下爲多慶曆中嘗詔立學州縣虔亦應詔而卑陋褊迫不足爲美觀州人欲合私財遷而大之久矣然吏常力屈於聽獄而不暇顧此凡二十一年而後改築於州所治之東南以從州人之願蓋經始於治平元年二月提點刑獄宋城蔡侯行州事之時而考之以十月者知州事錢唐元侯也二侯皆天下所謂才吏故其就此不勞而齋祠講說侯望宿息以至庖福莫不有所又斥餘財市田及書以待學者內外完善矣於是州

榕村講學下編

空

人相與樂二侯之適已而求諸文以記其成余聞之先王所謂道德者性命之理而已其度數在乎俎豆鐘鼓筦弦之間而常患乎難知故爲之官師爲之學以聚天下之士期命辨說誦歌弦舞使之深知其意夫士牧民者也牧知地之所在則彼不知者驅之爾然士學而不知知而不行行而不至則奈何先王於是乎有政矣夫政非爲勸沮而已也然亦所以爲勸沮故舉其學之成者以爲卿大夫其次雖未成而不害其能至者以爲士此舜所謂庸之者也若夫道隆而德駿者又不止此雖天子北面而問焉而與之迭爲賓主此舜所謂承之者也蔽陷昨逃不可與有直

則撻之以誨其過書之以識其惡待之以歲月之久而終不化則放棄殺戮之刑隨其後此舜所謂威之者也蓋其教法德則異之以智仁聖義忠和行則同之以孝友睦姻任恤藝則盡之以禮樂射御書數淫言波行詭怪之術不足以輔世則無所容乎其時而諸侯之所以教一皆聽於天子天子命之矣然後興學命之脩數所以時其遲速命之權量所以節其豐殺命不在是則上之人不以教而爲學者不道也士之奔走揖讓酬酢笑語升降出入乎此則無非教者高可以至於命其下亦不失爲人用其流及乎既衰矣尚可以鼓舞羣衆使有以異於後世之人故當是

蔡村講授下編

卷

時婦人之所能言童子之所能知有後世老師宿儒之所藏而不悟者也武夫之所道鄙人之所守有後世豪傑名士之所憚而懼之者也堯舜三代從容無爲同四海於一堂之上而流風餘俗詠歎之不息凡以此也周道微不幸而有秦君臣莫知屈已以學而樂於自用其所建立悖矣而惡夫非之者乃燒詩書殺學士掃除天下之庠序然後非之者愈多而終於不勝何哉先王之道德出於性命之理而性命之理出於人心詩書能循而達之非能奪其所有而予之以其所無也經雖亡出於人心者猶在則亦安能使入舍已之昭昭而從我於龔辱哉然是心非特秦也

當孔子時既有欲毀鄉校者矣蓋上失其政人自爲義不務出至善以勝之而患乎有爲之難則是心非特秦也墨子區區不知失者在此而發尚同之論彼其爲愚亦獨何異於秦嗚呼道之不一久矣楊子曰如將復駕其所說莫若使諸儒金口而木舌蓋有意乎辟雍學校之事善乎其言雖孔子出必從之矣今天子以盛德新卽位庶幾能及此乎今之守吏實古之諸侯其異於古者不在乎施設之不專而在乎所受於朝廷未有先王之法度不在乎無所於教而在乎所以教未有以成士大夫仁義之材度雖地曠以遠得所以教則雖悍悍悍內抵禁觸法而不悔者亦將有以聰明其耳目而善其心又況乎學問之民故余爲書一侯之績因道古今之變及所望乎上者使歸而刻石焉

蔡村講授下編

卷

梁書目錄序

曾鞏

梁書六本紀五十一列傳合五十六篇唐貞觀三年詔右散騎常侍姚思廉撰思廉者梁史官察之子推其父意又頗采諸儒謝吳等所記以成此書臣等既校正其文字又集次爲目錄一篇而叙之曰自先王之道不明百家並起佛最晚出爲中國之患而在梁爲尤甚故不得而不論也蓋佛之徒自以爲吾之所得者內而世之論佛者皆外也故不可絀雖然彼惡觀聖人之內哉書曰思曰睿睿作聖蓋思者所以致其知也能致其知者察三才之道辨萬物之理小大精粗無不盡也此之謂窮理知之至也知至矣則在我

穆村講授下編

奎

者之足貴在彼者之不足玩未有不能明之者也有知之之明而不能好之未可也故加之誠心以好之有好之之心而不能樂之未可也故加之至意以樂之能樂之則能安之矣如是則萬物之自外至者安能累我哉萬物之所不能累故吾之所以盡其性也能盡其性則誠矣誠者成也不惑也既成矣必充之使可大焉既大矣必推之使可化焉能化矣則含智之民肖翹之物有待於我者莫不由之以全其性遂其宜而吾之用與天地參矣德如此其至也而應乎外者未嘗不與人同此吾之道所以爲天下之達道也故與之爲衣冠飲食冠昏喪祭之具而由之以教

其爲君臣父子兄弟夫婦者莫不一出乎人情與之同其吉凶而防其憂患者莫不一出乎人理故與之處而安且治之所集也危且亂之所去也與之所處者其具如此使之化者其德如彼可不謂聖矣乎既聖矣則無思也其至者循理而已無爲也其動者應物而已是以覆露乎萬物鼓舞乎羣衆而未有能測之者也可不謂神矣乎神也者至妙而不息者也此聖人之內也聖人者道之極也佛之說其有以易此乎求其有以易此者固其所以爲失也夫得於內者未有不可行於外也有不可行於外者斯不得於內矣易曰智周乎萬物而道濟乎天下故不過此聖人

穆村講授下編

奎

所以兩得之也智足以知一偏而不足以盡萬事之理道足以爲一方而不足以適天下之用此百家之所以兩失之也佛之失其不以此乎則佛之徒自以謂得諸內者亦可謂妄矣夫學史者將以明一代之得失也臣等故因梁之事而爲著聖人之所以得及佛之所以失以傳之者使知君子之所以距佛者非外而有志於內者庶不以此而易彼也

古之人自家至於天子之國皆有學自幼至於長未嘗去於學之中學有詩書六藝歌洗爵俯仰之容升降之節以習其心體耳目手足之舉措又有祭祀鄉社養老之禮以習其恭讓進材論獄出兵授捷之法以習其從事師友以解其惑勸懲以勉其進戒其不率其所以爲其如此而其大要則務使人人學其性不獨防其邪僻放肆也雖有剛柔緩急之異皆可

蔡村講校下編

李

以養其身之備如此則又使知天地事物之變古今治亂之理至於損益廢置先後始終之要無所不知其在堂戶之上而四海九州之業萬世之策皆得及出而履天下之任列百官之中則隨所施爲無不可者何者其素所學問然也蓋凡人之起居飲食動作之小事至於修身爲國家天下之大體皆自學出而無斯須去於教也其動於視聽四支者必使其治於內其謹於初者必使其要於終馴之以自然而待之以積久噫何其至也故其俗之成則刑罰措其材之成則三公百官得其士其爲法之永則中材可以守其入人之深則雖更衰世而不亂爲教之極至此故

舞天下而人不知其從之豈用力也哉及三代衰聖人之制作盡壞千餘年之間學有存者亦非古法人之體性之舉動唯其所自肆而臨政治人之方固不素講士有聰明朴茂之質而無教養之漸則其材之不成夫然蓋以不學未成之材而爲天下之吏又承衰弊之後而治不教之民嗚呼仁政之所以不行盜賊刑罰之所以積其不以此也與宋興幾百年矣慶曆三年天子圖當世之務而以學爲先於是天下之學乃得立而方此之時撫州之宜黃猶不能有學士之學者皆相率而寓於州以羣聚講習其明年天下之學復廢士亦皆散去而春秋釋奠之事以著於令

蔡村講校下編

宋

則常以廟祀孔氏廟廢不復理皇祐元年會令李君詳至始議立學而縣之士某某與其徒皆自以爲得發憤於此莫不相勵而趨爲之故其材不賦而美匠不發而多其成也積屋之區若干而門序正位講藝之堂栖士之舍皆足積器之數若干而祀飲食食之用皆具其像孔氏而下從祭之士皆備其書經史百氏翰林子墨之文章無外求者其相基合作之本末總爲日若干而已何其周且速也當四方學廢之初有司之議固以謂學者人情之所不樂及觀此學之作在其廢學數年之後唯其令之一唱而四境之內響應而圖之如恐不及則夫言人之情不樂於學者

其果然也與宜黃之學者固多良士而李君之爲令
威行愛立訟清事舉其政又良也夫及良令之時而
順其慕學發憤之俗作爲宮室教肄之所以至圖書
器用之須莫不皆有以養其良材之士雖古之去今
遠矣然聖人之典籍皆在其言可考其法可求使其
相與學而明之禮樂節文之詳固有所不得爲者若
夫正心修身爲國家天下之大務則在其進之而已
使一人之行修移之於一家一家之行修移之於鄉
鄰族黨則一縣之風俗成人材出矣教化之行道德
之歸非遠人也可不勉與縣之士來請曰願有記故
記之十二月某日也

榕村講授下編

堯

鈞州學記

曾鞏

周衰先王之迹熄至漢六藝出於秦火之餘士學於
百家之後言道德者矜高遠而遺世用語政理者務
卑近而非師古刑名兵家之術則狃於暴詐惟知經
者爲善矣又爭爲章句訓詁之學以其私見妄臆穿
鑿爲說故先王之道不明而學者靡然溺於所習當
是時能明先王之道者楊雄而已而雄之書世未知
好也然士之出於其時者皆勇於自立無苟簡之心
其取與進退去就必度於禮義及其已衰而搢紳之
徒抗志於強暴之間至於廢錮殺戮而其操愈厲者
相望於先後故雖有不軌之臣猶祗徇沒世不敢遂
其篡奪自此至於魏晉以來其風俗之弊人材之乏
久矣以迄於今士乃有特起於千載之外明先王之
道以窮後之學者世雖不能皆知其意而往往好之
故習其說者論道德之旨而知應務之非近議政理
之體而知法古之非迂不亂於百家不蔽於傳疏其
所知者若此此漢之上所不能及然能尊而守之者
則未必衆也故樂易敦樸之俗微而詭欺薄惡之習
勝其於貧富貴賤之地則養廉遠恥之意少而偷合
苟得之行多此俗化之美所以未及於漢也夫所聞
或淺而其義甚高與所知有餘而其守不足者其故
何哉由漢之士察舉於鄉閭故不得不篤於自修至

榕村講授下編

壬

於漸磨之久則果於義者非強而能也今之士選用於文章故不得不篤於所學至於循習之深則得於心者亦不自知其至也由是觀之則上所好下必有甚者焉豈非信歟今漢與今有教化開導之方有序序養成之法則士於學行豈有彼此之偏先後之過乎夫大學之道將欲誠意正心修身以治其國家天下而必本於先致其知則知者固善之端而人之所難至也以今之事於人所難至者既幾矣則上之施化莫易於斯時顧所以導之如何爾筠爲州在大江之西其地僻絕當慶曆之初詔天下立學而筠獨不能應詔州之士以爲病至治平三年蓋二十有三年

榕村講授下編

主

矣始告於知州事尚書都官郎中董君儀董君乃與通判州事國子博士鄭君禧相州之東南得亢爽之地築宮於其上齋祭之室誦講之堂休息之廬至於庖湍庫廩各以序爲經始於其春而落成於八月之望既而來學者常數十百人二君乃以書走京師請記於予予謂二君之於政可謂知所務矣使筠之士相與升降乎其中講先王之遺文以致其知其賢者超然自信而獨立其中材勉焉以待上之教化則是官之作非獨使夫來者玩思於空言以干世取祿而已故爲之著予之所聞者以爲記而使歸刻焉

與趙詠道

象山陸氏

爲學有講明有踐履大學致知格物中庸博學審問謹思明辨孟子始條理智之事此講明也大學修身正心中庸篤行之孟子終條理聖之事此踐履也物有本末事有終始知所先後則近道矣欲修其身者先正其心欲正其心者先誠其意欲誠其意者先致其知致知在格物自大學言之固先乎講明矣自中庸言之學之弗能問之弗知思之弗得辨之弗明則亦何所行哉未嘗學問思辨而曰吾惟篤行之而已是冥行者也自孟子言之則事蓋未有無始而有終者講明之未至而徒恃其能力是猶射者不習於教

榕村講授下編

主

法之巧而徒恃其有力謂吾能至於百步之外而不計其未嘗中也講明有所未至則雖材質之卓異踐行之純篤如伊尹之任伯夷之清柳下惠之和不思不勉從容而然可以謂之聖矣而孟子顧有所不願學拘儒瞽生又安可以其經經之必爲而傲知學之士哉然必一意實學不事空言然後可以謂之講明若謂口耳之學爲講明則又非聖人之徒矣

武王克商之初求皇他事首以彝倫之叙訪於亡國之臣訪云者不敢名而就問之也彝倫者治天下之常理先後本末各有自然次第非人之所爲乃天之所設也天之於民既默陟之於善又助合厥攸居然君師治教之責則於我乎屬我乃未知常理之次叙焉此所以問於箕子也堯憂洪水使鯀治之鯀不能因性順導顧乃隄而塞之以激其勢水既失性火木金土從而汨亂蓋水者五行之首一行亂則五者皆亂矣五行天之道鯀汨而亂之則逆乎天矣故天動威怒而下與以大法九疇鯀以死禹繼而興隨山濬

容付講授下篇

三

川行所無事而水患以平天乃以大法九疇與之神龜負文出於洛水龜所負者數耳大禹聖人心與天通見其數而知其理因次之以爲九類卽今九疇是也初一至次九卽所謂彝倫也五行者天之所生以養乎人者也其氣運乎天而不息其材用於世而不匱以天道言莫大於此故居九疇之首五事者天之所賦而其乎人者也貌之恭言之從視之明聽之聰思之睿皆性之本然也必以敬用之則能保其本然之性不以敬用之則貌必至於嫚言必至於悖以視聽則昏且窒以思慮則粗且淺而本然之性喪矣五者治身治心之要以人事而言莫切於此故居五行

之次身心既治然後可施之有政食貨民生之本衣食既足不可忘本故有祀焉司宰居民既得其安矣又有司徒之教焉教之而不從者又有司寇之刑焉接遠人以禮而威天下以兵凡此皆所以厚民生故曰農用八政民政既舉則欽天授人有不可後於是繼以歲月日時星辰曆數之紀推步占驗必求以合乎天故曰協用五紀皇者君之稱極者極至之義標準之名位乎中而四方所取則也故居人君之位者由一身而至萬事莫不盡至而後可以爲民之極建者立之於此而形之於彼之謂故曰建用皇極至於正直剛柔之施又必視時之治否因俗之強弱君當

容付講授下篇

四

攬權無使威福之移乎下臣當循法無使顛恣而僭乎上爲治之道無是此乎故曰又用三德國有大事必先詳慮於已而後謀之於人人不能決則又諏之上策以決之於天天人相參事無過舉故曰明用稽疑五事之得失極之所以建下建也然何從而驗之觀諸天而已雨暘寒燠風皆以其時則建極之驗也五者常而無節則下極之驗也天人相應若影響然人君所當念念而至察也故曰念用庶徵皇極建則舉世之人皆被其澤而五福應之故堯舜之民無不仁且壽者此人君之所當嚮慕也故曰嚮用五福皇極不建則舉世之人皆蒙其禍而六極隨之故桀紂

之民無不歸且天者此人君之所當畏懼也故曰威
用六極洪範九疇六十有五字耳而天道人事無不
該焉原其本皆自人君一身始此武王之間箕子之
對所以爲萬世著龜也

榕村講授三卷

兩淮馬裕
家藏本

國朝李光地編光地有周易觀象已著錄是書凡分
三編上編載周張二程朱子所著中編爲董仲舒
揚雄王通韓愈及邵子胡宏所著下編則賈誼匡
衡劉向谷永劉歆班固諸葛亮歐陽修宋祁及王
安石曾鞏陸九淵真德秀所著多取其足發聖賢
之理者大抵皆儒者之言其揚雄谷永劉歆諸人
則不以人廢之義也光地自序舉成宏之文章以
勗人舉王荅會試墨卷以韓愈成句對論語者爲
法而以讀稷書異說爲深戒蓋卽科舉之文以誘
掖初學之書也

松風餘韻五十卷末一卷

〔清〕姚宏緒編

首都圖書館藏清乾隆九年寶善堂刻本

附《四庫全書總目·松風餘韻

五十一卷》提要

欽定四庫全書提要

松風餘韻五十一卷

國朝姚宏緒編宏緒號聽巖婁縣人康熙辛未進士官翰林院編修

是選上自六朝下迄有明凡雲間諸人之以全集傳或篇帙之僅存一二者悉收輯之人各綴以小傳義取博收不能一一澄汰其凡例有云集內詩有鄙俚可笑者以米得不忍復逸存詩所以存其人也一之為甚云云則宏緒已自言之矣

舉人臣姚湘恭錄

附錄全書提要

三百篇載十五國之風而吳與楚不與夫吳讓國也至德之化既久其風必有可觀非若江漢甘棠之後杳無嗣音也特以地界東南境無喬嶽天王之狩不至故太史之採無聞耳豈與狡焉思逞猾夏稱雄盡漢上諸姬者連類刪之以示外而擯棄哉吾松瀕海而郡為東吳之僻壤幅幘廣延幾及二百里曹檜卹鄺僅足當其屬邑山川鍾夫靈秀人物發其光華遊聖門而登四科之列文學化被弦歌聘宗邦而審六代之音博雅名高貴介其里居近相接也流風之漸被九峯三泖間士女謳吟豈無其音之肆好者越治秦燔而後鮮不委諸逝水荒煙矣迨夫由拳成谷版圖之隸常更洎乎婁侯紹封

松風餘韻序

風雅之傳浸盛然猶統稱吳郡未聞實系雲間故夫文獻有徵必以晉唐為始茲從有明末造上溯典午咸寧蒐列代之篇章於羣書之紀述黃花白苧新聲競艷吳歈子夜陽春妍唱實超郢調若云比隆西氣媲美東謳則有前此諸名家煌煌之鉅集在其可躋之雅儼于頌者不勝錄也姑錄一二散見之什衡諸難鳴鐵駟諸章誠未知何如而要豈出曹檜卹鄺下哉由今思古以後證前即一郡之遺音而向之佚於十五國之外者其風亦可悠然想已

雍正十二年甲寅秋九月胥浦姚弘緒聽巖甫自序

崑山谷水風號風雅之藪回靈秀之所鍾也隋唐而上季鷹倡道於咸寧宋元以來大樽起衰于明季遙遙一千四百餘年作者代生不知凡幾矣茲輯佚而未之亡傳而未之盡之詩名曰松風餘韻得五十一卷言乎詩皆習見之餘人亦皆習聞之餘也或因詩而存其人則殘膏賸馥散者聚之或因人而存其詩則潛德幽光晦者發之其間大而德業之足徵小而言行之有述悉附以傳焉雖春華秋實未克兼收尺短寸長不無並取要使先正之殘篇斷什與當年之文采風流稍存千百之什一不盡化為冷霧寒烟庶幾登古邱而憑弔觀流水而溯洄誦詩可以知人徵文因而考獻凡表彰先哲尚

松風餘韻序

友古人之意即寓焉而豈循揚枕之已事乎第恐閱覽博識者以為操殘振賸無異舍崇巖巨浸而取拳石細流不足備大雅之巨觀表地靈之鍾秀也因不避命名之杜撰而申其說於簡端俾覽是編者亦第作倚聽巖水面觀或者其冷然善也

乾隆元年丙辰春胥浦姚弘緒聽巖甫又序

凡例

松人之以詩鳴也始於江東步兵而內史兄弟繼之
五季三唐則顧侍郎陸宣公也五先生或以曠達或
以文章或以德業曠世奇才名標青簡其詩之盡傳
與不盡傳可毋論也彙列卷首以誌風始

宣公生於陸鄉居址族屬鑿鑿可據特以登大曆八
年進士籍占嘉興致啟後人疑端方志華亭古亭名
直一鎮耳屬吳郡至唐始立為縣與嘉興並隸于蘇
州錢起之詩此是的証

松人之以詩鳴也

一

天承之代名位著聞者無如錢文惠衛文節二公錢
不以詩名而衛有後樂集五十卷何所傳寥寥僅與
錢等也總計南渡前後三百餘年詩之傳者郡不數
人人不數首旁搜逖攬一代之遺音止此

元時法令煩苛繼復疆圉擾攘吾松僻處海隅頗稱
樂土一時舊家故族富豪好客園亭池館之盛酒壇
文社之雄甲於東南海內逃名者爭借一枝之棲東
維子南村雙曲江居士席帽山人其最著者也然萍
踪覲繫視從祖父來長子孫於斯者有間矣縱或假
青山而埋骨猶寓公也篇什雖多其敢以客溷主
元宋以前詩人傳序恒患不詳往往全載洪永以後

詞意煩複未免浮夸間有節刪核補之處高明恕其
愚妄

有明國初詩人皆元之遺碩也既膺辟命即非頑民
故悉列於明人之內

海叟而後聞人接踵自縉紳文學以至藝士逸民年
世莫能細考故詩以姓敘姓以韻分若風雅萃於一
門者即按本家世次挨列雖前後少舛而支系庶乎
有徵

集內詩有鄙俚可笑者以采得不忍復逸存詩所以
存其人也一之已甚

唐宋名入集中壽詩絕少以歡愉之言難工也矧飾

松人之以詩鳴也

二

詞于進于權要之門乎間存一二夫豈得已

幾杜之盛也人潘陸而家應劉一經版蕩凡積年之
篋藏枕秘悉與青燐並燼壬申文選三子六子詩刻
其幸存者耳豈無碩果匿影銷聲一二有志之士彈
冠而出鴻詞麗藻佐

國華而播新聲其敢與哀以思者並列乎

鄉先生之集著錄於郡邑志乘者不下四百餘種其
間居高位享盛名著述之富傾動當時者不敢妄加
別擇止就所遺者錄之如張南安錢狀元顧文僖孫
文簡陸文裕徐文貞潘恭定唐文恪董文敏張文節
莫方伯父子馮憲使叔姪周學憲王侍御徐少司寇

杜大司空林太僕何孔目陸古塘陳仲醇等集是也
至若位不甚高名不甚著不挂詞人之口不登選家
之編前如沈東老徐長谷後如張虞侯彭欽之之類
即於各集畧撮數章以附見生平梗槩

前輩矻矻窮年耽於構撰寸編尺幅手澤偶存賢子
孫必有愛護之者前此諸友曾以上世遺什見投無
不擷其精華登諸簡帙餘亦另繕副本存諸篋中以
備捃拾之未盡續有寄者跂予望之

古人登山臨水即景成吟伸紙疾書豈皆一一屬彙
副諸記室故不傳妙句間在故楮陳繼向過親友齋
頭屏幃卷冊不憚心識手抄如云見某處存某家是

松蘿齋集

三

也遠近好事家清閱之珍多矣倘於展玩時遇有可
供采錄者不恤鈔傳用光斯集

東海翁嘗欲斷自國初歷選郡人諸作名曰雲間雅
音而終未之踐莫中江方伯有吳淞詩委四卷自序
云不過百十數家生於異閭沒葬茲土者咸與焉董
紫岡太學有雲間詩文選若干卷二者俱未之見大
約皆洪永以後嘉隆以前鄉先生詩也白石樵稿載
雲間詩雋一則其所品隲不過同時一十二家詩亦
無傳焉倘曹倉鄴架肯出藏本不負述者之苦心亦
稱作者之知己也

文翰類選皇明風雅近體詩鈔間載松人之詩近則

列朝詩集明詩綜扶輪集續集廣集等選亦復索隱
搜遺家數畧具是編藍本皆諸編黃絹之辭也惜大
雅集皇明珠玉滄海遺珠湖海耆英乾坤清氣長律
英華明詩正聲詩律鈎玄皇明鼓吹鼓吹續編皇明
正音詩家精選江湖耆舊明詩粹選聲文會通明詩
類選士林詩選等竟乏傳本使珊瑚未登於鐵網干
將終闕於豐城風雅云亡豈獨今日之憾乎
說詩家宗尚不一一人也或此抑彼揚一詩也或衆
取獨棄余也不諳聲韻涉獵羣書遇一未知之人無
異星雲得一未讀之詩如聆韶濩急傳子墨冀為名
山之藏不敢妄有雌黃也

松蘿齋集

寒宗自汴護蹕而南世居浙西其通籍於松自弘治
辛酉水部公始株守一經登高而賦擁戶而吟者代
有其人老成凋謝卷策淪亡茲從散棄之餘搜其僅
存者以備一家之言

寓公非松產也遊於斯客於斯或樂山川之清美或
耽文酒之流連凡有著撰遂自稱曰松人人之稱之
亦曰松人幾昧其所自矣前此難悉考也茲就所知
附錄一二以示吾松之工於詩者土著而外尚有餘
人也或曰如東維子諸君何應之曰彼固無藉茲集
以傳焉耳

思婦游女之什載在三百篇採風者不遺閨閣其來

尚矣吾松名門淑媛動遵禮教間有工於吟咏者皆
發於性情之正凡可譜入香奩續標彤史者雖下逮
綠衣不敢棄也

峰泖名勝之地持瓢而至掛笠而棲者豈乏皎然清
晝其人然而野鶴閒雲終類雪中鴻爪止於松老於
松未必產於松也松之詩僧無多故僧詩絕少縱語
或涉乎機鋒味未離夫蔬筍要亦禪林本色此又餘
之餘也不得概以大雅繩之

言為心聲詩以言志故凡提躬行己之大防經世庇
民之偉烈加意蒐羅用垂休美而無所表見者亦必
詳其履歷焉至於裨官野史所載瑣事微言諷諧調

松人書記

五

笑可作藝苑卮談者雖傳聞異詞亦有疑不闕

記事之書彼承此襲未免異同茲則并可疑者存之
所以俟考也若夫謬誤顯然稍為辨正即附注於本
條之下

松人之書記松人之事如人物志雲間志畧先進舊
聞簡核詳明可脩文獻之缺若雲間雜識四友齋叢
說樵史據目抄南吳舊話錄馮元成之談行談政談
藝稗談書事等編不皆實錄而頗多可采惟峰泖先
賢志雲間往哲錄淞故述雲間信史數種尚容訪求
以備續輯

學士持身最難寡過其以同鄉後進無美不揚宜也

乃或以晚節臨前修一青損大德聊述前聞用垂炯
戒非敢吹毛索瘢厚誣有道也

詩後間附闡揚品藻所以正聞見之訛補紀載之漏
詳畧任意整散不拘難免偏頗之失識者正之
詩不能多錄詩不可全錄者摘其佳句多至數十聯
精華所在不忍割愛有目者共珍之

是編試手於己丑輟筆於甲辰盡發先世藏書兼借
親朋秘籍風晨雨夕檢閱百千稿成而易者至再桑
榆已逼聊以娛日敝帚千金自享云爾

上洋前輩之什皆賴謬庭景房樂六諸君子不惜以
家藏名集及徧訪未刻遺稿郵示故得賞奇而拔尤

松人書記

六

焉若在郡城則徐子今吾亦曾覓寄數種而高小湖
待詔復間出名蹟見示是皆惠我遺珠其成羣玉者
感不敢忘徐謀梨棗以永芳名

余之初有事於是編也纂輯之後原令諸兒均任之
既而風塵奔走輟多于作日侍一室者惟厚兒獨耳
甫及脫稿而兒以十試棘闈不得志憤懣病狂束之
敝篋荏苒五年去夏僮輩曝書偶一寓目不覺淚濕
紙背因念兒聰明好學生平晴光腕力惟此畧存因
稍為增訂重錄而藏之嗟乎玉樓賦就天上魂歸碧
落碑成人間夢返倘過當年吟咏之地思滴露研硃
之勤當不令斷簡殘編終飽鼠魚之腹也

先伯父手輯是書未及開雕旋捐館舍一亭兄從漢興
解組回感念遺編恐年久散失命培與宅安物堂其
齋兄校訂付梓中間歷寒暑數載一亭先逝宅安物堂
繼之勝事不常雁行零落此足悲矣嗟嗟先伯父闡揚
風雅具有盛心諸兄克承先志殫力鳩工今剞劂告成
以閱之次琳琅觸目如遊羣玉之府而伯父與三兄俱
不及見矣能不與吳齋兄同為撫卷懷愴也哉
乾隆九年歲次甲子五月上浣姪男培謹百拜謹識

松風餘韻總目

卷第一

張翰三首 陸機六首 陸雲二首 顧野十首

陸贄三首

卷第二

朱伯虎一首 朱之純六首 李甲二首 錢良臣一首

衛涇一首 高子鳳七首 儲泳二首 殷澄一首

李智遠一首

卷第三

任仁發二首 錢璧一首 黃璋二首 陸鵬南一首

呂恒一首 凌巖九首 陸德方二首 馮濬四首

松風餘韻總目

錢元方二首 周之翰二首 沈鉉三首 陸居仁十四首

衛仁近七首 曹知白一首 錢應庚三首 曹永二首

楊謙二首 王泳一首

卷第四

梁天佑一首 徐士茂一首 倪樞一首 張微一首

黃章一首 王佐一首 李紫實一首 行素生一首

俞庸四首 俞俊六首 孫華孫十三首 袁介一首

朱仲雲一首 李堃一首 陶振十五首 盧煥二首

周賓谷四首 管瑾一首

卷第五

馮思四首 馮可行一首 馮時可十一首 馮大受四首

馮明玠一首 馮遷六首 馮遠一首 洪都二首
翁元益三首 鍾微四首 鍾宇淳一首 龔吉一首
龔情二首 施紹莘四首

卷第六

徐階七首 徐陟六首 徐元春二首 徐琳一首
徐孚遠五首 徐爾鉉八首 徐本高一首

卷第七

徐樞一首 徐益孫三首 徐觀一首 徐獻忠六首
徐充一首 徐三重五首 徐楨稷六首 徐夢徵一首
徐汝冀八首 徐光啟一首 徐天麟三首 諸傑一首
諸驕一首 諸慶源一首 余寅二首 璩之璞一首

卷第八

于良相一首 于燕芳一首 朱芾七首 朱熙一首
朱應祥八首 朱昂一首 朱鴈一首 朱貞泰一首
朱正色一首 朱瑄一首 朱恩一首 朱大韶二首
朱本洽二首 朱積一首 朱國盛五首 朱朝貞二首
朱灝二首 朱明時一首

卷第九

朱元振五首 朱佑二十首 朱曜三十首 朱豹二十首
朱蟾二十首 朱子起一首 朱察卿二十首 朱家法二首
朱家聲九首

卷第十

胡琬一首 胡芳四首 胡開文一首 吳哲九首
吳輔八首 吳崇一首 吳益之一首 吳稷一首
吳爰一首 吳丕顯一首 吳次仲一首 吳楨一首
吳昌一首 蘇恩四首

卷第十一

俞允三首 俞悅一首 俞宗大一首 俞琳一首
俞明時一首 俞汝為八首 俞廷謬一首 俞顯卿二首
吳昊三首 盧浩一首 倪邦彥二首 倪甫英二首
倪家爵一首 西寧二首

卷第十二

陳楨二首 陳裕二首 陳詢六首 陳璧五首
陳浩二首 陳璠一首 陳章十首 陳良珊二首
陳良瑚一首 陳電七首 陳冕一首

卷第十三

陳懿德四首 陳一鳴一首 陳夢庚三首 陳所蘊二十首
陳繼儒四首 陳鉅昌一首 陳子龍八首 殷助一首

卷第十四

袁凱二十首 袁宗四首 袁翱一首 袁福徵十首
袁之熊二首

卷第十五

孫怡二首 孫衍九首 孫承德一首 孫承恩一首
孫克弘三首 孫茂芳二十首 孫士美一首 潘恩三首

潘忠 四首 潘允哲 二首 潘允端 一首 潘煥明 一首
潘元和 一首

卷第十六

錢復亨 二十首 錢驥 一首 錢士修 二首 錢岳 六首
錢溥 八首 錢博 六首

卷第十七

錢福 九首 錢師周 八首 錢嶽 二首 錢良輔 一首
錢龍錫 三首 全思誠 六首

卷第十八

姚民 二首 姚鵬 六首 姚鏜 七首 姚遇 一首
姚永濟 一首 姚道元 一首 姚雲 一首

卷第十九

姚篚 二十首 姚簣 二首 姚體信 二首 姚體倫 一首
姚士勇 二首 姚士慎 七首 姚士龍 二首 姚士恒 一首
姚士恪 二首 姚士玄 一首 姚世靖 四十首

卷第二十

喬拱璧 一首 喬時敏 七首 喬時英 二十首 喬一琦 十首
喬仲將 一首 喬雲將 一首 喬履將 二首 陶永淳 一首
陶驥 二首 包節 三首 包爾庚 四首

卷第二十一

曹安 九首 曹鴈 一首 曹琛 一首 曹泰 十首
曹時中 十首 曹時信 一首 曹閔 一首 曹豹 一首

曹紹 一首

卷第二十二

高震 一首 高博 六首 高士 六首 高才 十首
高承祚 七首 高秉藻 二首

卷第二十三

何良俊 一首 何良傳 二首 何三畏 十首 何萬化 四首
何爾復 一首 何剛 四首

卷第二十四

楊珙 三首 楊瑋 一首 楊忠裕 九首 楊學禮 二首
楊子亨 三首 楊繼禮 二首 楊楨 一首 楊鏐 二首
楊一麟 一首 楊弘 二首 章昞如 一首 章瑾 一首

章憲文 二首

章曠 三首

章台鼎 二十首

卷第二十五

張迪 二首 張樞 十首 張璧 四首 張辰 一首
張琳 五首 張璞 三首 張穀 一首 張浩 一首
張衍 一首 張駿 一首 張雲鵬 一首 張翼軫 一首
張鑒 二首 張烈 一首 張重華 十首 張鴈 十首

卷第二十六

張弼 七首 張弘至 二首 張其悞 二首 張以誠 五首
張以誠 八首 張以詢 一首 張安盤 二首 張悅 五首
張牧 一首 張柞 一首 張若義 三首 張應隆 一首
張承憲 三首 張昂之 一首 張明正 一首 張肯堂 十首

卷第二十七

張希曾 五首 張汝開 一首 張世美 一首 張德讓 二首

張允孝 二首 張黼 一首 張之象 三首 張所望 一首

張所敬 二首 張肇林 一首 張昉 二首 張岐 二首

張希文 一首 張鷟翼 一首 張其琛 一首 張一鳳 一首

卷第二十八

王嘉會 一首 王澂 四首 王綸 一首 王桓 七首

王良佐 七首 王泉 一首 王一鵬 一首 王教 三首

王球 一首 王元瑞 一首 王元玄 二首 王廷茶 一首

王逢年 二首

卷第二十九

王湛 一首 王陞 一首 王周一 王廷宰 五首

王煒 一首 王坊 一首 王會 二首 王俞 三首

王明時 八首 王圻 一首 王光承 八首 王烈 二首

王天章 八首 王國材 一首

卷第三十

方應選 八首 莊天恩 二首 莊允中 一首 黃黼 一首

黃翰 九首 黃嘉言 二首 黃廷鳳 七首 黃廷鵠 九首

黃正達 一首 黃體仁 九首 黃仲琪 一首

卷第三十一

唐錦 五首 唐自化 二首 唐堯賓 二首 唐有家 一首

唐文獻 八首 唐之屏 九首 唐國士 一首 唐繼冲 二首

唐陳彝 八首 唐時徵 一首 唐汶 一首 唐汝訥 八首

汪歷賢 三首 姜雲龍 一首 彭汝讓 九首 彭維職 七首

卷第三十二

劉亨叔 一首 劉仲禮 二首 劉庸 二首 劉鈍 二首

劉瑛 二首 劉充 三首 劉燾 五首 劉永豐 五首

劉士奇 一首 劉邦輔 三首 劉邦重 四首 劉鳳章 一首

卷第三十三

周與 一首 周佩 二首 周拱 一首 周鵠 三首

周禮 一首 周思兼 五首 周紹元 二首 周裕仁 五首

周裕度 九首 周立勳 四首 周汝誼 二首 侯方 一首

侯直 四首 赫景陽 二首 林有麟 一首 金鉉 一首

金銳 一首 金藻 一首 任勉 一首 任順 一首

談壽 一首 談田 一首

卷第三十四

董佐才 七首 董紀 九首 董源 一首 董恬 一首

董傳策 四首 董晉 二首 董宜陽 九首 董其昌 八首

董象恒 一首 董孝初 一首

卷第三十五

李至剛 六首 李彥文 一首 李昇 三首 李年 一首

李伯瑛 一首 李清 一首 李可教 一首 李逢申 五首

李日章 一首 李豫亨 一首 李紹箕 三首 李紹文 五首

李昭祥 七首 李伯春 一首 李之楠 二首 李待問 七首

夏完淳 六首	夏衡 一首 夏寅 五首 夏嘉遇 一首 夏允彝 五首	趙灼 四首 趙冬曦 二首 趙左 二首 夏宗文 一首	單恂 四首 趙楫 一首 趙友同 四首 趙松 一首	管訥 十首 百五	卷第三十八	杜開美 八首 杜名林 一首 杜麟徵 二首	杜士望 三首 杜士益 三首 杜士冠 二首 杜士雅 三首	杜士全 五首 杜士基 六首 杜士領 五首 杜士重 一首	卷第三十七	杜獻璠 九首 杜獻琰 一首	杜宗範 七首 杜宗玠 三首 杜宗端 六首 杜獻璋 八首	杜時達 二首 杜時騰 一首 杜宗昇 一首 杜宗恂 二首	杜翺 一首 杜翔 一首 杜時登 七首 杜時中 四首	杜種 三首 杜讚 四首 杜詩 二首 杜秦 一首	杜隰 七首 杜幅 二首 杜芸 一首 杜被 七首	卷第三十六	許縵 二首	許穆 四首 許璘 一首 許樂善 二首 許經 九首	李希顏 三首 李自華 二首 呂克孝 五首	李世祺 一首 李人龍 一首 李先春 二首 李翹 五首
-----------	--	--	---	----------------	-------	-------------------------------------	--	--	-------	------------------------	--	--	--	--	--	-------	----------	---	-------------------------------------	---

顧英 一首 顧定芳 一首 顧從禮 一首 顧從義 四首	卷第四十五	顧祿 八首 顧或 二十首	卷第四十四	顧正誼 二首 顧循光 二首 顧廷楨 一首 顧彥貞 一首	顧清 一首 顧應陽 一首 顧曦 一首 顧斌 一首	顧文昭 二首 顧誨 一首 顧綸 一首 顧佩 一首	卷第四十三	宋道通 二首 宋道泰 一首	宋懋觀 一首 宋懋晉 七首 宋懋澄 七首 宋存標 四首	宋公望 二首 宋堯咨 一首 宋堯明 七首 宋堯化 二首	宋愷 一首 宋瑛 一首 宋臣 一首 宋坤 一首	卷第四十二	范濂 六首 范文若 一首	范惟一 三十首 范惟丕 八首 范廷言 一首 范允臨 七首	卷第四十一	沈求 一首 沈弘正 十首	沈紹文 九首 沈荆石 一首 沈泓 一首 沈龍 四首	沈東 三首 沈盤 一首 沈愷 四首 沈文系 五首	沈藻 一首 沈時來 一首 沈瑜 二首 沈霽 四首	蔣玉 一首 蔣愷 五首 沈度 四首 沈榮 一首
---	-------	-----------------------	-------	--	---	---	-------	------------------------	--	--	--	-------	-----------------------	---	-------	-----------------------	--	---	---	--

顧斗英二十首顧昉之二十首計一

卷第四十六

蔡昇三首蔡廷珍一首蔡懋昭一首蔡懋孝一首

蔡文瀛三首戴昕二首邵亨貞一首邵克穎二首

邵永寧一首謝應徵四首謝自孫一首盛當時四首

鄭昕一首鄭珪一首富好禮二首

卷第四十七

陸宗善二首陸鉉一首陸潤玉七首陸廷玉一首

陸景先一首陸德聰一首陸郊三首陸應陽八首

卷第四十八

陸樹聲四十首陸樹德七首陸彥章一首陸彥楨一首

陸樹聲

十

卷第四十九

陸從大一首陸從平一首陸萬鍾四首陸萬言三首

陸鳳儀二首陸釋麟三首陸深六首陸楫四首

陸明揚五首

卷第五十

郁文博一首鞠時龍八首岳山一首薛正平二首

莫如忠一首莫是龍一首莫儼臯七首莫秉清二首

戚韶六首戚和一首葉藻一首葉之經一首

葉有聲七首

卷末

謝氏婦一首陸娟一首王鳳嫺三首張引元三首

張引慶三首吳肫三首斗孃四首盛韞貞四首

章有渭二首朱婢一首陸氏一首周釐生二首

柳如是二首

外吳忠一首釋子溫二首釋永昇二首釋淨慧二首

釋通洽一首明顛師一首釋寶律一首釋法止三首

釋廣來七首釋廣澈一首釋廣燈一首

松風餘韻總目

松風餘韻

士

松風餘韻卷第一

目錄

晉張翰 三首

陸機 六首

陸雲 二首

陳顧野王 十首

唐陸贄 三首

松風餘韻卷一

張翰

晉浦姚弘緒聽嚴編次

〔晉書〕翰字季鷹吳郡吳人也父儼吳大鴻臚翰有清才善屬文而縱任不拘時人號爲江東步兵會稽賀循赴命入洛經吳開門於船中彈琴翰初不相識乃就循言譚便大相欽悅問循知其入洛翰曰吾亦有事北京便同載卽去而不告家人齊王冏辟爲大司馬東曹掾冏時執權翰謂同郡顧榮曰天下紛紛禍難未已夫有四海之名者求退良難吾本山林間人無望於時子善以明防前以智

慮後榮執其手愴然曰吾亦與子採南山蕨飲三江水耳翰因見秋風起乃思吳中菰菜羹鱸魚膾曰人生貴得適志何能羈宦數千里以要名爵乎遂命駕而歸著首邱賦文多不載俄而冏敗人皆謂之見機然府以其輒去除吏名翰任心自適不求當世或謂之曰卿乃可縱適一時獨不爲身後名耶答曰使我有身後名不如即時一盃酒時人貴其曠達性至孝遭母憂哀毀過禮年五十七卒其文筆數十篇行於世〔七修類藁〕翰事齊王冏不樂於官一日在京師見秋風起作歌遂棄官而歸宋運使王贄詩云吳江秋水灌平湖水濶煙深恨

有餘因想季鷹當日事歸來未必爲尊鱸蓋言翰
度時不可有爲故飄然遠去實非爲尊鱸也東坡
三賢贊曰浮世功名食與眠季鷹真得水中仙不
須更說知幾早只爲鱸魚也自賢其說又高又見
蟬精雋載一詩云黃犬東門事已非華亭鶴唳漫
思歸直須死後方回首誰肯生前便拂衣此日區
區求適志他年往往見知幾不須更說尊鱸美但
飲松江水亦肥惜不知姓氏

周小史

翩翩周生婉孌幼童年十有五如日在東香膚柔澤素
質容紅團圓頤齒落芙蓉爾形既淑爾服亦鮮輕車

林風集卷一

晉

二

隨風飛霧流烟轉側倚靡顧盱便妍和顏善笑美口善
言

雜詩一首

東隣有一樹三紀裁可拱無花復無實亭亭雲中竦隙
禽不爲巢短翮莫肯任忽有一飛鳥五色雜英華一鳴
衆鳥至再鳴衆鳥羅長鳴搖羽翼百鳥互相和

秋風歌

秋風起于嘉景時吳江水兮鱸魚肥三千里兮家未歸
恨難得兮仰大悲

郡城有東西兩思鱸巷相傳因季鷹居是鄉而名
也後人相繼祠之一在超果寺大殿西廊之南陸

文定公建一在細林山崇真道院之側張王屋建
皆與陸內史顧侍郎並祀統曰四賢亦祭於鄉之
義也今文筆之行世者罕傳而知幾遠害高風足
仰故序松人之詩列於二俊之首

陸機

晉書機字士衡吳郡人也祖遜吳丞相父抗吳大
司馬機身長七尺其聲如鐘少有異才文章冠世
伏膺儒術非禮不動抗卒領父兵爲牙門將年二
十而吳滅退居舊里閉門勤學積有十年以孫氏
在吳而祖父世爲將相有大勲於江表深慨孫皓
舉而棄之乃論權所以得皓所以亡又欲述其祖

林風集卷一

晉

三

父功業遂作辨亡論二篇至太康末與弟雲俱入
洛造太常張華華素重其名如舊相識曰伐吳之
役利獲二俊又嘗詣侍中王濟濟指羊酪謂機曰
卿吳中何以敵此答云千里蓴羹末下鹽豉時人
稱爲名對張華薦之諸公後太傅楊駿辟爲祭酒
會駿誅累遷太子洗馬著作郎范陽盧志於衆中
問機曰陸遜陸抗於君近遠機曰如君於盧毓盧
挺志默然既起雲謂機曰殊邦遐俗容不相悉何
至於此機曰我祖父名播四海寧不知耶議者以
此定二陸之優劣吳王晏出鎮淮南以機爲郎中
令遷尚書中兵郎轉殿中郎趙王倫輔政引爲相

國參軍豫誅賈謐功賜爵關中侯倫將篡位以爲中書郎倫之誅也齊王問以機職在中書九錫文及禪詔疑機與焉遂收機等九人付廷尉賴成都王穎吳王晏並救理之得減死徙邊遇赦而止初機有駿犬名曰黃耳甚愛之旣而羈寓京師久無家問笑語犬曰我家絕無書信汝能齎書取消息不犬搖尾作聲機乃爲書以竹筒盛之而繫其頸犬尋路南走遂至其家得報還洛其後因以爲常時中國多難顧榮戴若思等咸勸機還吳機自負其才望而志匡世難故不從問旣矜功自伐受爵不讓機惡之作豪士賦以刺焉問不之悟而竟以

松風集卷一

四

敗機又以聖王經國義在封建因採其遠指著五等論時成都王穎推功不居勞讓下士機既感全濟之恩又見朝廷屢有變難謂穎必能康隆晉室遂委身焉穎以機參大將軍軍事表爲平原內史太安初穎與河間王顥起兵討長沙王乂假機後將軍河北大都督北中郎將王粹冠軍牽秀等諸軍二十餘萬人機以三世爲將道家所忌又羈旅入官頓居羣士之右而王粹牽秀等皆有怨心固辭都督穎不許機鄉人孫惠亦勸機讓都督於粹機曰將謂吾爲首鼠避賊適所以速禍也遂行穎謂機曰若功成事定當爵爲郡公位以台司將軍

勉之矣機曰昔齊王任夷吾以建九合之功燕惠疑樂毅以失垂成之業今日之事在公不在機也穎左長史盧志心害機寵言於穎曰陸機自比管樂擬君闇主自古命將遣帥未有臣陵其君而可以濟事者也穎默然機始臨戎而牙旗折意甚惡之列軍自朝歌至於河橋鼓聲聞數百里漢魏以來出師之盛未嘗有也長沙王乂奉天子與機戰於岷苑機軍大敗赴七里澗而死者如積焉水爲之不流將軍賈稜皆死之初宦人孟玖弟超並爲穎所嬖寵超領萬人爲小都督未戰縱兵大掠機錄其主者超將鐵騎百餘人直入機麾下奪之顧

松風集卷一

五

謂機曰貉奴能作督不機司馬孫拯勸機殺之機不能用超宣言於衆曰陸機將反又還書與玖言機持兩端軍不速決及戰超不受機節度輕兵獨進而沒玖疑機殺之遂譖機於穎言其有異志將軍王闕郝昌公師藩等皆玖所用與牽秀等共證之穎大怒使秀密收機其夕機夢黑憶繞車手決不開天明而秀兵至機釋戎服著白帟與秀相見神色自若謂秀曰自吳朝傾覆吾兄弟宗族蒙國重恩入侍帷幄出剖符竹成都命吾以重任辭不獲已今日受誅豈非命也因與穎牋詞甚悽惻旣而歎曰華亭鶴唳豈可復聞乎遂遇害於軍中時

年四十三子蔚夏亦同被害機既死非其罪士
卒痛之莫不流涕是日昏霧晝合大風折水平地
尺雪議者以為陸氏之冤機天才秀逸辭藻宏麗
張華嘗謂之曰人之為文常恨才少而子更患其
多弟雲嘗與書曰君苗見兄文輒欲燒其筆硯後
葛洪著書稱機文猶玄圃之積玉無非夜光焉五
湖之吐流泉源如一焉其弘麗妍瞻英銳漂逸亦
一代之絕乎其為人所推服如此然好遊權門與
賈謐親善以進趣獲譏所著文章凡二百餘篇並
行於世

太山吟

太山一何高迢迢造天庭峻極周已遠曾雲鬱冥冥梁
甫亦有館蒿里亦有亭幽塗延萬鬼神房集百靈長吟
太山側慷慨激楚聲

飲酒樂

蒲萄四時芳醇琉璃千鍾舊賓夜飲舞遲銷燭朝醒絃
促催人見二俊文集別本多二句

為陸思遠婦作

二合兆嘉偶女子禮有行潔已入德門終遠母與兄如
何耽時寵游宦忘歸寧雖為三載婦顧景愧虛名歲暮
饒悲風洞房涼且清樹枕循薄質非君誰見榮離君多
悲心寤寐勞人情敢忘桃李陌側想瑤與瓊

為周夫人贈車騎

碎碎纖細練為君作繡繡君行豈有顧憶君是妾夫昔
者得君書聞君在高平今時得君書聞君在京城京城
華麗所璀璨多異人男兒多遠志豈知妾念君昔者與
君別歲律薄將暮日月一何速素秋墜湛湛露湛露何冉
冉思君歲隨晚對食不能食臨觴不能飲一作飲

園葵

翩翩晚彫葵孤生寄北藩被蒙覆露惠微軀後時殘庇
足周一智生理各萬端不若聞道易但傷知命難

贈顧彥先

清夜不能寐悲風入我軒立影對孤軀哀聲應苦言

陸雲

晉書雲字士龍六歲能屬文性清正有才理少與
兄機齊名雖文章不及機而持論過之號曰二陸
幼時吳尚書廣陵閔鴻見而奇之曰此兒若非龍
駒當是鳳雛後舉雲賢良時年十六吳平入洛機
初詣張華華問雲何在機曰雲有笑疾未敢自見
俄而雲至華為人多姿制又好帛繩纏鬚雲見而
大笑不能自已先是嘗著衰經上船於水中顧見
其影因大笑落水人救獲免雲與荀隱素未相識
嘗會華坐華曰今日相遇可勿為常談雲因抗手
曰雲間陸士龍隱曰日下荀鳴鶴鳴鶴隱字也雲

又曰既開青雲觀白雉何不張爾弓挾爾矢隱曰
本謂是雲龍駸駸乃是山鹿野麋獸微弩強是以
發進華撫手大笑刺史周浚召爲從事謂人曰陸
士龍當今之顏子也俄而公府掾爲太子舍人出
補浚儀令縣居都會之要名爲難理雲到官肅然
下不能欺市無二價人有見殺者主名不立雲錄
其妻而無所問十許日遣出密令人隨後謂曰其
去不出十里當有男子候之與語便縛來旣而果
然問之具服云與此妻通共殺其夫聞妻得出欲
與語憚近縣故遠相要候於是一縣稱其神明郡
守害其能屢譴責之雲乃去官百姓追思之圖畫

卷一

晉

形象配食縣杜尋拜吳王晏郎中令晏於西園大
營第室雲上書爭之時晏信任部將使覆察諸官
錢帛雲又極諫雲愛才好士多所貢達同郡張瞻
沉淪下位移書薦之太常府雲嗣入爲尚書郎侍
御史太子舍人中書侍郎成都王穎表爲清河內
史穎將討齊王冏以雲爲前鋒都督會冏誅轉大
將軍右司馬穎晚節政衰雲屢以正言忤旨孟玖
欲用其父爲邯鄲令左長史盧志等並阿意從之
而雲固執不許曰此縣皆公府掾資豈有黃門父
居之耶玖深忿怨張昌爲亂穎上雲爲使持節大
都督前鋒將軍以討昌會伐長沙王乃止機之敗

也并收雲穎官屬江統蔡克棗嵩等上疏救之其
畧曰昨聞教以陸機後失軍期師徒敗績以法加
刑莫不謂當且聞重教以機圖爲反逆應加族誅
未知本末者莫不疑惑明公興舉義兵以除國難
四海同心雲合響應罪人之命懸於刻漏泰平之
期非旦則夕矣機兄弟並蒙拔擢俱受重任不當
背罔極之恩而向垂亡之寇去太山之安而赴累
卵之危也直以機計慮淺近不能董攝羣帥致果
殺敵進退之間事有疑似故令聖鑒未察其實機
有反逆之徵宜令王粹牽秀檢校其事令事驗顯
然暴之萬姓然後加雲等之誅未足爲晚穎不納

卷一

晉

統等重請穎遲回者三日盧志又曰昔趙王殺中
護軍趙浚赦其子驤驤詣明公而擊趙即前事也
蔡克入至穎前叩頭流血曰雲爲孟玖所怨遠近
莫不聞今果見殺罪無彰驗將令羣心疑惑竊爲
明公惜之僚屬隨克入者數十人流涕固請穎惻
然有宥雲色孟玖扶穎入催令殺雲時年四十二
有二女無男門生故吏迎喪葬清河修墓立碑四
時祠祭所著文章三百四十九篇又撰新書十篇
並行於世初雲嘗行逗宿故人家夜暗迷路莫知
所從忽望草中有火光於是趣之至一處便寄宿
見一年少美丰姿共談老子辭致深遠向曉辭去

行十許里至故人家云此數十里中無人居雲意始悟却尋昨宿處乃王弼冢雲本無玄學自此談老殊進雲弟耽爲平東祭酒亦有清譽與雲同遇害大將軍參軍孫惠與淮南內史朱誕書曰不意三陸相攜闇朝一旦湮沒道業淪喪痛酷之深荼毒難言國喪雋望悲豈一人其爲州里所痛悼如此後東海王越討穎移檄天下亦以機雲兄弟枉害罪狀穎云

答兄平原

悠悠塗可極別促怨會長銜思一作戀行邁興言在臨觴南津有絕濟北渚無河梁神往同逝感形留悲參商

松風餘韻卷一

十

衡軌若殊迹牽牛非服箱

答張士然

行邁越長川飄飄冒風塵通波激枉渚悲風薄邱榛修路無窮迹并邑自相循百城各異俗千室非良鄰歡舊難假合風土豈虛親感念桑梓域髣髴眼中人靡靡日夜遠眷眷懷苦辛

譚友夏嘗謂二陸才名千古一詞然手重不能運語滯不能清腹之所有不暇再擇韻之所遇不能少變似矣蓋竟陵詩派專尚尖新全以清機運掉間用虛字襯貼其聲抑而不揚其色黯而無澤自謂靈巧終歸纖鄙夫夙範山疏野敝之供者何知

五齋八珍之味哉

顧野王

陳書野王字希馮吳郡吳人也祖子喬梁東中郎武陵王府參軍事父烜信威臨賀王記室兼本郡五官掾以儒術知名野王幼好學七歲讀五經畧知大旨九歲能屬文嘗製日賦領軍朱異見而奇之年十二隨父之建安撰建安地記二篇長而遍觀經史精記默識天文地理著龜占候蟲篆奇字無所不通梁大同四年除太學博士遷中領軍臨賀王府記室參軍宣城王爲揚州刺史野王及瑯琊王褒並爲賓客王甚愛其才野王又善丹青王

松風餘韻卷一

陳

士

於東府起齋乃令野王畫古賢命王褒書贊時人稱爲二絕及侯景之亂野王丁父憂歸本郡乃召募鄉黨數百人隨義軍援京邑野王體素羸裁長六尺又居喪過毀殆不勝衣及杖戈被甲陳君臣之義逆順之理抗辭作色見者莫不壯之京城陷野王逃會稽尋往東陽與劉歸義合軍據城拒賊侯景平太尉王僧辯深嘉之使監海鹽縣高祖作宰爲金威將軍安東臨川王府記室參軍尋轉府議諮參軍天嘉元年敕補撰史學士尋加招遠將軍光大元年除鎮東鄱陽王諮議參軍太建二年遷國子博士後主在東宮野王兼東宮管記本官

如故六年除太子率更令尋領大著作掌國史知
梁史事兼東宮通事舍人時宮僚有濟陽江總吳
國陸瓊北地傳緯吳興姚察並以才學顯著論者
推重焉遷黃門侍郎光祿卿知五禮事餘官並如
故十三年卒時年六十三詔贈秘書監至德二年
又贈右衛將軍野王少以篤學至性知名在朝無
過辭失色觀其容貌似不能言及其勵精力行皆
人所莫及第三弟充國早卒野王撫養幼孤恩義
甚厚其所撰著玉篇三十卷輿地志三十卷符瑞
圖十卷顧氏譜傳十卷分野樞要一卷續洞冥記
一卷玄象表一卷並行於世又撰通史要畧一百

卷一百

主

卷國史記傳二百卷未就而卒有文集二十卷
同年獻重修寶雲寺碑記顧亭湖在華亭東南三
十五里湖南有顧亭林顧野王嘗居於此因以為
名具載圖志其地今為寶雲寺本號法雲在顧亭
林市西北唐時賜額天福五年以水潦遷寺於南
石晉開運元年十二月始畢工寺之徒二人同夢
一金紫偉丈夫云是梁朝侍郎若有所屬然明日
又同夢且告以斷碑處晨起尋舊寺基果見片石
水次引緼出之已殘缺僅有十四字曰寺南高基
顧野王曾於此修輿地志眾始駭愕乃即寺東偏
立祠奉之惟恪公晚歸陳朝嘗譔輿地志三十卷

此云修志意即其時也陳宣帝時除黃門侍郎此
云梁朝不忘梁也武夷山志顧野王吳人天嘉中
為光祿奉使至閩歷武夷歎曰千巖競秀萬壑爭
流美哉山河真人世所罕觀也遂卜居焉崇安人
知學自野王始按希馮為光祿卿在太建中非天
嘉也天嘉時不過撰史學士加招
遠將軍耳

羅敷行

東隅麗春日南陌採桑時樓中結梳罷提筐候早期風
輕鶯語緩露重落花遲五馬光長陌千騎絡青絲使君
徒遣信賤妾畏蠶饑

芳樹

卷一百

主

上林通建章雜樹遍林芳日影桃蹊色風吹梅迳香幽
山桂葉落馳道柳條長折榮疑路遠用表莫相忘

有所思

賤妾有所思良人久征戍笳鳴塞城表一作胡塞表花開落

芳樹白登澄月色黃龍起烟霧還聞雉子斑非復長征

賦

隴頭水

隴底望秦川迢遞隔風煙蕭條落野樹幽咽響流泉瀚
海波難息交河冰未堅寧知蓋山水逐節赴危絃

長安道

鳳樓臨廣路仙掌入烟霞章臺京兆馬逸陌富平車東

門疏廣錢北闕董賢家渭橋縱觀罷安能訪狹斜

陽春歌

春草正芳菲重樓啓曙扉銀鞍俠客至柘彈宛童歸池
前竹葉滿井上桃花飛薊門寒未歇爲斷流黃機

艷歌行三首

夕臺行雨度朝梁照日輝東城採桑返南市數錢歸長
歌挑小玉羅塵笑洛妃欲知歡未盡樓烏已夜飛
齊倡趙女盡妖妍珠簾玉砌并神仙莫笑人來最落後
能使君恩得度前豈知洛浦羅塵步詎減天河秋夕渡
妖姿巧笑能傾城那思他人不憎妬蓮花藻并推芰荷
採菱妙曲勝陽阿

燕姬妍趙女麗出入王宮公主第倚鳴瑟歌未央調絃

陳

古

八九弄度曲兩三章唯欣春日永詎愁秋月長歌未央
倚鳴瑟輕風飄落藻乳燕巢蘭室結羅幌旣朝日牕開
翠幔卷妝罷金星出爭攀四照花競戲三條術

餞友之綏安

谷風揚暖律扶旭開餘靄蘭芽被平臯冰漸泮微瀨恬
彼芳歲新愜此賞心會絲竹邯鄲倡朋游鄴中蓋貢橘
偉含滋仙鰭妙飛鱸峻嶒眺廣嶽浩漭窮溟海衆賓悅
禮遇遠俗懷仙愛操翰本非工無譏比曹鄴

距郡治東南三十五里有市曰亭林相傳陳侍郎
顧希馮故居讀書堆在焉七修類藁云今寶雲寺

尚像野王爲伽藍硯池之水早清中綠晚則黑似
不可信史稱著有文集二十卷今所存者上玉篇
二啟外詩不數首耳溯自化龍已驗禽虎未南
餘年間松之繼二俊有作者前此無聞唯於梁陳
之際得侍郎一人而已

陸贄

〔新唐書〕贄字敬輿蘇州嘉興人〔郭志〕時華十八第
進士中博學宏詞調鄭尉罷以書判拔萃補渭南
尉德宗立遣黜陟使行天下贄說使者請以五術
省風俗八計聽吏治三科登俊又四賦經財實六
德保疲瘵五要簡官事時皆建其言遷監察御史

松風齋集卷一

唐

五

召爲翰林學士會馬燧討賊河北久不決請濟師
李希烈寇襄城詔問贄策帝不納從狩奉天機務
闕總遠近調發奏請報下詔書數百贄若不經思
逮成皆周盡事情衍繹熟復人人可曉旁吏承寫
不給他學士閣筆不得下而贄沛然有餘始帝播
遷府藏委棄衛兵無楮衣至是天下貢奉稍至乃
於行在夾廡署瓊林大盈二庫別藏貢物贄上疏
諫帝悟即撤其署俄以勞遷諫議大夫仍爲學士
孤立爲左右權倖沮短又言事無所回諱陰失帝
意久之不得宰相但爲中書舍人母韋猶在江東
帝遣中人迎還京師俄以喪解宮客東都諸方賄

遺不一取惟韋臯以布衣交先以聞故所致皆稱
詔受之又詔中人護父柩自吳葬洛陽服除以權
知兵部侍郎復召爲學士入謝伏地鯁泣帝爲改
容撫慰眷遇彌渥天下屬以爲相而實參素不平
忌之贊亦數言參罪失貞元七年罷學士以兵部
侍郎知貢舉明年參黜乃以中書侍郎同中書門
下平章事班宏判度支卒贊薦李遜帝漫許之而
自用裴延齡贊言延齡僻戾躁妄不可用不聽俄
而延齡姦佞得君天下仇惡無敢言贊上書苦諫
帝不憚竟以太子賓客罷贊性畏慎未嘗通賓客
延齡揣帝意薄譏短百緒帝怒欲誅贊賴陽城等

大德宗幸梁道有獻瓜

夫

交章論辨貶忠州別駕後稍思之會薛延訥爲刺
史諭旨慰勞韋臯數表請贊代領劔南帝猶銜之
不肯與順宗立召未至卒年五十二贈兵部尚書
謚曰宣始贊入翰林年尚少以才幸天子常以行
輩呼而不名在奉天朝夕進見然小心精潔未嘗
有過由是帝親倚至解衣衣之同類莫敢望雖外
有宰相主大議而贊常居中叅裁可否時號內相
嘗爲帝言今盜徧天下宜痛自咎悔以感人心昔
成湯罪己以興楚昭出奔以一言善而復國陛下
誠不吝改過以言謝天下使臣持筆亡所忌庶叛
者革心帝從之故奉天所下制書雖武人捍卒無

大德宗幸梁道有獻瓜

七

不感動流涕後李抱真入朝爲帝言陛下在奉天
山南時赦今至山東士卒聞者皆感泣思奮臣是
時知賊不足平也議者謂興元勘亂雖爪牙宣力
蓋贊有助焉狩山南也地險遼遠從官相失夜召
贊不得帝驚且泣詔軍中得贊者賞千金久之上
謁帝喜見顏間自太子以下皆賀及輔政不敢自
顧重事有可否必言之所言皆剴拂帝短怒到深
切或規其太過者曰吾上不負天子下不負所學
違他卹乎旣放荒遠嘗闔戶人不識其面又避謗
不著書地苦瘴厲祇爲古今集驗方五十篇示鄉
人云又德宗幸梁道有獻瓜果者帝嘉其意欲授
以試官贊曰爵位天下公器不可輕也帝曰試官
虛名卿其無嫌贊奏員外試官與勲散爵號同突
鋒鉞排禍難者以是酬之可謂厚矣今聞獻瓜一
器果一盛即授之必曰吾之軀命乃同瓜果瓜果
草木也若草木然人何勸哉夫田父野人必欲得
其歡心厚賜之可也魏了翁曰華亭負海枕江平
疇沃野生民之資用饒衍故士奮於學民興於仁
代生人材以給時須自陸士衡士龍以至唐宰相
元方象先希聲僅曰隨世以就功名至敬輿則魏
然三代人物也先正朱文公謂三代而下惟董仲
舒諸葛孔明陸敬輿俱有王佐氣象自今觀之其

論諫數百如推誠散利等疏無非聖賢之明訓其所闢邪說如寧我負人反經合道凡後世喪邦之說一繩以正斯不亦間世之大儒乎唐人詩稱敬輿為縣人而志不書夫敬輿鍾美是邦可為人物之標準而人未之或知故為表而出之重建華明亭學記楊樞曰唐陸宣公贄松故無專祀正德庚辰推官周公佐始毀靈順宮為之祠請祀於朝曰唐中書侍郎平章事陸宣公贄世傳嘉興人稽之載籍錢起送贄擢第還鄉詩有曰鄉路歸何早雲間獨擅名華亭養仙鶴指日再飛鳴則贄之生於華亭無疑矣贄之在唐學究天人志存經世遭遇德宗屬

松風餘韻卷一

唐

九

時多艱謀謨帷幄翦除羣亮文章在翰苑德業在民生勲庸在社稷崇名重望流布宇宙師表百世先正謂其功業赫然心行不戾於聖賢之道者也疏奏下禮部議令官府於春秋次丁致祭焉按松嘉二郡之士各以為宣公生於其鄉而不能定周公此疏誠斷案矣陸宣公祠記氏族大全唐貞元中陸贄知貢舉試明水賦御溝柳詩得韓愈歐陽詹賈稜陳羽等同榜皆天下孤萬偉傑之士號龍虎榜

禁中春松

大曆二年西京試題第六人

陰陰清禁裏蒼翠滿春松雨露恩偏近陽和色更濃高枝分曉日靈韻一作虛火雜宵鐘嵐助一作香動爐烟遠形疑蓋

影重願符千歲壽不羨五株封一作長得迴天眷全勝老碧峰

聞太常清樂

南宮聞古樂拂曙聽初驚煙靄遙迷處絲桐暗辨名節隨新律改聲帶緒風輕合雅將移俗同和自感情遠音無曉漏餘響過春城九奏明初日寥寥天地清

御園芳艸

陰陰御園裏瑤草日光長羅靡含煙霧依稀帶夕陽雨餘萋萋更密風煖蕙初香擁妓綠馳道乘輿入建章濕煙搖不散細影亂無行恒恐韶光晚何人辨早芳

東海集云雲間未陞郡時或隸蘇或隸秀故人物

松風餘韻卷一

唐

九

之見諸史傳者名不以雲間書若宣公陸敬輿雲間產也圖志弗考遂至缺逸按公之第進士也籍系嘉興在華亭立縣之後遂疑公非松人故前志人物失載不知華亭之設也割嘉興之東境隸焉自天寶十載至大曆二年為時非久或仍祖父舊貫亦未可定顧文僖援錢員外贈詩魏了翁學記御錄新唐書本傳譜入郡乘名臣中可以正前志之失唐以詩取士得公試帖三首足增一郡之光也

松風餘韻卷一

松風餘韻卷第二

目錄

宋 朱伯虎 一首

朱之純 六首

李 甲 二首

錢良臣 一首

衛 涇 一首

高子鳳 七首

儲 泳 二首

殷 澄 一首

李智遠 一首

松風餘韻卷二

目錄

松風餘韻卷二

胥浦姚弘緒聽巖編次

朱伯虎

方志伯虎字才元開封貫嘉祐六年王俊民榜第五甲第二人朝奉大夫江東運判累贈太子太師顧志宋贈太子少保朱承進墓在佘山普照院西承進本汴人五代時避地吳越三遷至華亭生六子皆訓以儒術以孫諤執政賜普照院為承進香火

題聰道人月軒在佘山普照院

愛月開牕絕頂間屹然巍創壓層巒翦除羣卉當檐盡

松風餘韻卷二

宋

添得清光滿檻看亂石雲堆秋色冷老松風入夜聲寒十年夢寐江湖景村樓終期日倚欄

按承進之先自汴而來故後人皆用開封貫入仕伯虎即六子之一也治平年有進士朱伯熊字才翁志稱伯虎之弟又有特奏名朱伯龍者疑亦承進之子郡志選舉朱諤初名祓伯虎從子元祐六年甲科第二人後改名官尚書左丞謝恩詩有云起家白屋連三榜平地青雲第二名

朱之純

顧志之純登元祐六年進士第以文名於時歸老西湖作湖齋谷陽園自號谷陽先生舊志有文集

版留儒學今不可考惟白題湖齋及縣齋思吳堂
諸什僅存

題縣齋諸詩 有序

彭城劉侯元祐庚午來宰雲間下車先修庠序次
立教戒下至簿書期會各有條理一境告治訟庭
清明幾致刑措於是即縣齋之東新其一堂一亭
一閣堂曰弦歌亭曰三山閣曰民閣與士之賢者
講論歌咏於其中蓋將有志於美風俗也然予嘗
思之自浙右爲邑未有繁劇過此者其境東南濱
海西北負江帶湖方二百餘里其戶口除浮寄浪
居而占籍者亦不下數十萬比嘉祐初太常丞吳

松風齋集卷二

宋

二

公所治往往三倍其數故生齒日衆情僞滋多而
獄訟少有衰息雖戴星出入日昃不食力愈勞神
愈耗而姦宄終不能勝也乃劉侯來未幾而風移
俗易詩有之曰豈弟君子民之父母夫爲政者豈
弟發於天資平心如鑑之應形接物如鐘之待扣
天之高地之厚得所以爲民父母之道則其從之
之疾又何恠焉宜其游心三山鳴琴一室登高而
賦之使人知仁義禮樂之意也予圃隱湖西有客
見過因問邑之治否誦公豈弟出於自然且曰方
周盛時齊人五月報政公猶驚其速况處今之世
教化未明而劉君治江海僻陋之地古道復行豈

不賢哉噫以客所言證予所聞則君坐斯堂宴斯
亭登斯閣也宜無愧於古人矣客退因序其所聞
而爲之詩

洋洋百里起謳吟惠化薰陶谷水陰明月詩涵三島秀
清風曲奏一堂深武城浪說言游道單父休諱子賤音
以敏誰知過齊國想君真得古人心 弦歌堂

俗易風移古道還縣齋壘石作三山因憐席上紅塵少
贏得壺中白日閒想見六鼇擎水下坐看雙鶴落雲間
何須更叩黃金闕只此幽亭是玉關 三山亭

畫閣巍然冠翠巒更占良地特巔峴曉窗高挹東風暖
夜幕低垂北斗寒突兀狀驚青嶺吐徘徊勢若老龍蟠

松風齋集卷二

宋

三

嗟予勁節非孺子那得陳侯一榻看 民閣

思吳堂詩 并序

思吳堂者初名環碧亭嘉祐中太常丞吳公幾道
所作也公有惠政四十餘年民頌不絕今彭城劉
侯來宰雲間探民所譽因至其地見其頽毀蕪沒
喟然歎曰昔人思召公愛及甘棠况此亭中冠一
湖吳公歲時與民所共樂者最爲勝概當秋分之
月夜湧出金波遇春暮之花時變爲錦水若乃火
雲輝空挹清風而愜解凍雲凝地睹白雪以神清
有此佳麗荒而不修良可惜也於是增大其址飛
出軒宇環以虹梁徘徊煙波之中浩浩乎誠可樂

者乃闢其亭爲堂易其名曰思吳從民望也吳公之來余方生七歲其條教治目更歷異政不得其詳然猶彷彿記其去時父老悲啼攀轅不與前進以至空一邑隨之及予壯歲疑其得民如此乃問鄉人長者因語其施設大槩感動冥默者二三事焉如浙右旱蝗蘇秀爲甚公方下車克自痛責遂禱橫山之神即致甘雨蟲亦避境不食其稼至秋大稔出教條命民豫修水利以待淫潦或注達於江海已而大水暴至阡陌堅完溝渠既浚復稔如初比及三年風俗歸厚天無札瘥地無旱潦家給人足歌頌滿路噫此古之所謂遺愛者宜乎去之

松風餘韻卷三

宋

四

久而思之深也今劉侯爲政豈弟且又孜孜尋訪吳之政迹欲舉而必行之唯恐後時則名斯堂也豈惟從民之望抑亦見其樂取人以爲善也人有疑其名者告予曰詩人思古皆傷今之不然也今以劉侯之仁民胥樂之又何思吳之有予應之曰人固有遭其虐政而思昔人之賢以哀今之不見者又有遇其善政而思昔人之賢以幸今之復見者思古之說豈一端哉當其男以田功之畢女以織事之休內無饑寒之戚外無賦役之勞思以斗酒相娛樂令於此時爲之命僚佐臨清流設玉斝金鼓喧闐於波間管絃嘈囋於堂下歌者舞者形

和聲和以觀遊人士女或三或五溶溶洩洩如鷗鳥之浮川儵魚之戲藻是人之樂也皆相慶曰吳之復來矣若夫政不出此則人不樂生令於此時精耗簿書力疲獄訟事既無窮應亦不暇又何能俯清冷之淵焚談終日與之偕樂耶設有勉強爲之雖撞鐘擊鼓人聞其聲將感額而相告曰欲見吳之莫得也然則此堂之作一游一豫足以爲政之勸沮而劉侯之慮有出於此其深得思吳之樂與荀卿曰欲觀千歲今日是也以劉侯之賢其樂顯前人之善如此則異時此堂復修予將期後民之所思有甚於今日矣堂成劉侯就予索詩於是

松風餘韻卷三

宋

五

序其所聞而賦之詩曰

畫堂重構一湖中更述民思渤海公自昔三年留惠政至今百里頌清風波間陡覺懽聲別陌上新傳樂事同從此邦人轉懷德悠悠谷水幾時窮

自題湖齋

平湖十里水汪洋得意茅齋且屈藏園種小桃今結子池栽翠萼更聞香六龜已兆千年瑞雙鶴看呈八月祥居此翛然忘世味此心猶懶去南陽自注子湖上治園於桃根獲古龜六枚其小如錢雲間有仙鶴觀每歲中秋夜有仙鶴下觀因得名予治園谷水隣其地

松江亭

晉城煙水亭在吳江縣東江口唐人建後廢

夜泊松江亭江上對明月寒氣辟塵埃清光見毛髮水

漾琉璃碎橋映虹霓活風靜如鋪練岸遙疑積雪一望
極渺瀰千里同皎潔波底魚忽躍簷外星漸沒牧笛咽
還起漁燈隱將滅飛鷗馴不驚樓鵲鳴不歇此夕正炎
極茲游最清絕煩襟頓爾息浩思灑然發誰知物外趣
信與人間別冥哉范蠡心扁舟見高節

李甲

〔樵李詩繫〕甲字景元居海鹽華亭鄉自號華亭逸
人善爲填詞小令有聞於時畫翎毛有意外趣米
海岳嘗稱之東坡題其畫曰郭恕先之後一人而
已嘗畫竹於嘉興景德院東坡過之題詩曰聞說
神仙郭恕先醉中狂筆勢翻翻百年寥落何人在

松風餘韻卷二

宋

六

只有華亭李景元又晁充答題周彦兼所收李甲
畫三絕鵲云上林花妥逐鶯飛愁絕江南雪裏時
嘆咭何須傍簷喜穩穩相對兩寒枝鴈云網羅無
限稻梁肥憐爾冥冥亦庶幾戲鴨眠鳬滿中汀衡
陽無意更南飛鴨云急風吹雪滿汀洲近臘淮南
憶舊遊小鴨枯荷野艇冷去年今日凍高郵又和
東坡題李甲畫鴈云畫寫物外形要物外不改詩
傳畫裏意貴有畫中態我今豈見畫觀詩鴈真在
尚想高郵間湖寒沙瑣瑣冰霜已凌厲荇藻良瑣
碎衡陽渺何處中汀若煙海又請條新河秋霜落
洲渚潔蓮垂蘭杜死菖蒲深見節憐淡沙礫姿清

波侶羣鴨往時吳興手看畫境苔雪爲儀尚不汙
孤高比雲月聞在雪堂時滿堂惟畫雪

題竹和東坡韻

翠葉彤竿已占先湘雲千疊勢爭翻野夫不識天人面
知是虞皇第幾元

見遠橋

在超果寺前洪武十
六年重建舊有亭

高僧欲縱目橋上構橫亭野水茫茫白羣山點點青客
帆風送葉漁火夜移星看盡黃昏景天涯一畫屏

錢良臣

〔顧志〕良臣字友魏幼志於學十九升辟雍登紹興
二十四年進士孝宗淳熙五年拜參知政事八年

松風餘韻卷二

宋

七

罷以正奉大夫知鎮江十六年十一月卒謚文惠
孝宗嘗詢時事所陳合上意因褒之曰如卿真所
謂通世務之儒遂書通儒二字以賜光宗在春宮
亦書雲漢昭回之閣賜之

顧亭林宅

〔志〕宅在亭林鎮地有高邱梁黃門
侍郎顧野王於此修輿地志其北有
湖湖南有林園呼顧亭林湖亦曰顧亭林宅
今爲寶雲寺高邱正當寺後時稱野王讀書
堆

伊昔邊烽備不虞太平移作梵王居而今江表全無事
借我三椽更讀書

衛涇

〔華亭縣志〕涇字清叔其先齊人唐末避亂南遷居

秀州之華亭祖聞父季敏通判鎮江府涇少有異操入行在從永嘉李去智學李卒爲制服執喪人成義之淳熙十一年擢進士第一故事狀元初任垂滿必通謝於宰執始頒召命時王淮秉政涇不通謝雖被召三月不得引見十四年除秘書省正字輪對言陛下即位之初銳意事功不次而用將相痛憤而圖恢復二十年之久無一事少稱陛下意者而陛下大有爲之意亦少弛矣庸常之才持祿保身而風俗日壞士氣日卑民生日困臣恐天下之患將有出於意慮之外者事幾易失時不再來願陛下堅自強之志振綱維以彰國勢作氣節

松風集卷二

宋

八

以厲偷情則靜可以強根本動可以復土疆而事功立矣又言中國之與北虜其勢決不能兩立名爲和好實則讐敵名爲息兵實則觀釁復讐之本直須時耳今以偏方之勢與敵持久自紹興來五十年無大戰自隆興來三十年無小鬪虜酋新立血氣方剛間隙之生遠不過五六年耳願陛下奮發英斷規恢遠圖卧薪嘗膽不忘北鄉聖志先定然後與二三重臣講求大計委任而責之成内外備則大讐可復中興可期矣又言自陛下踐阼臺諫給舍多不得其職今日士氣向衰風采銷落陛下所當長養振作而斥陰銷沮之將使羣臣上懼

陛下之威命下虞羣小之中傷苟且成風諂諛克位脫有大姦巨惡誰爲陛下言者紹熙元年遷著作郎兼司封郎官二年正月震雷雨霜大雪繼作涇應詔上封事言雷陽也雪陰也陽氣方升而陰制之此雪所以降也以象類而求則君欺於臣夫陵於妻夷狄謀中國小人害君子皆陰勝陽之證也有一於此皆能致亂陛下不可不豫防也時佞倖漸肆李后悍妒故涇以爲言出爲淮東浙東兩路提舉慶元初召爲尚書右司郎官論壽皇孝養禮曠以爲太上之於陛下親父子也天性之愛血氣之屬慈孝之親宜無毫髮疑問雖太上疾勢未

松風集卷二

宋

九

平語言舉動若未容於進見者然陛下孝心純篤豈以吾親之不可見而遂已乎臣聞參天地贊化育曰誠而已金石之無情鬼神之至幽猶以誠而動矧人子事親誠極其至有不感動者乎願陛下兢業於中以親之未順爲憂以期於見親爲念積此誠意庶幾太上之歡心可得而喜付託之得人矣三年以起居舍人假工部尚書使金還言虜有危亡之兆而吾無自治之策使吾治具畢張備禦無闕敵雖強不足畏倘偷安歲月僅了目前一弱虜滅一強敵生未足爲喜也初涇之往寧宗諭使覘敵而虜爲蒙古所攻我有乘釁之意涇深懼其

輒動故還奏如此除直煥章閣知慶元府沿海制
置使以言者論罷是時權姦用事涇不為勢怵斥
去十年不調於里中關西園取范文正公格言名
其堂曰後樂開禧元年得旨入朝明年除中書舍
人兼直學士院應詔論北伐非計不聽三年自吏
部尚書拜御史中丞請誅姦臣韓侂胄論罷右丞
相陳自强拜參知政事封崑山縣開國伯嘉定初
兼太子賓客始侂胄之誅涇坊居多繼又患史彌
遠有專恣之漸欲去之彌遠為景獻舊學知涇謀
風御史劾罷之五年知潭州八年知隆興府上以
涇三世同居有堂曰友順御書三大字太子亦為

松風集卷三

宋

十

書後樂堂榜賜之九年知揚州十七年除資政殿
學士金紫光祿大夫致仕進封吳郡開國伯寶慶
二年卒理宗輟視朝一日特贈太師追封秦國公
賜謚文節涇歷仕三朝出入內外四十餘年憂國
忘家始終一節而謀深慮遠不徼近功其進退之
際與時升降嘗語人曰官職自有定分名誼千古
不磨其在朝孤立自守不畏強禦以賢才為立國
之基薦進搜舉汲汲如不及如李燔輔廣倪思陳
韓皆其人也涇在潭時與朱熹有交承之好侂胄
指熹為偽學斥之侂胄既死涇奏召熹還朝而熹
已卒復移文新安取熹諸經四書傳注刊刻以傳

又請為右文殿修撰張栻賜謚其表章正學之功
多矣所著文五十卷曰後樂集弟湜字正叔好古
博學除太府寺丞將作少監皆不赴嘗集禮記諸
家傳注為一百六十卷名曰禮記集說寶慶二年
上之終朝散大夫直寶謨閣知袁州學者稱為櫟
齋先生

遊澱湖

疎星殘月尚朦朧閃入煙波一棹風始覺舟移楊柳岸
直疑身到水晶宮烏鴉天際墨千點白鷺灘頭玉一叢
欸乃一聲回首處西山渾在有無中

衛文節公本華亭人生於蕭塘今為蒙福寺以崑

松風集卷三

宋

七

山貫及第宋時華亭縣學有狀元坊為涇立也正
德末年普照寺西居民於古井得巨甌無數皆有
衛仲瑛三字仲瑛膚敏之子與文節公從兄弟也
涇為松人明矣

高子鳳

松志子鳳字儀甫以詩名別號澹菴嘗注杜詩林
竹溪為作序有文集若干卷

安和院白蓮花詩和僧慧日韻

院即明行教寺
也在南橋鎮

地產枝蓮異禪宮自此興殊祥天不靳奇艷雪堪陵魄
化疑吳女碑傳有蜀僧何當尋勝概吟斷佛前燈

松澤西亭

船子和尚維舟詠歌
處後為西亭蘭若

松澤亭前山色幽洙涇渡口荻花秋離鉤三寸無人會
一棹東西獨未休

野水閒雲無定踪一生空棹月明中錦鱗纔得翻船去
堪笑家風徹底窮

西亭無處認遺基煙月空餘舊唱辭欲問辭中端的意
渚花隄柳可能知

劈口兩橈無剩法點頭三下不容聲謝師付授從今了
一段風流畫不成

隔水遙山數朶青送人依舊泊閒亭此舟未信無重過
門枕蘋汀夜不扃

題楊補之墨梅卷

松風齋集卷三

宋

五

籬根玉瘦兩三枝爲繞吟香夜不歸安得密林千畝月
仰眠吹笛看花飛

儲泳

松志泳字文卿號華谷居周浦有詩名雜著甚多

有祛疑說行於世上海縣東南長人鄉有宋詩人
儲泳墓至今尚存弟濤亦能詩方志儲泳精於陰
陽五行通儒玄理其言道家之行持即吾儒之格
物行持以正心誠意爲本心不正不足感物意不
誠不足通神神運於此物應於彼故雖萬里可驅
攝於呼吸間非至神孰能與於此蓋廣大無際者
心也隔碍潛通者神也心不存不明神不養不靈

正以持久而明誠以養極而靈世之學者不務養
平時而遽施一旦亦猶汲甘泉於枯井採英華於
槁木不可得矣

遊東臯園上漣漪閣

在掖雲門外張塔橋西
北宋錢知點別業也

傑閣枕平川秋光澹遠煙牕開園外景影占水中天野
色紅吟笛征帆過客船危闌人徙倚縹緲十洲仙

光風霽月亭

呂九
山家

一段風流出自然中和氣候嫩涼天百年心事無人會
付與茅亭伴呂仙

殷澄

顧志澄字公源華亭胥浦人父某宋節幹官家富

松風齋集卷二

宋

五

好施每大雨雪必載薪米遍乞寒餒人死者爲之
棺殮人目爲殷佛子性介特平生無宿諾事苟涉
大義雖委身不顧元兵入華亭澄避地南錢南錢
猶保聚未肯下將軍號楊掃地者怒命屠之澄奮
曰我其可無一言而死乎我死今日否亦今日遂
叩軍門大言曰夫民猶水也水順則流逆則激民
順則寧逆則亂今郡縣新附將軍不撫綏招徠以
稱神武不殺之德顧欲毒勦斯民乎楊怒手劒叱
之澄正色曰殺我一人活千萬人我死猶生也語
益激烈動人楊感悟而止於時全活者以萬計丞
相伯顏聞而義之授華亭軍民都總管使守其地

澄即棄去曰大宋氏亡我以親不亡獨不能逸乎
遂野服隱居浦上時放浪九峰三泖間慕其人者
目為泖南浪翁云

題泖居

國破不共天軍行却掃地一言活萬人三泖終吾志
李省遠

方志智遠華亭人自號谷隱野人居浩願寺竟日
掩關澄心默坐若槁木然元兵至衆皆遁逃智遠
若無聞兵擒之不驚縱之亦不喜事定月餘忽沐
浴冠裳斂身危坐手書一詩而逝

今朝

松風餘韻卷三 宋 古
四十三年處世中夢中成夢又成空今朝撒手還歸去
木馬頻嘶物外風

松風餘韻卷第二

松風餘韻卷第三

目錄

元任仁發 二首

錢壁 一首

黃璋 三首

陸鵬南 一首

呂恒 一首

凌巖 九首

陸德方 二首

馮溶 四首

錢元方 二首

周之翰 二首

沈鉉 三首

陸居仁 一十四首

衛仁近 七首

曹知白 一首

錢應庚 三首

曹永 二首

楊謙 二首

王泳 一首

胥浦姚弘緒聽嚴編次

任仁發

〔顧志〕仁發字子明號月山道人世居青龍年十八中鄉試元兵南下平章游公見而器之委治安海島引為青龍水陸巡警官累遷武都水監府境開江置閘凡水議皆仁發主之大都通惠河楊隱聞奔覆會通河淺澀汴梁黃河浸歸德府杭之鹽官海塘崩陷仁發皆嘗治之具有績效任守宰民立祠祀之尤善繪事嘗奉旨入內畫渥洼天馬圖寵賚甚厚後以中憲大夫浙東道宣慰副使致仕壽

松風餘韻卷三

元

七十三著水利書若干卷行於世

海洲夜景

斷雲破月照沙洲水色煙光鎖釣舟鴻鴈一聲驚客夢
蓴鱸雙美動鄉愁紅飄樹葉江天曉白射蘆花海氣秋
昨夜西風又吹冷天涯遊子怯輕裘

題趙松雪墨梅

江南初見一枝春隴月霜鐘亦可人不管玉堂岑寂夜
誤隨驛使馬蹄塵

錢璧

〔顧志〕璧字伯全郡人至治十三年壬申以書經中雷杭榜第十七名輟耕錄先師錢伯全先生端重

清慎語不傷氣嘗得一女鬟風姿秀雅殊可人意
室氏勸先生納之正色而答曰我之置此欲以侍
巾櫛耳豈有他意哉汝乃反欲敗我德耶即具貲
嫁之果處子也俞鎮送伯全上春官詩曰雲間鸚
薦起翩翩瑞世文章得共傳白璧一雙全肉好青
錢萬選中方圓九天空闕龍飛日率土衣冠虎拜
年擢第大廷歸館閣細圖王會續新編

贈瑞雲林上人

英英谷口雲鬱鬱溪上林形影偶相值去留復何心握
筆攬秋思倚牕延夕陰誰云市朝遠亦足慰幽尋

黃璋

松風餘韻卷三

元

〔方志〕璋字仲珍至正年舉鮑恂榜十三名再舉許
瑗榜二十四名允恭之孫也受業鐵崖之門以詩

鳴於時

遣興

滿目風煙在經春血淚垂素無投筆志空有挂冠思江
總真能仕陶潛託賦詩獨餘心炯炯靜夜月應知
牢落悲生計艱難歎索居母兄皆寄食兒女久無書并
邑兵戈滿郊原瓦礫餘傷心春雨過農事定何如

〔方志〕允恭號敬翁子宗武名鉞隱居長泖之灣家

有樂全堂學士虞集為之記世稱樂全先生璋宗
武季子兩取鄉薦用特恩補官遣興二詩似羈宦

於外閭故鄉之亂離而作

陸鵬南

〔顧志〕鵬南號象翁明毛詩不仕與陸伯靈齊名鄉里稱為二陸伯靈嘗以講論戲曰君讀詩疇敢思無邪象翁應聲曰君讀禮胡為毋不敬其敏妙類此所著詩文名九峰清氣集

晚涼湖上

即舊西湖也在府西南二里晉為陸氏養魚池

唳鶴灘頭水拍天養魚池上月籠煙眼前好景無人管時有漁舟泊柳邊

呂恒

〔列朝詩集〕恒字德常璜溪人〔方志〕呂巷一名璜溪

〔松風錄〕

元

五

元時呂良佐以豪俠聞創應奎文會招來儒彥其子恂從學楊維禎有鐵硯齋記

東玉山主人

玉山佳處玉人居間道方壺一事無萬个琅玕巢翡翠千年琪樹倍珊瑚瑤臺酒醉金莖露珠閣香燒鵲尾爐何日來看金粟景月明花影倩人扶

按恒與恂字俱從心旁似亦良佐之子姪楊維禎有素雲引為玄霜公子賦注云玄霜璜溪呂氏月臺名但不知公子何人也

凌巖

〔松志〕巖字山英號石泉其先少師哲靖康中自汴

隨蹕南遷後有居華亭者遂為邑人巖少習舉子

業會宋亡即卷處一放於詩鎔意鑄辭鏘鳴秀拔

駸尋大厯十才子時流盛推許之有古木風瓢集

行世

鳳凰山

在府東北枕通波塘西連薛山據九峯之首

一峰雲氣接蓬萊白石磷磷護碧苔幾向鳳凰池上望

不知何日鳳凰來

陸寶山

本陸氏家山界鳳凰玉屏之間山多土少石而土又美入爭取之今夷為平陸

二峰藏寶樹精神金碧樓臺處處春溪小落花流水遠

老翁疑是避秦人

余山

在廬山東北舊傳有余姓者養道於此高與干山等東西二里長亘數里自富林八

〔松風錄〕

元

四

曲以入盡得其勝土宜茶上有洗心泉最清冽山多竹笋有蘭香康熙五十年

聖祖仁皇帝

錫名蘭笋山建御書碑亭

三峰高遠翠光濃右列仙宮左梵宮月落軒空人不見

野花山鳥自春風

細林山

在廬山南舊為神山又名秀林山或稱辰山在華亭西北二十餘里

四峰孤聳鬱蒼蒼新構僧廬傍野塘林下雨晴春晝暖

松花薰得白雲香

薛山

在余山東中限一水吳地記昔薛道約居此因名山下有掘地得石誌曰玉屏山形

亦肖故又稱玉屏山

五峰遙隔水村西薛老曾來隱翠微然子唱歌樵子笛

貪看明月夜忘歸

機山

在機雲後南北相望以陸士衡得名山下有平原村亦以機為平原山史也

六峰喬木鎖雲根青接平原數里村此處無人來聽鶴

海靈山鬼哭黃昏

橫雲山在崑山東北本名橫山天寶六年易今名或云以陸士龍名也其巔有白龍洞

潛通激湖
禱雨輒應

七峰崑崙擁層巒蓋孤松石上蟠行雨白龍何處去
暮雲深鎖洞門寒

干山

在機山東西北諸山之最大者以形如馬稱為天馬山其曰干者或傳干將軍曾此

鑄劍上多琳宮梵宇春時遊人最盛嶽祠之側有來鶴軒相傳二陸草堂在圓智寺為士衡讀書處

八峰葱蒨石林幽給事題詩記勝遊昨夜僧歸鐘鼓靜

一聲鶴唳海天秋

崑山

在府西北二十三里長谷之東陸氏之先葬此後機雲兄弟有辭學人以為玉出崑

岡故名蘇州縣名崑山義取乎此因其地有馬鞍山俗語為崑松人遂以小崑自名其實也非

九峰西峙比崑崙晉代將軍墓尚存今日捫蘿登絕頂

桑邛麥壟自村村

陸德方

〔稿〕李詩繫德方字顯叔華亭人至正壬午舉人授般陽路學正未幾羣雄蜂起桂冠歸時元平章河南沈照避地鹽之甘泉鄉德方單負徒步傭書其家俄與談經史論時政沈大驚詢知所自遂以女

妻之明初以逋臣薦不赴嘗為詩題壁云云

武原新居題壁

我本由拳人何以寓茲土所恨國步艱一官難安堵流離坎壈中二天仰恃怙有妻如孟光有翁如彥輔灌園佐辟廬世事任旁午偶出南陌頭易姓知真主微服過鄉官私迫門戶逃名名愈隨披裘釣溪許夫豈蹈沉淵人自甘草莽中冷烹一甌博山燒一炷彈琴伯牙臺聖世容巢父

開州衛國公墓

即先賢子路墓也見仲子墓志

猗嗟大賢仁勇天付學誕升堂才嫻治賦三善適聲一死弗肺滿民思為封為樹閱歷春秋孤標霜露道在

入存問諸行路極目平蕪野燐日暮博浪飛椎始皇疑墓香皆莫追此何如故螻蟻不侵焉烏勿汙河嶽為精

風雲若護覆醢何傷結纓非誤快親明興草木咸眎我愧逋臣邂逅披素從公末由好爾無戮化臺赫靈願言予顧

馮濬

〔方志〕濬字淵如華亭人詩載玉山集昔人評其清俊又大雅集淵如名以默自號彈鋏生

登樓

仙人樓閣禁城東近水憑虛對雪峰香轉寶爐金鵲尾酒行仙掌玉芙蓉湖波西下寒仍綠山色春來晚更濃

愧以登高能賦客懸知百尺卧元龍

秋日登樓感興

秋滿江頭四面開樓頭風緊鶴飛迴天空西北峰巒繞
日暮東南鼓角哀紫蓋黃旗歸象緯越羅楚練照與臺
凭軒無限淒涼意數問平安信使來

失題

片玉山裏碧雲關背郭漁莊寄柳灣細雨長竿拂東海
桃花流水出人間鼉鼉窟宅風潭靜雞犬瀛洲日月閒
公子臨淵無所羨鈎簾落照看青山

墨梅

一枝竹外夢春酣零落綃裳舞翠嵐天淡水平山月小

松風集卷三

元

七

有人吹笛過江南

錢元方

方志元方字彥直華亭人

寄李紫箕

謫仙今住五茸西醉後懶披宮錦衣天上玉堂無夢到
山中書艇載鷺歸白雲滿屋詩連軸大泖當門鱸正肥
安得造君清隱處紫簫吹月轉山扉

題謝氏仲允一掬泉

石湖之澳有甘泉一掬清泠絕可憐金鯽跳波明月上
綵雲浮石紫苔連流杯夜醉雲松伯洗筆春留鐵笛仙
翠閣紅闌誰是主東山太傅子孫賢

周之翰

方志之翰字申甫宋嘉禧狀元坦之裔曾大父礪

福王府教授宋亡旅次華亭因家焉自幼穎悟博
極羣書每篇章出膾炙人口尤潛心易學所著有
易象管見探頤玄微又有乾坤闔闢天地生成山
川流峙陰陽變化龜文自然等圖贊以發明蘊奧
學者未易窺其肯綮嘗遊武林茗水所至從學如
市自號易癡道人海內兵興隱居神山頽然長身
松形鶴骨不事邊幅晚年游涉老莊竺乾等書卒
年七十有六嘗寒夜擁爐見餅梅枯凍因取投火
中作下火文雖遊戲之筆具見道趣其詞載輟耕
錄中列朝詩集之翰華亭人楊鐵崖云吾在九峯
三泖間有李五峰張句曲周易癡錢曲江為唱和
友

送馬秋野千戶出征淮西

霜原晶晶秋草衰西風獵獵吹大旗酒酣仰天數過鴈
落日滿地青山低時艱不作秋風夢半夜龍淵匣中動
此行乘雪蔡州平書生擬獻平淮頌

咏石棋子

棋子灣頭千丈渦沉星出世恐無多自然黑白分明見
天巧團圓不用磨本與人間消日月却教平地起風波
不如煮作仙人供更覓山中爛斧柯

沈鉉

〔列朝詩集〕沈徵士鉉字文舉雲間人世居郊外築
室曰野亭楊廉夫爲記高青邱有贈詩倪瓚貽文
舉詩曰波光浮翠閣苔色上春衣楊柳鶯啼遠櫻
桃鳥啄稀榮名非所慕登覽竟忘歸泖水宜修禊
重來坐釣磯高啓野亭詩曰清時猶在野獨卧見
高情移艇聞煙唱鈎簾看雨耕江晴雙鷺下樹晚
一牛鳴回首徒相憶柴車不出城楊維禎沈處士
詩曰楊花作絮撩行路荷葉留錢蓋野池黃鳥一
聲啼晝寂不知春去幾多時

放歌贈宋君仲溫

松林集卷五

元

九

宋君曠蕩士儒服非狂生筆掃千軍陣胸藏數萬兵銛
毫破紙竟何益按圖折禦分縱橫魚麗鳥翼談者易野
雉家雞人目盲當時管樂已黃土白壁往往遭蠅營荒
城不放塵四塞拔劍斫地浮雲行十年驅走尚豪俠許
人一諾千金輕低頭拜東野捐官識韓荆苦心爲知己
嗜膽報仇爭輓輅西入關裝刀從北征途窮亦知時不
利俛首抑氣隨將迎蕭蕭破屋漏星雨妻子顧笑形神
清東家小兒袴褶鞍馬好五字列朝詩集作袴褶西家老奴項領
成爾獨何爲昧生理長軀七尺誇人英城頭雨聲
如建瓴泥汚厚地天無晴我留君家醉十日謔浪顛倒
呼僮僮請君棄擲几上筆爲君拾留牆角檠眼中世事

如轉目勿謂貧賤忘交情氣酣中熱雙耳赤細語向人
肝胆傾玉壺擊缺歌浩浩不作老腐唧唧聲促君起望
東南氣三台泰階何日平我有長策君有長纓危可安
亂可寧慎勿輕受虞人旌慎勿虛看處士星丈夫事業
須磊落富貴逼君君莫驚

送仲溫先生還吳

江城蕭索西風起行逢故人驚夢裏憂深自覺少容顏
食盡惟愁拙生理看君白髮何由得白髮相逢更悲喜
筆力隨年老愈深詩思逼人鳴不已每呼石丈即低頭
獨寶蘭亭諱死近來英氣減前時酒量仍非向來比
從渠門第沸如羹自保清懷淡如水城南只友高書記

松林集卷五

元

十

謝官歸來接鄰里交遊散落苦無多世事悠悠竟如此
明朝忍去別江頭楓葉蘋花送行李

趙松雪故宅

故園西風王氣銷珊瑚玉樹半漂搖曾瞻東壁回天象
故着南冠續漢貂第宅空存森戟衛墨池乾盡尚蘭苕
高情一去風流遠夢憶秦簫第幾橋

〔樵李詩繫〕沈鉉字鼎臣洪武初知石首縣有詩二

首皆咏禾中名蹟按〔鐵網珊瑚〕文舉子復吉通儒
書尤精醫術游於中都作堂曰植芳文舉所命名
也天台王璞四明鄭真俱爲之記記作於洪武庚
申已改元十三年矣只稱問名於乃翁文學不聞

其被徵爲縣令也似文舉鼎臣係二人作室野亭者非即咏禾中名蹟者也

陸居仁

〔郭志〕居仁字宅之父霆龍咸淳鄉貢進士宋亡棲

隱教授終其身居仁以詩經中泰定二年丙寅鄉

試黃清老榜第七名

工古詩文與楊維禎錢惟善遊沒同

葬于山東麓號三高士墓又居仁有王逢畫像贊

云辨如懸河思如湧泉斗酒百篇倚馬萬言慷慨

如奇材之劍客瀟灑如錦袍之謫仙第未知伏軾

而掉三寸擊楫而快一鞭於斯二者子將奚先其

役也正逢作詩觀之云游戲清真帖優長雅頌文

松風錄卷五

元

士

世方趨趙孟天竟滯劉蕡教施河汾曲身浮泖澱

雲飛花時事草過鴈訃音聞有女哀扶櫬多予望

薦蘋陋容看轉老空辱許奇勲

楚人弓

楚人弓懸五石五十萬矢陷強敵絳人弓箭三隻長歌

入關成偉績多箭不如少箭力制敵若在弓矢間鳴條

牧野高於山

國馬足

國馬足吉行五十轡如沃天馬足一日千里更神速國

馬天開飽芻粟太行鹽車天馬哭

古意

采蓮多芳艸種豆雜艾蒿馬齒似蕙根魚腸涸鉛刀舉

世方好竿錦瑟將誰操已矣屠龍技終身徒自勞

王孫玉抵鵲公子玉抵蛙夜光投暗室駭耳困鹽車燕

失題

同時入洛稱三俊累世留吳尚幾家谷水千家書有種

崑山一片玉無瑕內臺應笑金釵筍羽竈當攜古鼎茶

見說草堂開綠野何時分我白鷗沙

題破牕風雨圖

遂寧王立中爲劉性初畫

環堵篝燈夜閒寂欺人風雨更蕭蕭詩成驚落雞牕筆

夢破須來馬鬣瓢萬里浪開看異日連牀屋漏耿今宵

松風錄卷三

元

士

丈夫莫袖爲霖手會沃人間九土焦

一寸鐵

爲吳門朱圭伯盛作

袖裏昆吾一寸鐵江南碑碣萬家文玉符金印雲臺將

大篆煩君爲勒勲

招鐵笛道人遊泖寺

三吳多勝跡此地有龍宮鉢貯溫涼水帆開上下風雪

眉僧欲定松徑谷相通未識天隨子相攜鐵笛翁滄茫

煙樹裏明發任西東

次韻贈鐵崖二首

校書星動天祿閣作賦神遇楚陽臺波濤入筆滄海倒

霹靂嘯火崑崙開求文巨室持金獻問字諸生載酒來

雙鑠是翁誰畫得心如鐵石貌如孩

禽虎將軍勞築室焚魚學士懶登臺盡道蓬萊謫仙出
爛將桃李向人開高歌夜半鬼神泣長嘯一天風雨來
雄文任索千金價司馬還輸十歲孩

自述疊前韻二首

少洋洋過閭里諸生袞袞登省臺雕蟲末技筆徒走
射虎良弓石爲開道在未應隨世變身強不得炫時來
君看塞上翁家馬造物戲人如小孩
能賦子虛有司馬不見邑宰無澹臺綠隕草力隨風偃
丹愛葵心向日開稻過閒田鴻盡去芹香舊壘燕還來
丈夫能受孤遺託唯有公程活趙孩

曹知白吳淞山色圖

終南求捷徑少室索高價惟有懶雲西山深無俗駕

題曾省元藏溫日觀葡萄後用溫師韻

黃金臺壯帝王州我亦曾爲汗漫遊不入鳳池鷄鶩序
依然天地一沙鷗

衛仁近

方志處士衛仁近字叔剛華亭人德嘉之子也嘗
以詩質楊廉夫楊稱其音節典象可追盛唐非詩
門之顯主者不能至有敬聚齋詩稿世極稱其秋
夜曲白苧辭九山宴集等篇覓不可得玉山名勝
載近體一章極爲詩家所賞華亭縣志衛叔剛狀

詩有江水深深碧梨花淡淡明句爲鐵崖所稱賞
承玉山主人遺竹枝詞輒賦近體以寄

草堂只在玉山西未識風流顧愷之鴛冷繡衾春病酒
蠟銷銀燭夜敲棋每懷鳳鳥棲梧樹輒倚烏皮唱竹枝
昨夜闌干明月上惱人簫管不勝吹

題陳履元畫玉山草堂圖

萬木陰陰覆草堂湘簾低下淨琴張逶迤萬里橋南路
彷彿百花潭上莊白鳥向人飛箇箇好山當戶立蒼蒼
披圖想見人清絕爲寫新詩並晚涼

擬唐宮詞

九重春色繞金鑾龍涓宮壺午漏殘屏押簾垂紅霧暝
獸爐香盡碧雲寒隔樓度曲多西子別院吹笙是內官
見說羊車明日過旋栽楊柳護雕欄

奉寄楊鐵崖

白髮楊雄三泖上樓船日日載青娥驪珠泣月夜光冷
象管叫雲秋思多問字諸生頻載酒購書道士爲籠鷲
玄霜臺上涼如水好着吾儂拍手歌

送劉主事北上

曉漏沉沉禁籞清內班初進珮環鳴九重日月明金殿
四海車書會玉京天子龍飛乾道正宰臣鵠立泰階平
幾時我亦觀光去醉插宮花出鳳城

秋夜曲二首

誰家女兒青結螺花前雙歌舞婆娑湘簾在鉤明月多
奈此迢迢良夜何

銀河流光夜初靜姮娥娟娟度鸞影綺疏美人醉方醒
倚閒吹簫更漏永

玄霜瑣溪呂氏臺名方志云華亭大姓呂翁延廉
夫於家誨子弟故詩有第七句也

曹知白

方志知白字貞素永嘉大族也宋宣和中景修始
遷華亭長谷之西至元戊戌庸田使柳公行水獻
填闕成堤之法丁母艱哀毀盡禮服除大府薦教
諭崑山不樂辭去嘗游京師王侯鉅公多折節與

松風餘韻卷三

元

五

交章辟屢上知白悉辭謝曰吾聞冀北多奇士庶
幾見之豈齷齪求官者耶即日南歸開池館藝松
菊弄翰戲墨吟詠乎猿鶴之羣其居三泖九峯間
故自號曰雲西所居有古齋黃潛爲之記

自題畫卷

見愈愚
堂石刻

或策蹇驅或杖藜閑常適意釣前溪草堂竹徑在何處
落日孤煙小渚西

按筆叢稱曹雲西善詩畫而午日厚堂一詩不足
存遂生亭聯句主賓八人邵復孺有序但從三十
五年之後始爲銓正似難取信故併逸之

錢應庚

方志邵亨貞曰松之遺俗有三錢焉其一居城爲

南渡宦族支蔓最衍流風餘韻間有存者予及識
其子孫四人今惟南金存君以明經教授爲錢氏
文脉幼失父侍其祖弱冠贅居三泖上與予同里
閑以文字交三十餘年既更世故問舍他鄉不相
周旋者又過半歲丙申浙右大亂所居悉嬰兵燹
扁舟載妻子還泖上其門人曹幼文闢室館之名
曰一枝安

答邵復孺寄懷

與君相知最相憶春水東流春望深十年坐共燈火約
兩地忽牽江海心日落瞻烏誰屋上月明夢鶴故城陰

松風餘韻卷三

元

六

靡蕪滿地不可寄何以報此瓊瑤吟

閏正月得復孺去冬寄懷詩次韻奉答

忽見新詩慰澗疏好懷憐爾獨思予無由橫泖同垂釣
依舊匡山借讀書自惜交情將老矣即今世事轉紛如
西園寂寞梅花路腸斷春風處士廬

題梅花道人墨菜畫卷

老吳嗜好素淡泊戲畫晚松三尺強江南物價正騰踊
山中此味偏悠長冰壺立傳貴適口碧澗作羹聊塞腸
自古食馬難忘事吾儒莫羨大官羊

亨貞又有詩云錢郎早明經翰墨照臺榭自注錢
南金華亭人又追悼南金詩云半生同里閑卒歲

孟朋簪則固同居於泖濱矣又蛾習集詩題中有
往歲胥會南金於嘉禾之紫虛觀近聞館於澱湖
謝氏及南金往海鹽省母阻風歸遲作此懷之等
篇意其問舍他鄉時也

曹永

方志永字世長知白子也性穎悟好學通舉子業
尤淹貫字書八法晉魏諸家罔不稽考正書學鍾
元常行草學二王鑒古墨蹟法帖到手輒辨正偽
次甲乙無失誤者行輩尤服其識身長而偉貌方
而髯脅力堪射御弱冠筮仕以蒙古字學進授瑞
安州學正秩滿陞柳州路馬樂縣都博鎮巡簡江

松溪集卷三

元

七

浙行省以宣使辟之

次復菴姪寒食韻

郊原春色正丰茸藍酒榆莢引興濃寒食庖廚煙竈冷
踏春巷陌翠簾重隨風細草無端綠着雨疎花爲改容
味道澄心方宴坐隔林孤起午時鐘

清明再用韻

暮春一日花紅茸頓覺園林晴色濃幾箇沙鷗輕片片
數行烟柳自重重學知老大終無補髮白今朝不改容
正好出郊閒極目莫教和恨聽疎鐘

楊謙

方志謙別號竹西松江大族世居赤松溪上早年

脫去仕累歸討幽事以自適讀書樂道外無他嗜
也多海內高人勝士之交嘗築小樓登眺海中大
小金山俱翔舞於前因題之曰不礙雲山樓楊維
禎貝瓊俱爲之歌咏

不礙雲山樓歌

雲之雲兮油油雨我田子有秋海之山兮離離障我流
兮東之

雲之動兮蹢躅吾與雲動兮動而不遷山之靜兮層層
吾與山靜兮靜而不停

附楊維禎記余嘗北渡揚子訪金山之勝而不知
松之南又有所謂大金小金出沒於雲海之中如

松溪集卷三

元

六

壺嶠之在弱流外也至正九年春余抵松之張溪
溪之東有大族爲楊竹西氏居之南偏其樓曰不
礙雲山竹西宴於樓之上牕戶四闢萬頃之雲兩
鰲之島皆自獻於眉睫之下竹西風日佳時岸巾
樓上手揮五絃之餘與一二解人談至理旣以八
牕無礙者關於目復以八荒不礙者洞於心雲山
之觀盡矣備矣竹西憮然若有得起舉酒而自歌
云云因併錄其歌以爲記

王泳

方志泳字季瀾上海人宋進士日輝之曾孫元鎮
江儒學教授遷衡山主簿鏞之子也性樂易自號

靜習或問靜何習輒對曰習不由靜未曾學也先是衡山君卒遺命以庶弟奉其生母泳悉畀舊田宅而所居僅地數弓廬十尺裘葛蔬飯宴如也門人輩為買龍華之原營壽藏角巾藜杖逍遙青松間而歌歌闋長嘯而返謂其妻沈曰吾死貧無以殮得為黔婁妻不既賢乎沈曰妾老尚績圖夫子暖老計不願賢如黔婁之妻也聞者多之梧溪王逢為銘其藏曰生斯游死斯藏古賢達自方雖晦也孔光

閱壽藏歌

驚何物子繭是室子吾其願畢兮抑亦二三子之力兮

松風餘韻卷三

九

光

松風餘韻卷三

松風餘韻卷第四

目錄

元梁天佑 一首

徐士茂 一首

倪樞 一首

張徵 一首

黃革 一首

王佐 一首

李紫篴 一首

行素生 一首

俞庸 四首

俞俊 六首

孫華孫 一十三首

袁介 一首

朱仲雲 一首

李堯 一首

陶振 一十五首

盧煥 二首

周賓谷 四首

管瑾 一首

松風餘韻卷第四

目錄

胥浦姚弘緒聽巖編次

梁天祐

字祐之華亭人見文翰類選

乙未歲遣懷

四十今年是亂離生百憂身居南海上家在北山頭對酒心先醉看花淚欲流時危賴支遁禪榻重淹留

徐士茂

鐵網珊瑚云雲間人

送張德常府判德常丹陽人

喜聞張別駕聽鶴過華亭屢試佳時策猶傳教子經家

松風餘韻卷四

元

香凝燕寢書舫泊鷗汀遙憶題詩處青山遠郡青

倪樞

鐵網珊瑚自署華亭人陸儼山東園遺詩跋云東園者吾松陸景周氏所築內有一十三景同時賦者一十七人同郡則倪樞邵煥上海馬琬竹素生

衛毅璜溪馮以墨五人文裕公曾合十七人之詩共一百二十一首錄為一卷以備郡中故實今無

一之傳矣又四友齋叢說載陶南村家乘中松江詩人二十四各集未見者一十二人內有倪樞倪

權樞字德中權必樞之昆弟也而權之字無考詩亦絕無傳者

亦絕無傳者

亦絕無傳者

亦絕無傳者

亦絕無傳者

亦絕無傳者

題梅花道人墨菜卷

讀書南山下朝夕共葢鹽魚肉非不美嗜味將無厭秋風飽畦蔬采掇或得兼學業嗟未成蔬食寧不甘

黃章

華亭人見鐵網珊瑚

節婦詩為崑山水德妻李氏作

茶生根不移菊生枝不離婦天一醺終不改天且可改

三綱隳傷哉古道久凋喪况乃造昧雲雷時昔為東鄰

婦今作西家妻小草有貞性人反禽犢為世無障川手

瀾倒焉能支彼美節婦李卓卓見所希早歲事良人舉

案與齊眉一朝破鏡飛上天二十四載甘空閨不事治

松風餘韻卷四

元

容粧不着嫁時衣皎皎玉雪操暗室生光輝繭絲麻

躬紡績畫響刀尺宵鳴機女紅為養不自飽族有嫠婦

咸相依嫗言來簣惑彼寧知秉彝此心匪石不可轉憤

怒竟欲以死辭貞義凜莫奪上有天翁知冥冥之中陰

相之介爾景福錫爾遐壽樂哉黃髮以為期我歌節婦

詩警彼薄俗漓婢婢女子能若斯男兒節義胡可虧於

戲男兒節義胡可虧節義不立非男兒

疑即黃仲珍也脫落旁邊玉字未可知然不敢臆

斷故另列之

王佐

松江人見稿李詩繫

遊汾湖分得花字

吳江顧君邀容遊汾湖客八

大梁程翼金陵孫煥雲間王佐吳郡陸恒汝南殷奎妓二人珠簾金粟也用主人武陵溪上花如錦之句為韻

青帘畫舫載吳娃
晶晶行雲十里賒
湖光遠帶柳溪水
春色好在桃源家
六幅錦帆風正健
一聲鐵笛月初斜
玉壺香醪興未盡
更醉海棠嘉樹花

張徵

字里失傳鐵網珊瑚自署曰淞南或係松人未可知也

崑山李節婦

人倫重綱常婦道無二天
良人失和聲聲斷琴瑟絃孀

松風齋韻卷四

元

五

居誓不續風化天下先
既遭里人毀貞立無所偏身化
青山石心如古井泉潛光表淑德萬古日月懸

李紫簣

方志李紫簣亦吾郡名流居薛澱湖之側王逢邵亨貞楊維禎皆有贈詩惜逸其名又吳郡尤以仁存贈歸澱山草堂詩云積玉溪頭水拍天草堂只在澱山前鳴鳩啼鳥青春裏古木疎篁落照邊仙客近傳餐玉法故人轉送買山錢相逢未盡一杯酒陸相祠前又撥船附記之使知吾郡有李紫簣

題楊補之雪梅卷

天生鐵幹出塵標
誰植孤根傍野橋
疎影屈盤香滿地

素心凝露骨昂霄
折枝寄驛懷人遠
索笑題詩待雪消
移向玉堂魁衆卉
寶和金鼎在明朝

許恕北郭集有題李紫簣畫竹詩云曾向淮南識

李升黃巖書法尚縱橫
只今葉葉秋聲裏
煙雨蕭條空復情
則紫簣之名升審矣
曝書亭集畫家好手元時特多紫簣李升其一也
俞直方云惜逸其名殆未見二書也

行素生

徑山志明初松江人不詳姓氏

嘉禾天寧遇敬菴禪師

邂逅高僧老敬庵
幸同鄉土話江南
宦情客思慚馳逐

松風齋韻卷四

元

四

道法宗綱喜遍參
我已此山思慧遠
君今何處見瞿曇
幾時卓錫雲間路
茗椀薰爐接笑談

儼山集東園遺詩題跋中又有竹素生衛毅行素

竹素字義俱通字形相近傳寫者必有一誤又詩話趙松雪有墨竹在崇德士人家吾鄉華亭衛先生題一絕其上云漢家日暮龍沙遠南國春深水殿寒留得一枝烟雨裏又隨人去報平安而遺其名大約非山齋即叔剛升靜與生也附錄於此以俟更考

俞庸

方志庸字子中華亭人仕為推官其書桃竹杖引

書法趙吳興亦一時名宿也詩載大雅集董性存
送俞子中之弋陽尹詩曰出宰江東試左轡津津
喜色動椿萱大朝恩澤承三世命服光華萃一門
壯歲風雲誠有待秋空鵬鶚正高騫弋陽父老郊
迎久豫播清聲已可論

病起口占

憶昔辭家塞北遊朝來何事怯新秋牀堆藥裏塵侵几
風靜書牕月滿樓伏櫪長鳴憐老驥引杯含淚惜吳鉤
旌旗明滅西城路落日長煙起暮愁

褚無傲討賊獲功任金壇縣尹久別無信作此

寄之

春入椒盤歲復除故人不寄一行書虎頭年少方投筆
鶴髮慈親正倚閭鵬鶚雲霄颺羽翮犬羊巢窟悉邱墟
丈夫出處皆前定莫向明時較疾徐

次韻陳伯昂見寄

關河瑟瑟暗烽煙矯首遐觀獨悵然徒見舟車勞驛使
未聞山澤訪遺賢參橫古塞初寒夜霜滿征衣欲曙天
自笑儒冠只如此窮通何必卜筵筭

偕鮑恂張翼金綱訪弘道朱聘君於集賢里出

蔣顥所寫翎毛索題各賦一首

寒棘幽花野思深好山無樹着鳴禽自來春色濃於酒
別有高枝在上林

按至正十七年青城虞勝伯自甯里至上海求八
世祖雍公遺文臨海陳基作序送之云聞松江俞
子中爲吳理官時得其書於魯人賈景莊氏云云
又倪瓚序云雍公遺文聞藏松江俞子中推官宅
推官沒已久而子俊尹州其弟能假以歸勝伯非
仁人義士之存心乎據此則俞氏之居上海非自
子俊始矣故不置子中於遊寓之列

俞俊

稿李詩繫字子俊號雲東庸之子初任麗水巡檢
張氏據吳改判平江入明出處未詳輟耕錄俞俊
其先嘉興人後占籍上海娶也先普化次兄丑驢

故也先普化長兄觀觀死蒸長嫂而妻之次兄丑
驢死又蒸次嫂而妻之俊妻母也旣而亦死俊縛
綵繪爲祭亭綴銀盤十有四於亭兩柱書詩聯盤
中云清夢斷柳營風月菲儀表梓里葭莩蓋柳營
暗藏亞夫二字菲儀謂菲人表梓爲腓子總賤娼
濫婦之稱葭莩皆是夫也郡人莫不多其才而譏
其輕薄如此董性存送俞子俊麗水巡檢詩曰爲
官當作執金吾膝上須橫丈二笏會見黑頭我獬
豸試看赤手縛於菟醉歌擊碎玉如意獵較射空
金僕姑眼底猩猩髓俱掃迹胸中有策致唐虞高原
朴志道送俞子俊調平江府判詩曰耆童羅拜長

洲上正是官船到岸時流水落花西子宅故家喬
木范公祠愛蓮池上留嘉瑞種樹雲間動去思素
壁高堂應看畫公餘還有寄來詩

歎息

百年同轉燭五十始知非老病侵腰腎浮名苦鼻齣閒
門羅可設今日客還稀空羨茅堂燕翩翩傍母飛

渡江

臘月六日狼山下浪花如雪勢吞舟隔江隱隱聞吳語
去國皇皇學楚囚白髮慈親初屬望青衫倦客不勝愁
幸存杜曲桑麻地敢望班超萬里侯

楚州夜泊

漏鼓聲頻欲四更野航燈火對愁明城頭楚語驚鄉夢
船尾吳歌動客情漠漠水雲聽鴈度瀟瀟風雨自雞鳴
離羣遠近何嗟及未必江湖老此生

次高原朴見寄韻

年少簪花壓帽簷飛觴走筆近春纖空餘老淚青衫濕
遮莫新愁白髮添生計有涯蠶上箔公庭無事鳥窺簾
昔人謾說揚州鶴自笑熊魚豈得兼

次韻俞仲桓見寄

白髮和愁取次生關河千里故鄉情自從秋鴈南征後
日日淮邊問客程

泰州夜泊

蘆葉蕭蕭憶客眠推蓬看雨月在船漁舟破曉入城去
街頭魚蟹不論錢

孫華孫

〔方志〕華孫字元實其先出吳長沙桓王之後父處
仁來松遂爲松江人母夢一道士豐頤美髯長揖
而進曰欲得脫身夫人家生而領下猶有髯在穎
悟異常兒年十三肄業郡庠時翰林學士張之翰
方爲守課諸生春陰詩操筆立就其結句云柳花
只在斜陽外不肯分明過小橋守大奇之及長誦
經考史以博雅聞尤好岐黃家常蓄善藥遇人疾
病雖小家亦往視之巨室貴人饋以千金終不顧
也三薦爲醫學教授有旨待詔尚方辭免江浙左
丞張公論公才行卓越請署使庸田亦不就華好
修潔戴折角巾衣鶴氅衣望山臨水步趨翛然或
著紫紵袍方帶珮玉騎馬行市中人爭隨觀之年
幾八十而肌膚猶若冰雪其所爲詩歌流麗清遠
所居闢小閣中列古彝鼎法書名畫焚香靜坐終
日書非佳墨熟紙不作飲饌非精潔不食士非賢
不與之交也大雅集選其詩行焉

鳳山懷古

宋家事業如漢晉遺史班班今尚存南渡衣冠元帝紀
中山廟社靖王孫海門龍去秋潮橫宮樹烏啼夕燐繁

已恨無人似諸葛生憎何物學桓溫

王氣中流甲馬營殘星還繞鳳凰城斯文自可同三代

諸老猶能語二京禪帝有車將白壁太皇無楫載蒼生

只今薄海漸聲教共戴堯年樂太平元兵壓境陳宜中
落請太后欲請三

宮浮海且云舟航已具后曰臨安
十萬百姓能盡載否遂迎元師

莫向登臨起歎吁故宮今日梵王都麒麟駭安荒荆棘

鷄鳴頻加張苾芻輦道久無黃曲蓋寢垣誰置白浮屠

望江亭子依然好時有胡僧置酒壺

楓橋夜泊

畫船夜泊寒山寺不信江楓有客愁二八娥眉雙鳳吹

滿天明月按涼州

松風齋集卷四

元

九

辭程探訪

時程鉅夫探訪江
南華孫以詩辭之

歲晚離家客更深上水船犬鳴營柝外漁唱驛燈前遠

役關慈母孤臣仗老天極知朱紱貴無奈綵衣妍

漢使徵求急潘輿定省頻小臣猶有母率土豈無人歲

儉盤飧玉家貧酒乏銀自緣憂鶴髮豈敢逆龍鱗

樹護堂

手植忘憂慰母顏每憐寸草報春難誰家人在閒庭院

却與兒孫種牡丹

賦此詩時
年十七

白蓮

藥宮夜涼張暑宴仙姝散花水晶殿露綃中單雲錦裳

黃金為房玉為鈿翠旌導前寶蓋殿霓裳中序按未遍

一人素衣持羽扇頽然中立白玉弁羣姝被酒酡發面
冠佩頽然醉相盱彼裁弁者色不變以口承露不肯嚙
終然貞白難自薦獨向西風抱清怨

題愛日齋

曹宗儒講
學之室

去日誠可惜來日還可愛耀靈如轉丸今昨忽相代粵

從識日來旦暮幾明晦去來與來去歲月不我貸何哉

棄一者忽忽成玩惕紅輪日日生青年詎能再燭龍少

停驂受我卮酒醉流光被吾躬悉是天所賚吾方讀吾

書堂有父母在古人惜分陰我復何敢怠讀書欲何如

祿養願親逮龍若昂首言汝親殊未艾

至順改元季夏大雨幾月

松風齋集卷四

元

十

雨欲沉三版天應隔萬重元年書大水六月變窮冬消

長關時牢艱危泣老農蛟龍毋太橫于爾卜豐凶

贈日本僧觀語孟

日本沙門性頗靈自攜語孟到禪局也知中國尊朱子

不學南方誦墨經

宇文子中至驛為松江諸色田糧事賦古詩二

章贈之

朝行谷水東暮行谷水西谷水日日流日日來驛舟驛

舟來不已波浪日日起

朝行谷水西暮行谷水東傍人指驛舟舟中有春風春

風吹谷水照見桃與李

按顧志郭志俱云華孫永嘉人列於流寓傳中列
朝詩集亦云僑寓華亭但其父既居於松子孫遂
為邑人華孫年十三即肄業郡庠其為松產無疑
表介

列朝詩集介字可潛凱之父其先自蜀來占籍華
亭元末為府掾作檢田吏一篇載於輟耕錄觀其
詞旨激昂沉痛知海叟之詩法蓋有自來也

檢田吏一作踏
吏行

有一老翁如病起破衲羸瘦如鬼曉來扶向官道旁
哀告行人乞錢米時予奉檄離江城邂逅一見憐其貧
倒囊贈與五升米試問何故為窮民老翁答言聽我語

松風齋讀卷四

元

士

我是東鄉李福一作
一作我家無本為經商只種官田五

十畝延祐七年三月初賣衣買得犁與鋤朝暮耕

耘受辛苦要還私債輸官租誰知六月至七月雨水絕

無潮又竭欲求一點半點水却比農夫眼中血滔滔黃

浦如溝渠農家爭水如爭珠數車相接接不到稻田一

旦成沙塗官司八月受災狀我恐徵糧吃官棒相隨鄰

里去告災十石官糧望全放當年隔岸分吉凶高田盡

荒低田豐縣官不見高田旱將謂亦與低田同文字下

鄉如火速逼一作
勒我將田都首伏只因嗔我不肯首却

把我田批作熟太平九月開旱倉主首貧乏無可償男

名阿孫一作
一作女阿惜逼我嫁賣賠官糧阿孫賣與運

料戶即日不知在何處可憐阿惜猶未笄嫁向湖州山
裏去我今年已七十奇饑無口一作
一作食寒無衣東求西
乞度殘喘無因早向黃泉歸旋言旋拭腮邊淚我忽驚
田吏一作
一作慚汗沾背老翁老翁勿復言我是今一作
一作年檢

陶九成云介掾松江能以儒術飾吏治者其踏灾
行可以為民牧不惜民者戒何元朗云質直似木
蘭詩其有關時事則少陵石壕吏白太傅諷喻之
類也嗟乎長孺不發粟監門不繪圖民有轉於溝
壑已耳此詩真可以泣鬼神

朱仲雲

松風齋讀卷四

元

士

避張士誠之難由姑蘇遷居滬壘其後遂為上海
人子木字楚材號靜翁攻左氏春秋兼長黃石公
學明太祖以驛馬聘用多運籌功旋論死下獄上
書稱冤得從末減永樂時上安邊十二策適榜葛
刺國貢麒麟因上麒麟頌深見嘉納詳天台陶宗
儀及孫文簡公碑記中性至孝頗其堂曰永思以
識孺慕云有靜翁集靜軒行葉孫元振曾孫佑等
俱有詩另見家傳

石筍灘感古

在下沙捍海塘外抵海三十餘里
每二三丈沙內中有石如筍彌望

潮沙至此
其流遂分

不見江頭洗玉瓶閒攜小艇弔江靈豪華銷歇今非古

依舊春風岸草青

公之自蘇遷松也實開上洋朱氏衣冠之始公裔
孫樂六惠示家集數種而靜翁諸稿獨闕茲從壽
梅而下彙其佳句附錄於左以見風雅淵源公之
遺澤未艾也壽梅集云賈傳遠遷逢聖主馬周無
薦尺凡才柳營不掛黃金印花塢還傾碧玉甌黃
金臺上初歸客白玉林中舊散人落日影迷寒浦
鴈西風聲咽暮城笳白練倒垂看瀑布紫烟飛上
見香爐葵軒稿云青尊欺短髮黃菊帶新愁地當
三楚盡路入九江深帆飛黃浦潮初發酒盡青山
日漸移玉洲集云輕舟蕩漾花連岸往事淒涼雨

松風餘韻卷四

元

主

一簑晚山青映珠簾雨秋水寒涵玉遂天百里蘼
蕪煙雨道數聲雞犬水雲鄉青氈穩似黃金勒絳
帳深於白玉堂福州集云湖上青山三竺香月明
畫舫六橋垂萬山不斷雲常濕一雨初收島獨明
松下一亭宜日午洞中三月正春溫林深塔影山
頭月夜半鐘聲樹杪樓花雨晝飛簾影亂麥秋風
動葦衣寒溪楓半落官衙靜山雨欲來人意涼平
蕪落鴈衝寒水萬木鳴蟬帶夕陽蘆江稿云江懸
千樹雨花冷萬山春月出孤鐘外霜青萬木中鴈
迷湘浦夜葉落太湖秋虛堂得秋早高閣俯雲低
邦憲集云地曠山俱出橋危馬故遲樹密蟬聲亂

外千峰起便可山中十日留窮來轉習嵇生懶老
去曾無楊子奇寒入池塘山影外碧連書帶雨餘
痕

李 珪

列朝詩集珪字象賢雲間人由府訓導授鄜州倅
卒於官子至剛另見鐫小齋送李象賢歸省詩曰
秀拔赤城山水奇吳淞江上久相知每懷衣錦還
鄉志猶憶擔簦渡海時喬木百年存閱閱高堂重
慶享期願莫因猿鶴頻留駐天上風雲已有期

和友人過西郊韻

秋原晚蕭蕭藪叢藜荒徑微川迴衆漚集天清孤鶴歸寒

松風餘韻卷四

元

主

煙蔓草密積雨豆苗稀臨流擬結構息鞍振塵衣

屋舟

吳人舟似屋今子屋爲舟四面水多繞百年身若浮下
臨知有地中坐恐隨流夢裡天無際微茫發棹謳東園
景象賢曾賦詩見儼山題
跋屋舟疑園中之一也

象賢仕於松寓於松非松產也因子至剛仕至尚
書遂世居華亭故不列於明詩而附於元人之末

陶 振

樵李詩繫振字子昌嘉興陶莊人自號釣鼈生元
季徙金澤學於楊廉夫少有神童之名洪武間薦
授吳江訓導後改授安化教諭歸隱九峯一夕死

於虎王達善輓詩云昔爲海上釣鼈客今作山中
飼虎人有釣鼈海客及雲間清嘯二集吳江縣志
陶子昌其先華亭人後徙吳江少與謝章同學於
楊維禎兼治詩書春秋三經洪武二十三年舉明
經授本學訓導坐佃居官舍逮至京師宥還又攝
取補伍乃上書於兵部又撰紫金山金水河二賦
以進隨奉命撰飛龍在天賦稱旨遂赦之陞安化
教諭卒王詩云飼虎人者蓋悲其困處深山只堪
飼虎耳非實事也

哀吳王濞

哀吳王汝非他人姓系本卯金刀高祖封汝沛五十三

松風齋韻卷四

元

老

城壕冀汝犬牙相制磐石牢汝胡招致亡命即山鑄錢
海水自熬下收民心蠲賦徭睨睨劉家社稷使動搖汝
之初有反相高祖臨遣汝訓戒常昭昭汝後以子故失
藩臣禮文帝不加戮賜汝几杖老不朝汝之末反兵起
馳書六國膠東膠西並受招連山大澤羅旌旄景帝又
殺諫臣錯謝六國復汝削地赦汝元惡而頭不梟汝胡
殺使者不奉詔氣益驕嗚呼吳王汝獨不聞前時烹韓
盧醢彭越翦伐九江王布如蓬蒿胡乃視死輕鴻毛漢
家條侯將中豪奉揚天兵誅汝曹剗汝腸喋汝血擣汝
穴破汝巢汝子授首汝母將安逃致令六國灰飛而煙
消嗚呼哀吳王汝之罪何滔滔千古竹帛猶腥臊小長蘆云

其書指斥長陵而作亂紀述建
文遺事者莫之采焉固具錄之

送章彥德遊錢塘

錢塘之地何雄哉秀壓元圃超蓬萊大江如龍天際起
山從佛國西飛來雲間三百六十寺舍丹凝紫開樓臺
湧金門前浪花白好峰兩點青如苔宋朝文物已草莽
荒碑遺碣高崔嵬黃龍白虎消王氣金龜玉鴈飛寒灰
曉日浮江去不返渺渺萬里雲濤堆吾生守拙門不出
結屋低傍山之隈會稽未及探禹穴赤城未及游天台
每懷此地不得到矯首遐望空徘徊君今遠遊別吾去
南風十幅蒲帆開望湖樓前吹鐵笛冷泉亭下傳菰杯
問君此去何時回安能西子湖頭放歌逐君去一洗胸

松風齋韻卷四

元

老

中結轡之塵埃

紫簫歌爲貝廷珍賦

湘江老竹飽霜雪圓如赤瓊硬如鐵摩挲碧鮮生秋香
尚帶湘娥淚痕血梧溪老人人中龍一朝入手誇奇逢
截作漁家紫玉管學得丹山雙鳳鳴雌雄年來移家東
海嶠眼前獨恨知音少相逢海上春山老慨然擲贈開
懷抱老人渴飲酒一瓢醉披謫仙宮錦袍乘舟即泛大
江濤起坐蓬窗吹此簫海天月白雲寥寥起舞水底百
尺之潛蛟恍若東坡夜遊赤壁下草木振動山崩搖老
人老人真不俗餘子焉能繼高躅十年海上居絕塵門
對蒼煙秋一幅既不肯掉舌下七十城又不屑折腰爲

五斗粟但知吹簫醉酒學神仙此樂生平無不足

聽雨樓

一年過京口帆飛疾如走半江疎雨隔篷聽瀉下驪珠
三百斗一年過漢陽雪山翻怒瀧黃鶴磯頭泊船住醉
聽秋雨眠西江一年過東海急雨亂灑船牕外洞庭帝
子鳴鈞天蓬萊仙人鏘玉佩故人邀宿聽雨樓玉山傾
倒恍然醉一笑使我消離愁公本挈雲夫我亦聽雨客
明朝大晴當奮飛萬里天風振鵬翼

題拙庵

婁江之側有崑邱拙庵道人居上頭江聲到枕或成雨
海色滿簾都是秋守株曾得山中兔託跡竟比杖頭鳩

松風齋集卷四

元

大

有愚還學柳州柳有身却作囚山囚平生自笑何太拙
恥向權門事干謁分甘巢許一身閒不掉蘇張三寸舌
所以頭最拙有髮不能冠所以手最拙有琴不能彈鄭
衛之音有耳不能聽毛嬙子都之色有眼不能觀嗟嗟
若人誰得似漢陰丈人差可擬既看形骸若槁木想見
寸心如止水分明有類抱朴翁只疑便是玄真子釣鼈
先生來海門相見婁東黃葉村手持先天書一卷白日
共向林間論騎牛却入山中去濁酒同傾老瓦盆

題美人織錦圖

大嫂二十餘小姑年十九大嫂織倦花下行小姑弄梭
不停手纖纖玉手柔且溫機聲似鳳啞啞聞一尺一尺

復一尺織成一片湘江雲東家郎君太驕劣倚闌漫把
春情說玉梭信手忽自拋白日觸翻雙齒折

題梅道人畫二首

山中種木圍書閣無數好枝生屋頭白浪吹雲湖艇晚
青松含雨石窗秋賦詩當是韓宣子作器定從樊敬侯
更愛小亭深樹裏竹根洗硯細泉幽

江南春盡雨泔泔繞樹簷簷含積陰園曲疏泉石苔滑
籬根繫艇漲痕深山寒翠竹巢密葉日暮鷓鴣啼遠林
此時世慮淡於水聯床燈火百年心

早朝次陳同文韻

日華初轉萬年枝鵲鵲蓬萊殿影遲十萬貔貅環紫禁

松風齋集卷四

元

尤

三千鸛鷺拜丹墀河東客獻揚雄賦海外臣降陸賈詞
要識中原新氣象黃河清淺已多時

洪武戊午春謁見庭臣奉詔歸老喜而有作

十年鐵面帶風霜行李蕭蕭出帝鄉黃閣歸來疏太傅
鑑湖老去賀知章雪消東海魚初上稻熟南州酒正香
好約雲間舊文學葛巾野服共徜徉

陸子祠

祀唐陸鴻漸

百尺老龍卧山足口吐清泉聲簇簇山靈守護幾千載
存此方員兩丸玉渴來一勺漱甘芳洗盡凡心悅塵目
嗟嗟世無桑苧翁茶經水品誰能續捫蘿試與謁靈祠
惟見蒼苔鏤顏屋人亡物在是耶非長嘯一聲山水綠

竹爐僧性海所製

翦裁蒼雪出淇園
菌蠢龍頭製竹偏
紫笋香浮陽羨雨
玉笙聲沸惠山泉
肯藏太乙燒丹火
不落天隨釣雪船
只好巖花苔石上
煮茶供給趙州禪

底定亭

在吳江縣長橋西南境元泰定二年刊宮張顯初建

吳淞江上望垂虹
歷歷山川似畫中
泉脉分甘天目近
湖翻底定海門通
蕙葳蒼翠秋光淨
禾黍青黃歲事豐
澤國交遊幾人在
寄書無便北征鴻

平望城

張士誠築入明廢今俗呼城濠

平望城東艤畫舟
江空天濶稱冥搜
瀾漫煙樹村墟晚
浩渺雲濤澤國秋
戶遶鳴關開驛舍
旂搖雉尾見譙樓

雪巢歌

陸汝抗居在九峯西

聖恩優老身康健
許著羊裘狎海鷗

雪巢歌

陸汝抗居在九峯西

雪巢子癯而清本
是玉皇闕下掌書之仙卿
何年降謫在人世
笠屨七尺遶遶形入海
學孔巢父辭聘若魯兩
生不肯掉舌西破秦
關百二險不肯伏軾東
下齊王七十城日但
讀書兼讀經閉門慣
作聲嚶嚶結屋九山頭
雪巢以爲名四壁銀
絢爛八柱冰崢嶸神
游黃竹鄉眼眩白玉
京初疑老蛟湧出
海底明月屋又疑
水晶宮闕現出青
天十二蓮花層雪
巢子罷俗累絕塵
櫻詩骨琢削梅花
冰雪巢一榻卧白
晝天風吹夢梨雲
醒醒來步上九山
頂拂拭秋水耿耿
雙瞳青掛巾三花
西華樹濯

足萬里東滄溟
斷玄竅搜玄精
冥茫八極游
心兵雄驅萬象
入詩筆佳景直
與江山爭我歌
雪巢歌金石相
砢訇爾當起把
君山老仙所弄
三管笛和我此
歌吹月明曲中
翻然吹大鵬上
朝三十六天之
帝庭毋徒在世
苦吟字李杜黧
然黑髮成星星

振或稱嘉興人或稱吳江人但既徙金澤又卒於九峯其集曰雲間清嘯不可謂非松人也陸學士題跋陶振一號癯叟歸隱九峯中所著詞賦歌行雄拔豪壯評者謂天馬行空太阿出匣有追風逐電燕雲劍俠之氣曝書亭集題跋長陵師起北平振作哀吳莊漢歌感慨悲壯當時流播革除詩文稍有忌諱者悉焚棄惟是歌在集中而人未有表其微者其後歸隱九峯死於虎王達善以詩輓之曰飲虎人者飲之爲言食聲也以食聲食聲人也九峰無虎將無靖難之後有飲之者乎

盧煥

雲間人見列朝詩甲集

寄張藻仲

草堂又是經旬別
江上梅花欲放春
兩閱尺書煩見問
幾時尊酒復相親
夜琴橫月彈山鬼
曉鴈呼冰寫谷神
門外雪消春水滿
往來舟楫不妨頻

節行詩為崑山水歌
李氏作

彼美水家婦節行端可許藁砧既已沒銜哀告無所疎
櫺月流光形影相弔與一以貞自守長年事機杼厥志
莫我奪矢言惟死拒託身比松柏肯授冰雪沮嚙桃
李花酣春媚芳野朝開暮還落曷能久延佇載歌節婦
詩敦風振頽靡

周谷賓

鐵網珊瑚百署雲間人

和韻題高房山畫

房山雲湧硯均寬鐵火冰甌滌筆寒海上仙人應拔宅
却飛林影落詩壇

與趙宗禮乞歌

松風餘韻卷四

元

圭

乾星墮地不化石生出大瓢奇絕倫癭形肖鶴引長頸
枵腹類壺藏古春箕山曾遭許由棄陋巷却與顏回親
緣知薄落難爲用乞與甘貧飲水人

謝惠方竹杖

古拙無能性喜方承君惠杖義難忘觚稜氣質何堪比
界尺形模分外長未許削圓村衲見最宜循矩士人將
有時開撥梅花雪試看摩挲面面香

龐山

百城煙水山在吳江縣南津口石塘對岸地形隆起實非山也其下即龐山湖

意思宛然在命名良不虛林泉儘幽勝地土亦華腴葵
韭家家業朱陳世世居山靈應不吝寸地著吾廬

里人
悉識

湖口

管瑾

新安文獻志瑾字子諭松江人齊雲山志同元至正間
爲休寧教諭

雲巖

萬仞雲巖五老峰扶筇孑子入仙宮龍歸洞裏千山雨
虎嘯林間萬壑風霄漢露凝金沆瀣浮邱霞映繡芙蓉
一從仙子飛昇去流水桃花幾度紅

松風餘韻卷四

松風餘韻卷四

元

圭

松風餘韻卷第五

目錄

明馮恩 四首

馮行可 一首

馮時可 一十一首

馮大受 四首

馮明玠 一首

馮遷 六首

馮邃 一首

洪都 二首

翁元益 三首

松風餘韻卷五 目錄

鍾薇 一十四首

鍾宇淳 一十首

龔吉 一首

龔情 二首

施紹莘 四首

松風餘韻卷五

胥浦姚弘緒聽巖編次

馮恩

明史葉恩字子仁華亭人幼孤家貧母吳氏親督教之比長知力學除夜無米且雨室盡濕恩讀書牀上自若舉嘉靖五年進士除行人出勞兩廣總督王守仁遂執贄為弟子擢南京御史已巡視上江指揮張紳殺人立寘之辟大計朝覲吏南臺例先糾都御史汪鉉擅權請如北臺既畢事始許論列恩與給事中林士元等疏爭之得如故帝用閣臣議分建南北郊且欲令皇后蠶北郊有異議者斥為邪徒恩言天地合祀已百餘年豈宜輕改禮男不言內女不言外皇后深居九重豈宜遠出郊外願速罷二議毋為好事希寵者所誤且言詔令廷臣各陳所見而斥異議者為邪勢必雷同附和而後可也恩草疏時自分得重譴及疏上帝不之罪於是益感奮十一年冬彗星見恩疏論張孚敬汪鉉方獻夫三人之奸指為根本腹心門庭之孽復倣范希文百官圖備指大臣邪正以聞帝大怒逮下錦衣獄究主使名日受榜掠瀕死者數語卒不變明年春移刑部獄帝欲坐以上言大臣德政律致之死尚書王時中等言恩疏毀譽兼半非專

頌美帝愈怒曰恩非專指乎敬三人也徒以大禮
故仇君無上死有餘罪時中乃欲鬻獄耶於是尚
書以下皆削謫有差而恩竟論死長子行可年十
三伏闕訟寃日夜匍匐長安街見冠蓋者過輒攀
輿號呼乞救終無敢言者比朝審鉉已遷吏部尚
書當主筆東向坐恩獨向闕跪鉉今卒拽之西面
恩起立不屈卒呵之恩怒叱卒卒皆靡鉉曰汝屢
上疏欲殺我我先殺汝恩叱曰聖天子在上汝
爲大臣欲以私怨殺言官耶此何地而對百僚公
言之何無忌憚也我死爲厲鬼擊汝鉉怒曰汝以
廉直自負而獄中多受人饋遺何也恩曰患難相

宋史卷一百一十五

明

二

恤古之義也豈若汝受金錢鬻官爵耶因歷數其
事詆鉉不已鉉益怒推案起欲毆之恩聲亦愈厲
都御史王廷相曰馮御史無多言我朝不殺諫官
百五十年矣豈今日破祖宗法又好謂鉉曰公當
惜大體不可以私怒廢公義夏言亦曰此豈冢宰
私家耶鉉少止然猶署情真恩出長安門士民觀
者如堵皆歎曰是御史非但口如鐵其膝其胆其
骨皆鐵也因稱四鐵御史恩母吳氏擊登聞鼓訟
寃不省又明年行可上書請代父死不許其冬事
益迫行可乃刺臂血書疏自縛闕下復請代死詞
甚哀悅帝覽之惻然令法司再議改擬奏事不實

律輸贖還職不許乃言恩情重律輕請戍之邊徼
制可遂遣戍雷州後兩月鉉亦罷矣越六年遇赦
還穆宗即位錄先朝直臣恩年已七十餘即家拜
大理寺丞致仕卒年八十一元成集倖臣趙文華
視師海上氣焰張甚謂崇德呂銀臺曰南江附我
可立躋貴要不必金錢羔鴈以法書名畫來足矣
先公固辭及駐雲間合城薦紳往謁皆素服稱晚
先公獨錦衣單刺駢聯自如文華恚甚及還京構
飛語以中幾徹天聽適伯兄計偕走叩徐文貞公
徐驚曰乃公何輕虎口料其鬚耶伯兄再三懇解
徐乃修具款趙甚頌其視師勞績以爲得之先公

宋史卷一百一十五

明

三

因而釋憾

入南陵和聶道長韻

江閣晴開雲霧收壯懷匹馬漫淹留猿啼野樹空庭寂
楓落林塘獨客愁是處絃歌幾化理誰家砧杵動清秋
簡書畏我慙無補轉悵光陰迅若流

秋日與黃翠巖學憲遊泖塔次韻

秋水浮空下漢槎珠宮雨過晚凝霞鰲峰峙壁臨雲壑
客髮驚霜感歲華入洛賢豪成往事隔江砧杵動誰家
遠心靜對長湖水倚劍高歌斗未斜

遊星巖

九十春光得幾遊花朝佳麗喜鳴騶輕紅帶雨胭脂濕

積綠凝煙翡翠柔布席層崖因闕勝挑燈古洞為探幽
更留一段東南境天霽重來到上頭

三洲巖

冲虛涵象此崑崙天作渾無斧鑿痕暗室明堂閒歲月
石鐘土鼓自乾坤千年古竅噓丹竈六月餘寒墮酒樽
欲飡霞爲鶴友披襟吹笛坐黃昏

明世宗時言官獲罪者比比先生瀕於危數矣減
戍生還幸也詔起廢籍終阻柄用而履豐席厚爲
德於鄉孝子文孫繩其祖武生負重望歿祀專祠
天佑忠良豈屑屑以詩傳哉

馮行可

松風集卷五

明

四

方志行可字道卿御史恩長子壬辰星變恩應詔
上言閣部大臣朋奸悞國逮下詔獄行可晝夜馳
至京師括髮衣短後衣徒跣號泣冰雪中遇貴人
輿訴之值方公獻夫過亦牽衣泣訴方曰汝父今
何在曰朝廷欲殺一諫臣而宰相不知尚謂國有
人乎方默然計無所出乃刺臂血書疏自縛闕下
謂臣父幼而失怙祖母吳守節教育底於成立得
爲御史舉家受祿圖報無地乃私憂過計欲爲陛
下作一吠奸之犬而頓忘逆鱗之戒遽陷大辟祖
母吳年已八十餘憂傷之深僅存氣息母子三人
更相爲命陛下今日殺臣父祖母痛死在今日明

日殺臣父祖母痛死在明日臣祖母臣父同日死
臣安能獨生是一日死三人也乞斬臣一人以活
祖母及臣父之命陛下僂臣不傷臣心臣被僂不
傷陛下法謹延頸以俟白刃通政使陳經見而憐
之爲之引奏適刑部尚書聶賢都御史王廷相交
章謂罪在狂妄無死律子代父死情可矜遂得末
減戍雷陽行可還籍已遊成均領庚子鄉薦謁選
授光祿署正中璫至有所恐喝顧一切辦治後無
敢干溷遷京兆則平市役核屯田理冤訟抑勲貴
止高淳之決堰革鑄局之樣錢却溧水之羨耗所
至俱清惠有聲致政歸里幅巾布袍蕭然林下卒

松風集卷五

明

五

年八十有九所著有敎齋先生集三十卷學者稱
爲孝貞先生祠鄉賢又特建父子忠孝祠

潮音閣次林太僕韻

香閣煙花象外浮霏微龍藏水雲秋潮迎法鼓聲逾競
蜃結珠樓暈未收百里澄光迴鴈磧九峰霞氣蕩漁舟
臨風忽漫神飛動欲向懸崖訪樹牛

李令伯之陳情也重闡篤老冀遂反哺年已四十
非有門庭傾覆之禍先生齒未成童猝遭家難短
衣括髮探伺囹圄號救街市事幾危迫不恤刺血
書疏求以身代一言一淚膽裂心摧謂非默有神
助能頓霽天威哉卒之父子兩全忠孝褒美誠家

國之盛事也敕齋集未之見得一詩足蔽之矣

馮時可

〔方志〕時可字元成大理恩第八子隆慶辛未進士累官按察使一生敷歷仕途所至皆有治績尤以千秋之業爲海內所重弱冠登朝筮仕刑兵兩曹所事五尚書有建白輒屬公視草肆力爲文遂登壇坫已繇薊門歷河洛荆蜀入夜郎去國天末作西征集自粵入楚入浙往來萬里歷泉藩三遷作超然樓集里居吳閭文譽四馳作天池石湖皆可繡霞北征諸集晚年出山西陟羅浮南踰金齒中航彭蠡洞庭作後北征燕喜滇南武陵諸集他如

松風集卷五

明

六

寶善編藝海洞酌五經諸解文有關係窺古作者性不喜問生產室無長物四方謁文者無虛日間有饋遺隨手散去貧宗寒士無不慨其潤者道貌頽古落落穆穆下筆輒有風霜不肯阿借爲吾鄉詞人之冠陳卧子云吾鄉元成可方吳門劉子威李舒章云元成如海外野鳥飲啄不馴時炫五色宋轅文云元成筆甚鮮爽苦其自立門戶遂不成大家若刻意錐鍊所造應不止此〔小長蘆云〕元成詩極爲牧齋錢氏所詆就全集而觀甫田彌望稂莠汙萊獨五古一體尚有遺秉滯穗可供捃拾以比劉子威翻覺勝之

月下吟

月色似清霜梧聲如寒雨細烹陽羨茶爲君接軟語

秋汎二首

泖色連秋氣細縕作暮煙扁舟自來往何處有飛仙魚鳥自親人煙霞常繞寺山多商洛情水有濠梁意

前溪歌七首

前溪水渙渙溪上花爛漫鋤地種芳蘭葛根不能斷溪水從山下芙蓉鏡中寫不滌郎君衣但滌郎君竿滌竿引郎酣滌衣恐郎冷

前溪水兩股雙流不交午老男心似童中婦顏如姥憂心汎前溪歡今在東武新水自流觴舊水但灌圃

松風集卷五

明

七

前溪似洛溪洛神在何許竹作湘妃斑鳥作杜鵑語心冷語不憐色悴粧不妍妍亦非舊貌憐亦異舊歡溪喧如灩澦與歡暗中語何許最纏綿當曙還未曙

同申少師飲凡夫齋中

緬懷新築勝丹閣俯嶙峋閉挈山中相幽尋世外人瀑飛剡溪雪花發武陵春便欲移家住於斯並采真

先生之集詩二千三百餘首而滇行武陵諸什不與披沙揀金佳句繹絡而說詩者多不滿焉茲於莫秋水點定詩鈔中擇錄數首未盡能事先生爲忠臣子孝子弟家世清華自負才學仕途蹭蹬航牒激昂宜其毀譽參半著述之富流布宇內不知

視并州四大部何如

馮大受

〔郭志〕大受字咸甫嘉靖庚子行可子少負才名工書法深爲王世貞莫如忠所器重萬曆己卯中鄉試因公車者三十年謁選得陽山縣知縣改教餘姚遷慶元知縣致仕歸葺竹素園日吟咏其中子弟罕見其面從弟大咸亦有文譽嘗曰吾兄滅跡斷掃幾如瘦鶴寒蟬矣有竹素園集張大復梅花庵筆談有乞書馮咸甫者必廉其因頓時乃肯下筆否則善價都不得乞一字里富人求書墓石謀之其客客不許久之曰可行矣乃令富人持緡錢數千約五文下一字取贏納之爲欣然下筆書石將半馮目其贏曰已足遂不復作

送徐光祿奉使還朝

玉冊臨江右星槎下帝京桐珪周典禮帶礪漢宗盟內署才名重中朝使節榮觀風應有得早晚達承明

壽屠明府兼賀得子

地接蓬萊護紫霞人看吏隱即仙家囊餘勾漏千年藥春滿河陽萬樹花眷此山川堪嘯咏蕭然風日自清嘉明珠更映文星起報德還從父老誇

遊天目山

天目東峰倚太空秋深躡屐御長虹瓊漿亂噴青天雨

珠箔掀翻碧海風勝地自應棲化鶴高踪誰不羨冥鴻同來詞客俱陶謝賦就驪珠落掌中

送蔣郡倅之滇南

黃鵠歌成不可留錦帆春水下南州主恩萬里官山海劍氣神霄戀斗牛滇海沙光時坐嘯黔陽山色晚登樓沙不久應歸賈莫如明珠向暗投

竹素園集凡若干卷其詩自樂府而外有燕臺遊草北遊續草公車別錄白雲篇金陵遊草吳中遊草吳閶集越中遊草清音舫詩據梧集端居集團居集郊居集團閒居集明月社草奇遊圖詩東山小草春思編秋思編長安草入粵草適越草共二十二種余曾借閱簡帙繁多略等觀察錄集外詩四首應酬一體綽乎有餘

馮明玠

〔郭志〕明玠字五玉華亭人萬曆壬子舉人天啓壬戌進士海澄知縣考選御史巡按山西

嘉祥曾子祠

辭邑辭卿豈慕羶十章興語剖心傳聆他易簣諄諄意誤翦瓜藤亦可憐

風騷帖括如冰炭之不相入也先生工於小題文詩非所長刪存一絕以示別裁

馮遷

雲間志畧選字子喬號熊谷華亭人恥干謁教授
自給事父淮以孝聞耿御史督學江南知其名檄
邑令以束帛禮於其廬表曰逸民終不詣令一謝
其操如此方志四明沈明臣有六傷詩其一爲馮
子喬作也詩曰漢代馮野王苗裔子喬氏博洽繼
高風詩文亦宏肆春園載酒過門人問奇字酒德
劉伯倫五斗與妻誓解醒復鯨吞于鬣戟而刺一
死家遂零寒茅淹江滌小長蘆云上海馮子喬有
長缺齋集其詩出詞似淺而鍊格頗道淘之汰之
沙礫自去

與俞仲蔚

松風齋集卷五

五

十

仲蔚青雲姿偃蹇山澤間遺棄當世事賦詩獨精專大
雅既寂寞下接蘇李肩晨昏弄筆札几席生雲煙流傳
翰墨林字字堪摩鐫相過遇佳夕春風益和顏燃燈設
清醴微輿相與宣高懷曠千載鬱鬱忘冥筌所嗟歲云
暮何以奉周旋

送唐世其北上

君去青山外子吟綠水邊忘機鷗性狎快意馬蹄穿魏
闕通宵漢吳臺思管絃遙知聽雨夜定憶小樓眠

潘伯明邀飲朝天宮

邀我來仙界深林引玉笙坐來黃鶴舞醉倚白雲生江
作千年塹山圍六代城興亡易悲感何地訪蘭成

荆溪夜泊

細雨延春酌寒雲濕暮鐘客舟依樹小野火隔溪重風
水期無定登臨興轉濃明朝買雙屐共爾躡雲峰

復餞顧內翰於南浦因經曹公戰壘

映竹船牕水氣涼渚風微泛白蘋香今朝相送即相別
明日故人非故鄉蔓艸女牆橫斷蕩荻花軍壘護斜陽
銀河舊與滄波接一望靈源萬里長

苦雨

嘉靖辛酉

愁雲連海色霖潦積成川野曠惟存樹村疎已斷煙三
吳堪涕矣四境欲騷然大禹能疏鑿神功憶往年

馮遂

松風齋集卷五

明

士

雲間志畧選字子潛號萬峯華亭人有馮子潛詩
草南遊藁爲人不事生產暮年家日益落而興日
益豪酒懷殊有致詩亦爽朗有風骨與山人遊談
勦說者不同獨惜其半舫齋集流落不傳子潛嘗
以踐更匄匄青浦公庭下邑令屠長卿問而得其
名遽令釋囚服延坐款茶子潛亦傲然倨上坐時
人兩賢之

登龍華浮屠

在黃浦西

千年飛塔標滄海躡盡高城霽色開翠蓋重重吳樹起
青螺點點越山來貪看佛日浮中界醉倚人天逼上台
此地別離同浩劫晚猿昏磬一時哀

朱邦憲有送馮子潛遊洞庭詩曰何事乃兄常裏
足檢書惟與白雲親自注君之兄子喬頰出門戶
故嘲之云

洪都

郭志都字子崖萬曆乙未聯捷進士歸化知縣題
於署曰民風僻壤原鄒魯吏治青山但嘯歌終台

州知府

遊徑山

馬首疑無路峰前別有川亂山雲裏樹絕壑洞中天見
石還疑虎逢人恐是仙已飛塵世界何必問延年

同蘇更生宿徑山煮茶

松風齋詩卷五

明

主

一作火初紅手自燒一鐺寒水沸松濤與君洗盡浮

生夢一作西廔酒花一作竹影半軒山月高此首又見朱察卿集首句作掃

帶露燒

題署二語彈琴飲水言外見之花影半軒山月高

風味直逼宋名家

翁元益

方志元益字稚謙信豐知縣廷儒孫萬曆戊午舉
人崇禎甲戌進士松谿知縣刑科給事中

槐秋悼節詩

為績溪教諭死宸濠難將樂舉人蕭崑作

我聞西塘性靈羣峰秀峭擬天半必有幽人烈士蒸
特為溪山表楨幹咄咄搜奇空有心遙遙弔古增扼腕

俄有懸黎抱珍來凝眸豎髮崢嶸看君家乃祖五斗腰
擊賊指佞三軍冠成蹊非無桃李花何如松柏參霄漢
鳴鶴橫江殺氣侵驂騑歷塊忠肝貫阻之垂涕公曰吁
死矣成丹人下汗當時恨無董狐筆千秋未定褒忠案
猿啼夜壑有餘哀鶴歸華表滋嗟嘆蘭孫爾遠綸閣英
追芳緝翠腸幾斷於皇明聖發幽貞應教燕許操觚翰
正氣將同日月昭奚取蟲鳴及鳥喚

香山曉起

鳥語提清夢山樓悔晚遊草肥多飲露煙淨不聞秋聲
遠都門沸心真雲壑幽經年塵攘攘俱為曉鐘收
巖棲已十日明發似更新漸覺山平且猶看月助人鳥

松風齋詩卷五

明

主

蟲樵徑露鐘鼓法堂辰東望朝光赤漾漾又客塵

鍾薇

字面溪華亭人以子參議宇淳初任知縣封如其
官著有雲間紀時野史倭奴遺事許太守維新云
余至松江有事於海因為樂歌好事者爭和之有
客曰時見朝霞映沃焦元氣細縕天受治語不經
人道鍾封公薇詩也乃求識公問政所急笑不答
但言前守李多見司李畢自嚴兩人長者從來得
人心無如此兩人余念公不言事而指兩人此龐
參見任棠時也後再見言松江志書越百年不復
續責在太守余曰詳哉政其備於志以志求政公

意也一日從容謂公曰公嘗導我以思弦太守倘
亦有事可指乎公笑曰余初以李公相望以今觀
之雖言李公公亦不能爲也余因問因言曰李一
意寬善縱舍耳有青衣攝事者失期久命杖之其
人曰請言狀畢受杖乃坐簾下徐徐解襪以足出
示李曰走成瘍矣尚可杖乎李大憫恤急呼醫與
治瘍慰遣之公能爲乎相與笑而罷公今年八十
有二詩文載面溪集

寺

辛卯秋季同章吏部元禮登南高峰還宿慧因

馬首籠煙暝色催入人秋思總堪哀黃迷古道霜前葉

松風錄卷五

明

古

綠染雕闌雨後苔避地未深猶覓寺尋山不盡復登臺
衰殘豈易逢簪盍無限交情寄酒杯

題澄照院

浪跡窮年索勝遊翻忘卧榻此浮邱誰將坏土開孤刹
幻出浮屠砥逝流落日喜逢三泖月乘風得縱一帆秋
憑虛恍惚參天地何處菱歌起別洲
何代驪龍失領珠中流融結一盤玉浮圖倒影亂空碧
梵語流音徹太虛檻外夕陽漁曬網佛前清磬納參蒲
時來暫喜諸緣解隨處看山入畫圖

秋日宿塔院

遠水碧於藍長空淨如洗深夜佛前燈慈光半天起

壽少師徐相國八十

山僧迎客來兩手只合掌聲聲念彌陀何處着塵想
野渡落霞明長林吐煙碧山寺定僧鐘江邨漁艇笛
何年一坏土中流砥千古昨夜風雨聲四壁蛟龍舞
孤帆落日頭影射空門裏空門扉無人長波紺如綺
水國氣先涼地深塵鞅絕殘經散不收空庭舞黃葉
濯足曹溪頭溪清數毫髮深夜不見人波心吐涼月
誰道由拳城已作魚龍宅臨流問故墟兩岸蘆花白
西風翦翦來落日吹蘆荻僧歸白足船鴈渡澄江夕
風高鴈陣寒月出禪關寂時疑落木聲忽墮遙天錫

潞國歸田未杖鳩五湖風月任扁舟形圖高閣功難並

松風錄卷五

明

古

景入平泉序屬秋碧眼久題仙侶籍青山未解廟堂憂
廿年壽國推元老此日龐眉遍九州

面溪先生樂天知命汲古耽書不以子貴而驕不
以子亡而戚杖履逍遙克享大年端人也達人也
名士也高士也君子儒而民之望也不得僅名之
曰詩人

鍾字淳

雲間志略字淳字履道號順齋華亭陶溪人弱冠
補諸生萬厯癸酉登鄉薦丁丑捷南宮試政曹中
與同年鄒元標有格外之契鄒以疏論江陵奪情
詔廷杖金吾欲齟齬之以希相旨遣驍騎拉之入

公懼巨測獨尾之鄒既論成黔中佐其資斧又作
悲歌贈之復慮抵黔宵小窘辱乃馳書與所知觀
察鄭公乘厚屬其善視母黨奸仇直貽萬世譏鄭
得書流汗力為保全然不使鄒知也就選得浙之
遂昌令邑徧小吏黃緣為奸公嚴為檢括提其衡
而更新之邑治稍稍振舉先是徵斂失時則壤清
實賦額不登公為區別肥磽劑量緩急與之立約
為期不煩筆楚而賦集時多草竊之盜匿於山藪
莫可窮詰為懸捕格跡得之置之法株連者縱弗
問讞獄平恕不以意為重輕旁邑有殺人者以賂
啖法曹累按不決監司移屬公一訊即得實衆稱

松風齋集卷五

明

夫

神明邑有橋踞甌括孔道歲圯於水乃易木以石
不踰歲告成民不病涉即名鍾公通惠橋又捐贖
錢之美繕增修學宮葺亭築圍身為都講而程課
之是歲賓興獲雋者視他邑為多在事五載擢南
都兵垣前後所上封章如亢旱脩省則疏正人心
省議論恤民隱握要機慈寧宮災則疏崇正學親
章奏弘聽納節財用有巨帥以乾沒飢營政者疏
論黜之戚畹援寵請給葬地者疏裁減之內官請
採辦金珠寶石者疏請罷之御史王學曾蔡時鼎
以言事獲譴又申救之王文成陳白沙從祀廟庭
議久不決公言守仁之學得伊洛正脉羽翼六經

而獻章為康節流亞二臣於是得祀公於義所不
可每張目裂皆面折不少假而絕不談人之短然
終以立身峻持論嚴為儕輩所忌出為福建少叅
歸家不三日抱病卒年四十二常畜二鶴於衙舍
馴甚攜之歸捐館日二鶴亦悲鳴而斃所著有括
蒼吟藁南垣奏議太和紀遊三台洞記行於世

清華古閣

在遂昌縣治東
十里西明山

古閣凌霄迴林深野興投穿雲千樹出帶日一溪流嵐
氣晴猶濕花香曙更幽虛舟吾意愜天地復何求
一道飛泉灑灑來萬山深護白雲隈禽言天籟虛相答
雨氣花陰闕欲開卧聽松濤風乍入行吟竹徑月初回

松風齋集卷五

明

古

嗒然心地真空水不是逃虛獨倚臺

聚奎亭

在遂昌縣學
鄉賢祠舊址

草昧初開見此亭乾坤星聚眼重青香風冉冉鮫珠墮
清露涓涓玉佩零銀漢欲流傾倒峽靈光獨峙起遺經
呼鸞試問神霄侶太史無煩奏客星

闌干北斗夜珠明華氣微熏酒力平高處不勝涼似水
冷然清露濕金莖

春日直湖

偶隨鴛鴦得從容面面湖光面面峰天啟圖書懸日月
波涵島嶼浸芙蓉花源半踏天台路曙色猶聞紫禁鐘
便憶滄洲尋舊隱春雲天矯欲從龍

夏日直湖

物外得招尋觀空意轉深蓮花開佛面水月印禪心白
鳥摩天沒青山負郭陰薰風方解阜況復對虞琴

泰山五松

秦封不解是恩私御幃空傳駐蹕時輦道蒼茫人去遠
十年風雨自孫枝

玉女泉

鴻濛一竅何泠泠吐飲灝氣通仙靈金莖仙掌渺何許
我來頓使塵慮屏

無字碑

遺碑自千尺漠漠秦雲白雄風三十六二世俱塵跡那

松風集卷五

明

九

如峯頭一片石

石經峪

我來恣奇觀流水瀉石上濯纓見古寺隱隱衆星朗篆
蹟半從鳥蹟分貝葉時聞落葉響石火不作祖龍劫龍
藏中開探象罔枕石聽泉足娛悅高山流水忽獨往雕
鏤母乃亦華想點頭悟石意懍恍

先生釋褐之初即保護正人殆見義必爲者與不
永其年天也遺詩數首見於太山游記中餘韻孤
清尚於秋山落木間遇之

龔吉

府志吉字天相弘治甲子府學中式袁州府推官

壽姚程夫

榮辭簪組早歸來又看桃花幾度開心有壺天真樂趣
衣無京洛舊風埃香山結社移書約仙島尋詩附鶴催
記取百齡仍矍鑠倒拖鳩杖躡崔嵬

龔情

雲間人物志情字善甫號方川華亭人嘉靖庚子
鄉薦癸丑進士授行人奉使景寧藩邸峻却餽遺
擢刑科給事中時南粵北陞諸道警報旁午而歲
數失稔乃首疏飭邊防儲蓄蠲南北額外之徵
均兵餉偏累之弊又疏止詔取太倉銀兩詞極剴
切省中推爲敢言以會勘伊庶人不法事忤當路

松風集卷五

明

九

意謫丞德清遷南昌司理陞南虞衡司主事隨罷
文宗韓非子詩做柳州所著撮殘葉雅言漫錄
藏於家又龔方川年十九病劇見兩鬼推一車擒
解冥官官曰此虞衡司主事也捕之何爲遂更後
成進士名在三甲由行人考選爲諫議已而左選
歷陞是職因即致仕弟愷字全山官御史疏論咸
寧侯仇鸞馬市杖闕下得不死直聲振臺中

登金山多寶塔

揚子金山寺狂波此地迴人喧江底市櫓度月中杯打
磬鼇求食聽經鳥自來分明開色相爲我拂天埃

送鴻臚姚龍泉南還

推君獨典漢官儀湛露方承日未晞清夢早歸三徑穩
殊才猶惜一經違且隨關塞征鴻度莫問江村社燕稀
秋水蓴鱸如可約半生風月未全非

余高祖母王孺人先生女甥也憫祖孤弱弗避嫌
怨卯翼之今後人亦不可問矣撮殘藁雅言漫錄
等書無一傳者幸獲二詩珍如拱璧一見京口三
山合志一見姚氏家乘五世私恩之感其在斯乎
施紹莘

紹莘字子野華亭庠生工詩詞樂府一時無出其
右者初築丙舍於西余之北後構別業於南泖之
西因自號峰泖浪仙（鄉評錄）子野上海人先世富

松風餘韻卷五

明

辛

甲一鄉子野獨不治生產好聲伎與華亭沈友夔
爲最相知世稱施沈早歿無子所著花影集傳於
時

灌園

蒼生久已無霖雨三徑何曾有早荒筋力未嘗無用處
要銷花福爲花忙

花前感舊

二十年前一夢空依稀猶記夢花紅而今短髮侵尋白
閒話風流落照中

余作金索掛梧桐樂府三闋構李顧音容潛錄

適游西湖因口授一歌姬再夕即歌之段家

橋風流俊逸坐客銷魂余自分何緣消此奇
福且花事已休芳心灰冷名傳樂部空屬可
憐耳姬姓顏行第一

夢破揚州事有無近來只合叩維摩誰知猶有空名在
却被人偷譜艷歌

而今非復舊情癡誰遣新聲似昔時好比仙人天上去
人間留得步虛詞

浪仙詩稿不傳其刻入雲間詩雋者亦無從見也
所著花影集全載樂府詩餘久令歌者譜傳紅豆
聽者淚落青衫矣余於自製小序跋語中搜得斷
律四首撫今思昔未免有情其能終讀乎若其零

松風餘韻卷五

明

主

句云但能痛飲便名士解得惜花真丈夫又從來
江海淚花成自古乾坤情字裏欲使天下才人豪
士悉歸酒國花叢仙乎仙乎其殆欲挾五色筆上
補離恨天而誤落風流隊者乎抑將從萬花谷歷
盡溫柔鄉而仍歸清虛府者乎一日者化遼東鶴
乘雲御風重過昔年浪跡之地見夫花影虛無歌
聲聞寂山川如昨風景全非因思癡情狂態綺語
香詞公案未除終恐天上逍遙難超歷劫上籲天
庭敕遣五丁攝歸洞府則花影一集又將爲天上
有無復世間聞也

松風餘韻卷五

松風餘韻卷第六

目錄

明徐階七首

徐陟六首

徐元春二首

徐琳一首

徐孚遠五首

徐爾鉉一十八首

徐本高一首

松風餘韻卷六

目錄

一

松風餘韻卷六

胥浦姚弘緒聽巖編次

徐階

明史堇階字子升華亭人嘉靖二年對策第三人大學士楊廷和語其寮曰此少年名位不在我輩下授編脩子歸娶丁父憂服除補故官性穎敏讀書為古文辭傾身事賢豪長者王守仁以講學傾東南階與其門人歐陽德善遂為王氏學有聲士大夫間帝用張孚敬議欲去孔子王號易像為木主邊豆禮樂皆有所抑損下儒臣議階獨條不可改者五不必改者三詞甚辯孚敬名階盛氣詰之階曰高皇帝盡革徽瀆號而獨不革孔子者何也孚敬曰高皇帝少時作何可據階曰高帝定天下而後議禮寧少耶果爾公議四郊何以據高帝孚敬頗盡赤曰塑像非古禮階曰塑像誠非古然既肖而師之何忍毀也孚敬曰程氏云一毫髮不似吾親可以親名之乎階曰有一毫髮似吾親毀之可乎且公能必列聖御容無毫髮不似否孚敬語塞怒曰若叛我階正色曰叛生於附階未嘗附公何得言叛長揖出於是帝亦緣孚敬意為或問以難階而斥之外為延平府推官遷黃州府同知擢浙江按察司僉事進江西副使俱視學政皇太子

出閣召拜司經局洗馬兼翰林侍講丁母憂歸服除擢祭酒遷禮部右侍郎尋改吏部尚書熊浹重階相與勵廉節獎恬退時議翕然代浹者唐龍周用重階猶浹用老多病階數署部事所引用宋景張岳王道歐陽德范鏹皆長者用卒聞淵代階意不樂求出避之命兼翰林院學士教習庶吉士尋掌院事進禮部尚書帝察階勤又所撰青詞獨稱旨召直無逸殿與大學士張治李本俱賜飛魚服及上方珍饌上尊無虛日吏部闕尚書廷推階為首帝不悅曰階方侍左右何外擬也階遂請立皇太子環報復連請之皆不報後當冠婚階復請先

世宗憲皇帝

明

二

裕王後景王帝不憚尋以推恩加太子太保俺答犯京師階請釋周尚文及戴綸歐陽安等自劾報可初孝烈皇后崩帝欲祔之廟念歷於先孝潔皇后又睿宗入太廟非公議恐後世議祧之遂欲當已世豫祧仁宗以孝烈先祔廟自為一世下禮部議階抗言女后無先入廟者請祀之奉先殿禮科都給事中楊思忠亦以為然疏上帝大怒階皇恐謝罪不能守前議帝又使階往邯鄲落成呂仙祠階心知其非不欲行嚴嵩因謂階可間也中傷之百方一日獨召對語及階嵩曰階所乏非才但多二心耳蓋以其嘗謀立太子也階危甚不知所為

益精治齋詞迎帝意左右亦多為地者帝怒漸解未幾加少保尋進兼文淵閣大學士叅預機務咸寧侯仇鸞有殊寵嘗與階同直舍頗睚鸞驕恣甚階知帝厭之密白鸞輸情誤國狀奪其大將軍印鸞自恨死帝命戮鸞屍嵩以階與鸞同直也欲因鸞以傾階及聞鸞罪發自階乃愕然止而忌階益甚帝既誅鸞益親重一品滿三載進勲為柱國再進兼太子太傅武英殿大學士滿六載兼食大學士俸再錄子為中書舍人加少傅九載改兼吏部尚書賜宴禮部璽書褒諭有加帝雖重階稍示形迹嘗以五色芝授嵩使鍊藥謂階政本所關不以

世宗憲皇帝

明

三

相及階皇恐請乃得之益精伺帝所嚮不復能自持帝亦委任階亞於嵩楊繼盛論嵩罪狀中有二王皆知其奸語帝下繼盛錦衣獄嵩屬陸炳根究主使者階戒炳曰即不慎一及皇子如宗社何又為危語動嵩曰上惟二子必不忍以謝公所罪左右耳公奈何顯結宮邸怨也嵩懼乃寢倭躡東南帝數以問階階力主發兵江南總督張經得罪及楊宜周琬之斥巡撫彭黯屠大山李大寵之逮階皆有力楊繼盛之劾嵩也嵩固疑階趙錦王宗茂劾嵩階又議薄其罰及是給事中吳時來主事董傳策張翀劾嵩不勝皆下獄傳策階里人時來

跽階門生也嵩遂疏辨顯謂主使階度嵩必不相容益謹以奉帝每出直必稱病謝客專治應制筆札帝察知之有所密詢皆舍嵩而之階尋加兼太子太師帝所居永壽宮災徙居玉熙殿隘甚欲有所營建以問嵩嵩忽持正論請還大內帝不懌問階階曰帝今所居玉熙猶露宿耳臣何忍安枕請以三殿所餘材責尚書雷禮營之可計月而就帝悅如階議命階子尚寶丞璠兼工部主事董其役十旬而工成帝即日徙居之命曰萬壽宮以階忠進少師兼支尚書俸予一子中書舍人子璠亦超擢太常少卿嵩乃曰屈階陰重有權略初事嵩甚謹知帝聞嵩貪及世蕃奸恣狀乃令御史鄒應龍劾之帝勅嵩致仕謫戍世蕃擢應龍通政司叅議階遂代嵩為首輔已而帝念嵩供奉勞憐之又以嵩去忽忽不樂乃降諭欲退而脩真且傳嗣復責階等奈何以官與邪物謂應龍也階言退而傳嗣臣等不敢奉命應龍之轉乃二部臣奉旨行之帝乃已帝以嵩在直久而世蕃顧為奸於外因命階無久直階窺帝意言苟為奸在外猶在內固請入直帝喜即以嵩直廬賜階階榜三語其中曰以威福還主上以政務還諸司以用舍刑賞還公論於是朝士侃侃得行其意階以張昇敬及嵩等導帝

猜刻力反之務以寬大開帝意帝惡給事御史抨擊過當欲有所行譴階委曲調劑得輒論廣東大寇張璉平帝以運籌功賞階階念閣臣預邊功賞自夏言始至嚴嵩時益濫及乃擬旨軍功論賞非親戰守者不得預閣臣始不預邊功賞寇由牆子嶺直入趨通州帝方祠釐兵部尚書楊博不敢奏謀之階檄宣府總兵馬芳宣大總督江東入援芳兵先至階請亟賞之又請重東權俾諸道兵俱屬寇從通掠香河階請亟備順義而以奇兵邀之古北口寇趨順義不得入乃走古北口其後軍遇叅將郭琥伏而敗頗得其所鹵人畜輜重始帝怒博不蚤聞與總督楊選之任寇入也欲罪之未發階言博雖以祠釐禁不敢聞而二鎮兵皆其所先檄若選則非尾寇乃送之出境耳帝竟誅選不罪博久之進階建極殿大學士袁煒以疾歸道卒階獨當國屢請增閣臣且乞骸骨乃命嚴訥李春芳入閣而待階益隆以一品十五載考恩禮特厚復賜玉帶繡蟒珍藥不絕帝手書問階疾諄懇如家人階益恭謹嚴訥請告歸命郭朴高拱入閣與春芳同輔政事仍決於階階數請立太子帝輒寢不報已而景王之藩病薨裕王雖未正東宮位由此定階遂不復請奏奪景府所占陂田數萬頃還之民

楚人大悅帝欲建零壇及興都宮殿階力止之鄔
懋卿驟增鹽課四十萬金階風御史請復故額方
士胡大順等勸帝餌金丹階力陳其矯誣大順等
尋伏法帝服餌病躁戶部主事海瑞極陳帝失帝
恚甚欲即殺之階力救得繫帝病甚忽欲幸興都
階力爭乃止未幾帝崩階草遺詔凡齋醮土木珠
寶織作悉罷大禮大獄言事得罪諸臣悉牽復之
夜召門人學士張居正與謀質明裕王入臨畢階
遂以詔草上令旨報可詔下朝野號慟感激比之
楊廷和所擬登極詔書爲世宗始終盛事云南京
振武營兵屢譁階欲汰之慮其據孝陵不可攻也

松風錄卷六

明

六

先令操江都御史唐繼祿督江防兵駐陵傍而徐
下兵部分散之事遂定羣小璫毆御史於午門都
御史王廷將糾之階曰不得主名劾何益且慮彼
先誣我乃使人以好語誘大璫先錄其主名廷疏
上乃分別逮治有差階之持正應變多此類也然
階所持諍多宮禁事伸者十八九中官多側目會
帝幸南海子階諫不從方乞休而給事中張齊以
私怨劾階因請歸帝意亦漸移許之賜馳驛以
春芳請給夫廩璽書褒美行人導行如故事階辭
賜白金寶鈔綵幣襲衣舉朝皆疏留報聞而已萬
歷元年階年八十詔遣行人存問賜璽書金幣明

年卒贈太師謚文貞方志一日試士文結有顏苦
孔之卓語公批杜撰後散卷生稟曰此語出揚子
法言公曰本道科第早未曾讀書遂揖生云承教
衆皆歎服九籥集當庚戌之虜薄京師也分宜隱
不以聞華亭時未入閣與近臣俱召見便殿上叩
虜所在分宜猶支吾華亭獨慷慨前奏曰寇將薄
城下矣上大驚引問方略華亭條列數事皆當上
意遂不次擢拜因與分宜參商矣今上誕生世宗
不欲布告中外文貞議曰雖非裕王之嫡子實陛
下之冢孫世廟頓憐皇儲由是克定雲間雜識文
貞公飲量極高嘉靖乙丑當國吾松孝廉計偕俱

松風錄卷六

明

七

延飲上午赴席日中解散因世廟晏起酬答聖諭
耳是日在席孝廉共四十二人臨別王秘齋年長
奉公一大杯公曰若領公餘俱不可却矣諸公聞
其言遞奉共四十二大杯而別嘗聞顧文僖公量
亦高第止飲小杯如文貞連飲數十大觥則不能
也又文貞林居遘難鄉民多踵門呼名罵詈公曰
慎勿報復譬如犬噬人人豈可噬犬耶必有人持
杖擊之者因口占一絕曰昔年天子每稱卿今日
煩君罵姓名呼馬呼牛俱是幻黃花白酒且陶情
又潘衡齋充齋內艱起服過郡謁徐文貞公二公
皆藩臬大僚又姻家也文貞留酌止五果五菜若

在今日不知何等筵席矣充齊親對姜神超言之
又文貞公在位時里人有惡王元美於相國述其
譏訕語文貞謝曰元美與不佞最厚善我不敢信
以爲然客退公語諸子曰文士輕薄訕人其常也
但以此人才藻吾當收之藥笥豈可麾之門牆收
之則可轉毀爲譽麾之則不但譏訕出口吻且入
青編矣乃愈厚元美丁巳春吏部將以大計黜元
美公力救之已又擬遷元美長史公又力止之穆
廟登極公首爲元美訟冤力引其兄弟出山於是
口語手錄無不稷契文貞矣

碧溪

松風齋集卷六

明

落落高梧陰俯瞰寒流碧微雲過疎雨秋容澹無迹魚
遊綠藻晴鳥下青蕪夕興至每垂綸歌罷還岸幘漁父
兩三人時來共爭席

從軍行二首

馬首垂楊折送行酒關長揖寶刀橫軍中最是多兄弟
不唱陽關第四聲

蹀馬吹塵紫極昏洗刀飛血九河渾長城直拓三千里
表取陰山作北門

書武林時春卷詩

遐矣白華詠悲哉蓼莪唱誠潔苟不渝何異千鍾享嗟
嗟罔極恩欲報心已爽雖窮負米歡不逮天府養純孝

感深衷至德非外獎今模世所希薄俗應瞻仰

送參軍玉峰桂載使蜀

萬里皇華節乘春羨爾行柳紫征旆弱花映賜袍明世
泰江虛險人廉錦自輕遐方多隱逸爲我訪君平

送東平王內翰汝孝以副使兵備浙江

詞甘南游意氣豪左攜班管右烏號承家世試麒麟像
匡國人推虎豹韜校獵諸軍紛奏凱授經多士繼焚膏
已傳文武才兼備青史無煩數鳳毛

從陶良伯乞四面蓮二首之一

太華峰頭幾夢遊若耶輕舸亦難求小池寂寞憑誰遣
面面花邊看白鷗南吳舊話蓮並頭蓮晉太和間始生今所在有之若四面者猶少嚴分宜

極賞其結句曰安詳和雅中具富貴風韻

松風齋集卷六

明

九

公與貪橫儉賊巨奸同事時防螫毒竭誠盡瘁以
結主知外示委蛇沉機伺隙卒之大慙斥逐政本
肅清輔贊有光身名俱泰中興賢相莫與比肩已
乃退食之暇留神風雅所著世經堂集絕去佻纖
如見休休有容之度續集成於投閑而不忘忠愛
彌醇彌雅愈淡愈真如公者又豈以政事掩其文
學哉

徐陟

雲間志略陟字子明號望湖已更達齋晚又更覺
菴文貞公階之弟當髫齡時文貞已取上第即憤

發厲志於學試稍不利即循例入成均嘉靖癸卯
領順天鄉薦丁未成進士授武庫司主事署員外
郎事轉車駕郎改尚寶司丞陞少卿歷光祿太僕
太常少卿轉南太僕卿改光祿大理遷工刑二部
侍郎前後在仕路歷二十餘年其由卿寺以至部
貳五轉皆南不假門第以進也在兵曹故事勾補
軍丁吏輒因緣為奸多致沉閣為設籍稽考而濫
補之弊除在太僕脩廢舉墮園政一新在光祿均
節出納有度有時凡市之豪猾不得城社巨璫以
牟姦利在廷尉法主持平不深文以入人罪疑者
寃者多所平反佐工部督修內外城度材程工纖

卷一百一十五

明

十

悉經理工故工速而費省穆廟登極以少司冠入賀
中道引疾而歸旋遭疾不起公居恒儉約糲食澣
衣無珍玩之好勗子弟如寒素然性好施能為人
緩急先達長史吳公稷家貧逋稅坐吏窘即慨然
損貲代償郡西諸甲第牌坊歲久淹沒為表章姓
氏暨之通衢置義田於兩學以贍生徒倭亂時諸
立功死事及婦女殉節不朽者出私帑白之有司
建祠祀之因性峭直常面折人過或稍拂其意強
發不少容以此每見訾於眾即歿後卹典亦以抗
言忤江陵故格不得請遲之數年而後及也卒年
五十八所著有來嘉堂集公一日輕舟泊河下有

族姪行市中家人某不為起立從簾帷窺見之至
清明掃墓時豫訂羣從叔姪并呼臧獲輩以是日
畢至至則呼其人跪庭除數其過而扑責焉且以
督訓諸僕自後不得傲睨主人無人奴禮此真警
偷俗之盛事也玉劔尊聞華亭昆季並進士位至
卿相然失歡成隙相公柄政處少司空落落相公
遜政司空逆諸江上素服而泣

馮遇樓同莊小山天恩對雨聯句

急雨過西樓初涼晚酌幽莊憑虛塵慮息暢飲道心投
待月孤前約然燈愜此遊徐那堪話離別况乃在清秋
莊

卷一百一十六

明

十一

秋夜訪朱文石大韶邀陸寶峰從大廷評孟華

里羽正吏部對酌聯句二首

載酒謀良夜朱揮毫一暢神心期聊共席徐鄉曲更為

鄰陸遜惟耽睡朱雲卿豈鍊真相看久不厭徐忘却在

風塵朱

雨後能遺世徐燈前欲醉歌鷓鴣成小隱朱鴻鵠在高

柯空有星辰典徐難邀陸孟過詩成招二妙朱殘燭轉

銀河徐

春夜飲孟華里寓懷表我溪聯句

清宵相對惜年華徐忽憶同心欲泛槎落落交遊書劒

冷孟翩翩鳬鳥水雲邀風塵作客悲彈鋏徐驛路經春

喜看花聚首帝鄉傷此別孟閨雲燕月思無涯徐

席間同朱文石陸寶峰孟華里聯句

病裏喜逢知己飲徐雨餘偏覺晚涼多朱清宵秉燭淹

佳賞陸狂客飛觴發浩歌孟世事百年渾感慨徐宦游

此會莫蹉跎朱詩成策馬驚殘漏陸已報金門驟玉珂

孟

與朱文石聯句

朝來折簡續詩盟朱贏得金門淹馬卿徐百歲相看賴

知己朱一尊時對話平生徐嗟余款段衝風雨朱媿我

盤食貯笋櫻徐勲業更期同晚節朱他年曩鼎好垂名

徐

松風齋集

明

七

徐元春

郭志元春字正夫萬曆甲戌聯捷進士刑部主事

禮部員外郎光祿寺丞尚寶司光祿寺少卿南京

鴻臚太僕寺卿終太常寺卿以孫官都督贈榮祿

大夫太子太傅客諧偶鈔徐寅陽元春仰齋子文

貞公冢孫也寅陽舉進士文貞喜謂仰齋曰汝之

子乃勝我之子仰齋對曰孫之父不如子之父

訪月泉禪師

山郭尋僧出行行黃葉邊石泉秋聽急江月坐來圓性

破長昏夜門開不住天時聞鐘磬發獨立萬峰前

潮音閣次林同卿韻

梵閣飛來水面浮潮聲猶帶海門秋蜃樓色暈雲初合
蛟室光寒珠未收九點翠巒排入戶萬層雪浪擁行舟
影娥盛有梨園伎疑是天河渡女牛

徐琳

雲間志略徐琳少司寇陟子嗣仲父陳後文貞公

遜授以廢由運同歷官楚雄知府有惠政致仕歸

立義莊給宗黨置學田與義塾撫孤姪有恩一以

善承先志焉

登岱

崎嶇登岱麓長嘯思悠悠若帶河流細如杯海色浮爐

煙秦樹裏石檢漢臺秋那得塵緣盡常隨白鹿遊

松風齋集

明

七

徐孚遠

郭志孚遠字闇公華亭學入監崇禎壬午順天舉

人南吳舊話錄徐孝廉孚遠夏考功允彛陳黃門

子龍各言其志孝廉慨然流涕曰百折不回死而

後已考功曰吾僅安於無用守其不奪黃門曰吾

無闇公之才而志則過於彛仲顧成敗則不計也

終各如其言又周勒自亡後有子不能自存道逢

徐闇公闇公下輿道故乃曰若云吾當為卿作論

少涉輕薄人言巨源在汝不孤矣我更難為懷相

與抵家信宿臨行送米二十斛繾二十疋垂淚而

別靜志居詩話先生遠齋侍郎之裔太師文貞公

族孫與卧子葵仲勒肖輩六人倡幾社於雲間切
劇今古文詞傾動海內既而乘桴遠引騎鶴重興
矢詩不多類有身世之感

擬李陵錄別詩

皎皎藍田玉鏤作玦與環攬環與子佩取玦結以顰子
環后縠栗我玦鮮垢瘕誰知一物微決絕義自天歸雲
入勾注密雪淹陰山握手臨路岐涕泗共沈瀾歎彼南
耆鳥奮飛何由還

簡朱子若甥

烏衣門巷舊勾留不過東齋兩度秋準擬天星湖水發
藉袈橋下穩停舟

梅南草廬

陸彥慎別業
在阮家巷

日暮南園色孤亭萬木中落花時度水恠鳥急呼風人
靜蜂聲出巖深草氣通惟餘高閣恨猶是掩殘紅

錫山即事

十月河流白似霜疎林蕭瑟掛高檣客舟日暮愁雲合
不遣栖鳥帶夕陽

舟行諸大澤書所見

蓼花初起白蘋齊行到荒村古墓西樹裏雲深疑度鶴
湖中日午不聞雞蒼蒼野廟飄殘瓦白白圩田覆淺泥
過客莫愁頻失路近前猶颺酒旗低

先生與陳夏諸君為幾社盟主乃壬申文選幾社

六子詩外罕有存者豈身蹈東海盡問諸水濱乎
佳句如君子行秋飈多辭樂激波無安鱗悲哉行
壯心不在骨安用千金裝古詩咏懷浮雲不盈掌
白日為之陰江南曲皓腕約錦帆笑狎輕煙裏詠
史黃金生羽翼瘕瘕安足論田家詩涼風帶曙星
夕陽接煙火秋行雜咏路入蒹葭細江從草樹低
雪後渡浦雨餘潮氣白燒盡草根青何可多得

徐爾鉉

字九玉號核菴少司冠達齋陟之孫太僕丞琰之
子壬午副榜著有核菴詩集三卷詞一卷又核菴
集選四卷更輯詩韻考裁五卷素與董宗伯莫秋

水友善往來筆墨刻為絙墨齋法帖各二卷郡西

竹西草堂當年與客觴咏處也今為瑯琊秀甲園

子洵承崇禎己卯舉人未任卒見再從孫耿光行
略

同令則素生郊外泛舟

雨聲嘈嘈不出戶十日郊原溪作路今朝淡日驅痴雲
晴光水氣相氤氲竹間叩門過二仲共道湖頭水似湧
登舟解纜出垂楊白龍潭口波茫茫潭波茫茫雲影亂
一葉凌虛坐天半怒濤挾風入深林層波激浪高拍人
蒹葭覆水短于草瑟瑟隨風還嫋嫋荒村如笠雲如山
村童編竹隄奔湍小橋欲斷浸溪水褰裳涉渡疑浮蟻

日斜天遠生微涼迴舟惟見煙蒼蒼

掩關夜月

丈室惟書卷蕭然意自寬一燈燃夜雨萬竹鎖春寒野
暗雲藏寺溪喧水上灘不知泥路滑半榻已相安

春日

落大為簾竹為床靜夜攤書漏易長鶴夢未醒茶已熟
松花雲護一窗香

闔廬塚

老樹翳古塚日中亦深黑恍惚雄風生望之生辟易英
雄誰百年千載留片石咄嗟湛廬劍而乃水為宅月落
松風鳴空中聞嘆息

同宋比玉咏竹簾

明

共

同宋比玉咏竹簾

翠竹抽來細輕絲織更柔望中惟見影懸處欲藏幽着
雨珠疑綴迎風浪未收推忘纖手冷窺避玉容羞月動
繁花碎香縈小篆浮夢濃朝未捲歸晚夜常鈎好掛風
前舫偏宜雪後樓絮花晴自入飛燕巧相投不識深閨
裏能遮幾許愁

望山

水靜布帆穩野煙生微涼清川能娛人遠近村花香遙
見雲中山疊疊矜新妝黛色潑于畫淺深百不常乃知
山中趣寧必登其岡人惟入山中不見山色蒼

西湖懷宋讓水

文心托閒曠山水寄幽旨雙屐嘗掛壁與語色飛起
蘇西湖波春瀾方十里安得君豪吟掬為硯池水大醉
睨諸峰一杯澆塊壘

莊瑞生比部張六銷武部招飲秦淮

相攜青雀晚風涼容與煙波翠幙張高興儘拚今日酒
故八猶許昔時狂兩行出入珠簾燕一片浮沉畫檻香
幾欲扶歸歸未得誰將新月繫垂楊

和眉公走馬伎

如茵芳草綠初肥一陣香分馬上衣恹恹東風更好事
又吹花片出林飛

過十八間

題畫

明

十七

一夜空山雨千重斷壑泉高寒峰頂石黯淡樹中天積
翠疑無路荒巒似有煙淙淙聽不厭待月洞門前

題畫

弱草裁新碧楊枝舞嫩黃何來雙蛺蝶滿翅落花香

和甫里先生自遣詩

面目無殊傀儡身時閒且作半愁人灌園自負雙鋤立
揀個枯枝掛角巾

木落風號竹閣孤紙窗煨芋入寒爐耽吟日出猶高卧
馬背人知此味無

秋夜友人過話

明月挂松杪况逢良友過共忘清露冷不覺落花多雲

色斜連水星光淡入河殘秋能更幾不飲待如何

題枕

慙無鴻寶能終秘輾轉憑君忍別離半世浮沉高卧穩
思家歸夢每先知

山行

月淒遠峰外松翻衆壑前荒雲棲古屋溪水浸山田
兩邊松翠合一派澗聲流日落波紋淨林深山意秋

落花

嬌鶯乳燕爲春忙鈎引開花到處狂細細濕粘三徑軟
微微斜點一池香月中弄影穿珠戶風下分紅逗玉觴
零落最憐收不起銷魂終日倚繩床

松風餘韻卷六

明

六

題秋花畫籃

不愛眞花愛圖畫畫裏花開長不謝嬾圖春艷圖秋容
幽姿獨喜凌霜風籬邊江畔遠相擷藤絲作筐綵絲結
誰人聚此五色霞化龍杖頭憑提挈

核菴詩見於扶輪續集者甚少徐子今吾惠示核
菴全集洋洋大觀也如偶然曳杖花千澗曾否尋
僧月一船藤杖乍穿綠澗蘚衲衣猶帶出山雲一
聲清磬隨雲遠數曲橋關貼水平雪濺千尋峰上
水雲生四壁畫中山涼生露氣秋三徑冷泛池光
月一窗短橋貼水平於席高柳當樓密似簾戴愁
十里湖邊洗挈影孤峰頂上談惟石怒矜新雨勢

長松寒借夜濤聲帆指遙峰貼水面徑旋孤塔出
山腰綠葉雨沉鶯夢冷畫梁晴落燕泥香皆矯矯
出塵

徐本高

〔郭志〕本高字維嶽太常卿元春孫以高祖文貞公
廕世襲錦衣衛千戶陞指揮使累官掌南鎮撫司
事太子太傅左軍都督府左都督丁母憂陳情守
制回籍明史蓋本高廕錦衣衛千戶天啓中拒魏
忠賢建祠奪職崇禎改元以薦起累官左都督

過長椿寺贈水齋上人

涼秋新月影生苔古柏蒼蒼有徑開清梵數依祇樹起
天花如共妙香來三千遍界身能定七十餘年心未灰
我自朝衣緇欲染堂前童侍莫相猜

松風餘韻卷六

明

九

松風餘韻卷六

松風餘韻卷第七

目錄

明徐樞一首

徐益孫一十三首

徐觀一首

徐獻忠一十六首

徐充一首

徐三重五首

徐楨稷二十六首

徐夢徵一首

徐汝箕八首

徐光啟一十首

徐天麟二十三首

諸傑一首

諸鑄一首

諸慶源一首

余寅二首

璩之璞一首

松風餘韻卷七

胥浦姚弘緒聽巖編次

徐樞

〔顧志〕樞字叔拱華亭南橋人其先宋濮陽太守熙遇異人授以扁鵲神鏡經頗有所悟遂以醫名世父號神翁名復字可豫曾治楊鐵崖危疾元海鹽州醫學教授樞少傳其術兼學詩於會稽楊廉夫會亂晦迹洪武乙亥年四十餘始薦為秦府良醫正出丞棗強召為太醫院御醫累奏奇績陞院使告歸展墓宣宗親賦詩送之年八十致仕又七年卒有足菴集行世雲間志略徐足菴於宣德元年

請歸省墓天子賜詩寵其行又賜金帶錦衣狐裘祭器諸物及孫真君圖贊且特命馳驛陞辭上憐其老詔出宮人陳氏及內侍袁亨陳福侍其行又明年以八十乞致仕上又賦詩送之賞賚甚厚其錫予眷注之隆有公卿大臣所不敢望者既歸出入必以二內侍扶掖而前歿即以二侍及宮人從葬先是樞從長安歸渡江出袖中丹經授其子彪取茶鐺和藥置之火出視之其色爛然銀也既而以書與藥投之江流曰世豈有神仙黃白之事乎五百年後仍化為銅悉幻妄耳里居七年忽一日呼其子彪而命之曰而翁視息人間世八十有七

天既榮我以名位扶我以康寧假我以長齡綿我以孫子於願足矣且日中我去時也至期果夷然而逝殆所謂仙遊者耶客諧偶鈔宣宗賜樞有大江春曉圖亦御筆也今尚在裔孫古在處裕度曾見之

次韻題王景瞻採藥詩

採藥乘秋不待閒芒屨荷鍤竟追攀劇芝咫尺踰前嶺尋木嶮崎涉遠山曉出煙霞濃淡裏晚歸風月有無間製成一片延生藥活我元神駐我顏

徐益孫

方志益孫字孟孺少與方應選齊名自華庠遊南

松風齋集卷七

二

雍祭酒許國司業張位推為國士無雙已見賞於

弁州太原父子名益大噪年未半百而卒眾共惜

之雲間志略益孫甫十齡而喪其父母陸夫人鞠

育之甚勤而教誨之亦甚嚴以此發憤讀書童子

一試即冠其儕偶久之厭棄諸生入貲六館有茗

溪茅公子慕其名以百金為壽孟孺以無平生之

素辭不受也閱數年母夫人卒捐太學文引焚之

誓不復應舉結廬墓側三年郡邑大夫欲上其事

旌異力辭之所上奏記讀者比之陳情表孟孺博

覽能文所記唐元徵占星堂序屠長卿由舉集不

減兩京六朝若南橋族譜蘇長公禪喜集及樂府

編皆膾炙人口其唇吻手腕間別具風雅鑪錘雖小尺牘有似巷說街談而言言復煙霞金石真其才也又孟孺在雍中才名甚噪館閣諸賢無不倒屣一日思毋飲食俱廢即踣驢而南人阻之者但云興盡而返嘗於馬上吟詩聞者不解其義而音調淒楚不覺淚下有再問者惟曰吳愷固可追也

按讀書鏡吳愷洪武間官四川其父思之作詩云劍閣凌雲鳥道邊路難聞說上青天山川萬里身如寄鴻鴈三秋信不傳落葉打窗風似雨孤燈背壁夜如年老懷一掬鍾情淚幾度沾衣獨泣然父卒而愷以憂歸

春日登潮音閣

崇閣俯滄洲乘春獻歲遊鳴榔漁網集倚檻水雲流龍

松風齋集卷七

三

藏涵虛迥禪扉入定幽錫飛逢惠遠相對狎沙鷗

既別呂美人情不能已漫成八絕以下見南梁徐氏所藏墨蹟便

蹟便

露桃花下泣羅襦宛轉相親意似無記得今人腸欲斷

綺疏香冷倍踟躕又作芙蓉初浴柳初舒綺綺婉婉人立轉疎最是令人腸欲斷綺窗深處立

嬌癡掩面復低徊脈脈娟娟口未開又作拍拍亭門未開不是

一聲簫管沸何緣彩鳳夜深來

纖玉亭亭一作纖手徐徐出絳紗背人私地故喧譁不知此作

今夕為何夕愁殺楊家解語花

名花列著翠重重無奈心情淡更濃何處飛來數行淚

秋風小雨潤芙蓉

飄飄蕙帶影婆娑擁髻相看子夜多底事令人魂欲盡

春風一笑奈人何又作無端撥恨此良宵月轉勾欄縹緲嬌一笑留人魂已盡傾城原不在

朱簾繡戶酒家春未及君情處處真一朶如花宜帶笑

不知何處又宜嗔

凌波一對紫鴛鴦的的珊瑚繡衲襠聞說雙蛾描不就

風流京兆在何方

梧桐月色點霜袍琥珀光浮絳蠟高十五當壚誰不愛

盈盈雙頰浸天桃

楊壽兒病起新妝

病起令人意轉狂梅花點點綴新妝漢宮今日誰承寵

惟爾風流敵壽陽

楊美新居寄曹大

花源只在鳳城隈甲帳仙人繡襪來恨殺風流漢京兆

曉窗空為畫眉開

遺呂美人玉魚墜

陽臺夢斷十年餘狂眼偏憐女校書一別茫茫煙水闊

可無隻字寄雙魚

雜咏四十首之一

吳王霸氣亦雄哉劍拂秋風片石開千古青山千古月

夜深空自照蒼苔沈君典與陳眉公書曰此余夢中題吳王試劍石詩也雲間徐長孺見寄

雜咏四十章中有此詩不異一字余夢之夕而寄詩已在中路悟哉

長孺孝同曾閔便面數詩多柔曼旖旎之句所謂

有至性人必非無情者也廷韓遺稿載其龍潭聯

句云回雪搖低幌停雲覆短牆詩腸清可漱俠骨

瘦能香亦領下寸珠也

徐觀

雲間人物志觀字尚賓號灤西華亭人自幼清俊

穎敏多巧思長而高標逸韻足以動人詩文書畫

以至篆隸各臻其妙廬陵孫公教授於松門下有

十才子首則公也正統辛酉魁南畿屢蹶春官遊

國學名聞天下交南朝鮮諸夷使者重價購其詩

畫授武選主事選事陞郎中會病乞歸蓄異書名

畫法帖藝器美石奇卉以娛其親郭志文苑傳親父號竹庭

歿哀毀葬有期值靈雨日焚香拜跪於庭靈輅將

發果齋人稱孝感

北山坳錫山景物畧在無錫沙頭十八景之一

北山形勝輞川同佳致尤憐屋後峰十里雲煙春冉冉

半空屏障碧重重山人去後留玄鶴仙子歸時有赤松

何日秋風得約我湖亭拄笏看芙蓉

徐獻忠

方志獻忠字伯臣華亭人學博才高日讀書盈寸

嘉靖乙酉舉於鄉赴禮闈江貞齋為總裁讀其志

大奇之擬第一人亟搜五策不得以違式榜於堂
於是海內知有雲間徐伯臣比再試不第選授奉
化令約已惠民有循良譽他如治泮宮通水利數
豪強之逋革公宴之奢邑以大治會同社沈愷爲
寧波守不願折腰事之趨入署南面踞坐沈意不
懌獻忠曰而豈以我不能爲陶彭澤耶遂謝政歸
葺舊廬梅圃讀書其中以島夷內訌徙居吳興樂
其湖山之勝時棹小舸扣舷吟弄翛然物外生平
著述外無他嗜好工詩文尤長於賦所傳白蓮羽
扇蘆汀靈泉皆極才人之致布賦一篇憫松人愁
苦能令上官讀之酸鼻自吳興後詩格更進工真

松風齋韻卷一

明

六

草書得着山吳興筆法所著書凡數百卷卒年七
十私謚貞憲先生雲間人物志長谷爲文深厚詩
沉鬱生平惟著述自娛有金石文樂府原吳興掌
故集唐詩品水品四明半政錄洪範或問春秋紀
傳錄大易心印四書本義及分節參同契大地圖
衍義山房九笈三江水利考長谷集藏於家小長
蘆詩話長谷以作者自期持論謂詩人之作代出
意匠以增前人之能旨哉言也其比六朝聲偶品
唐詩樂府原皆有功後學惜其書不盛行詩亦冲
淡無累句特少警拔耳

督學黃使君同泛谷泖因憇長水塔下

秋水浮空下漢槎微茫兩岸漾晴沙何年寶塔依孤嶼
每夜靈光接暮霞靜裏長風鳴玉樹坐深微雨散天花
探奇欲聽神龍語遠署光搖宿鳥譁

秋懷

眷此秋節至林塘生夜涼堦除蟋蟀鳴相對明月光清
同應時發白露沾衣裳感茲歲華期回首失青陽勲名
非金石雲路未翱翔墮落良足悲素絲空自藏悠悠千
里思伏櫪豈徒傷卽園本吾道悵念楚興狂

呂梁獨酌淮酒醉作偈仄行

偈仄偈仄何偈仄秋風一夜吹行客披衣夜看呂梁水
啣破千山萬山石斷崖倒峽不可支急雨驚雷下飄忽

松風齋韻卷七

明

七

平生磊落不平氣到此不覺生顏色吁嘻長嘯作鯨吼
喚起神龍對吟席昨朝丈人送我酒淮陰市上千家有
黃金美色照人面放懷便合傾三斗囊中不必問青錢
一醉何須論幾千且判十年報明主慷慨移家向酒邊

雨後抵北渡

玉鏡穿雲濕銀河掛雨長晴開兩岸樹風足一船涼草
露珠猶綴波紋練與光聊將剡溪棹爲覓賀公狂

冬日行橫山道中

山寒無鳥喧空谷答人言落木寫丹壑溪聲送遠村雨
餘沙碓急燒後石田溫問俗歸來晚徘徊度石門

自小晦至西晦與曹新昌議民事

行縣淹朝雨盤山路轉遲溪聲連壑起雲氣并峰移候
鳥催耕急梯田貼石危農官方在野端爲有年期

姚子歸武林

念子行將夕推蓬望舊鄉門臨越海嶠秋盡武林塘柳
樹蟬猶咽蓴湖蟹正黃羈心正消歇天末可能忘

暮秋東歸淹田

日暮寒塘雨遲回沙岬船歸征阻雲樹野泊就人煙草
市樵爲客漁村水作田鄉心在天末晚際獨依然

宿金蓋山家

山家無夢牽幽思繞殘年一雨泉初落長風竹自顛地
爐藏宿火板屋障寒煙漫覺雞聲早渾忘欲曙天

酬幼海周子

茅齋連霧霽客路間山川已復投農社何妨買釣船萬
籬閒繞樹燕麥漫成田爾亦沉淪者相過意已傳

山居

高林深結宇礙屋有停雲秋至驚黃葉蕭蕭不可聞客
從樵徑入泉向石根分日暮牛羊下時同麋鹿羣

甲辰七夕後二日入吳興省墓

霅川西畔有泉臺結屋羈棲幾度來四載溥遊雲樹遠
早秋移棹洞陰開稗松漸過林前屋宿草遙連石上苔
灑淚不堪烏鳥思晚蟬殊復動人哀

病起

老病渾如九月霜一番著樹一番黃年來已覺衰遲甚
禁得西風更幾場

周幼海小像

到處青山是主人識君惟有葛爲巾昔年五嶽同遊日
蕭散分明是此身

贈南昌吳子卿

相攜浦上昔年曾轉眼人間幾廢興獨有夜深清唳鶴
聽來猶是舊華亭

城西風物最宜秋猶憶看雲共倚樓湖上青山吾欲老
憐君空遲木蘭舟

相傳先生之罷奉化令也沈鳳峰實齋訖之而環

溪集有序真率園有記有詩若匿怨而友者何與

明

九

抑沈欲修好於先生而借此以掩前愆塞公論也
集中五言如暮色漁歌起晴光野渡留水落沙痕
淺風高鳥陣分牛舍晞朝日漁梁集晚舫湖山初
霽雨節序欲迎秋出縣看山近開衙報客稀冰雪
漁梁斷荆榛鳥路深海氣丹楓外溪光碧嶂前半
嶺留殘日遙天送斷鴻林密交加樹山迷去住雲
泉聲飛洞樂山氣結雲樓七言如荻葑影飄寒水
黑駕鷺聲斷渚雲低安危忍失蒼生望動靜方勞
使者車渡口暗生沙背出雨來時見岸痕移千巖
樹色浮青霽一道湖光上翠微絕壁暗藏千嶂雨

長湖遙落四山秋心隨去鳥飛仍急身似孤蓬老
未休一片寒塘初過雨幾家煙柳尚藏鶯門臨絕
壁高於鳥竹引泉流曲似蛇長岡不斷空如帶古
樹雖存半少柯別浦煙光分蟹舍隔林晴日上漁
梁清真雅淡索之環溪集中亦不多得生瑜生亮
或亦當時相左之一端乎

徐充

青浦縣舊志充字道克號山泉嘉靖壬子舉人知
縣新志鄉賢傳道克本姓蔡以舊青浦生領嘉靖
壬子鄉薦選令長寧縣處萬山中梗癘難治克至
改縣治起學宮教民樹藝頓成樂土中讒歸友人

贈句云丰姿不為敲詩瘦生業翻從作宰貧蓋紀
實也創興佘山古沐堂所著有樂陶集種德紀言
等書雲間雜識徐山泉讀書起果寺畫夢一人跪
告曰小人毛班原籍山西太原府求葬枯骨夜復
夢云必有以報偶至西廡見一棺字模糊莫辨索
燈視之題曰山西太原府人毛班之柩徐因作壙
瘞之嘉靖壬子徐入塲每入必有一燈引導徐問執
燈為誰其人叩首曰某毛班也即不見是科中式

慧日寺

初日上高樓輕煙散遠邱雨餘巖色潤風過竹聲幽野
鶴聞經舞閒花趁水流箇中清曠意宜玩不宜求

徐三重

方志三重字伯同青浦之七寶鎮人父沛任真率
好吟咏篤行君子也弱冠舉隆慶丁卯鄉試萬曆
甲戌捷南宮不赴廷對丁丑第進士以內艱歸庚
辰拜官比部時江陵柄政承望風旨者競為深文
三重獨持平恕著聲刑曹甫滿一考即以病告性
至孝嘗恨戴安人之歿弗躬含殮及歸念太公春
秋高遂絕意不復出中外推轂薦剡歲數十上勿
問也足迹不入公府凡四十餘載賢士大夫過雲
間者爭式廬欲一觀其面竟不可得然愛君憂國
時則在懷每開廟堂行一善政庸一正人輒喜動

徐鳳樓

士

顏色不則為咨嗟罷食朝夕以之生平研精理窟
垂老未嘗釋手編摩所著諸書語語皆關人心世
道其論學則力挽後世虛曠之誤必以考亭為的
故晚歲自稱為崇晦老人內行淳謹盡去松俗華
靡澆薄之習臨終賦詩脩然而逝年七十有八屬
其子無乞誌銘張郡侯即下檄祀之韓宗謂定論
何須蓋棺清風可師百世文太史傳云先生潔身
脩行追躅前賢仕不求榮善不近名不標門戶不
聚生徒卓然正學可以垂世範俗誠實錄也小長
蘆詩話伯同甫舍雞舌遠返鶴沙自執杜門研硃
讀易有天真齋草其叔子楨稷出守夔州畏家誠

之巖不寄一物賦詩云丙穴有魚堪作鱠因風不敢寄高堂足徵其守之介矣

登泖塔

我愛珠林勝懸居水一方風煙盤作界樓閣自爲鄉岸
隔數峰翠天連三泖長憑虛應不繫况復對空王
獨賞得悠然浮生半偈緣來乘江上雨勝借水中煙雲
山沉山郭川長入冥天客心無去住浪跡一帆前

壽王洪洲八十

大業崢嶸一壑閒新函萬卷入名山門高七畧諸家外
道總三才有象間曾應奎文過楚澤忽收雲氣卧江關
漢廷禮樂思轅固遺老原從柱下還

松風齋集卷七

明

三

送友掌教射洪

莫歎青氈作客寒聖朝猶是重儒官鼎烹鼎食知多少
誰似先生苜蓿盤

江流欲盡是巴西巫峽荆門煙樹迷遙計客帆行到處
亂山斜日子規啼

先生實行廣文唐君紀之詳矣經猷未顯正學可
師與夏止軒曹定菴沈東老周萊峰諸先生並號
名儒賢於馳逐名場而喪其守者遠矣詩亦清婉
可誦

徐樹稷

明詩綜樹稷字叔開華亭人萬曆辛丑進士除刑

部主事歷負外郎中出知夔州府遷副使致仕起
補溫處道以疾引歸有餘齋集父子後先爲刑官
皆以平允爲世所稱樹稷出守三重作政要二十
四條示之及備兵川東以三重年七十乞侍養後
屢薦不出以名德重於江南小長蘆詩話叔開清
門廉吏比於胡威父子其在夔府寄家書中附詩
云寄語機雲山水下山仍似在山清益入蜀之
後詩尤深婉句如千盤白鵲雲中路三暮黃牛峽
口船卧閣秋雲生白帝登臺春雪和巴人雲邊古
堞三千雉花裏春城十萬家水白瞿塘聞榜柁雨
晴赤甲見桑麻入春江勢疑吞郭一雨山光盡到

松風齋集卷七

明

三

樓天末鴈稀秋色盡山家橘熟夜霜清新猿雨後
瞿塘路獨鴈風前故國心俱瀟灑出塵

江月

遠浦半帆涼月澄江一片新秋煙淡雙峰自立波明萬
樹皆浮

獨木橋

詩綜云悲熊芝岡也

獨木橋林下渡蔓草徑山前路杖藜躡屐閒去來不怕
秋風與秋雨君不見六州都督三軍將轅門馬道廣十
丈飛虎風開赤羽旗盤龍日灼紅絲鞅世途自合有翻
覆蒼茫眼底生陵谷北闕霜摧壯士心西郊雨暗孤臣
哭噫嘻東門黃犬不肯牽赤血要灑咸陽阡

澱湖

雪浪堆三泖風帆挂澱湖斷雲收雨淨高樹入秋孤蒼色諸峰碧寒聲一鴈呼滄浪歌罷去漁火定吾徒

漢宮行

時年二十有三丁酉落第後作

二八入漢宮明姿如春風蘭袂輕飄香霧濃翠翹小鳳
化玲瓏綺窗自繡合歡枕繡出鴛鴦相對寢歌殘白紵
雲繞梁舞按霓裳月照錦雲月光華滿禁垣當時自擬
即承恩春來秋去渾無賴八載深宮空斷魂同來女伴
長門裏坐看他人作妃子西宮纔賜洗兒錢東院又聞
開燕喜調禽不忍調鷦鷯摘花不敢摘宜男驚心春事
一百六轉眼年華二十三揚州明鏡孤鸞背對此徘徊
心欲碎滿院苔成一片愁半牀月見三更淚零落淒迷
夜似年夢魂恍惚到君邊挑燈再拂青銅照不信蛾眉
久棄捐

秋夜長

愁聲一片泣寒蟬心緒風前半縷香月過虛窗人尚立
天仇孤客漏偏長強裁新曲憑消恨題盡雲牋總斷腸
燈影微青掩不得暗聽枯葉響空廊
霜風遙夜入秋帷一葉能傳萬種悲孤枕自欹人靜後
驚魂幾斷夢回時生憎月色今宵白不分雞聲此際遲
攪被牀頭憑看劒年來踪跡負心期

東郊之外有屋數椽約土爲垣編竹爲戶題曰

長春園余愛其花木蒔合門庭瀟灑疑有隱

君子居焉欲訪之未果也作長春園詩

東郭何人寄考槃柳谿蘭畹竹千竿百年世上頭俱白
半畝宮中膝易安掃徑獨延孤鶴入開軒常得好花看

却疑雞犬非人境不羨桃源路渺漫

聽西內鼓樂

白雲

水殿仙韶徹帝都六龍飛處動山呼太平天子方行樂
何事監門欲獻圖

與友遊西湖

車馬長安客一尊湖上開松濤分澗瀑水鏡寫樓臺欲
暝月先上微酣風忽來塵襟消不盡城角暮聲催

同王辰玉捧冊儲詔南下途中有詩見投賦此

酬之

辰玉尊人相國嘗有功于翼儲者

千里從君驛路長共銜丹詔下明光九霄雲捧重輪日
十月春回大地陽擁傳風雷生海嶽開函雨露灑江鄉
爲言羽翼功成處黃石山中慰子房

次韻題攬清軒

幽居清切近菰蘆九葉芙蓉一鏡湖竹簾佳於中散曲
林泉絕勝輞川圖花間暖日宜調鶴石上涼生好釣鱸
更種寒梅足千樹不妨泖上有林逋

題畫

醉醒江潭不記春煙波深處少風塵客星容我滄浪上

猶喜雲霄無故人

木落平皋見遠山片鴻千里帶書還何人吟倚江樓晚
詩在孤楓落照間

春寒

不見一花發坐令三月殘長風飛亂雨滿意作春寒

清溪即景

雲物足清妍青龍古渡邊半江收落照孤棹破秋煙帆
白新楓外砧寒落鴈前霞光襯山色倒插水中天

秋杪汎舟山前

野色帆前好芙蓉綠水灣松琴和石瀨湖鏡寫晴山秋
共青楓老不分白鷺閒一尊呼片月遲爾洗塵顏

松風齋集卷七

明

十六

秋夜

悔別青山入帝都西風孤雨憶江鱸徒聞金貝輸中帑
欲問麟鳳半五湖戎馬頻年生瀚海商羊六月泊東吳
清秋燈火渾無賴擬草持盈帝鑒圖

寄曹元達

驛路煙塵萬里分長安落日惜離羣人隨易水孤飛雁
家在吳淞一片雲夜雨杯寒無酒律秋風鶴怨有移文
祇因萬疊西山色堪寄天南二仲聞

寄唐伯安

黃金臺上望南雲半是思家半憶君紫陌飛塵生馬足
清江歸夢落鷗羣九山雁斷伊人遠午夜砧寒獨客聞

最是近來觴政輟濁醪相對不成醺

題柳泉民舍

瘦馬重來問酒胡風塵回首十年過青山不改當時色
倦客朱顏似舊無

雲安

望華亭草

此江山色雲安天下奇雄圖諸葛壘真境杜陵詩古
雪猿崖白層雲鳥道危吏閒偏近傲差不負心期

白帝城

白帝雄圖盡遺宮草樹荒數間香火處曾是漢西堂

閒吟

山愛清奇月愛孤青衫高帽澤中癯偶然中酒三春病

松風齋集卷七

明

十七

更不吟詩一事無名世斷非由富貴古人多半在江湖

牀頭千載雙龍劍風雨從教徹夜呼

浦口望金陵

千金紫陌駐遊驂繡閣深燈酒半酣十四年來魂夢斷
今朝江北望江南

卽事題驛壁

歷盡荆山見蜀山清猿日夜驛亭閒西風千里經行處
都在寒崖落木間

南樓感懷

南樓寂寞散芳塵往事淒淒那可論青鳥不傳天外信
碧窗如見意中人有情舊燕傷遺壘無主殘花自好春

先生未刻詩有荆華館草白雲草望華亭草皆自作小序而屬陸古塘訂定者余從裔孫某處錄而藏之又恐其久而失傳也故錄十之一以公世摘句如曉色雙臺上秋聲萬竹間月催花下酒人上水邊樓寺古雲藏樹天晴山到樓一亭含樹石四面受湖山薊門千里雪衡岳一峰雲海霧平吞月江風小作波草閣茶煙細羅關鶴夢深虎跡雲邊路猿聲木末亭雲中開鳥棧天上墮猿聲不堪江上離人夜偏是天涯好月時新水急帆先雁過飽霜紅樹當花看暮景畫船回棹處好風歌閣卷簾

卷之六

明

六

時堪酬萬里宗生志不愛千金陸賈裝彩筆江湖高夜色黑貂風雨入春寒千里烽煙連野燒三更戍鼓亂砧聲雄圖已盡碑猶在仙島無書鶴自回平分海色千帆雨橫折秋濤百里雷皆小長蘆詩話中所未及

徐夢徵

萬歷丁酉王洪州纂脩青浦縣志庠士同校者十

二人夢徵其一也

嘉樹林

太守曾題古樹陰長風拂地老龍吟乾坤代謝如傳舍只有雙株自古今

徐汝翼

〔郭志汝翼字圖南廣西右布政汝翼之弟萬曆乙酉舉人歷任教諭助教寧陽知縣沂州知州韓府長史

瑯琊八景詩

蒼山疊翠

在沂州東九十里

水來山色鬱蒼蒼萬疊雲屏削翠妝瞰海不須頻問渡當年石室有真藏

沂水拖藍

在州東二里出蓋縣艾山禹貢淮沂其大經沂水縣南受蒙陰縣之

東汶水又受務水小沂水凍水至鎮海門南流入邳

雨過扶筇探翠微蔚藍一水曲東沂沿流若解漁郎意

卷之六

明

九

莫遣飛花礙釣磯

野館湯泉

在州東北六十里湯山下有泉三穴沸如沃湯浴之可以去疾

一派溶溶野館東振衣真欲詠春風丁寧莫作貪泉比

爐冶陰陽屬箇中

泥陀月色

在州南二十里中有圓洲

玉兔含煙漾碧流往來不避釣魚鉤秋深多少清虛趣

妬殺蘆花壓淺洲

平野曉霽

在州治後東北上有亭

憑高曙色眺扶桑臺上亭荒歎杳茫惟有人家綠樹裏茶煙濃淡弄晴光

普照夕陽

在州治西南王右軍故宅也元帝渡江諸王從之捨宅為梵宮基即

明史

逸少祠堂托梵宮不堪回首夕陽中曬書贏得空名在
明日扶光又海東

孝河凝冰

在州北二十五里晉王祥
事繼母卧冰得鯉因名

寒逐天吳凍已成游鱗無復得調羹當年一樣東流水
而道憑誰博孝名

神峰積雪

山在州西南一百二
十里下有季文子墓

突兀峰頭若個奇東風催雪作花飛金羊玉馬無消息
蠟屐誰經問羽衣

徐光啓

明史葉光啟字子先上海人萬曆二十五年舉順

天鄉試第一

明

年

又七年成進士授庶吉士歷贊善從

西洋人利瑪竇學天文厯算火器盡其術遂徧習

兵機屯田鹽筴水利諸書遼東四路師敗京師震

動累疏請練兵自效神宗壯之超擢少詹事兼河

南道御史練兵通州列上十議時方急遼事不能

給其求光啟疏爭乃稍給民兵戎械未幾熹宗即

位光啟引疾令以少詹事協理府事光啟以冒進

為嫌請告歸里遼陽破召起還朝力請多鑄西洋

大砲資城守帝善其言方議用會與兵部尚書崔

景榮議不合為御史邱兆麟所劾復移疾歸天啟

三年起故官旋擢禮部右侍郎五年魏忠賢黨智

鋌劾之落職閒住崇禎元年召還復申練兵之說

未幾以左侍郎理部事帝以國用不足勅廷臣獻

屯鹽良策光啟言屯政在墾荒鹽政在嚴禁私販

帝褒納之已擢本部尚書詔與西洋人龍華民鄧

玉函羅雅谷等推算厯法光啟為監督五年五月

命以本官兼東閣大學士入參機務與鄭以偉並

命尋加太子太保光啟雅務經濟才有志用世及

柄用年已老周延儒溫體仁專政不能有所建白

明年九月卒官贈少保及以偉卒御史言光啟以

偉相繼歿蓋棺之日囊無餘資請優卹以媿貪墨

諸帝納之乃謚光啟文定久之帝念光啟索其家

遺書得農政全書一卷詔令有司刊布加贈太保

錄其孫為中書舍人郭志崇禎元年起為禮部右

侍郎協理詹事府事同知經筵帝憂國用置御經

筵歎曰焉得天雨金乎大禹時天禹金秦雨金於

櫟陽此外寧復有乎光啟進曰周成王亦有之書

在臣邸舍中取視之信然異日讀離騷問曰圓則

九重天有九何也光啟對曰宗動一天也恒星一

天也七政各一天合而為九因及日月薄蝕五星

順逆之故日昃始罷對又上言京東西屯田及曝

沙種鹽策數萬言帝讀之終日意嚮用之二年轉

左侍郎旋加太子賓客是夏日食失驗欲罪臺官

光啟言臺官測候本郭守敬故法元時常當食不
食守敬且爾無恠臺官之失占也臣聞厯久必差
宜及時脩正帝從之乃詔脩厯勅光啟領之初劉
基造大統厯雖用授時法而郭守敬之術不傳守
敬之言曰古之日長今之日短法當以七十五年
為消息上推益一下推損一天官家莫曉也光啟
獨得其意以泰西勾股測弧之法三線交而布算
用測圓弧以黃道緯度為主視授時用黃道距度
其法加密其後日食臺官法大謬而光啟所推亦
差杪忽乃更求所未合定之厯書告成三年進禮
部尚書四年大學士五年進兼文淵閣大學士南

松風齋集卷七

明

三

吳舊話錄文定好經濟之學及拜詹事著農政全
書成達於乙覽上喜曰向聞翰林以飲酒賦詩多
受書怕為能事今何緣得此人乃知宋臣呂夷簡
輩代不乏也遂大拜按明史葉及府志農書係其
子應詔上之奉旨刊布不聞
也

題歲寒松柏圖

天桃發東園枝葉何馮戎天風吹嚴霜零落一朝空鬱
鬱松與柏貞心獨凌冬山月流冷光積雪明葱蘢碧雲
侵紫蓋翠羽搖雙旌誰將入生綃畢韋諱崢嶸黛色欲
參天幹石枯青銅幽志自疇昔持此諧清風

賦得玉壺冰

泥塗傷拱壁流浪沫塵縵未若冰兼玉相將潤復清謂
瑜方凜冽訥水更圓成大有驪珠色中孚瓦甌盈在陰
輝自媚向日影逾明不蔽欺秦鏡無瑕奪楚珩懷霜臣
節苦匪石女心貞瑤瑟朱絃在俱應鑒赤誠

題陶士行運甓圖歌

典午朝臣鮮尚實競以曠達相矜諄媿媿玄談未終席
紛紛胡騎亂如麻白玉塵尾黃金埒甕間酒龍聲嗑嗑
誰使神州陸沉者空復新亭淚成血於時獨有陶荊州
卓爾不逐類波流珍重駒陰等和璧機神強幹雄赳赳
高齋晝夜百瓴甌勞身苦骨時矻矻心知鴆毒是懷安
肉緩筋驚成何益同時惟有祖生楫一擊中流氣成蜺

松風齋集卷七

明

三

敢讓伊人先着鞭不共功名諄獨絕誰為點染園中史
炯炯神明薄毫楮披圖再四忽自喜瘦骨稜稜髮上指
邊塞苦寒吟

四座且莫謹聽我吟苦寒寒從何地起乃自邊城始涼
秋白露前霜華大如錢窮陰歲欲往雪片過於掌木皮
三寸隴山頭層冰百尺交河上愁望遠空青蒼玄猿嘯
雕鴻翔衝飈旦夕至沙礫自飄揚地迥浮雲凍城危落
日黃戍孤笳響切風緊角聲長金柝朝朝傳朔氣鐵衣
夜夜迸寒光慘兮絕憭兮冽行路難無家別自古向沙
場驚魂常九折君不見戰將人持瀚海冰忠臣獨飲天
山雪嗟嗟苦寒慨以眇歡憂來無方向何用相寬孤矢男

兒志鬚眉壯士顏雕文雙劍去龍額錦衣旋那羨五陵
遊俠子終老紅爐煖閣間

雨霽望西山

雨霽絕氛埃驅車紫陌回薰風自南至爽氣從西來綠
樹殘煙斂青蓮曙色開愁霖今莫唱五色慶雲裁

賦得草色遙看近若無

靈雨潤芳辰條風嬌上春方欣膏脈動忽向燒痕新汎
綠依平野浮青渡水濱陳根初點黛秀色未成茵墨客
懷書帶朝簪想佩綸王孫歸未卜含意向誰申

曲水流觴

襟飲青郊物候新長筵列坐俯迴津潺潺蕩漾桃花水

蘇軾詩集卷七

五

宛宛輕揚竹葉春戲瀨細鱗如待餌遷枝幽鳥欲催巡
榮河溫洛逢時泰擬學當年捧劍人

上苑聽新鶯

綠徧瀛洲瑞靄輕喈喈百轉遶林鶯遷枝坐樹渾多緒
吳柳催花別有情珮玉聲中聽未厭霓裳曲裏寫難成
紅雲紫氣間關處謂是簫韶出鳳笙

南郊陪祀有述二首

舜壇玄緹候氣初堯壇蒼玉禮神居鏗鏘六變笙鏞奏
祇肅千官劔珮趨濯濯祥麟遊泰時綏綏風馬雜雲車
行宮自解通靈貺太史無勞封禪書

碧落祥光上帝臺周官奉璧侍祠來龍旂不動黃雲護

燧火初通紫氣迴珠斗玉繩新候轉瑤壇金版近臣開
不因裘冕成殷禮誰顯甘泉作賦才

公講求實學思濟時艱爰以桑榆方登鼎鼐展布
掣肘命也詩載甲辰館課中他無所見

徐天麟

上海縣志天麟字退谷崇禎辛未進士幼孤好學
年三十餘始為諸生及官南京兵部郎中蕭然如
寒士以終養告歸與二三故人引滿長嘯詩文忼
爽有奇氣所著有西郊草堂集廣陰軒雜咏行世

郭西晚踏

風一川娟好聯翩出郭西野花隨意落谷鳥盡情啼笑

蘇軾詩集卷七

五

隔朱門杳香生醉眼迷晚來疑曲徑水接綠楊堤

坐雨晴雪堂紀事

著屐來三徑琴聲繞坐時鶴同秋樹瘦石並主人奇疎
雨侵碁局閒情密酒卮茂陵雖渴損受簡一題詩

晴雪主人和前韻再疊

橫窗蕉葉苦清話正長時白石供高卧玄亭好問奇茶
香涼沁骨酒冽綠浮卮更有吹簫客新聲字字詩

晨發浦中

暑逼夜亭午長天倒素河人攜殘醉起帆帶曉煙過曲
岸遲歸棹明星急去波不知山寺近塔髻擁青螺

同壽昆歸可齋

自得閒中趣甘逃世上名
睡鄉無俗駕酒國有奇兵
高樹涼生早空齋月倍明
坐蠲司馬渴羅袖也風輕

野望有懷

雪殘屋角曙煙寒
擁笠空歌行路難
春色已歸人不
到梅花折得與誰看

晤壽昆於那吒齋

縮地應尋此停鞭散馬蹄
寒溫無舊話彈射有新題
淚灑三人虎戈橫五夜雞
未須愁別去風雨故相稽

錢將軍園亭

盡日經行慣雲來共掩關
曾飛戈瀚海留得箭天山
竹暗千村裏桑深十畝間
校書還藝藥投老不知閒

松風齋集卷七

明

庚

別鶴

夙具凌霄質雞羣亦偶然
帳空應有怨軒寵豈無緣
涼月新宜唳孤雲冷未眠
知君抱清迥不受衆人憐

病餘秋思寄孫初陽兵部時贊畫關外

八首
錄二

芙蓉初發蟹初肥
小閣疎簾入翠微
秋色雨添寒鴈翼
漲痕霜減出漁磯
難消塊壘惟時事
不耐風塵是布衣

寄語榆關清夜月
陣雲深處莫頻飛

蕭蕭葉落洞庭秋
月滿關山地滿愁
愈疾止須營筆塚
埋名應是覓糟工
行邊相國新龍衮
出塞中郎正虎頭
却笑偉長豪氣盡
玉門無計佐封侯

偶過友人齋口占

小雨密復密高齋空更空
我談莫須有君亦將無同
下物不須多古今公案積
聊復翻一重便足消一石
盤餘水晶鹽手捉白玉麈
爲問龐德公誰賓竟誰主

贈江右劉漸于前邑侯著泉子

吾聞鳳之雛劉郎天下無
吾聞驥之子劉郎母乃是蹇
予性疎頑四海若尺咫常恨古之人不及相我爾枉具
七尺軀半生埋故紙八股定何物壯夫不爲此年來眼
稍開豫章饒奇傀能令真宰訢能令混沌死擬經不擬
立作子不作史一讀使我畏再讀使我喜三讀發我覆
面赤額亦泚工拙敢自誣荻蘆竟已矣何當好風俱一
笑託知己投以明月珠徑寸安足比貧兒驟敵國中夜

松風齋集卷七

明

主七

百回起尊酒時相存快論奔河駛骨清神不喧孤映冰
壺水若蠟扇君家無煩贅煩齒海國帝甘棠十室元畏
壘食德正無涯克家良有以所嗟朋友難弗誼期永矢
寄語葵社賢欣慕執鞭弭

中秋後二日偕丹仲載寧兩年兄醉月千人石

張正錦旋也

徒聽虎丘雨寧識虎丘月客有金門歸爽氣到林樾老
天亦佞貴石罅清光發狂叫攜一尊爲補中秋闕無復
理寒暄何當問干謁酒作長鯨吞詩依金谷罰白露沾我
衣涼飈梳我髮醉來忽長嘯幾時別了曰須了大因緣
肯作休休歌馬文解頰頰試爲盟諸榻

偶登樓臺不知主人為張維成也坐久始

及之

管領湖山老一菴地孤人畸少能探按來曲部常兼此
擁得書城不取南索笑梅花堪入夢宜鹽西子太生慙
升堂却恠疎頑甚名籍纔通話已酣

舟中別韓季子同年兼訂都門之約

猶喜征帆滯別村且攜殘醉倒芳尊花期漸逼驚寒萼
霜信能嚴落漲痕下榻難留徐孺子登壇始識漢王孫
醉來忘却臨歧話好向都門仔細論

寒食出都門馬上口號

寒食誰家起燒痕年年原上一招魂東風御柳尋常句

松風齋集卷一

天

與此韓翃是誤恩

出浦

一片帆開急千章木落哀人從秋裏泛詩入畫中來

過膠城偕爾常豫瞻爾凝諸年社小步唐園時

芍藥正盛

尋芳結隊過城西小隱雲深樹葉齊花政漫栽堪作史
藥欄多種動成畦能來吾輩纔稱勝不具閒情未許攜
欲去幾回煩護惜怕他紅雨又香泥

甘羅故城

重城百二雉幾換荆與杞何如此屹然永奠長淮水

枕上鶴聲

來自太常署中

好夢初回枕上秋嘹嘹清響過南樓太常齋醉無餘事
那得閒將鶴俸求

上洋曹子謬庭貽余退谷詩有熈必錄如秣陵今
日路楊柳去年條徑穿黃葉亂亭瞰白雲閒能供
殘醉楓千樹觸破孤煙鶴數聲春風有約先歸柳
夜雨多情早綻梅蕉雨一窗驚鶴夢竹風幾陣起
茶煙孤臺月黑聞笳吹陰磧沙飛帶雨聲鶴閒伴
客過齋院猿老翻經到講筵亦有風致但偶拈二
卷較偶存四卷更粗率無味前後若出兩手豈勞
于王事不暇計工拙耶抑時事多艱身將圖隱無
復作名山計也

松風齋集卷一

明

元

諸傑

雲間人物志子興號篁山上海人以儒士中弘治
甲子鄉舉登嘉靖丙戌進士官至尚寶司少卿日
開戶蒐獵墳典尤嗜左國撰造必求其肖性耽苦
吟詩多佳句令人寡和一時鉅公志狀得其手筆
為重諸名勝處亦多題咏

中泠有塔過此偶題

乘流汎秋瀨披寫一登臨瞰彼蛟龍窟會此江湖心九
峰何參差羣浦清且深樂意自相關鷗夷不可尋

諸鏐

郭志諸鏐嘉靖戊午科舉人府學中式安遠知縣

靈芝 磁州志萬曆七年城隍廟大梁產芝數莖如白玉葉如紫金叩之有聲詩以紀瑞

明明帝德光累葉股肱良哉贊謨烈鹽梅盡屬調元手
位育功成天下悅中原瑞應德春先濟發芝祥太和洩
麟文鳳彩自天懸燦燦霞章華藻稅昭回古棟常日驚
不藉土膏瑞自呈或者感名固宜爾無乃獨萃陽之精
紛紛桃李不足數直與松柏比堅貞漢唐之世僅一見
名房名殿表嘉禎河朔靈葩邁今古守臣未敢獻神京
鬱蔥佳氣聯紫極巍巍蕩蕩難為名唐虞盛際無遺老
皓歌不向商山鳴君子滿朝絕佞倖屈軼之草何須生
諸慶源

字君餘隆慶庚午舉人河南府推官受業于陳仲

樹風餘韻卷七

明

三

醇有北枝堂詩集

本一院有雙松堂趙孟頫伯仲寓室也宋趙希

遠畫雙松於壁因賦

畫松畫雙若滿壁墨淋漓掃無跡纖素霞牋總屈伸
此壁何曾受促迫北堂之西鬱鬱寒不雨不風自朝夕
鐵幹盤擎煙翠滴千尋聳壑在咫尺咄哉希遠筆神全
一夢虬龍繞五百堂裏高人松下居飲冰嚼雪真連壁
團蕉穩坐說偈時松應點頭如點石我聞羅浮有七星
腹圍匹絹猶嫌窄骨枯皮蛻號望年日廢遊者幾兩屐
何如虛室自生白起息無端保容澤只今星斗半垂空
終疑地上照琥珀

余寅

四友齋叢說寅字景辰見陶南村家乘松江詩人
二十四人之一也

綠雲洞 趙湖州題楊鐵崖為志

華蓋結空綠洞門生畫寒網縕浮玉氣石上有琅玕

赤鳥碑 在舊靖安寺

仙苑居羣鹿豐碑紀赤鳥三分遺故國千載說浮屠

璩之璞

郭志之璞字君瑕 一字上海人楷法妍雅善畫山

水亦畫翎毛及水墨花竹筆致矜貴蕭然清遠精

於摹印在吳門文氏伯仲間人品高潔不趨榮利

松風餘韻卷七

明

三

士論高之

集仁卿雨華齋中和長輿韻

偶攜羊仲侶並命到山家對酒憐今雨挑燈坐落花郭

歌翻白雪麗藻接春霞夜色聊堪爾疎林月未斜

君瑕一字敏仲隆慶辛未上元前一日沈嘉則表

履善莫廷韓朱察卿張長輿諸名士集上海顧汝

和王泓館中仲玉與焉其聯句詩見四十五卷而

溪流積雨痕句尤名雋余曾見手書懷麓堂詩話

一帙行楷章草間出鄉前輩題跋甚多一時失於

收藏不知為誰何所得至今惋惜之

松風餘韻卷七

松風餘韻卷第八

目錄

明于良相 一首

于燕芳 一首

朱芾 七首

朱熙 一首

朱應祥 八首

朱昂 一首

朱鶚 一首

朱貞泰 一首

朱正色 一首

松風餘韻卷八

目錄

朱瑄 一首

朱恩 一首

朱大韶 二首

朱木洽 二首

朱積 一首

朱國盛 五首

朱朝貞 二首

朱灝 二首

朱明時 一首

松風餘韻卷八

胥浦姚弘緒聽巖編次

于良相

[方志]良相字調元正德丁卯府學中式授攸縣知縣改湖州府教授

壽妣程夫

化被南安數載餘至今聲價重璠璣等閒堂上春長在尚絅菴前草不除桂子含風香細細梅梢度月影徐徐尋詩行藥歸常早好課兒孫讀舊書

于燕芳

燕芳字駢先華亭人嘗與校錢鶴灘先生集著有

松風餘韻卷八

明

燕市雜詩載陳仲醇秘笈中燕市雜詩者紀明神宗末年事也內有擬陣亡諸將卒怨詩劉將軍杜將軍潘僉事輓歌俱不錄九箴集顧思之傳于二駢先好遊得遊貲即令銀工製兕觥鸚鵡之屬壽太夫人壽畢然後徧召諸客居無何金盡而鸚鵡與兕觥皆羽化肉飛駢先卒不介意得金復如初也

夜宿泖塔禪院

百尋寶塔眺雲烟一徑紆迴映遠天鐘度清宵僧定後磬來初地月明前漣漪半浸由拳郭浩淼疑通銀漢川徙倚龍宮從悟偈談空肯學辟支禪

朱 市

方志市字孟辨華亭人自號滄洲生少從楊鐵崖遊才思飄逸工詞章兼善翰墨真草篆隸清潤遒勁風度不凡繪事亦擅聲於時洪武初以徵聘至官編脩改中書舍人太祖御製集有和朱孟辨落花詩曝書亭詩話明初詩人善書法者正書則楊孟載張翔南行楷則唐處敬張藻仲州書則宋仲溫周履道章草則盧公武隸則吳圭一邵復孺大小篆則張仕行宋仲珩而孟辨名尤在諸子之上嘗以所書瘞之細林山中題曰篆塚錢提舉思復歌云雲間苦嗜古手校科蟲辨魚魯明窗淨几風

松風齋集卷八

明

二

日佳臨摹一掃千番楮商彝周鼎真我師蠅扁沉著沙畫錐鸞迴鳳蕭龍天矯長戈短劍相追馳書草日積充棟楣保愛何啻壁與珪細林山中一坏土細笈藤緘重閱之合宋學士灘哥石硯篇誦之可謂好事者也宋潛溪灘哥石硯歌序朱舍人市雅士也近見灘哥石硯於禁中遂摹榻一本裝池成軸懸之書齋命余作歌填於空處曰朱君嗜古米黻同三代彝器藏心胸灘哥石硯近獲見驚喜奚翅逢黃琮研烟敷紙巧摸榻訪我一一陳始終有唐四葉崇象教梵僧航海來番禺手持貝葉寫健相翻譯華竺談玄空辭義幽深衆莫識當時授

筆惟房融硯中淋漓墨花濕助演真義誠有功愛

其厚重爲題識七月七日元神龍鬼工雷斧削琢

古天光電影生新容表將四尺廣踰半作鎮弗遷

猶華嵩涉唐入宋歲五百但見寶氣浮晴虹南渡

羣公競賞識氏名環列紫秋蟲朔元雖以實內府

棄置但使烟霞封方今聖人重文獻璉蒙舟載來

江東風磨雨濯露精采奉敕昇入文華宮官中日

具萬幾暇侍臣左右咸雲從紫端立歛盡斤去欣

然爲此回重瞳重瞳一顧光照日天章奎畫分纖

濃有才沉霾恨已久石如能語誇奇逢維昔成周

全盛日免戈徹衣并大弓藏諸天府貽孫子用以

松風齋集卷八

明

三

鎮國昭無窮願將斯硯傳萬世什襲不下古鼎鍾

上明文德化八極下書寬詔蘇疲瘞君方執筆掌

綸誥願以此言聞帝聰老臣作歌在何日洪武戊

日當嚴冬

賦得秦淮送宋仲溫

春漲曉泫泫空明淡孤嶼中流送行舟綠波渺南浦鷗

從青鏡下人立滄溟語素縠漾涼颼圓紋散疏雨桃葉

懷舊題後庭歌弔古因之寄離情前洲采芳杜

寄張子正

野政老人隱者流清溪繞屋似愚溝自編蒲葉作素簡
時瀉松花洗玉舟仲連未遽蹈東海孺子還復棲南州

別來清事想不廢詩成應畫李營邱

惠麓秋晴圖

第二泉頭坐晚晴滿林松籟雜溪聲
謝俗歸來衛叔卿未必茶經隨火化
擬尋茅屋待春耕
卧遊畫裏違清賞裏茗他年石上烹

自題蘆洲聚鴈圖

有序

夜牕剪燭聽雨偶閱叔升錢君所畫古木寒
鴉小景不覺技癢因寫蘆洲聚鴈以妃之適
友人黃德謙在坐曰似瀟湘水雲景也昔年
過二妃廟今復觀此圖恍若重游但少苦竹
叢深耳予遂添叢篠於其間殊有天趣并賦

詩一絕云

夜窗聽雨話巴山又入瀟湘水竹間滿渚冥鴻誰得似

碧天飛去又飛還

送宋景濂學士

堯山堂外紀洪武十年宋學士景濂乞骸骨歸華亭朱孟辨紀

其事作詩送之

天語丁寧出紫微特將六綺賜卿歸愛卿秉志如金石

留取裁成百歲衣

宋濂行太祖諭曰卿事朕十九年忠誠可貴金石故有是賜卿今六十有

八可待三十二年後以作百歲衣也

楮鏹親頒當酒錢賜金不獨二疏賢想應心醉君王德

慚愧長安市上眼

公既受文綺之賜復出寶鏹數錠與之曰卿東歸當酒錢也

城上春雲煖更飛念卿此地跡應稀臣身願作隨陽鴈

一度秋來一度歸太社一日攜昇瀛步午門西城上解瀛曰老臣身未就木當一歲一來也

朱熙

方志朱熙華亭人以詩名為玉峰顧仲瑛社長列
朝詩集熙仕國朝為廣西省郎中表海叟有懷廣
西省朱郎中熙詩曰洞庭秋色晏蒼梧雲氣深夫
君萬里去山水迴沉沉竟日凌浩渺連天歷岑峯
鼉鼉游近渚猿狖戲遙林荏苒杜若香蕭條楓樹
陰皇朝重茲土遠氓方致琛而我將何念歲暮獨
離心離心一何極日夕遲徽音衡陽鴈不到搔首
更沉吟又次見寄詩韻曰萬里蒼梧入望長薇垣

松齋題卷八

明

五

新治日馨香已知南去無梟獍更擬西郊聽鳳凰
談笑定應多暇日羈縻況復有成章幕中還試鍾
王帖書遍闌干葉上霜又衡陽南去與天長荔子
紅椒處處香明月關門無虎豹清風臺閣有鸞凰
包茅已入皆三脊卉服新成有九章幕下文書自
稀少醉餘崖蜜啗紅霜

贈顧阿瑛

玉山主人清且妍標格皦皦人中仙對花時復尋
作詩句愛客每能揮酒錢寒燈巢雪歌煖響春水桃源
放畫船我將載酒即相覓與爾醉倒薰風前

朱應祥

顧志應祥字岐鳳其先鳳凰山人後居府城邑人
徐主事觀家多書嘗從借文獻通考觀與之一冊
經日送還曰已覽之遍矣觀疑其妄摘問之應答
如響乃大驚盡出所有書借之於是學益閑富大
篇長什肆筆立成書兼數家道勁有法度尤長於
題壁同時常熟桑民懌杭州張天錫並以文名而
未相識一日遊西湖即席賦二律天錫為之閣筆
為人豪邁濶畧不能為細謹累舉不第成化丁酉
始以歲貢薦南畿上春官復不利遂放意文酒着
高士巾衣鶴氅衣與張友山諸人相應和未幾而
卒諸子皆不學所著述多散失惟鳳山景數十篇
僅存雲間雜識點易臺朱鳳山應祥讀書之所也
朱性迂狂嘗謂錢文通公曰予在點易臺讀公詩
至不善處恨不得長竿一擊公頭朱於錢為後輩
放言若此何元朗云朱岐鳳高才傲世所刻小集
儘可誦如嗜酒揚雄甘寂寞忍貧原憲厭繁華亦
作家也

泖湖澄照寺

澤國微茫烟寺開潮音帶得梵音來雲堆寶樹生龍氣
月獻摩尼燭蚌胎殷裏頻伽應有語衲中耆宿豈無材
我來欲辨風幡旨一語機關莫浪猜

愛疏亭

在縣學訓導宅西弘治初訓導吳麟建

愛疏亭上風光好鉏針春蔬綠滿盤小飲不須成大嚼
漁舟相待泊江干

點易臺自題

讀書處有鳳山書屋在府東傍有
點易臺沈心亭及止軒嘗為作記

老夫點易臺前坐笑看人間歲月忙落盡薔薇紅玉片
笋梢容易過人長

絕句

江面微風瀉浪開

楊李詩繫作湖上微風瀉水開

鳥聲啼過釣魚臺煖

風欲作桃花雨一片陰從柳外來

藏兵蕩

周圍二十里半屬青浦

風細潮平酒力微坐深涼沁薄羅衣棹聲忽度蘆花渚
應有漁翁罷釣歸

弔梅花道人墓

梅老清風不可招橡林寒日雨蕭蕭武塘一曲烟霏外
山寺鐘聲落暮潮

麟溪道中

一川流水半村花舊屋南隣是釣家長記歸篷載春釀
雲籠殘照雨鳴沙

過斜塘鎮

漫漫村塘水沒沙清明初過已無花春寒欲雨歸心急
懶住扁舟問酒家

歷朝詩集述何元朗云朱嘗選表海叟在野集改

白燕詩首句故國飄零事已非為老去悲來不自

知如此不少朱以能詩名必非點金為鐵者吳孺子有云說謊定推何太史此亦其一也

朱昂

府志昂字文宿華亭人弘治壬戌聯捷進士由行人考選御史歷廣西僉事

壽姚程夫

林下優游一碩儒風期真與古為徒琢磨久著蘇湖績鄉黨羣推齒德俱風月儘多談道席陽春長駐養丹鑪衣冠共萃安耆會重協當時九老圖

朱鵬

方志鵬號水竹正德丁丑進士本籍長洲以父仁

松蘿集卷八

明

八

替華亭因家焉初任興化推官代署莆田多異績會與本鄉一御史不合轉郡丞陞刑部郎御史猶力擠竟拂衣歸桂洲夏公祖餞出見一堂扁相贈取林下何曾見一人之義也歸闢圃龍潭之上以泉石自娛公贈許竹溪詩有一善行為家世寶寸心留作子孫耕之句

壽姚程夫

德器溫溫是壽符更加丹鼎密工夫初航已造三蓬境冠蓋方歸九老圖共閣曉風披典籍竹林晡日醉醍醐庭前賸有參天桂會看清香發幾株

朱貞泰

方志貞泰字康咸初名朝資嘉靖戊午府學中式歷建陽知縣

泖塔

孤嶼中流起浮屠倚日標白雲棲畫棟清梵啞寒潮頓覺諸天近誰憐大地遙何如乘紫鳳縹緲度鸞簫

朱正色

郭志正色字稚曾號海曙上海人萬曆己丑聯捷進士授淄川知縣辛卯充本省同考癸巳陞刑部主事乙未福建卹刑丁酉陞員外轉郎中戊戌陞杭州知府壬寅陞本省副使甲辰考察降調乙卯補山西叅議察歸又朱海曙守杭同年某過其地

松蘿集卷八

明

九

歷問杭之勝處公皆不能答曰兄乃讓蘇白二君占盡公笑曰使太守能留心錢穀簿書與錢唐十萬戶痛癢關切何患佳山水無人坐卧其側

弔陳烈婦

詩話烈婦名陳氏字文學張之敬弟修舉業之禮歷辛於閭族委儀於重泉竟亡遺孤僅有一死憫愍如之室跪於斧若之封視如歸仰藥吞金天留其魄慟不止矣待視死如歸仰藥吞金天留其魄而云逝彼孫姬截耳尚覺捐軀之難若苟采還屍猶覺就義之晚孰與夫從容慷慨兩無遺憾一日千秋凜然如生者也

恠來間氣勝雲間貞烈千秋重九山縱號未亡甘白首無寧一死謝朱顏星河影動憐香粉風雨聲寒響佩環已起乘鸞含笑去憑棺何必淚潺湲

時有兩朱正色一字映南隆慶丁卯舉人

朱瑄

雲間人物志瑄字廷珍號鈍菴華亭人正統戊午鄉薦當赴禮闈適其父從盧龍戍所歸瑄曰吾嘗以不得侍親爲恨奈何復遠遊乎竟不赴戊辰登進士授御史巡按應天等六郡太平令其連姻中貴怙勢爲虐按以法陞山西僉憲有中貴親幸者入其境會大雪欲射獵爲樂瑄曰軍士凍餒必有死者況道滑不便馳逐獨不自愛乎遂止擢本省副使致仕優游林下者幾三十年至八十三卒子恩爲南大宗伯

松風齋叢書

明

十

舟泛

駟馬高車事已休五湖三泖老漁舟雲山到處供吟眺風月隨時豁醉眸鴻鴈一聲彭澤晚蒹葭萬頃洞庭秋篷牕自有無窮趣何用簪纓伴白頭

朱恩

雲間人物志恩字汝承號旅谿副使瑄之子成化甲午舉人甲辰進士授行人遷刑部員外郎中守吏事不通門謁京師遂稱關門朱郎中聞於孝皇亦時時稱關門朱郎中云擢河南副憲尋進按察使轉大方伯時都下有鑛利中官廖欲以奇羨門盈囑當路請開之公抗章得罷

正德三年

擢南京都察

院副都御史巡視江防沿江要害置立水寨又立賞格捕獲者多得金錢重賁寇盜不敢入境遷南

京少宰進大宗伯尋歸家居三十年未嘗言及寵辱事惟搜剔水石樹藝果蔬多蓄法書名畫晚歲喜延方士探討清淨不事生產易簣之日惟存圖書數千卷而已享年八十有五明史葉劉瑾傳瑾誅其黨自焦芳劉宇曹元而下尚書畢亨朱恩等六十餘人皆降謫方志尚書家居有李岫樓來訪聞人拒之李曰爾主在某室閱其書何得給我聞者駭而入報公異之急延入語不移時曰僕欲僑寓於此輒從袖中取出一囊什物器皿悉具又一呼而妻子及僮婢皆在公駭處之別館中居數日輒張具邀公飲珍錯畢陳所進卮竿皆公家物飲竟投水中公與夫人啟視其橐卮竿宛然第多水漬耳岫樓告歸畫一舫於壁將妻子僮婢什物仍入囊中登舟張帆而去或云即李福達也

送姚程夫分教南安

黃卷青燈歲月深少年聲價重南金青雲已負騰驤志白首從無怨望心獨向杏壇開講席還從木鐸嗣徽音西江山水皆詩料此樂憑君任意尋

朱大韶

雲間志畧大韶字象立號文石華亭人父餘山翁

夢一羽士擁從卒挾書印至而生神氣英爽才高
學博督學裁菴楊公試士發策安南始末公條對
無遺楊異之首拔舉嘉靖癸卯鄉試第二丁未成
進士改庶吉士授檢討冊封襄藩還朝聞島夷寇
海上繫念兩尊人正擬請假會陞南少司成即日
之任迎養兩親於署中無何以察典罷歸築精舍
闢文園一以吟咏燕樂爲事既富文翰材性復豪
俠軒舉第宅林泉玩好聲伎華麗甲江南蓋藉尚
書旅溪公之故業而拓之者也晨起即盥櫛登快
閣用丹黃點定古書數頁早膳畢始出燕超堂見
賓客凡四方遊士挾薦牘而來及以古玩珍奇諸

松風齋韻卷八

明

主

物求售者一一應之各厭所欲而去午餘把玩古
鼎彝展法書名畫或臨帖或賦詩或遊覽後園視
兒童澆花灌竹率以爲常至下午則開筵宴賓盛
陳貴重酒具令家童演劇登場凡娛目適口者無
不備其意趣風流如此公癸卯省試時遇一相士
決公必解首日視氣色以爲斷然無疑一日遇無
錫尤公瑛於塗不勝錯愕因問姓氏急報公曰解
首已屬錫山尤君公乃第二人矣揭榜果然官南
雍時又遇一相者曰公即日罷官矣大怒逐之相
者潛住城外越數日果有京察之報乃令人遍訪
得之問曰我何年起官何年生子對曰公此去作

山中宰相二十年起官生子俱在此時後萬厯丁
丑公捐館屈指正二十年雲間雜識嘉靖丁未館
選庶常以寶善爲題朱文石落聯云願以堅貞比
金玉纖瑕無累作純臣上見而悅之御筆加圈拔
置第三又宋徽宗內庫所藏玉杯三其一曰教子
昇天內外光潤絕無纖瑕杯口三面聳出螭頭如
生真神物也其二名八面峰三則單螭作把外多
花紋甚細瑩白甚於教子而神稍遜其一其三向
在朱尚書旅溪家孫少愚文巖分得之文巖不能
守以教子杯典吳門三百金已而從兄司成文石
公以原銀贖歸而單螭杯在少愚處者後亦歸司

松風齋韻卷八

明

主

成矣司成捐館無子立弟太學文泉子爲嗣而諸
寶玉器則司成夫人平湖陸氏謹司之萬厯壬午
秋陸氏卒陸宗族無不垂涎其家業者乃訟太學
於平湖劉令逮置園扉衆瓜分其有陸有顯者曰
兩玉杯至太學生還矣取杯之夕太學之室胡氏
忿然曰太學之禍此爲祟耳睨杯欲擲之地左右
失色請曰如太學何胡曰已矣猶當辱之乃出錢
二十五文沽平湖薄酒一尊斟玉杯中遍賜廝養
臧獲明日上獻下午出太學於獄又明日張筵款
太學歡飲而歸客語偶鈔云太學竟以成終迨太
學之子咏白成進上具疏辨寃太
學得赦罪受封而陸氏貴人之子某適與馬道明
戚太始嫌逆事露罪累至松咏白今人還得解禁

辱之以償前恨於是兩邑親知從中處分而玉杯
仍歸朱氏咏白設享酌此杯哭奠以告因擲杯於
地而不世之寶類成瓦裂矣其說甚
長撮記之以補雲間雜識之未逮

秋日登泖塔

岩光香界湧波中萬頃琉璃浸遠空解帶何人參佛偈
探珠直欲瞰龍宮鷗鷺忽渡晴空雪鈴語時悲晚棹風
九點芙蓉來隔岸詩成還耐鐵崖翁

夏五十二日小園偕諸公燕鄭明府中方范師

以長律紀勝次韻

天王受計攬羣才仙今朝元出上台飛鳥欣瞻鳧再至
攜琴又見鶴同來懷賢共有經年感燕喜宜從暇日開
雨過中林朝靄散鶯啼遠樹午風迴行邊馴雉隨車擾

松風齋韻卷八

明

南

望裡甘棠繞郡栽皂蓋傳呼驚委巷華裾織翠映蒼苔
情嫌晝短兼娛夜思欲凌虛更陟臺江海疎慵叨慰藉
乾坤意氣此銜杯青驄漸遠知難繫玉樹何緣得與陪
人瑞久占名世望王程其奈簡書催仗君曳履彤墀上
老吾躬耕澤國俛留得盈谿桃李在停雲賦罷謾徘徊

朱本洽

本洽字叔熙號咏白上海學少司成大韶從孫萬
厯丁酉舉人癸丑進士刑部主事歷任真定知府
永平副使

社集郊外送春

蘿徑村畦遶還紆短策停榆風浣輕袂茗瀉寒餅新

藻水涵碧晚烟山送青玄言與松梵鳥下若為聽

與何士老過本一夜話

禪林相望夜聞鐘叩月談玄印五宗饒舌那知谿水渴
龍將無語問中峰

朱積

郭志積字早服司業大韶孫崇禎庚午舉人癸未
進士庶吉士

哭李內翰

落日嚴城鼓角收孤臣白骨委山邱千家巷哭窮猶關
百戰登陣死未休埋玉那堪荒宿艸鑄金何處想風流
一杯酹土知何日腸斷山陽篴裏秋

松風齋韻卷八

明

五

朱國盛

郭志國盛字敬韜華亭人初從母姓盛名國華登
萬厯甲午鄉薦復姓改名庚戌成進士授工部主
事歷負外郎南旺分司郎中漕儲參政山東右布
政使以漕河功陞太常寺卿

壬申秋末黃淮大漲阻漕艦四千漕使者憂形
於色為啟通濟閘月壩諸堤皆動搖時露宿
堤感而即事

無端屏翳號白晝怒濤秋合黃淮關督漕使者憂形色
防河小臣面如垢堤心露宿膽不寒身死頓欲隨奔湍
昔人撫龍若蠅蚋臨難肯令強禦千輪粟舳舻四千舫

畏浪砰訇不能上促召衆夫發月壩踰河舟楫平如掌
漕無滯艦心始舒咫尺更慮三城魚何當盡地作保障
集澤歸鴻皆燕如

淮上石隄成志感

長川繚繞一隄成使者非魴尾亦頽斂枉截流河伯退
淫香盈市郡人迎九重敢謂涓埃答三載常隨舂鉅行
天子倘於都水問爲魚非復舊淮城

珠湖望月

誰去華老後無珠天際靈光夜夜殊萬頃琉璃連碧落
一輪冰玉見虛無分輝到樹驚鳥起隨響當秋搗藥孤
但使金波長在目便從汀蓼結屠蘇

甲子九月大觀樓迎練侍御任鴻

兩度登樓江水長天門一柱立中央千檣風燕語吳越
萬疊雲巒寫晉唐秋盡玉浮瑤海碧月生金點紫峰霜
隔牕隱隱聞歌吹遙望星槎下古塘

露筋廟

何必鬚眉數丈夫疾風勁草有嬌姝千秋憑弔孤祠下
清操還同甓社珠

朱朝貞

雲間志畧朝貞字孟元號中宇華亭泗涇里人家

歲末牒云係考亭之裔王大父倫據目抄爲名御

史父承祊爲名孝廉朝貞淵源家學少爲名諸生

已入貴遊南雍名亦噪起九躋棘闈遂棄公車
窮日夜爲囊帙蠹魚兼咀茹釋氏諸書與衲子往
來話無生或偕逸士良朋選勝遊眺偶語及著作

則曰文必東西京可無辱子墨詩必開元大厯可

無卑官商所爲詩賦古文其才故足辨之爲人輒

幅坦衷落落寡合其俯首而就西安丞非其贊也

不踰年即投綬歸居恒著葫蘆篇以見志并踏雪

草蚊賦行於世武邱吟草瑣言纖儒集存於家年

近八袞一夕長逝縉紳學士皆哀誄之子蔚字文約武進士

咏煙雨樓得夫字

幾度登樓問酒壺棹歌絃管綠蘿蕪簾花檻月供吟句

濺雨飛煙入畫圖千頃湖波空浩渺數行雲樹遠模糊

風流染翰新題品渤海先生漢大夫樓爲龔郡侯所葺

泛泖登塔院

棹歌來傍老漁船望望烟蘿古剎邊一撮河沙分十地

半浮塵芥近諸天龍宮月白珠初獻鷗渚燈寒僧未眠

多寶塔懸凌倒影境中人跡定中禪

朱灝

郭志灝字宗遠萬厯甲午舉人應熊子國子生崇

禎時以保舉授延平府通判

爲宋子建悼亡

杳月辭晨照夜臺烟霧憮冰絃當暑絕鏡爲失春描井

白塵方識珮環風不調短幃送長夢形管若爲招

題自畫秋山疊嶂圖

筆走每驅山冥墨已失曉碑石猶攀欲墮嵐峻巖并拒
孤飛鳥松紆竹鬱似無天蒼突狂崖怒噴泉遠空約畧
沙草烟霽斷復與前村連樓雲歸壑尚帶濕刷翠削青
千峰立複島穠葉封微茫閉杏止容輕霧入水閣迴溜
縈咽聲遙林駢翳翠微醒霜綃白露秋冬骨冉冉枯毫
幽氣盟

朱明時

華亭人

登岱

松風餘韻卷八

明

大

岱岳登臨第一峰山靈秀出紫芙蓉古碑猶有秦皇跡
御輦曾來漢帝蹤屈曲天門晴霧靄崔嵬日觀瑞烟濃
自慚那得相如技敢謂才堪草禪封

松風餘韻卷八

松風餘韻卷第九

目錄

明 朱元振 二十五首

朱 佑 二十首

朱 曜 一十三首

朱 豹 二十九首

朱 蟾 二十一首

朱子起 一首

朱察卿 二十一首

朱家法 二首

朱家聲 二十九首

松風餘韻卷九

印

松風餘韻卷九

胥浦姚弘緒聽巖編次

朱元振

家傳元振字士誠號壽梅一號怡閒以子佑仕贈奉政大夫著有壽梅詩集文徵明序之其畧曰壽梅集詩才百篇清新爾雅緣情寫事隨物賦形命意鑄詞無一長語蓋生在宣德正統間隱居求志外無兵戈之擾而居有邱樊之樂文酒燕游親戚情話發而爲詞紆回冲遠無有吁咈真鳴盛之作也

清明有感

松風餘韻卷九

明

幾年客裏過清明今日還家髮已星荒塚草深還寂寂長楸雲冷獨青青陌頭燕子衝寒雨江面楊花點細萍時序傷心正無限暮林啼鳥不堪聽

訪海寧瓊上人

暫向祇園覓舊遊十年重到虎溪頭路迷瑤草晴烟護香落曇花小澗幽山色青青僧入定湖光渺渺客維舟相過欲盡浮生話石上猶煩半日留

述懷次楊鐵崖韻

野人無夢到朝班却喜林泉日日閒對鏡儘教添白髮杖藜隨處有青山揚雄寂寞玄猶在謝客登臨興不慳况復年來轉強健且憑尊酒駐朱顏

來青樓

突兀層樓水面開登臨偏喜絕塵埃窗含遠樹雲常護簾捲西山雨欲來王粲有才還作賦庾公多興且銜杯那堪日暮凭闌處黃鶴何年尚未回

偶觀朱淑真詩愛其新麗因追和暮春韻三首

寶篆香消午夢殘衡門無事日常閑蜂粘落絮隨風下燕掠香芹帶雨還玉笛無聲花寂寂畫輪稀跡草斑斑一番往事俱成夢半榻高眠獨自閒懶隨年少競芳妍戲看蜂狂與蝶顛細雨落殘花滿地斜風吹舞絮漫天溪添活水知魚樂枝長新陰借鶴眠總是惜春春不住不如隨興了詩緣

松風餘韻卷九

明

二

青帝匆匆駕欲辭淡煙微日半晴時水浮嫩綠魚衝破花綴殘紅蝶戀遲暖雨一簾添睡思暮雲千里憶相知滿懷多少傷心事獨倚危闌欲訴誰

溪上草堂

幽人結屋傍巖阿鎮日雲山擁翠螺門徑曉來綠客掃春風無奈落花多

寄錢學士

白髮飄蕭雪亂飛老懷岑寂壯心違涼生小簟辭絨扇病起虛堂怯苧衣葉落林間秋欲盡苔生門外客來稀仙郎池上春如海猶問盟鷗舊釣磯

題湖山佳處

結屋傍溪流塵空眼界幽好山青入座新水碧凝眸松
竹東西徑菰蒲遠近洲源頭春雨足巖畔暮雲留六影
簾前亂波光席上浮倦遊懸謝屐引興放漁舟書積教
兒讀醅香爲客筭風光誇絕勝此地即丹邱

九日值雨有感

客裏逢秋易感傷又驚風雨過重陽尊中綠酒憑誰送
庭下黃花也自香百歲光陰嗟我老兩輪日月笑渠忙
風流却有陶彭澤詩句南山獨擅場

秋懷三首次答吳春阜見寄用杜韻選一

忽看新鴈過江頭飛度衡陽點點秋剩水殘山千古恨
淡煙疎雨一天愁功名勘破同蕉鹿身世浮沉似野鷗

却憶立暉詩句好金陵遙望帝王州

過螺磯廟

螺磯夫人乃
蜀先主之后

英氣千年化紫霓獨留殘廟枕江西樹高巖畔煙常鎖
花落祠前鳥自啼夢斷吳宮秋月冷魂歸蜀國暮雲低
往來水際孤舟泊夜靜猶聞動鼓鼙

題畫

萬里遙天雨乍收水雲鄉裏着扁舟酒闌坐看南飛雁
影落澄河數點秋

題畫葡萄月

瓊漿萬顆熟秋風詰曲虬枝翠葉重夜半月移清影動
摩尼珠映藥珠宮

題松林讀書圖

高人結屋住林阿簾捲西山爽氣多讀罷殘編清晝靜
數聲啼鳥隔松蘿

歸有作

乘興來尋郭外山駕湖南畔入禪關偶逢石上三生話
暫借松陰半日閒乳燕出巢風弄午落花堆砌蘚成斑
真憐惠遠能留客却使淵明醉未還

元日有感

旅館逢元日蕭條倍感傷椒花誰獻酒柏子獨焚香鳳
麻頒三始鴻鈞轉萬方願祈民物阜衰老樂時康

月波樓

樓瞰滄江月映空澄波倒浸廣寒宮鄰鄰地縮金盤裏
皎皎人遊玉鏡中風露無聲秋浩渺山河有影夜空濛
畫欄十二閒凭遍知在層霄第幾重

楓岡瀑布

題趙孟頫所居

古木層岡勢鬱然劈開蒼玉下飛泉恍疑雪浪奔千疊
尤訝銀河落九天淨色倒拖看若線寒聲清切聽如絃
尋源欲問涓涓處更閱南華第一篇

送吳春阜歸江西

傾蓋相逢若故知忍看征旆促歸期一襟離思尊前酒
千里馳情馬上詩綠水錦帆人去遠青山紅樹客歸遲

他年少入層霄上定託絨書慰所思

采石晚泊月下望李謫仙墓有作

采石江頭晚泊船蛾眉洲上月娟娟騎鯨莫問人何在
對酒狂吟客未眠神魄定歸三島外文光直射九霄邊
千年舊跡今猶在煙水迢迢思惘然

夜泊烏江渡

打轉西流似急梭江風入夜捲層波千年霸氣消磨盡
百戰山河感慨多斷礎殘碑遺古廟落花啼鳥付悲歌
漁郎不解英雄恨獨醉蒼苔卧釣蓑

寄姚宗器

昔曾扶杖過君家滿泛清尊灑紫霞遠屋有田多種秫

松風齋題卷九

明

五

四簷無地不栽花晚風牧唱歸樵徑秋水鱸魚上釣槎
幾度懷思勞夢寐何年同醉倒烏紗

贈友

五湖風月一扁舟閱遍人間幾度秋茶竈筆牀詩滿卷
腰纏何必上揚州

朱佑

家傳佑字民吉號葵軒景泰庚午舉人天順五年
銓試第一擢南昌府同知有治才著有葵軒藁夏
寅葵軒藁序予友朱君民吉元詩人仲雲先生四
世孫也四上春官不得舉進士僅拜南昌府同知
南昌張元禎翰林嘗語予曰民吉佐郡愷悌循良

多善政雅尚氣節不能脂韋上官以故上疏乞歸
上海開門絕軌植葵庭下以自娛奉兩親甚孝崇
養供給袍笏盡典真古孝廉也大可傳者豈止筆
墨事耶

夷門行

大梁侯嬴人未識頭白猶爲抱關客信陵公子真好賢
持車自謁夷門前一時觀者動顏色載歸上坐皆茫然
諸侯力戰殊未已趙壓秦軍在洹水信陵忽得平原書
遂盜兵符椎殺鄙毛公薛公亦博徒兩人昔日何爲乎
邯鄲之危在旦夕不向平原獻奇策吁嗟侯生之智真
絕奇一朝自刎令人悲一朝自刎令人悲

松風齋題卷九

明

六

隱者

溪頭獨坐對青山一片閒雲任往還帝子有書招不得
松間長日聽潺湲

郁文博見過

委巷經過斷故人今杖藜竹西溪水合鳥外凍雲低劇
飲歌驄馬雄談縱碧雞不知天已雪門外路俱迷

題沈儀甫城市鄉村卷

我無負郭田君有負郭廬風煙雜城市花竹乃幽居頗
無車馬聒而有琴書娛忽聞有客至聊復整冠裾悠然
遂竟日高懷亦相舒生事既已足何必從菑畬

有所思

天邊鳥逐孤雲沒懷美人子隔吳越手理絲桐石上彈
不知已落松梢月

秋夜懷友次姚舜夫韻

故人何處夢難尋秋夜迢迢思不禁袖裏有書忘歲月
天涯無計盡朋簪井梧葉老西風早籬豆花肥暮雨深
沈盡殘燈不成寐却看螢影下墻陰

寄錢原溥學士

高閣賦停雲秋宵倍憶君山深書不到木落鴈初聞金
馬真堪隱銀魚未可焚相期附霄漢莫戀野麋羣

疇隱爲關鴈秀才作

平疇藹藹護桑麻自是幽棲處士家萬頃黃雲秋刈秫

松風餘韻卷九

明

七

一簾紅雨曉飛花聽鶯橋畔扶吟杖鬪鴨闌前繫釣槎

鄰社醉歸高卧穩太平無復夢京華

三月十二日訪顧廷美歸途值風雨有作

一葉垂流過浦南故人相見得高談歌殘酒散夜將半
花落春歸月又三美憶嘉魚來丙穴愁生芳草遍江潭
可憐興盡即歸去風雨河橋更不堪

同莫汝敬張汝弼張時敏夜泊淮陰

天涯傷歲暮一棹泊淮陰夜雨關河客春風霄漢心大
川期共濟濁酒助微吟千載荒祠下寒煙古木深

和孫節軒淞南別墅

槿籬茅屋四簷低門瞰淞流近郭西柳長鶯枝藏小徑

水流魚藻過前溪濁醪解與鄰翁飲凡鳥無煩過客題
辦得清閒送長日北牕殘夢午聞雞

僧舍別桑民懌秀才次張汝弼韻

白髮追隨祇自慚偶逢僧舍學禪參身無去住忘機鳥
口吐文章作蘭蠶欲掃閒雲供晚卧且邀明月鬪清酣
詩成又向青山別明日懷君在斗南

與王景明喬師召過顧孟育草堂

並轡相過日江城三月春馬循常去路燕識慣來人句
就題歌扇杯翻污舞裯酒酣還感慨猶是未閒身

古意

夫君從遠戍妾獨住邯鄲相送去時淚至今猶暗彈玉

松風餘韻卷九

明

八

關春尚雪鐵騎畫生寒縱有還家夢迢迢到亦難

一雲寺同盛允高程原伊二同年

春日試躋攀飛花點髮斑客愁同草蔓僧意與雲閒紺
殿齊高鳥白雲連斷山同遊有佳士日暮竟忘還

送孫世隆省墓還河南

獨倚高樓望故鄉天涯愁思更茫茫一身作客家何遠
千里思親日正長黃葉西風催去鷁青山落日照離觴
多情惟有江頭月相送隨君到洛陽

宮怨

君王常駐柏梁臺金鎖長門畫不開莫道深宮少春色
花間雙蝶去還來

客夜喜李貞伯至

月光冷照燕臺客起傍梅花正吹笛夜半喑然驚叩門
高馬醉馱呼李白

夜坐

天涯牢落宦情微况復清秋水葉飛遙憶故園江水上
月明閒殺釣魚磯

寄張翔鳳比部

十載睽違鬢欲絲才名久冠白雲司已能決獄如功父
更有文章似退之招隱自宜黃浦上計偕猶憶白門時
山中思汝無消息試問江梅雪後枝

朱曜

松風餘韻卷九

明

九

曜字叔暘號玉洲正德年上海歲貢仕為清江鹽
課提舉以子豹貴封御史家傳邑之有志自公與
唐龍江先生創之子豹舉進士既除官手書為政
方畧萬餘言授之戒之曰吾平生慕包孝肅之為人
不持一硯歸乃吾子也豹受命惟謹所至有冰
蘗聲明詩綜詩話錢武子云封君詩取白娛不事
敦琢然如翠竹呼鳩婦青畬長稻孫不可謂非佳
句也

喜雨

一犁春雨潤新田小犢還宮老特眠笑摘園蔬漉村釀
夜燈兒女說豐年

綠淨山房

萬綠叢深一徑修小堂真覺坐來幽入簾草色青於染
潑眼山光翠欲流苔滑倚筇新過雨竹疎攜酒更宜秋
閒心一片真成癖肯放纖塵污白頭

輓楊宗淵長史

旅櫬遙遙萬里程嶺猿江鳥助哀鳴梁王未改生前失
賈傅空遺死後名黃葉滿山皆客路白楊何處是佳城
相知尚有延陵劍樹杪空懸此日情

靜菴

境與心俱寂深山屋數楹塵喧不到耳杯酒自忘情無
事幽棲穩有花相對清晴枝閒好鳥應似隔林鳴

松風餘韻卷九

明

十

贈鄒九峯

驥足曾驅萬里遙相逢誰是九方臯只今衰草燕臺路
浪說千金價最高
小錢虛堂摘曉蔬為君猶自貯清醑不知翦韭挑燈夜
還許吟航過此無

為顧廣南簡友

記得僧房醉羽觴月明吟笑共瑤光別來美政逢人問
老去閒情為弈忙清論欲聞塵外事何時重坐講臺旁
風雲萬里新聲動牢落烟霞舊草堂

月軒

一室蕭然臨水曲短吟正喜月當窗星移漢影聽金柝

風領天香送玉缸江白野航猶蕩漾夜深魚笛自成腔
關干徒倚憑誰伴添得飛來鶴一雙

寄王子頰

雨深墻壁長莓苔人坐虛堂詩漫裁荒徑蕭蕭惟鳥跡
竹門長日爲誰開

雨夜

夜半雨聲急顛風布密雲天瓢傾地響雷鼓隔山間池
水高三尺花容瘦十分客牕驚不寐火冷一爐共

愛梅

可無春色擾閒情却愛梅花一段清酒熟小牕詩更了
正堪明月照寒更

松風齋題卷元

明

十六

題畫

卸却蓑衣宿雨收西風吹冷白蘋洲不應酣睡孤篷底
月白江清可下鉤

題陳清之畫

釣罷烟江發朗歌夕陽歸路柳風和明朝挾網來須早
水漲桃花魚正多

朱豹

〔上海縣志〕豹字子文正德丁丑進士初令奉化以
才移知餘姚里甲短解之弊擢御史益以直道
自任章數數上如薦楊一清伍文定及請召對大
臣密陳災異言極剴切奉敕清理江西軍務江西

自宸濠變後災盜數起豹至發粟活數萬人釋大
辟囚三十餘人又嘗請兩京五品以上官各舉郡
守舉不稱者坐之語多忤時遷守福州尋聞父訃
即日徒跣行三十里僚屬士民送者填塞下淚豹
性孝友父存日未嘗乘車行里中昆弟衣履相易
而敝宗黨俱賴以舉火所著有福州集寧波府志
名宦傳朱豹嚴毅警慧過目輒不忘明憲禁慎賞
罰先是縣中惡少多挾妓博飲至是皆自輯豪宗
大姓惴惴不敢吐氣朔望詣庠校講解經書厚賞
以作士又擇奇儻者十餘人躬課試之多致成立
縣舊無社學乃捐俸營建於學東隅延師集徒而
教之凡婚喪孝廉置酒作樂婦女嬉遊害禮傷教
之類一切禁絕俳優妓博率皆遠去

送顧經歷之福建

京華倦羈旅歸路喜南天烟柳山頭驛春溪樹杪船官
清蓮幕靜地暖荔枝鮮况值干戈少詩篇紀歲年

十四夜對月

月色清秋好羈人獨夜看光涵山館靜影瀉竹牕寒亂
杵隨風急鳴蛩促漏殘所思雲共遠搔首發長歎

陶園

不辭衝雨過陶園城市真憐有洞天白鶴一聲松壑裏
芙蓉千樹草堂邊深穿竹徑烟光暝徙倚山亭日影偏

無數清芬滌煩俗桃源何必訪神仙

野興

山頭日氣含殘雨溪上雲陰送晚風欲散幽懷還獨步
薜蘿深徑有殘紅

十四夜簡顧秋官與行

心懷如洗酒如泉月魄今宵又欲圓粉署仙郎騎馬至
芙蓉花下共高眠

送張宗之

扁舟漫作子長遊燕趙奇書滿篋收旅食忽驚寒鴈雨
還家已過菊花秋天涯尊酒交情合江上青山夕照留
世難相看須努力未容簑笠卧滄洲

松風齋韻卷九

明

五

九日漫興

異鄉今日是重陽庭菊含芳似故鄉對酒更無知己共
登高那復去年狂白雲天遠情何限黃葉秋深病已強
憑仗短吟酬節序晚來餘興入蒼茫

寂寞山居菊自開登臨無地獨徘徊涼分細竹風初定
雲薄疎簾雨欲來鏡裏年華驚漸改寒邊刀尺倩誰裁
羈懷病思渾無賴強對茱萸醉欲頹

山行

山頂聞靈鵲呼晴未得晴雨多溪水急春晚徑花明鳥
擇深枝宿人衝濕霧行前途有燈火驛吏遠相迎

出南郭

早春南郭路景色已暄妍雪霽孤村日山青萬井煙聽
鶯經竹嶼立馬看山泉芳草天涯徧離情忽黯然

寄程以道

隴梅隄柳又春風客子光陰似轉蓬此日天涯千里隔
昔年花底一尊同西川踪跡孤雲外南浦離愁細雨中
日晚瞿塘新水發雙魚煩爾下巴東

遊福田寺

偶入福田寺西風黃葉深江聲來野閣僧語隔松林古
刻摩荒蘚高歌見遠岑無緣謝塵鞅霜鬢苦相侵

深夜

短燭虛堂靜寒蛩故故鳴綺疏含落月刁斗入殘更客

松風齋韻卷九

明

五

久愁長在孤眠夢裏驚狂歌與清嘯湖海未歸情

日暮

院靜無人聲庭鳥自相語西風吹我衣鄉思動愁緒欲
遣苦未能家在江南渚日暮復興嗟脉脉天涯雨

除夕

客夢山川遠家書道路遲綵衣慚曠濶斑鬢惜驅馳一
歲祗今日百年能幾時擬將歸老意先報白鷗知

謁泰陵

松陰下馬頓淒然聖主垂衣憶往年獨秉憂勤追禹德
已將歌頌祝堯天鑾輿隱約青山暮金殿陰森玉磬懸
斜日小臣瞻拜罷不勝悲淚灑郊田

春陰

新年六十日幾日見天晴鶯早聲猶澀花寒色未明病緣愁後劇詩向夢中生況近清明節春雲滿帝城

送徐朝咨

駐節臨江縣錢塘東復東西堂方夜雨南浦又秋風片鳥歸帆外孤雲客夢中不堪分手處天際叫新鴻

題畫

漠漠蘆洲野鴨眠撩人楊柳弄輕烟看山緩泛斜陽棹滿樹流鶯似管絃

開河道中

春日江南思煙帆雨後程綠蕪連野色新柳繫歸情雲

松風齋題卷九

明

五

共平川遠風隨舞燕輕客愁渾欲減倚棹畫中行

夏日漫興

江上青山一草堂竹梧交影晝初長飽諳世味須高卧病感流年懶縱狂花雨亂飛侵藥鼎燕泥時落汚書牀

南鄰賴有知音客珍重詩筒過短牆

雨中

瑞州城中細雨高安郭外飛花牧豎時時吹笛行人處處思家

瑞州察院

江南三月暮行役未能休鳥沸鶯春夢花殘動客愁白雲鄉國遠落日此亭幽苦被浮名縛東風愧野鷗

餘干舟中

行縣復停棹觀風時捲簾岸吞秋水濶山露晚峰尖病得新涼減愁隨客路添異鄉今夜月清賞恨相煎

過東林寺

院深鐘磬月中鳴碑斷莓苔雨後生三笑已隨流水逝隔溪搔首聽松聲

泊劍浦驛

劍浦橋西泊松深見驛樓溪聲來夾樹巖影落中流旅鴈催寒色村砧動客愁白沙連皓月蘆花夜颼颼

安溪夜泊

晚烟小艇駐江村傍水人家正掩門萬里江湖生白髮

松風齋題卷九

明

六

高堂燈火自黃昏丹楓瑟瑟隨風下寒雀啾啾隔樹喧世味客愁聊復爾倚篷搔首更何言

秋日遣懷

山堂虛敞泐寒天客裏愁懷正黯然籬菊吐時寒有信鄉愁多處酒無權一庭吟思高梧外千里音書落鴈邊

坐久無端成獨嘯却因衰髮感流年

靜安教寺

在蘆浦初在滄清吳赤鳥中建號重玄寺宋祥符初改今額嘉定間遷此

有赤鳥碑陳朝僧講經臺鰕子禪湧泉綠雲洞與滄清壘蘆子渡爲八詠

古刹乘閒到紅塵路已賒洞門虛歲月壇樹鎖烟霞谷靜泉逾響山空日易斜坐聽清梵久落盡木蘭花

朱瞻

家傳蟾字子明號蘆江曜之第四子也由邑庠生
入太學謁選銓曹卒於京邸以子某仕爲通政司
知事贈如之著有蘆江詩藁陸文定公序畧曰朱
氏世以詩文名家自元詩人仲雲至福州公凡七
世而人傳一集者蓋六世矣先生福州弟也少受
家學志踔厲期有事四方屢角名場不遇乃顯意
吟事既家世薰習故其詩律致清婉亦亦有勝韻
間挾其所能從賢儔游今藁中所載篇章酬唱其
爲一時名輩賞重可知矣

秋日過沈石田山居

高風隱侯宅茂苑古城邊綠樹埋雲屋青芝長石田徑

松風餘韻

明

七

留尋舊屐門泊問奇船山水供餘墨尊魚治晚筵朱顏
全映酒白髮半垂肩聖代有遺老人間多散仙卧龍終
隱隱野鶴自翩翩已兆熊羆夢君王正好畋

俠客

月白風清燕子樓蘋香水暖木蘭舟江湖自載少年樂
天地不知何處愁花下放歌傳郢曲尊前說劍看吳鉤
翩翩知是邯鄲客欲向秦關獨報仇

陸三汀太守見過

寂寞應憐枉駕過竹牀呼起病維摩殘碁未了斜陽盡
滿地蕭蕭落葉多

題畫

樹樹殘花媚遠天絲絲新柳亂晴煙漁郎認得桃源路
又向溪邊一繫船

送劉建之歸滇南

建之父爲
上海學博

白馬翩翩出郭遲建安才子共稱奇路經茂苑吳王國
家在昆明漢武池一別俄驚萬里去重來又作十年期
須知無限留君意珍重東風柳一枝

何御醫山居

買得南山數畝餘爲園真作野人居地餘膏土新栽藥
池有春波可種魚滿座清風披玉塵一簾殘照映丹書
我來尚記門前樹正值花開杏子初

寄枝山祝京兆

松風餘韻

明

六

吳中盛才彥藝苑多文詞鬱鬱泰康際挺出當明時枝
山先生更超特掀起聲華自狼籍胸藏萬卷富有餘筆
走千軍勁無敵少年射策來上京蟾宮高步流芳名拜
爲京兆二千石政如張敞得清平放歸南山在田野悠
悠長日無爲者茅屋長遮萬歲松楓林好結三秋社醉
來灑墨歌復斜燦爛奪目驚飛霞一時好事競持去盡
稱至寶藏於家我昨相尋過吳苑再拜龍門日將晚豈
是山陰載雪人夜半孤舟竟空返

贈鄒山人九峰

短棹夷猶興不孤晴川如練水平鋪筆牀茶竈同仙侶
渚烏汀花狎釣徒萬頃清秋纓可濯一船明月酒還沽

風光到處俱堪賞不羨當年范五湖

送鄭臻善歸歙

客牕賴爾數能過十載論文感慨多杜甫傷心愁渭樹
江淹別淚長春波黃山路繞馳鄉夢滄海潮生發棹歌
酒盡沙頭人不見月明回首奈秋何

寄馮雪竹

舊物猶存王子敬家徒壁立馬相如殘更耿耿半牕火
長日蕭蕭一卷書屋外青山新雨後階前流水落花初
此生真覺心俱寂世事浮雲任卷舒

訪衡山文太史

歸來兩鬢被秋霜白屋青山日正長南國共尊周太史

松風餘韻卷九

明

九

西京重見漢文章半牕桐葉書籤亂一院松陰鶴夢涼
忽叩清齋聞玉磬呼童瀹茗坐斜陽

送子文家兄之京

明朝兄作長安客此日空齋弟倚闌漫說爲官今更好
却憐行路古來難江南秋盡荆花老塞北霜高鴈影寒
一別雲霄成阻隔何時風雨得團圓

扇

翦殘湘水團圓月搖落清秋菽菽霜一自班姬題怨後
西風羞見薄情郎

漁樵圖

解纜不驚江口浪息肩時看隴頭雲相逢一笑各歸去

明月在門秋十分

雙溪草堂

舍南舍北水如天白練平湖淨可憐樹色模糊含雨氣
漁歌歎乃隔秋烟衝寒落鴈分投渚候曉征帆各放船
可恠相尋無客到朝來閒却買魚錢

贈僧

雲依碧山上僧住白雲間同是無心者相看日日閒
送劉松泉丞吉水

江縣曾傳吉水名劉郎此去有賢聲畫船春雨荆門樹
瘦馬秋風楚國城莫謂哦松了公事須教啣蘂見生平
負丞翻笑前人拙看爾雙鳬入帝京

松風餘韻卷九

明

十

山中行

空山秋日行畫裏見分明谷口鳬飛出樹頭雲暗生茅
屋少隣並石田多耦耕偶來成小憇幽思不勝清

看梅

雪後江梅亂着花月明相對草堂斜詩成無奈閒勾引
夜半微吟到水涯

顧月軒齋中坐月次陳白陽韻

南軒月色秋溶溶恍然坐我冰壺中灝氣直侵書幌潤
寒光相映石屏空夢回仙子霓裳曲香散秋天桂子風
起據胡牀吹鳳管嫦娥飛下廣寒宮

胥江

齊江月落露如雨笠澤煙消水似天欸乃一聲人不見
白鷗飛過釣舟前

朱子起

名未詳清江提舉曜之第三子也

和子明弟同過子文二兄園居韻

西堂同夜坐黃菊正秋清鴈陣天邊下茶煙石上生兄
看驄馬貴弟有羨魚情谷口吾甘隱寧嫌避世名

朱察卿

方志察卿字邦憲上海人福州守豹子治經生義
流雋郡國補邑諸生高等入太學白晢飄飄善談
笑而特好飲嘯歌慷慨意若無足當者閩人陳懋

松風齋叢書

明

五

觀爲郡司李兄事邦憲甚昵欲爲買田宅邦憲固
辭曰幸不至溝壑奈何以不肖嚮先人恩邑令黃
文煒日造請其廬欲請間爲邦憲壽終不得請而
罷後陳與黃先後死邦憲爲哭治棺殮經紀其妻
子千里還葬其文法東西京詩法開元以前諸大
家自稱醉石居士有醉石集十五卷李維禎稱其
精整無瑕卒年四十九子家法孫長世先後俱成
進士列朝詩集邦憲性慷慨通俠恥爲紈袴子弟
及儒衣冠呼盧挾妓舉觥船數十不醉意豁如也
尚書趙文華督師江南下教邑令故人子朱生安
在其母夫人無恙乎爲我好致之邑令一日三及

其門樓船趨行邦憲自擢扁舟褐衣詣督府尚書
驢甚探手相勞苦酒酣從容爲言丈夫當乘時射
取功名多顧金錢庀母夫人甘毳何用硜硜守匹
夫之節乎言之再至於三邦憲三辭之尚書歎息
曰福州有子我所不逮也尚書敗人無敢名爲尚
書客者邦憲爲人語尚書輒拊膺流涕人以此益
多之邦憲好讀書稱詩多長者之遊數千里內信
使趾屬於道所最厚善爲四明沈明臣吳門王穉
登邦憲沒明臣哭之過時而悲且與穉登並爲立
傳四明余寅移書邵御史請祀諸賢宗南吳舊話
錄朱邦憲詩文每脫藁即示儕輩有能指摘則欣
然拊掌嘗曰曹子建方後世誰相知定吾文耶苟
非其人何可定筆硯交又聞邦憲晨起盥櫛罷即
戶外屢恒滿又多所造請與報謝里社率醵輒居
首三老有疑難一切居間解紛皆以屬之邦憲稍
日下春沉沉杯勺間矣其所爲詩多於舞衣歌扇
得之大概氣有充而辭不能無累又何能清其意
而和其調如元美之所稱也

張左虞燕京惠詩却寄

迅風激高雲朔鴈正南翔良友在長安寄我詩數行悅
聞漸離筑忽灑燕山霜肝膽兩相照然諾安能忘結轡
爾壯遊塊處吾徬徨久挾三千牘不共侏儒餐空射箭

松風齋叢書

明

五

頭書無益聊城亡嗟嗟竟白頭蓬蒿淚沾裳丈夫抱遠
畧策名在疆場不知漢天子曾復問馮唐

贈潘伯明御史

鄉閭舊說佳公子十五胸中富典墳肯以功名由父任
直趨霄漢出人羣義烏澤沛千家雨驄馬花披五色雲
時事轉非堪涕淚知君先已作彈文

宿周公瑕山房懷彭孔嘉陸子行

憶昔追隨二十年髮毛相對各蒼然尊開小閣春波動
榻下空梁夜月懸新語於今思陸賈長生徒自說彭錢
舊交淪謝誰招得一片青山哭杜鵑

九日送從弟邦肅之魏郡訪友

松風齋韻卷九

明

童

登高獨鴈正哀鳴爾作漳江訪舊行未踏赤橋宮下路
先懸青草夢中情到門豈有遺繚事奏刺應知倒屣迎
躍馬試臨銅雀下帳中歌吹已無聲

送秦水部之金陵

念爾才爲水部郎悲歌空有淚沾裳酒分南浦蘋香細
帆帶西風鴈影長燕市雲深天杳杳金陵秋冷樹蒼蒼
可憐粉署良宵月猶照烏臺舊日霜

田先生

先生好俠節自刎鴻毛輕一死誰云報太子欲將此事
堅荆卿可憐七首不得中荆卿俱死功無成功無成心
事明一朝慷慨千年名田先生

肅政

殺人避仇事屠狗軹里齊人恥曹耦仲子知君心獨厚
上堂千金爲母壽丈夫貧賤世所輕有材卓詭難知名
一朝交結齊公卿報恩誰不捐吾生若令韓相爲仲子
政亦能爲韓相死

夕發次嘉則韻

江深水不冰入夕舟亂發乾坤幾青眼湖海多白髮遠
寺出微鐘寒沙動孤月酒罷人欲眠櫓聲未云歇

哭董子元

文章追大雅意氣薄層霄論世惟存舌干時癩折腰病
因懸磬得愁以蓋棺消後死吾猶在哀魂不可招

松風齋韻卷九

明

壽

碧浪湖懷嘉則

風雨晚離離斜橋舟獨維疎鐘出寺杳濕鳥到林遲碧
浪客吟處明州人卧時思君大江隔心逐片帆馳

送劉叔球遊茅山

詞客禮茅君春城花正殷江烟孤鳥破樹色一帆分日
月依丹竈樓臺浸白雲試尋弘景宅芳草帶斜曛

江行感懷同嘉則

帆開黃浦同仙客路轉清江過釣磯落日亂雲遮不盡
斷霞微雨濕還飛多愁欲問生前劫未老先知昨已非
有淚可傾三峽水因君慷慨不沾衣

訪諸七

憶爾從軍髮未蒼歸來颯颯見秋霜家連吳苑青山舊
夢斷蒼梧成草黃世路風波今始定故園松菊已全荒
問君感慨還多少相對西風酒一觴

客夜次董子元韻

乳鴉飛盡夜將闌明滅飛螢墮水寒生計自憐隨處拙
交情尤是異鄉難深杯竹葉催人醉長笛梅花入夢殘
遙憶故人千里隔幾宵明月不同看

秋日過陸思豫山園

亂後重來百感生青山無主鶴相迎已無金谷園中會
空有山陽笛裏情曲徑秋風衰草合敗垣斜日亂蟲鳴
門前江水依然在却送歸舟似掌平

松風齋韻

明

章

野泊

久客未歸仍野泊羽書隨處斷人魂去來似鳥巢難定
寂寞如僧髮尚存高嶺半藏黃葉寺孤城遙帶夕陽村
誰家長笛西風裏吹落梅花月一痕

張玄超免官歸却寄

老拜功曹祿甚微性廉常食武林薇車無惹草翻成謗
江有鱸魚合早歸仲蔚階前芳草沒翟公門外故人稀
憑君詞賦凌三謝推轂於今事已非
畏途誰任爾踈慵况復高才豈易容天地由來同野馬
古今那肯好真龍百年白髮難逃鏡何處青山可駐節
我亦浮沉波浪裏避人無地著孤蹤

人日和答顧汝和廷評得安字

一上層臺望眼寬放歌聊繼草堂歡晚陰不作新年雨
春樹還留隔歲寒人日相逢俱故舊鄉雲高處是長安
憐君已共青山隱肯向人彈老去冠

送嘉則入楚

老應徵書莫憚勞賢王醴酒似葡萄三湘明月猿聲遠
七澤晴雲鴈影高楚國山川留太史漢家詞賦重枚臯
却看筆法嚴禱杌暇日猶堪作廣騷

送馮子潛遊洞庭

離離春雨曉來多湖水新添十丈波釣得白魚堪入饌
不須彈鋏向人歌

松風齋韻

明

弄

醉石先生貴公子也而有俠士風急難好施威武
不屈自託於詩人酒人之間意深遠矣交滿天下
聲施不朽令子挺生克光前烈又何必親其身冠
進賢爲也誦其詩足以伸眉吐氣

朱家法

信陽州志家法字季則上海人世有名宦父察卿
騷雅俠烈爲時所宗公中壬辰進士守信陽雅志
愛民與浮光守南昌劉一煜汝陽令長水岳和聲
同心勵政號爲天中三曜案無積牘野無宿逋教
民以耕讀爲先市無鬪鬪博簾之聲優禮賢士獎
拔後進雖親子弟弗啻也巡行阡陌士之村居者

攜酒榼造焉欣然對酌形迹頓忘民間宴饗不願
就養濟院則自捐俸贍之中使以礦事至商城商
城令盛陳兵衛以相見倨不為禮供膳悉從裁革
中使不能堪飲恨入骨公聞而非之曰名則成矣
如百姓何比至則備極魚龍角觝之戲以待之中
使大喜間欲以王命屈公公則已潛布腹心關說
左右俾中使勢自不行款宴信宿臨別泣下曰商
城今視我如草芥安有如君盛德者我還朝當力
奏信陽無礦耳自是旁邑皆取法焉當時祇以為
迎奉之常而後乃知其苦心也公襟懷灑落子弟
皆能詩每政暇月出未嘗不命觴賡酬署中題詠

松風齋韻卷九

明

七

殆徧美政具見何宗伯碑中己亥擢工部營繕司
員外郎督工顯陵告成屢有憲臬之推會命未下
卒於家上海縣志家法為諸生時與黃公體仁同
讀書龍華寺之北房午夜夢身死銘旌上大書工
部都水司郎中朱某之柩役夫舁至潘方伯壽域
上休焉覺而語黃黃曰焉知君異日不方伯耶後
家法由信陽州守歷官水部郎以疾乞歸而方伯
之子以所營壽域不稱意欲棄之而別卜地已松
柏成行矣家法聞之笑曰是天留以遺我也乃售
而葬焉定數之奇如此

弔蔡烈婦

烈婦辛氏生員蔡人俊妻夫卒年方
十六自經戶側家人憐其幼姑

持糜強鋪之旋鋪旋却積五
十日竟卒事聞詔建坊表閭
匪石真同操司風籍有光兩髦心靡慙千載骨猶香早
及黃泉見應留青史芳平生崇節意為爾一露裳

題何成大春雨草堂卷

憶昔先生龍卧時幾經春雨夜離離虛牕竹照青藜火
窮巷簞傳白雪詞一自玉樓承帝召空留瑤草繫人思
森森蘭桂盈堦日又見雲林長一枝

水部一號半石邦憲第四子也有朱季子草季子
近草二種不逮壽梅葵軒福州蘆江諸集李本寧
序已多溢美陳滄海又稱其詩取材漢魏布侯於
大厓開元高者浸尋少陵青蓮而卑亦不失輞川

松風齋韻卷九

明

七

居士云云阿私所好一至於此集外詩二首猶未
墜風雅家傳錄之

朱家聲

家傳家聲字爾實號質軒察卿第七子也國子生
性孝友母夫人病自冬及秋躬侍湯藥無刻暫離
遺衿剩珥盡供醫禱費鴈行九人出自五母公產
不擇肥事不避難同氣無間言受業於胞兄家法
工舉子業尤注意於古文詩詞逮家法成進士林
居官席昕夕與居每賡池塘之句光祿陸劬思曰
以璫篋水部兄不失難弟以箕裘醉石翁則稱佳
兒晚年猶子長世登第官冬曹長芳判成都長統

判杭州公布袍蔬食晏如也崇禎癸酉邑舉鄉飲
大賓謝不赴

經宋詩人儲泳墓

亂雲遮不盡一望滿荆榛有路通僧寺何年傍水濱塚
荒知異代碑在識詩人豈少驚人句當時或隱淪

暮歸馬上即事

郊原歸去晚路盡小橋通返照溪邊樹微寒麥上風馬
蹄青艸外人影白雲中不見牛羊下遙看野燒紅

楚宿

風雨蕭蕭暮那堪是異鄉空山茅屋小獨夜水雲涼驥
卓知誰賞牛衣好自傷人生多逆旅何用復徬徨

松風齋韻卷九 明 渡江別三兄 二首 无

北固同探山水西江獨往風波欲說含情幾許那堪落
日無多

天限長江南北人憐岐路東西恨殺春深鴈斷愁聽月
落烏啼

有懷季兄

小閣微吟雨後天池塘草色思依然遠山半濕蒼煙裏
高柳新晴落照邊羅雀可知門似水無魚遂仗酒如泉
洛陽風物猶能想屈指聯牀又隔年

郢中送何仲修

把酒難爲別依依到落暉已拚今日醉忍與故人違囊

底詩長滿雲邊鳥共飛可憐同郢客不作一行歸

客信州值十三弟生朝漫賦

兄弟八九人年齒第甲乙惟爾生最晚今已四十一憶
昔失怙恃未諳六與七既壯及有知黽勉至今日茲得
一幕爲聊當飾儒術總之涉畏途寧能保不失丈夫貴
適志豈應久屈膝非予爲放言予有煙霞疾何如播南
畝多收幾斛秫日暖草堂幽風雨俱不出與客話桑麻
呼兒檢書帙酌酒且高歌援琴復鼓瑟百歲常若此萬
事願已畢好樂戒無荒詩人咏蟋蟀

除夕對梅

折來初自喜看去復傷神未得山中信先傳江上春歲

辭將盡夜花伴未歸人既已嗟遲暮那堪物候新

冬日感懷同程彥之賦

極浦流澌下荒齋凍雨昏病餘思挾續愁至欲停尊以
戎書常聲憐君席未溫何如負暄者棲息自衡門

十三弟六月歸即別去送之

攜手淚如絲江船繫柳枝一帆人獨往六月路何之赤
口長風少青山獨鳥遲歸來能幾日作客總多時

客中送客

揚歌爲君聽把酒爲君飲酒消歌不聞君度梅花嶺

放舟有懷

放舟天氣好十月小春時潮帶鐘聲至帆將樹影移鷗

眠知未穩鴈度復何之忽憶連枝者雙頤淚欲垂

哭四兄四首

時從洛中回

尋常傾肺腑手足更情真大雅當今世高風合古人生
前千日醉死後一官貧仁者常無祿蒼天何所親
上苑花徒發池塘草自賒十年惟再命百口尚無家拙
臣真何事浮生孰有涯斜橋無十里衰草白楊遮
未能齊壽夭孰敢問窮通憶昔青雲上而今黃土中人
煙寒夜月鬼火焰霜風孤恨方無極誰家笛未終
衣冠雖肖像意氣更何求造次尋遺札艱難上小樓賓
朋懷北海風雨過西州剩有清陰在他鄉祀故侯

寄登州黃長卿

松風齋韻卷九

明

圭

一自蓬萊縱目初齊風初變魯人餘滄江朋舊從牢落
渤海諸侯盡不如遊道豈窮千里轍相思只寄數行書
循良漢柱方題姓玉刻麟符賜未虛

寄十三弟臚鴻

老年兄弟逐年違憶爾從朝到夕暉薄祿豈供燕市酒
空囊應典侍臣衣鴈行鴈序憐相失暮雨秋雲各自飛
書寄一封惟有淚未知何日共漁磯

贈吳門林伯常丈

漫勞長者轍重枉華門中舊誼非今雨新詩拜下風定
須呼小友曾是識吾翁感慨燈前淚將無大雅空

詠過牆梅花

一枝疎影過牆東香色悠然總是空蝶舞蜂狂爭欲認
未知誰是主人翁

過叔兄草亭感題青竹

薜荔依然一草亭可憐兄弟半凋零白雲狼籍愁多少
三百琅玕祇自青

秋日同唐一卿龔與偕林若撫集圓明庵

小築西林接水光到來秋暑便生涼伊蒲爲供清齋好
城郭平分野趣長護法儘名居士宅放生先借孝廉航
看花上塚年年事應記橋邊一艸堂

同王瓊甫王非熊曾元贊周子儀孔中甫五太

史署中小飲

松風齋韻卷九

明

圭

東閣分曹是紫薇仙郎安得近荷衣定因方外客中散
浪說天邊有少微月上清輝分玉燭風迴片語盡珠璣
如公染翰還終日野老先拚一醉歸

延平道中六言

一灘五里十里兩岸千山萬山人道濡遲於此吾將歌
嘯其間

紅葉灘頭漁艇青山竹裏人家盡說三春桃李先看十

月梅花

野泊一身如寄村沽五斗非多呼取隣舟共飲重邀新
月來歌

九兄亡去十七年矣每入夢中同十三弟感賦

老我異鄉餘病骨爲兄今日重啼痕三千里外魂猶返
十七年前事可論吾黨勞生徒自苦至人齊物復何言
那堪風雨灘頭急落鴈嗷嗷度遠村

懷文休

吟罷荒齋強醉餘夕陽影裏鴈聲初空儲一斛牀頭酒
幾見三秋江上書郢客不來歌漸杳剡溪重汎興何如
爲言明月深相待樓閣無人迴自虛

質軒春艸篇兄水部稱其景合情會不必腐毫苦
吟已駸駸入錢劉之室不無過獎特視乃兄差勝
采其雅馴者次於壽梅諸藁之後以見一洋朱氏
之代有詩人也

松風餘韻卷九

明

三

松風餘韻卷九

松風餘韻卷第十

目錄

明胡琬一首

胡芳四首

胡開文一首

吳哲九首

吳黼八首

吳崧一首

吳益之一首

吳稷一首

吳爰一首

松風餘韻卷十

目錄

吳丕顯一首

吳次仲一首

吳楨一首

吳昌一首

蘇恩四首

松風餘韻卷十

胥浦姚弘緒聽巖編次

胡琬

〔顧清墓志〕先生諱琬字公琰其先自汴來元季高祖某避兵華亭之秋港涇因卜居焉祖父政景泰中以賑饑衰落旋下世有司猶責其子斌掌鄉賦甚急先生毅然曰是役法當任富室吾昨富而今貧有司獨未知耳走詣縣白之時年十四知縣郭文直試以對聯深異之曰農家有此子耶薦入府庠爲弟子員時張莊簡公猶未仕以書經教吳下先生往從之遊盡得其要旨累舉不利凡九黜於

松風餘韻卷十

明

有司先生氣終不折因自號耐菴以見志弘治辛亥始以貢上春官試翰林吏部皆上第尚書三原王公勸其再舉會聞室人喪注湖州府學訓導以去至官嚴矩律端軌範以率諸生擇才質之穎異者躬自訓厲後相繼登甲科爲顯官教諸子尤嚴公退必親課其業有弗率則筆朴隨之故諸子各有成立官滿當遷忽若有所感飄然東歸家居治農圃課樹藝爲茅屋數楹於別業徜徉其中客至飲酒賦詩終日無倦色家去城不半舍非節序慶會祭飲訪親舊經年不一入也正德甲戌仲子岳登進士拜刑部主事先生遺書以清慎勤欽恤無

誤爲訓戒丁丑考最受封如子官有茗溪漁唱耐

菴集歸閒藁諸作藏於家卒年七十有八

壽姚程夫

先生文譽滿吳中七袞高年尚古風從此光陰過百歲何須官爵到三公烏紗籠髮穆穆白綠醕烘顏淡淡紅堦有芝蘭庭有桂老仙樂事許誰同

先生以居家理者移於官其道大行寒蠶生色尚矣聞讀書之地與敝居相望一水幼年訪其遺址不可得子姓亦無聚居於此者非一詩之遺將湮沒不彰若中丞公者早掇甲科敷歷中外隻字無傳又無如之何已

松風餘韻卷十

明

胡芳

〔上海縣志〕芳字汝載事後母至孝母苦腹胃疾卧牀第不起芳躬調藥餌中帶廁牕皆親爲洗滌家無擔石而好給宗人之不能舉火者一日肅衣冠行市中其族弟恥衣縕敝亟走避芳呼而語之曰人患行不完豈恥衣破耶遂解衣衣之以貢爲武昌丞監司重其清操擢昌化令過金牛驛題曰金牛豈是無金地只有夷齊不動心尋自引歸與樵人牧豎放浪隴畝間長於詩歌聲調逼古論議多依名節類五柳先生所著昌化集藏於家

武宋死事歌

武名尚文鎮海衛指揮使宋名釐建平縣縣丞皆嘉靖癸丑倭寇上

海
死

為國攘夷心不貳天地鬼神知有誓白刃離戈非不利
前無先驅後無繼一身敢當三百騎揮戈躍馬馬屢躓
聲鼓聲沉日西逝一朝同死豈天意悲風長號撼大樹
死為百萬生靈庇巡遠復出大明世千秋萬年有生氣

靜安教寺

翠微隱隱出層霄杖履來遊不憚遙冰柱四簷晴作雨
雪山一帶盡隨潮金鎔柳色藏高閣紅愛梅花立短橋
賸有流霞注顏色養生無意問王喬

汲井篇

輓周節婦定遠縣志正德壬申流寇陷縣婦不受辱溺水而死

小娃汲水照青絲百丈寒泉出井遲此水欲隨天地老

松風餘韻卷十

明

三

肯將清白浣臙脂

水流萬古清不斷花落井闌春畫紅憑誰汲向桑間去
洗得烟花千萬重

胡開文

郭志開文字質夫華亭人萬厯壬子舉人天啓壬戌

進士崇禎戊辰殿試烏程知縣調嵩縣陞工部

主事調知清遠縣歷刑部主事負外郎南吳舊話

錄質甫令烏程開誠待人當大計幕客曰入京設

有問及烏程酒者將以何味答之蓋諷之也質甫

曰易與也吾直云素不飲酒未知其味竟改調

寄懷雙徑大安無從禪師

欲買名山先買泉青松白石誓曾堅羨師已結跏趺地
愧我仍無負郭田蟻戰夢酣呼未醒鶴歸雲駐唳堪憐
秋江到處饒紅葉於越相尋續勝緣

吳哲

顧志哲字子愚華亭人博學善文辭尤以詩名自

號淡雲野人大為楊鐵崖錢思復諸名家所賞

夜雪有懷范玉厓叔中朱滄州孟辨

江南地薄雪併寒綠江短屋茅復單析薪束縕空燎眼
陽春不暖先生樂田家私酷常苦酸東家壚頭量子寬
山公八斗焉足醉少須暫解雙眉攢門前柳花飛作團
瑤田珠樹森闌干鄒枚僵卧竟不起對此欲賦誰同懽

松風餘韻卷一

明

四

南州俊髦陸與韓躁進誤刷凌雲翰雋才阮生急一官
肉眼不肯空曹瞞滄洲渺瀰玉崖巘阮二仙者流同余
肺肝進直任公鉤退屑淮王丹宗儒唱導富儒學妙幹
造化歸毫端廼謂仲尼顏子不死亦易事忍見後天日
月凋雙丸今夕復何夕三山皆白鷺我欲邀二仙授簡
發漫汗仙兮素愛我御風諒非難戒兒須沽客一石此
醉要吸六合萬頃冰壺乾

題西省掾王繼善望雲圖

掾郎思親仍好奇野服矯首天之涯白雲何處是親舍
吳越山橫雙黛眉當時遊釣在親側縱逐風雲上京國
一為微名歸不得兄弟無人慰顏色漫拖葵牆儼白雲

白雲聚散愁紛紛九江秋早秫田熟負米趨庭手自饋

寓上藍寺和錫公輔

遠俗依蘭若清心愛竹房淨攜蒼玉佩高卧白雲鄉近

座天花密開函貝葉香方庭涼月上隨意據胡牀

題豫章錫孝紀所藏米元暉畫卷時久不得東

吳消息

淮陽之居何處尋展卷聊復慰幽心門前鶯去春事畢

屋裏雨鳴江樹深微茫漢月墮燕草窈窕吳歛成越吟

南宮仙人獨不死白雲我我蒼山岑

遣興答李道源

徒步何憂脾肉消賦歸無待楚辭招摩挲藥籠三年艾

松風集卷七

明

五

落人裏五石瓢蓑笠雨淹滄海釣斧斤晴趁白雲樵

遊仙枕上西池月轉覺東華曙色遙

丙申三月從左公總戎臨安過南山訪楊鐵崖

先生時谿漲馬不克渡延佇口號

旂旄晨趨十萬軍衛青幕府事紛紛卧龍不遠滄溟窟

走馬來看館閣文春過名山花亂落雨晴飛瀑路難分

先生高伴洪崖嘯獨向溪邊望白雲

七夕漫成

烏鵲梁成歲一過靈風此夕度鳴珂驚釵再合駢金股

牛渚重來失素波巧落人間徵應少愁歸天上別離多

迴車月黯無消息香霧雲鬟奈獨何

過裏洋河

裏洋河何湯湯奔流百折到瀧岡沙礫灣灣里路長船

頭照見落日黃愁雲低沒雙鳬翔橋烏孤征心徬徨遙

空半作明月光涼風忽來吹我裳荻花夜白含清霜裏

洋河思故鄉

小孤山

俗謠為小姑上有聖母廟像

中流玉卓迴無羣大海雄藩自楚分

宋高宗大書額其屋曰海門第一關

絕頂薰蕕常蔽日靚妝樓閣不藏雲孤根閣直龍棲宅

亂木平鋪鳥篆文我欲維舟明月裏為神鼓瑟候湘君

吳黼

雲間人物志黼字廷章號一齋華亭人少貧苦學

松風集卷七

明

六

無間寒暑以謝姓中天順壬午鄉試成化丙戌成

進士授任縣令改滕縣陞漳州同知徙撫州賦性

剛直事上官無阿順意拂袖歸鄉有司有疵政輒

貽書責之人多不堪委諸子以田業日與故人飲

酒賦詩為樂識孫文簡於童子時以女字之所著

有一齋詩集

子燦號似齋以貢為吳興司訓

郭志吳一齋同知撫

州時鄰郡建昌富民吳萬八坐弑父大獄歲久未

決內臺以黼廉直檄下迹其實犯者以賂求免黼

怒曰我荷國恩食天祿本分之外不加毫末寧以

賊子之賂壞公法耶遂論如律時境久旱天乃大

雷雨萬八震死一郡驚異以為正直所感

贈曹定菴

座上青山檻外溪，草堂絕勝漢東西。
琴尊有客同歡賞，風月無邊自品題。
得失不須論塞馬，優游無復聽朝雞。
林泉合喜歸來早，一任閒身樂隱棲。

送別

送別驛亭邊，新正半月前。
梅花千樹雪，楊柳萬條煙。
行色旌旗動，離情夢寐牽。
早期王事畢，父老候歸船。

閒適

南北驅馳兩鬢斑，功名雖好不如閒。
竹牀石枕幽軒下，

松風齋集卷十

明

七

卧看青青雨後山

除夕

爆竹聲殘夜未央，梅花忽報早春香。
漫思身世從前事，愧飲屠蘇末後觴。
林下故人誰是伴，眼前孫子已成行。
桃符此日看重換，應領春風到草堂。

睡起

西風忽送雨纖纖，午睡醒來興未厭。
曲徑種花頻澆水，短簷通燕不垂簾。
詩成擬待高人，和老去應多俗士嫌。
門外柳條濃似染，誰識有陶潛。

九日

頻年重九客天涯，此日登高始是家。
穉子貰來村落酒，

短籬看處故園花。憑時慷慨思王粲，落帽疎狂愧孟嘉。
鶴寺龍山俱寂寞，令人千載一興嗟。

泊古城驛

驛亭依岸側，寂寞正黃昏。
禾黍高低隴，人家遠近村。
谿晴飛鴈驚野曠，集雞豚。
此夜孤舟客，淒其欲斷魂。
先生古之遺直也，一齋詩集孫文簡公序之自寫性靈和平樂易，豈有噉殺粗厲之音。

吳崧

方志崧字永高，弘治時華亭縣歲貢，杭州府經歷。送姚程夫司訓南安。

同袍合志擬飛搏，廿載雲霄滯羽翰。
愧我抱關甘薄祿，

松風齋集卷十

明

八

多君秉鐸拜儒官，沙頭野酒吟懷渺。
浦口停舟別意難，後夜月明人兩地，文星一點照南安。

吳益之

儼山集石湖在城西南，澳水之上，吳氏居焉。景物幽勝，水壤清嘉，勝國時益之以州別駕歸與兄輔之共修隱德，抗志文雅，陸居仁有石湖一曲記藏吳進士稷家益之之孫也。

石湖扣舷歌

陸宅之過石湖一曲搗酒放舟中流扣舷而歌之

桂檣兮松舟，澤之水兮東流。
委吾曲子悠悠，吾與子兮遊遊。
等萬古子須臾，渺宇宙兮一漚。
舉觥尊兮相酬終吾生，子淹留樂夫天命復奚憂。

輔之七陽韻和歌詞意相同不錄

吳 稷

雲間志畧稷字舜弼號石湖華亭人中正德甲戌聯登進士司李金華時蘭谿章楓山先生家居講明正學嘗造請以質所疑會永康右姓馬某者辱其邑令按法懲之拂上官意量移惠州又與魏莊渠李谷坪相切磋學日益進居官飲冰嚼蘗置規過樞於郡門以通民隱裁冗役節冗費立保甲釋繫囚中丞聶榮襄公移文諸郡敕賦政一如惠州蓋嘉其治行揭之為譜也因忤直指左遷長史致政歸養靜東城之垌以吟咏為事非公事足迹不入城市所著有自得園藻宦遊藁石湖漫藁破愚錄史綱纂要皇明正學編藏於家卒後數月楚侗耿公督學南畿至松登堂奠謁即秩祀鄉賢公之勁節清風能令人景仰若是寶善編吳長史歸隱東郊有司罕覩其面里舉踐更役有誤以公名報者今不知懸之榜公親往注其下曰不能為官豈堪為役今聞大愧親詣公第稱謝公終不見僅至門投一刺其雅尚如此

養浩樓

方志養浩樓吳石湖讀書之所王陽明守仁題贈倭亂賊眾登樓見書史滿架

舉火燃之不能焚若有鬼神呵護者又有石湖精舍自得園俱在俞塘

養浩樓軒敞歸登小坐餘八牕天地景萬卷聖賢書幸

免遭回祿還教倚太虛多時城寓窄還復此寬舒

吳 爰

上海縣志爰字翼夫以詩名於松高企師事之著有雪窗詩行於世

泖塔

日日春陰今日晴小舟載酒作閒行茫茫白水四隣絕落落青冥一柱擎鴻鴈影沉燈自照鯉魚風起鐸先鳴雪眉禪子忘僧臘生閱波濤幾度平

吳 丕顯

雲間志畧丕顯字希文號惺宇始姓宋榜姓周舉隆慶丁卯鄉試復姓吳華亭人五歲而孤母田夫

松風餘韻卷十

明

十

人篝燈織紵課之會遭倭變居產蕩然惟藉硯田自給兄子炯亦就課焉庚辰炯舉進士乃決志就選入授承天府通判上建壽宮徵材於楚命公督解公曰我不難運合抱之木所難者挽運萬餘人難猝辦耳兩臺為請以軍衛佐之至維揚黠商程文者以貴州運木為名夾帶私木十五萬公廉知之列商罪狀聞之淮臺商懼以三千金為賂公立麾之乃以賂清江廠主事蔡蔡入之淮臺堅持不可盡以私木入官復抵商罪賂乃出蔡深銜之公晝夜兼程八月即達都下時壽宮乏木詔以先到者為首功遂沐燕享金幣之賜會蔡以重貲入吏

部遂含沙中公遷襄府審理正楚之士民訟寃者
千餘人而公竟掛冠歸矣不踰歲大工告成類賞
羣牧又賜公白金加陞一級公因患病杜門惟訓
子姪讀書乙未春捐館痛公者爲之罷市所著有
東吳逸史一編未傳於世曝書亭詩話希文亦葉
清門一官散吏廉能著聞相傳初補學宮弟子製
青苧布爲襴衫後以授兄子太僕炯累傳及於曾
孫家有青苧亭至今存焉所著有四留軒集

題襟江樓

纔解春江曉帆懸碧樹秋開牕千里月近檻一江流草
色迎芳渡歌聲逐去舟十年湖海夢猶是愧沙鷗

吳次仲

次仲一名之仲字青蓮號吳江少習舉子業一試
不合即棄去銳志攻古文詞洞無涯岸多四方交
易簣時呼其子曰公子王孫芳樹下清歌妙舞落
花前唐人有如此意興語乎稍間遂端坐以逝

過周山人南園即事

閒治山陽園春深採藥苗無機抱甕汲有道帶經樵杯
裏青山過琴中白雪調庭前餘桂樹堪作小山招

吳楨

郭志楨字永錫初名天循嘉靖己酉潮之孫青浦
學選貢天啟甲子舉人崇禎辛未進士翰林院庶

古士編修

留幻住山房讀又玄禪師白雲集金剛補注昔
而有贈

白雲梯我叩禪關詩句何心體自閒不壞金剛叅色相
長明慧日喚癡頑麻衣法徹新黃海皓首經行古雪山
去好開獅子座松枝留取異時攀

吳昌

字昌白華亭人無聲詩史華亭吳振字元振號竹
嶼寫山水宗黃子久董北苑倪雲林數家而於子
久筆意尤所擅長予見其仿浮嵐煖翠等幅皴染
淹潤能取韻於筆墨外真士林之作也雲間繪事

自董宗伯爲文人建幢於是崇雅之士競趨秀逸

第躡迹則涉於膚淺若竹嶼者可謂接雲間之正
派者也子某亦能傳其家學

潘琴臺屬余寫伴竹居圖設色竟餘興猶未已

追效白香山體戲題一篇系之
見武林潘敬亭所藏伴竹

卷圖

衆羨子潘子頻年伴竹居今初拮据成遂以顏新廬圍
合綠茫茫拂雲千竿餘洞房開窈窕几榻陳琴書清響
有天籟輕風生坐隅曲徑繡古苔寒泉鳴階除氛埃盡
滌蕩身心皆安舒乃知靜者樂迴與城市殊余從訪覽
來心賞夢寐俱潛覺道力長彌欣塵慮祛曉起恣盤礴

繪圖成一區置君碧牕中儼然山之癭展視相發笑謂可醫凡愚

蘇恩

雲間志畧恩字從仁號一齋華亭沙岡人幼孤賴祖母薛育之於成年二十一出應科舉即獲雋是為弘治甲子至正德戊辰成進士出宰秀水去家不百里姻故造請戒門者勿入謁監司無俯仰柔媚之色上官亦嚴憚之禁抑豪右有犯即繩以三尺令不得少逞豪右遂誣公不法若干款監司亦擬文致露章比按驗無絲毫實名益起徵拜御史侍宴殿中會錢寧江彬恃寵驕縱赴召後時公劾

蘇恩

明

主

之不省因乞終養歸丁薛太孺人憂服除諸閭暨相繼斥戮復原官出按四川巨族有侵踞民田者奪而還之仍黥其奴以示創同年友為屬吏以贖貨聞摘發無容隱人咸側目遂引疾歸逾四年復起按東粵或舉蜀事為戒笑曰薑桂之性不能脂韋事人也及至籍寺田歸之有司嚴飭郵傳省其濫給之費英德令有與援而墨聞風即解綬去為時相所嫉倡立新法檢察臺諫因坐免歸自度與世寡合退而掩關却軌郡邑無問遺之跡賓朋無宴飲之歡意有不平寄詩歌以自遣長篇短句勁骨猶存嘗讀唐侍御蘇渙集歎曰吾與渙同姓同

官又同好靜獨詩不逮耳計公筮仕以迄致政凡

二十年服官之日什三休沐之日什七也

南吳舊

按粵東通解大盜數人至院吏唱名一賊與一齋姓名同吏遂巡問唱作蘇恩下無應者一齋得其故徐曰粵東蘇恩作賊本院是審賊者何嫌之有乃叱吏而自听云云

水月禪院

院在嘉善縣治西北三十六里宋紹定間建

平生最愛水中月今日來過水月菴月色水光無限白

對渠非我問誰堪

端州行署

虛館坐來久新愁思轉長天時正炎赫樹木動清涼白鶴當牕舞黃柑隔院香素餐無以報萬里幸康強

同王宗伯遊翠巖

松風餘韻卷十

明

古

龍崧迴合引丹梯繡蝕離懸紫翠迷自是春卿能選勝磨崖天外幾遊題

傍石穿林好卜居十年踪跡倦遊餘閒身合寄青山傲靜看巖雲自卷舒

先生曰吾與渙同姓同官又同好靜獨詩不逮耳按渙知非變節復煽亂致誅似非靜者不以稱於少陵而恕之變律詩筆力古邁誠非先生所及而知剛知柔優游考終賢於渙遠矣

松風餘韻卷十

松風餘韻卷第十一

目錄

明俞允 三首

俞悅 一首

俞宗大 一首

俞琳 一首

俞明時 一首

俞汝為 八首

俞廷諤 一首

俞顯卿 二首

奚昊 三首

松風餘韻卷十一

目錄

一

盧浩 一首

倪邦彥 二首

倪甫英 二首

倪家猷 一首

西寧 二首

松風餘韻卷十一

胥浦姚弘緒聽巖編次

俞允

湧幢小品允字嘉言華亭人洪武二十七年進士拜楚府紀善改魯山令尋遷禮部主事奉命使楚坐還報失期謫判長沙少時為人疏節倜儻不羈然能力耕以事其父父性樂施嘗有羽衣道人策杖過之謂允有奇氣異時當奉大對為天子命吏始折節為儒補博士弟子是時江南甫定經學失傳允獨得三傳於蠹簡中玩味久之欣然有得乃以春秋舉畿內高第至是果舉進士歷官如道人

松風餘韻卷十一

明

一

指六世孫汝為舉隆慶辛未進士雲間志畧俞嘉言初名允號山月太祖改其名為永遂以永名初授魯山令愛民如子視事如家有循良卓異之望徵入為修史官禮部祠祭司主事凡纂輯編纂經公手刪定者足成信史館閣諸公皆仰重之革除後不復出仕隱居鳳凰山讀書樂道鼓瑟彈琴宴如也志稱允召入史局在永樂初茲云革除後不復仕似誤公為方正學門人正學被難有幼子德宗方九歲隨母航海從青村所登陸投公因收匿舍中冒俞姓以養女妻之後建正學祠祀方以公配食葬在佘山之騎龍堰稱俞主事墓者是也南吳舊話錄嘉言好大言鄉

里小兒羣謂之僅笑而不答元至正間三傳久廢
置嘉言獨沉潛反覆人又謂之曰此書避嫌前輩
不談久五父之衡賣平天冠將誰汝售嘉言曰經
義亦有幸有不幸百年沉晦光惟復生此其時也
及江南甫定乃以春秋舉畿內高第說者謂其文
如生龍活虎方志豫章劉子欽曰嘉言少好學即
與袁海叟陶宗儀陸達夫陳主客伯仲結詩社社
中呼為小友其山居詩有池草生新句禽言得異
名倚松招鶴舞冒雨問花安晨炊野鳥呼夜戶生
麋守花底課書嚴隊伍山中吹簫奏笙竽青蛇作
龍匣底鳴翦取吳江千尺水達夫嘗稱之曰俞子

樹風錄卷十一

明

二

穎秀咄咄逼入所謂生乎吾後其聞道也吾從而
師之洪武甲戌中制科人競指曰此咏匣底青龍
者推重如此所著有俞氏世系山月軒讀書記春
曹詩葉附錄方志方外傳白鶴仙不知何代人洪
俞彥達顯之家願之子允少好學術見而心異之
嘗持數百錢邀之飲不令翁知也當壚者以美器
進痛飲憤甚頃之允起更衣道中者碎其器於地酒
家噪而前道者笑曰試覓之市中見博者有器絕
類一博得之博徒憤甚聚十數少年爭來求博道
者必奇勝衆不己乃挈一樽水出百錢喝云汝
欲背耶抑字耶信手撒去百錢鏐水出百錢喝云汝
雖立牆外隔垣投之無不貫鏐上衆始驚訝而散
允益心異之請學其技道者曰子有奇氣當奉大
對焉天子命吏是不足學允遂折節讀書以春秋
第三入登進士官禮部主事謫長沙判未至暴卒
七日矣忽有醫者負藥而至或戲之曰寺有死者
可復生否曰可入取膏囊一粒納之口中有頃嘔
數聲竟起家人大喜競以金帛酬醫醫不受曰昔

嘗館其家我故人也再問姓名第六長沙有白
鶴大仙廟蓋往修之乃知少所遇者白鶴仙云又
貝翺山月軒記風華亭之山有九其最秀者曰鳳
若千極蓄書數千卷日誦其居在鳳凰之麓有
休其勤篤若此或天高氣清海月東出四鼓弗能
始親所謂清虛歷歷可數欣然有得不待假神仙而
之遊京師中進士第擢為行人將命四方西經太
華周流終南太白東抵岱嶽行入將命四方西經太
阻蒙犯霜露非其所堪而嘉言署無羈旅無時之
色後為吉安幕長其所改州府大江觀其無時之
庭窺蒼梧泉謂幕職位下簿書事煩非其所任而
嘉言裁決無滯肅傲自若如在山月軒時也或以
為山月遠祖清老常有猛虎一聲在山月軒時也
賞於蘇文忠公軒之得名其以是與嘉言屬余以
言故書
以為記

泛長水登浮屠夜坐

谷水連鰲室孤踪此浪遊去來分半席離立湧中洲野

樹風錄卷十一

明

三

曠天俱入潮平岸欲流滄江有歸老無復問丹邱

題米南宮雲樹山水畫卷贈葉宗行

遠岫送流水遙林拂層雲百川皆朝宗一峯迴出羣棟

梁奇巖穴慶喬慰黎民吳淞久淅滂聖主深憂勤治水

不殊績授官報奇勲會得圖中意永以持贈君

題倪雲林畫

青山隔橫塘疎樹散幽徑山中人未歸閒亭秋色暝

俞悅

泖塔記悅字士怡嘉言允之子別號樵雲道人曾

於鳳凰山山月軒之左種桃千樹自號千桃公

泛泖

長谷之水何盈盈流雲澹蕩烟波輕天晴梵石忽隱見
山僧說是由拳城沉淪尚有水虬在蒲梢荇帶紛縱橫
振策高歌瞰龍窟江城幾處空留名歸來已結投竿侶
對此復與沙鷗盟五湖非遙谷水清何人識得扁舟情

俞宗大

上海縣志宗大字養拙上海人曾祖彬仕元爲浙
江省檢校始居上海竹岡西族盛大人呼爲俞莊
叔仲幾工書宗大善楷法永樂間以薦授中書舍
人歷吏部郎中致仕進階四品年九十餘卒子珙
皆能書珙由翰林院秀才授中書舍人正統中沒
土木之難順以郵廩爲國子生終南京鴻臚寺寺丞

松風餘韻卷二

明

四

送王公玉和魏南齋少宰韻

離杯飲罷別沙頭刻盡江山入壯遊日印玻璃三泖夕
雲橫翡翠九峯秋漫沽豐樂橋邊酒且洗秦淮客裡愁
許我乞身重訪舊綠蕪南浦放扁舟

俞琳

方志琳字世美成化初館於曹氏曹爲仇家誣奏
謀爲不軌上遣內使密偵之親朋驚散琳獨不去
曰忍令善良受禍獨計其家止廳堂違式耳乃移
佛像其中以香數斛晝夜薰之榜其門曰佛安清
淨處人樂太平年事乃得白主人以黃金厚酬之
揮去曰何乃污我遂解館歸成化癸卯舉於鄉與

張弘宜友善東海公贈以詩曰記得曲江春宴裏
好尋爾祖舊遊題府志科目琳乃洪武甲戌允之孫也謁選得臨江
司李陸文裕公稱其富文史識理道平反獄情能
目聞耳受手揮口駁號稱廉平旋以病免官僅數
月耳

偕顧太史東江渡泖口占

泖色橫秦渡鐘聲入漢津依微山翠合中有釣鼈人
俞明時

雲間人物志明時字際之號寅山弱冠廩於庠七
試不偶隆慶辛未子汝爲舉進士即日棄諸生直
指李表其廬曰高士累封南駕部郎布袍藿食不

松風餘韻卷二

明

五

異疇昔惟誨幼子澆花飼鶴而已雅好養生家言
延接方士相與印證期修齡之術七十三猶舉子
素髮丹顏望之若神仙年八十二正襟危坐而逝
少時拒鄰女之夜奔又莊有盜者六家捕覺得之
願自鬻以償公焚其券舍之隱德類此

秋日偕仙侶閣希言遊長水院

清秋狎同侶汎汎湖之湄四顧芙蓉峰半染梧桐枝繁
霜入兩髯照耀清漣漪衰颯旣無補浮雲竟何爲維舟
訪孤刹曠然悰懷怡中庭有柏樹觸目成我師何處發
潮音傑閣凌參差宴坐忽欲暝滄波鎮相隨風鈴倚幻
住竹杖影空移流水誰能辨遊魚心自知

俞汝爲

方志汝爲字毅夫三歲失母父明時親哺之從膝上授句讀乙丑天臺耿公拔置郡庠卒未成進士爲山陰王文端公所賞拜德化令縣當九江孔道弱者病貧瘠獷悍者多出沒荏苒中乃授方畧縛渠魁釋攀染錄絕產金以代圖籍之費截歲餉萬石貯之義倉以備兵荒不二年縣大治議築郭州堤自小池西岸抵德化嘴延袤三千八百餘丈疏山鑿石下竹爲槌壘小池口水門一區崇三丈濶丈餘旱潦蓄洩邑民永賴稱爲俞公堤丙子丁內艱服除補壽陽旋調繁建德當路倚重日下檄旁

松風齋集卷十一

明

六

刷他邑牘如雨浙清文編僉以一人總攝三邑不旬月告竣擢南駕部清虛詭捐破冒歲汰金錢粟帛以萬計壬辰出僉山東憲請罷張秋稅局會島夷躡入朝鮮大括兵餉汝爲曰朝鮮文弱宴安故外寇擣虛而入今以土著合援兵倭且求退不暇若名號不逞之徒坐糜不貲之餉祇自斃耳治不五月而留都之讒言起歸侍王父養九年補沁陽州自沁割隸汾八載饑饉相仍乃與當事反覆辨難卒復故隸而興學校賑饑荒撫流移修文中子祠創州志皆政績可記者外而大小臺使內而銓曹屢以監司疏薦皆不報因患痺疾而歸去之日

萬姓遮留香煙燎天歸一年而有南工部之命已堅意高卧矣所著有皇明史稗黃河考杞籌荒政要覽泖塔記在音集留樞葉銅鞮葉藏於家卒年七十有一鄒元標曰杞籌一書吾友俞毅夫筆也憂船政破冒則疏節省十事憂河流潰決則疏開鑿八款憂國本則上書王文端以至家鄉之賦役水利人心咸有論列陰爲補救誠經世之書也感由拳遺事

血濺非無淚鳬飛作泳鱗故宮悲浩淼虛閣自嶙峋色本空爲界山因水結隣平原何處宅流睇獨傷神旅泊遇雨

松風齋集卷十一

明

七

微雨生新溜帆收夜未分漁燈初散影客舫自爲羣林護歸枝鳥峰含出浦雲寂寥誰共語菱唱杳相聞

人日

歲月人爲日風塵客是星上林春色早不見柳條青

題菊

百卉驚秋晚黃花獨後時亭亭傲霜意不與衆芳知

湖上遇雨

荷笠攜樽坐柳陰段橋千尺水增深黃鸝無數花間舌散作江南苦雨吟

送周元孚使事還楚

昔日肝君詩今日留君處盼君君不來留君君欲去將

軍抱印趨虎符津吏停舟待牛渚西風颯颯吹海濤須
與帆影分吳楚人生百歲能幾時那能歲歲成別離容
顏一別一回老每向江頭泣秋草江頭春色不久歸願
使芳心各自保

登石門

逕轉湍聲急崇巒勢欲奔飛泉晴亦雨曲徑石為門淅
瀝寒偏早嵯峨日易昏臨風懷謝客碑滿綠苔痕

宿山寺

偶依樵徑轉寄跡梵王家疏溜風含細虛窗月半斜倦
來書作枕話久蠟生花明發乘餘興扁舟向若耶

在音集詩近平易如樹色隱蒼煙苔痕沒紅雨竹

松風餘韻卷十一

明

八

染溪邊綠山舍雨後青三山祖帳聯千騎萬里秋
江羨一鴻萍捲浪花鷗影沒柳含山翠鳥聲迷夾
岸風濤驚客夢滿江風雨負漁舟亦經錘鍊而出
者

俞廷諤

郭志廷諤字彥直僉事汝為子天啟辛酉恩貢順

天副榜甲子中式以博雅稱於時陳繼儒修郡志

廷諤實佐之客諧偶鈔松郡志書昉於宋元至正

是廷及本朝紀事多關崇禎改元郡侯方為修議

其事聘陳眉公徵君同有學識者數人設局東禪

寺凡百年之內與革損益人物官績之類悉羅入

編錄而田舍翁某備偶有一事亦錄錄竄入

孝子順孫填街塞巷其有遺溺者又有志餘通前

事多重複字多訛謬刻板既就侯忽疑之又命孝
廉俞廷諤訂閱稍為進退重刻置郡齋而事始就
緒又百年後不知誰司其
局反博就約此要議也

為宋子建悼亡

燕婉符彤史辛卯元豆觴鹿車閒竝挽鴻案儼相莊陶
瞿真同志瓊蘭共擷芳頌椒兼咏絮調瑟且吹簫錦字
諧宮徵鍼神約綵裏中閨欣解佩夜壑忽舟藏大暮隨
晨靄先秋遂萎霜梁塵埋寶鏡簾月黯殘粧花落留苔
步驚飛失女牀天孫邈河漢湘女騰明璫恨不遲魚翟
何時挹桂漿魂兮遊閨岳玉也賦高唐白水歌猶在清
宵發掩芒擬尋懷夢草難得少君方余亦憐羅蹇因之
感悼亡安仁悽愴調今古重悲傷

松風餘韻卷十一

明

九

俞顯卿

雲間人物志顯卿字子如號適軒上海人嘉靖辛

酉舉人萬曆癸未進士授刑部主事所著有國朝

史輯五十卷韻府通義四十卷春暉堂集十二卷

倚廬雜草禮雲編二江藁千里游藁吳淞漫藁和

陶詩各一卷並藏於家無子卒年五十四明史藁

俞顯卿官刑部主事嘗為屠隆所試心恨之因隆

與西寧侯宋世恩兄弟宴飲甚歡乃訐隆與世恩

淫縱隆上疏自理并列顯卿挾仇誣陷狀所司乃

兩黜之列朝詩集時隆在部曹放情詩酒西寧宋

宴男女雜坐絕纓滅燭之語喧傳都下雲間雜錄

此即俞適軒壯而無子一方士曰得巨龜剖其腸

以和藥可生男也俞即遍求先是常州市肆家畜一龜大如盤解人意飲食呼之即至有見之者潛得以獻俞大喜酬以重價命方士剗腸和藥是夕夢烏衣人索命後方士藥成俞以一七入口時亦居數日方士亦得惡疾死

丹鳳樓

獨躡名樓思渺然芙蓉雙袖濕蒼煙黃龍飛躍延津劍
丹鳳迴翔弄玉仙吳地東南當海盡幾輪咫尺傍城懸
馮蘭欲問彭城宅歌發滄浪漁父船

贈周逸之

古人手墨愈久愈湮梅墟道人性嗜古力學
二十年見寶翰流傳人世者輒為臨池豈惟
色肖直得骨髓真赤縣中大奇士也庚寅秋

松風齋集卷十一

明

十

暮遇道人於周公瑕齋頭獲觀墨刻數種贈
以短章而併為之記

五花千古文卿筆一入侯門禍似秦却有良工心獨苦
願於金石發精神

奚 昊

雲間志畧昊字時亨華亭人九歲就外傳囊金為
學資有婦人道哭問之曰家貧鬻絲得百錢遺之
舅姑無以為饘粥昊即以金子婦父疾刺血額天
求以身代舉成化戊子鄉薦明年成進士授刑部
主事遷貢外郎勘貴州獄稱旨進郎中乞歸省遂
就養焉居數月會瑞州獄作事又劇昊受命往訊

日奔走勞瘁道卒年三十六昊幼時母析資悉以
讓兄冕所得俸金必分族屬為比部時同年董令
去官道遇冠為館穀給綿纈厚贐之使經景州故
寮劉判官死五年不能舉昊葬之且卹其家平居
恭遜尤嗜學喜臨晉唐書詩文有奇思多著述李
文正東陽志其墓五世孫士龍字騰甫崇禎十年
進士授景陵知縣遷德安府推官捍禦流賊以勞
得疾歸卒

闔閭城

錫山景物畧注見
曹時中詩下同

姑蘇原是僚王國城郭無端屬闔閭尺土終非身後物
荒村留與越人鋤

松風齋集卷十一

明

士

胥山

春風牛背雨初晴落日蒼茫艸樹平牧笛也知亡國恨
數聲吹出子胥情

伍相祠

湖上遊魂不可招古祠落日樹蕭蕭君王莫信讒人口
枉殺忠良國勢消

盧 浩

字克之雲間人見伴竹居畫卷

為潘琴臺畫伴竹居圖因題絕句時壬申清和

月也

卜築湖山隱自豪數竿清影伴吟毫高標素節摩雲翠

尤喜堦前見鳳毛

往余在史館武林潘敬亭挾方寸鐵遊京師介友人索題伴竹居畫卷率爾應之不復記憶矣後敬亭來雲間出前所題畫卷示余知爲乃祖琴臺翁所遺也且曰如此者軸凡十有幾卷不一圖圖不一詩都海內名公妙繪及佳詠也今爲子姓分藏其所受者僅此展開竟幅得松人之畫而綴以詩者吳昌陳鉅昌及浩而三三人不聞以詩畫名峰泖間而點染直逼大家詩亦工穩絕俗韻可謂兼擅所長矣因知此外諸卷松人之作必多惜敬亭不能盡攜於行篋得悉入此帙中且爲畫苑光也

松風齋韻卷二

明

主

姑誌之以俟後晤云

倪邦彥

據目抄邦彥字伯獻號雷寰弱冠由博士弟子入賢爲國學生以數奇八躋棘闈遂謁選授光祿大官丞會穆廟覃恩得封乃考新溪公有子甫英業領順天鄉薦公喜曰親沾寵命子列賢書可自慰矣奚必躋巍陟臚爲也旋擢桂林別駕即致政歸居鄉嫉俗之誇麗蕩軌淫窳澆墮欲以古道力挽之因更號一澆子取嵇中散所謂爲稼於湯之世必一澆者后枯之義也以故賑貧恤孤不惜傾橐有平仲希文之風島寇起海上議城役兵與有司

計無所出公首義曰卜式賈人子耳猶能爲縣官輸粟入邊況吾輩耶即捐貲佐之時里中幸免倭患實推公之功居多公嘗仿應休璉之義作百一感詩一卷行於世唐太史文獻讀之比於蟋蟀簡子諸篇識者服其知言云年七十餘卒

天門

巖頂天門似劈開環看聳極應三台簾垂飛瀑珍珠瀉爐送薰風紫絳來絕壁松樛雲影散晴林鶴舞月光迴玉屏春麗明仙掌蓮闌金花點碧臺

汎泖

南來澤國水連天夾岸風微瀉碧連九點烟巒晴歷歷

松風齋韻卷二

明

主

數重煙樹畫芊芊漁歌縹渺雲中度塔影孤清鏡裏懸爲憶蓴鱸歸計早臨流差不愧前賢

倪甫英

字華月上海人桂林別駕邦彥子也隆慶丁卯順天中式象山縣志名宦傳甫英先令分水有卓異聲會象令關當路以繁劇調公至象土瘠而民玩難治公一意節嗇拊循不事追呼而徵徭樂輸者恐後邑故弊數奸胥爲政公歎曰病在版籍廢也乃極心較定經賦全書宿蠹立掃至若置田贍學積穀備荒練兵振武詳邵太史景堯碑記

泖塔次林太僕韻

高閣凌虛天際浮陰草樹午生秋直窺赤鳳三江下
倒挂青螺一鏡收漢影微茫銜澤國禪燈縹緲隱漁舟
勝遊況是神仙侶空倚山城望斗牛

沈幼漁招飲西湖別業次王學憲韻

陸氏當年有瑁湖時時舉網肅庖廚於今水面皆徵稅
誰許遊人作釣徒郢曲漫賡無好句清樽欲倒任歡呼
看山勝會慙非侶潦倒歸來日未晡

倪家稍

郭志家稍字元錫隆慶丁卯甫英子上海學萬厯

甲午順天中式

題泖塔

三吳到處稱佳麗選勝無如此地雄水接長天疑欲墮
岸依巨浸望還空茫茫烟樹迷歸鳥曲曲沙堤護曉風
況有樓臺銜蜃氣舟人指點是仙宮

西寧

汀州府志守南都司西寧金山衛人弘治二年任

征汀漳寇有功知府吳文度為作平南寇賦以美

焉瑞芝堂詩序張東瑞芝堂者在金山衛指揮西

寧宅堂作於成化壬寅又明年甲辰芝生於東楹

之楣咸以瑞芝因名其堂寧字孟清自少講學與

章繼之士遊

仙斗巖

縣南山崎嶇石捫
俯視城中盡在目覽

危樓萬仞倚天成快我登高頂上行山勢空遺朝斗極
仙壇無復步虛聲松杉鬱翠嵐光合臺殿生涼暮雨晴
回首神京天咫尺朝陽丹鳳盛時鳴

龍巖雨霽

武平縣溪山八景
之一即龍巖

公餘到此幾停車對景成吟適自娛雨過峰頭爭獻翠
泉飛簷外亂拋珠偏宜元亮登舒嘯只少王維入畫圖
莫謂武平邊鄙地城南十里有蓬壺

勝國時以軍功世職者不一族縱嫺韜畧未敦詩

書若西君孟清素喜與文士游分守汀漳輕車小

隊觸景抒情讀朝斗龍巖二詩氣雄神暇宛然裘

帶風流足令堯蹇生色同時又有侯君名繼高其

松風餘韻卷十一

明

五

先名端者多謀善戰永樂間倭寇金山以單騎殲
之殆盡繼高為粵東參將馮元成稱有大帥才倘
亦知稽古者與故連及之以俟訪其遺篇

松風餘韻卷十一

松風餘韻卷第十二

目錄

明陳楨 二首

陳裕 二首

陳詢 六首

陳璧 五首

陳浩 二首

陳璠 一首

陳章 十首

陳良珊 二首

陳良瑚 一首

松風餘韻卷十二

目錄

陳雷 七首

陳冕 一首

松風餘韻卷十二

陳楨

胥浦姚弘緒聽巖編次

〔額志〕楨字景祺華亭南橋人宋康肅公十四世孫也洪武中以稅戶子弟舉爲禮部主事有能聲嘗大廷議事衆不能決楨徐進剖析數言而定上嘉獎而器之俾攝部事諭之曰卿見事敏四司之事宜悉知之楨益謹飭不敢怠坐齊麟事謫戍金齒未幾召還授五軍斷事官丁艱起復上疏乞終制服闋陞主客貲外郎出知湖廣襄陽府時荆土大蝗獨不入楨境永樂初召爲鴻臚寺少卿治水東

松風餘韻卷十二

明

吳陞河南右叅政黃河決勞來有方民不失業盜發汝寧將窺汴楨以計離其黨與困其首張子誠等千人於均山降之兵不血刃而定賜敕獎勞秩滿乞祭掃忤上意謫知交趾邱溫縣時方暑南中瘴癘甚或勸緩行曰死生命也何瘴癘之虞至縣一月卒年五十五方志作五十一上聞而惜之後八年其友胡士文請於掌交趾藩臬事尚書黃福始獲歸葬四子謨詢誥諫詢別有傳〔方志〕賢達傳〔楨〕知襄陽冬月往謁巡撫時天寒甚泊舟傍岸遙望田中有稻一枝長而甚青異之登岸諦視乃從骷髏眼中出疑事必有寃遂想韓道清姓名令人偵緝限以

口期經者至村肆中沽酒見一人市肉求益店主
曰我有名韓道清賣肉不須秤遂擒之解賴鞠治
骷髏即道清謀殺者遂寘諸法永樂初蘇松諸郡
洪水為患賴奏疏范家浜通要津以甦東南民困
得旨命賴與戶部尚書夏原吉貢外張賓賜縣令
榮宗行四人矢心共事起浙直兵民十數萬疏決
壅滯自松江黃浦東北以達於海水患乃息又詩
品景祺有晉字韻詩陶南村諸公皆和之陳詩云
雨收郊外禾千頃潮落磯頭水半留陶詩云松頂
雲開晴放鶴溪頭潮落晚移留俞嘉言詩云庭前
洗竹閒留錨池上鉤魚不用留弟景容詩云黃犢

松風齋韻卷十二

明

二

遠歸秋雨笠白魚初上晚潮留詩卷藏俞彥直家
楊士奇賦得滄浪送陳景祺之襄陽知府詩曰漢
水帶襄城滄浪舊有名分符來五馬如練照雙旌
滄涉思為楫聽歌想濯纓須令郡人說堪比使君
清

附錄方志志餘陳禧字景道號起潛華亭瑞溪里
權奸上怒命力士打數爪不死謫戍雲南欣然就
道表季中贈其弟抗詩曰阿兄自是瑚璉器廟堂
之上宜先登一朝抗疏犯天怒
承恩遣戍雲南征士論壯之

浙江治水夜宿道場寺奉次前都御史韻

山寺僧歸起暮鐘坐起塵世景難同松牕影落紛紛月
佛殿香飄細細風直造禪關欣有逕分持使節愧無功

遠公為識攢眉恨不放尊中醪酒空

和弟景容見寄韻

重把離懷託錦箋征鴻飛去意茫然要知客裏愁多少
謾數書中字幾千汴水春行花夾岬吳山晚望翠浮煙
情深何似來相見夜雨挑燈酒共傳

陳裕

方志裕字景容禎之弟也洪武丁丑詔訪俊髦邑
令王公輦舉徵試尋樂觀光春日書懷賦援筆立
就郡公為之側席忽以母喪歸服闋詔徵固辭不
就所著詩文甚富積德累善至老如一日年八十
一卒於家裕博雅好詞翰遣子從俞山月學即為

松風齋韻卷十二

明

早

館甥居恒與陶宗儀顧謹中俞山月唐涿州分韻

酬答有倡和集書法趙吳興時稱能品

次韻答姚原升

不見尚愚叟幾回勞我思他鄉身似寄故國夢同歸露
冷催砧杵風高急鼓聲登樓重回首日斷塞鴻飛

寄兄景祺

東風無便寄雲箋西望關河思渺然白髮相催年半百
清頻一別路三千杏花門巷聽春雨楊柳樓臺倚暮烟
征鴈已還巢燕至歸期何事又空傳

陳詢

郭志詢字汝同華亭人由進士為翰林院庶吉士

以才氣自負久不得調時同鄉沈度爲學士諷使
少貶損詢面斥之太宗聞而賞其剛直尋擢編修
侍立太孫宣德間陞修撰英宗初啓經筵詢爲講
官纂修宣廟實錄成陞侍讀秩滿陞侍讀學士坐
累黜知安陸州正統乙巳召爲大理寺少卿巡撫
大名諸府景泰初改太常寺少卿兼翰林院侍講
學士經筵講讀尋改國子監祭酒天順二年致仕
卒於家顧志名臣傳詢早失怙事母以孝聞性峭
直寡言笑平居儼然飲酒能多而不亂在官處僚
友和而不同人不敢干以私秉道嫉邪蓋出天授
正統中中官王振怙寵公卿皆下之劉忠愍李文

松蘿齋集卷二

四

毅忤之皆得奇禍詢絕不與通振銜之故有安陸
之謫方是時詢直聲動天下人皆爲危之而詢怡
然不以爲意主考兩畿判國子監獎拔士類甚衆
若嚴銓邱濬楊繼宗彭韶施槃輩後皆爲名臣卒
年六十六贈太子賓客所著有忠孝集翰林院藁
朝天奏疏督撫奏畧思親堂藁拙齋集歸田錄暖
妹由筆陳祭酒詢先任翰林忤權貴出爲某州同
知同僚餞之爲酒令各用三字分合以韻相協以
詩書一句終之陳學士嶺云龜字三個車余斗字
成斜車車車遙上寒山石徑斜高學士毅云品字
三個口水酉字成酒口口口勸君更盡一杯酒陳

自云龜字三個直黑出字成熟直直直馬往而不
三黜

思親堂

庭前喬木凌雲高層層綠葉攢枝條枝葉凋零樹欲
撼搖無奈風蕭蕭風蕭蕭幾時息有子聞之淚盈臆
嗟欲報親不存但見孤墳長荆棘

輓李安人葉氏

賢郎歸省始還京誰意安人隔死生縫線在衣身自去
素絲成錦畫空明愁添墓草年年色淚墮林鳥夜夜聲
惟有千山原上石敕文千載著恩榮

傳臚次韻以下徐錫

松蘿齋集卷二

明

五

金殿傳臚曙色晴綠袍新著荷恩榮榜懸龍虎分三甲
樂聽簫韶奏九成焰焰旌旗雲漢影珊珊環珮鳳池聲
餘生深愧誠何幸千百叢中第十名

瓊林宴

金闕恩霑雨露濃瓊林寵錫宴東風宮花壓帽呈春色
御酒盈尊泛蠟紅絃管調和聲繚繞官僚歡慶禮從容
日斜半醉多清興疑在蓬萊境界中

奉和叔父景容公見示

拜別頻看月建寅鄉情應勝宦情新桑榆景薄瑤溪暮
雨露恩涵玉署春清夢通宵遊竹塢丹心竟日對楓宸
鱸魚正好供尊酒却歎無由把釣綸

歲暮述懷

僑居一室總蕭然旅食京華二十年歲暮漸添新白髮
家貧還守舊青氈官閒已少酬詩債客至多無貰酒錢
塵事紛紛俱不染五侯車馬任喧闐

孫倩徐錫瓚告余南梁有陳祭酒祠年久後人鬻
而撤之是夕聞祠中鬼泣聲先生靈爽之憑尚在
俎豆區耶生性峭直在翰林時忤權貴外謫廖道
南贊之曰秉德惟恒履險不傾非虛諛也諸詩質
實如聞太古希聲恐好今樂者終不免於欲卧也

陳璧

陳璧字文東華亭人少穎悟尤善書篆隸真草

松風齋集卷五

明

七

流暢快捷富於繩墨洪武間以秀才任解州判官
調湖廣彬州卒郡人學書者皆宗之楊維禎古窩
記畧至正丙申松郡燬於兵吾右鄰陳叟國寶珍
之居歸然獨存其由來蓋百餘年矣因以古窩名
之子文東時時謁吾門閱古籍談古道學爲古文
章則叟之尚古而拔流於市井中者非徒一棟宇
之古已也

聞笛

官舍殘燈後風清笛韻哀可憐今夜月吹落一庭梅怨
入寒雲斷聲催旅夢回不堪愁裏聽鄉思轉徘徊

晚登城樓

倚樓遙望處斜日照前川庾嶺無來鴈牂牁有去船雲
林通鳥道烽堠息狼煙故國杳何許那堪聽杜鵑

遊泗州龜山寺

龜山寺裏訪遺塵鐵佛苔封文六身追蠡有銘楷甲子
支祁無害念庚辰渡淮獨鳥斜斜日送客飛花渺渺春
暫倚高風一回首白雲如海正愁人

題淨林寺壁

急澗無停流行雲那得定不息奔競心山林亦非靜

題彥皋純軒

芙蓉花冷煙雨雨鯉魚風生紫萼渚軒前秋容浩無主
江人倚櫂烟中語纖莖採香花漉漉冰絲齊穿水晶綠

松風齋集卷五

明

七

蔬有羹菰有米絲衣捧壽阿母喜平生宦情一杯水

陳浩

選舉志浩字仲智永樂乙未文璧子也正統壬戌
進士歷工部主事負外郎臨江知府

龜潭夕照

祁陽八景之一

漾漾靈湫浸碧空景宜吟眺夕陽中霞光靜濯冰壺錦
雨氣低垂寶鑑虹漠漠暝烟浮碧草依依寒色映丹楓
須臾倒景誰能續點點漁燈隔岸紅

登岳陽樓

房櫳隱隱俯清流六月含風似早秋野迴遠天垂草際
湖空明月起烟頭多情尊酒表宏渚適意詩歌庾亮樓

應是平生有仙骨此身今日到瀛洲

陳璠

字公美華亭人正統辛酉舉人乙丑進士御史景

泰三年巡按河南

遊百泉讀遺山詩次韻

輝縣志百門泉源山蘇門山下泉通百道故名

詩曰汲彼泉水又曰泉源在左即此一名衛源以衛之河發源於此之蘇門山在縣西北七里一名蘇嶺一名百門山即太行之支山也晉孫登隱此

崑崙山頭望西域星宿海出萬里奔黃河我從大梁向北渡急走平陸千盤陀太行東偏林麓美此身未到心先過蘇門山前百泉上鉅儒碩德何其多紛紛嵇阮流寂寞澗之阿瀛洛起飛溜洙泗仍揚波清明本自作冰

松風齋集卷三

明

八

鑑甘冽不產堅甲鼉鸞音仙客嘯俗駕山客訶馮夷畫驚星倒影鮫人夜泣珠翻荷一空懸磬山中寫天地萬物俱包羅酒未微醺口先吟哦此詩一出世莫解高峰千仞同嵯峨昔年曾一遊湖南洞庭君山十二螺豈如此山此水秀而潔當時學士問道肩相摩巖巒磬磬研盤空碧草木茂鬱深婆娑淹潤沒骨染光瑩青銅磨諸賢忽長逝吾道方蹉跎高山流水已絕響子期死後空雲和中州熙熙時物訛禮樂盡變為干戈可憐遺山不及覩不飲奈此明月何太平一曲吾當歌

陳章

錢福墓誌章字一變別號白鹿第進士後卜居於

秀野橋東百步號曰西潭少警敏超脫充縣庠第

子員未期登鄉貢進士第尋以父喪不獲就試春

官家居若干年乃挈家抵京就太學於時冢宰耿

公為司業一見器公每試輒以為魁於是同舍士

及諸名公巨卿之子以及京學外郡之有識者咸

就業焉成化戊戌始第進士而其譽望已滿朝著

矣是歲選庶常及給諫者甚眾公於壽光劉文和

甚契眾皆擬焉公弗與於是人知其志矣觀政刑

部丁太宜人憂歸拜刑部主事或問之公老儒也

此何以處則誦周元公之言曰殺人以媚人吾不

為也終身行之其在是乎滿三載循階進貢外郎

松風齋集卷三

明

九

會天津衛有冤獄逮百人誣誤及大臣鞠之者屢而不決公奉命往得其主者寘之法餘皆獲釋又循階進陝西司郎中時江西何公為尚書素剛直無當意者惟公得其心凡疑獄之不能決者輒檄歸其司決之無敢異議會上憫刑獄冤滯特敕公審錄北畿公所至活死罪若干人釋徒流而下者若干人其不敢自專疏而未減者若干人畢命復部人皆稱之遷湖廣副使未行拜高州知府高治濱海多瘴山島中蠻獠所居為合標掠殺人不絕知者皆危之曰此非遷益一謫耳公歎而且曰優游散地得寒疾五日不汗等死耳與吾死於邊何

如哉乃置家累竟赴之在高州纔九月而所建立
皆盡力於是有黃州之命會有臺諫奉命勘事者
強留公詣雷州因得瘴而卒痛悼徹上下閱行李
惟圖書數卷衣數襲而已於是敬而惜之者因百
倍其賻得護其喪歸卒之日為弘治十六年六月
十二日葬於北俞塘華潮浜祖塋之次公為詩祖
杜子美而宗黃山谷其在刑部所與倡和者若今
刑部侍郎屠公元勳按察憲副林公待用知府王
公存敬郎中趙公栗夫皆卓卓者退食所之則今
制誥學士西崖李公吏部侍郎匏庵吳公侍講學
士守谿王公而已其家居則按察副使定菴曹公

松風齋韻卷三

明

十

及門人王一鵬張弘宜與某數輩談詩學文字之
外他無與及所著有西潭集垣西草堂集居松集
北行錄審錄紀行集楊君謙雨夜七人聯句時成化丙午
詩紀曰陳一夔名章華亭人成化十四年進士
今為刑部江西司主事雖在吏鞅中實不為名利
所奪其中介然有自立志而為人平易質實初視
之若不與人親及交接殊無町畦與王存敬趙栗
夫交甚厚若兄弟然無一會不俱也君好作詩醞
籍典則時有真詣語如詠秋懷云人老漸驚生白
髮家貧未辦買青山余以為自然妙句君語余云
作詩須發得自家意思出乃佳余久有此意口不

能道得君言遂添一悟境君今年才五十文字中
常有歸思性亦崛強每遇事不可意必云吾只不
作官乃已耳其心能輕功名如此常過余問病亦
微露山林之志聞君家有別墅在所居城外種樹
養魚又有田可耕足可樂矣人生事亦何能已耶
故是夜君作詩田園意屢見余獨知之趙栗夫王
存敬侯公繩亦不為訝也王震澤送陳郎中一夔
錄因詩云西曹社友多分散獨有夫君又別離雨
露九天疎滯獄關河千里赴襟期篇章自愛陳無
已經義多推雋不疑他日歸期敷奏罷解裝還有
幾篇詩小帳蘆詩話一夔自高州移黃州吳匏菴

松風齋韻卷三

明

十一

哀詞曰一朝下恩旨稍幸得量移齊安佳山水足
以為詩資如何始聞命已與人世辭蓋未至齊安
而歿也又云平生無所好所好止於詩積成西潭
集千首尚多遺今其集竟不可得

贈趙栗夫

菜市街西新卜居豈棚瓜蔓共蕭疎胸中富有書千卷
誰笑家無擔石儲栗夫得詩拊掌大笑眾客傳觀皆賞
情別語散偏於酒趣深末老便懷投綏計知公天性在
山林注云時公雅有長往之志楊君謙見栗夫詩笑曰
一夔未去若據君言一夔即今就去也栗夫戲曰吾欲促其去耳筵中為之一噱

答王敬止

梅黃詩句可爭能素操燕看冷似冰他日期君何處是

龍門寺浪一枝藤敬止贈詩曰吾家垣西低草堂常有銀漿即白蓮花酒

自述

自笑馮郎老更迂故山田舍半荒蕪縱然麟閣在平地未有丹青畫老夫

雨中過匏菴先生園居

海月庵前景自清更看疎雨快吟情紅芳落盡還堪賞綠樹黃鸝三兩聲

過南安弔東海先生

未到南安郡先懷東海老身隨謫仙去字混懷素草患政在郡人相慕若妣考鑿石作坦途祠屋立嶺嶠作配

東坡集卷三

明

王

曲江公名與秋天香

進龍池

瑞州府志在郡治東縣學之後南流入蜀江

萬頃波陀迴接連四無邊際水茫然鯢鯨豈是池中物只待春雷送上天

賈島峪

在房山縣西十五里內有兩庵即島所居也

故菴尚在青山裏却說長安片瓦無早有詩名驚吏部勸加巾服變浮屠回看合賀風斯下上接岑王道不孤我獨愛君詩瘦健推敲想亦費工夫

雪後望房山有作

路滑茲山去未能目窮心到亦如登雪晴尚作瓊瑤色望後只疑波浪層樹禿千林春蘊伏冰寒萬壑地嚴凝

寶衣劫火消磨盡人指金源四葉陵

宿房山察院

兩宿房山骨亦清樹籠疎月影縱橫了無一事此天定况復羣峰初雪晴法地真如禁酒園高風惟到煮茶鐺江南山水臨官別良夜迢迢夢不成

樓桑廟

人雄無愧漢王孫生長樓桑尚有村直與高光存正統誓祛吳魏復中原託孤可想君臣契結義終全手足恩香火千秋祠廟下翠華或返故鄉魂

成正之際朝著敦尚風雅海內知名之士樂附焉

先生頡頏其間退直公餘分曹角藝讀其贈答諸

東坡集卷三

明

王

作空靈淡宕實壇坫間一勁敵也今者鄉邦士夫不知先生之詩並不能舉先生之名風流聞寐久矣西潭故址市廛如櫛無可訪已故節錄鶴灘之誌以志鳳德之思

陳良珊

青浦縣志良珊字子珍號祝峯弘治乙卯舉人已未進士官福建副使由湖廣僉事陞兵備副使泣頓憂去尋陞四川右布政

贈簪山僧一默

幽居水竹性偏宜布被繩牀竟弗辭雪鶴松梢方夢熟寒梅牕下是心知江涵斷鴈孤飛遠日墮危峰一段奇

自笑罪譚何處着 櫺關坐破了無疑

胥溪春水 和建平呂文郁八景之一

義重昭流水春寒助酒家 隔溪人喚渡 一犬吠桃花

陳良瑚

青浦縣志 良瑚字世奇 弘治辛酉舉人 官建昌府

通判

贈薛山僧一默

坐定蒲團寂自宜 客來相對竟無辭 飛還林鳥日將暝

落盡巖花春不知 雪竇懶參秋水潔 壁峯高面暮雲奇

老龍深夜方歸鉢 行過禪牀畧不疑

陳電

字未詳

上海人 萬厯中以明經分教潤州 名宗周

字成卿 號小槐之孫

舟次柳江

柳江水添六七尺 江面風狂雲氣黑 此日舟橫順逆間

三老長年莫能測 前灘曲折水更深 飛巖下瞰蛟龍吟

試看市情亦如水 白頭高浪寒人心

春日宴族即席次韻

長幼聯家序詩篇 起俊才清尊敦族好 白髮為春顏 岸

柳相將發庭花 次第開老吾追六逸 醉向竹林來

懷董南寧

京國三年別長天 萬里賒目搖淮海 樹心折粵江樵遠

道定傳信東風又 落花碧雲當戶合 山外夕陽斜

登赤壁

江上風流兩賦窮 乍來騷客興偏濃 揮毫雲色開仙掌

入座秋聲起暮鐘 石壁苔荒巢翡翠 洞簫人遠隔芙蓉

當年折戟沉沙地 牧笛村歌盡事農

閒居

竹徑通花圃 柴門傍水濱 潛夫新有論 姓氏與誰聞

游仙詞二首

夢入層霄露氣清 瑤樓隱隱步虛聲 青鸞扶起瑤臺月

人在仙家第五城

蓬萊宮殿曉霞開 中有仙人玉鏡臺 黃鶴自來還自去

鳳簫聲徹紫雲迴

路子瀛山贈余墨蹟數種 蠹蝕漶漫者過半 大槩

皆隆萬間名公尺牘詩牋而吾松先達居多 云係

乃祖小槐公所遺也 內一紙自署上海陳電有詩

七章其一懷董南寧知必世廟時人書法趙吳興

紙尾有圖記二 一曰落落山房 一曰五陵漫跡 想

亦一時知名之士惜其表字未詳 瀛山名益雲工

榜詩餘縣令遂家京師憶余乙丑下榻寓齋數共展

綬背舟屏不廢酬倡卒未以後下榻寓齋數共展

夕追請假歸里每逢南鴈屢趨北轅奈以無意小

陳冕

字未詳松江人見嘉善縣舊志

武塘邑中書所見

老婦撥船翁打魚水添石脚夜來初江天欲雨復不雨
客子手書仍放書燕掠水芹穿柳去農搜田莠帶根鋤
烟次過午尚未歇林外鷓鴣時一呼

松風餘韻卷十二

松風餘韻卷十二

羽

去

松風餘韻卷第十三

目錄

明陳懿德 四首

陳一鳴 一首

陳夢庚 三首

陳所蘊 二十首

陳繼儒 一十四首

陳鉅昌 一首

陳子龍 二十八首

殷助 一首

松風餘韻卷十三

目錄

一

松風餘韻卷十三

胥浦姚弘緒聽巖編次

陳懿德

雲間志畧懿德字伯求華亭人青浦籍八歲隨父師遊一鄉先生園中庭有芰荷指令作破即應聲曰凭闌聞十里之香映水似六郎之面聞者歎爲神童年十五以里選第一補學官弟子讀書數行俱下時與蔡司馬龍陽張水部清源各以暗記歷日試其聰明蔡凡三遍張二遍公纔一遍即背誦每與徵事兩公得二三公輒得七八博雅之名愈著嘉靖壬子舉於鄉乙丑成進士皆冠本房館試

松風餘韻卷十三

明

復第一由庶吉士授編修與修世宗實錄起居注所藏甚多秉筆者率經月不能畢旬日事文貞徐公當國與西蜀陳文穆公爲總裁下教曰有能一月完一月事者待以不次之擢公才既敏捷而以大手筆濟之每月終輒上副本而又編摩精當陳覽之曰若史館盡如君輩豈不逸而有成竟以賦性剛峻不能受頤指於權門遂爲所排謫判汝州稍遷延平司李所釋三重辟如比部陳邦彥上舍楊廷玉枉盜劉富仔其最著者也延平士不貢於朝者二十年至是庚午科與鹿鳴者凡七人公陶鎔之力居多未幾召爲刑部主事新鄭相素知公

乃復除尚書司丞時海內述職者例以撫按舉刺爲殿最華亭鄭令有善政而不能善事上官遂不列薦新鄭以執政掌銓欲以郡倖處之公正色昌言以爲不可具以治狀對新鄭曰如君言何以撫按無薦剡也公曰此令無所取於民則無所奉於上安得薦剡哉且不薦則刺此令獨否是無事可指摘明甚宜處以超格不惟勵守令兼可警監司新鄭然之召入省垣鄭詣謝不居功也新鄭去國公亦謝政歸未幾疾作年未及艾而卒公長於作賦復工臨池人稱詞翰兩絕娶婦於馮廷尉家忌者謂其有染因中察典當唐元微董玄宰兩太史未貴時公一見謂皆金馬玉堂之器後相繼掄元魁入翰苑悉如公言五劔尊聞陳伯求燕京馬上詠一聯云九陌風塵消短景三江雲樹隔長安語馮元成此似高叔嗣否馮元成曰桓溫之擬太真稍有所恨陳憮然而去

君子有所思

總轡越華薄逶迤上崇岡羣山互隱見俯瞰臨河陽飛霞映丹壑金谷何輝光參差列繡戶杳靄羅朱堂蓮花促步起錦帳橫天張歌鐘日喧喧子夜殊未央絳樹迴長袖玄雲繞雕梁門填白玉珂室滿羅襦裳陽春駐高閣明月留飛觴極意恣所歡氣勢誠飄揚條風扇微和

浙浙俄秋霜望舒缺三五駕曦山扶漢麟盤自天迺世
路真茫茫高樓正羣策驚鼠方翱翔雕陵得美蔭無乃
非深藏緬懷鑿坏者千載遺芬芳

宣廟御筆馬

寶繪傳神駿權奇尺素收蹄攢雙碧玉文散五花虬青
汗也沾臆黃金爲絡頭天閑今萬疋何必按圖求

山樓待月

虛閣東山敞參差碧樹稠興緣天共遠人與地俱幽海
月籠牕淨林煙傍檻流清輝從此待無處不知秋

荷亭

滄洲深幾許野色透霏微雨歇山含澗林迴燕去稀雲

陰多覆座荷氣細薰衣却望烟波杳疑從太液歸

先生才高學富凡所編纂無不典核號稱作手使
其平視緩步何難陟峻登崇乃阻於一蹶未竟三
長亦足慨矣所存數詩調亦工穩擬於蘊露白雪
之間

陳一鳴

上海縣志一鳴本朱姓字起靜爲人剛介少嘗從
父宦遊以詩受知於分宜倡和甚歡後應貢入京
御醫顧定芳與一鳴善乘間言之分宜曰非曩時
相倡和人耶我猶記其驚人語當今若來見定芳
以告一鳴曰我題毛種種矣龍龍踴躍作奴顏博

好官竟不往會有鄉人居銓曹故欲借所親示公
者遂不謁選而歸養母終其身

靜安教寺

孫吳踪跡草芊芊惟荆江聲遠寺邊龍鉢迷雲晴欲雨
山槐浮蔭日如年斷碑零落蒼苔護小洞清幽白鶴眠
半日流連消俗慮愧無玉帶惠名禪

陳夢庚

雲間人物志夢庚號後梅嘉靖辛酉年二十二舉
於鄉萬曆甲戌成進士授刑部主事歷負外郎郎
中出知湖州府陞福建運長謫柳州守晉松潘憲
副再謫陝西少參會大計復有苛論者部覆公過

事小心有旨留兩公已簡世局矣爲人平易清
約恂恂不出口事兩親及繼母至孝居官一意拊
循俸外毫不染指數歷宦途三十年所居不益一
椽養殯時或不繼卒年七十貧無以爲殮弟少參
嗣元任其事父珍字恒所爲諸生事親孝撫弟友
友人朱克裕客死解囊殮送賁有章
服迄巡一寒素也弟嗣元字承一戊戌進士由工
部郎江百參議夢庚屬續時子尚幼喪葬如禮志
馬倚辨

次三過堂蘇韻

時爲湖
州守

何年飛錫此山中偶挹朱顏轉覺童架上藤蘿橫小砌
松梢巢鶴叫長空覺來妙妙臻玄境動不如如解酒功
真印相參從此了石梁何事度橋東

聞攜杖履向江村學士當年幾到門三昧悟來非幻妄
六通歸處欲評論金田自覺祇林好蓮社那知客禮尊
莫以法身驚鶴瘦一空叅盡合無言

秀州城外招提寺蘇子高風不可尋三過禪堂人已昔
七言石碣事留今青青徑草懷遺履冉冉池蓮見道心
渤海風流堪並駕重瞻祠宇思彌深

陳所蘊

方志所蘊字子有上海人萬曆丙子魁南畿己丑
成進士授南刑曹歷負外郎中有坐法當訊者其
人百計營請直介大司寇暨公座師爲言卒毅然
按之不少假有鐵面郎之目調南選郎叅藩江岳

松陵集卷五

明

五

副憲大名皆赫赫有聲督學中州謝絕請託莫敢
以薦牘通尋擢叅政分守大梁有奸弁上疏請核
河南羨帑者乘驛按問同事震懾蘊辨屈服之弁
坐妄言被逮未幾乞休後起山西臬使疏辭復起
南岡少抵任滁陽甫半載不待報竟趨歸爲諸生
孝廉時即以名教清議爲已任泊當官建監矢直
弦疾侃侃獨行其志請老於家足跡不入公府刑
牘不及一私地方有大利弊往往以片言抵定嚴
巖倚重幾五十載卒年八十有四陳繼儒竹素堂
集序曰滬海陳先生嫻古文詞自尚書郎以至太
僕數請數歸十九在邱壑所居在日涉園園中有

竹素堂客至相與揚扞風雅盤礴泉石命酒飛觴
暇則手一編啖晤其中今刻凡中年晚年之作咸
在焉不通朝貴牘不登講學壇身經五朝壽踰大
耋劉夢得詩云莫道桑榆晚爲霞尚滿天公之謂
矣

大水歌

府志萬曆丁丑年

街頭小兒舞一足石燕飛飛江水綠白日匿影天無光
大風蓬蓬出空谷咫尺不辨風馬牛周天俄見陰雲簇
飛廉前導玄冥從銀河倒瀉來碧空蒼頭直挂一疋練
飛泉噴薄匡廬峰奔騰馳驟乾坤沸千騎萬騎迸雲中
茅屋家家吹折角止漏下漏身無着嫠婦夜泣山鬼愁

松陵集卷五

明

六

魚遊壘下雞棲幕澤迤難赴將軍期田獵應與虞人約
市上蛟龍白日舞翠符牽風掛簷宇野田是處乘短桴
人民在在搖輕櫓牀頭襪被綠苔新晨炊蓐食須懸釜
東鄰吹浪張雙目鼓鬣揚鬚厭人肉高邛時見簪珥遺
村杪還看髑髏暴此邦之民亦何辜累累都葬江魚腹
前年大水漂我禾斗粟直錢三百多去年大風傷我稻
白骨蕭條伍青草今年風雨一朝并四野哀哀惟哭聲
哭聲哀哀真可憫君門萬里誰爲軫廟堂不念閭閻空
司農只告太倉窘須臾且下催科令筮楚之下何寧忍
誰爲疏請寬民租誰爲發粟賑剝膚生民之命乃國本
潢池荏苒良可虞吁嗟乎安得雨暘時若歲其有黔黎

鼓腹歌康衢

太素宮

祥雲縹緲護簾櫳上帝端居白嶽宮玄極九重開象闕
赤霞一片判洪濛花搖旛影迎初日谷應鐘聲送曉風
下走肅衣瞻禮畢靈光欲賦愧難工

秋日歷郡西諸山

秋日汎江潯江頭半夕陰僧歸黃葉寺漁醉赤楓林帆
轉羣峰合杯浮列嶂侵黃昏艤棹處取醉一長吟

乞歸未遂

乞休書屢上未許遂幽棲那復耽雞肋寧堪逐馬蹄長
天歸鳥沒極浦去帆低何處王孫路萋萋芳草迷

松風齋集卷五 明

忽忽吾何意長歌懷隱淪山真成小艸積竟是前薪獲
落意吾道支離笑此身菟裘營已久生計足垂綸

岳城歲暮

積雪棲簷際驚濤咽水濱最憐將改歲獨有未歸人醉
蕭狂奴態慵偏傲吏身何當化繞指雅拜望車塵

華容道中

蕭條燕沒地行部偶來經積水浮天白空山帶雨青催
耕惟鳥語罷市尚魚腥睹此茫茫景憂來涕欲零

邾城道中馬上看月

不堪憑軾苦聊試據鞍便遠岫日欲墮高天月乍懸澄
空疎鴈陳曠野淡人烟燈火林山出關門候吏喧

春信傳來早梅初開

春信傳來早梅初開春未開香十里已吐白三分影
落寒蟾冷裝臨曉鏡新主人何水部東閣好評論

元夕觀龍燈

燈火喧今夕雙龍奮攫前弄珠疑出海噴霧欲搏天百
道光璀璨千盤勢蜿蜒民間饒樂事恃以卜豐年

早秋苦熱何心抑攜酌秉心堂避暑時葉玄室
謁告方歸篇終及之

一尊河朔飲萬樹秣陵秋高柳蟬聲急空庭鳥跡留人
情嫌襤褸吾意任沉浮暝色方將合炎威忽漸收語深
忘繼繼坐久得清幽傾蓋情偏洽披襟分易投禮寬殊

松風齋集卷五 明

自適酒盡亦何求託乘欣同調離居攬獨愁計程應稅
駕惜別爲登樓共有懷人念相看罷獻酬

珍珠泉小憩

驅馬經危磴寒帷聽響泉一泓甃眼碧萬籟蚌珠圓混
泥地中出纍纍鏡裏懸縈紆分復合宛轉斷還連跳沫
看成雨翻波望若煙似將歸大壑直欲濺高天呶咬魚
銜藻嶙峋石映川因風偏細細與月共娟娟山色浮疑
動花枝照欲然樓臺青嶂外雞犬白雲邊披霧曉行役
臨流想息肩紅顏空自擲白髮竟誰憐初服何難返中
林故自便家園申浦上去去弄潺湲

劉靜臺招同何心抑醉翁亭觀雪

霽色山光四面開萬山叢裏見樓臺酒深頓覺寒威失
歲晚先催淑氣來妙舞盤旋迴嶺雪新歌宛轉落江梅
歸來燈火黃昏後城角淒清首重回

送何心抑入賀千秋

六月南譙抗曉旌奇峰江上夏雲生長堤雨歇輕塵淨
山樹先秋却有聲

綠林處處有烽烟古道行人盡愴然君去不須愁道梗
匣中三尺是龍泉

君向燕山我向吳送君猶得躡君絢君回欲覓陳生屐
震澤菰蘆與具區

謁告歸里留別劉靜臺

松風餘韻卷五

明

九

十二年前薜荔身無端小草走風塵從今一泛黃江棹
日涉園中舊主人

秋風夢斷憶漁竿歸去言尋舊鶚冠客路向南俱是水
白蘋紅蓼鏡中看

日涉園

見陸景芳所藏日涉園畫卷十絕錄二

會心在林泉雙屐足吾事朝斯夕于斯不知老將至

竹素堂

客來塵共揮客去管自握誰謂楊子雲草堂乃寂寞

余得竹素堂全集而亡其詩僅從上洋友人處得
初葉續葉二種如滁陽畧中諸什俱不之載故并
所遺者錄之

陳繼儒

明史葉繼儒字仲醇華亭人幼穎異能文章同郡
徐階特器重之長為諸生與董其昌齊名太倉王
錫爵招與子衡讀書支硎山王世貞亦雅重繼儒
三吳名下士爭欲得為師友年甫二十九取儒衣
冠焚棄之隱居崑山之陽為潮祀二陸乞四方名
花廣植堂皇之前曰我貧無以娛二先生請采花
為先生蘋蘩名乞花塲時錫山顧憲成講學東林
招之謝弗往親亡葬神山麓遂築室東余山自稱
白石山樵杜門著述有終焉之志工詩善文短翰
小詞皆極風致兼能繪事又博聞強識經史諸子

松風餘韻卷五

明

十

術伎稗官與二氏家言靡不較覈或刺取瑣言僻
事詮次成書遠近競相購寫徵請詩文者無虛日
性喜獎掖士類屢常滿戶外片言酬應莫不當意
去暇則與黃冠老衲窮峰泖之勝吟嘯忘返足跡
罕入城市其昌為築來仲樓招之至黃道周疏稱
志尚高雅博學多通不如繼儒其推重如此先後
論薦奉詔徵用皆以疾辭卒年八十二自為遺令
纖悉畢具南吳舊話錄陳仲醇年未三十棄諸生
家居養親或謂其父廉石翁令子固得矣使父不
辨梁肉何得云孝翁謝云我坐起間時見兒子形
影從此婆婆里社雖啜菽飲水便當樂死更何敢

涎人牲鼎間味列朝詩集陳仲醇與徐益孫結隱於小崑山爲人重然諾饒智畧精心深衷妙得老子陰符之學婁東四王公雅重之兩家子弟如雲爭與爲友惟恐不得當也董玄宰久居詞館書畫妙天下推仲醇不去口因而海內咸歸仲醇仲醇又能招吳越間窮儒老宿隱約饑寒者使之尋章摘句族分部居刺取其瑣言僻事薈萃成書流傳遠邇款啟寡聞者爭購爲枕中之秘於是眉公之名傾動寰宇遠而夷酋土司咸丐其詞章近而酒樓茶館悉懸其畫像甚至窮鄉小邑粥糴市鹽敗者胥被以眉公之名無得免焉直指使者按部

松蘿閣

主

薦舉無虛牘天子亦聞其名屢奉詔徵用年八十餘卒於余山之精舍仲醇通明俊邁短章小詞皆有風致智如炙輶用之不窮交遊顯貴接引窮約茹吐軒輊具有條理以仲醇之才器早自推息時命折除聲華浮動享高名食清福古稱通隱庶幾近之玄纁物色童滿公車動以康齋白沙爲比謂本朝正史當虛席以待筆削耳食者承譌斯固可爲一笑而一二儒者必欲以經史淵源之學引繩切墨指摘其空疎而糾正其驕駁亦豈通人之論哉余摘其小詩取其便娟輕俊聊可裝點山林附庸風雅世有評隲仲醇者亦應作如是觀不徒論

其詩也靜志居詩話仲醇以處士虛聲傾動朝野守令之臧否由夫片言詩文之佳惡其一新市骨董者如赴畢良史權塲品書畫者必求張懷瓘估價肘有兔園之冊門聞鸞羽之車時無英雄互相矜飾甚而吳綾越布皆被其名竈妾餅師爭呼其字今遺集具在未免名下則其實焉

黃山八詠

鄱平縣志黃山在縣城東南三里正北爲小黃山

超然洞

鑿石疏土爲之中有白兔公像

暫許蛟龍畫蟠不住風雨夜吼諫草衛以五丁異書藏之二酉

挹翠亭

松蘿閣

主

脩然羽扇綸巾直躡丹崖翠壁經年洞口不開一片秋光欲滴

問偈山房

抱膝老翁宴坐翦頭稚子盤桓無法可向人說將心來與汝安

佛脚石

我聞萬法本空何故如來示相咄咄驅除狐兔堂堂蹴蹋龍象

對仙樓

呼吸氣通帝座官聯班切天曹雲外麾幢欲下峰頭笙鶴相邀

柿泉在免柴左
巨石下

舊綠綠陰朱實今留白石清泉廉同飲瓢頗子清

坎井在虎頭巖下
山行宮山門右

朝局輓轡不定世情穿鑿誰真何如灌園仲子且學抱

免柴黃山北面石壁沉黝巨壑如雷雷上土
坪闊境軒豁華東張公於此見仙免因
營為別業
名寄清園

本從月殿往來忽向雪園隱躍大手筆能脫穎苦口功
歸搗藥

寄清園

松風餘韻卷十三

明

五

通人勝事課清幽巧構林泉象十洲黃石祠荒今結友
赤松家近又從遊意酣山水方開匣欲捫星辰更起樓

未餘堂餐原不異如公纔善學留侯

洞名勾曲洞有洞
名勾曲地仍天士衡酒進因齋竹元亮輿輕
指社蓮鐘鼓清時饒自樂午橋從古勝平泉

壽周山亭

去山不數里經歲一登山無雪亦高卧非僧常閉關
吟推老手甘節變童顏衡宇雖相望龐公未可攀

華聞修關修過訪山中雨夜止宿賦此紀之

鵲吟庭柯報好音空山有客解相尋高談似和低簷溜

長夜聊同短榻吟我愧晚來營免窟君名早已到雞林
牀頭底是風雷吼雙劍飛鳴夜已深

和微公咏落梅高小湖
藏札

南北枝枝勒凍開暗中春信十分催笛吹冷淡餘香在
月寫支離恠影來冰雪未消粘白石風塵不敢上蒼苔
市亭獨立羅浮畔桃李看他開幾回

游徑山題村居

盤山歷盡吐平沙修竹籬邊見酒家醉後日斜馱上馬
霜楓一路似桃花

道人早謝青衿晚棲白石公卿延譽孺子知名食
清福享大年不可及已詩筆絕去蹊徑終落小家

松風餘韻卷十三

明

五

遺詠數章稍勝集刻蒐而錄之

陳鉅昌

字懿卜華亭人容臺集道廣星辰聚人豪湖海聞

余贈陳懿卜詩也懿卜為吾師五雲先生子世其

家學賦詩擊劍以隱兼俠名聞湖海間程中丞開

幕大梁聘之署中偶偕與觀射君不禁技癢連發

三矢皆應弦貫革中丞奇之具書薦之薊門雲中

大中丞吳公會大中丞避言路歸君仍遊長安時

金沙周冢宰亦撫虔州延君經歲君不復懷刺請

謁惟與酒人劍客悲歌燕市雷火之變幸窺身凡

下得全遂賦五噫返三徑讀書楊鐵崖草玄閣中

題潘琴臺伴竹居

五株楊柳七株松恰恰羲皇枕上風非是先生偏愛竹
來看玉立謝庭中

董宗伯有題畫贈陳懿卜山人詩陳徵君亦有送
懿卜之蛟川省親詩均未及其繪事者豈丹青
餘技不足重耶山人詩則錄之潘敬亭所藏伴竹
居畫卷中

陳子龍

明史葉子龍字卧子華亭人生有異才詩賦古文
卓絕流輩崇禎十五年舉進士選紹興推官東陽
諸生許都者副使達道孫也家富任俠好施陰以

松風齋讀卷五

明

五

兵法部勒賓客子弟思得一當子龍常薦諸上官
不用東陽知縣姚孫柴桐城人也以備亂斂士民
貲坐都萬金都乞免不得適義烏奸人假中貴名
招兵事發孫柴謂都結黨謀逆持之急都葬母山
中會者萬人或告監司王雄曰都反矣雄遽遣使
收捕都遂反旬日間聚眾數萬連陷東陽義烏浦
江遂逼郡城既而引去巡撫董象恒坐事逮代者
未至巡按御史左光先以撫標兵命子龍為監軍
討之稍有俘獲而遊擊蔣若采破其犯郡之兵都
乃率餘卒三千保南砦雄欲撫賊語子龍曰賊聚
糧據險官軍不能仰攻非曠日不克我兵萬人止

五日糧奈何子龍曰都舊識也請往察之乃單騎
入都營責數其罪諭令歸降待以不死乃挾都見
雄復挾都走山中散遣其眾而以二百人降光先
與孫柴同里姻連竟斬都等六十餘人於江潯子
龍爭不能得以定亂功擢兵部給事中命甫下而
京師陷乃事福王於南京其年六月言防江之策
莫過水師海舟議不可緩請專委兵部主事何剛
訓練從之太僕少卿馬紹愉奉使陞見語及陳新
甲主款事王曰如此新甲當卹廷臣無應者獨少
詹陳盟曰可因命予卹且追罪嘗勅新甲者廷臣
懲劉孔昭殿上相事不敢言子龍與同官李清
交章力諫事獲已未幾列上防守要策請召還故
尚書鄭三俊都御史易應昌房可壯孫晉並可之
又言中使四出搜巷凡有女之家黃紙貼額持之
而去間并騷然明旨未經有司中使自搜採甚非
法紀乃命禁訛傳誑惑者諸生徐仲吉以救黃道
周廷杖舉人祝淵以爭劉宗周不當黜被逮子龍
請擢寔言路不從子龍又言中興之主莫不身先
士卒故能光復舊物今入國門再旬矣人情泄沓
無異清平清歌漏舟之中痛飲焚屋之內臣不知
其所終其始皆起於姑息一二武臣以致凡百政
令皆因循遵養臣甚為之寒心也亦不能聽明年

二月以時事不可為乞終養去子龍與夏允昇同負盛名允昇死子龍念祖母年九十不忍割遁為僧尋以受魯王部院職銜結太湖兵欲舉事事露被禽乘間投水死朱雲子云卧子五古初尚漢魏中學三謝近相見輒諷太白諸篇其才性故與相近七古直兼高岑李頎之風孰視長安帝京更進一格五律清婉七律格清氣老秀亮澹逸絕句雄麗由其才大靡所不有寬然有餘魏楚白云五古學漢魏者大抵轉關必在大謝唐之曲江明之北地皆是如此黃門亦祖其說能於質闕之中兼以俊秀信是雅宗七古弘正間皆仿浣花唯青蓮學

老唐集卷三

明

七

者絕少黃門起而一振其風昔人詩芙蓉露下落楊柳月中疎黃門近體佳境往往相似龔衡圃云卧子定幾社六子之作目曰壬申文選東鄉艾南英千子貽書謂之蓋學前後七子之詩而并學其文千子非之是也若詩當公安竟陵之後雅音漸亡曼聲並作大樽力返於正翦其榛蕪棘荆驅其狐狸獠貉廓清之功詎可藉口七子流派并攢譏及焉子嘗購得戲顰洞集係先生手自施鉛自越江渡錢塘往返點筆無虛日卷尾必以朱墨識之於吳明卿若是矧古賢吟藁乎今人手放翁誠齋詩讀未終卷便毀唐人為不足學多見其不知量

補唐集卷三

明

七

也小長蘆云王學教袁公安之派浸廣竟陵之歛頗興一時好異者講張為幻關中文太青倡堅偽離奇之言致刪改三百篇之章句山陰王季重寄謔浪笑傲之體幾不免綠衣蒼鶻之儀容如帝釋既遠修羅藥叉交起搏戰日輪就暝鵬子鴉母四野羣飛卧子張以太陰之弓射以柱矢腰鼓百面盡破蒼蠅蟋蟀之聲其功不可泯也觀其與李宋二子選明人詩自序畧云一篇之收互為諷咏一韻之疑互相推論攬其色矣必準繩以觀其體符其格矣必吟誦以求其音協其調矣必淵思以研其旨於是郊廟之詩肅以雖朝廷之詩宏以亮贈答之詩溫以遠山藪之詩深以邃刺譏之詩微以顯哀悼之詩愴以深使聞其音而知其德省其辭而推其志先生之論詩知所本矣漁洋詩話大樽七言律遠宗李東川王右丞近學大復警句如左徒舊宅猶蘭圃中散荒邱尚竹林九龍移帳春無草萬馬窺邊夜有霜九月星河人出塞一城砧杵客登樓禹陵風雨思王會越國山川出霸才石顯上賓居柳市寶嬰別業在藍田禁苑起山名萬歲複宮新戲號千秋四塞山河歸漢闕二陵風雨送秦師皆不愧古作者雲間兵事吳勝兆之變子龍黃斌卿約其率舟師為應事敗勝兆就擒子龍議亡去其友諸生憂之旭曰公有重名人來跡公易

耳死最可也逃將安之子龍曰我非脫死也若不
我索大幸即索我從他州之先赴水矣可以免
辱已而名捕子龍大索五六日得之崑山顧氏子
龍既被執見巡撫諸公即據地夷踞以坐卒或牽
之提督巴公山此卒去於是子龍遂坐江陳公
錦曰汝若何故反子龍曰謂我反者非也我無兵陳
公曰汝受魯王官七省總督非反而何子龍笑
曰先朝有七省總督無七省總督也魯府命我總
督義師我有三年喪未之受也陳公曰若督七省
人人知之何辯為子龍曰總督七省應死總督七
師不應死耶是固無可辯矣巴公指子龍髮曰
何為者子龍曰留此可以見先皇帝耳諸公皆然
大笑且罵之子龍作色怒操吳音而語語不復可
辦諸公今牽之去哉之以舟是日于龍乘間竟赴
屍殘遂蒙於松城之西門路人皆為之流涕

曜靈有序

曜靈天子遇旱而憂省獄減刑而以時降詩

人美之也

松風齋集卷五

明

九

曜靈維陽果果麗天爰自東作火見于昏天之薦瘥蘊
隆如焚皇曰子冀方邦畿所安廢我來牟兆民孔艱
早之始盛維塵冥冥早既太甚百卉具零豈降自天胡
德非馨曾是有象恭曾是有讒惡曾是有詭隨曾是有
培克

爰命宗伯大雩孔明爰命徹侯于郊于宗以爾幣玉及
爾斯牲方社既周山川用享振古率育胡邁予不寧

巍巍薊邱維君宅之翼翼皇心維天繹之禮莫不展來
饗來格膳宰既徹鑪鼓既釋凡百君子勗爾無斁

皇曰司寇維刑世重世輕朕暨姦宄成愆于平悍陽驕
驕憂我黎氓乃清岸獄乃釋累囚肆赦時夏或歌且謳

俾彼燕山出雲油油終朝彌野既舒既柔既霑既優田
畷語語樂我士女以育我稷黍皇王布惠天錫純嘏

雜詩

日夕登高臺馳目窮千里眾星燦雲間經緯誰能理神
哉玉衡運天樞無終始上有瓊瑤宮紫皇日端委我欲
飛鸞銜書碧雲裏聲殷塗逾遐心長情何已懷中五
色石相見徒磊磊

山椒微風發薄暮遲佳人頽陽澹林表素月生河津佇
立懷徃路時晏多苦辛君家青雲樓瑤華艷當春皋蘭
亦有芳欲寄良無因歡愛豈足重要使恩誼申浮雲誠
易阻白璧終見珍

松風齋集卷五

明

平

至道無相非末流乖心跡高懷苟不亮執誼日以積賢
隨貴同用愚與賤同役騰名自有階投譏豈無隙營營
棘上蠅可以攜金石履純思寡尤超方鮮奇策毀譽苟
未忘顧影慚踟躕

尚口自有窮捫舌豈我欺伊予昧機變率性不自知遇
物皆裏言當險若履夷于己固弗慎安望人保持俯仰
生平內常與悔相隨沉默苦不早壯盛忽若馳世人貴
形迹君子敬威儀臧否聖所誠南容真我師

自聞麥秀歌纏綿亂心曲四野起重陰白日一何速親
朋與我違豺虎來相逐皓皓凝河冰蕭蕭落山水行吟
空自知獨立傷遊目逝川何時還頽光能再燭詎惜紅

顏變所悲韶景促豈無帝女靈願就愚公谷

墓門有惡木鳴鵲巢其顛同茲雨露潤不與百卉妍性
質固白殊大造安能遷我行適見之三日醒未痊利斧
雖在手斬伐無此權去去保芳潔焉然思過愆

小車行

小斗班班黃塵晚夫為推婦為輓出門何所之青青者
榆蔕吾饑願得樂土共哺糜風吹黃蒿望見牆宇中有
主人當飼汝叩門無人室無釜踟躕空巷淚如雨

吳越武肅王祠二十韻

羅平妖鳥集唐室已顛連草草羣雄事紛紛割據年斗
牛占王氣屠販出豪賢地屈孫劉勢形支江海邊爪牙

松風齋詩卷五

明

主

多健勇參佐集神仙本奉中原朔時分屬國天錦城開
邸第大木擁旌旆受冊三樓上歌風駟馬前自從納土
後終見舉宗遷青蓋方朝洛丹書改賜田金輿何日去
玉盃不曾還守墓新恩重荒祠舊德傳昆旒皆壯麗子
姓特綿聯晚樹騰鼯鼠虛席響杜鵑崇功銘版碣遺恨
滿山川異代還祠廟當年入管絃寶融應貴寵張軌共
周旋錫禮何妨盛王侯豈易捐誰言脫屣便不見誓書
堅宋室諸陵在南枝更可憐

汶濟雜詩

涓涓流石路離別在南池地脊如天黨山根足雨師牛
羊龍女宅松柏禹王祠為有朝宗道川符貢不衰

蘭陵晚眺平縣志在縣東五
十里魯之次室邑

魯中雲物自荒荒欲撫平原道路長朔氣能連野白
童山不待夕陽黃地分南楚懷豐沛水治西泐避呂梁
歷落異鄉難日暮秋風崩岸散牛羊

送徐乾若還宛兼詢余使君

從來梅雨漲前溪彩鷁離尊強自持此後相思勞夢寐
莫迷三泖過橋西

宛陵山下謝公亭羨爾高齋畫尚局退食公餘人散後
一杯遙對數峰青

長安雜詩

誰言百二獨秦關豪傑幽并帝里間官帶玉河穿渭水

松風齋詩卷五

明

主

樹迴金嶺像驪山列侯邸第花冬滿丞相車騎火夜連
最是大家能好武虎園熊館不曾閒
瓊壺薇帳侍宸遊十部龜茲在殿頭禁苑起山名萬歲
複宮新戲號千秋明駝宣使朝元閣紫燕傳封并榦樓
上壽後庭齊致語增成箋奏是誰收
風塵繞繞五都前豪俠株盤有歲年石顯上賓居柳市
寶嬰遺業在藍田兩宮肺腑黃金內四姓交遊駿馬邊
共請縣官為賜地何妨濫用水衡錢

都騎朱衣翦翦風期門小隊獵回中晨銜街鼓馳蘭薄
夜聽流鈴直桂宮鞞輪擲人囊尚紫茱黃掩帳火猶紅
不愁珠館胭脂盡明日長楊約射熊

遼事雜詩

昔年游俠滿遼陽
吹角鳴鞭七寶裝
帳下紫貂多上客
樓前白馬度名倡
椎牛屬國開新市
射虎將軍獵大荒
李氏家聲猶帶礪
斷垣落日海雲黃

消夏

雲欲下意蒼涼
十里扶蘇接豫章
高棟虹頭天外飲
廣池鯨甲雨前張
紅珠不夜疑寒火
白玉為人自冷香
更擅細腰凭畫檻
芙蓉從此號低光

邊詞

大同女兒顏如花
十五學得箏琵琶
莫向中宵彈一曲
清霜明月盡思家

東臯草堂歌

東臯草堂者給諫先生別墅也
丙子冬奸民奉權貴意
訐錢少宗伯及先生下獄
賴上明聖越數月而事得大白
我友吳駿公太史作東臯草堂歌
記之時予方廬居駿公以前歌見寄
因為屬和辭雖不工悲喜之情均矣

虞山巖水飛不息
虞山先生高卧日
黃門從此亦拂衣
東臯平田二頃微
翳然林木草堂靜
單衣白帽娛金徽
高談王霸神清竦
江風颯颯黃雲動
當時有口每借人
公業傾家非自奉
應是清流同調多
豈關失職交相重
江湖何與中書堂
當門厭爾多芬芳
田蚡久欲更廷辯

陳氏閱耕軒

陳翁家住白沙溪
投老功名已息機
策杖來時催種秫
傍花行處看扶犁
蒼頭候饁晨炊早
黃犢眠沙夕照低
播穀聲中春務急
此身日日滾東西

松風餘韻卷三

松風餘韻卷第十四

目錄

明表凱 二十首

表宗 一十四首

表翺 一首

表福徵 一十一首

表之熊 二首

松風餘韻卷十四

目錄

松風餘韻卷十四

表凱

胥浦姚弘緒聽嚴編次

凱字景文號海叟華亭人洪武三年庚戌科鄉舉

授監察御史罷歸卒有海叟集行世明詩綜詩話

海叟居松江府治東門外崇禎末單麻城恂即其

址搆白燕菴方志表凱墓在東門外賢游涇萬麻

顧結廬墓東偏設像祀之董宗伯題曰白燕菴李舍人待問書聯於柱云

春風燕子依然入大海鰻魚何處尋相傳孝陵有

言東海走却大鰻魚何處尋為海叟而發也又媯

雄子斥楊鐵崖為文妖惟詩亦然雖才情橫逸而

習氣太深沿其派者高則溫岐李賀下或雜以宋

詞元曲孟載子高皆所不免獨海叟純以清空之

調行之洵不易得然合諸體觀之則不及李迪伯

溫尚遠何仲默推為國初詩人之冠似非篤論也

漁洋詩話松江白燕菴表海叟故居也其遺集編

首有空同大復二序余感而題之云鼎足高楊爾

不慚百年遺跡改名藍鳥衣王謝俱零落七字風

流白燕菴

淮西夜坐

蕭蕭風雨滿關河酒盡西樓聽鴈過莫怪行人頭白盡

異鄉秋色不勝多

從軍行

烽火塞上來發卒備戎虜翩翩長安兒力未勝弓弩幸
蒙車騎念出入在幕府風烟一朝息歸來受茅土翻笑
李將軍血戰自辛苦

遊子吟

遊子行萬里母心亦如之陸行有虎豹水行有蛟螭盜
賊凌寡弱風露乘寒饑誰云高堂安中有萬險危寄言
里中子親在勿遠離

書北山精舍壁

夙昔慕幽曠中年值奔走及茲始知返顧已成皓首茲
爲山水選風氣固深厚萃偉皆嶽嶠綿邈盡林藪清泉

松風集卷之四

明

二

瀉幽磴白雲被層阜旣多緇素流況有耕釣叟知心已
云協雅言得兼受始來疎梅度復此山櫻剖庶幾去口
遲誰謂行當久揮手謝朋侶吾將寄衰朽

客中除夜

今夕爲何夕他鄉說故鄉看人兒女大作客歲年長戎
馬無休歇關山正渺茫一杯椒葉酒未敵淚千行

江上早秋

靡靡菰蒲已滿陂菱花菱葉更參差即從景物看身世
却恠飄零枉歲時得食野鳬爭去遠避風江鶴獨歸遲
干戈此日連秋色頭白尤多宋玉悲

舟次上海縣

海上驚風亂鶴飛千村霜落亦霏霏清砧自是逢秋起

白骨何由遠道歸戈甲只殘螻蟻命江山終屬虎狼威
自憐此日身將老况復中宵淚滿衣

次圭

一作趙

法師過金

一作錢

秀才隱居

墟里人家煙霧深背岡茅屋自陰陰不愁逸竹妨嘉谷
受繁枝集衆禽田父耰耨時得借漁人舟楫莫相尋
舊聞雞犬桃源裏彷彿溪邊花樹林

白燕

故國飄零事已非舊時王謝見應稀月明漢水初無影
雪滿梁園尚未歸柳絮池塘香入夢梨花庭院冷侵衣
趙家姊妹多相忌莫向昭陽殿裏飛

松風集卷之四

明

五

詩呈楊鐵崖鐵崖極稱珠簾玉箔之句袁景文在坐曰
詩雖佳未盡體物之妙鐵崖不以爲然景文歸作詩翌
日呈之鐵崖擊節歎賞連書數紙盡散坐客一時呼爲
袁白燕以此得名李獻吉謂白燕詩最下最傳非通論
也

李陵泣別圖

上林木落鴈南飛萬里蕭條使節歸猶有交情兩行淚
西風吹上漢臣衣

客中夜坐

落葉蕭蕭淮水長故園歸路更微茫一聲新鴈三更雨
何處行人不斷腸

淮東聞張十二信

少年追逐共西東吳邁文章馬亮弓一自干戈零落盡

白頭淮海獨相逢

楊白花

楊白花飛入深宮裏宛轉房櫳間誰能復禁爾胡為高
飛渡江水江水在天一本無涯楊花去不歸安得楊花作
楊樹種向深宮飛不去陳古白云此全比也蓋德建文
時有以此進曉於文皇者云欲種楊樹於深宮
此詩花夢於何地素聞此語遂詭以風疾不起

蚊外詩

羣蛇戢戢方關爭蝦蟇螻蛄相和鳴百足之蟲行無聲
毒氣著人昏不醒蚊蚋雖微亦縱橫隱然如雷吁可驚
東方日色苦未明老夫閉門不敢行四友齋叢說楊鐵
海叟咏蚊一首其末句云蓋言元政酷虐小人貪殘
如蚊蚋吸人脂血至我朝革命可以少安然明而未融

松陰齋集卷十四

蚊蚋尚未盡去故開門而不
敢行似有識切太祖之意

送敬講主

青松集洪武年訪天下十
大高僧以賜親王敬與焉

雨歇郵亭暑氣微溪頭四牡正駢駢雲遮幢蓋應爭美
日映袈裟倍有輝護法試從金刹講晴空擬見寶花飛
遙知十院多清暇隨處行吟對夕暉

題張子正桃花春鳥圖

不見張公子於今又幾年春花與春鳥相對共淒然

題陳長師壁

蓮幕歸來興更饒一聲孤鶴起松濤呼童滅却燈前燭
坐待簷牙月影高

題倪元鎮畫和郭明德韻

土苔凝綠上松根前輩空留翰墨存寂寞雲林堂下路
一峯殘雨映孤村

二月一日出門遣興

晝長危坐獨無聊聞說春光到柳條乘興出門行數里
木花殘雪未全消

題瓶梅

孤山堂下玉層層幾度尋君策瘦藤折得一枝香滿榻
半牕斜日帶殘冰

上洋城書屋曹氏重訂叟集而刻之凡紀叟之事

評叟之詩者具載附錄中而事之可疑者如叟由

松陰齋集卷十四

五

鄉舉授御史而王叔明題秋山讀書圖云以布衣

拜官其可疑一也

按府志洪武三年庚戌始行鄉
試應天中武者七十二人未及

會試悉授以官華亭袁凱以府學中式即授監察
御史故吾郡辛亥無甲榜也查辛亥殿試題名錄

應天所屬成進士者止袁州一人他府無有則未
會試悉授官之說不誣但袁州一人他府無有則未

顯職而凱獨為御史意授官時適有薦者以明
史葉等書皆以為薦授御史也諸說中當以在野

集序為是又凱辭御史歸賢別京詩有謬當南
宮薦之句考之實錄凱上封事請延儒士令諸將

於朔望早朝後俱赴都堂聽講經史事在洪武
三年之十月時已為御史則凱實未嘗會試也

父可潛翁元末曾為府掾而明史葉於叟傳亦復

云然按楊鐵崖改過齋記稱叟自言偏質剛愎不

能齟齬與閭里浮沉又豈肯低眉俛首事上官而

伍胥吏乎其可疑二也謝猷奏對一事言人人殊

或云上大喜或云上不憚至謂其持兩端然皆言

太祖欲刑之而東宮欲宥之者也若明良記所載

則反是其可疑三也記曰高皇帝欲懿文太子練

一日有父訟子者帝已察其非罪命付太子論

論子得死帝問廷臣莫有答者忽班中一人對曰

寬死無赦帝問廷臣莫有答者忽班中一人對曰

陛下所論乃申天下之仁太子所斷乃廣天下之

孝皆是也帝問對者為誰曰監察御史表其罷官

也皆云託瘋疾告歸明良記則曰杖而為民其可

疑四也記曰表凱佯狂避世太祖命題畫虎詩曰

親復相顧太祖雖知其意是難相聚惟有父子情相

加罪後因雷震田父題於長安門曰雷哥哥近前

來我與你說個緣由耕牛田父與你有甚冤仇怎

麼不揀一個大得人憎的與他一個嫌手太祖見

之批其後曰表凱這廝放縱不才打他四十為民

當差放歸田里遣使潛察之凱益為狂廢以糖和

熟米搏為大豕糞狀夜密棄牆根草際盡取為食

使者見之以為食糞物也歸陳狀得免禍後聞太

祖崩始歸理髮有從其歸田也皆云佯狂避禍乃

考其集中年月不廢酣歌且有田園場圃之樂或

稱其讀書松水之陽九峯山中翛然有出世之志

或稱其背戴方巾倒騎烏犍手持木笛行游九峰

三泖間好事者至形諸圖畫銷聲匿跡者果如是

乎其可疑五也既稱以持兩端見惡於太祖復謂

以賦楊白花被譖於長陵其可疑六也即徵典郡

校一事或云在太祖時或云在成祖時華亭縣志

授為教其可疑七也楊鐵崖作改過齋記是為至正

之九年歲在己丑叟自云年已強矣夫四十之為

強越二十一年庚戌而舉於鄉又越十五年乙丑

而有元夕觀燈之會叟年不幾踰古稀乎故詩有

七人四百九十歲之句也至和夏忠靖一覽樓詩

乃永樂之甲申歲相去又一十九年此時叟即尚

存必無能復事文皇之理又焉有議事不合賦詩

被讒佯狂放歸徵典郡校之事其可疑八也總之

以上諸說傳聞異詞世久年湮無從核實存疑案

可耳曝書亭集所載叟傳亦祇敘述舊聞別無考

證故亦不錄海叟集四卷叟所自定祥澤張氏刻

之後何元之以活字板印行百本而張方伯叔翹

所重刊者是也朱鳳山張友山所選在野集後雖

有補刊已多改削即陸文裕公為庶常時於京師

所得刻本雖係祥澤張氏所刻而蠹爛大半已非

全帙復加刪定仍以舊名用著叟志崆峒之序可

證何林太守仁甫重刻之而序中有瓦缶之稱也

李序又有云叟名行既晦集亦罕存後人句讀之

誤遂謂叟有既晦集為文裕公購其遺闕而刻之

者宜其無傳於後矣叟集外詩上洋曹氏已刻若

于首於集中余復得五首附於前人論定諸詩之

後以存叟詩什百之一非敢妄有採擇致貽臆測

之設也

袁宗

列朝詩集宗字宗彥以字行松江人洪武中官王

府長史謫戍滇南有菊莊集三卷

車遙遙

車遙遙天未明銅龍鼓響霜滿城驅車出門何處行愁
多車重牛不進竹鞭鞭牛牛力盡車遙遙不可留我身
願化車下輪千里萬里從君遊車遙遙不可止我身願
化山下石推君之車君乃已

題美人春睡圖

東風小院闌干曲滿地梨花泥香玉金牕盡靜燕初閑

松風齋詩集

明

八

火養沉烟一絲綠美人消瘦桃花肌春腰玉減一尺圍

碧紗帳小蟬翅薄睡損舞裙金縷衣綠雲盤盤堆枕重

翠滑斜偏小金鳳啼煞流鶯喚不醒風流正作江南夢

檻前芍藥吹幽香隔花玉漏聲正長冶情蕩漾收不得

誤隨蝶過東家牆東家牆裏新粧女兩兩三三喧笑語

西亭昨夜爛張筵燭膩銅盤照歌舞

莫種樹

莫種樹種樹枝葉稠春雨枝枝泣秋風葉葉愁

夜遊曲

青天雲去如平湖銀河界空明月孤百花飄香柳垂影
千金一刻誰能沽危城移更起瓊箭華屋向月開瓊鋪

青絲綰結白玉壺酒傾鑿落金芙蓉瑤簫冰絃掛銀鴈

沉水翠樓飛金鳧美人呼來歌鷓鴣纏頭匹錦三斛珠

梨花風動香玉膚片片飛舞沾羅襦杜鵑啼血吻欲枯

青春屈指一半無井桐啞啞啼老烏女垣歛見橫星樞

金篦插月夜莫但樓頭畫鼓停一桴相逢萍水皆塵途

憂此暫變為歡娛此時不飲何為乎素髮種種侵頭顱

龍鉛虎汞總一爐顧我凡質非仙徒牙籌在手止斯須

白壁烏熊潤黃壚勸爾痛飲毋踟躕醉後笑語從虛胡

更買五斗粉與硃為我繪作宵遊圖

曉寒曲

秋江夜雨芙蓉老翡翠雙飛下紅蓼鯉魚風起鴻鴈悲

松風齋詩集

明

九

徹骨清寒夢魂杳碧紗如烟隔啼鳥龜甲屏風香篆小

阿侯白馬不歸來被冷鴛鴦洞房曉

鐵簫歌

滇江夜半風雨黑電火燒空轟霹靂須臾雨霽波浪恬

江孺脫却蛟龍脊道人騎鯨江上來見之錯愕驚而咤

拾得歸來世希罕土花繡澀生莓苔上有空星泛宮徵

解谷蒼筤豈堪比六丁鼓鞀神功成百鍊金精雪花起

一吹潛蛟舞再吹嫠婦泣孤鸞長吟音嫋嫋碎玉玲瓏

真可拾酒酣為我三復吹青天行雲不敢飛初如七十

二鳳聲雄雌又若獨鸞抽出冰蠶絲東望蓬萊山把酒

招安期飄飄清興不可遏聽君一曲歌我詩曲終酒盡

客且散西軒月在梨花枝

次鐵崖先生和阿春氏春愁詩韻

日高斗帳朝慵卧胡蝶雙飛繡簾過庭空花片蜂蜜成
檻落香泥燕巢破素羅便面題兩行燒藥懶頭簪一箇
清明過却不成粧梅子枝頭豆來大

吾甘作老翁

捲簾看竹罷獨坐漫書空雲濕尚含雨山寒方起風麥
黃寬米價酒綠益詩工但願年豐稔吾甘作老翁

睡起

午睡方醒懶着冠癡兒猶解問平安山居有咏求人和
鄉信無私任客看燕蹴遊絲穿繡幙蝶衝飛絮上雕闌

松風齋集卷四

明

十

不知春信今番幾開盡荼蘼到牡丹

憶錢塘

十載飄零客路賒錢塘無復覩繁華六橋楊柳林逋墓
一樹棠梨蘇小家山徑翠輿湖上出樓船畫鼓月中過
如今縱有金如土坐聽荒城咽暮笳

江南弄二解

妾家橫塘東與郎乍相逢郎來不須問門外植梧桐
妾家橫塘西春花壓枝低綠波淨如鏡只看鴛鴦棲

清明日偶成

牕下修書寄遠人燕泥時復浣衣巾東風催下清明雨
驚老花殘又一春

春曉口占

東風翦翦柳穠穠欲試羅衣尚未堪惟我春來愁不醒
杏花微雨似江南

袁 駒

府志駒字鳳儀成化丁酉舉人丁未進士歷汝寧
廣平處州同知

送姚程夫

玉樹娟娟月色寒遙分教席上南安一方後進推先達
千古斯文繫此官但使棟梁資斧鑿何憂首肯長關干
五經消息從來大應有先聲到杏壇

袁福徵

松風齋集卷五

明

士

方志福徵字履善華亭人嘉靖甲辰進士授刑部
主事時李于鱗王元美宗子相同在西曹有小詞
林之目晉貲外郎郎中庚戌邊警戒嚴世廟震怒
立置丁大司馬於辟并怒諸曹郎福徵論救王職
方不當死王得編為民而福徵知沔陽州州里
役負漁課者祖孫相繼杖下福徵捐羨鏹出之
遷佐黃州屬邑麻城有崇山亘二百餘里中多劇
盜盤踞福徵潛師夜入轉戰殲之拓其地立黃安
縣丁父憂服除補鞏昌丞遷唐府左長史唐世子
南陽王方冲年福徵取諸校豪武者不得為奸利
正副承奉缺奄豎趙忠常福詐王疏請補遷福徵

發其罪得旨逮訊忠福擬辟而福徵亦褫職矣

正副承奉親同禮監例於府中以復以前減為

中貴人羅織坐以冒禁乘傳下獄事白歸以詩文

甚酒自寄性奇爽倜儻而復天真瀾漫度量以博

人亦敬而推之釋褐六十年家徒四壁殘書萬卷

而已所著袁履善集凡數種各自為卷其子之熊

手錄遺藁共三千五百頁未刻雲間志畧袁履善

初號潛冲一日夢左思語之曰君即我後身也因

更號太冲少有才名文法類延之詩宗杜工部行

草倣端明孫思明雲間雜識太冲生時乃翁夢錢

鶴灘來訪遂以福為名後才名亦相埒人皆以狀

松風齋集卷之四

明

主

元期之廷試止得二甲但壽踰八十孫登進士則

錢所不及者太冲未八十訛傳其辭世遠方有寄

弔賻至者表作詩謝之又數年而卒聞耕餘錄王

元美有贈袁履善二詩其一曰霜髯此日園棋叟

綠髮當年同舍郎出僅一身何暇鋪行逾千里不

齋糧未論縑素皆親屬才得湖山即故鄉似爾蕭

疎我亦易檻猿籠鳥正茫茫其二曰紉扇題詩字

字新秋風一展一含顰少陵難字將輕過楊子方

言未易論覓句祇應天上得知音誰解曲中真笑

渠縱有天然色欲報寧無按劍人蓋履善負異才

高曠不羈性復好游聞佳山水輒欣然獨往人無

親疎一見歡接為詩文別出機杼不欲一字襲故

而棘吻聲牙時或不免弁州二詩頗含譏諷然讀

之如見其人列朝詩集袁履善詩集甚富每一題

輒衍曼百餘首皆拖詰屈王元美嘗譙客云今日

分賦戲作袁履善體袁中郎記其事以為笑

贈大智師

慧燈西竺發分向海中懸入定渾無相出關覺有緣經

翻龍淨鉢禪就鶴開筵我適天然趣圓通亦復然

紫蓋峰南臺寺

出山身擬造祇林古殿危臺俯碧岑寶界松蘿藏隱豹

女牆箭篠憂鳴金泉厨近與神宮接龍洞幽居法地陰

松風齋集卷之四

明

主

坐愛山中偏得據喜調齋飯劇招尋

登大和絕頂覽成皋山河之勝而作

伊昔何年扼度關亭祠崇闢武牢間玉宮衆擁東垣立

帝邑頻遷上亳還城列車營千仞壯河阨民趾萬家灣

崩岐竭洛踴瞻瞻何必銅駝歎轉輾

次韻奉答逸之周徵君泛泖還後見懷之作

被褐懷珍載遠遊水雲棲住百花洲名推伯仲周瑒列

書著肝衡趙壹愁筆墨醉酣烟雨渚行藏笑倚摘星樓

雅知逸興琳瑯布紙貴多應答應綢

吟牋種種寄天遊梅屋香藏白鷺洲六友竹中誰似逸

五噫歌竟却含愁雲間鶴去仙留跡海上潮生人倚樓

珍重鴈書和月到臨風長對白雲稠

慧日寺

葦竹分欹徑開雲布石田法門藏慧日神觀豁慈天茶
老經僧臘池新證品蓮避幽方外跡曝暖問空綠

同明府屠公嘉則沈山人馮開之太史汎谷泖

乍下俄晴詭狀殊山靈能恠夜成珠平分佛窟浮銀漢
露坐湖心倒碧壺獨樹平原飛匹鳥練塘深處沒秋蕪
使君風土咨諏徧不忝平生長五湖

甲寅從孫文學輩泛泖述寇事登絕頂

圍楊方廣列仙槎十里平原蔽紫霞歌罷欲酣依上界
春徂多難負名花前村綠展山容淡水艇清和渡口斜

松風集卷五

明

曲

幾欲抽簪期歲老手攜尊酒過僧家

中秋塔院徵賞

谷水浮烟漾碧蕪銀波組練錦模糊川靈爲假天中節
景候渾陳物外圖仙馭得乘棲閣苑神遊何幸踏方壺
身貪逸興探奇到可道無年廢飲娛

澤國吾生拙宦存那能無藉九秋尊詎諧峯泖堪爲黨

主掌湖山宿有根塵世已甘方外駕老懷思向月中奔
僧齋何處天雞叫扶杖看迎浩蕩恩

長史類滑稽者流詩皆衝吻而出不事選擇雖多

亦奚以爲長史之詩不盡傳長史之幸也不盡傳
而尚有傳者亦生於長史後者之幸也若曰此松

江派也則置陳夏於何地謂之無目者可也
表之熊

之熊字非之唐府長史福徵第五子終太學生長
於古文辭名重南雍與弟之羅皆負才而艱於遇
閱方衆甫遺藁詩以輓之有字

衆甫爲浦東望族獨食貧當補弟子負髮纔
覆額今上改元癸酉登賢書又十年成進士
初牧冀州丁內艱服除改牧汝尋入爲職方
郎副出掄八閩才還遷郎武選備兵盧龍平
濞東叛卒大著能聲無何復移閩學憲試方
竣以疾卒於官計衆甫成名且及強仕屈首

松風集卷五

明

五

諸生折腰五斗顧兩守州郡一佐樞曹方握
虎符旋收駿骨再視閩學桃李盈門於人世
榮名可無謂數數哉乃其技不止此施亦未
竟惜也遂爲古人郎君屬余校遺言久始卒
業撫今追昔輒感人琴愧不能詩勉成二律
聊代掛劍云

吾黨當年遞主盟君者獨白藝先成曾無車馬家徒壁
賸有町畦筆可耕屈指人間方叱馭回頭天際忽騎鯨
於今大雅還誰屬肝胆從來未敢傾

星軺到處有春風冀汝棠陰綠正紫紫塞萬夫馳檣馬
絳帷多士起冥鴻翰君雅遂題橋志憐我虛將掛劍哀

手捧一編腸欲斷琴聲笛韻總宜空

松風餘韻卷十四

松風餘韻卷十四

明

六

松風餘韻卷第十五

目錄

明孫怡二首

孫衍九首

孫承德一首

孫承恩一首

孫克弘三首

孫茂芳一十二首

孫士美一首

潘恩三首

潘忠四首

潘允哲二首

潘允端一首

潘煥明一首

潘元和一首

松風餘韻卷十五

目錄

一

松風餘韻卷十五

胥浦姚弘緒聽巖編次

孫怡

上海縣志怡字孟瑜天順元年歲貢府志作濱州選貢

學正工於詩有山澤吟嘯六卷

鶴坡在下沙鎮世傳陸機養鶴處又云其地出鶴俗呼鶴窠

歸舟望南坡坡頭雜嵐氣中有胎禽巢不知育雛未

為朱別駕題葵軒

我愛風流一丈紅亭亭小立碧闌東看花不醉三春雨

捧日常懷一點忠分種元從金谷裏求題曾向玉堂中

除將太液芙蓉比野草閒花總不同錢翰林為作葵軒記故次聯及之

松風餘韻卷十五

明

孫衍

方志衍字世延華亭人父猷廣信訓導母任氏參

政任勉之女賢而知書弱冠舉鄉薦成化戊戌成

進士知深州丁艱服闋補沔陽州民享其利陞南

京職方貢外郎進車駕郎中車駕典舟車中官假

進貢索取無虛日每裁抑之因構大獄上命法司

按治卒不能挽中官勢少殺奉檄檣戮焉政釐革

宿弊居多弘治丙辰陞知延平府屬邑有盜殺人

劫財匿山谷問其家誣以良民余新抵罪訊知冤

潛訪得真盜而立出余於獄羅太學富而強恃武

斷筆人至死將行賄以圖免衍捕正其罪往解京

料價多為勢家包攬負累重徵乃令編戶自輸歲

辦民亦無擾歲徭役皆手筆親定推見纖悉人服

其公閭俗婚嫁以論財後時死輒焚其屍嚴禁之

俗為之變辛酉夏旱少禱烈日中得雨衍喜却蓋

冒雨徒行數里而歸得疾遂不起卒年五十有九

聞人感而哀之為立永慕祠於七月誕日歲祀焉

有雪岑藁若干卷子承德次即庶常承恩也雲間

志畧孫雪岑學有淵源食貧攻苦嘗書伐檀之詩

以自勵詩文為士論所推伊孫克弘所居東臯雪

堂見有一對聯出公手筆云三十年辛勤有此千

萬間庇厦何時字畫道勁足徵前輩風雅云

松風餘韻卷十五

明

寄沈宗遠

挂席曾逢江上舟別來彈指又經秋閒從何處爭基局

醉共誰人較入酒籌金鯽池魚芳草合女蘿花樹小庭

幽客中無限相思意坐對寒燈獨自愁

和曹定菴泖上作

憲節巡行海道平便修歸疏乞承明老蹲誰侶曹公亮

詞妙人推宋子京三泖嬉春呼鶴伴九峯擇地許僧迎

却慚仕路夸毘子只向錙銖較重輕

草玄閣小蓬萊楊鐵崖寓所在百花潭上別有挂額樓草玄閣皆為東吳勝槩閣在迎

仙橋西北

一自先生觀化來人間猶說小蓬萊穿雲鐵笛聲難續

墜月金錢夢已回
華表何年聞鶴唳
空羣此日憶龍媒
崖鷁野客東南地
時有奎光燭上台

南平八景

九峰月朗

峯由九疊旋繞紫雲迴為延平府治諸峯之冠

一輪浩魄夜三更
九朵芙蓉白晝橫
我欲振衣從此去

蓬萊頂上看潮生

龍津春浪

一名劍潭府城東南建寧邵武二水合流之所雷煥之子佩劍經此為龍處

劍躍入水

鐔津雨過碧溶溶
神物當年化此中
昨夜風雷起南國

海門桃浪湧春紅

猿洞秋風

府城玄妙觀之右昔有方士袁深書煉丹其中白猿往來而狎故名

松蘿峯十五

三

洞口秋深猿嘯哀
風傳清響過溪來
使君自信無機事

肯作朝三暮四猜

中巖瀑布

演仙下里高出衆山上

一派高從碧嶂來
白雲滿地走春雷
誰將倒障狂瀾手

挽下銀河淨九垓

鰲溪橫濤

東溪之灘鰲溪古稱最險宋天聖中郡守劉開鑿元豐中朝命其

地僧院主之

中流亂石東奔湍
逆上非難順下難
灘寺白頭僧碧眼

看人汨沒利名間

行麓晴霞

行仙山舊名含源山晉衍客結廬煉丹其上

山中仙客杳難攀
留得仙名重此山
衣蛻不須求往事

雲霞終古見斑斕

孫承德

字行甫號守齋延平守雪岑公之子文簡公毅齋

之兄也以廩膳生終

競渡

雲間雜錄守齋少穎悟十一歲竊從家人往觀競渡比歸父雪岑公欲責之諭曰汝

能作一詩當寬汝

虎父惡門日龍舟競渡時
屈原遺恨在千載令人思

孫承恩

雲間志畧承恩字貞甫號毅齋華亭人太守雪岑

公衍之子年二十以儒士登弘治甲子鄉薦正德

辛未成進士改庶吉士授編修進修德應天賦是

松蘿峯十五

四

時權貴人數亂政因引疾歸卧於家者七年至世

宗登極始還朝進正始箴又進鑑古韻語南狩還

又進大孝頌上每嘉納之充安南正使旋以纂修

明倫大典遷左中允充經筵講官講大學衍義有

所發明上悅辛卯典南畿試丁酉典北畿試所得

皆知名士尋陞南京翰林院侍讀學士上嘗顧近

侍曰何久不見稀髮中允以公頭顱少髮故云皇

太子生召為少詹事晉禮部右侍郎充經筵日講

官數遭視牲南郊陪祀帝祀社稷代拜永明祭先

師於太學眷禮之隆不在尚書下隨轉左改吏部

掌詹事府事同修玉牒充會典副總裁主考會試

遷禮部尚書仍兼詹事府事會有忌者力引疾歸
逾年召掌詹事府加太子少保應制賦瑞雪詩上
特賜和書以龍牋鈐以御寶題以賜和承恩瑞雪
吟誠異數也有疏請皇太子講讀不報又以上奉
玄齋宮設醮公獨不肯冠黃冠遂以疾再疏乞致
仕詔賜馳驛歸時年逾七十矣居家凡十年甲第
在東郊外府縣朔望必往存問公時或出見語不
及私一款茶而別送亦不出中門雖撫按兩臺過
從亦復如是聖壽五十公進頌上又嘉悅賜以帛
金文綺享年八十一以壽考終有遺表聞於朝賜
祭四壇遣中書舍人梁孜治葬事贈太子太保謚

松風齋集卷五

五

文簡所著有孫文簡公集二十卷行世明史葉劉
世揚傳張璠桂萼罷帝責諫官不言都給事中劉
世揚乃盡劾璠萼黨其宜斥者七人中允孫承恩
其一也先進舊聞公幼而穎敏四歲即能屬對一
齋吳公與公父雪岑公善公侍側以紅燭試破即
應聲曰色似朝霞光同夜月吳喜曰此是清華色
相異日華國之徵也遂以愛女字之爲史官輯歷
代人君善惡之迹各述一詩共得六十首上之世
廟有旨嘉納賜名鑒古韻語雲間雜識孫雪岑太
守與青龍塔下長老相善孫晝寢夢長老直入其
卧內醒報舉子矣亟令人往探長老知已示寐所

舉子即文簡公聞文簡老年喜聽木魚聲當是高
僧轉世郭志文簡公生平不識陰陽方隅禁忌常
曰天道與善豈有廣布諸凶煞不論善惡邪正遂
降以禍乎

泖中有塔院曰澄照吾松古梵宇也修營頗已
整拓茲欲建一閣擬以文呈名義或因浮屠
有文峰之象而其意則乞靈葆秀爲吾人文
崇重豈可少哉漫記一詩用鼓成之

吳天江水濶三泖開洪濛中有彈丸地自昔浮屠宮七
級聳文筆截葉風雲葉茫茫湛天宇奎壁涵虛空象緯
似不遠奇秀鍾與中老僧忽作念高閣擬鳩工奉祠文

松風齋集卷五

六

昌君要與淑氣通結構志獨苦山水增深崇豈徒知勝
地良亦景文峰一點乞靈意吾茲試其功

先生瀟溪草堂集爲及門楊中丞朋石朱司業象
玄張都諫白灘高吏部南洲董太學紫岡諸先生
校定而壽梓者泖塔記中一詩未入蒐羅餘韻鏗
然全部宮商可按聲而考矣

孫克弘

雲間人物志克弘字允執文簡公子也以廕入成
均選授後府都事陞經歷歷應天府治中漢陽知
府罷歸卜居東郊栽花種竹疊石鑿池名爲老圃
座客常滿絲竹之聲不輟善繪花卉望之如生薰

寫雲山得高房山筆意尤工篆隸郡中署書多出其手四方之客絨楮幣求繪者履滿戶外先是文簡公家業微薄公善費日用不支藉潤筆餬口兩臺及郡邑長吏咸加敬禮助薪水焉善鑒古多蓄法書名畫宮室器用多出人意表好事者尤而效之刻敦復堂帖所著有雪堂日抄二十卷俱手錄

松風齋集卷五

明

廿

一歲假館機輟暇則就明牕淨几間抄異書臨古畫有語以俗事掩耳不願聞居常好着平頭帽有晉唐人風度而又好寫笠屐小像流布人間卒年七十有九平湖令蕭鳴甲以監兌至雲間旬旬風雨中拜細林山墓下楊侍御鶴來按吳以不得見漢陽爲恨乃表其墓而去郭志藝術傳孫克弘爲應天治中嘗攝上元縣釐正糧差法著爲令縣人賴之擢守漢陽會高郵修郊於華亭波及罷歸高故文簡所取士後屬所知致書招之克弘答書不復營進少敏慧博涉羣籍氣度蕭遠有晉人之風正書做宋克尤工八分畫水學馬遠花鳥似徐

熙趙昌又善以水墨寫生及竹石蘭草無不臻妙其做米氏雲山作仙釋像世尤珍之吳江王崑崙山人送孫治中出守漢陽詩曰早辭京兆府秋入漢陽城馬上吳山迴船頭漢水生好看循吏傳休忘故人盟鸚鵡洲前月勞君弔禰衡

登泖塔

岑岑丹碧炫晴空遠映平疇列九峰隱躍中流看蜃氣莊嚴多寶隱龍宮飯餐菰米爲僧供靜倚蒲團聽梵鐘自喜歸閒人事少將從禪客證心宗

古宮詞

戊戌殊麗傳響十指纖柔力未充多被朋儕齊笑謔

松風齋集卷五

明

一

強顏無奈臉蓮紅

花洞遙延一架平文鴛雙砌接珍亭明暉北望垂楊岸滿日煙波上下青

孫孟芳

孟芳字世聲隱士得原孫得原字本卿號鴈洲居華亭東郊隙地半畝雜蒔花竹吟咏其間病足常出乘一驢抵家其子士高掖之而下晚不能跨驢又負之而歸宋旭畫荷父圖贈之

輓何太學乾卿

乾卿名之龍司李三畏之父墓在鳳凰山朱宗伯廣撰志

東南歲曜世爭奇忽訝精光墮海湄名嶽已營棲鳳處大荒無奈泣麟時共傾竹葉俄三載尚憶桃花上兩頰夜半松梢饒紫氣尚書已勒墓門碑

十五夜郁季雅兄弟招飲煙雨樓何士抑沈孺

休高永仁范君和長庚同逸之同賦

支杖臨高閣推牕捫碧天鳥聽吳語人上越姬船望
盡紅菱渡歌翻白苧篇我來同舊侶十里弄秋烟

招包孝廉黃工部飲駕湖

白雲何處來秋色百里星文聚可占水濶芙蓉漁照冷
天鳥鴻鴈月痕纖樽前覓句推工部閣外停舟傍孝廉
勝會不輸河朔飲已拚沉醉夜厭厭

同范君和叔姪郁季雅昆季攜榼舟中招包襲

明黃玄之諸文重過烟雨樓劇飲賦十絕句

題

菰蒲十里帶高原露冷千家月挂門好記層臺秋樹下

布衣曾此拉王孫

疊鼓輕謳散紫煙孝廉秋色滿樓船彩毫欲犯長庚宿

共說湖中有謫仙

百年良晤總飄萍可奈茲宵水上亭處處清風歌子夜

忍教一座酒人醒

碧天杳靄淨風塵酒後吟行極水濱聽罷梵音旋了悟

白蓮重現宰官身

風生水面荇花香煙鎖垂楊落日黃笑擲銀餅頻索酒

驚翻一隊野鴛鴦

輕盈初下避風臺縞素衣裳白苧裁一陣異香生綺席

可知曾侍玉皇來

新柳十首之二見馮八所藏新柳詩圖

尋芳廣陌日馳車處處輕煙欲放初可道春前枝未密
翻疑秋底葉全疎垂將水面牽青雀折向江頭貫白魚
細細豈堪贈行客陽關那許唱驪歌

簾幙煙開散紫塵青歸柳色又經旬渭城拂拂春愁迥
灞岸依舊恨新閒傍落梅憐玉蕊漫同春草待王孫
東白合爲多持護曾挂陶潛漉酒巾

同何士抑沈孺休郁季雅駕湖秋夜泛月二首

載酒出葦城何依微夜氣清孫帆檣侵月色沈鼓吹引

潮聲何慷慨遊人興郁淹留去客程沈不妨披露坐孫

聊爾話生平郁

片帆乘月下郁尊酒泛郊西沈水濶天疑盡孫烟橫樹

欲迷何嬌歌翻子夜沈選句踏長堤孫吾黨風流在何

誰言讓阮嵇郁

孫士美

明史列傳士美青浦人由鄉舉授舒城教諭崇

禎八年春賊來犯縣令以公事出士美代守七十

餘日城以全明年擢知深州

大清兵至力守三日城破自剄於角樓父訥亦自縊

一家死者十三人贈太僕寺少卿訥亦被旌

守城作

鐵騎遠孤城烽烟勢未平君親本至性南北總關情地
下難薰鼠原頭絕救兵一作此日羽書急何時鶴唳清寄言青史筆莫

載罪臣名

贈太僕公字公梁讀書坐花菴中夜有鬼相謂曰
此異日忠臣也不可犯出守深州城破題詩蕪婁
亭從容盡節贈公訥字敏甫亦不屈死其孫芝秀
擊登聞鼓陳父祖死難狀得贈恤芝秀有陰德子
孫蕃衍吳子綏眉為余言如此

潘恩

明史列傳潘恩字子仁上海人六歲能辨四聲登
嘉靖二年進士授祁州知州調繁鉤州鈞徽王封

松陰讀書

明

主

國也宗戚豪悍恩約束之州人為建祠配公孫儒
黃霸轉南京刑部員外郎遷廣西提學僉事署按
察使事有大猾匿靖江王所捕之急王不得已出
之憾恩誣以事按無實得免累遷山東副使御史
葉經以試錄忤旨并恩下詔獄謫廣東河源典史
嘉靖二十二年葉經按山東縣鄉試嚴嵩指發策
語為誹謗帝怒尚書張璠等遂阿旨言冠不南犯
經不歸功君父而以賊範賜為辭考試官教授張
鏡經及提調布政使陳儒宜并治嵩密言試事素
由御史帝乃降旨斥文中語為狂悖經儒等逮
下詔獄廷杖經八十為民創重卒儒及參政張泉
副使談愷潘恩久之累遷至浙江左叅政按部海
鹽倭猝至圍城數匝恩與叅將湯克寬僉事姜廷
頤力禦之賊乃退俄遷浙江左布政使以右副都

御史巡撫河南偕按臣劾徽王載堦貪虐王遂奪
國伊王典棋驕橫恩一切裁之河南民素苦藩府

恩制兩悍王名大著久之由刑部尚書改左都御
史子允端為刑部主事吏部尚書郭朴恩門生也
調之禮部給事中張益劾允端奔競恩溺愛朴徇
私帝置朴不問改允端南京工部令恩致仕稗談
潘恭定公知祁州日年四十尚無子一日夢雙星
從天墜其下其光熒然隱隱有文一曰哲一曰端
未幾生二子即以其文名之後皆舉進士南吳舊
話錄公既致政諸弟温州君惠刑部君忠光祿君
恕相繼引歸公年八十餘其最少者亦七十為築

松陰讀書

明

主

四老堂於第疏泉種竹修林野之致八表時同年
冢宰嘉興吳默泉師相華亭徐存齋年俱望八相
約往賀不欲入城潘乃即南門外建堂三楹款之
顏曰三壽觀者傾國萬厯初進階榮祿大夫六年
詔有司存問年八十七卒賜祭葬贈太子少保謚
恭定說者稱始終一節身名兩得為國朝純懿一
德之臣樵史潘恭定居郎署時奉封公命為一生
開說學使者入泮比謝政歸則念曰作宦四十餘
年未嘗以片牘干有司惟某生者以親命不敢違
既訪此生貧矣立招生來密告曰昔年曾貸而翁
百金久相負今以償君生且訝且却公曰吾詎忍

負而翁地下也強納之去小長蘆云先大母徐安人爲恭定公女孫所出子七齡時塾師課子屬對不協安人述舊事謂公六歲能調四聲因以公所訂詩韻輯畧授予自是知別四聲矣公詩凡風雅什樂府五言雜體靡不擬又與高子業田叔丞相酬和知其用力深而取友之善也

送邱止山之任柳城

高才淹枳棘出宰歎蹉跎鳳嶺雙鳬去龍江一鴈過宦遊致身遠文翰取名多知爾彈琴暇流傳白雪歌

送鄧貢士元性還南寧

綠樹陰濃乳燕飛金陵萬里送君歸隋珠握彩人爭識

松蘿集卷五

明

五

匡鼎譚經志不違馥郁芹香涵璧水青葱綺色照儒衣
邑江暫戡圖南翼峙看軒騰向帝畿

索長官廟

禹州志在密縣城之西隅

絕代循良績於今尚見之人間歌舊德山側擁新祠白日懸蘿蔓清風淨竹枝幽禽時一語動我夜來思

公致仕後與徐文貞公並蒙存問雲間海上壽星輝映非盛世奇瑞鄉國美譚哉諸弟俱謝朝簪兩子皆成進士堂開綠野樂極天倫視素服以迎相向而泣者誠有間矣所著笠江稿近稿世經堂集續集冠冕商皇有目共睹錄逸詩三首染指可知鼎味也

潘忠

忠字子盡上海人恭定公之弟嘉靖甲午舉人天台仙遊知縣南京工部郎中方志以簡訥樸素稱之南吳舊話錄子盡極簡素其知仙遊嘗步至耆老家與談縣中所當行利弊一日謁郡守都無所言守曰君來何爲對曰久不奉顏色特來瞻仰少忘合邑士民之望地僻訟稀但使民安其俗一日坐堂兩日高枕餘無所煩左右守曰仙遊固宜無俗吏也

九里湖

晨起尋真賞將窮九鯉奇振衣步連岡捫葛沿迴溪奔

松蘿集卷五

明

五

濤赴層壑清泉一道飛晴雲轟薦雷峭壁吼蛟螭乍聆毛骨冰佇望目轉迷鮫人暴冰綃曳之百尺垂魚龍紛天矯相噴珠陸離恔怳非人間始識真靈棲紫霧何溟濛瑤草亦歲蕤采采意飛越長生良可希何當謝樊籠披蒿凌丹梯

環翠門次韻

放衙尋勝步莓苔數武幽然竹徑開花繞亭臺山繞樹恍疑深處有仙來

環山樓次韻

翠微臺榭鬱岩堯飛屐登臨破寂寥凭檻眺青聊岸幘藉堦浮白共茵袍跌雲冉冉凌霄漢呼月亭亭出海濤

對影恰來成七老時同江初泉二公風流豈減竹林豪

六華島次韻

行盡嵐花水竹中又過蓮島石橋通清幽小結墨華閣
虛白寒浮蛟蜃宮習靜最堪立理析賞心更愜越粧同
欲吟不得烟霞句頻掀疎鬢立晚風

潘允哲

芸間志畧允哲字伯明號衡齋上海人尚書恭定
公子嘉靖甲子魁北闈乙丑成進士初授新蔡令
時淮汝水溢漂沒民居為請穀賑之流移復業以
才調義烏義烏民素桀黠至則筆杖空懸之堂粹
宇冲顯是者心折適有礦警聞公風采而戢囹圄

樹齋詩集

明

五

為空擢拜南臺益明習典制持節上江持三尺無
少假秩垂滿出知黃州黃故劇郡素號難理公以
寬簡撫之課最擢山東副使丁內艱歸服闋補陝
西督學謝絕請託每念恭定公春秋高而外臣無
乞假例一日得恭定公手書語多失次恠其頓衰
遂棄官歸中途果以訃聞哀毀骨立未抵家從五
十里外號眺而前終其喪三年無見齒無懽容也
蔬食布衣杜門謝客足跡罕至公府而事有關細
民疾苦者問為郡縣一緩頰他若以事乞公為地
者立謝去亦有知其寃狀陽却之而陰為緩頰者
不令人知或竊知而從公謝者面赤遜無有恭定

所遺田房未嘗益一畝一椽嘗惟吳俗僭似戚張

聲猷至有凌轢越紀綱者加意裁抑惟令一老蒼

頭應門後進小生必以禮接戊子歲侵米價騰湧

公至絕炊或言某家僮蓄千金徵責之可以濟乏

公曰彼自有金非我所授何可無故奪之卒之日

知與不知皆為垂淚丹旌所過父老爭插竹帛紙

校其上自公家衢至墓門凡二十餘里不絕又共

為謠詞集諸兒童為變徵聲以佐薤露其辭曰民

好德長公雅度何溫克早歲賢聲編鄉國既登朝

貴無驕色身章相福厭華飾禮度謙謙心翼翼公

之存乎其矜式公之殯乎咸歎息仕兮未躋樞輔

職齒今未屆耄耋道積之豐兮報之備天何夢夢

不可測竹枝森森沿道樹錢銀飄飄豈易得三代

民心此遠直地時聲響淒然一唱百和觀者填街

塞巷至執靈輿不得行有父老談遺事者一日公

乘肩輿出與人偶觸一狂生逐與謾罵抵舍不

置已入廟事毀其椅而去學師聞之詰旦率生請

罪公曰昨趾未嘗出戶也安得有謾罵而毀器者

謹謝學師送之出狂生雲間雜識潘衡齋為御史

日得一古玉印螭鈕血斑文皆柳葉莫能辨識後

示博古者辨為雪堂二字且曰必蘇長公物歲餘

陞黃州守登雪堂瞿然有感因出王印示僚友且

歎事之前定命就印文摹而大之以顏其堂雲間志畧

耳談偶錄餘
談所記畧異

紫微

種自金華省分來竹素堂蟠枝迎瑞露接葉逗清光不
向仙郎伴還移野老傍三秋花爛漫相遲一飛觴

謝人惠茶

長日燕臺正憶家故人新惠故園茶茸分玉碾聞蘭氣
火煖金鐙見雪花謾道玉川陽羨藥還如鴻漸建谿
冷然一啜煩襟滌欲御天風弄紫霞

潘允端

〔方志〕允端字仲履恭定公次子嘉靖壬戌進士授
比部主事因父在法曹改南京工部權龍江關稅
寬卹諸商人稅入反倍大司空以問允端正色
曰某豈敢歛臣耶轉駕部副郎儀部郎中以副憲
分巡青登巨盜憑險阻出沒廉知左右有為賊耳
目者貸其罪而遣之令誘賊來縛其魁餘黨悉解

登州島人

以歲時入市武弁等襲殺為功諸島鼓

噪稱亂乃暴武弁罪而檄諭諸島咸叩戟門感泣

去晉秩叅政總理漕儲漕政為之一變先是有司
交兌後時領運者又多怠事比入河河水暴漲數
敗舟北土早寒冰易合舟不能達於是以期會督
有司部勒諸官軍以二月至淮五月入閘八月並
達天津又於瓜洲建閘以避江濤令白糧民船尾
漕艘而行又以運軍過江領兌多不以時乃定議
給直永免民運瓜儀之累計所苦心擘畫尤在海
運運自淮入海歷膠萊以至直沽遭險而遠怒濤
不時言者洵懼允端躬歷沿海要害激勵將士以

次懸賞罰格而行之凡為艘三百有奇運糧十有

二萬石不一月至天津計會通置河以來所未

有也允端以蜀轄遷去遂格不行蜀時九絲用

不數月費金三百萬愕然曰曩東南中倭禍越數

年費不及二百萬金乃今都蠻小醜費至此乎督

臣方以平亂功超擢用事聞而心銜之遂拒之使

投綬歸歸搆樂壽堂鑿泉壘石奉恭定居其中既

子冠佩金緋之榮復極父子兄弟之樂時稱孝養

焦山訪郭次父

訪隱來江寺徘徊信宿留天光雲外合閣影地中浮暢
飲驚馴雉高歌起白鷗焦公今復出汗漫此同遊

潘煥明

字未詳上海人詩見帝京景物畧

石經洞

擲杖拜山經淒涼古佛心老苔封舊篆稜石刻新銘法
自叅三界神應守六丁一函先示寂願切後人成

潘元和

〔郭志〕元和字節甫華亭學萬厯癸酉舉人丁丑進
士海寧知縣補任新喻改漳州教授陞國學助教
歷南京兵部主事負外刑部郎中出守黃州調知
瑞州府著古今災異類考

壽王洪洲八十

早從雲壑謝浮榮八十逍遙渭水清北闕舊推驄馬客
東方原是歲星精杖攜三島烟霞興文擅千秋著述名
試問當年遊宦侶幾人杯酒說長生

松風餘韻卷十五

明

松風餘韻卷第十六

目錄

明錢復亨 二十二首

錢驥 一首

錢士修 二首

錢岳 六首

錢溥 二十八首

錢博 六首

松風餘韻卷十六 目錄

胥浦姚弘緒聽巖編次

錢復亨

〔明詩綜〕復亨松江華亭人能文善醫洪武元年詔所在官司訪舉懷才抱德之士薦爲嶧縣教諭有詩餘集魏文靖驥序之

奉穀堂爲衛景源賦

維護有花其花楚楚樹之北堂以慰慈母
登彼北堂稱彼壽觴子慶母懼憂何不忘

賓山堂爲徐季謙賦

山青青兮其嶠其嶠鬱蒼蒼兮其友其隣慨余生兮澹

泊藉茲山兮相親朝飛翠兮入座暮巢雲兮當門山兮

山兮吾不知爾有情無情兮爲主爲賓

題朱迪簡畫意

幽人子寫蘭香生兮筆端慨三閭子既遠浩離思兮漫
漫諒君子子比德抱芳心兮不刊蘭兮蘭兮安得日相

與子盤桓

題朱仲實郎中畫意四首

條風扇晴淑青陽布微和溪流何泠泠雲山亦我我逶
迤古剎遠翁鶴綠樹多中有濟川者維舟遠相過我願
託此渡惜哉雙鸞歸茲焉淡忘情對酒酣自歌

赤曦運南陸丹颺盪陽林我我列岫遠靄靄嘉木陰

彼靜修者結廬事幽尋邈哉瞰飛瀑靜矣聆幽禽嘿嘿
理自得臺壘情彌深孰云樂山水所志非我心

商飈激西顙白露零濃濃列樹旣窈窕羣山亦玲瓏居
然兩人家逶迤住西東來去意自適笑談情復同俯看
暮流碧仰觀秋葉紅逍遙渡溪橋幽思浩無窮

荏苒歲云暮陰風生夕寒夕寒雲不流雪飛夜成團川
陸入溟滓林巒浩彌漫渺渺溪上舟離離渡前灘自非
王子猷焉能半途還我願適子歸深居閉重關

清遠樓

疎雨過溪樓軒窗面面秋鴈書雲外寫嵐影翠邊浮樹
入吳峰小江環楚甸流高歌與酣唱極目未曾休

送王芳蓀教授

驛路曉風和舟人起棹歌鴈聲隨處有秋思客邊多霜
葉飛紅雨雲山伴翠螺相看興不盡談笑莫蹉跎

送任原庸先生率諸生赴京背誦大誥

也字

聖世飛龍日天朝振鷺時我我周典禮濟濟漢威儀制
作頌三誥經綸統四維萬方齊舞蹈九野正雍熙入覲
心逾肅趨班夢已隨爲瞻紅日近寧怯白頭衰偉矣文
章伯賢哉弟子師鄉間稱道誼風俗厚民鼻坐挹珍珠
酒行歌錦繡詩一尊方眷戀百里又逶迤暖向梅邊早
春歸柳上遲何當同待詔鵲立鳳凰池

憶蕭山故友列朝詩選作
陳補詩誤

西風吹雨暗書房每憶蕭山別意長馬駐西陵秋樹晚
詩吟東浙夜牕涼石巖晝煖花空好江市春晴酒自香
何日南來重有約蹇驢馱醉過錢塘

野趣軒為張貞外題

一室翛然隔市闌放情詩酒笑談間鳥啼谷口高低樹
花繞池邊遠近山午夢欲隨飛蝶化寸心常伴白鷗閒
如今我亦林泉客願結幽盟共往還

西陵偶興

縛屋半山中雲深路不通老僧能結伴心與白雲同

經舊歌臺

寂寞舊歌臺春花冷淡開可憐人不見只有燕飛來

送黃太守二首

青山一杯別酒白髮數首新詩五馬相公行處千家燕

予來時

江北江南春早山後山前暮晴芳草渡頭客散桃花馬
上人行

題畫

石門斜帶曉山開楊柳陰陰護綠苔何處畫船晴雨外
綺羅風裏載春來

嫋嫋涼風斷復連青山深處藕花邊誰家樓外停歌舞
又上西湖晚渡船詩補作
錦船

雨晴霜葉曉斑斑多少樓臺紫翠間誰似漁翁能蕩槳
往來看盡舊江山

西風送冷入瓊樓一夜青山盡白頭斜日棹歌寒水上
分明還有晉風流

蘇臺懷古

閭閻城柳幾春風山遠樓高望眼空麋鹿不來人亦去
鷓鴣啼處是吳宮

寄陸致中

長憶離亭數斷鴻碧山千里暮雲紅欲知別後愁多少
都在寒江暮雨中

錢驥

顧志驥字子良漢成里人以儒士舉授晉府紀善
工詩文所著名砥齋集

題包別駕鶴洲詩卷

平沙百畝葦叢稀不碍翩躚舞縞衣唳月聲高江露冷
冲霄意緩渚風微隔江簫管呼羣起別渚鳬鷺避隊飛
不有高人居此地肯隨鷗侶共忘機

錢士修

皇明風雅錢士修雲間人四友齋叢說士修詩見
鼓吹續編松江二十一詩人之中

文淵閣應制

天街昨夜雨絲絲草木咸知造化私塞北天寒春不到

江南地煖雪偏遲碧添一線金溝水紅入千竿赤羽旗
聖主無煩憂念切豐年須待臘前期

水節婦詩

元氏失其馭綱常日以淪如何兒婦人節義乃紛紜含
笑蹈白刃謾罵捐厥身下至里閭間遠邇風化均崑山
水節婦賦質婉且淳閨門著懿行及嫁母命申二載失
所天哀號感比隣生死不再適願從泉下人或者諷非
義忿然興怒嗔禽行欲相汙雉經豈無因豪吏急乘我
要之結婚姻無由得上請戮彼滄江濱連逮獲賜宥仰
荷再造恩歸來家室盡觸目皆荒榛僦屋蔽風雨女紅
度朝昏寒食一盂飯汨灑水氏墳自從喪亂來大綱久

松風集卷六

明

五

不報屈膝節倖活多是厚祿臣廉恥道已喪臨危竟忘
君庶幾愧此輩正氣時一伸聖朝有盛典旌表節行倫
皇華采民風願以實行陳傳之史冊內炳炳垂千春

士脩名震元至正時曾爲會稽縣文學見鐵網珊

瑚題吳江謝氏巫峽雲濤石屏後方志著述錢全

衮纂雲間續志黃進士璋與錢震校刊之時至正

十五年則其以字行也或在金陵定鼎之後耳素

海更有寄錢德仁士脩二國錄兼柬王司業詩曰

錢翁父子教成均文學誰當繼後塵若見青衫老

司業還提江海釣魚人按此則士修曾爲國子監

學錄所云司業則王嘉會應隆也皇明館課作庶

吉士誤

錢岳

列朝詩集岳字孟安吳興人元季徙居雲間任亳
縣丞

赤烏碑

名利高開滄海邊豐碑新建赤烏年悲涼斷刻三江底
想像雄文六代前潮落鴈沙看古篆月明蝦渚弔枯禪
中興賴有周郎記回首吳陵慘暮烟

陳檜

上方雙檜鬱岌岌不逐禎明玉樹凋雲擁鶴巢冥海暗
火枯龍骨良宮搖深根入地應千尺老幹擎天已十朝

松風集卷六

明

六

夜半木精聽說法昔年亡國恨都消

鰕子禪

舉世爭傳野衲癡啖鰕聊復見神奇十千佛子俄驚活
五百聲聞總未知落日胥村波渺渺秋風蕭寺草離離
只留千古空龕在靈跡蒼茫不可窺

寄鐵崖先生

老仙才氣輕韓李流落江南道不窮野史欲藏神禹穴
直書曾上大明宮蘭舟夜蕩鷗邊月鐵笛秋橫鶴背風
陶寫惟應賴詩酒薦賢何必效山公

次張秀才韻因送其還

十年奔走浙西東落日秋風兩鬢蓬人物晉唐文藻盛

江山吳楚霸圖空孤舟海國鷗邊雨萬里揚州鶴背風
不盡平生遠遊興著書甘作草堂翁

題破窗風雨圖

敬亭山色讀書菴破紙寒窗儘自堪但恠蛟龍嘶匣底
不知風雨暗江南雲橫黑海秋帆斷花落彤樓曉夢酣
五色石崩天頂漏須君手脫巨鼇鰐

錢溥

松志溥字原溥華亭人正統己未進士試薈薇露
詩稱旨命教內書館授翰林檢討景泰三年擢左
贊善七年脩寰宇通志成陞左諭德天順丁丑改
尚寶司少卿陞侍讀學士修大明一統志充副總

松風齋集卷六

明

裁賜二品服充東宮講讀官壬午奉使頒詔安南
賜一品服甲申坐內侍王綸事出知廣東順德縣
成化丙戌復故官閒住癸巳起掌南京翰林院事
丙申秩滿赴京擢南京吏部左侍郎己亥入賀聖
節尋乞歸命以本部尚書致仕丁未進階榮祿大
夫弘治戊申五月卒年八十一謚文通溥少有文
名既擢第聲譽勃起嘗上書楊文貞公論學文貞
韙之居父憂與巡撫周文襄論便民條約復移書
侍郎李公論積荒召佃煎鹽水次倉四事多見施
行在順德釋繫囚撫流民尤多善政英宗復位大
臣多受賞溥言於兵部尚書陳汝章曰當時非皇

太后手詔則曹石二人曷敢提兵入禁宜以功歸
諸太后上尊號為宜汝言入言之上即舉行已而
問知出於溥也故有學士之命使安南與禮部論
移文不當與內臣同行禮又與內臣書論詔敕開
讀先後之序至安南與王論郊迎禮儀王辭屈悉
從之瀕行璽以金不受至遣陪臣入奏乃以上命
受之時以為得體前後五典文衡門生滿天下文
章瞻蔚詩得館閣體所著有瀛洲藁使交錄明史
藁陳文傳初錢溥與陳文比舍交甚歡溥嘗授內
侍書其徒皆貴幸來謁見必要文共飲英宗大漸
東宮內侍王綸私謁溥計溥溥不召文文密覘之

松風齋集卷六

明

綸言帝不豫東宮納妃如何溥謂當奉遺詔行事
按震澤紀聞時綸儀從甚多文遣詞者雜其中綸以為溥使溥以為綸使而不疑也坐中因聞云云
已而李賢當草詔文起奪其筆曰無庸已有草者
因言綸溥定計欲逐賢以溥代之而以兵部侍郎
韓雍代馬弼賢怒發其事而是時綸自謂當得司
禮氣張甚太監牛玉恐其軋已因事傾之綸得罪
逐去溥謫知順德縣永東日記正統四年廷試榜
出華亭錢原溥倣宋人王十李三之詩自誦云舉
頭暫且窺張大伸脚猶能踏小張或者以其言近
於忿易之曰頭上小張纔踏過舉頭又見大張來
蓋會試崑山張穆敬之第二溥第三廷試第二甲

昆山張和節之第一溥第二而和則穆之兄也戒菴漫筆華亭錢尚書九峯公溥天順甲申以學士謫知廣東順德縣時新會舉人陳獻章以道學自名聚徒教授有誣其藏兵器於山者值廣西流寇竊發土民多內應憲司恐貽患地方命掩捕之錢察其誣力為辨釋且勸其赴會試散生徒以解羣疑後當道薦可大用授翰林檢討卒全名譽此武進王思軒尚書僉所撰錢狀中語也雲間志畧原溥號遺菴少有才名不修邊幅嘗入蕭寺中一僧素負能詩輒踉蹌立山門下公直入不為禮且目攝僧僧口占曰不通姓字迂狂客公即應聲曰嬾

松風餘韻卷六

明

九

著袈裟蹠跣僧驚異遂降階揖公與談竟日而去時尚未為諸生也後乃讀書其中四友齋叢說錢文通書學宋仲溫入能品在翰林日四方以得其又與字者為榮曾在內學堂教書太監懷恩出其門下後恩得志遂援引以致要路當時亦有入閣之議而時望皆歸呂文懿岳蒙泉乃竟用此二公蓋交納內臣文通得力處在此而損名處亦在此雲間雜識錢尚書溥為四方水旱被劾去位語同寅曰北直隸大水余輩當之南直隸大熟請歸諸公俗所謂文母牙疼灸女婿脚跟也諸公大笑此語傳入禁中雲間人物志錢原溥與宋味梅友

舊錢登鄉薦貧不能會試宋措數十金與之錢遂舉進士宋卒錢每於寒食必具牲醴拜其墓宋名克廉嘗建味梅軒為讀書之所琅琊漫抄松江錢尚書治第時多役鄉人而碑甃亦取給於彼一日有老傭後至錢責其慢對曰某擔自黃翰墳墳遠故遲耳錢益怒老傭徐曰黃家墳故某所築其碑取自舊塚中無足恠者此事與永嘉黃淮少保鋸瑞安高世則墓碑相類湧幢小品記此事稍異

金山寺

渡江方一半同作此山遊背踏金鼈曉堂開玉鑑秋人煙分兩岸佛剎映中流海內論名勝當為第一洲

松風餘韻卷六

明

十

任節婦俞氏

自恨良人沒孀居五十年秋風孤塚寒夜雨一燈懸守死心如鐵褒生筆似椽見夫唯白首無愧到黃泉重作

文溪祠

祠宇開珠石懷風愜風遊禪林依萬仞文藻重千秋夜靜潮聲潤天清蜃氣收遺碑鐫德譽江海此長流

鼇頭山

江上蟠桃石雄吞北郭陸中留天一柱獨障水東馳霖雨多需望風雲每護持憑誰一點化高躍向天池

青連山

萬壑山如障城頭翠作圍玉龍隨瀑挂玄鶴伴雲歸謝

屐遊難徧陶籬見亦稀倚闌看不厭嵐翠濕人衣

白雲洞

野外尋仙跡雲封古洞幽碧桃時在澗瑤草不知秋
道路通三島烟霞占一邱有無誰可必明月自悠悠

隴口樵歸

青山幾樵者荷擔出林墟夕照歸鴉後秋風冷葉初
爛餘王質斧讀盡買臣書伐木歌聲裏應當爲起予

山寺僧燈

祇園全盛日深夜佛前燈影亂星千點光搖月幾層
續傳心鏡破寂照恠淵澄欲問叅禪事嗟今已不能

送劉益給事與弟觀奉母還江西展墓

松風餘韻卷六

明

士

月時仙桂喜聯攀此日俄聞奉母還丹闕九霄同拜詔
綵衣千里共承顏行厨秋早江魚美先隴雲深石獸閑
祇恐春風催入覲聯翩鳴佩向鵷班

讀文山集有感

趙家宗社已傾危丞相猶將一力支壯志不隨天地改
英聲長使古今悲當官進食非周粟集句成編只杜詩
養士功收三百載何人得似帶中辭

友人邀登泖塔

誰築浮屠鎮泖心往來人望碧森森四圍作帶山橫玉
一柱擎天水晃金晴盡雲霄驚鴈落夜藏風雨動龍吟
我松好事稱怡桂邀我來登試豁襟

一覽樓

金鼇海上湧三山紫翠平分到畫闌景俯鶴亭秋喚斷
草封鰻井夜光寒不才自擬將續日有力誰迴旣倒瀾
感慨一時歸去後祇園僧定鳥啼殘

重遊龍華寺

古刹茫茫煙雨中浮屠高插翠微重營巢鳥擇雲端樹
翻譯僧敲飯午鐘香水榜橋春水淨殘碑沒草綠苔濃
年來愧我塵緣老憶昔登依興已慵

多景樓

何處觀來景最饒半空樓倚大江皋青山秀浴金鼇
碧海平翻白鷺濤極目帆檣并里遠置身霄漢五雲高

松風餘韻卷六

明

三

春深百和花香裏時逐輕風檻外飄

淨慈寺

武林梵志天順壬午公遊淨慈寺有閣憑虛而出眺全湖公題此詩和韻者百餘

湧金門外路非遙綠滿蘇堤柳正嬌鷁動彩雲浮水面
鷗飛白雪颺山腰上方臺閣連三竺下界笙歌遍六橋
今日西湖煙雨外定無遺老問前朝

謁闕里

宦遊中外四旬多老去今從闕里過二氏共存周禮
諸生不廢魯弦歌道行直與乾坤久自絕其如日月何
一瓣心香知報處六經遺訓耿難磨

鹽羊峽

白苧涼生雨乍收
峽川西近古端州
兩山對插青霄立
一水遙傾碧海流
隔崦樵穿榕徑裏
傍村漁傲荻灘頭
誰將十二參差玉
吹作滿江楓露秋

張文獻公祠

何處堪予奠一觴
韶陽有廟曲江傍
開元宰相身初退
天寶君王志已荒
後世但知金鑑切
當時空悔玉環亡
不先誅賊多遺恨
門掩蒼苔幾夕陽

題伏波祠

將軍遺像瞰江臯
江水江花映戰袍
銅柱自標千古績
雲臺不數一時豪
槎牙石逼灘流轉
潑墨嵐屯樹影高
願播英威如在日
平蠻有計賊難逃

廉泉

泉在賴縣報恩寺東

聖代投子嶺海年
虎頭城下訪名禪
碧泉出竇地常溢
紅葉滿林山欲然
詩句解吟來木客
法音齊動禮金仙
老僧定起心無擾
一往昭融似鏡圓

題竹

此詩誤刻錢鶴灘集中

種竹不須多多則
令人俗蕭蕭三兩
竿清風自然足

清河

清河水源清湛湛
見沙石鎮日倚篷
看遊魚尾還赤

東白副教松郡與
余爲忘年友沒葬
龍山四十年矣偶
過無量知其受業
之所爲之慨然

詩寺距齊明城北一里

偶攜蘭棹出齊門
落木蕭蕭暮雨昏
無量有僧曾受業
却思東白暗消魂

觀射

成化癸巳春鄱陽邱公守蘇之明年政教大行間選庠生舉行賓燕二射之禮考古按圖儀音俱備時御史巡按邯鄲鄭公督學淳梁戴公咸觀而善之檄所屬府縣各選生徒倣蘇行之將使天下皆然奚患士習不古人心不厚哉朝廷清明正禮樂必百年而後興之日也三君子其知所先乎予自翰林歸休偶偕數仕郎中江陰卞榮待封主事華亭曹公

松風齋集卷六

明

南

至蘇適禮科給事中延平官公使自琉球國至江西大方伯崑山項公以公事至雲南叅政常熟章公湖廣叅議古燕王公以新命至邱公得合邀於學登道山亭陟游息所觀射既畢燕禮復加是日也久陰忽晴風和景麗人意舒悅賡歌獻酬交舉間作及暮而散充然皆有得也噫豈禮樂之有感抑天人之偶合與因賦七言一律以紀其盛

官名榮項名璉字彥暉章

名律字鳴鳳王名珪

清朝禮樂煥文明
吳郡賢侯特舉行
鄉射有儀周黨正
絃歌不廢魯諸生
登山共適游觀樂
在泮誰如燕喜情

自古循良多感名頴川曾叶鳳來鳴

題西江第一樓

西江第一樓即滕王閣也子守官翰林無由一至茲與黃門王用誠奉使安南而至南昌適編修尹正言從吉而來於是藩伯王宗貫憲副章尚素大參楊廷玉憲僉朱文輝李景齡亞參唐崇本都帥王公邀一登焉酒酣樂作走筆賦此以紀良會云

吳楚橫分江水流清風千古一高樓齊雲畫棟常懸榻卷雨朱簾欲上鈎芳草綠迷仙尉宅落花紅映聘君洲同時冠蓋登臨處應有文光煥斗牛

松風餘韻卷六

明

五

輓上海李母陸宜人

花隕果始碩枯穗方滋人事苦不偶造化恒若斯原泉出澗壑去去無回期油然化霖雨踪跡安可知所以二子心日夕興苦思憶子甫知教慈母即見離有祿不待養有封徒爾貤恩深報莫及身崇心益悲愧却返哺烏血淚交兩頤

集真觀

琳宇盡含煙水碧石壇初上雨苔斑爐封火候知丹伏風捲雲霄見鶴還

宿桃源縣

路入桃源正暮春花隨流水是通津若逢漁父休相問

此地原無避世人

文通崛起裕陵之初鴻文鉅製照耀隣裔今所存者大半輶車所至採幽弔古之篇而雄渾高華不失臺閣氣象餘可知已公急功名者也而昔之詩文以名位重今之名位反因詩文傳立言誠不朽之一也錄公詩重有感焉

錢博

雲間人物志博字原博號靜菴溥之弟正統辛酉發解南畿乙丑成進士授南京刑部主事獄疫延染勢莫止公素知醫日求良藥手自治之囚得無恙以母年高阻就養走人起居無虛月時物不先

松風餘韻卷六

明

未

致不敢嘗丁內艱服闋分校禮闈補原官進貢外郎郎中擢四川按察使至則懲前使之不法奮欲刮滌一一新之而習故常者多不悅遂搆蜚語執政者不察竟被逮按明史列傳葉陝西按察衆心知其冤而莫有爲之辨者踰年赦復原官南還道卒方志賢達傳云事白復官南還次魯橋卒工古文詞善楷書行草醫卜陰陽星麻地理諸書皆能究其指歸

和學士兄題竹

誰云種竹兩三竿冷落蕭疎不耐看直須種得三萬頃

搖動一天星斗寒

雲間雜識憲副與學士素不相能故偶爾倡和其相激如此

多景樓

陟徑上危樓一覽迷天海吳楚已成空江山自千載飛
雲宿檐櫺高樹棲煙靄回首鐵甕城羣峰碧可採

金山寺二首

十年重上妙高臺古塔崔嵬長碧苔山色不隨今日改
潮聲還似舊時來法書安國終當現神劍豐城豈久埋
過客寧無崔顥句品題誰有謫仙才

金山揚子江心寺千古英雄愜壯遊日月平臨窗外過
波濤近逼檻前流龍宮寶藏光堪掬鼇背蓬萊勢欲浮
却憶長公留帶後石巖花草自春秋

送柳大叅之任山東

幾年簪筆侍朝端白簡飛霜鐵面寒七品超遷三品貴
外臺原是內臺官中都人物空騏驎東魯雄藩集鳳鸞
不久廟廊資輔弼使車依舊入長安

送王公玉還泖

琴劍從容出石頭壯懷爭羨故鄉遊九峯三泖初歸客
鱸膾蓴羹正及秋綵服登堂君自樂白雲凝睇我還愁
思親亦有回鄉念安得相隨共買舟

東海翁集有送王公玉東還詩一韻七首第一首

四明鄭雍言第二首玉峰王資第三首山陰馮獻

第四首練川潘暄第五首淮南蔣主忠第七首同

郡張璞俱和南少宰魏仲房先生原韻時爲正統

丁卯之四月見高小湖待詔所藏公玉自書雲間

歸趣詩卷而第六首獨闕俞毅夫載錢廉使此詩
於泖塔記中錢此時亦官南曹且詞意與人物志
小傳相合其爲靜菴作無疑但不知此七詩何故
而入東海集也宜正之

松風餘韻卷十六

松風餘韻卷第十七

目錄

明錢福九首

錢師周八首

錢嶽二首

錢良輔一首

錢龍錫三首

全思誠六首

松風餘韻卷第十七

目錄

松風餘韻卷十七

胥浦姚弘緒聽巖編次

錢福

〔喬字墓誌〕君諱福與謙字也戊子舉人雲南蘭州同知中之子君始生穎異不凡蘭州公夢神語曰汝兒即蘇州吳寬也善撫之甫七歲能屬文既而吳文定公連得大魁蘭州公喜曰吾兒其有徵乎成化戊戌蘭州公挈君至京師受業於楊邃菴先生既入郡庠舉丙午應天鄉薦隨父試禮闈俱落第蘭州公就選君抵家即上京師從學於西涯李公兩試太學俱首列弘治庚戌會試廷試皆第一

蘭州公在滇南以公務至京遂乞歸老君既入翰林益肆力於文章閎衍浩瀚潤視一世而才高氣奇揮毫對客往往數千言可立就詞鋒所向莫之與撓然性坦夷不假立厓岸每飲輒至醉頽然自放若不可繩以法度用是頗不合於時癸丑同考禮闈所取多知名士三載考最恒念二親弗克迎養乃具疏以疾歸道得蘭州公訃奔喪躃踊哀毀幾不能生日夕廬墓側間往來省母丁巳考京朝官列以疾致仕君畧無芥蒂鄉人諡君者君謝曰吾始圖薄祿爲親也今疾弗免亦以親故也盡力於親而不得竭職於君事固不能兩全爾乃拓舊

居治田園用供甘旨費暇則教授生徒四方士來乞文者踵相接又喜延賓友雖劇談終日不少懈或勸以怡心神節精力君不謂然竟以是勞瘁成疾捐館之旦起步於庭復瞑目移時而卒年纔四十有四天性孝友自蘭州公歿奉母安人罔不備至愛弟祚終身無異詞尤樂施與宗族故舊有貧乏者動給以衣食不忍逆詐有非禮相加者未嘗與較居常行事不局細小中無贏餘弗恤也其天姿豪邁類如此本集小傳鶴灘爲文不屬草廷對策三千餘言詞理精確若宿構然彌封官以無業難之衆謂科場必欲具業者防代作也今殿陛間

松風齋集卷十七

三

萬目所觀何嫌之避閣老劉文穆得之贊不容口呈於上賜第一狀元考鶴灘時從塾夜歸家有客賞菊揖之客出對云賞菊客歸衆手摘殘彭澤景即應聲曰賣花人過一肩挑盡洛陽春蓋童時已兆之矣鶴灘先生遺事馮時可述先生弱冠補博士弟子與顧公清沈生悅齊名稱爲三傑嘗遊小赤壁對客放歌云六丁拔出天地骨一柱鎮壓吳江東時人以爲奇句年二十六舉於鄉三十魁省試及奉廷對賜進士第一人三年告歸又四年大計罷又七年而終公既登第名滿天下從者如雲雖宿學通人莫不避席相遜而公亦意氣豪悍若無

足當者居旅中日飲亡何當其醉後衝口恣叻時或逆人同列皆不堪以故得謗卒於不振然其中心隱厚有人所不及者里中薛生乘間潛謁華氏稱爲公師華氏張樂款之生擁車北上坐未幾蒼頭絡繹報公入邑矣薛遑迫請出更衣馳詣公跪請曰以小子之不良無能餬其口借公之重以覓錢刀於茲罪矣請以死報公笑而慰遣之因過華氏漫語曰所不辭跋涉者爲吾先生庚癸謀也華乃出橐中數十金資薛薛既得志復往海上如所稱於梁谿者已而使酒凌其逆旅人覺其詐以詰公公曰雖非不佞師實不佞友也幸無急若生乃

松風齋集卷十七

三

得脫歸遇郡邑守相落落不加禮太守劉琬頗憎之嘗語人口此白眼兒奈何負一第而不置我輩曉間也獨無急我時耶守偶以事撻丞丞恚甚已而丞失官疑守也誣守受贓千金部使者入其言幾露章矣然守實廉介人也公聞之操一舟至吳門力爲辨釋會守謁謝使者好語慰曰知君有胡威之清非錢太史幾負我賢守矣守太息曰不意士大夫之疎我者而援我乎已守欲暱公而公疎之如故未幾公卒守往哭之出貲爲治墓復作享堂乃今沈生悅爲狀而請顧公清爲記然皆無能關公幽者先廷尉微時所居比公巷獲聞其事嘗

語不肖曰人知錢太史有雄文而寧知其有隱德也小子志之又二十年而乃書其事以俟修郡乘者采焉先生居近鶴灘因自號鶴灘云（傍秋亭雜記）庚戌會試徐文定公與汪伯諧學士為主考王守溪爲同考一夕王送卷至堂汪對王謂徐公曰來不怡王問何也汪曰以不得好卷旣而曰公昨夢人餽一大錢可也王曰昔人謂文如青錢萬選萬中其有異卷乎汪曰公又夢人餽黃牡丹三大本何也王未有以應時與謙方有名場屋王退而思之大錢之兆其在福乎獨牡丹之說未得楊介夫曰此亦福之兆也不聞洛陽相君忠孝家可憐亦進姚黃花爲錢惟演故事乎是科會試殿試福皆第一（方志）先生有癸丑所取士守維揚邀往歲餘始一至諸大賈爭先迎謁先生曰病夫來看廣陵濤冀有起色并一問瓊花消息耳無心跨鶴也遂潛歸（戒菴漫筆）鶴灘以殿撰罷官家居余邑梧塍徐氏以五百金爲脯脰延致家塾徐二子亦已中鄉科居半載僅改課藝三篇日挾妓遊燕時邑令某公雅好筆翰一日邀錢爲君山之遊豫探齊韻中隄臆低梯等艱韻戒吏人藏闔於即席發之欲以困錢也酒三行請題大觀亭錢遂援筆依韻賦曰水勢兼天山作隄渚雲烟樹壁中齊直從巴

峽纔歸壑許大乾坤此結臍胸次扶開三極朗眼光搖宕四垂低欲騎日月窮無外誰借先生萬丈梯席間縉紳莫不賞歎徐氏盛開綺筵於園亭賞牡丹錢飲潦倒矣門客有握玳瑁扇者取而書之曰玳瑁筵前玳瑁扇牡丹花下牡丹詩老梅已在丈人行曾占春風第一枝其爲邑人題卷軸甚多惜皆不傳耳閱耕餘錄吾郡一學究與鶴灘先生善適邑人某新構一樓學究爲題曰聽月樓鶴灘偶過之主人乞詩公即書一律云聽月樓高接大清倚樓人聽最分明碾空呶啞冰輪轉搗藥丁東玉杵鳴樂奏廣寒聲細細斧侵丹桂韻錚錚忽然一陣天風下吹落嫦娥笑語聲樓名奇矣公詩率爾而成風韻尤絕

塞上雜詩

胡兒追野馬迸蹄若駕鴻一馬帶我邊壕中敢望不敢近躊躇各按弓抽身復北

采蓮曲

眉暈風吹薄衣香水濺消朝朝采蓮去空轉木蘭橈

雙鶴

飲啄行相引棲鳴炯自如主人飯脫粟爾莫嗔無魚

立春日齋居對雪

齋居何所作春雪是佳期淨入年華淺光含膜色遲鳴

弦流艷曲拂簡映新詩此夕山陰客扁舟興可知

元日早朝

暫逐鵷行覲紫宸九重仙樂奏芳辰龍樓高拱星河近
鳳麻初頒歲月新曙色漸分三殿曉鐘聲散入萬家春
小臣共沐恩波重願效華封祝聖神

早朝

鐘鼓餘聲徹曉分龍墀香霧散烟熏天回黼座昭黃道
仗簇春旗炫彩雲闔闔迴從三殿啟簫韶渾向九霄聞
萬方拜舞承恩渥齊賀君王軼舜文

火樹

祝融欲煮海火樹高燒天隋珠空照乘漢室惟傳煙頃

松風齋集卷十七

明

六

刻羅萬象幻化驚神仙璀璨張錦幕錯落飛金錢六龍
爭電走二曜合璧懸未雲雷起蟄不雨虹吸川落花點
苔砌飄雪霑吟鞭倏忽看迴化宛轉騰鸞駕將軍試神
弩士女歌艷年感激有老儒默坐幾忘言吐燄萬丈絕
丹心一線牽昔侍鳳輦側曾宴鼇山前慶成陳寶供曼
衍魚龍顛只今謝列侯彤管題長牋

題沈啟南芝田圖

有田不種秫獨種無根草草豈無根生瑞芝自天造神
仙服食餘黃帝嘗不到不然鼎湖弓肯遣羣臣抱知君
室有丹瓊芝服不老我歸尋耦耕寸田共昏曉

和吳文定竹茶爐原韻

凍壑敲冰引細泉誰知白雪也宜煎清風味滿調和裏
苦節名高品第前形似絕糧孤竹瘦心疑聽雨二蘇眠
歲寒同守乾坤老濟渴人間德更全鶴灘葉有竹爐新
咏亦用此韻而詞
句不同

終明之世吾松掄鼎元者錢鶴灘唐抑所張瀛海
三人而已鶴灘位不副才瀛海年不償德唐稍躋
通顯未究厥施明史藁僅附唐之大略於郭明龍
傳之末餘則并其名逸之使遠不得並於對山升
菴近反不若同鄉之何元朗未免為桑梓遺憾先
生負一代文望詩載鶴灘集中者多率易語亦才
人豪士不偶於時之本色然不盡先生作也於館

松風齋集卷十七

明

七

課中得集所遺者數首詞意矜卓格調高華醞藉
風流不愧大雅錄之以示論先生之詩者使知先
生不徒以才見長也館課集所載玉堂對雪詩係
劉素作見文翰類選又南巡
北狩係武宗時事先生歿於弘治之末
年似不應預有此等題故二詩不錄

錢師周

雲間志畧師周字君輔號午江華亭人少負才氣
工於帖括陸官保文定公其高足也嘉靖辛卯舉
於鄉屢上春官不第銓授順天南樂知縣丁艱服
闋補知固安陞南京大理寺評事轉寺正尋陞廣
西思恩知府意不樂羈宦網嘗賦詩曰岐路莫教
行處錯急須三徑拂茅堂遂乞致仕歸卜居橫雲

山之麓足不入城市中時挾扁舟逍遙九峰三泖
以賦詩自娛每出寄居僧舍以蘭若爲家以杖頭
錢爲資芥客至留小飲呼大白餅盤繼以典衣必
興盡後已公生產既微官裝亦薄且恥干謁漸無
以供朝夕而處之宴如年逾八十客以其子不顧
公養乃諷之曰人壽幾何即公百歲何不營終具
乎公曰君不聞楊王孫之事耶即不葬漂流水波
中亦命耳卒年八十九方志同郭志有午江詩稿
郭志青浦元夕舊少張燈者屠隆作縣多惠政民
頗康阜市始有燈屠乘月出遊時錢年八十四赴
鄉飲入縣屠信步訪之錢留小酌酒罷同行街衢

良久而別

橫雲州堂

山居率天性閉門常宴然客至無兼味書長不竟篇落
葉掃還積疏籬偃復編不須支舊俸已有杖頭錢

遊澄照塔院

步入空虛境蒼茫興欲飛天花何處落雲水漫相圍世
路風帆急禪心月色微春光上河柳倒盞聽黃鸝
浪說遊三島空傳渡十洲何如泖上勝不用海中求霧
靄諸山曉薰葭兩岸秋老僧開慧眼世界比浮漚

遊靈谷寺

佛日照山飛紫烟遠尋公案此聞禪風聲萬壑金竿奏

泉落半空玉竦懸野鹿銜芝嵐洞冷麝香眠竹雨苔鮮
平生觀海登山眼又上浮屠九仞顛
翠竹黃花是佛居重來嘗憶入山初老僧慣說如來偈
聖世原無封禪書龍帶草香歸鉢靜樹分雲影度窗虛
向來總爲塵緣縛一叩禪關得自如

重過南樂縣

始昔爲郎今此城星霜又是十年更手栽楊柳今垂蔭
眼見兒童半長成老大慚余雙鬢改豐登羨爾萬箱盈
相逢况是賢明府政簡刑清樂太平

元夕口占示屠明府

一入花封地球燈燦玉樓偶逢仙今坐疑宿古揚州

漁歌

釣得長鱸一尺寬夕陽酣酒倒漁竿蘆葦渚蓼花灘深
泊平沙秋雨寒

樵歌

曉入深山暮未歸穿林度嶺疾如飛斧聲歇夕陽微一
擔雲烟帶落暉

先生官居五馬貴歸無三徑資廉足尚已午江稿
不傳就其所遺詩讀之天機盎然貧也非病達士
享年宜也夫詩以窮而工先生窮而不自知其窮
故詩亦不求工而自無不工也幾見水漂太守營
營者請誦斯語

錢嶽

雲間人物志唐行鎮今屬青浦縣往時山林隱逸
稱陸寅谷孝思字維則錢雲崖岳字邛山俱長才
詩唱和相得寅谷涉獵經史星宿輿地方言玄談
最稱該洽然有使酒罵坐之風雲崖穎敏典籍過
目成誦游庠不偶為鄉塾師暮年醫道大行才似
少遜於陸詩則陸遠不逮也同時唐行鎮則有錢
齋金藻雲林金處和守復張元凱郡城則有一樸
陳漢墨潭黃嘉言東野陳榮張堰鎮則有笑隱陳
奎朴菴邵雲此數公者硯田筆耕日事吟咏皆安
貧自得之士也陸文定公每談詩必亟稱焉

題滄瀆

袁公築壘吳江口廢址猶存滄瀆名先駐孤軍防險地
已將癡將假陰兵濤吞海岸喧聲鼓雲合江天擁旆旌
豪傑不將成敗論千年青史見忠貞

贈姚友荆

庭花分得田家種坐看枝枝手足情惟愛此花堅此義
絕勝松竹結同盟

錢良輔

雲間志畧良輔字德卿華亭人父廉篤學通五經
陸武惠炳欲延致之終不往仕為會稽教諭良輔
雋發有過人之資萬厯壬午舉於鄉祖母沈孺人

年九十餘卧牀褥間不能起護持惟謹承重居處
哀毀備至人重其誠孝有富室欲聘其族叔之女
為側室者良輔力阻自治奩具擇名家子嫁焉
廷啟著書以蜚語中奇禍良輔往白當事乃解以
母喪致毀卒子大忠字侃臣撫兄大孝子有恩中
天啓辛酉鄉試歷刑部主事

潮音閣次林同卿韻

高閣何年水際浮東南占斷碧天秋雲開絕壑九峰露
水落平江一鏡收掩映禪燈明滅火浮沉身世往來舟
憑虛却悟真空理塵世徒勞爭馬牛

錢龍錫

明史龍錫字稚文華亭人萬厯三十五年進士
授庶吉士進編修歷諭德少詹事天啟四年拜禮
部右侍郎協理詹事府明年改南京吏部右侍郎
魏忠賢銜龍錫不附已因吏部會推遂削其籍莊
烈帝即位以閣臣黃立極施鳳來張瑞圖李國楷
皆忠賢所用不足倚詔廷臣推舉列上十人帝倣
古枚卜典召九卿科道入乾清宮貯名金甌焚香
肅拜以次探之首得龍錫次李標來宗道楊景辰
輔臣以天下多故請益一二人復得周道登劉鴻
訓並拜禮部尚書兼東閣大學士時惟宗道景辰
在朝先入真龍錫等家居並遣行人召之明年崇

禎改元六月龍錫入都會立極等四人已先罷宗道景辰亦以是月去標地近先至遂爲首輔龍錫道登鴻訓與協心輔理朝政爲清踰月以蜀寇平加太子太保改文淵閣帝好察遣旗尉偵探龍錫言舊制止行於都城內外若遠遣難委信海寇犯中左所總兵官俞咨皋棄城遁罪當誅帝并欲誅巡撫宋一馮龍錫言一馮所駐遠非棄城者比罷職足蔽辜不宜加法外罪故事纂修實錄分遣國學生採事蹟於四方龍錫言實錄所需在邸報及諸司奏牘遣使適增擾宜停罷烏撒土官安效良死其妻改適霑益土官安邊欲兼有烏撒部議將

龍錫言

明

主

聽之總督張鶴鳴不可龍錫言效良有子其爵立以存亡繼絕於理爲順安邊淫亂不可長宜如鶴鳴議帝並從之明年廷議汰冗官帝以學官尤冗將并汰龍錫言學官一途舊皆歲貢生選授近多授舉人貢生積至二千六百有奇皓首以沒良可憫且祖宗設官於此稍寬者以師儒造士需老成而士子於科目外尚有功名可冀將終身不敢爲非此聖王約束天下人才之具也帝亦納之言官鄒毓祚韓一良章允儒劉斯琰獲譴竝爲申救初御史高捷史堃罷王永光力引之頗爲龍錫所扼兩人大恨帝之定逆案也議多出龍錫奸黨尤惡

之及袁崇煥殺毛文龍報疏云輔臣龍錫爲此一事低徊過臣寓尋上善後疏言閣臣樞臣往復商權臣以得奉行無失當是時帝方顧崇煥厚不爲忤也及是年十二月

大清兵薄都城帝怒崇煥戰不力執下獄而捷堃已爲永光引用捷遂上章指通款殺帥爲龍錫罪言崇煥遣弟通款遠在數年前其斬將翦忌近在數月內今敵兵豈無故而致陛下細審前後情形崇煥罪案自定龍錫發縱指示臣不勝痛心當執縛崇煥時祖大壽口不稱冤兩日後忽起異心殆由龍錫崇煥所挑激崇煥殺文龍龍錫密語手書不

龍錫言

明

主

而足即崇煥疏中低徊私商語可見外示專制內脅至尊因以漸成款局兩人陰謀詭計目中尚知有天子耶又聞崇煥與罪樞王洽書言廟堂之上主款有人文龍倘能協心一意自當無嫌猜不知崇煥所欲協者何心一者何意崇煥效提刀之力龍錫發推刃之謀宜竝罪疏入帝以龍錫忠慎戒無過求龍錫奏辨言崇煥陸見時臣見其貌寢退謂同官此人恐不勝任及崇煥以五年復遠自詭因往詢方畧崇煥云恢復當自東江始文龍可用則用之不可用則處之易耳語出崇煥口不過一時對答之詞及崇煥突誅文龍疏有臣低徊

一語臣念文龍功罪朝端共知因置不理奈何以崇煥誇誦之詞坐臣朋謀罪因辨挑激大壽之誣請賜罷黜帝慰諭之龍錫即起視事捷再疏攻詞益危切帝意頗動龍錫再辨引疾帝既放歸時兵事旁午未暇竟崇煥獄至三年八月堇復上疏言龍錫主張崇煥斬帥致兵倡為款議以信五年成功之說賣國欺君秦檜莫過龍錫出都以崇煥所畀重賄數萬轉寄姻家巧為營幹致國法不伸帝怒敕刑官五日內具獄於是錦衣劉僑上崇煥獄詞言斬帥一事龍錫與洽頗以書問之而崇煥專斷殺之者也主款一事則崇煥頻以書問之而龍

錫與洽未嘗許也帝乃召廷臣於平臺寘崇煥重辟責龍錫私結邊臣蒙隱不舉令廷臣議罪是日廷臣大議於中府謂斬帥雖龍錫啟端而兩書有處置慎重語意不在擅殺殺文龍自崇煥過舉至諄款倡自崇煥龍錫始答以酌量繼答以天子神武不宜諄款然軍國大事私商度行止不抗疏發奸何所逃罪帝遂遣使逮之十二月逮至下獄復疏辨悉封上崇煥原書及所答書帝不從令俟部議時羣小麗名逆案者方日為翻案計以永光為主而捷堇弘勛道濟佐之周延儒以會推內閣不與怨龍錫抑已溫體仁亦方與東林為難遂相聚

合謀借崇煥以及龍錫因龍錫以及諸異已者乃指崇煥為逆首龍錫等為逆黨更立一逆案與前案偶謀既定欲發自兵部而尚書梁廷棟初自外僚入既許之後憚帝英明不敢任而止乃止議龍錫大辟決不待時且用夏言故事設殿西市以待帝以龍錫無逆謀令長繫右中允黃道周上言曰舊史稱臺省諸臣自劉瑾摧折後不敢言者十四年然大禮議起抗疏廷爭不避鼎鑊未有大小收聲容默如今日者也舊輔龍錫枯拳銀鐙搶首獄吏羣臣相視啞無一言書傳以來所未經見古不具論秦漢而下宰相有犯坐請室不過數日自非

大逆或裁或原人主未嘗不引疚今累輔所坐昏庸疏率為罪督攀染耳閣臣遙度邊事輕為附和此於兇新城旦奚加乎且疆場事最為難料閣臣以邊事坐誅後之閣臣必顧盼躊躇不敢更任邊事邊臣得以瑕罅卸閣臣後邊臣有事必撫閣臣片語為質是使綸扉之上割邊境為異域也自古宰相無大故而伏斧鑕者止漢劉屈氂及本朝夏言耳今巷議謬悠謂殺累輔為文龍報讐朝廷自為神人抒憤何嘗計一故弁然物情如此則邊將必驕邊將志驕則閣臣權絀故殺一閣臣為文龍報讐猶可為東江叛將劉興治樹幟則不可借一

閣臣爲邊臣今日示前車則可爲政府異日設後
阱則不可且自陛下臨御以來輔臣負重譴者九
人矣一代之中有幾宰輔而挫折至此乎疏入
旨責令回奏者再明年正月復三疏入道周貶秩
調外而帝意亦爲感動其夏五月大旱刑部尚書
胡應台等乞宥龍錫給事中劉斯球繼言之詔所
司再獻入命遣戍定海衛居戍所十二年兩遇赦
不原其子請輸粟贖罪會周延儒再當國凡不行
福王時始復官還里未幾卒年六十八靜志居詩
話公始入閣思陵命定附魏璫諸逆臣案出黃羅
囊示之且曰忠賢一豎何能爲皆外庭力爲諂諛

卷之七

明

夫

至此囊中章疏悉媚閹人實蹟也公乃取以論罪
分別重輕凡六等又慮罪人狡辨因請於諸臣姓
名下各注所犯俾服其心逆案既定黨人銜怨刺
骨袁崇煥經畧遼東入見帝大言期以五年奏功
公疑焉退而詣之曰子方畧將何如對曰不外東
江關寧兩路進兵爾東江者島帥毛文龍也公曰
舍關寧實地而問海道何與對曰譬如弈然局有
四子東江其一也可則用之不可則有以處之崇
禎二年五月崇煥行邊至雙島召文龍至以十萬
餉金犒其師自與文龍登舟相視山海形勢酒間
勾隊島帥麾下以邊警報者踵至崇煥乃疑曰吾

軍亦有偵探卒何以不一至此速吾行爾起數其
跋扈援上方劒斬之聲其罪置帥而返全軍莫敢
譁也及大安口失事都城被圍崇煥勤王師至廷
臣多言崇煥之殺文龍陰爲主款地思陵大疑尋
有旨俾繼城入下之獄訊叛狀於是御史高捷劾
公與袁同謀崇煥既誅御史史堃劾公逮繫詔獄
論斬有司設廠於西市將用夏言故事旣而緩決
左中允黃道周給事中劉斯球先後爲公訟寃得
釋戍定海衛居戍所九年乃還崇煥之死詳載
本朝實錄操史筆者不可不知

初入翰林志

卷之七

明

若

皇風被奕葉師濟揚重熙妙選金閨彦登茲白玉墀漸
予蹇劣士何幸沐恩私就將彌日月模範承師資雕蟲
既云拙溫飽匪所思獨此葵藿心耿耿誓不移念昔皇
祖日講藝恒孜孜天顏瞻咫尺密室奉疇咨褒德信多
補臣忠實在茲顧問久寂寞簪笏徒委蛇四郊漸多故
啟沃効者誰所願迴宸藻堂廉路不岐

題幽風七月圖

國本民生繫深思草昧存淳風懷瑾戶美俗寫朋尊卜
洛從何始承卽信有源艱難開聖主告誡切文孫拭目
丹書麗慶歌雅什溫思隨工藝誦欣望闢虞門

壽王洪洲八十

九峰蒼翠映瑤池高卧林中日月遲仙草拾來揮諫草
孫枝發處傍虬枝爭誇歲晚冰霜節猶繫朝端柱石思
漢寵秦封何足問八千惟與大椿期

機山先生東林黨魁也逆案之定無倖免者羣小
爭思割刃焉伺隙報復一網清流遂蒙首禍夫崇
煥料敵太輕圖功太銳先生早心疑之島帥之戮
得失參半擅殺在經畧與先生風馬牛也而黨人
乘機下石文致於辟藉非天幸遣戍海甸其不踵
貴溪故事者幾希兢餘存稿不傳誦詩論世是在
後人

全思誠

松風齋集卷七

明

十六

方志思誠字希賢上海人博學能詩文洪武十六
年以耆儒由本郡學正徵授文華殿大學士思誠
固辭翌日賜敕放還郡人太常博士顧祿云余年
十五即游郡庠當日爲師者全公希賢也列朝詩
集全爲學正與陸宅之錢惟善往還王逢有寄希
賢學正兼訊錢思復陸宅之詩似在元季非國初
也詩曰花開花落雪盈顱三地相望一信無梁震
不慚前進士杜陵寧是老狂夫長淮浪接江逾濶
南極星聯斗不孤想與窮經全學正酒香隣社杖
相扶郭志實錄洪武十六年夏四月戊子賜文華
殿大學士兼左中允全思誠致仕歸鄉里敕曰朕

觀古人有志之士雖髮白氣衰而心猶不急故能

善其始終使名垂古冊光照後世卿懷才抱德志
肩古人惜乎以衰老之年志雖存而力不能任朕
不忍復勞特令卿還鄉里以撫子孫享其奉養不
亦悅乎明史葉訥傳洪武十五年禮部主事劉
庸薦訥與余詮張長年張紳等皆明經老成通達
治體可備顧問因同被召紳未至帝見三人甚喜
翌日並命爲文華殿大學士固辭帝曰特煩卿輔
導太子耳免卿早朝從容晏語庶不負平生所學
何辭爲又以老病辭益力遂放還其明年以耆儒
徵者上海全思誠亦授文華殿大學士又明年請

老賜敕致仕

松風齋集卷七

明

元

題趙魏公秋林曉行畫卷

王孫愛畫心獨苦下筆天機妙今古涼風蕭蕭山日落
蹇驢載我出林莽黃葉打頭秋滿身青山對面如故人
不須覓句灞橋雪何用旅食京華春憶昔玉堂供奉日
一二詞臣同夜直青綾被冷露華濃金蓮燭殘河漢沒
雞棲樹底聲啞啞鶴立螭坳望珠箔驚散亂不成雙
歸老林泉有餘樂臨風掩卷老淚落此畫此人那可作
送王元章北遊

我從越中歸山水猶在眼賀湖天寒水鑑淨禹穴木落
雲氣暖夢中往往復登臨萬壑千巖安瀟散故人山水

窗中來題詩直上姑蘇臺酒酣目力隘宇宙年少筆陣
排風雷謝公履齒小吳越北望中原更奇絕終南太華
青未了桑乾之陰多積雪送君出門歌遠遊自笑把觴
空餘牛功成歸來尚黑頭訪子却覓山陰舟

次雲林韻寄孫君實

腐儒筆耕豈謀生與世濩落獨高情綠尊有酒誰共醉
素琴無絃聊自橫湘簾在鉤月當戶羌笛惱人花滿城
幽居不知春事盡見客只言詩未成

送黃仲珍會試

喚鶴灘前凍雨收賓筵載詠鹿呦呦右文天子春秋富
勸駕諸侯禮數優日下五雲生北關天邊一鶚起南州

松風餘韻卷十七

明

手

遙知入射丹擲策象管翩翩思不休

寄題玉山草堂

草堂中人天下奇昔聞盧鴻今見之鯨牙已出滄海底
鳳雛猶隱崑山陸村醪醉客飛鑿落竹牀卧月吹參差
相知何必曾相識畫裏題詩寄所思

寄虞彦高縣尹問疾

陶令西山去養病秋來病減幾分多千年松下得琥珀
萬壑雨餘生薜蘿有客餽魚供晚酌何人擊竹和樵歌
長吟不盡相思意矯首霜前一鴈過

題張子正林亭秋曉圖

鐵網珊瑚作題
郭天錫畫卷

小橋橫水口矮屋露林梢想見山中客書成疑絕交

輟耕錄至治癸亥十月晉邸入繼大統告廟之夕
陰風北來殿上燈燭皆滅全思誠以國子生充齊
郎目擊之夫洪武定鼎於戊申上距癸亥四十五
年又十五年而希賢應召計其年踰大耋矣大雅
集云思誠華亭人列朝詩集因之其被徵也明詩
綜作十五年郡志皆作十六年其致仕也郡志皆
作翌日大約被徵在十五年而致仕則十六年耳
若如明史葉鮑恂傳所云則被徵在十六年而致
仕又在十七年矣其云翌日者乃請老之日而非
授官之日也所賜敕詞當以郭志實錄爲是若方
志所載後段云云與鮑恂傳中太祖諭恂者無異
是授官而非賜休也錄之以俟考

松風餘韻卷十七

明

主

松風餘韻卷十七

松風餘韻卷第十八

目錄

明姚民 二首

姚鵬 六首

姚鎧 七首

姚遇 一首

姚永濟 一首

姚道元 一首

姚雲 一首

松風餘韻卷十八

目錄

松風餘韻卷十八

胥浦姚弘緒聽巖編次

姚民

〔方志〕民字舜夫天順年上海縣學恩選冠帶散官能詩翰張東海夢筆詩序曰夫筆紀道之器也上海姚君舜夫志於行道者而尤善書嘗夢人授以筆言者率以江淹李白夢筆事泥之予竊謂淹也白也皆未聞道者夢之同否不可知而筆之紀道不容泯也故序而白之爲舜夫告且告世之用筆者求之於道何如也

葵軒爲朱別駕民吉作

松風餘韻卷十八

明

一

彼美軒下葵一種世稀得秀氣鍾地靈薰風扇佳色傾心向太陽耿耿非凡植相彼事君人寧不盡人職賢哉考亭孫精誠期報國名與葵花香心是葵花赤非承雨露偏已藉栽培力物有向陽心臣肯背君德斯扁揭華軒孤忠礪金石

江望

風急潮聲數里雨餘山色生樓迢迢江南去鴈渺渺天際歸舟

姚鵬

〔顧清墓誌〕鵬字程夫別號絢菴先世由臨安徙華亭居修竹里七歲能屬詞善楷書稍長從陸夢菴

先生受詩經補邑庠生有聲場屋間督學浮梁戴公廣信婁公皆器之而試輒弗利弘治甲子始以貢上春官試文冠多士授江西南安府儒學訓導始至值大水學宮圯壞白於郡遂一新之南安不薦士久矣先生嚴程約端軌範以身率之士咸奮於學未幾劉君寅與其弟宰聯躅取高第皆歸德於先生先生素慎取與及當官尤以名節自勵苞苴私餽無敢及其門者清風興行郡守而下皆接以殊禮修孝宗實錄成力求解任守固留之尋以書白當道始獲遂其志時鄉人仕而歸者憲副定菴曹公僉憲一菴許公方倡爲安者會聞先生歸

松風集卷六

明

二

甚喜曰會中得君吾屬有光矣郡邑諸公與上官行部咸加禮蓋優游桑梓者十七年而卒時嘉靖甲申六月也享年七十有八先生事親孝奉祭敬處兄弟友而恭御家和而肅接賓姻恪慎謹抑未嘗一失色於人雖後生新進無少忽而人亦信愛敬禮之至於出入里市未嘗褻衣盛暑家居未嘗袒裼簡札字畫倉卒細微必致詳謹蓋自少至老如一日焉

邑判李簿西莊八景

李蒲田人

玉帶環門

一水形同帶灣灣抱宅居碧涵樓鳳竹清隱化龍魚須

信源頭活還知本體虛周流無滯礙今古曷嘗殊

壺山晚翠

千尋如壁聳矗矗且亭亭雨過青浮黛雲開翠擁屏龍潛知地勝人傑見山靈畫錦南還日相看幾醉醒

老圃秋香

東南佳勝地松菊有餘芳老幹撐空翠奇花繞砌香清安沾雨露勁節傲飛霜撫景思陶令時時入醉鄉

荷沼迎薰

半畝芳塘湛靈皋結構幽南風頻薦爽長夏每疑秋檻外清香度簾前翠影浮拂琴鳴一曲志欲解民憂

石塔凌雲

銳起如錐立千秋固不移題名先有兆壯觀實爲奇規制層層巧廉隅面面宜尚須登絕頂舉手摘南箕

苔磯釣月

水邊灘石穩波盪滑生苔清夜垂綸坐長風送月來露涼詩句得魚熟酒尊開要識磻溪叟胸蟠王佐才

公詩載姚氏家乘明經弘啟藥巖兄其後人也詢之亦無全本因就其存者節錄之

姚鏜

〔郭志〕鏜字淵甫號虞黃金山衛學萬曆壬子舉人

潛山教諭臨安知縣

和王憲司岵雲游湖心寺韻

芳杜洲前激灩分坐依碧落淡氤煙霞幻出空中相
水月時飛檻外雲法雨初收魚作隊齋鐘半下鳥為羣
夷猶自覺消塵况何處歸舟向夕曛

天目山

斧鑿勒劬屬五丁層巒萬仞劈天青丹成九轉池猶熱
龍蛻千秋水尚腥飛去白雲時冉冉圍來翠靄畫冥冥
寶珠峰畔獅蹲處磬聲絃泉最可聽

繡壁丹崖一徑開蒼龍蟻蝶頻塵埃千行玉界晴嵐雨
萬壑松轟曉日雷恍惚九天呈淨土紆紫雙目繞經臺
迴光轉覺樓雲好雞肋何當早自裁

分經臺

分經傳帝子片石護蒼烟勝蹟留千禩孤松是萬年花
蜚陀曼雨燈續遠公蓮髻髻如如現真空已了然

煉丹池

一從冲舉後笙鶴了無聞碧澗空遺蹟澄潭自白雲避
氛宜洗耳弔古欲離羣那敢營勾漏深山擬見君

飛橋

池上飛橋接太空白龍丹磴兩溟濛孤筇不怕蒼苔滑
可道無山着此翁

迴光菴

焚香五濁帝所厭萬頃清冷向空瀉南陌紅塵高蔽天
百年誰是迴光者

姚遇

萬厯丙戌年上海令顏洪範重修邑志時遇以諸
生與藩幕張之象同學黃炎張所敬顧成憲黃龍

仁朱家法等六人分任纂修之役

苦雨詩

松江府志萬厯五年丁丑六月陰雨連旬寒氣凝凜如冬田成巨浸姚遇有詩

君不見祝融行令能鑠金六月何為猶擁衾積雨經旬
不暫歇蛙鳴變下竈欲沉童子晨炊苦薪濕荒煙漠漠
迷空林小牕孤悶倦凭几念及吾廬愁緒起破屋數間
既偏側每逢積雨漏不止長鬚好睡懶負薪况畏淋漓
泥没趾井臼艱難憐病妻牀褥濕濡喧稚子我欲排雲
叫閭閻胡為困人一至此野翁謂予且勿嘆致災召沴

良有因近聞大吏催科急十室有九罹其屯三木囊頭

五

色憔悴重金繫肘行遭迤邐朝為人子倏為鬼威尊命賤
如輕塵血濺公庭高數丈堦前碧草成紅茵三吳殺氣
愁雲結天門不開日光滅簷花晝夜鳴淒淒和却冤魂
聲哽咽我聞此語轉欷歔眼前無暇悲吾廬望窮天外
猶未霽茫茫四野失舊舍來牟雖收難入磨木棉初發
那得鋤歲事不登已可卜催租復爾將如何

姚永濟

郭志永濟字汝楫上海學選貢萬厯戊戌聯捷進

士東陽縣志姚永濟字通所為人醇厚稱長者連

年荒早皆設法賑濟多所全活民甚感之又當採

礦使四出閩暨騷橫既銷礦不得銀不肯去為請於上司奏罷之妖民佛爹佛娘嘯亂督捕役擒解所司餘黨悉平調繁他邑士民哭留直指使者大悅曰以縣令而得民心若此乃閩屬所僅見也亟薦之遽遷秩陞陞本省布政使凡士民叩謁皆優禮相待且曰吾見東陽草木皆馨也其惠懷若此金華府志上海縣志永濟初令東陽值歲荒出粟賑濟活民數萬俗豪家婢女白首不得婚配乃下教凡婢女年二十以上無夫者罪其主匿不告者罪其鄰惡俗頓改調煩永嘉尚教緩刑民不忍欺遷刑部主事以政最擢禮科給事中時楚王被誣禁

松陽縣志卷六

明

六

錮子女一百二十餘人廷臣莫敢言永濟獨抗疏曰細民有過尚且恤刑豈皇祖雲祏之裔而不蒙覆盆之照乎今天潢一派九載沉埋平反何日乞賜生還以篤宗盟上感悟即詔歸國時論偉之會考選宗藩特命董其事當時有姚公桃李皆皇族之語亦異數也在諫垣章數十上聲望藉甚後持節封周藩嫉者擠之外遷湖廣副使不就請終養崇禎二年備兵太原尋轉浙江左布政使時有給事督餉浙中永濟不為禮銜之効免處之泊如也好參同內景家言採錄類書二百餘卷為學撮六卷卒年九十七弟永豫外衛經歷子虞明襲明俱

恩貢生豫孫廷讓太學生以詩文名於時永濟祖業太學嘗擢湖州一主於厄而不問其姓名後就選除臨江府知事時直指劉某按部見一姓名名公曰先生尚識余耶余故湖州遇難生也無以報公察有冤繫五人罪可釋公第與言可致千金為壽一祥唯唯即上繫者名於直指釋之姚云得金而却不受一時傳為盛事

與同僚公錢貢二山督漕北上

南國分符藉保釐春風領餉赴漕期軍聲夜合千艘集河勢東流萬櫓齊塞上貔貅占到日吳中竹馬計歸時離情最是吾儕切不忍當筵折柳枝

姚道元

無考詩見松江府志中

七寶教寺

松江府志卷六

明

七

說此寺吳淞之曲請於吳越王賜以金字藏經曰此亦一寶也遂改名後因松江潮壞三徙於茲宋初張鑄捨宅為寺僧信協力重建大中祥符元年額寺有五代時檜及羅漢松今猶存而松猶存

翠微深處啟禪扉僧坐雲中補衲衣洗鉢澄潭龍卧起散花珠席鳥驚飛空連高閣鐘聲寂日落長廊樹影稀幾度攢眉投白社心期不與遠公違

姚雲

松江府志姚雲字時望家貧績學縣令鄭洛書與

社學禮聘為師郡中修武宗實錄雲以山林淹博與焉所著有竹齋集藏於家儼山年譜處士竹齋姚君雲端慎博雅兼有世諱之誼公愛之乃延為

館師時嘉靖三年甲申也公年已五十日角巾野服與姚及楊東濱數人結詩社逍遙亭池間吟咏不輟六年有鶴來庭竹齋賦詩賞焉公因廣韻書贈竹齋以紀其事已後應召入都謫官赴閩恒與偕云

集句贈儼山先生

四首之一儼山年譜嘉靖八年四月

從路河買舟南下竹齋集絕句四首贈公甚契公意輒口哦以自遣

四月清和雨乍晴先生當以去爲榮日啖荔枝三百顆
茲遊奇絕冠平生

按儼山先生集載和時望詩頗多韋布之士得附青雲以不朽其名幸矣但竹齋集無從訪求又不

勝窮達顯晦之感也後人能出藏本願一爲表章之

松風餘韻卷十八

松風餘韻卷第十九

目錄

明姚篚 二十首

姚簣 二首

姚體信 二首

姚體倫 一首

姚士勇 二首

姚士慎 一十七首

姚士龍 二首

姚士恒 一首

姚士恪 二首

姚士玄 一十一首

姚世靖 四十一首

松風餘韻卷十九

胥浦姚弘緒聽巖編次

姚篚

字登之一字希實號龍津華亭胥浦鄉人弘治辛酉奎姪正德庚午工部主事參子以原籍平湖登嘉靖辛卯浙江鄉試第六名由廣信府推官歷陞貴州僉事平湖縣志姚篚司李信州創築玉山城置成分水溫林桐木三關礦徒山賊不敢嘯聚南安界嶺表素號難治承檄往理宿弊盡滌遷宿州知州招撫流亡給牛種墾田四千頃蠲宿逋二萬五千泣社倉以備凶年教民機杼至今賴之陞南京刑部郎中擢貴州僉事乞休歸治園金章湖上為逸老計

訊陳曉山病

問訊曉山子清秋病若何癯形渾似鶴弱體不勝羅落日鄉心遠孤燈旅夢多聊將尊酒意助爾客中哦

贈雪村居士

茅屋成深阻璚枝報早春正懷人似玉坐映鶴為鄰風景山家舊韶光歲事新青瓊詩興在落筆更精神

九日登天界寺

諸天分界寺一徑入松林古殿香煙渺空庭翠靄深雨催遊興急風引梵音沉竹色侵杯酒清池湛客心臨軒

迎爽氣對景助豪吟返照迷樓鳥歸雲滯遠岑登高酬今節欣賞得知音緬想龍山會聊從駒隙臨川原應似古景物天成今聚散原無跡悲歡可自禁惟將清靜意暫豁利名襟浩蕩乾坤裏棲遲感慨深他年思舊跡還向此中尋

謝人惠橄欖

水果青青似棗尖採時聞道樹藏鹽暫輸饒口如茶苦却喜回津似蔗甜消渴儘教為酒敵解醒何必與茶兼故人珍重遺來遠未敢泮中信手拈

女將瓦氏二首

往事曾傳娘子軍驍眉端的讓紅裙磨牙志滅鯨鯢寇

松風餘韻卷十九

二

捧檄身先狼虎羣煙火萬家歸樂土海天一望息妖氛昔人何用羞巾幗未必兒姪始立勲

和我昔歎紅顏薄仗鉞今看綠髮奇萬里馳驅變府校五溪衣服漢官儀牙旗春氣箚飛逐銅鼓聲揚海日熙捷奏明光膺寵錫枉教麟閣畫男兒

維揚過文丞相祠

偶過文山丞相祠不禁垂淚讀遺碑炎靈已去誰能挽名義當存獨自持半壁南荒身似葉小樓燕市死如飴孤忠耿耿留天地肖像還看正氣遺

懷隱一律寄諸弟

我家橫泖泖東頭囑咐兒曹作隱謀有甕須儲桑落酒

無衣豫辦木棉裘書樓聽破宜糊紙水閣簾垂好掛鉤
繞屋更添梅數樹幽懷儘向此中酬

暮秋即事

匹馬朝昏度市橋一官終日溷塵囂紛紛歧路多爭捷
落落雄懷暗自消綠草欲枯黃菊綻白雲無定碧天遙
鵝行逐處時翹首早有修翎在九霄

聞搗衣

秋宵動處搗征衣斷續常隨織女機未過三更愁欲絕
總緣萬里夢偏稀夜寒不惜霜侵袂戍久遙憐帶減圍
幾度停砧看飛鴈不知何日到金微

初試布袍

秋風初怯葛衣涼白布袍成漫較量素質不隨塵土流
輕裾偏稱歲寒常負暄尚合明廷獻挾纊如逢化日長
披向白雲稱吏隱翩翩有鶴共翱翔

先君嘗令桐廬抵今隆慶丁卯已四十餘年而

邑人尚有談惠政者

桐君何在尚名留山市無城江水浮烟火依然千室邑
光陰俄起廿年愁口碑籍籍同尸祝手澤茫茫獨淚流
堂構自慚稱繼善一官頭白向遐陬

釣臺

九里江頭一釣絲千秋佳話到于斯客星動處天垂象
處士來時世不知赤帝山河還白水羊裘事業老漁師

悠悠誰解先生意來往空題滿壁詩

登滕王閣

江邊高閣憶滕王畫棟珠簾事渺茫水盡寒潭漁唱集
山銜落日客船忙千年勝蹟留今日一序文章啟盛唐
登眺怕逢鴻影度客心相逐到衡陽

過嚴相廢宅

沉沉樓閣鬱嵯峨勢撼秦山風雨多金谷未隨金穴盡
玉樓無復玉人歌登龍賓客風飄絮羅雀門庭月滿莎
回首一棺蕭寺裏孤燈無燄老僧皤

弔磨石塘

丈夫身命不難捐只博威名域外傳可惜裏尸非馬革

枉教流血在鳶肩

廟堂水火議先垂幕府機謀事不諧豈望漢廷頒鐵券
詎知宋室有金牌

塞上歌

幾年憔悴在戎行日落營門草半荒不信頭顱爭似雪
只因邊塞最多霜

閒中寫懷

年來官況冷如冰蓴菜鱸魚味獨清好掃柴門遲我到
黃花曲徑有誰爭

公久因公車晚就選人由信州司李移刺宿泰二
州官績畧載各志擢黔省僉憲歸創宗祠於廣陳

鄉祖墓之旁建石梁於金章河里居之左

張之象有記

又念族隸竈籍捐置義田於當湖邑以助熬波出

素之役且以贍夫族之貧者

沈愷有記他如減糶惠農

公自有詩不載義舉不能殫述生平著作甚富無子失傳

公塋王公夢鶴從散佚之後葺藏詩文各一卷僅

百之一耳因以名其藁云

姚 簣

字成之號龍山工部主事參之第六子華亭學嘉

靖辛酉舉人家傳公性端方嚴重見者毛骨俱竦

同榜作相者若瑤泉申公潁陽許公咸推重之卒

不肯屈節

和先大夫遺詩原韻酬伯兄龍津

五

數行遺墨似虬枝灑淚沾襟捧讀之義重敘倫同舜典

法存昭戒比周詩一家已慶貽謀遠百世應將此意知

能讀父書誰不忝先鞭早著見佳兒

墓門松柏長新枝奕葉簪纓幾見之傳世百年宜作史

過庭他口與聞詩深恩罔極思難報反哺無由痛可知

轉憶白頭揮翰日滿牀書卷坐諸兒

姚體信

雲間志畧體信字汝中號華陸其先平湖人自始

祖贅華亭為華亭人而公乙卯丙辰聯第猶係平

湖籍也弱冠遊庠試輒冠多士學使雷公古湖薛

公方山俱器重之授官而後即服父喪服除主虞

部政奉差督理徐州洪務三年奏最轉營繕屯田

正副郎嘉靖乙丑陳乞歸養穆廟初年奉母命赴

補擢刑部廣東司郎中凡朝廷大獄近倖豪貴有

犯者斤斤持三尺不少假錦衣魏大經素橫陰中

人罹重法屬公訊有力者庇之甚周公弗應尋以

萬金常公叱之去竟論死長安共稱為執法郎戊

辰出守南陽方蒞事而歲值大饑率以儉朴先其

民更請賑粟賑金全活無算更有因緣為奸者必

以法重繩而一切府庫羨餘釐革殆盡有監司與

公同榜而以屬吏視公者公挺然不為色沮遂心

銜之會公以母喪歸即嗾臺臣誣奏值新鄭相秉

銓持之笑曰此吾省第一賢守也奈何亦掛白簡

耶竟格不行公論大快癸酉服除補廣信府至則

懲墨吏恤饑民興學宮平訟獄杜告訐課農桑種

種善政迄今江右人碑頌之歲丙子公方以郡伯

入典試事而八閩憲副之命下乙卯復以憲司總

裁鄉闈尋擢豫省左叅政時柄事者方以苞苴殿

最公於政府要津不通一字竟以罷官公性豪舉

喜圖籍更好為山水遊家有木蘭畫舫每掛輕帆

尋花問月彈絲擊竹於烟水之間嘗卜築吳山上

臨眺湖光映帶雲物號為華陽洞天日侶騷人高

補 37-314

士徜徉觴咏見者謂公神仙中人也租稅所入半以給其愛弟鴻臚君體倫半以自供宴飲登臨之費鴻臚君善畫能書性亦醇謹恭順公出入必與之俱每當風日晴和游興勃發或乏於資資即從請貸以行人有目公癡者公輒然笑曰未知何人是癡百年後方成案斷耳其達視類如此附錄本

一禪院志

大衆華嚴姚公之正配陸宜人當湖太宰莊簡公之從妹也公治第於院之東性喜修真每坦步院中習知呂仙問禪事因圖像事之而宜人信心尤篤齋三十年不下樓惟事薰修豫知逝期臨終說偈云聞道門正好修菩提只在自心頭胸中智慧寬如海入聖超凡儘自由遂跌坐而化眉公先生銘其墓有一爲過去佛一作現在仙月在盆中水在天之語

月下同張丈隆陽步本一禪院

勝地得同心相攜共入林終宵看皓月何代布黃金仙侶留奇跡中峰振法音莫言上界遠長此慰招尋

詠玉蘭花和韻

銀臺原是玉爲居爛漫瑤花色正如滿樹暗凝霜月冷素姿不待艷陽舒亭亭自覺清標迥皎皎還教俗慮祛偶訪黃冠逢雅會興酣莫遣酒杯虛

公賦性冲和剔歷中外升沉利鈍不挂胸臆宦轍所屆必探奇覽勝以寄其曠達

如遊上清武夷皆有記

州解組歸年甫逾艾時駕木蘭畫舫馮元成有記往來葑溪聖水間卜築武林紫陽山麓號曰華陽洞

天一時名流題詠成帙

陸平泉有華陽洞天圖題語

優游林下

者蓋二十五年而卒雲間雜識所記廣信守宋樗菴愷遇呂祖師事實公事也恐涉荒誕故不備錄

姚體倫

字汝明號次華大衆華陸公體信弟也例授詹事府錄事晚號二華道人

姚治山雙華會壽

碧天垂玉露灝氣結丹霞二曜中秋合三星此夕華雲璈響玄谷麟脯侑仙家遙想稱觴處槐庭盡桂花

公書法道古尤以榜書擅長古剎名藍粉版尚多遺蹟與郡守賈公待問投契凡賈所署名者皆公筆也兼善丹青花鳥蟲魚隨意點綴無不靈動如

生至於布景蕭疎設色雅澹一洗粉跡脂痕風格在白陽漢陽之間識者目爲逸品咸珍惜云

姚士勇

字伯憲號傲我丙辰體信族子萬厯乙酉舉人九江府推官陞德慶知州湖口縣志名宦傳華亭姚公士勇萬厯甲寅司李江州時湖關病商公日夜焦思暨郡伯鄒志隆圖所以罷稅者適李監召回奉檄代權公至即汰冗役解網滌苛額徵不增一緡即自奉不取一蔬但性直方曾不受過客添差之請擢守德慶客相值即相左遂浩然解帶歸澄江李忠毅公後公三年爲南康司李公以遷行李

有詩送之其序云潯陽星渚腹背相望匡廬介其中兩司李行車食宿瞪眼向人却不入簾谷一杯水也余來後做我三年輒稱同好今做我以州大夫賦歸雲間誓不執手版此後匡雲吾獨爲伴媿做我蓴鱸多矣賦呈一噓云姚子澹蕩人腰折江州吏文移拄笏了放衙理幽事予亦薄游匡相將五老睡一片香爐雲與吾分曳被行車織潯干鄉酒拚予醉慷慨發高歌蕭靜領孤意君說返故園小草甘獨寐酌酒試問君毋乃五鬼祟五年饑欲死方州人所賦大夫浪擲手鄉里小兒刺君曰心悠哉寒魚不可餌歎息送君行張翰今誰二

不風餘韻卷九

九

旅店見陸君策題壁

百尺高樓今已空萬花名苑却成叢何期爛漫題詩句猶在萍交野店中

鏡囊

菱花藉爾未全昏綵線猶存舊粉痕鎮歲相隨南與北潛潛到處泣王孫

公涖政清嚴居家整肅不聞以詩名也郵亭旅次官舍公餘間事吟咏率皆矢口而成不拘格律不事推敲自抒其感觸而已偶檢癸丑日記冊中得詩二首錄之以識一斑云

姚士慎

字仲含號岱芝華亭人平湖籍萬曆癸卯浙江鄉試中式聯捷進士選庶吉士改吏科給事中謫福建布政司照磨遷行人司副歷尚寶司丞光祿寺少卿順天府丞通政使司右通政大理寺少卿南京太常寺卿刑部右侍郎尚書致仕姚大司寇傳陳子公幼而穎敏好學年十五試於浙學使者李公目爲重器首拔之生母崔淑人卒父少津公家法嚴頗引壓嫡之義且令應試公哀籲學使者竟得終三年喪爲人冲雅貞素無競於物既入仕知無不爲當給事中也神祖久不御朝章奏多留中公累上疏力諫會江南大水特請賑貸因陳漕政

不風餘韻卷九

明

十

便宜次第施行在光祿時節浮費裁冗役不避怨謗凡虜使入貢者遇門外之燕及犒以繪綵類多味噍嘩曉不循禮公先命舌人低昂其上下而爲之約束迄終事無敢出謾語者順天尹及丞治長安中即欲執法勲戚中貴人多出力撓之自公爲政私謁不行有張趙三王之風當今上之初逆奄已伏誅而植黨遍中外所誣搆青澗惠少司馬壽春方侍御尚在繫而購陽羨毛給諫者未已值公佐廷尉疏請白之三君子之直節益昭明於天下既由秋官侍郎晉正卿久於其職嚴於執法寬於原情凡諸司士讞多獲平反每當秋月論囚法所

不宥者爲之泣然至中夜傍徨不能寐其仁愛若
此華亭賦役甲天下民苦於踐更至困乏者累
也公心憫焉歲分其租以贍里人其歿也猶遺命
其子上牒所司捐田千畝以助役邑民德之公奏
議剴切條暢有裨治道尤好詞賦凡若干卷藏於
家雲間雜識王功父名孫勲姚岱芝中表兄弟也
萬厯甲午功甫夢姚領出硃卷圈點殆遍面上明
書詩一房梁有年六字查仕籍無其人乙未會錄
始見梁公名尋改庶常出爲黃門至癸卯副考兩
浙姚遂得售旅見時備述此夢梁曰夢時余尚爲
諸生也事之豫定若此萬厯甲辰科會試前有祈
仙問關中題者此判云不
知不知真不知歷盡高來又向低眼前多少老和
少說明只恐漏天機是科首題不知命全章極高
明一句老吾老四公在諫垣多所建白讞逆案執
法不阿疏請捕魏良棟良材寘於法釋方震孺惠
世揚於獄寬毛士龍之罪令其投到結案時論偉
之旋陟少司寇晉尚書未老乞身歸卒里第賜祭
諭葬嘉善錢相國銘之太倉張庶常碑之同郡徐
孝廉誄之陳黃門爲立傳焉子世曙登
本朝戊子賢書早世無嗣兩世著述遂盡散失錄公
遺詩能無重慨

重輯內閣藏書有述

聖朝崇藝文網羅古所稀牙籤列萬軸縹帙映黃扉

誇圖籍富鈎深在玄機微臣職編輯仰占東壁輝芸蓀
潤几席風清午漏微恣覽豈足多望洋道岸希默思備
顧問守要以爲歸

賦得玉壺冰

北陸轉玄英凌陰結乍成金莖凝不瀉寶璫鑿堪盛表
裏寒增潤神膚冷助清虛空涵色相融結露華晶潔以
連城重輝生徹骨瑩溜塵詎可染水鑑並稱明燕石渾
無色夏蟲祇自驚遐思鮑照詠敢負愿中銘凜凜思朝
飲顚顚向日傾小心如履薄毒戒在持盈

南郊陪祀有述

閭陽播氣日華生禮重園邱潔素誠九列趨踰環畢名

六成叶變備咸英炬騰霄漢祥光靄燎入空濛紫霧輕
聞道宸居方靜攝齋心矜饗契玄清

出山別友

以下見
手蹟

十載相攜共采蓴西風寧逐翠蛾顰誰知客路三更月
不及桐江五尺綸今日紅塵隨去馬明朝山鳥笑行人
激流舊約應相負回首河梁白髮新

入都感懷

曾從梧掖賦春暉諫草無端與世違北雪漸催行客老
南箕誰信逐臣歸不逢舊識同趨省爲愛新知屢歎扉
聞說漢皇求故劍延津風雨是耶非

伯憲長兄司李潯陽擢守德慶便道抵里弟亦

銜命歸省得數月盤桓遵程赴官望雲之

迢遞念鵲原之各天因呈二律

庾嶺梅寒正小春欣看五馬擁朱輪一行曉騎山頭月
萬疊雲峰夢裏人每倩林花占物候頻因鳥語辨殊隣
莫言離別浮生事兄弟於今鬢總銀

西江久擅冰清譽南粵新傳竹馬迎雞骨占年獠俗異
蛟宮市夜海潮生閒探雉眼文書簡靜對星巖訟閣清
迢遞南天音問濶只聽珠浦頌仁聲

和周冲白春日遊半山園韻

公與汝南周冲白
之綱新安吳長谷

國仕莆田陳心謙臣忠皆萬
麻甲辰進士有南都四友詩

園林曲曲傍名山鳥弄花香草色間古樹嵯峨蟠石窟

茅亭高下點溪灣

明

主

昔人驢背高風遠此日鷗前積翠環
多少樓臺烟際鎖不如此地一開顏

和周冲白過後湖韻

六朝佳勝歷千春香靄煙嵐望裏新高柳絲絲垂作幃
天桃片片落成茵堤邊畫舫輕浮水天半高峰迴出塵
吏隱却將心似水何須衡泌可忘貧

白雲高處即事

遠眺宜層閣山荒徑遠蘿龍蟠千岫合鳳闕五雲多陵
樹青遙障湖光綠近坡閒曹堪中聖每到欲微醺

中秋次夜長谷招飲湖房并以畫舫秦淮泛月

桂魄清輝徹水湄凌槎秋半蕩漣漪中流促坐立談洽

隔舫傳觴急管吹細細歌聲和玉漏盈盈月影灩金卮
百年欣際今宵勝丙夕厭厭醉未遲

和周冲白望燕子磯弘濟寺

巍巍梵宇插峰頭曾向磯邊結快遊危徑遠盤千疊嶂
輕風斜送百帆舟江流迅駛蛟宮靜山石懸空鷗羽浮
感歎京塵紛似織不如早問釣魚裘

和冲白莫愁湖韻

莫愁湖上不禁愁留得芳名在此洲艷質久經埋宿草
香魂猶擬傍扁舟

擊楫中流曳練光一泓激灩賸餘香清歌妙舞歸何處
此夜消愁只杜康

芳踪昔日尚存無為想驚鴻泛綵鳧不及潯陽江上客

明

古

琵琶隔水可傳呼
空明千頃繞雲煙憑弔詩情往事牽未必行雲來翠閣

且看落月照瓊筵
贈別冲白入賀

銀榜祥開華渚辰月卿擁傳祝重輪霜高鴈渡秦淮水

風暖冰漸上苑春綠繞霽雲浮鶴禁鏗鏘玉佩拜楓宸
批鱗風采傾朝望聽履欣看得重臣

姚士龍

字仲飛號慈明華亭縣知縣

和家司寇二律

少小寒燈守一燈老無歸髮亦依然從前已失千年計
此後惟耽一味禪身向叢林堪避網心持半偈可空緣
六時任取層巖坐紙帳何妨穩獨眠

駒隙光陰歲復年東馳難望更西旋掃愁破恨無如酒
問月吟風不用錢世路多岐都是幻靈根欲驗且安禪
盡知筵席終須散誰向菩提一著先

公與兄刺史公少有二難之譽螢窗雪牖晨夕共
之早歲食餼湖庠久之膺歲薦遇熹宗登極恩令
湖南未考滿而返初服卜築數椽曰留醉草堂頗
饒清流茂樹之趣晚更留心白業自號飯菴老人
年近大耋而終詩非所長偶存者語類禪悅

姚士恒

松風齋集卷九

明

圭

字叔永號澹楠華亭學萬厯戊午舉人天啟壬戌
進士初授浦城知縣補任羅山調繁汝陽考選北
京福建道御史掌京畿道監察御史刷卷南京

義興堵進士廬墓詩

世澤相承閱數傳猗歟祖武軼前賢簞金未足藏為寶
鐵硯何妨耕作田昌及後人鍾鼎業恩酬重壤蓼莪篇
居廬冀返千秋鶴血淚相和灑杜鵑

公為大司寇胞弟刻勵攻苦不以貴介自寬成進
士年已強仕矣兩任中州以考最擢臺中歷茶馬
巡青諸差俱著聲績奉差刷卷卒於留都距通籍

二十年耳幸得一詩藉以少存行槩

姚士恪

字季寅大司寇士慎侍御士恒胞弟華亭學崇禎
癸未歲貢銓授歸德府推官

青霜詩

詩載山舟詩言和韻
者當湖馬維鈞也

筵敞高秋日未斜何來青女儷仙花無緣難擲車中果
有恨如聞塞外笳莫問紫雲驚滿座且留明月漫歸家
一聲白雪流雲過笑指雙星擬泛槎

秋日子復姪惠燕來竹數竿

小阮池亭秋雨滋渭川清賞久神馳聞當燕子尋巢日
正是龍孫破蘚時荷笠刷根乘濕土呼童解縛認南枝

松風齋集卷九

明

夫

林成高會知非遠徒報平安一首詩

公幼慧方名過兩兄廩於庠久困棘試迨兩兄相
繼物故方以次論薦而明命亦終除書雖曰李官
而宦地已同槐國悠悠漳水千里夢遊寂寂邱園
十年終老其自題讀書日抄云余目無所寄寄諸
書腕無所寄寄諸筆結習未忘聊謝飽食蓋編輯
不下數本半被誰何竊去余乃莞然笑也楚弓楚
得奚須一室潛藏年矢年催豈必千齡常住况烽
烟遞起卷帙猶存老子婆娑聊以適興遑問其他
云云所著潤州往還錄及他詩文俱失傳聞尚有
藏其遺藁者惜無從訪覓使殘膏賸馥沾溉後人

也

姚士玄

〔自狀〕墨余前名德林字康侯改字隱侯慕休文而襲也別號履平因屢濱於險冀得坦夷也亦曰鴻冥欲免於弋者之慕也父元龍公爲庚午孝廉龍山公子詩才獨步雜之晉唐間莫可別擇母爲尚璽卿中岳戚公女余生六歲入家塾二十三從張瀛海先生受業二十五補弟子貢試輒優等見知於許繩齋郡守性嗜古然以博覽無專攻而又不能多記憶頗厭薄舉子業故不得冠進賢而老於博士手錄書可百種行笈賴之雖才庸識下而運筆頗健間有撰著亦爽然自快每爲相知所賞識謂能用古不爲古用余嘗謂學人師古不在句摹字擬要須領其法脉挾其神髓及其下筆信手疾書令毫端時露古人風骨氣味併作者亦不知其所從來乃爲用古而不爲古用故其云爾爾也

雜詠九首

余遭異禍家業凋廢追念往昔深爲歎恨抑鬱無聊遂遘奇疾自分不起幸而得生方其憤激亦謂生不如死惜哉母老無養子幼未成壯懷不遂旋復苟活然幽憂不已病當復作清夜自訟口占數語意欲自遣不復問工

拙也

吾觀古時人晴能免饑寒顏氏不改樂陋巷惟一簞豈不貴端服十年纔一冠予雖乏紕綺布褐足自安雖不具肥甘一日嘗三餐人情固無厭造物難與干一切既往事俱作前生觀但將現在物畢我今生歡誰謂越世人得失猶能于忘却前生我優游當自安人知生有我我知病後身追昔未病時肝膽皆他人人自凋傷于我有何嗔既識真中幻難將幻作真洛陽久貧困貂敝不能旋一朝佩相印幸無二頃田二頃固玄飽亦令壯志遷所以達觀人凋殘不尤天尚餘二頃田亦存數畝宅平生無他歡獨有煙霞癖聊

爲歲小築近在唐之隙自落猶忘歸而餘常躡屐親舊愛我者兩兩來相責亦知客言是此願終不易婦本故家女性亦愛謙抑侍妾只一人與婦頗相得妾若不舉案婦爲不甘食婦雖出貴胄而不事華飾妾亦生華族苦心務勤嗇惜無鴻也賢愧我孟哉德長子年十歲頗能解句讀幼兒纔三週天命未可卜先人有義方亦可望式穀但能遺之安安所事多蓄家世本多僕勢去如奔鹿豈無素心人相看不出屋平頭足使令龐眉頗馴伏與其工巧辯毋寧事拙樸夷也豈不才奚爲困西山仁者必有壽期願當在顏昔賢且如此安敢辭辛艱人生適志耳十畝意閒閒

慈明兄從九江還同集仲舍弟翼新堂

甲寅

郊居罕人事况復六月中散髮東臯下悠然對南風高
懷追靖節取以額新宮堂開天水合徑與漁樵通池面
舖紅藻庭隈列高桐垂陰偃飛蓋飛橋渡彩虹有客匡
廬還嘉會招我同磁壺烹顧渚醇醪傾碧筒高歌振林
薄絳火映幽叢言笑無厭時為歡詎易終低柯誠可戀
天際有丹楓願矯搏霄翼何當志冥鴻

答季寅弟

春草新篇思絕羣拂牋五色足烟雲菰蘆漸老雙蓬鬢
夢裡池塘賴有君

公藉祖父之遺秉性豪逸嗜古工詩文有故園金

松蘿閣卷五

明

九

章河石式擴而善飾之日與賓朋觴咏其中不知
家之日落也復耽音律家畜優伶坐花醉月吹竹
彈絲殆無虛日族人利之中以奇禍世業傾盡老
年抑鬱以終有賴古堂葉日沙園記俱散佚而詩
之存者尤鮮故隨所見而備錄之父汝觀名體文
號元龍十歲能作月下梨花詩與陳徵君眉公為
總角交家有百尺樓徵君設帳地也嘗遍遊浙東
諸名勝有記遊葉陳為弁其端有云籠天地於形
內措萬象於筆端其推許者至矣又有姚康甫買
梅歸種三絕句與記遊葉序並見集中

姚世靖

世靖字子清號藥師華亭諸生受經於陳海士門

下幼孤事母孝崇禎甲申後息意仕進隱南溪書
屋有翠樾軒詩葉公為刺史公猶子幼孤而饒於
貲早擅文譽性亦風華溺志狹斜沉痾不返年方
四十貧困以終惜哉詩格老鍊體直逼溫岐晚
年之作倍極悽惋所謂窮愁而愈工也將合訂授
梓故所錄止此

子景霍字去病平湖庠生亦工詩

望借余受業焉講授之暇與伯兄方揚倡和極多
時余未解音韻不及抄錄今無一存葉矣後師設
帳當湖從遊甚眾無復故里之思久之黃志以歿
蓋不奉教益已五十餘年兩兄去世亦逾四十載
回思往事寤寐如昨豈獨有鶴原之痛
且不勝駒隙之悲也康熙庚子秋日記

春暮曲

松蘿閣卷五

明

九

江南綠曉未絲香晴渚無人蘭葉長蜂尾嬌獍撲花去
交交關鴨回金塘櫻桃委墜紅珠凍榆葉如錢壓鶯夢
綺榭頻寒銀蒜條湘川一幅簾旌動麝煤小字丁香勻
綠繡羅裳持寄人荆雲蜀雨不知處鯉魚六六猩紅鱗
傾城面背闌干曲淺碧海綃春一束樓外鞦韆拂地垂
煙紗漠漠啼香玉

嘉禾過友人不遇宿於南河舟中

頗有山陰興空然此繫舟江湖對落日懷抱屬清秋倦
鳥寒初下平波夕更流寒裳殊未可白露滿汀洲

泊當湖

歲晚倦行遊清江獨繫舟寒星斜帶郭夕燒遠明樓老

病悲華髮風塵惡，敝裘鄉心與湖水。一夜並東流。

圍居次鹽官錢子湘韻

植援移高樹，留煙當曉山。石牀松子落，竹戶鶴雛閒。何必樓名庾，真成巷是顏。方瀛不可得，邱壑自人間。

泊舟橫溪

春草碧無際，夕陽隨亂流。酒香因過市，花好暫停舟。望處雲生浦，歸來月在樓。年年寒食路，踪跡滿芳洲。

新春寄錢雲士

雲浦寒歸棹，春塘靜掩扉。到家雙鬢短，守歲一燈微。僻徑輪蹄絕，低簷鳥雀依。梅花相憶否，驛使不曾稀。

早行

關城月欲墮，行旅自駸駸。馬愛寒蕪淺，衣愁曉露深。雞聲出水郭，人影辨秋林。此際懷鄉邑，空爲勞者吟。

西湖送人還燕

北客思歸日，西湖送別年。銷魂對春水，執手問冰天。曉山明朱閣，晴雲拂畫船。來時楊柳在，折取贈離筵。江文通

妙薄桂海聲教燭冰天南
海有桂北方積雪故云

送人入蜀

蜀道從來險，春風爾獨行。鶯花違故國，雨雪過江城。芳草尊前思，清猿夢裏聲。武侯遺廟在，應悉渡瀘情。

讀出師表

帝業金刀在，王言玉几聞。豈知終四百，早已定三分。吳

魏空難合中原，自有君淒涼。老臣淚千載，一遺文。

泊吳江

建業三秋路，葦城一葉身。帆懸歸日雨，棹倚去時津。野店炊香稻，江祠薦白蘋。故園知不遠，信宿轉愁人。

送陳幾來歸青溪

濁酒醉重沽，青山別思孤。臨岐聞蟋蟀，盪漿入菰蘆。遠和華亭谷，驚濤薛澱湖。故園秋漸好，到日有尊鱸。

春登煙雨樓作

他鄉頻倚棹，此夜復登樓。對酒看晴靄，聽鶯動暮愁。野花臨渡發，春水抱城流。盡日疎簾下，長歌起白鷗。

夏日雨晴即事

吟餘生返照，野眺逐歸鴉。忽遇山中客，行尋谷口花。蟬聲喬木靜，虹影碧川斜。且共北牕下，開尊對落霞。

呈閣公師

丹穴由來鳳鳥居，中原風采望冠裾。菰蘆道重還求友，湖海時危獨著書。孺子留侯陪顧盼，大兒文舉借吹噓。

聖朝梁棟徵材急，明詔先應到草廬。

委瑣躬耕不足爲，幾年龍卧絳紗帷。五人經行南中重，七子文章北海推。未許徵車干出處，早於函丈見安危。即今淝水觀兵日，談笑蒼生更阿誰。

贈羅源令章次公

鳬鷖高飛不可羅，鳴琴回首種花多。山城月共金雞曉，

海戍雲從鐵障過囊盡雄心猶賭野書成餘癖更懸河
誰堪烽火連吳會寂寞龍韜只嘯歌

卧子師之任越州阻雨追赴不及

煙江畫舫動清波隔岸青山入越多曾到龍門親講席
不聞馬帳出笙歌陸機宅畔留詩別范蠡湖邊悵望過
今夜語溪深聽雨傳經問字兩蹉跎

宿龍江關

楊柳蒹葭遶帝城三山夜色動淒清寒潮自帶疎星去
秋草多含晚露生沙上健兒眠擊柝月中商女笑彈箏
太平結客雞鳴少關吏無勞問曉行

舟次無錫

霜歸路見飛鴻寒水蕭條夕向東夢後孤舟猶作客
秋來霜鬢欲成翁荒城犬吠行人火獨樹鴉驚落葉風
明日塵纓濯何處錫山回首暮烟空

讀四叔父潤州往還錄

甘泉烽火正茫茫千里還家病馬黃總是亂離愁作客
非驚寒食怨垂楊秣陵關外逢春雨楊子江頭下夕陽
辛苦賊中殊未倦不堪憂國鬢成霜

哭李存我

三年徽省泣髭弓力盡孤城尚化虹馬鬣未封寒艸綠
蛾眉已去夜樓空橫機寂寞悲元禮生死紛紛笑褚公
故舊無多空墮淚隴西今又失英雄

傷閩公師謝航海未存

秋風啼斷奈何禽落日孤臣淚滿襟兵散具區濤自白
魂歸笠澤草應深書生洛下猶傳詠梁父隆中已絕吟
我亦銜哀同宋玉無才不敢賦招尋

憶舊

三江秋月五茸烟柳色驚心近十年猶憶城南春水綠
金釵沉醉木蘭船

西堂

酒醒燈暗竹颼颼夜半春寒坐擁裘聽到芭蕉知夜雨
有人愁絕最高樓

過友人村居

行行無遠近秋色滿林塘一徑深寒葉閒門對夕陽客
來童子笑月出酒杯長相送東籬下幽期未可忘

懷舊

烽火驚分袂鶯花動隔年草深寒食路客上廣陵船暝
色連淮雨春風散楚煙遙知鮑明遠賦就一潸然

夏日同唐大千湯公瑾吳萬頃集徐武靜寓齋

已復過余小飲諸越臣後至

相將荷鋤問糟邱北海千鍾喜共浮鸚鵡自成當日賦
鷓鴣還與去年裘庭深薜荔陰無暑坐對梧桐雨欲秋
想像梁園誰未至鄒生枚叔總名流

已丑澈野秋懷

五茸城郭近吾家二陸祠前驛路斜山色晝昏龍洞雨
潮聲秋湧鶴灘沙書從水國思鱸膾酒盡霜天對荻花
多病十年還避地西風搖落起胡笳

清溪一曲掩荆扉坐對南山落翠微斜日園林人獨望
斷虹洲渚鷺羣飛吳農七月供香稻越女千村競紵衣
江路正長歸不得風烟渺渺夢漁磯

秋思

芙蓉簾箔敞高樓涼月胡床笛思愁叢桂露深螢火濕
曲池煙盡鷺鷥幽金壺刺促黃姑渚玉斗闌干白帝秋
少婦寒砧意無限隴雲淒斷碧城頭

千秋旅夜

松風餘韻卷十九

明

重

雨霽孤城夜柝時高樓疎柳幾參差簾開河漢鐘初靜
夢隔關山笛亂吹鴻雁北來秋色迴蒹葭東望暮雲迷
頻年戎馬愁時切況復西風鬢漸絲

春日言懷

不信文園已倦遊朝雲沉重雨淹留故人老去餘條脫
侍女春來解坎侯青草十年催綠鬢東風一夜到南樓
相逢且拭憂時淚調笑胡姬醉石榴

答沈滄雨見訊

獨夜思君開草堂劍頭龍語隔蒼茫秋燈夢失江南月
曉雁寒通薊北霜近補黑貂蘇季子愁烹雙鯉蔡中郎
故人想像紅樓宴爛醉銀箏倒玉床

無題

碧樓明月錦葡萄銀鴨含香蠟炬高歌按寶琴多並坐
舞催蠻鼓更分曹夢中臺觀荆王雨賦裏旌旗雒女濤
自是情深足惆悵不須鐘漏五更勞

昨夜

舞閣燈紅琪樹枝玉蟾銜水夜遲遲垂楊不動迷藏處
小月偏明射覆時屏上春風寒翡翠帳中香霧濕胭脂
情深欲贈雙條脫爲問羊權知未知

山行

不識春山路幾深穿花度石轉喬林一峯盡處一峰出
落日微聞鐘磬音

松風餘韻卷十九

明

弄

題畫

北固山前秋色多北固山下空寒波老翁自釣亦自醉
落月杳杳聞漁歌

即事

花時洗馬更清羸每日詩成按笛吹復恐春風留不得
黃金賣賦買蛾眉

閨怨

曉起見朝日無言閉綺櫳楊花與蕩子何處逐春風燕
去人先去燕歸人未歸菖蒲看漸長不用寄春衣

松風餘韻卷十九

松風餘韻卷第二十

目錄

明 喬拱璧 一首

喬時敏 七首

喬時英 二十八首

喬一琦 一十一首

喬仲將 一首

喬雲將 一首

喬履將 二首

陶永淳 一首

陶騏 二首

包 鄭 三首

包爾庚 四首

松風餘韻卷二十

胥浦姚弘緒聽巖編次

喬拱璧

〔郭志〕拱璧字穀侯副使木子也萬厯丁未進士授浙江海鹽知縣縣土田匿不可稽拱璧按履畝故籍勾考歸戶悉得其實覈虛丁絜而均之一邑稱平所隸廣儲長積二倉貯衛士餉往時雜支本折侵耗百出拱璧請以冬月支屯糧夏月赴府支銀錢春秋月支倉米人予左契合驗而給之詭冒並絕遷工部主事改兵部武選司左遷順天府教授尋陞南兵部郎出爲湖廣僉事轉參議未上卒

晏鵬峰雙壽

鳳凰池清且泚仙女峰崢且嶸佳山佳水自天成木公金母儲其精太翁垂髫補諸生雞壇牛耳揚芳聲孟光齊眉樂布荆力贊夫子成今名有子不欲遺滿巖縹緗萬卷三尺檠天人策就獻承明寢寢通顯致三旌萬鍾之祿足代耕皇降七十慶同庚龍章璀璨下神京曉曠旭日扶桑明千秋萬春蘭玉盈

喬時敏

時敏字君求號古岡上海人萬厯癸卯舉人庚戌進士仁和知縣南京陝西道御史著有史奏堂詩集

遙望天目

想見西郊一望青乳垂天半聳雲屏泉聲雪噴雙清澗
霽色霞連十錦亭巖畔玄獅函佛蛻石間蒼蚪隱仙靈
凭高無限登臨興直欲騷鸞扣紫冥

鴈塚

雙鴈來衡陽庭除自徙倚狸奴斃其雄雌者甘爲死咨
爾羽族微亦識貞廉理紅顏艷如花去舊如敝屣歌舞
樂生前一朝同逝水感此爲長歎呼童反菓裡

金閨雨霽夜聞歌聲

疎雨暗江皋松聲冷夜濤雲隨歸鳥度月傍古城高客
思侵孤枕鄉心折太刀誰家歌白苧春色在南濠

滁陽道中走雪

雪後看山色山平雪未晞亂雲隨去馬飛絮點征衣酒
力寒嫌薄詩腸冷更奇生平屬冰蘖肯復戀輕肥

喜雨

雨過綠陰稠虛窗景更幽鳥窺人語靜花落水香浮晚
簾驚秋至宵吟訝暑收畬田堪種秫潦倒復何求

送伯圭弟出塞

青雲老我歷窮愁羨爾橫金在黑頭地到遼陽山是海
天迴斗北夏成秋運籌早定留侯策轉餉今紆鄴國憂
麟閣正開書第一幾時五斗換三騶

和龔覺民桃花菴悼亡

留得生平乞巧絲春風惆悵沈腰肢泥金舞帶偏繁恨
弄玉瓊簫祇繫思曾記並闌攜素手忍忘拂袖寫新詞
穠桃艷李年年換髮髻花前舉步遲

喬時英

臨海縣志喬時英字符禹上海人由進士萬厯四
十一年任臨海縣令廉靜寡慾勾校簿案事至立
斷務得民情錢穀出入莅以清平黠胥束手不能
爲奸歲祲煮粥賑濟調度得宜饑民不疲而皆得
食全活甚衆去後人思之立祠於崇和門外祀之

贈虎篇

何物山中君赤章而白額狂嘯怒風生毛羣瘖辟易畏

松風齋集卷三

明

三

鬼逞伎倆伏莽攫行客孤魂泣暮烟層壑暴枯骸林匿
狐兔影徑斷樵蘇迹壯士袒裼呼張羅彌敷澤合圍無
潛踪飲羽有褫魄眼光鬼燐青頭血珊瑚赤牙爪忽摧
頽皮毛競狼籍庖人奏新斲肉骨如林積須臾實鼎俎
巨臠信手擘腥風入座寒饒吻橫流液大嚼復引滿慷慨
重歎息驍騰昔何雄宛轉充脯腊困鬪終見擒食肉
無寢華神龍且就醢陽烏尚遭射剛強非生徒事理詎
幽蹟酒後雙耳熱酣歌還岸幘餘勇尚可賈沒鏃試穿
石

友人走書章安問余近況賦此代東

夙昔耽鉛槧竭來理案牘小州亦何心鄙哉媿食肉膽

此靈山區綰符試微祿花艷總輸潘琴聲亦遜宓獨有
山水緣果然望空腹柱笏挹朝爽捲簾看晴瀑巒容翠
欲流波紋淨如縠峭澗旣龍潛深林還虎伏野獸挺千
羣幽禽鳴萬族松古不知年花殷但聞馥層城爛丹霞
海氣吞百谷黎甿饒古意簡質鮮驚謠租庸終事蚤堂
皇輟鞭扑村犬欲生釐少年無帶憤訟庭水共閑狂狂
草可掬衙放吏人稀公餘課兒讀苔痕欲上堦藤蔓時
穿屋清風謾謾來韻灑琅玕竹秋敞鶴知更日煖麝隨
鹿豈乏鞅掌勞縱心任樸樾但教腰欲折不信眉常蹙
作吏只如此仙俗聽名目

送與嘉北上

二首

卷五

明

四

小艸還慙我長楊總羨君蛾眉從見妬其足自空羣匣
吼延津劍帆飛易水雲遙瞻天尺五紫氣正氤氲
別緒驚千里離情寄一杯風塵雙缺在煙雨片帆開絕
調原齊瑟連城舊楚材遙知收駿處久待渥洼來

和安如作

詩從愁處好交向病中疎惟有耽奇客時能載酒過風
塵餘短髮天地縱長歌不必嗟寥落相逢青眼多

報國寺松

寺偏京國勝松據上方幽偃蓋凝珠露疎鱗老玉虬拂
雲晴亦雨蔽日夏成秋不受秦封染靈根自十洲

桑洲古松

何年蒼玉骨移向碧巖端幹老經霜瘦枝樛挾雨寒流
膏甘助鼎勁節傲封官萬劫靈根在風雷好護看

自解

景物徐商略依稀冠越中茶香先穀雨泉味飽松風瑤
柱含胎白車螯破甲紅莫言吳下好此地小江東

關山月

遙邊塞月千里共淒其客路看圓缺閨中數別離刀
頭空有約笛裏不勝悲何處驚魂甚宵分夢破時
一片關山色何人共倚闌哀笳初喚起斷角又吹殘桂
影隨風落蟾光借雪寒征衣新擣罷還自拂砧看

登湖心亭

卷五

明

五

山遠青垂疊湖環碧一渦雲深藏地迴野曠得天多媚
客花低棹迎人燕掠波欲歸更延佇隔岸沸笙歌

採蓮曲

採得池中花紅芳森似東盪槩忽歸來煙沉江水綠
採蓮向若耶結伴各三五歡喜藕絲長懊恨蓮心苦

悲落花

小樓向晚東風惡片片飛花墮簾幙昨朝架上開輕盈
今日枝頭重蕭索不聞花落還復開忍見花開即旋落
憶昔陽春艷冶時紫苞紅萼競妖姿籠烟裊裊絲千縷
浥露垂垂玉萬枝何處王孫停著眼誰家少婦浪顰眉
王孫少婦競繁華綺縠紛披鬬綵霞金屋凝粧嬌自賞

銅溝編埒劇稱奢三條交設青絲障九陌時停白鼻驅
自言穠艷真堪久自言佳麗終相守箇日風光倍可憐
芳辰忽忽重回首風曳簾鉤水拍堤繁英飄泊信高低
池頭怕見鴛鴦宿梁上羞看燕子樓輕趁狂飈扶入戶
重粘膩雨墜沾泥春來春去光如織屈指年華淚沾臆
朝槿貞松孰久長雲翻雨覆相催迫誰能保却百年期
能駐却傾城色荏苒年華髮欲絲花開行樂莫教遲
阮生漫灑窮途淚楊子空纏岐路悲爲問青蚨金埒滿
何如綠蟻玉山歌千年桃實誠難結三變桑田幾度移
不信只看南陌上惟有千條細柳垂

輓徐穆如

去住真同汗漫遊多才眼底失千秋方看逸足調金埒
又報層霄構玉樓寥落詞場新事業淒涼酒國舊風流
平生一掬交知淚吹徹山陽恨未休

春盡懷伯兄

留春春去奈春何滿目韶華忽逝波酒力再從愁處減
花期半是雨中過他鄉牽恨鶯聲老故國關情蝶夢多
此夜鵲鴿原上月共誰搔首一悲歌

閨重九

露冷簾葭秋思涼佳辰借閨恰重陽綠添溪水今朝雨
紅入江楓昨夜霜髮短再驚風落帽離疎又見菊浮香
不須隔歲矜誰健兩度茱萸足醉鄉

大汾道中

輕陰薄日互氤氳陌上風和草色熏水碓砵甸千杵雪
山田層疊一梯雲青迴隴麥柔如洗紅染林花艷欲焚
莫道海陬春事晚東皇消息已平分

清明

穹碑強半沒蒿萊鵲噪烏啼動地哀寂寂陳人長不曉
朱梨一樹爲誰開

明妃曲

別却君王黯自憐紫臺回首隔長天傷心夜夜龍堆月
還共深宮一樣圓

春閨

繁花低亞拂簷開細雨霏微潤綠苔獨坐小牕無個事
一雙燕子入簾來
風颭垂楊萬縷絲榆關書信寄來遲欲知懊恨千般事
午睡初醒倦繡時

金陵曲

風物清娛十四樓金羈到處足淹留非關壚酒能催醉
此地由來是莫愁
淮流清淺玉爲沙碧檻朱樓散彩霞幾度停橈閒問訊
開簾半面是誰家
馬似游龍酒似泉長干門外競張筵如何開士拈花處
剩與遊人覓翠鈿

憶伯兄

襟花弱柳弄晴煙急鼓繁簫咽畫船想得六橋堤畔月
清光專為使君圓

無邊風物水雲鄉取次攜將付錦囊見說湖中公事了
迎舟十里藕花香

訟庭寂寂放衙時清晝簾垂鶴夢遲仙令風流因底事
頭山色紫頭詩

時英一字君平時敏弟也史奏堂集如聖情原止

輦廷論自更絃岸雪留殘白村雲落晚黃百戰未
收秦鹿骨一椎先碎祖龍魂驚縮馬蹄驚露滑蕭

疎客鬢怯星斑鼎雲堂吟草如草色消殘凍鶯聲

雲間志畧

琦

八

喚早春雲連孤嶼起潮帶夕陽生風捲潮頭白沙
銜兩脚黃四面析鈴催夜色滿天風雨送秋聲簾
外瀑聲遙入座樹中山色正當樓遙山欲斷雲
補危岫疑飛倩樹扶俱警拔可誦然大令之才突
過御史其喬氏詩之巨擘乎

喬一琦

雲間志畧一琦字伯圭方伯純所公俞閩憲時畫

夢韓魏公入謁寤而報舉子因以魏公名名之既
受書目數行並下年十六入邑庠隨入太學試不
利既厭薄經生業歎曰大丈夫生不封萬戶侯死
當留萬古名耳乃稍稍結納豪傑學擊劍喜談兵

雲間志畧

琦

九

而臂有獨骨能開五石弓左右射馳馬如電運槊
如飛三吳武弁之流見伯圭者無不避席會吳下
妄男子作不軌語有司捕之急株連伯圭逮繫吳
門兩臺訊無左驗事得白已而伯圭中癸卯武舉
受知於撫軍周公待以國士委練孟河兵孟河為
劇盜出沒之所往往劫商貨斃其命而投之河一
日有巨艦揚帆鼓噪於中流商舟震懼適伯圭至
發矢火其帆舟不能進棄舟泅水而遁後乃遣悍
卒詭為鑄工造帳下持匕首從耳畔欲刺之見伯
圭威貌如神股慄手戰不敢動伯圭覺而拷掠之
乃知賊所遣也遂梟以示一軍服其神明羣盜匿
不敢出孟河稱安流矣直指薛公以為天下奇才
因薦於朝遂授遼東廣寧衛守備時經略熊公為
直指一見器之留語十日比熊以復命還而伯圭
有撫順之擢途遇遼撫張公代還敵騎卒至被圍
伯圭策馬與戰斬其渠帥數人敵遂解散張公還
朝薦伯圭才可大用乃移備滴水崖崖密邇外部
最稱要害伯圭至則練卒繕堡宣布威德一境帖
然有虜婦老娘子者擁眾犯龍門參將遇害又移
兵向滴水伯圭單騎薄其營切責之曰國家何負
於汝汝來欲何為老娘子云老娘無他慕願識喬
將軍一面耳遂與親近五六人入見講賓主禮定

賞格歡宴而去無何東事發朝中每憂乏將材科
臣有薦伯圭可當一面者遂進遊擊守鎮江城懷
慨泣事日夜訓練以爲戰守備鎮江竝高麗界高
麗戍兵伯圭并將之會政府疑諸將逗遛責戰甚
急經略楊遂下令以己未二月廿五日出師令總
兵劉綎杜松分道進而以伯圭監朝鮮兵屬劉部
下節制劉令伯圭爲先鋒獨當前隊於是劉出寬
奠伯圭出鎮江咧咧泊口至涼馬甸與劉合兵伯
圭策其未可輕進也爲劉言之不聽越三日抵牛
毛寨三月朔抵馬家寨次日抵深河又次日劉督
進兵伯圭言深入山險未審道路虛實不宜鼓行

松陰集卷十

明

十

而前劉不聽長驅欲搗且提兵策應杜帥逼令進
戰無緩時則杜已沒於陣兵皆潰伏兵四起劉被
圍中流矢立仆伯圭亦爲流矢所傷計無所出率
殘兵保一山自固或有勸伯圭逸去者伯圭仰天
歎曰大將軍不用吾言以致此豈非天乎今日之
事有死而已吾義不辱身以辱國遂投危崖而死
一軍無不痛哭詔贈卹諸死事者於天啓元年三
月詔贈都督僉事襲陞四級廕子本衛世襲百戶
仍予祭從祀伯圭天才絕世於書無所不窺所爲
詩賦古文詞皆奇警超軼尤長書法多龍蛇飛動
之勢有刻帖行於時當其在滴水崖兩臺命書八

大字於崖石曰鎮星之精凌空矗立每字方廣二
丈筆勢遒勁雄奇亦邊境一壯觀也南吳舊話錄
伯圭生有異質膂力絕人嘗馳馬過一牌坊以兩
手攀坊楹用雙股夾馬懸二尺許見者驚絕每觀
風塵起輒北向歎曰天下男子獨喬伯圭奈何不
使向刀劍聲中作活

送社丈姚大之東陽

雲旆霓旌出帝畿銅章墨綬路生輝即今匹馬從南去
他日雙鳬向北飛

吳越由來是一鄉山川佳處即東陽湯湯溪水流無盡
白日彈琴不下堂

松陰集卷十

明

十

過張長興山居

負郭無深轍長林有隱居朝簷窺食鳥夜網上潮魚夾
竹通花徑移山對草廬主人能出酒日暮詠歸與

柘澤苦雨

一隙蓬窗下悠然對碧瀾衆山雲外晚落木雨中寒沉
竈人烟靜浮家客路寬風波何處避吾欲問漁竿

贈趙古城

見說紅顏日曾居大將營只今垂短髮猶擬是長城幃
幄資文武邦家仗老成素聞黃石略願以授書生

長干行

少小解含羞低頭却懼讌相見即相離重逢不識面

出帷牽小姑問郎在何處小姑向僕言早向瞿塘去
聞說瞿塘水風濤八月多郎舟歸未得音信近如何
漠漠江上雲惻惻意中人飛雲有往復人去不知春
夢裡報歸舟已下巴陵道占風凌曉看獨有孤飛鳥

早發

紫霄繫疎星白波流淡月空江人語喧艇子乘潮發
將軍節俠著於鄉間忠勇場於邊外至今遠近無
不噴噴上海喬公子者然不知其嫻於風雅若此
也癸卯春曹謬庭貽余將軍詩題其尾曰先祖紫
亭公珍藏先生詩草一冊僅存什一閱之乃故藝
藻之第五卷則此外失傳者多矣夫將軍不以詩

松蘿韻卷五

明

五

名而詩亦足以傳將軍矣子焯以廕授百戶崇禎
中鎮守安慶副總兵見客諧偶鈔

喬仲將

字未詳古岡侍御仲子雲將之兄

題鼎雲堂吟草

青蓮綵筆夢生花倚馬千言調足誇囊草平分仙令錦
墨痕猶帶赤城霞詞翻月露推宗匠語薄風雲是大家
曾辨支機偶再世還同博望泛星槎

喬雲將

西天目山志雲將字千里雲間人侍御時敏子也

天目志成呈徐明府并序

夫鉛刀不與霄影爭銛駑馬不與黃駒方駕
矧章縫之下士當冠劍之鉅公徐使君威鳳
祥麟白眉先哲牛溲馬勃青眼後生分壁潛
州已最書屏之業探奇禹穴雅意名山之藏
因天目之雄峰成公餘之新志泮蹄末學謬
分編檢之榮琬琰宏詞不數巴渝之響聊抒
短什奉和雄篇

平生不識天目山平生不識使君顏山耶君耶兩爭勝
使我夢寐青巖間越中千嶂紫江碧茲山獨高八千尺
日暖花飛古苑紅雨晴泉拂陰厓白無峰不幻作蛟螭
雪月煙雲刻繪奇客度松壇皆馭鯉僧歸瑤殿總馴獅

松蘿韻卷五

明

五

憐予三載西湖客三載何曾理山屐終年瑣閣擁寒紗
一杯湖水如環壁使君新記來飛鴻開械翠嶽如龍從
依稀海蜃吐朝閣彷彿江猿吟夜風此時矯首情無已
坐卷雲蘿落窗几試令兼誦使君詩龍宮網割珊瑚紫
世間好事爭紛紜攜杖思穿麋鹿羣囊中但寶一編在
只此見山兼見君

喬履將

字旋甫號寧致崇禎庚午舉人大令時英子也至
性孝友與諸季連屋而居安貧力學未嘗以家世
凌人領色笑者如坐春風至談說忠孝則又正色
不阿慷慨激烈若問舍求田曳裾干請岸然不屑

也所著有棣友軒吟草

雞冠花

三徑秋深簇錦攢疎疎岸立別舍丹風過接葉疑張翼
雨重扶枝故聳冠鳳尾梳雲排翠幄鶴翎灑露潔冰紈
繇來物植名相似何必雄聲震曉翰

村煙

卓阜行欲暮履底草芊眠林密喧歸鳥村連接暝煙漠
雲疑自岫籠樹欲摩天且盡模糊色朝來看秣田

陶永淳

方志永淳字質夫華亭人成化丙戌進士授魏縣
知縣服闋補南和縣縣民王氏家饒貲有利之者

松陽縣志卷之六

明

古

誣訟妖言爲由之全其家歲凶發粟活民甚衆以
勞積久次轉紹興府同知嘗攝府事鋤強植什別
蠹洗冤鄰郡事弗能決者委之立斷久之忤暢御
史移疾歸後御史敗都御史侶公大器之乃白於
朝俾以禮致仕以子驥爲行人進階朝列大夫

送分教姚程夫

昔賢心事濟川才經世文章動省臺東郭暫虛耆舊席
南安欣睹大儒來人將負笈依山斗詩託吟筒寄隴梅
海內聲華推老宿昌時鴻運自天開

陶驥

字德良華亭人紹興府同知永淳子弘治辛酉舉

人乙丑進士由行人歷禮部員外郎直內閣

俯景亭

江上孤亭秋正開雲根斷處水橫來畫橋去閣剛三里
美竹緣崖近百栽暇日清歡誰貰酒宦途高興獨登臺
微吟不盡來遊意却羨天台作賦才

送田國用鎮撫還蜀詩

華臺花柳客徜徉蜀國風煙興渺茫玉勒幾年登劍閣
江船五月下瞿塘清樽雅集高人共短笛橫吹良夜長
年少壯遊輕萬里可容華髮綴清霜

包節

明史列傳包節字元達先世嘉興人其父始遷華

松陽縣志卷之六

明

主

事節祖勳與弟鶴同舉成化戊戌進士出官池州
知府節生五歲而孤母楊教育之舉嘉靖十一年
進士授東昌推官入爲御史劾兵部尚書張瓚貪
穢出按雲南時仕者以荒徼憚不欲往因設告就
遠方之法節言此曹志甘投荒非年迫衰遲則家
貧急祿志在爲己豈在恤民滇中長吏所以多不
得人也請自今以附近選人充之而州縣佐貳姑
用此曹庶吏治可舉吏部請以節言槩行於雲貴
兩廣制可以疾歸起故官再按湖廣顯陵守備中
官廖斌擅威福節欲繩之語先洩斌得預爲計俟
節謁陵時故獻膳羞遽使撤出詭稱節麾出之鍾

祥民王憲告斌黨庇奸豪周章等節捕章斃之杖

下斌益怒遂奏節不以正旦謁陵次日始謁時當

進膳不旁立喪慢大不敬奏已入節始奏斌前事

帝大怒逮詣詔獄榜掠永成莊浪衛莊浪極邊敗

屋頽垣節處之甚安獨念其母自傷不克終養日

飲泣母訃至晝夜哭已又聞弟孝卒撫膺曰誰代

吾奉祀者哭益悲病死遺言以衰經殮棺斂之費

皆出西寧兵備大梁孟淮著有苑詩類選湟中葉

行於世子梗陸走八千里省節莊浪欲終侍父於

邊地會聞倭寇漕涇恐犯其母塚令梗還視未抵

家而節卒梗挈弟杞梓迎喪歸孝字元愛後節三

舍人為南京御史疏論禮部尚書溫仁和主辛丑

會試有奸弊且劾庶子童承敘贊善郭希顏編修

表煒帝皆不問未幾又劾巡撫孫傳吳瀚瀚罷去

孝兄弟分居南北臺並著風采又皆有至性節官

比不得養母孝遂以侍養歸母亡哀毀桐牕隨筆

骨立未終喪卒節亦繼殯時並稱其孝

公成莊浪十年艱苦萬狀不敢自別於卒伍嘗遺

書其家曰雷霆雨露盡是君恩險阻患難無非臣

節所恨目昏不能察烽燧力微不能挽強弩虛靡

太倉一升粟為愧耳尋卒輿櫬而歸楊抑齋先生

躬迎其喪於境外哭之慟未幾亦以減齋壇議校

傷哉小長蘆云侍御所悅風雅以文苑英華詩可

續昭明文選體編成苑詩類選三十卷亦稱好事

事太勇嫉惡太嚴為讒者所中才與命妨志與時

違故所就止是亦知己之言也附錄元開耕餘錄包

告家居事母至孝母楊太夫人訓子亦甚嚴有里

人諱名清水綠者遊閑客也偶過元愛將飯之太

夫人偵知立召元愛跪庭下數之曰汝官風憲何

得與鼠子輩狎譙呵不已元達從旁解曰孝非以

客禮待此人因欲買一婢知某所外女子來相

告耳太夫人愈怒曰孝欲買婢知某所外女子來相

以遽聞汝為人兄又稱慮臣不德以禮正其弟

而反為之辭耶拜跪於庭久之叱去數日不容元

愛定省元愛悚懼若無所容元達亦日夕旁皇百

方意解太夫人意稍釋始召見猶切戒無暱匪人

也其後兩侍御並以直節名海

內語曰非此母不生此子信哉

題美人圖公成湟中徐鳳岡遺以美人圖因題

并圖扇美人圖仰知曲體征成有采薇之遺

意焉所惜者殊艷名殊遠投絕塞當能莫效

射雉無言默然含淚增惻憐憫之曲投交甫之佩

忽爾騰騰為我奏明妃之曲

能憐征戍苦拂素惠名姝色並王嬌麗人應漢代殊無

端過絕塞豈亦嫁單于行雨衣猶濕凌波襪尚濡佩懸

于闐玉環綴大秦珠團扇秋風早單衾夜雪俱臉桃寒

未落眉柳凍還敷本效當熊節寧貪射雉娛恃容翻見

枉掩鼻詎憐誣長信恩何在高唐夢有無轉蓬隨鴈度

始信嵇康非俗偶却憐王粲是仙才

閒雁

二月河梁聞雁來欲探鄉信強登臺來時定向江干過
舊隱花開幾樹梅

永陵時松之以建言戍者馮竹御南江董比部幼
海與先生而三馮董釋伍歸里先生獨卒於允吾
何不幸也臺中渙中二黨前此有入選者茲不多
錄先生之弟南御史吳石先生同日記鄉賢何繩
武司李有詩云兩篋封章垂信史一時俎豆列名
卿墓前宿草寒猶碧身後公評死亦生見雲間志
略所著南臺稿無傳

松風餘韻卷三

明

六

包爾庚

郭志爾庚字長明侍御節之曾孫上海拔貢崇禎
丁丑聯捷進士羅定知州上海縣志文苑傳爾庚
守羅定州有善政行取入都遭祖母喪不赴隱居
清谿之曲自號宜壑居士開戶著書入

國朝詔舉山林隱逸當事強起之以母老力辭一日
端坐高吟曰千秋大業今家計萬里清風昔宦遊
遂合掌瞑目而逝

盤雲嶺

在鄞縣東南六十五里象
峰山之東俗名姜家嶺

避地遙從東海濱寸心為惜舊時春過河泣聽當年久
行路難逢今日真繞足亂雲松氣濕隨聲頑石澗泉

不知古寺藏何處偏少其中過去人

同卧子避暑淨業

長安有仕子焦然驚廣術夕負炎埃歸朝觸燦煙出懷
抱既以乖俛仰成牽率紛紛許史家競弄如年日選蔭
激齊謳臨坻汎趙瑟玉手斲玄冰金梓薦丹寶吾徒引
勝流駘蕩依清室樓雉覽參差嶺雲更崑崙遙渚蟲光
升高樹鳴蟬畢充充芳氣盈翩翩魚鳥逸誰云京洛塵
一往緇素質

授官嶺南別同年揭潛銘時潛銘亦出為福寧
守

遙聞明主意珍重簡方州拜命同槐夏之官共鴈秋事

松風餘韻卷三

明

五

容車蓋盛地接鼓旗優莫為辭京國徘徊動客愁
離筵此夜燭不盡且無歸日月行難近風雲氣已非山
藤候吏飲野葛長官衣吾去尤荒遠勞君悵夕暉
宜壑先生不以詩鳴而所著直木居詩集雖不多
而一往清氣逼人

松風餘韻卷二十

松風餘韻卷第二十一

目錄

明曹安九首

曹禹一首

曹琛一首

曹泰一十六首

曹時中一十二首

曹時信一首

曹閔一首

曹豹一首

曹紹一首

松風餘韻卷第二十一

目錄

一

松風餘韻卷第二十一

胥浦姚弘緒聽巖編次

曹安

字以寧華亭人正統甲子舉人歷元江湯陰訓導武邑安邱教諭天順六年成化十三年江西山西聘典文衡張東海贈之詩曰著書只欲明忠義掛索何曾計有無所作文曰取嗤藁詩曰蟋蟀吟皆失傳獨調言長語行世自序云調言逸言也長語剩語也達人君子一笑云嘗自作像贊曰身之小何於東西南北無一而不到目之眊何於今古載籍無一而不考二十登科似乎忒早五十餘年猶

松風餘韻卷第二十一

明

一

居學校實為可笑笑我者何笑我於詩書堆裏翰墨場中杯酒之間顛來倒去無時而了所可惜者進寸退尺懦劣無匹所以更為黃楊孱者之號安邱門生郭時進云此可以知先生所自負矣

元江鄰於緬國多榕樹其風俗大異詩以紀之
日春日給作生涯土屋平鋪幾百家地煖黃牛多睡足車里多黃牛其足軟止可食草深灰象並張牙車里緬孟地飛來鸚鵡渾身綠嚼罷檳榔滿口霞瘴癘不堪三伏暑誰知臘月尚穿紗

同遊百泉

冠蓋追陪節使遊百門泉上縱吟眸翠鬟倒蘸千峰霽

水鏡光涵萬壑秋細玩珠璣翻海眼忽驚風雨起巖頭
關干徧倚心如洗疑在蓬瀛十二洲

湯陰岳忠武王廟

匹馬行行過蕩陰忠臣新廟一登臨子胥劍恨當年賜
諸葛星憐此夜沉萬里長城真自壞兩宮車駕竟無尋
閒將古瓦濡毛穎誅盡權奸賣國心

蒼峪山

在汲縣西
北四十里

金鰲背上峙羣峰萬壑千巖紫翠重雨暗靈湫神物出
雲深石洞女蘿封硤硤競產如多許驚燕飛來尚有踪
安得謝公重起世笑穿雙屐一相從

玉柱峯

在縣北五十里
以下見輝縣志

青山有石柱直插浮雲杪月明鶴飛來渾疑舊華表

蘭氏橋

在縣西南相傳
蘭氏九女所建

九女貞祠奕奕一灣流水淙淙橋上晚來凝睇青帘搖
曳長杠

雙溪橋

又作梅溪在縣西四里衛水之
涯元耶律楚材故居碑刻尚存

柔櫓搖煙過小橋老梅橋畔發新條滿溪流水長三尺
知是西山雪正消

踏遍蘇門幾處山又從亭下聽潺湲晚來濯罷臨流坐
掬得天心月一灣

共山

在縣東
北九里

共伯惜早死茲山尚留名春風一登覽愴然千古情烏

聲亂嘯嘶虎跡何縱橫歸來踏芳艸新月西峰明
曹 鵬

〔方志〕鵬字國用華亭人成化丙戌聯捷進士刑部
主事歷雲南分巡僉事

分部騰衝

騰封昭代稱雄鎮按節分番此一臨關月夜行如白晝
渾烟晴逗若黃昏高低禾黍家家業遠近樓臺處處村
禮樂衣冠同上國始知王化遍乾坤

曹 琛

字廷獻華亭人以子時中仕封刑部主事〔曹定菴
小傳〕封公與錢文通交契錢之家壠在佘山省必

〔松風齋類稿卷三十一〕

三

經薦相與廢和子時中官浙憲就養武林夏廷尉
時正結湖山雅會聞公至邀入社歡賞累月而還
年八十卒

觀射

和錢編修
溥原韻

五色朝霞捧日明道山亭下此同行郡侯有道如黃相
野客無才似賈生喜得序賢兼比禮閒探孔思與周情
從容揖讓觀鄉射擊鼓年來不復鳴

曹 泰

〔顧志〕泰字時和華亭富林人景泰甲戌進士以詩
鳴於時鄉之學詩者多宗焉所著有九峰集弟時
中成化己丑進士仕至浙江副使有司表所居爲

雙進士第名其地為林桂里云張東海九峰倡和
集序曹君時和家富林正九峰環抱輸青獻紫之
所讀書其間題曰九峰書屋人遂以九峰稱之因
自號焉書屋燬而復建時和以詩落之寄其弟刑
部主事時中時中既和能詩者皆和聯為卷帙竊
念成化甲戌歲進士三百五十人時和在高等獨
名能詩且善筆札觀政吏部尚書王文端公亟稱
之曰文學政事人也未及受職以事家居朝野惜
矣然特其餘事可以時和之所養止見於篇章間
不幸其失誦其詩吾方為九峰草木蟲魚幸也

題西林塔院

在府西慶雲橋一名西林大明禪寺有崇恩寶塔其後有毘盧閣

九峰草堂方丈西院名却與禪名齊十年無人問筆硯
有興或向湯休題天孫翦花雨五綵白日六合為之迷
況多香氣掃塵穢杜蘅蘭芷綠清溪性空三昧始知味
身上九天曾夢梯夢中往事付流水天雞飛上扶桑啼
麟臺丹青半剝落蓮社合伴山人棲山人之興笑吾如
明日杖藜還可攜

黃浦

月照黃龍浦水黃南飛鳥鵲夜茫茫晚潮天接海門遠
秋草城埋瀘漬荒洲上人家金井塌縣中官酒玉缸香
百年來往今頭白消得先生醉幾場

亭林古松

山中古物長松樹剝落龍鱗大十圍涉歷冰霜心獨苦
戰爭風雨勢將飛碧雲秋影落僧塔金粉春花點客衣
四十年前空見說於今飽看坐忘歸

怡菊

閒情晚興一籬花冷淡相看只在家斗米無緣官不愛
重陽有酒客當賒碧潭涼露祛心病白髮秋霜感歲華
見說飽飧能不死欲依三徑老煙霞

丹井靈源

細林山八景之一

石上仙翁鍊丹井嘗聞初鑿費神功轟雷一夜山根破
修鯁千尋海脉通玉甃春和浮沆瀣銀牀秋冷落梧桐

誰能汲取餘波飲飛舉還生兩腋風

友人邀登泖塔

孤刹中流勢欲浮潮聲不斷海門秋蛟官月出雲初合
龍藏花飛雨未收九點芙蓉青入戶一行鷗鷺白隨舟
憑欄剩有滄江意檢點漁竿向碧流

浯溪十景詩

永州府志在祁陽縣南五里流入湘江唐元結自道州歸愛其山水因家焉以溪為浯溪山為嵒臺作室為唐亭制字從山從水從广三者之名我所命也亦

我所據而有也

浯溪漱玉

溪水源分巖壑幽遠從雙井傍山流漸來潤漱藍田玉
轉去深涵湘浦秋岸草汀花春爛漫酒船漁艇晚夷猶

有人曾釣垂璜去輔相如今寵未休

鏡石涵輝

墨石深涵玉鏡光銅花不上細苔蒼倒吞日月雙輪滿
遠照山川萬里長雨洗烟磨塵迹盡烏窺猿駭古屋荒
周王舊物疑相似却有山靈爲護藏

唐亭六厭

心憐六事渾非厭景物天然聚一亭松葉自和流水響
遠川相對亂山青霜朝寒照回春暖暑日清風拂酒醒
我欲爲渠增一厭抱琴來與坐青冥

磨崖三絕

厓石溫溫玉不如可應埋沒蘚苔餘微詞特數中興頌

卷三十一

明

六

偉筆兼鐫大雅書三絕人間成美事萬年詩裏播嘉譽
乾坤形勝憑誰占諸葛今存舊草廬

岵臺晴旭

高臺南倚湘江上東去扶桑見日升自有蓬山宜曉望
豈無謝屐可春登熙熙晴景含蒼壁淡淡天風落紫藤
傲睨乾坤胸次濶有人長嘯白雲層

窠尊夜月

崖上窠尊天影碧可能有酒醉嫦娥桃花氣暈春容薄
桂子香清夜色多閒許庾公成獨坐狂憐李白自高歌
山泉如醴常教滿借問遊人興若何

書院秋聲

小院沉沉似水清此中惟有讀書聲春雷禹浪龍先化
秋月庭梧鳳亦驚前輩功名登宰輔後生心志在蜚英
世家天與開昌運長夜文星照地明

香橋野色

愛茲野色畫難描只隔浯溪溪上橋流水桃花春浩渺
茂林脩竹路迢遙青帘山店家家酒落日夷歌處處樵
見說詞人富題咏山川今已貯詩瓢

漫郎宅籟

浯溪清絕勝猗猗故着先生此地居世變人還稱聲叟
草荒誰復理遺墟叢叢修竹含靈籟習習長風響珮琚
今古清聲在人耳不勝景仰動長吁

卷三十一

明

七

笑峴亭嵐

浯臺南頭笑峴亭霽霽映山嵐氣青軒牕日上始開豁
巖洞春深常杳冥風吹不散疑作雨啼鳥雖聞如隔屏
此景悠然異人世來遊未許酒常醒

曹時中

華亭富林人天順己卯舉人成化己丑進士初名
節後以字行曰時中號曰定菴寶善編定菴遇母
鄧安人病連月不解帶母卒哀毀特甚葬玉屏山
結廬墓左茹蔬三年不見一客有二白鳩巢於廬
產紫芝數本鄉人欲聞諸有司公謝曰夫孝庸行
也而以為希節不可伯仲四人而獨余稱不可身

未仕無毫髮報君而以茫昧事妄君又不可鄉人固請之公曰苟如此僕當終身守此廬是絕余仕進也乃寢官刑部主事斷獄明允指揮趙銘犯賊緣首相力求解竟置於法出僉浙江按察司事丁父艱慟幾殞奉柩歸廬墓如昔服闋補雲南分按安普漏海時天旱蟲食苗公齋素少禱蟲死歲大熟遷浙江副使視海道有武弁賂鎮守內臣求干阮海裔公不聽浼兩臺爲言終不聽又條議振刷六事與兩臺左即謝事歸閉戶掃軌與周比部佩顧宗伯清相善每集分韻作詩晚歲集耆老十四人每月爲安耆會求孫宗伯承恩爲文記之致書

松風齋讀卷三十一

明

八

曰吾儕老矣老者志欲求安吾幸與二三君子遭時盛明謝絕人事攜朋命侶用締斯會一觴一詠逍遙餘年是誠可謂安矣至於禮以相防欲以相戒德以相稽則又吾老者所求自安而無愧者故以安耆名會其盛酒食徵歌舞侈輿從非安也必戒之鄉里自是皆爲雅會公入城必令二人操小舟身自持舵其或祭祀則親采蘋藻久之舟壞嘗徒步往來太守吳公鉞惠以舟署以采蘋恐不受乃乞士大夫題詠成帙而後致之平居每旦謁先祠畢即往拜仲兄問安否退集諸弟姪於堂諄諄戒以守法行善公與顧文僖莫逆交文僖再召以

子天彝爲託一旦天彝挾妓遊天馬山鼓吹過公門公使人召入榜以夏楚曰若父居官躬素絲之節而若敢淫肆如是吾與若父行也不戒若是不子若今吾且代若嚴君爲治天彝自是不敢復出文僖聞之深以爲感不訝也正德己巳大水鄉民饑公貸米百石爲賑又力勸諸大夫行之鄉人賴以全活者甚衆親黨招飲皆不赴曰民絕粒而我輩乃列筵哉日食亦止蔬食歲稔始如常又號宜晚居士所著有宜晚集春秋既高守道彌篤大司空林公俊舉以自代不報年八十時作壽藏於親墓側每日殮罷往坐片時曰此中無朝無暮無春無秋恍似天地未判之初我復於初且得侍先人無不適矣東秋節爲公誕辰當八十二時李文正公東陽作詩來賀朝士屬和者數十人後每歲覽揆日即押前韻仍分俸爲祝公以施僧曰吾何功分相公祿也去城十里有司重公者碩每月放棹相存公謝老者不以筋骨爲禮竟不報謁既病太守孔公輔贈米二十石公報書曰老夫不進食者旬矣不敢虛大夫之賜謹辭邑令聶公以五金爲七夕壽亦固却之後二日爲詩別親友危坐而卒時年九十馮子曰嗟乎世之溺也士而退處林坳身越塵埃矣乃猶然勞勞役役非夢寐牽組即拮

松風齋讀卷三十一

明

九

据牙等終身仰人鼻息而自老竹芭笠簪履間可
憫也曹先生謝事三十餘年蕭然淡然戴笠爲農
挾策爲儒載酒徵賓風雅相命不遠人而高不近
人而俗不整垣牆不逃蓬藿而常有蕪葭遠水天
際雲外之致宜宗伯每津津稱說以爲吾鄉典型
著蔡也雲間志畧公年八十不復冠帶以氈帽青
布衣見客喜爲懷素書竟日不倦與吳門沈石田
不識面而詩筒往來不絕一夕夢石田坐青帷中
執手永訣異之不數日而訃至公以石田曩所寄
詩若干篇錄之爲神交集屬頌文僖序之雲間雜
識正德壬申曹定菴壽八十一李西涯寄詩壽之
卷之三 十
白八十一回秋月圓自足每歲必寄有八十幾回
秋月圓之句辛巳先生壽九十以初度前五日卒
人謂詩識閱耕餘錄曹定菴家廣富林里中焦生
者素亡賴有橫逆之加公弗與較一日乘醉晉公
其僕以告公曰吾不聞彼罵但聞若罵耳亟去無
多言時方春耕又以白聖書公姓名於牛腹且撫
且置僕復以告公曰雨且至當濯去耳庸何傷生
又陰遣人伺公出遺之履書公伴謂若主折簡召
吾耶即徒步詣焉其家辭以他往公曰吾坐待若
主歸也生不得已乃出公談話良久無一語及他
已笑謂日過中矣能脫粟相待乎生勉爲具以進

遂相與酬對移晷歡然而別此生於是愧服終身
斡山僧

獨峰高聳與僧宜趺坐茅簷老不辭習靜心惟孤月照
幽棲甘許片雲知本無刺語難開口縱有餘機懶出奇
堪笑當年廣長舌空言留落起人疑

贈金澤寺僧辨如海

雲間惟愛此僧閒錫杖芒屨懶出山瓦盃盃中清淨水
布袈裟上木連環無聲無色詩千首聽雨聽風屋半間
春滿土牀誰是伴白雲飛去又飛還

經東海先生墓

拱木蕭蕭宿草深美人何處獨關心石麟苔翳經春雨

華表雲間結暝陰地下修文知幾載世間遺墨等千金

西隣剩我今頭白徒倚空山寄短吟

小赤壁

在小橫山東北峯巔隱起壁立數仞色盡赭因名

愛探名勝暮忘還赤壁欽欽倦亦攀鬼鑿何年巖草碧
春光滿地土花斑支撐日月紛奇氣剝落風霜益老顏
賴有羣公品題絕頓令聲價重東山

斡山

自敘云陸寶山爲第二峯其土宜樹人爭取之夷爲平陸矣今當以斡山補之

山頭日月常吞吐山下亂石難名數小者卧伏如羣羊
大者蹲踞如虬虎生材中矢因得名十笏天留給孤土
茲山合補九峰亡後世視今應作古

寄尚德先生

見墨蹟

不肖初度蒙祝辭遠致既領之餘百感交集

步韻率成以舒抑鬱然未獲接清論似於故

舊之情猶有不釋然者仍綴數句於後尚冀

惠然一來幸毋悵駕高軒而使人有遐心也

山青雲白一行窩愁緒逢秋分外多欲定身慙鳩計拙

永懷心感鶴聲和無情髣髴看看換有限年光冉冉過

自笑何才當採察鏡中羞對鬢冠裁

日日停雲憶草窩逢歡常少別離多最憐遣興詩偏富

兼受薰人道氣和好景暗隨流水度青山猶待棹舟過

懶余折簡休相訝曾識丹崖萬仞裁

瑞竹生玉屏山
顧廷儀家

瑞竹

明

本

地鍾靈異幾經年造化從來本自然出土一根元瑩玉

凌風雙幹欲參天未論板蕩成臣節絕似夷齊讓國賢

春雨滿林還有作兒孫頭角看駢駢

天井在無錫開江山巔
有東西二天井

石甃何年物清流萬丈深越人移不去留照伍貞心

閩閭城亦在閩
江山

築城本防吳傾城乃亡國終古恨綿綿女牆春草碧

雷嘴月牌山有二
嘴嘴湖中

夜雨桃花漲春風楊柳灣數船燈火亂知是打魚還

失題手蹟藏青溪陸氏臨潭昆
季家書時年八十有八

草煖沙長望去舟微茫烟浪向巴邱沅湘寂寂春歸盡

水綠蘋香人自愁

先生之學受之夏止軒踐履躬行三十年服官三

十年在林本諸此也發而為詩純任自然不假雕

績殆所謂有德者必有言歟曾過富林山市訪求

雙進士第而九峯十峰之後竟茫然莫有知者又

不禁致歎於君子之澤也

曹時信

雲間人物志時信字孚若號十峰弘治壬子鄉薦

詩才與從兄時中相敵兄弟唱酬為樂顧文僊稱

其有學有才有為有識任都察院司務府志作
經歷誤

赤壁行

赤壁行

明

本

黃州赤壁天下知蘇翁挾客清秋時月出洞簫一聲吹

為舞潛蛟泣孤嫠星躔遠在斗牛陲吾松都在斗之維

有石立水枯而勢九峰視之如羣兒萑苕古秀峭而歌

稜角聳削多權奇青莎碧草深葳蕤清風入松若吁噫

時有白鶴巢其枝暮春之月日遲遲蘭橈桂楫聊游嬉

尋勝陟幽忘其疲挈壺布席相參差晚日欲落光陸離

扁舟一葉河之湄我將歸兮眾客隨臨行更勸酒一卮

我量如筍君莫嗤恐負山靈不敢辭翩翩雙袖舞離披

扶醉放舟任所之中流長嘯遂歸思吾歸之樂不可支

何必遠涉楚江坻黃州雲間名兩馳蘇公往矣真吾師

蘇公之賦何可追扣舷狂歌成此詩

東城夜歸聯句

城上月初起曹馬頭塵不飛天開萬里碧顧漏出九門
稀衢路人欲靜曹雲林僧未歸誰知玉京地此夕共清
輝顧

顧東江家集載與孚若倡和詩極多劉文瑞之歸
也孚若倡南村歸與十題詩送之文僖稱其雄麗
一一和焉同朝亦多和者今文僖詩傳而孚若無
一傳也聯句一章附錄孚若一字松雲見全藻詩
注

曹閔

雲間人物志閔字宗孝號錦溪上海人弘治丙辰

進士授沙縣令治行為天下第一擢河南道御史

正德初逆瑾竊權十三道連名抗疏糾劾瑾怒矯

詔下錦衣獄被杖幾死瑾誅起廣西僉事尋引疾
歸年未五十杜門養靜奉母十年母終廬墓得寒

疾卒明史葉劉瑾傳正德二年二月瑾召羣臣跪
金水橋宣示奸黨皆海內號稱忠直者也大學士

劉健而下凡若干人御史張鳴鳳曹閔在其列又

周期雍傳劉瑾誅為瑾斥者悉起閔等以蕪劾羣
閔未得錄南京御史寧州周期雍力請乃與張鳴

鳳等悉召用

送姚程夫司訓

客裏相逢又別離高風先說與君知登程漫上南安道
遺愛須看東海詩典雅自然今俗美清閒何必論官卑
短檠三尺寒宵永光燄長分入泮池

曹豹

雲間人物志豹字文蔚號芸閣弱冠充邑踐更為
有司所咎乃發憤力學成化丙午舉於鄉弘治已
未登進士衛庠之有科第自公始選授邳縣令勵
師儒毀淫寺秩滿行取報至公遽卒年五十有五
邳人德之崇祀名宦祠有山居雲程二集行世

釣臺晚照

昔黃帝問道廣成七聖處
從駐蹕此地奏鈞天之樂

疊嶂層巒擁翠屏桑榆留景照林垌臺陰漠漠雲常白

聲道淒淒草尚青樂奏鈞天遺絕響功成九鼎入玄冥

凡軀未敢希芳躅聊把塵勞此暫停

吾松曹氏富林而外屈指于東隸魏塘者詩篇無
從羅致丙午春晤曹編修熙如於愛日庭許輯上

世遺稿以備採擷乃別去未久曹踵三閭故事矣
錄芸閣詩為之憮然

曹紹

四友齋叢說紹字繼善陶南村家乘中松江詩人
之一也

題梅花道人墨菜卷

吾家蔬庵瀨水濱老圃生涯不計春食肉何如食鮭好

從渠自說阮郎貧

儼山集稱陸景周東園十三景紹有詩并序惜未見絕句得之鐵網珊瑚中

松風餘韻卷二十一

松風餘韻卷二十一

明

夫

松風餘韻卷第二十二

目錄

明高震一首

高博六首

高士六首

高才一十一首

高承祚七首

高東渠二首

松風餘韻卷第二十二

目錄

松風餘韻卷二十二

胥浦姚弘緒聽巖編次

高震

文翰類選震字景聲松江人瓊州學訓導

月夜泛湖與馬秉彝諸君分韻得南字

秉彝名士彪姑

蘇人

終朝苦炎熱使我心如惓薄暮微雨過涼氣生絺衫明
蟾天際來金波鏡中涵嘉賓四五人共泛澱湖南拾蟹
艤淺莎垂竿俯澄潭舉杯酬天風揮塵間清談人生信
有期何不樂且耽今夕復何夕幸此同盍簪

高博

松風餘韻卷二十三

明

一

方志博字德宏成化癸卯亞魁以乙榜授信陽州
學正補任武岡江行遇風濤有溺者不忍犯險遠
游以重倚門之念即飄然棄官歸清介自持惟日
與曹定菴許一菴賦詩飲酒為樂優游田里幾二
十年而終年七十有九雲間雜識顧元久因公車
費文憲宏發解江右年僅十六道出彭城與高同
車費每戲高以叔呼之高講解經義揚摧時務居
然以前輩自處遂與定交比文憲分校禮闈遣人
謂高曰先生耄矣能無意乎卷在本房可保無失
倘落同事蔣君房取舍不可知矣蓋以幣先之高
曰吾老矣不能作曖昧事也已而卷果在蔣處竟

下第馮元成曰高顧元先生梅軒處士仲子也梅

軒工詩有名為編修楊珙館甥因世其業薦賢書

後常以狀元自負人遂呼為高狀元云

癸未暮春於黃氏得親先外祖楊公賞牡丹之

作勉成三首

園林春盡發天香第一花開殿末場妙奪化工成五色
巧鍾殊艷壓羣芳玉階露滴添朝彩綺席風回闌晚粧
景物陡然驚醉眼衰容相對幾徜徉

十日春容付鼠姑漫邀佳客倒金壺五雲高聳誰為侶

眾卉收功合讓吾嫩蕊尚含香撲鼻奇葩乍坼色凝朱

楊妃睡起嬌無力倚偏闌干幾歎吁

松風餘韻卷二十三

明

二

藥珠仙子下蓬萊滿把胭脂染作腮春色十分和露展
芳心一朶向陽開萼苔踏破爭來賞芍藥開遲未許陪
莫謂子孫看不到君家庭院百年栽

顧東江太史舉賞花之宴命童子酌酒以酹花

神因成三律

四時最好清和景不樂其如媿古人折柬邀賓酬今節
呼童酌酒酹花神醒時興語評今古醉後狂歌忘主賓
趁此風光恣懽賞夜深猶對月華新

眼底流光似浪催好懷今日為君開年華已屆朱明景

樂事應傾腸月醅笛弄紫唇清似水鼓攢綵棒響如雷

佳辰一刻千金許莫謂繁華在後來

滄江風雨厭聞雞卜築幽亭向漢西漫煮尊羹伴菰米
飽餐玉膾與金齏道宗洙泗源流遠文薄隋梁手段低
只恐清時難穩卧會看丹詔出金閨

學正詩氣味渾厚太樸不雕後嗣風雅相仍醞釀
於此矣所謂天降時雨山川出雲也有寶文堂詩
高士

馮元成選集

高氏四先生傳

公名士字淳甫學正願元先

生之孫松石翁國容伯子也翁夜夢登文殊臺有
老衲授以金粟像已而生公少慧有志操年十六
補邑諸生辛卯舉鄉試丁未成進士司理明州所
入俸用其一而以其九奉兩尊人御史行部至貴

松蘿園集卷三

明

三

一曹吏移怒令將庭辱之郡守而下莫敢請公徐
前曰以胥吏故辱長吏非體御史始猶怒公慙已
怒解益賢公卒刺薦焉課最徵入取道歸為翁壽
適翁七袞遠巡行失期竟授祠部主事同里給事
楊公允繩以抗疏下詔獄諸故人恐忤執政不與
通公慰勞獨至比給諫死哭以文語侵執政見者
咋舌無何移疾歸假滿請南改驗封主事已三載
推恩封父母遂疏告歸日與諸季承堂上歡翁故
豪坐無賓朋即意致蕭索乃築別墅蒔花藝藥日
邀諸父執為文酒會迫兩尊人繼歿即罷宴集或
恠之曰曩日為適吾親耳當居喪時年耆矣哀毀

其未嘗御輦酒值時祭哭泣如初喪遇諸弟有恩
督過諸從子不啻己出同年錢太守垂老貧甚館
於家飲必共席歿而經紀其喪公以好施故家日
落郡守表汝是憐之冀公居間以資七飭公竟無
所請居鄉二十年當鄉人徐文貞公柄用時不以
尺一通及穆宗登極起諸名士久廢者公清德甚
著啟事卒莫及也宗伯陸平泉先生慎許可獨謂
公仕不阿世隱不近名貞不絕俗為誌其墓

秋日李侍御雲亭龔給諫方川莫藩伯中江王
憲副弘宇張比部枝麓過山齋喜而有作

松蘿園集卷三

明

四

日登臺好清言發興初不須辭酒盞且共對芙蓉
夾岸芙蓉麗沼籬野菊舒水亭賓坐久樓角月圓初興
以清秋逸人同太古餘方期招隱伴忻共樂懸車

秋日鄭龍門朱少玄訪予山庄

地僻離羣久覺然想足音詎聞來妙客况復是同心對
景攜樽榼探幽到竹林歡情殊未盡落日更登臨
往昔論文友于今有幾存相看成隔世暗想欲消魂夜
靜月逾皎秋深花更繁當杯須痛飲盡醉且忘言

為文酒之會同
事者今惟兩人

新秋自述謝莫中江張白灘宋少宇袁吾溪諸

公

萱花籬落釀新涼靜掩柴門坐晝長幾度退飛憐宋鷁
一生兀閨笑黃楊夢中得失何憑準老去行藏要主張
三十年來成錯問渠奔走爲誰忙

夏日同諸友讌張中丞於朱文石園亭即次中

丞韻

似入天台度石梁月明鼓吹在橫塘薇垣近接青蓮宇
又石園離治不遠青蓮宇園中藏貝葉之室使節遙臨綠野堂竟日高懷揮
玉塵清宵涼露湛霞觴中丞寵渥林泉士厦庇應知正
未央

吏部樂善堂詩溫潤勻秀風致嫣然其野眺云天
低孤鳥沒雲盡萬峰青傑出句也

於景泰卷三

明

五

高才

馮元成曰才字子達曰達觀先生父松石翁貯書
萬卷皆能沉覽與中表兄莫方伯如忠兄吏部士
以藝業相師友名亦相頡頏已吏部與方伯相繼
舉進士而君以貢謁選得豐城訓導課士有法喪
母持服歸不就除卜居城南蕭然一室吟咏自若
高軒過者謝不與見即見亦終不報謝陸宗伯過
之見其蒼藤古壁庭蕪不翦數歎其高年七十有
二而終宗伯爲誌其墓

謝友人饋金花新釀

草木有上藥厥名金花藤其花旣甚益其效亦至靈醞

釀異麴藥香味滋醲醑嗟予老多病藉酒慰不平家貧
不自釀市酤聊適情脫粟每數合村醪得半餅質濁不
見影味酸多聚蠅纔傾入喉中已作嘔噦聲有時稍澄
潔忤喜不自勝飲之若無物味之真如澠豈堪求醑酤
徒爾作膨脝王孫何爲者新製從誰生千金購芳藥一
斗壓清泠酒熟不自飲饋我一滿罍開樽香泛座瀉盞
色瑣英枯腸得沾漑熨肺聊清澄未飲先恐竭將傾且
復停一杯更一杯顛氣滿胸膈三杯入腹後衰頹漸覺
頽再舉五六杯耳不聞雷霆連進七八九兀然坐遺形
雙眸窄天地寸心墮窈冥如遊華胥國似入南柯庭一
身化蝴蝶二豪同蜩蟬澹然生忘何暇寵辱驚醒來
沉痾痊百體俱安寧不獨髮齒髮兼可延年齡君聞應
撫掌謂可續酒經

於景泰卷三

明

六

仲夏

仲夏雨不歇久雨寒氣騰披我單袂衣膚栗猶稜稜天
旣反厥道物亦戾其情宿蛙挾雨喜伏艸作妖鳴倦耳
聽生厭憂憂不暫停呼僮來大索蔓草徒縱橫兩僮衣
盡濕蛙匿不露形僮在幸暫息僮往輒復聲此時百蟲
育其類不一名妖蛙恣啖嚼鼓吻飽羶腥腹果氣彌壯
聲勢轉囂囂亦有饑鳥雀苦雨復嚶嚶翺翔簷上下覓
食無粒粳欲出妨而濕欲入畏人垂羽毛如縮蜩形狀
若凍蠅瞿瞿門楣間似聞蛙鬧驚我據所聞見中心忽

不平咄嗟彼蒼者物皆爾所生蛙既不獨德鳥亦何獨
惜苦樂不見省誰云天至明我願天止雨擺撥雲霧凝
赤日照下地溫風扇炎蒸坐令蔓草死妖蛙失所憑鳥
雀翩翩下銳喙啄其睛腸腹既磔裂骸骨亦摧崩頓令
階除寂寥恣睡無相撓

贈浦小癡

君不見阮籍顛狂哭岐路鄰家貰飲當墟卧又不見山
公倒著白接羅醉中騎馬任所之比含釀翁夜獲盜吏
部酩酊猶昏眊愷之半黠又半癡楊州畫壁皆神奇葛
巾漉酒晉徵士禿首濡墨唐顛師驢鳴弔客笑孫楚謝
尚偏工雒雒舞米生求帖忽扳舷索靴拜石人競傳揚

松風齋集卷三

明

七

州刺史但晚合米價試問終不答古來癡者非一人簡
牒往往名猶新文章節義俱可喜技術精巧亦絕倫君
今小癡能自號君心數子將安效恐君學癡不類癡畫
虎貽譏真可笑聞君工書素有名乃知癡者業偏精癡
人忘物心獨至藝事到手何不成君名小癡人盡知君
書吳松今白着待君書法擅天下終請名君爲大癡

陽谷被盜短歌奉訊

玉川先生窮復窮敝貂不煖飯不充古書數卷日搜討
蕭蕭四壁多寒風昨宵燈下揣摩久一夢便入無何有
覺來牕戶透微明但見滿地堆罌缶起看破籠舊衣襦
探囊祛篋盡無餘囊中斗粟已不見案上殘編只自如

短檠當案亦隨去五尺門扁不知處可憐履襪盡收將
明日欲行難借具先生長笑向妻子范叔一寒何至此
緋袍不遇故人憐君子忽從梁上起吾聞積財多致盜
先生此事難意料不謂蕭條曲巷家猶蒙掠剩豪雄造
董家郿鄠多金珠石家金谷邱山儲死後雖爲奴輩利
生前不見遭穿窬先生命賦何太奇地下應聞二子嗤
化頭至踵已剝盡剩有一室空立錐我謂先生勿草草
猶須夜夜扃門早胸中數箇之乎者莫被偷兒更傾倒

次陸平泉園亭詠懷二首

聞說迴欄只獨凭何如相對淨歌蒸高懷醉我寧須酒
世味忘來已是僧悟道好從川上水譚禪休仗手中藤

松風齋集卷三

明

八

園林景物知無數蠟屐何時次第登

邂逅清言几一凭盡將涼思滌煩蒸題詩媿我追強韻
說偈知君歷老僧蘚徑著泥深沒屐槿扉荒雨半欹藤
論心尚作當年恨不得雲霄接武登

登白龍潭佛閣次前韻

蓮宮長夏一閒凭始信深山不受蒸滿院落花埋古砌
數聲清磬喚歸僧時翻貝葉香飄鼎淨掃禪牀衲掛藤
終日昏昏竟何事約君休暇再同登

過道院次前韻

丹房長日倚雲凭白石從教鼎內蒸試着羽衣清似鶴
閒披玉簡靜於僧曉吟涼挹千竿竹午夢仙遊一枕藤

何用名山尋洞府，少虛壇古好時登。

宮人斜

幾多紅粉掩泉臺，野草荒田事可哀。謾說深恩承雨露，空餘薄命委蒿萊。芳魂入夜啼幽鳥，怨魄隨春長綠苔。獨有姮娥最相恤，清光終夕自徘徊。

金山

佛體存山骨，僧衣繡石蘿。樓臺江日早，松檜夕陰多。巖竇開天窟，鐘聲落海波。風煙汀渚暮，隔水動漁歌。

酬和周生韻

相望千山與萬溪，年來蹤跡恨難齊。何時更逐凌波步，同踏西樓月下泥。

咏頰羽

始同泗上爭神器，終得烏江艤小舟。堪笑當年兩亭長，與公恩怨不相酬。

高氏四先生詩當以達觀爲冠，以其無軟弱調也。

高承祚

方志：承祚字元錫，號雪峰，南州公士。從子誕之先，父年夢有異僧自雲中而下，因名承禪。萬曆己卯，南畿主試者以舜亦以命禹發題，監臨方懷舜禹授受之嫌，拆卷訝其名與題合，欲擯之。時京兆尹陰公武卿爲提調，請政右傍爲祚，遂得雋。壬辰試竣，念兩親馳歸，竟報捷乙未對大廷，首選館尋丁

外艱服闋，授檢討。辛丑分校禮闈，旋奉使冊立藩封。歸里得疾，逾歲而卒。年僅四十七，好爲詩詞，自運機局，豪飲過人，不及於亂其歿也。一時文盟酒社不勝人琴之感。別號鶴城，有知古堂、藁石室餘論。

聚首

人生聚首難，離別何可久。去日三春花，今朝九秋柳。

夏日遊金閭荷花蕩

中流蕩槳誰家子，笑折荷花弄湖水。玉腕垂牕傲雪霜，珠喉趁拍移官徵。斷藕還思續藕絲，採蓮不忍剝蓮葢。風前花底難暫留，留館娃舊日吳宮裏。

龍井道中

祇樹開新徑，籃輿自在行。盤空紆鳥道，吹萬雜松聲。花雨天邊落，危泉樹杪傾。催詩如有意，頭上片雲橫。

結夏

息園夫人自百泉，猗猗如解惜嬋娟。劈殘湘浦瑯玕質，幻出陽臺雲雨天。宛轉故多林下態，支離偏得夢中憐。獨愁翠被來金屋，頓使君恩忍棄捐。

竹姬

尺素如脂費剪裁，巧從炎處扇涼來。握中畫挾冰霜色，枕畔宵分月影回。倦臂有時拋復舉，煩心不定捲還開。殷勤好護秋風至，莫使班姬黯自猜。

秋扇

長夏心閒簪自抽，與君同好北窗幽。誰將藤峽千條線，

化作華胥一夜秋高卧幾人能散髮林棲隨處任科頭
只愁竅隱龜茲色引入盧生汗漫游藤枕

一枕清風午夢殘湘江波浪暗生寒忍將舊日干霄意
付與時人繞指看高士北窗眠正穩佳人南國淚空彈
休誇霧縠冰紋彩善卷如君固是難湘簾

小長蘆於知古堂集僅取聚首二十字蓋汰沙而
得金也益以金閭龍井二首結夏四首亦全集之
翹楚如片雲開錦繡一壑浸玻璃江湖當落日風
浪正兼天白鳥盤空山逾碧玄蟬鳴樹夜還秋亦
佳句也

高秉真

明詩綜秉真字友葵華亭縣學生有潤照堂詩

湖堤

舍館意未安游覽力已猛披衣出芳原蒼翠周四屏琳
宮千百尺截業吞顯景蘭若非一居鱗次若萬井旋窺
大佛寺却失龍象整其陽枕江濤其陰負脩嶺步步異
前蹤行行惜去境斷橋曾不斷石堤相與永綠柳何歲
幾間之桃與杏柔颺翦綺縠密葉含藻荇羣秀欣有託
萬象紛然炳歎息蘇長公千載若俄頃江山不改舊風
月誰爲領撫景念往昔令人發深省

淨慈寺

維艸綠楊岸晏命輕策從者四五入鉤衣防亂石南

屏鬱岌崑琳宮寄翠樺柱礎錯互置枕棋向背出檻鳳
威羽翔幢龍鱗甲拆法象有三身應真計五百伊昔壽
禪師於此布法席言詮雖已繁圓鏡乃歸一我來祇樹
下彷彿天竺國碧篠吐笙簧青松韻琴瑟口分茵陳飯
手展貝多帙逆風發梅檀香氣何秘醇非無豪士豪爲
憚律僧律徒倚落忘歸山空落紅日

松風餘韻卷二十二

松風餘韻卷二十二

明

主

松風餘韻卷第二十三

目錄

明何良俊一首

何良傳二首

何三畏一十九首

何萬化四首

何爾復一首

何剛四首

松風餘韻卷第二十三

松風餘韻卷第二十三

何良俊

胥浦姚弘緒聽巖編次

明史藁良俊字元朗華亭人少篤學二十年不下樓與弟良傳並負俊才良傳舉進士官南京禮部郎中而良俊猶滯場屋與上海張之象同里徐獻忠董宜陽友善並有聲良俊以歲貢生入國學當路知其名用蔡羽例特授南京翰林院孔目日偕名人登臨山水題咏殆徧趙良吉王維禎相繼掌院事與相得甚歡居久之意不樂慨然歎曰吾有清森閣在海上藏書四萬卷名畫百籤古法帖彝鼎數千種棄此不居而僕僕牛馬走乎遂移疾歸海上中倭復居金陵者數年更買宅居吳閭年七十始返故里嘗戴竹笠曳芒屨放情峰泖間所居有傲園香巖精舍四友齋著何翰林集十八卷何氏語林三十卷四友齋叢說三十卷書畫銘心錄一卷四友者莊叟摩詰樂天良俊而四也列朝詩集元朗好談兵以經世自負其在翰林也自以浮湛冗長鬱鬱不得志居三年遂移疾免歸風神朗徹襟度豪爽所至賓客填門妙解音律晚畜聲妓躬自度曲分判合度秣陵金閨都會佳麗文酒過從絲竹競奮胥謂江左風流復見今日每為時人

松風餘韻卷第二十三

所歎羨云〔小長蘆曰〕元朗早歲入南都隨顧東橋游讌多習舊聞東橋每讌集輒用教坊樂以箏琶侑觴時康陵南巡日樂工頓仁隨駕至北京得金元人雜劇元朗令家中小鬟盡傳之置酒留賓恒自度曲文酒之會未嘗廢絲竹也詩頗率意其買宅句云一須焦革隣舍二要秦青對門興固自豪第乖好樂無荒之義矣

夏日齋居即事

首夏物始和端居恣游行林木花已敷池荷葉未展布穀啼空桑流鶯下崇峴雨餘竹韻清日上巖光顯澄心扇自捐縱目簾初捲偶因謝簿書兼得理墳典叨藉力

松風齋韻卷之三 明

二

不任冒榮分非淺感茲華髮生滄洲若在眼神與元化并思將遺慮遣守道情自愜處順顏無覲升沉嗟倚伏明晦歎尋轉性本戀煙霞敢云輕軒冕

柘湖才而能文薄誼棠棣溺志黎園是其所短何孔目集極爲名流所賞弗謂其餘不足觀也錄集外詩一首若云本蘇李而出高岑則予未之敢信

何良傳

〔方志〕良傳字叔皮嘉靖庚子舉人辛丑進士初授行人三年遷刑部主事力請改南得禮部儀制司晉祠祭司郎中南京寺觀多賜田久爲勢家侵奪齊庶人素縱恣會廢寺觀材植數千金者欲抑其

直強市之又諸司濫用教坊工役良傳以法守所不能曲承遂不樂居職乞致仕章再上得請歸平生雅敦友誼楊給事允繩下獄移書鄭大司寇請薄其罪唐大行左溪殯爲經紀其家以女妻其子高誼尤著云〔雲間志畧〕大壑何公弱冠多羸疾一日沉病若絕舉家悲號夫人宋氏意公必死矣遂自經於祠堂旦日公復甦詎曰吾夢夫人來代我我乃還今夫人何在亟索之則在祠堂夾室公痛幾絕遂不再娶者終其身所著何禮部集詩則條暢舒徐文亦婉麗秀潤有漢唐風

贈徐伯臣補奉化令

松風齋韻卷之三 明

五

嚴程忽云屆將子臨河橋弱柳向微風黃鳥時交交感物傷余心申爾以久要雖有盈樽酒何以永今朝徘徊意不極揮淚發長謠

董子元移居

南郭寡塵鞅東林有勝名青山斜枕市綠水曲依城夜月家家笛春風樹樹鶯結廬心自遠寧復世人情

先生幼慧同謝朓善病似休文仕宦不偶旋賦初衣事兄惟謹繼室終虛尤可敬也何禮部集徐長谷序之讀二詩可以得其概矣

何三畏

〔方志〕三畏字士抑饒州別駕歿四世孫自少穎拔

為名諸生徐文貞公勸駕北遊遂魁壬午榜屢漸
公車就選當得司李政府朱公先拔之闈中遂借
才紹興三畏亦藉以行志凜凜執法毫不少貸部
使監司寄耳目於浙東西無虛月視篆暨嶠兩邑
多異政會有表白邢節婦一事特拒貴人所請置
訟者於律遂為蜚語所中擬改調竟飄然掛冠越
人懷德爭口祝焉後節婦死有司至為建祠歲祀
公論益彰及歸遭太夫人喪竟誓墓不出自為孝
廉以至解組凡臺察長吏每過式廬請益輒以地
方利弊冤抑不惜赤面傾膽以告無所撓避人共
高之晚歲尤專精構撰所著有芝園居廬集鳳山

拜石堂集

月溪院

在分水縣西北四里

層巒疊嶂列雲屏萬木參差一望清古寺潮音聽落月
深林竹色隱疎星長生洞有神仙籙空義函開高士經
師送虎溪知不遠相從徐步謁山靈

贈蘇爾宣居吳門

金閭南市北市虎阜前山後山天色不風不雨先生獨
往獨還

金山寺口占示徐澤夫諸友

金山頂上三竿日揚子江頭一度春記得故鄉同送別
如今也別故鄉人

潮音閣次林岡卿韻

地軸孤懸一芥浮水聲拍閣似清秋狎人鷗鳥林前度
聽法魚龍鉢底收日落垂楊漁父曲潮生新荻老僧舟
詩成欲闕明珠色初月飛來近女牛

又次楊世叔韻

忽聞禪誦在煙霄四面寒濤破寂寥片月照時蛟室近
亂雲盤處蜃樓遙水中塔影全依樹臺上鐘聲半帶潮
至此冷然生羽翰峰頭雙鶴不須招

秋夜登煙雨樓

清秋一碧鏡光開月滿南樓酒滿杯極目寒烟凝暮靄
彌天晴雨散輕埃凌虛倒影誇名勝作賦登高屬上才

此與庾公如不淺還同參佐一追陪

泊舟橋李登煙雨樓

縹緲湖光極浦東平臨煙郭起長虹千家燈火層雲外
一望樓臺過雨中晴日遠浮雙塔影高天斜挂半帆風
最憐此水清如許疑是瀟湘景色雄

夜宿煙雨樓再賦

耿耿波流落照前朱欄翠壁浸晴川泉聲疑湧湘江月
堤柳如含夢澤煙北郭芙蓉天境渺前村薜荔畫圖懸
夜深不厭重遊賞醉逐鴛鴦上酒船

范君和叔姪偕郁季雅兄弟攜盒舟中招同包
襲明黃玄之諸丈過煙雨樓劇飲又得五言

八絕句

倚樹駐飛煙開軒垂倒影借問十二樓何如此中景
秋鋪十里紅月泛雙潭碧況茲風雅流盡有煙霞癖
百斗澆枯腸揮毫散五色水面忽淋漓疑是魚吞墨
灘上釣鰲磯磯空籍芳草何必鱸魚肥但今秋思好
朱樓宿層雲畫艇依孤嶼夜夜任婆娑人人忘爾汝
詩分倡和篇劍合雌雄佩劍俠與詩豪千古須我輩
不聞漁父歌鳥息搏風翮遊人亘如虹河水平於席
蛩寒笑語深露咽篴篴澀欲別又踟躕還嫌漏催急

答周逸之徵君泛泖後見懷之什

倚馬才華久擅名得瞻眉宇挹神情依山自有煙霞癖

松風餘韻卷三

明

六

結客還多詩酒盟天上少微占處士門前五柳識先生
即今倒屣臨卽令誰許風流讓長卿

過釣臺

我過嚴陵灘上有釣魚臺臺前惟石聳絕頂何崔嵬羣
峰突兀起浮雲莽蕩開昔日羊裘叟持竿釣此隈不受
故人詔寧避俗子猜桐江幾尺絲千古名不灰渭濱誠
異矣漢事亦奇哉尋謁先生祠庭堦覆綠苔顧瞻遺像
久欲去終徘徊丈夫志霞舉富貴等纖埃飄飄出塵想
矯首睥睨萊掃却一片石遲我歸去來

越州官署

神仙官署傍雲邊三十六洞壺中天越王宮殿嗟何在

空懸明月照山前山前青草覆高壠人言此葬大夫種
同是當年忠難臣不及五湖歸計勇出門十里繞山去
望到茂林脩竹處右軍作記復揮毫想見龍飛與鳳翥
南來緩步禹王陵欲識前朝問老僧金書玉簡藏來久
精光靈氣疑飛升何處溪邊浣紗女扁舟久逐鷗夷去
前村一抹夕陽斜流水潺潺誰共語

先生居喪時不廢筆墨慘怛悲痛血淚相和董宗
伯云士抑廬居詩似哀螢勞雁使人聞而泣下信
然富於著述所撰雲間志畧一書廣見博聞可備
一郡之文獻不朽之業非泛常涉筆者比也登臨
遊譙諸篇高情逸致恍於行間字裏遇之

松風餘韻卷三

明

七

何萬化

南吳舊話錄萬化字子元上海人三畏族子天啟
壬戌進士南京兵部主事進郎中清馬政練水師
尋以憂歸崇禎元年起補禮部出為福建提學副
使為督撫熊文燦畫策平劉香賜金幣就遷參政
備兵建昌乞養母歸母卒廬墓三年不入城府已
起故官備兵湖東時有張普薇者世居馬廖洋習
無為教造五炁朝元經聚徒千人陰部署之與其
黨江義周八轉相誘惑歸者日眾崇禎十一年舉
兵反僭偽改元天運萬化率師討平之是役也萬
化功第一江西南贛福建三都御史皆露章以聞

下兵部覆奏而萬化以疾請告明年擢按察使不拜家居五年遭國難病不肯服藥丙戌年卒

本傳

眉公集半義何公官橐蕭然六十壽時長公子長僅徵董仁常山水一幅命余題之以佐觴焉

贈別

綵鷁銀燈此夜親相看莫惜酒杯頻明朝茅店風霜苦縱有盈觴不醉人

遊玉華洞

古人秉燭聞夜遊今人列炬山之幽洞門與黝風颭颭洞中詭異紛盈眸野人指點不停口仙鶯飛出仙羊走蹲獅立象兩猊猊渴龍怒虎森奇醜仙人不粒食有石

松蘿齋集卷三

明

八

難爲田仙人不火食遺竈寒無烟仙人蓬跣不冠而不蓋仙韓仙傘徒紛然考仙鐘芳鏘鏘伐仙鼓兮逢逢問仙索酒仙甕空釣天之奏何所庸達摩無葦愁難渡希夷面壁幾時寤羅漢神通試倒懸鍾呂何傳又何悟彌勒呵呵大士慈一悲一喜誰能知閩海從來產荔枝結房此地誠相宜葡萄誰向西域移不信託根亦在茲雲有窩兮月有穴雷公洞口峨嵋雪洞中之水潺潺淙淙西復東說有癡龍熱此穿作宮杳渺深黑探無踪上天下地方輿橫亘不知變幻幾千相收拾鴻濛一竅中七層樓閣是天梯攝衣縱目曙光低雲霞草樹影相送扶桑初拂晨雞動劃然一閃天門通靈踪恠跡轉眼窮歷

盡五更天且進一杯酒兩丸跳躑君知否黃梁未熟夢已醒悲歡離合歸何有世間萬事泡影同何爲乎洞中傀儡長相守吁嗟乎人爲不及天成久有情難比無情壽試問古今遊咏人若箇姓名垂不朽

又

更無山下地別有洞中天不待五丁鑿而藏萬象妍舉雖皆可以想所不當然莫示耳遊者疑予是浪傳奇物有萬族誰羅一穴中造化作兒戲巨靈彈鬼工赤松厭雕刻白鶴返鴻濛千載此人去寥寥洞府空

先生玉華洞歌約四百言舉靈穴之奇形詭跡杳渺荒唐者一一攝諸毫端空靈排蕩游戲神通正

松蘿齋集卷三

明

九

如華嚴樓閣彈指即見五言二律亦復高超誠不負千古名勝之區矣贈別詩外寥寥無見明詩綜稱先生開濟之才不徒以雕篆見長者又何事求益也

何爾復

王洪洲行實爾復所作也先是萬曆丁酉洪洲纂青浦邑志爾復與同校之列

和王學憲癸丑除夕韻

正是非熊渭水年畫長跂脚北窗眠文章不在淵雲下人品還居事業前心爲遜名焚諫草身甘高隱薄凌煙三朝遺老今猶健日日佃漁架上編

何剛

方志剛字慤人初名厚上海學崇禎庚午舉人明史葉何剛舉於鄉見海內大亂日講求濟世事好交天下豪俊與東陽許都善語之曰子所居天下精兵處盡練一旅以待用都諾而去十七年正月疏陳滅賊諸策帝褒納之又言國家設制科立資格以約束天下豪傑此所以弭亂非所以勸亂也今日救生民匡軍國莫急於治兵願陛下親簡強壯英敏之士命知兵大臣教習之日講韜鈴練筋骨拓膽智陛下時召試俟實學既成特優其秩寄以兵柄必能建奇功當一面臣讀戚繼光書數言

欽定四庫全書

明

十

東陽義烏兵可用誠得名募數千加之訓練準繼光遺法分布河南郡縣大寇可平因薦都及錢塘進士姚奇胤桐城諸生周岐陝西諸生劉湘客絳州舉人韓霖帝壯其言即擢剛職方主事募兵金華而都已作亂前死霖亦為賊用剛不知故並薦之剛甫出都都城即陷馳還其鄉先是賊逼京師剛友陳子龍夏允彝將聯海舟達天津為緩急用募卒二千人至是令剛統率及子龍入為兵科言防江莫如水師更乞廣行召募委剛訓練從之馬士英當國置疆事不問剛疏言臣請陛下三年之內宮室不必修百官禮樂不必備惟日求天下奇

欽定四庫全書

明

十一

才俾智謀者決策廉明者理財勇猛者禦敵爵祿賞賚不出此三者然後國富兵強大敵可服若以驕悍之將馭無制之兵空言恢復是却行而求前也優游歲月潤色偏安錮豪傑於草間迫梟雄為盜賊是株守以待盡也惟廟堂不以浮文取士而以實績課人則真才皆為國用而議論亦省矣分遣使者羅草澤英豪得才多者受上賞則梟傑皆畢命封疆而盜魁亦鮮矣東南人滿宜徙之江北或錫爵或贖罪則豪右皆盡力農事而軍餉亦充矣時不能用尋進本司員外郎以其兵隸史可法史大喜剛亦以遇知己誓同生死士英惡史并惡剛出為遵義知府史垂涕曰子去吾更誰仗剛亦泣曰剛誓與此城存亡安敢違公踰月而揚州被圍佐史拒守城破投井死南吳舊話錄何職方告史相國曰揚州雖無險可據然李庭芝輩亦嘗以孤忠留名姓於天地間今時事不測某請募東南勁勇別成一旅備公指揮史欣然從之方渡江而南維揚告急歎曰悔不及矣仍還揚州謁史曰某不能與公同生猶能與公同死城破慷慨自縊為宋子建悼亡二首

髮髯空簾對夕陽芙蓉猶照象為牀夫君故意知離別
宋玉門前柳暗傷

朝鏡春燈欲似難難鳴不復語沈瀾若知安世歌能作
可道曾無絳雪丹

甲申人日臨朐道中聞於季冬四日舉子諸君

子以為慶也相與倡和率爾酬答爰申鄙思

眼看風景一番新客路幾忘日是人漫說充閭多喜氣

應憐許國有勞臣

策命分符歲又新馳驅鞅掌得同人共期戮力匡王國
敢望他年有世臣

松風餘韻卷二十三

松風餘韻卷二十三

主

松風餘韻卷第二十四

目錄

明楊珙 三首

楊瑋 一首

楊忠裕 九首

楊學禮 二首

楊子亨 三首

楊繼禮 二首

楊楨 一首

楊鏐 二首

楊一麟 一首

楊一弘 二首

章昞如 一首

章瑾 一首

章憲文 二首

章曠 三首

章台鼎 一十二首

松風餘韻卷第二十四 目錄

松風餘韻卷二十四

胥浦姚弘緒聽巖編次

楊珙

顧志珙字廷瑞上海人幼穎敏讀書過目即成誦永樂丁酉舉應天鄉試第一明年登進士改翰林院庶吉士授編修久之以疾告歸卒珙性至孝以祖德亨從宦葬陝西之靈寶百方規畫卒返其柩於鄉祖母蔡臨終遺言用浮屠法火葬珙曰非治命也卒棺殮如禮一子早卒無後有二女武岡州學正高博其外孫也

黃太醫席上賦牡丹

得數字

壽安開偏黃君宅魏紫姚黃畫裏看金粉輕勻嬌作態彩霞細簇巧成團春深艷色明丹室雨後天香滿藥欄共賞莫辭今日醉百年能有幾回歡

天生嬌態逞容顏汗濕胭脂露未乾細翦綵繒圍錦繡輕籠香霧傍闌干詩章每向花前得懷抱多從醉裏寬佳節況逢全盛日狂歌且盡此時歡

春日鄰家賞牡丹鄰家三世舊賢官杏林紅映瓊瑤色橘井香浮瑪瑙盤金萼自滋朝露艷檀心不畏曉風殘佳期更約明年會還向花前與共歡

松之掄省元也自先生始入翰苑也亦自先生與陳拙庵祭酒始二先生行誼相方惜早世無後遠

遜於陳耳賞牡丹三律出高待詔小湖所藏高之上祖梅軒翁先生壻也承其家學而遺稿止此又異性梅軒之無隻字傳乎

楊瑋

雲間人物志瑋字伯玉號玉峰華亭人兄弟四人公居長為諸生訓其仲季攻苦食淡晝夜誦習不少休息登弘治丙辰進士父艱服闋補膳部主事貴戚數撓法遂奏聞罪其家奴十餘人奉使歸里時喻時為守張筵款之喻酒酣偶賜優人一卮欲與其飲公厲聲曰此豈侯度耶恐不可示民喻失色還朝拜光祿寺丞時朝廷每日索子鵲腦數十

頭飼畫眉鳥公對中官言今天下民窮財盡焉能狼籍用物若此武宗怒遣使詰責公因服跪午門外固爭劉瑾又使使詈曰窮措大何不知事若此公又面斥之瑾矯詔謫隰州同知瑾敗陞知瀘州時鄧茂七反大司空林俊提兵征勦命公招撫餘黨乃單騎入賊巢諭以禍福皆解甲降陞南京貢外敘平賊功超陞廣西叅議屢靖叛苗陞四川副使未上乞致仕居鄉絕不詣有司人有失必面規終未嘗言人長短卒年六十一仲弟璵舉進士為南考功郎有風裁季弟璉舉鄉薦以道韻勝人稱

三玉

送姚程夫南安分教

聚首都城未一年秋飈又送潞河船
菊花霜後香雖晚
鷗鳥風便翮始騫
鐵漢樓邊濡化雨
黃金臺下惜離筵
臨岐難盡平生話
鹿洞風規仗爾傳

楊忠裕

郭志忠裕字長世侍御允繩孫
華亭官生萬厯戊子南雍中式
薊州知州刑部員外郎著有杞說寒聞奇服齋集

渾河

長安客話渾河源深流衍襟帶西山如游龍然北登諸峯絕處望之纔一線耳

抱郭清林野吹涼重關紫塞香蒼茫不知千里桑乾水只帶西山落日黃

盤山

松風齋集卷十四 明

三

中盤秀矗北山腰石磴平分夾路邀煙脚自從孤墅起雲頭不礙上方遙迴谿澗石過巉峭半嶺松風破窸窣使者騶呼連谷響出山何處採歌謠

桃花寺

魏志漁陽成東別有桃花山因以名寺

幾過桃花寺驅馳未許停雲來封屋白樹出帶烟青祇訝廊房敞還疑洞壑局江南山色裏堪憶醉翁亭

鮎魚石

在馬蘭峪石勢嵯峨特之甚

幽關切傍馬蘭開石勢魚龍亦恠哉
瞭近官人頻擊鼓
心驚戍婦盡登臺
池亭銅雀荒姬館
碑石燕然乏史才
但願徜徉好風日
甘將壯志付蒿萊

過龍井

馬蘭峪東至大喜峯其開口差大者曰龍井兒曰潘家口

撒河鯨卧兩山深
百尺高臺俯水陰
大雨已收流漸瀝
危崖不斷氣蕭森
前門昨見輸胡馬
遼左今傳祀蹕林
蕩漿蓮娃漁父曲
久忘鄉夢小臣心
龍井關有水心臺

過潘家口

先朝置衛萬人家
曲曲灤川入口斜
禁鐵千林操鬼斧
浮雲八月下靈槎
酒漿滿吸先酬客
繒布平佔半雜華
天塹雄關兩常峪
祇憑黑水限黃沙
潘家口關有東西常峪

黃崖關

黃崖峪即黃崖山東南通古北口前元避暑故道也西至密雲峨嵋山寨凡五口其間差大者曰黃松峪關曰將軍石關東至馬蘭峪關凡十口其間差大者曰寬田峪

松風齋集卷十四 明

四

漁陽百里置烽頻
直北雄關限虜塵
秦塞自來稱絡繹
胡山一派也嶙峋
望辜極目橫雲障
聽訝隨風落葉新
此地幾年無戰角
莫驚飛埃起眉顰

上潮音閣

中流高閣近雲霄
碧落晴光澹寂寥
荇弱自憐幡影動
魚游潛認慧燈遙
芙蓉九片斜當牖
明鏡千行暗長潮
覽勝不須東海上
尊鱸歸客好相招

前題用林太僕韻

白雲青樹正沉浮
正練澄湖淨若秋
孤渚想從鼇背出
虛樓未許蜃光收
半依竹籟清齋磬
微點鷗羣載酒舟
總屬大觀開窈窕
那愁風入笑吳牛

君給諫允繩之孫孝子應祈子也給諫性剛彈擊不避權貴執政多惡之會巡視光祿勅寺臣冒破反誣謗立下獄以大不敬論死孝子號救長安市莫有應者欲效馮孝子故事刺血上書求代母黃孺人見之恐重得禍力止之後知父終不免又不忍見父之即於刑也乃入獄隱與父訣不穀七日而死君生甫兩月會以星變請刑臣下之不忠者以塞天意給諫旋於九月晦赴西市孝子室袁孺人隨姑奉兩柩南還茹荼砥節以君為再世血脉所繫保護維謹督課甚嚴未十年而雪消現見給諫得蒙卹贈又二十年而君薦賢書乃以父孝母節上於朝孝子得並祀忠孝祠而母亦邀烏頭綽楔之典兩世沉寃一朝湔洗此孝子慈孫朝夕禱祀以求而不可必得者君於身遇之忠孝貞節之報天道果不與與君功名不甚顯得關城古蹟數詩而君之名傳即祖之忠父之孝母之節因之而愈有光也奇服齋集存不存可弗論也

楊學禮

上海縣志學禮字伯立少與陸文裕深齊名入試應天初場已入穀值父病馳歸中歲以病廢與曹弘濟滕奎結詩社日相唱咏有寄和陸文裕秋興一律詞林莫不稱賞自作生誌書銘旌

秋興

風物蕭疎兩鬢絲感懷常在夜深時心灰未冷金猊熟肯級無功鐵馬悲杜宇敢言遊子怨芙蓉空帶美人姿山家亦有陽春調不與多才宋玉知（嚴山年譜楊負才每對客輒誦此詩）

春興

落梅枸杞滿庭栽靜掩柴門畫不開蛺蝶不嫌春色淡隔牆飛去又飛來（雲間雜錄）此詩達於某太守之耳甚名問曰落梅枸杞滿庭栽是所作否對曰然曰如此構懷必不干預俗事置不問

失題

見南渠徐氏藏書

鶴背清風鐵面寒向陽紅日隔雲看天涯總是登高路

楊子京

雲間志略子京字履卿號南溟華亭曹涇里人年十七補諸生嘉靖乙酉舉於鄉父官紹興府幕因往省遂遊陽明之門前後十上春官不第乃赴選人授順天府司李公外峻崖檢而中實寬仁有密雲縣民田姓者讐家臨以大辟誣服已十八年公立訊出之河間府民陳橋夫婦俱論死而事屬矜疑歷二十餘年不能決公廉得其情脫之於獄一時冤獄平反者甚眾天津有三官廟歲輸香銀八十兩其後廟圯而稅如故羽流逃散殆盡公請之

撫按奏免其徵庚申轉太僕寺丞時馬政日壞馬
戶日貧國課日益逋公白之印馬羅御史查理分
豁寬貸其輸江南北如高郵寶應應天太平之民
賴以全活者數十萬戶癸亥轉南京工部營繕司
貢外郎權蕪湖關稅減稅十之四五國課完而商
不困柘山有大路三十里當蕪湖太平之衝歲久
崩頽一雨集行人勞苦萬狀公捐俸修葺其後過
者必祝公而後行關南舊刹吉祥寺在儒學之北
生儒以累科缺薦謀於知縣李將改寺為庠寺僧
計三百人各持兵杖大譁知縣不能撫公出片紙
曉諭之事遂定甲子轉都水司署郎中事工部歲

松溪集卷十四

明

七

辦北京顏料三萬金管解者例賠百之一甚至稱
貸破家鬻兒女償之猶不足公請之大司空以庫
中所貯年久絹帛易銀補償又捐俸五十金佐之
乃得甦辛未春移疾歸方欲置義田修族譜廣行
其德於宗黨親屬間未及竟而卒公善屬古文書
摹北海詩宗盛唐性喜賓客四方知名之士挾一
藝來者無不各厭其欲而去先後郡邑撫按諸大
夫泣茲土者一切利病必為指陳而不及私旱澇
之歲尤加意設法賑貸病之日鄉人有斂錢為公
祈福者

崔園共達齋徐長卿兩巖羅侍御宴集

勝日尋幽靜素襟喜逢仙客度雲林繞村高柳啼鶯細
滿徑繁花入座深對酒總憐春易老賞心猶恨病難禁
追隨燕笑非從易吏隱寧忘報國心

春日同諸寮瑯琊遊眺述懷

山郭春已深郊原雨常足眷此天氣佳言戾山之曲東
風遞微和樹杪明初旭美寮二三人臭味同蘭玉古洞
冠芳泉廣宇流清曠幽禽入樹鳴細草緣溪綠撫茲百
物新爰悼四時促人生貴自適何事成拘束偶輟吳門
耕羗狗五斗粟顧影私自憐浩歎歌黃鵠

送鴻臚龍泉姚文南還

歸槎九月下江州見爾高標出上流三徑正看黃菊晚

松溪集卷十四

明

八

五湖行及紫萼秋人於末路偏多感酒到離杯未易休
惆悵不堪頻送遠因君鄉思轉悠悠

楊繼禮

方志繼禮字彥履

雲間志畧云字石
閩華亭曹涇里人

萬曆己卯舉

人壬辰進士由庶吉士授編修甲午題修正史所
撰有后妃紀外戚傳乙未戊戌分考庚子典江右
試壬寅陞贊善癸卯轉中允題充日講官甲辰典
武試事竣乞南晉官諭掌南京翰林院病卒年五
十二繼禮性至孝痛嫡母曹淚盡繼之以血其典
試江右也同郡蔡紹襄以貢就教貴溪已中式監
臨卒難之繼禮曰不但同鄉而且同社顧此名士

奈何以僕故細其進耶有故人之壻爲富家所訟
富家謀購古玩奇器數十種值可二千金相遺繼
禮云故人死矣我寧負生者無負死者一切干謁
屏絕不行居官十五年無異孝廉時也崇禎四年
用公議崇祀鄉賢子汝成天啟乙丑進士由庶吉
士官翰林院檢討

遼陽從軍行

捷書昨報西羌克橫吹鐃歌揚帝德單于惕息不窺邊
何物倭奴猶巨測明主深懷宵旰憂臨軒召對借前籌
老臣跪獻金城略提兵命將擁貔貅迢遙遼海三千里
重開天險真堪擬少小從軍苦虜防東征渡海從此始

松風集卷三十四

九

霜雪瓊裘白日寒夜深殘月挂闌干八門秘陣開魚麗
萬里樓船表壯觀藁爾朝鮮箕子系賓服由來稱帶礪
居守藩籬本外援出亡海上終非計共揮長劍斬鯨鯢
萬頃連雲震水犀君不見劉總戎登萊一戰醜類空至
今海上標奇功又不見戚將軍閔越驅賊掃妖氛勒銘
處處稱元勳男兒生來願報國從征肯使功名擲揮戈
先復冠蓋封揚帆誓搗蛟螭窟

西山雪霽

朝來爽氣雪初晴一片西山望眼明平野嚴寒凝貝闕
中天積素映瑤京寢陵嵐起千重曉鷹隼風高萬里橫
何處懸園詩作賦即看挂額不勝情

漕涇楊氏嘉靖時南谷兄弟先後舉於鄉者三人
皆不仕石閭先生爲南谷公子余高祖繼嫡母楊
孺人石涇翁果之女南谷公之女弟也結褵未久
遽稱未亡時高祖生甫三月孺人視如己出內外
之事皆賴南谷公經紀南谷諸集無傳先生詩僅
見於臺館鴻章中錄之而并志之俾後人無忘焉

楊楨

梅塢貽瓊楨字少山華亭人著有玄經駕水周履
靖訪之贈以詩云雲間秋水好揚舲載鶴攜琴訪
草亭誰識子雲忘寢食研窮一卷太玄經

寄懷周逸之

松風集卷三十四

十

公瑾風流冠浙中翩翩詞賦與誰同慚余短褐三吳拙
羨爾長城五字工雅興狂歌高士態幽懷暢飲逸人風
新詩聊寄梅花里何日仙槎過海東

楊鏐

金山志鏐字美之華亭人任兩浙運判

金山寺次唐韻二首

偶上金山寺飄然與俗分一身旋瘦鶴兩足襯飛雲蘇
帶今何在張詩古即聞興亡感無盡索酒欲求醺
看山眼已倦借榻興方新話悟三生訣胸滿萬斛塵乾
坤此奇觀江海有閒身明日揚州去休論跨鶴人

楊一麟

梅韻一麟字瑞夫青浦人有雪軒近繫刻於天啟

甲子年

梅

矮牆疎影好香氣霽冥濛水淡三更月樓橫一笛風擬
冰清覺似照雪冷還空欲占題詩早無花敢與同

楊弘

扶輪集弘字子夏青浦人

喜見菊蕊

黃金不可成閒情在草木新秋菊已榮嫩葉吐如粟灌
漑勞我躬如農望麥菽乍見喜動顏微願今頗足蓓蕾
未堪劇與葉同一綠雜卉方盈庭寄傲惟茲獨

松風集卷十四

十一

寓興

京兆修眉史臨邛著酒經錦韉曾控紫香璫欲窺青鵲
腦銷金鼎蟾光冷畫屏最嫌芳徑曲防觸護花鈴

章炳如

顧志炳如能詩善楷書仕至中書舍人

輓陳少卿景祺

匹馬南行萬里程壯圖忽逐瘴煙傾鱸魚只解歸張翰
鵬鳥多應病賈生絕域無人憐逐客故鄉有弟哭難兄
文章寥落功名冷春雨春風亦愴情

章瑾

方志瑾字公瑾號采芝青龍章氏之後晚居李墟

能詩善草書尤長於畫蓋張可觀後一人而已日

登山臨水所至成趣遇知已觴咏竟日畫或頃刻

可就或數日不欲着一筆寒山拾得像春江送別

圖皆不愧古人畫品張觀字可雲間雜識章公瑾

華亭人永樂初其鄉有翟氏者富傾一郡讎客於

堂公瑾與焉忽屋棟有水下注其主驚疑問座客

能識此否公瑾曰此不祥也禍且至矣月餘其家

竟遭籍沒無聲詩史公瑾手垂至膝畫得馬遠夏

圭筆法又能畫馬博古好學幅巾鶴氅談論不俗

實遜國之遺民也永樂初猶在

同許叔正之京

松風集卷十四

十一

楊子江頭遇許行移舟拉我上神京不愁白浪翻銀屋
且看青山列畫屏七載往來聞雅望連朝談笑見深情
秋風載得金陵酒還向君家話舊盟

章憲文

方志憲文字公觀為諸生時貧甚偕室董孺人奉

養父母里人稱為孝子乙酉舉應天鄉薦丙戌成

進士戊子分校北闕所收多名雋官虞部郎督西

山廠又督潞王行殿於通灣權璫意主乾沒羣起

而譁憲文持議堅不能奪省司空金二萬又督漕

艘於淮釐剔積弊腐板敗橋沉埋沙土者出之省

採木金五六萬分司僅十月丁外艱歸服除入都

中齋斲言左遷潞澤視事六日而心動趨告直拍
持檄歸省而母見背遂絕意仕宦營菟裘東余偷
然高寄歲時伏臘一入公府語不及私郡邑大夫
無不嚴重之所著有陶白齋稿陶白齋雜記淮南
藁白石山房閨藁行世卒年六十一（樵史）章虞部
未遇時貧甚出就館穀而仗細君董侍養兩尊人
餅粟則屢空也日夕治維易米具堂上膳乃分食
諸兒女退而餘鐺底焦飯取自食之舅性嗜飲然
苦乏杖頭每日向晡即呼新婦晚且釀酒董必應
曰酒已溫矣而實未嘗沽也密遣老嫗貰之鄰家
而次第以手紉償其直絕不令舅氏知也虞部嘗

東坡全集卷三十四

五

曰家貧思賢婦信哉（雲間雜識）章鹿苑居超果寺
君居有崇德王之子云係山東某縣增廣生倭亂
時訪舊至松為亂兵所殺欲王申文城隍轉牒山
東歸途無阻王如其言為祭遣之鬼將就道復憑
其子云感君提援無可報德此居定得聯捷萬勿
棄之他姓王貧甚竟售之鹿苑甫遷入即聯捷叔子言

白石山房

旋種松蘿護石闌謾攜棋局傍檀栾春深燕子尋巢壘
月落漁郎捲釣竿懶性恰宜東余隱移文休作北山看
卧遊莫笑希宗炳早識風塵行路難

重陽前一日登泖塔

寶塔澄川萬頃光片帆秋水挂斜陽鐘聲蕭瑟潮音閣
燈火微茫章練塘三泖鏡中浮砥柱九峰雲外接崑岡

章曠

登高明日龍山會拚醉黃花蟹舍傍

（明史）曠字于野華亭人崇禎丙子解元丁丑進
士授沔陽知州十六年三月賊將郝搖旗臨城同
知馬應死之曠走免謁總督袁繼咸於九江署為
監紀從諸將方國安毛憲文馬進忠王允成等復
漢陽武昌巡按御史黃澍令署漢陽推官兼攝府
事承德巡撫王揚基令署分巡道事明年四月憲
文偕惠登相復德安揚基檄曠往守城空無人衛
官十數人齎印送賊將白旺曠收斬之日夕為警
備居三月代者李藻至巡撫何騰蛟檄曠署荆西

東坡全集卷三十四

五

道事曠去藻失將士心城復陷給事中熊汝霖御
史游有倫劾曠沔陽失城罪候訊黃州騰蛟薦令
戴罪立功福王立南京左良玉將犯關騰蛟至長
沙以曠為監軍副將黃朝宣者故巡撫宋一鶴部
將駐燕子窩騰蛟令曠召之來副將張先壁屯精
騎三千於激浦復屬曠召之留為親軍而以朝宣
戍茶陵又令曠調劉承清兵於武岡會李自成死
其下劉體仁郝搖旗表宗第蘭養成王進才牛有
勇六大部各擁數萬兵至騰蛟與曠計畫撫其眾
軍容大壯左良玉死其將馬進忠王允成無所歸
突至岳州偏沅巡撫傅上瑞大懼曠曰此無主之

兵可撫也入其營與進忠握手指白水為誓進忠等皆從之進忠即賊中渠魁混十萬也時南京已破

大清兵逼湖南諸將皆畏怯曠獨悉力禦之唐王擢為右僉都御史提督軍務恢勦湖北曠有智畧行軍不避鋒鏑身扼湘陰平江之衝湖南恃以無恐嘗戰岳州以後軍不繼而還已又大戰大荆驛永明王加兵部右侍郎長沙守將王進才與狼兵將軍覃遇春關大掠而去騰蛟奔衡州曠亦走寶慶長沙遂失騰蛟駐祁陽曠來會騰蛟以兵事屬曠而謁王武岡曠移駐永州見諸大將擁兵聞警輒

松風集卷三十四

五

走抑鬱而卒沔陽州志癸未春初環沔賊踞公方與州同馬鳳千戶傅賓鳳贊畫費之坤生負費光遠譚經名日日以戰為守賊雖耽耽斗城而兩月有餘卒不敢以一騎入沔界賊設潛邑偽知縣趙某且來降三月初四聞逆親率大眾十萬攻城城乃陷然卒以不得公遠退終不能設一官留一兵於沔也六月獻賊破武昌公旋乞師同馬帥進忠方帥固安克復省會由是復沔復潛景復京山未幾武昌復有左帥之變巡撫何公騰蛟偕公募兵長沙竟卒於永蓋以全節終矣順治十五年公樞過沔境沔人不遠百里持香盆赴奠沔人舊即貯

書閣前為建生祠

宿大柳寺

不辨何年寺偏深過者情百端綴形履一宿倍孤清時事艱危日江天風雨城有懷告聖主無面對蒼生

赴梅邑檄將張之星沙題署壁

數日梅城萬馬屯將軍威武氣振振銷兵無地江山貴此甲何年日月貧眼見東西皆赤子心勞南北亦人臣此生不向疆場老試問誰能歸潔身

宿白龍寺

肅肅秋林紺殿荒祇餘一朶獨焚香向人慘淡言兵事不是傳聞古戰場

松風集卷三十四

六

章台鼎

方志台鼎字吉甫有青蓮館集許周翰曰曩余在郡習長公詩名無能致交近得新刻展誦一二雖以青蓮名館兼登浣花之堂然詩雖佳一出偽俠之氣牢騷未偶悼俗傷時蘇子瞻幾以此罹禍願長公無作此情為吳兒口實也

送企菴上人歸天竺

一條竹杖數函經歸去秋煙冷翠屏他日好尋山上路萬株松下水泠泠

讀史雜詠

生秦男欲富保收升公卿生秦女欲富蜀婦臨懷清

和阮詠懷詩

窮士彌三旬九食以爲常
淖糜充口腹供設厭圓方
膚腴豈羞味醒濃飽腹腸
不殊驚鴈性栖志於稻粱
已死猶苦饑多列簞與房
新墳何隆高舊塚耕路旁

經綸利器用力田在鉏
基鹵莽既無就隨分同娛嬉
功名雖著耀寂寞以終之
秋風感涼氣團扇辭班姬
獨行迢迢路去住良非難
未得遺親故候吏將河干
接情多繁辭食我具盤飧
貴人多曲折我行無所言

和鄒學憲韻贈顧繼甫

矮牆疥壁誰之廬
水大門前上鯉魚頭裏
山中角齊墊破衣引線縫
其裾鐵花繡釜炊烟冷
閉門風雨蕭然居

松風餘韻卷二十四

七

養子負薪子無舍窮雖到
骨氣自如有客乘秋初挂席
蘆葉蘆花破蕭瑟野老逢迎
無禮數條條自愛朱絃直
忽然握手同出門兩人意氣
何相親送爾青錢萬個米
百斛爲兒娶婦生諸孫

空露上人訪眉公不值余以眉公畫石壁圖題

歸之

削方石壁昆刀切低處不凹
高不凸松皮皴縐蟲蛇噬
枯脆一了龍角截此人前世
青蓮舌墨花口吐青玉屑
爲公擬寫王維雪更圖疏土
溫泉穴千峰隔阻山峨嶷
雖然見面亦無說公今暫去
眼一瞥來時露草關蜻蛚
安得生綃細如蟻再掃長虬
屈古鐵

訪百穀先生

十年恨未識王珣市隱吳門
豈避秦世上好龍元是畫
中年逐鹿更何人他時蓮社
公將老今日葵邱事已具
敢學少年多孟浪素韃恐負
後車塵

同山公泛湖宿招慶

千山萬山雲幾層荒荒野田
埋六陵大堤月出醉歸騎
小艇風來歌采菱隔波不喚
桃葉妓破暝獨泛蓮花僧
夜深冷向空林宿百步迴廊
挑佛燈

貽女郎三首

愛啜青絲碧玉羹買魚留客
醉銀罌忽憐魚腹能通素
親到池邊自放生

松風餘韻卷二十四

六

小時不慣見鸞鴛常配花絨
刺繡裳聞說睡時交頸睡
偷移燈火照蓮塘

杉風柳月夜將闌約共麻姑
降斗壇鬢髮如鴉長到地
翻嫌難戴少虛冠

君爲虞部先生伯子仲台鉉
字少君季台垣字子師一時
有謝庭玉樹之目子師遺稿
無傳少君詩篇稍實視伯兄
之渾脫超逸者遠矣風雅一
道不敢以出處窮達爲軒輊
也錄君詩而難弟之名附見
使我郡知章氏多才如君者
矯然白鶴雲中未易有其儔
匹也

松風餘韻卷二十四

松風餘韻卷第二十五

目錄

明張迪二首

張樞一十首

張璧四首

張展一首

張琳五首

張璞三首

張穀一首

張浩一首

張衍一首

張駿一首

張雲鵬一首

張翼軫一首

張瑩二首

張烈一首

張重華一十四首

張鵬一十一首

松風餘韻卷二十五

胥浦姚弘緒聽巖編次

張迪

明詩綜迪字文海華亭人

宋徽宗畫半開梅

上皇朝罷酒初酣寫出梅花藥半含惆悵汴宮春去後

一枝留落在江南

鴈來紅

蘇武音書寄便風上林飛箭落征鴻至今血染庭前草

一度秋來一度紅

張樞

方志樞字夢辰自陳留徙家華亭築室曰讀書莊

與諸弟唱和爲樂詩婉黃初兼善行楷陶南村贈

之詩云幅巾短杖林和靖斗酒長篇李謫仙又云

寫書竹簡枯鮮碧臨帖藤牋搗硬黃又云筆勢縱

橫驚雨驟文詞奇古發天鏗年過八十愈壯健世

共指爲神仙云貝瓊林泉民傳畧張夢辰居華亭

之城東門日與子弟講春秋或勸之仕不應或又

曰先生居空室食藜藿得毋病於貧乎則曰吾病

不能辭富貧奚吾病吾將翳茂林濯清泉與田夫

野老遊於無懷大庭氏之天矣人以是高之曰林

泉民有讀書莊唱和集

生日自責三十韻

西有濯錦江東有自滾湯南有樹頭酒北有地種羊我
生四維中曾無一線長仁獸乃騶虞瑞鳥爲鳳皇帝江
解音律火鳥識興亡老我嗜書史疊疊空文章聖德不
暖席賢智亦賣漿飯牛百里奚誣金同舍郎我何導一
隅跬步費籌量緹紫小女子有策陳未央姬滿前髮訖
對言如珪璋退耕力不任進升心未遑我髮日種種我
生日茫茫頽然六十翁宇宙髮眉蒼一子峭孤立力穡
不救荒三弟各奮飛食祿天一方今年耳重聽兩眼無
童光長笑却秦兵大哭救楚王少不同鸚鵡老無事鷹
揚今日屈初度妻子具壺觴坐我方惻然置身桃李傍

松風齋集卷三

二

將軍歌

將軍走馬沙草場擗龍蹠蹠鷹飛揚狡兔之窟四顧無
所藏置置如雲箭如雨滿眼禍機寧脫此將軍一日歡
豈直百免死君不見李斯非將才上蔡東門遊獵子

得共辰弟詩次韻寄安慶建寧二弟

三第一書歸經年萬事違舟移安慶雨雲作建寧衣老

去知心少春還見面稀閒愁無着處開徧野蒿薇

送人之戎幕

金吾上將開東閣白髮參軍起曲阿嚴武故人惟杜甫
馬周知己獨常何龍蛇久闕經兵甲鴻鴈高飛避網羅
慷慨生平兩行淚哀時更比別離多

秋興

百戰關河血未消將軍誰是霍嫖姚中原板蕩悲周室
西楚紛紛披屬漢朝甲帳珠簾非昨日玉樓金屋麗層霄
兵麾滿眼歸無處愁絕秋風柳萬條

送朱真一

鶴馭翩翩渺莫攀浩然清興滿西山摩挲鐵柱觀浮世
整頓丹函說大還石壁風清瑤草秀洞天春盡玉笙寒
扁舟倘遂遊仙約握手巖扉一解顏

長句四韻奉贄郡倅相公

銀章朱紱照熊轡特命東吳最上游綵筆判花分半虎
鷹刀解節少全牛一官檣李風生幕午夜雲間月滿樓
爲報廬江毛孝子故人張奉在南州

題貴妃龍鸞鵲圖二首

內苑宮人紫綺袍金籠鸞鵲翠絲條當時亦有承恩者
不獨雲霄一羽毛

宮樣蛾眉翠黛齊髻鬟微妥髻雲低自言鸞鵲能言語
不道漁陽動鼓鼙

題高彦敬夜山圖有趙子昂題

善畫尚書高彦敬能詩學士趙子昂兩翁秋興江海動
一尺夜山吳越蒼雪松霧塔參差見野水寒沙渺漭長
山窗撫卷應惆悵却憶東坡賦雪堂

張壁

〔方志〕壁字景辰夢辰之弟洪武三年開科取士壁
即應舉中式與同郡俞嘉言陶南村李處仁爲文
學友仕終蜀府典寶嘗校文福建歸林崇高畫閩
溪放棹圖送之陶南村題句云一棹閩溪下瀨船
千巖萬壑路勾連榕陰處處浮嵐外杜宇聲聲落
照邊考試來臨多士上官游向在十年前故人分
手難分別寫得雲山上蜀牋壁好題咏凡交遊卷
軸多借以爲重壁每題必署尾曰陳留張壁

題蘇堤春曉圖

殘月流光弄清曉湖天空濶青山小露浥春泥不動塵
馬蹄輕入香風裊紫烟籠翠春茫茫行人不歸空斷腸
啼鶯喚醒綠窗夢千絲萬緒情短長南北高峰隱晴碧
天地無情同一色羣鷗飛向水雲西點點遙看鏡中白
蘇公已去三百年蘇堤春色今依然春去春來人易老
樹樹飛花散晴昊人生行樂能幾何謾把金尊自傾倒
昔年曾醉湖山裏婀娜春容照羅綺明月清風不用錢
誰識光陰若流水年來三月花如簇擬向東風吹紫竹

喚起多情蘇小姬更唱當時太平曲

嘉禾

城頭倒影落湖波湖上風帆鏡裏過歸客自炊菰米飯
小娃爭唱竹枝歌校頭艇子輕於葉雪色沙鷗白似鷺
此地將軍戰時血春來丹漬蘚痕多

橫溪

舟東來歌叩舷四顧雲水心茫然蛟龍欲睡先作霧
星斗滿身如在天打鼓賣魚江雨歇看山濯足溪風顛
解衣典取酒一石醉伴忘機鷗鳥眠

送曹弘道

螺女江頭春水長年年送客折垂楊多愁怕送東吳客
只爲東吳是故鄉

張宸

〔文翰類選〕宸字翰宸號端居〔儼山集〕南翔張翰宸
楷書宋清傳行草玉連環歌各一通爲姚文光 炤
所藏翰宸嘗署嘉定教官國初以能詩名〔四友齋
叢說〕張宸詩見鼓吹續編松江詩人二十一人之
內

寄許瀾伯

〔列朝詩集〕瀾伯名觀吳城人高行不
仕同時有許觀官侍中死建文之難
者雖亦字瀾
伯另一人也

水泊山樓分自甘我留君去意何堪幾回雨雪三槎上
強半鶯花五塢南宰木空慚歸遠夢扁舟猶憶載餘酣

從今其惜頻相顧燈火虛齋遲笑談許觀酬張隱居詩曰漫披華什咀餘甘欲報瑤琨不堪一自返舟粵邑後幾回飛夢石湖南鶯花敢續吟春句燈火空陪入夜酣茶氣拂簾清畫午想應賓主正高談

張琳

選舉志琳字宗玉華亭學正統丁卯舉人德安府教授鄆陵縣志教諭張琳識劉璟於諸生中甚見愛重後教授武昌聞璟為松守即解任歸田非公事不至府有關地方利弊者貽書勸勉璟遂為名守比卒璟猶在任為執心喪厚卹其家以報之

許由古塚

在甘羅南保箕山有許由墓鄆陵亦有之見縣志

讓位唐虞聖絕倫寓言巢許跡皆陳箕山有墓空如芥

卷之三

六

潁水無風淨不塵葉底綠乾仍裏露隴頭黃犢自耕春

高蹤千古真堪訓後世何多受禪臣

彭祖岡

在北西保水經注曰彭城縣古彭祖國也世本曰陸終之子其三曰錢是為彭祖城下有塚今縣亦有之不可曉

元氣當年萃有商錢鏗遺廟儼崇岡神遊天地三千劫
頗駐春秋八百長宿草尚含並露白寒林空見鼎烟蒼
時人未得延生術只問能餐雲母方

甘羅嘉樹

在甘羅南保羅下蔡人史記甘茂傳稱羅少即仕秦而墓在此未詳

塚蟠綠樹蔭衡茅風起丹楹雜鼓鏡喚友黃鸝春隔禁
避人玄鶴曉離巢烟凝野色遙通漢影帶川光近映郊
道左軒車似流水猶疑五乘出秦嶺

杜墓晴煙

在縣南一里長安志如晦葬萬年縣南三十里而鄆亦有墓未詳

唐相玄盧在萬年鄆墟華表訝孤阡松陰鬱鬱青含露
草色萋萋碧帶烟一徑野花春夜雨數聲啼鳥夕陽天
城闌回首懷前哲古錦囊中得好聯

議臺夜月

在西營南保世傳曹操所築嘗集官僚議事於此

閒行草野駐雙旌坐看金暮欲二更東漢赤龍天上去
南林烏鵲月中鳴角喧永夜孤吟壯露下空臺百感生
北望西陵隔漳水淒風如遞管絃聲

張璞

東海小傳

友山居士張璞字廷采世居松之七寶鎮少有篤行刻意於學以詩畫名而尤邃於易常袖一編以自隨踰冠謀擢所學遂有一批而出道

卷之三

七

嘉禾歷營營泛錢塘喻鴻公嶺抵處發間遇佳山
水古跡則徘徊觀覽而詫曰是正我胸中物也踰
年乃歸補郡弟子負再試場屋弗利生理日落居
士不以爲意正統戊辰貢入甯監時祭酒四明陳
敬宗一見即留置內廂日接談尋就教職以優
等授陳州學正興教補敝風采一新未幾一舉而
二人第一方閑然曰見掌教多矣張先生言不出
口何其速化人也丁內艱歸東海生張弼曰二十
年來東吳詩學競以纖濃刻苦爲工作巧逞奇至
不可解惟友山居士自成一言曰所貴渾厚自

然涵泳深遠彼亦弗悟近則有稍稍從之者彼說
窮矣然居士之名頗為詩畫所掩又况能知其經
術與其胸次悠然不可以勢利拘哉若其官業則
伊始而未究殆必有知之者顧志廷采補任沂州
沂士能詩者眾璞之教也嘗著易髓一卷盡削俗
占之煩猥直據八卦性情內外互約為斷簡便多
驗知者尚之中遇一老者長髯皓眉衣白替自
稱靈哥拉之同飲甚豪羣飲者咸退舍越宿自
訪因留之署中輒對奕靈哥命設帷以障其身公
問故乃吐實曰吾非仙非神山中老猿現身也恐
為人覺幸其惟中較奔可耳居久之公愁家問不
至靈哥曰吾力可致往返不遇旦暮間於是朝往
夕歸音耗不絕會當秋試公之子將入棘闈因叩
曰若能探聞中題乎靈哥唯唯至則見一偉髯者
擊其首踞踞而返從此不復往還所擊之神即關
於靈哥也
註靈哥按靈哥者山東濟寧州猴也吾
郡張公璞為學正相與交密云云與志畧不同遇
靈哥事未始在沂
州不在陳州也

次姚丹邱渭陽唱和韻

萬里青天醉眼橫江南江北重行行山川如許留詩興
歲月無窮換物情天上麒麟宜瑞世雪中松柏見平生
渭陽指日重我身一段清冰照鳳城

送王公玉次少宰魏南齋先生韻見高待詔藏雲間歸趣詩

世事茫茫無盡頭五湖隨處可追遊半生詩酒天涯路
兩鬢風霜客裏秋白鳥不知來往意青山似識古今愁
到家雪滿江村夜有興須乘剡曲舟

銅牛水滴聯句

彼美中丞裔友山置身文墨場青金范奇質東海玄水
溢胸腸毛穎藉滋滋友山陳玄共徜徉不勞五丁力東
海寧壑百畝荒肌骨聳寒瘦友山筋骸東堅強長眠協
坤靜東海時滴運乾剛慣助魚龍化友山何愁鼯鼠傷
脰翻石田雨東海涎落硯池霜甯戚舍汝相友山劉寬
為彼償登臺豈敵鯨東海注腹何汪洋出匣見頭角友
山濡毫潤文章奚煩丙吉問東海焉比僧孺行判事中
書省友山受宣天子堂行藏依孔子東海歛吸希杜康
蠢是駕轆軛友山領穿日傍徨東海

郎瑛七修類稿王振鵬元世祖時善詩畫仁宗

賜號孤雲處士余幼時見有蜻蜓畫卷題詩曰露

涼芳艸晚風吹紗翼輕明水影欹莫便臨平山下

去眼晴雙眩碧琉璃末二句意其寫圖之時必伯

顏駐師皋亭地名之日不忍故國垂亡而傷敵騎

之規杭得詩人之比也和者雲間張玘詩云翠華

銷盡厲疾吹四翼低飛兩眼欹秋去藕花搖落久

也愁點碎碧琉璃按張東海集附錄畫像題辭有

同郡張玘一則字書玘與璞同省文也張廷采友

山名璞正統戊辰歲薦天順丙子有與張東海聯

句詩璞又善畫其和蜻蜓畫卷詩友山所作無疑

也廣文一席冷官也然可以行其教故名流多

俯就焉若張君友山王君西園德優才茂工吟咏擅丹青風流儒雅不愧人師歸田後閉戶養高間一弄筆墨獲者同於拱璧又何必甲科始聲施後世哉他如曹夢莊姚綱菴胡耐菴唐次梁沈屏南諸君皆吾郡之表表者間綴鄙辭稍爲揚厲其餘在滅沒之間佳什亦不敢棄

張穀

墓志穀字濟民號謙齋祖諱衡永樂乙未進士公生而純雅成化戊子以歲貢領鄉薦乙未擢進士距其祖登科之歲甲子適周鄉人以爲美談丙申拜中書舍人入直文淵閣尋引疾歸居六年今上

松陽縣志卷五

明

十

即位間公善書驛召還與修憲廟實錄加俸二級供內職如故又三年爲弘治四年出叅議荆南藩府兼督泰嶽太和山十月抵任明年正月十三日卒先卒二日登嶽山徧行宮祠顧道流曰吾此行不再矣汝等宜勤修以答天貺既歸謂家人曰山中佳絕吾意不欲來爲汝等累吾念耳是夕命浴具新衣詰朝視事坐堂上端瞑而逝治棺間日面如生憶予初入京以鄉後進拜公於私第問處已接人之要公以誠教之曰某迂拙不知其他生平所守惟此人初或未識久而自信當時深敬其言公諱於榮利嘗曰仕宦如雕籠畜鳥耳故雖官禁

近歷華要而山林之志終未嘗忘其引疾歸日引騷人文士與之相應和既起與纂修凡同事者皆進官而公止加俸處之裕如其參荆藩近宋人所謂奉祠者公方樂之而遂以告終矣

東江集

黃浦夜泊和樊太守

碧山如畫暮雲收龍浦經行只暫留正憶楚臣迎澤畔却憐杜老哭江頭慣延國士勤三接肯向明時詠四愁

朱季子草稱先生繕寫綱目曾孫明經人則輯而藏之云云夫綱目一書卷帙繁衍讀者不能卒業況字字從十指出乎每見好事者間錄免園小冊

松陽縣志卷五

明

十

難乎有恒先生雖善書乃有始有卒其精神灌注性情沉靜可知雖位不償德而咫尺帝座歸侍仙班無疑也又稱先生之父天放先生於宣廟時以侍御直言忤旨謫死遼陽人則亦藏其手札語亦忠鯁清河鴻寶在在有神物護持諒至今謹守弗失也

張浩

府志浩字文瀾成化戊子舉人廣州府通判

送訓導姚程未

蕭蕭行李向南安天屬高才作冷官仕路遲君纔發軔衡門笑我羨彈冠江山綿邈難爲別卮酒流連且盡歡

相見文章賢太守爲言林下布衣寒南安郡守鄧文舉與余別久因結語遠意

張衍

府志衍字敬先成化己丑聯捷進士刑部主事終茂州府推官

輓宣平蔡宗吉父子

宗吉正統時陶得義之亂子儼殺賊復仇

戈擾擾倚東巘

東巘宗吉保聚處

血戰無功恨獨銜毅骨一

函驚虎豹丹心千載照松杉魂歸宿草雲常護淚漬高碑辭不減楚夢漫歌招不得行人多少濕青衫

張駿

雲間志畧駿字天駿號南山華亭人十歲能詩長

主書法符草隸篆俱入神妙與東海齊名時稱二

主

張中景泰癸酉鄉試成化初命吏部嚴選中翰與

選者七人駿其一也直文華殿九年考滿陞驗封

司員外供事如故應制多稱旨賞賚極優尋帶銜

山東叅議孝廟命寫風入松詞陞太常寺少卿提

督文華殿儒士習楷篆書有績陞光祿寺卿以修

詩海珠璣成詔進官一級考最封蔭如例後以足

疾陡作請致仕賜寶鑑乘傳歸逾年即家起原官

特免朝參仍於文華殿供事旋晉禮部尚書時年

已八十乞骸骨還仍賜乘傳歲給輿米進資善大

夫錫三代誥命及卒又賜祭葬志稱公與人交不

設城府犯亦不校惓惓獎借後進片善必稱若其賦詩飲酒之樂無日無之於世紛淡如也居第在

東門外三里橋郡公訪之時已及午公曰寒家離

城數里而遙親友至者必飯然止肉腐而已公祖

下顧須率一雞亦勿訝其菲郡公欣然共飯而去

世兩賢之所著有北遊集一蠖子集南山文集行

於世雲間雜識張宗伯南山公同二友從水路會

試中途屢夢人促之早去遂別二友從陸先行二

友誼之曰公速行必先入會場矣張不顧到京五

日適考選中書張與焉迨二友入都已直文華殿

矣

送時行姪奉使南安

詔使南衙秉節旄陶成才氣壯秋濤交人環聽絲綸美

海嶠齊瞻斗嶽高宇宙萬年新日月股肱一體舊蕭曹

清風應滿歸來路希有恩榮此日遭

張雲鵬

字時舉駿從子正德年松江府學歲貢

壽姚程夫

七十仙翁體力強一簪華髮未秋霜平生壽域藏胸臆

老去詩情寄酒觴天上有官難束縛雲間多景足徜徉

庭餘丹桂秋光近不斷詩書一派香

張翼軫

郭志翼軫字宿夫金山衛學萬曆甲午舉人戊戌會試中式甲辰廷試歷工部主事郎中寧波韶州知府廣東副使

秋日同吳伯玉俞叔和王伯慎諸子汎泖

蒼蒼烟水荻蘆秋與客連檣此勝遊四面潮聲空斷岸一輪塔影自中流山當塹口迴長谷水到由拳識故邱夜半月明驚鶴唳祇餘殘夢繞滄洲

張瑩

墓志公諱瑩字廷器累官至太子少保南京兵部尚書卒謚莊懿贈榮祿大夫太子太保遣官諭祭賜葬於華亭盤龍塘之原公舉正統戊辰進士景

卷之三十五

明

由

泰開被命爲監察御史方北虜內寇承敕往北畿河南山東清理馬政按宣府大同有都御史子犯法按其罪并劾其父罷之天順間再命爲江西按察司副三命爲按察使四命爲陝西布政使五命爲都察院右副都御史巡撫寧夏城皆土築始甃以甌導河流以溉屯田若干頃遭父喪起復巡撫河間諸府值久旱給民種俾不廢業復承敕勾稽戎籍王師出宣府督軍餉如陝西巡撫大同斬首虜奪兵械築城浚濠清理屯田復被敕褒諭如寧夏虜酋以加思蘭知有備請入貢奏許之六命爲刑部右侍郎七命爲左侍郎八命爲尚書法意平

恕侍經筵讀進士卷賜酒饌楮幣會朝廷遣內臣錄囚公與之察情可矜疑者奏釋若干人賜楮鏹加以羊酒九命加太子少保以母喪去服闋今天子御極即其家起之改南京參贊機務秩如故歷三朝四十有六年更十命年七十有一而卒明史葉李俊傳成化二十一年正月以星變詔求直言吏科給事中岐山李俊以清論不愜劾尚書張瑩等御史婺源汪奎亦以老懦無能劾之顧志瑩性篤孝爲都御史居父喪時年已高旦夕跪奠必親執奠已跪而哭至輟乃已如是者終三年無少變爲尚書喪母亦然與弟鑒友愛深至或有間輒持之以泣故終身無異辭四友齋叢說公巡按山東時年方二十七歲初至臨清三朝行香過酒肆酒帘低拂其冠墜地左右皆失色公恬不爲意徐命拾冠着之而去諸長吏惶恐繫賣酒傭待罪戟門下公見之第徐語曰自後酒帘須高挂而已亦不與知州一言竟遣出先進舊聞公家居時濠上有鄰人汪姓家貧而困於繇公與莊簡公白於官而賞之其人操豚蹄酒果爲壽莊簡辭焉公則曰爲邑賦繇不平吾亦公言之耳烏用謝然餽已辦矣田家豈堪虛此供具哉因受之出白金一兩以償其費

登大同鎮城西北樓和韻

鳥聲細細落重檐
聽得離人思更添
煙裏遠山螺髻小
天邊殘月玉鈎纖
兵揚沙漠爭先捷
士困衡茅歎久淹
縱望滿城民物富
公庭白晝已垂簾

天晴有約爲春遊
乘興來登城上樓
萬里乾坤供遠眺
一壺風月解多愁
襟期更比蘇仙濶
詩句誰如杜老優
談笑相忘歸去晚
霞光迴逐夕陽流

公抱經濟才早歲
登朝屢膺劇任
風塵馳驟翰墨
無多大同志中
二律意象渾成
非大手筆不辦也
四友齋叢說在
刑部時奏行新
例數十條至今
用之仁恕所及
結者衆矣故今
子姓繁衍雲間
志略

雲間志略

明

云

公曾孫仲謙烈
剛舉嘉靖乙未
進士玄孫萬祿
甲辰進士孫
汝陞方建相繼
舉賢書方建天
啟壬戌成進士
由是觀之厚德
之有造於國而
詒謀於家者大
且遠也時人不知而謂其靜默無爲過矣

張烈

雲間志略烈字明建華亭里人少有大志嘗擬作狀元詩有書傳吳下三千里梅占皇州第一枝之句以錢鶴灘自期故又號後鶴讀書攻苦工舉子業兼通古文詞酒酣憤發或放歌或漫罵坐客每爲遜避嘉靖乙卯舉南畿第二已未中會試第四

公於徐文貞爲內姪一日謁朝房徐命之飲酒間

輒指摘時政語多侵分宜憤憤不休徐爲呼飯罷瀕及授水部主事甫一月即出相度南旺諸泉源處南旺所部七十二泉夫甲與諸胥相蒙爲奸公日策馬巡堤上水涓涓可通處即策其主者濬之而罷泉官之不職者至馬房一泉尤爲汶水所賴公決意開濬嚴督夫役一日而泉流以通乃作詩紀之石以告後之任事者願同心焉纔七月而疾作卒於官卒之日幾無以爲殮公嘗作伯夷武侯徐仲車文宋瑞贊以見志當壬子居喪太息時事作罵兩歌已如計偕憤楊忠愍死西市作正氣歌

雲間志略

明

云

徐文貞聞其歿而歎曰此古所謂剛者惜未有人陶鑄其身年僅三十有一范中方太僕哭之詩曰未及頽回天方過李賀年讀之可爲酸鼻所著有殷遺錄皇明億萬載紀錄及巡泉詩彙藏於家樵史張水部烈魁鄉榜後家赤貧日閉戶啜粥讀書性善飲時乏杖頭貰酒則脫巾爲券絕不通郡縣刺也余先君嘗造訪歸示陽曰此人可法哉比烈永部分司南旺有梨棗若干株立命削去曰無傷吾介似稍過矣

玉女池

在泰山頂甘冽四時不涸玉女修真處見泉河史

嘗聞泰山天下雄我來搜覽勢穹龍左河右海枕燕薊

丹崖萬丈摩青空何年巨靈運大斧手持元氣開洪濛
太虛偶遺一拳石屹然崛起天之東幽巖高下似大虎
曲磴行委如長虹爭奇競險望不極此乃天造非人工
清風引入白雲去石門一竅僅可通元君彷彿碧霞殿
玉女影響清泉宮振衣獨立霄漢上但見萬里來長風
區區齊魯坏土窄茫茫滄海溝渠容泮河汶水成一線
山島皆遊峰飄然便欲超八極烟霞宇宙羅心胸
人生壯遊亦不偶我今遊此真奇逢吁嗟游人多轉蓬
泰山壁立無終窮乃知孔子小天下只在乾坤瞬息中
先生才士也實志士也傷心時事疾首權奸每流
露於語言文字間量授水曹旋歌薤露其志究未

松風齋集卷五

明

六

伸也罵兩正氣兩歌必有可觀乃泉河史中僅傳
玉女池一首感慨激昂先生之才與志於此略見
焉矣

張重華

雲間志略重華字虞侯號晴陽華亭人莊懿公之
曾孫也甫八歲能大書大父封觀察磊塘翁奇愛
之稍長補諸生藏書萬卷悉淹貫胸中晉唐墨蹟
碑文臨摹殆盡而尤長於署書郡邑守相及縉紳
士大夫皆折節與交屢試有司不售輒欲棄去舉
子業爲高人達士遂出游閩楚齊魯之邦以達齋
下時江右張洪陽相公執政意在收攬英賢其弟

儼先與虞侯有莫逆之雅遂引爲幕下重賓值有
中翰之選虞侯書法既出諸人士上羣謂探囊可
得相國以言挑之不應請爲塞上之遊不與試也
相國心益重之往來南北四五年奚囊稍潤而性
喜結客隨即散去慷慨忠亮抱遠畧欲自取功名
以見其奇乃年未五十而卒亦足悲矣所刻滄漚
集八卷張洪陽相國序之

往釣作寄廬州黃信夫

三尺游絲外溪光一望青化龍渾不識潛鹿已無形渭
水扶周鼎嚴灘動客星王孫猶未飯誰與惜飄零

魚池小艇

松風齋集卷五

明

九

河水一泓綠容刀欲渡徐已知身是葉休歎食無魚楊
柳垂波潤芙蓉隔岸疎空明天上下月影動荷蕖

武林丁孟安齋

結廬真似斗河海一蹄泮筆下千言草尊前萬古心陶
巾容自漉謝屐總招尋長嘯空天壤清風來滿襟

閨怨

曾記十年裘馬無非兩字功名有信只憑秋鴈無端斷
送春鶯淚雨橫沾玉瑟愁城獨對銀檠爲報王孫芳草
蠅頭蝸角休爭

秋夜懷方象甫州守

明幌一牀寒月飛烟數點輕雲鐵笛梅花吹落鴈鴻天

外離羣

題畫馬為楚中張侍御

臨池彷彿下神聰舉筆分明奪化工紙上何須看牝牡
詩成真若動蛟龍英雄豈惜千金價瞬息曾追萬里風
只恐丹青羈不住一朝飛出畫圖中

水亭

萬頃清波浮玉宇一拳奇石浸銀屏雖然六月無情暑
不得憑空到此亭

忘吾詩贈葉叔明

茫茫身世亦依稀了悟年來事已非野馬氤氲誰定相
海鷗去住本忘機爐前點雪紅無意室內生虛白自微

卷之三十五

明

平

真性却難加一物葛天人解箇中幾

登虎阜

千人石上月華留小榼攜來酒百籌笑語天花生席地
不須檀板沸箜篌

為閩中張灑雲題畫

吳山萬里雲楚水千重雪一葉下如飛煙景半明滅遙
聽翠壁間波聲自奇絕茆屋坐何人應有歲寒節

宿虎邱僧舍

屋在孤山頂門當交樹枝清秋千里月輕夢五更時報
雨先蕉響吟風有竹知飄然出世網痛飲讀騷詞

燕子和徽州金士章

烏衣公子曲江頭春羽雙飛入畫樓華屋已非前歲土
洛泥不到舊箜篌

題沈孺休天馬山圖

天馬行青空高人屋其足時時駕之飛吟嘯萬重玉

別常州謝伯雲山人

張平嘗學賦東京謝眺詩成語更驚記得河橋分手處
株楊柳共先生

虞戾詩絕見選本滄溟諸體磊落激昂鬱為森秀
不以烹鍊為工譬諸蘭筋汗血未就天閑試之吉

行不無劣步故不多錄如採松雲落袖刻竹鳥窺
詩人共輕雲澹心隨流水長一別萬里去十年雙

卷之三十五

明

三

淚流看山俱是畫聽水即成琴免掃筆花雲作雨
龍騰硯水氣橫秋遠近樓臺三竺外高低桃柳六
橋邊塔影靜浮湖上月鐘聲遙度嶺頭風一枝冷
浸新波近萬縷陰垂古意存不可謂非名句也

張翥

明史葉翥字世調蓋從曾孫萬厯中舉進士擢庶
吉士授檢討遷司業天啟時屢遷少詹事上保身
養性勤學敬天法祖親賢納諫信令恤民存體十
事語斥近習魏忠賢惡之及擢南京禮部右侍郎
上疏引疾忠賢責以詐疾要名削其籍崇禎初起
故官協理詹事府事旋改吏部右侍郎未上卒方

志萬厯庚申夏張宗伯曾以太史奉表昌宸詔至
遼遇吾松楊曾奎時爲廣寧衛經歷楊先遊金山
衛庠以貢爲祁州判官二子隨任爲遼生後虜騎
充斥楊喪妻及兩婦旅櫬無歸宗伯特請遼撫乞
勘合歸其三喪并言之按院陳公王廷移咨督學
毛公一鷺兄弟並改華庠其年遼陽陷沒非宗伯
楊氏靡孑遺矣其高誼如此曾奎爲博菴先生之
裔有孝行或天假其便云

春日過高麗寺

禪宮高出萬株松碧殿花時綠蔭濃澗不斷流虛夜籟
山多迴雨長春容祇園自昔金爲地蘭若于今玉是峰

松風齋韻卷五

明

圭

漫想子瞻遺像在溪橋寂寂留踪

別魏道冲太史七更歲矣趙州道中相對贈子

扇頭詩和答

單車平棘路涼雨客生秋斗酒七年別離顏半日留舊
狂仍面目新恨各眉頭安得風塵淨棲遲鴻鴈洲

過寧武浴湯泉王肖乾兵憲攜酒飲予泉亭上

賦湯泉詩十八韻酬之肖乾鑄錢督運撫軍

馭夷深細有宏幹人也寧前一帶倚重焉

女媧煉天工祖龍窮地脉至今八千歲絕塞留炎赫北
海煮清泉南山爛白石沉沉祝融宮湯湯扶桑宅沸鼎
不傳薪藥珠連散珀古亭籠淑氣虛室過靈液清濯征

人纓熱洗壯夫腸應是王澤長陽和噴沙磧別疑有化
工勺水皆春露明府擁旌旄高牙羅戟戟當關絕豺干
度海餘艗百酒漿樂賓從風塵滌行客良夜坐池亭深
杯話金革夙欽澄清懷料奪腥羶魄此水同天河洗戈
咸池赤

出關感事

自寧前一帶北至山南至海廣者不下三十
里狹者止十八里時與塞外爲鄰設有不戒
則一馬可至然其間地饒多茂草而種植絕
稀間有開種不過近堡一兩段離數里外即
沃土皆汙萊矣詢之城堡父老歎曰無人無

松風齋韻卷五

明

圭

時無本無此三資即膏腴滿前奈何夫各衛
堡軍多而民少則無人差役多而休息少則
無時軍民闕口不給而寧得有蓋藏以備牛
種催夫役則無本且今牛運驅運繹絡道路
送往迎來奔命朝夕百萬運遼陽而河西不
得一粒粟餉銀攜銀防護齎送無寧日而河
西不得一文錢如是尚可言墾田耶余以是
知撫公之言非謂勸農務本爲迂濶特時勢
出無可奈何耳然不勸河西耕種則河東接
濟終有窮時余議朝廷當捐十萬金付廣寧
撫道召募久夫開種河西河西民飽而可以

濟河東也開經畧公亦甚怒議屯種者然則

全遠何時有瘳耶因賦二律

遙望關山思渺然遠河深處草連天征人秋盡思更成
野老春深話種田萬斛烏樁天雨粟千家牛鐸地輸泉
卧龍軍務具勞矣何似金城更可傳

長夏單車歎遠征幾番駐馬問荒城中宵雨濕牛羊氣

日烟空雞犬聲塞下不堪胡騎牧隴頭誰勸土人耕
由來貴粟真長算猶勝金錢百萬傾

長城外小山曰望夫山孟姜女尋夫處也海中

一孤嶼隱隱可指曰姜女墳

築城登登杵聲哀海邊馳道秦皇臺城夫白骨沉千載

松風集卷五

明

五

城下有女墳崔嵬睇觀大海連沙磧沙頭一片望夫石

妾是秦關織錦人夫爲遠塞修城役修城織錦迴天涯

秦月遠雲道路賒秋衣欲寄人何處寒鴈無憑字漫斜

欲織停梭還自想不信遠東在天上誓死誰憐女子身

殉生獨壯男兒往孤身萬里尋夫君弓鞋踏破關山雲

關山盡處迷遼海夫君不見空招魂瀚海滔滔不可度

遼城淒切戍樓鼓中夜徬徨宿草間夢裏逢夫話辛苦

千人萬人城旦春我夫旅骨委蒿蓬一聲叫斷哀猿絕

高城白日摧悲風悲風動地來白日何悠哉築城萬夫

力摧城一婦哀城邊一哭憐千古海島長存一坏土而

今征戍滿遼陽多少春閨淚如雨

至永平袁兵憲位宇餞余灤河上郡大夫項鄧

林部使君宋先之年兄攜酒餞余孤竹城城

圯僅存故蹟耳兩山對出灤水經其下有石

當其中題曰中流砥柱夷齊孤竹君兩祠隔

水相望艤舟壁下頗樂賦詩酬謝以記一時

勝會也

孤竹古孤城孤山灤水紫山高廉士節水共聖人清北

海寧甘老西山不死名至今游故國風物尚崢嶸

絕壁俯平沙雙祠隔水斜立君仍有社遜國豈無家天

地留風教山川寄物華深杯坐淺渚兩兩大夫槎

十七日發薊州至通州邵太守兵憲示余武侯

松風集卷五

明

五

心書及諸刻

三十登壇司馬郎雙旌拂拂動秋霜文章雄長秦函谷

節鉞專城古朔方坐嘯九泥封絕塞行邊尺組繫名王

高樓日夜思乘輿一笛淒清引大荒

采薇久已困邊方天保何因廢廟堂總是漢家憂鎖鑰

故令邵伯壯金湯熊旂日耀煙塵靖燕麥風清驛路長

不是壯猷能伏遠誰蘇民力固苞桑

送姚仲含給事南歸

遲日單車路東風四月程雲移江上白柳放雨餘青世

事何足問心交別有情感時須諫草遲爾慰平生

知君懷獨往不受眾人憐以此淡於水何妨直似弦客

衣偏雨露別路正風烟好似扶搖息藏機六月天

寶日堂集寓經濟於詞章與顧文僖陸文裕孫文簡徐文貞唐文恪董文敏諸集並垂以爲館閣人文盛事非淺學者所敢簡擇也先生與先大司寇同鄉舉進士又同選庶常立名砥行亦畧相似附錄贈行二詩以誌二公道義之契而先司寇之梗槩亦從可識已

松風餘韻卷二十五

松風餘韻卷二十五 明

松風餘韻卷第二十六

目錄

明張弼 七首

張弘至 二首

張其愷 二首

張以誠 五首

張以誠 八首

張以詢 一首

張安盤 二首

張悅 五首

張牧 一首

張祚 一首

張若羲 三首

張應隆 一首

張承憲 三首

張昂之 一首

張明正 一首

張肯堂 一十四首

松風餘韻卷二十六

目錄

松風餘韻卷二十六

張弼

胥浦姚弘緒聽巖編次

明史列傳張弼字汝弼別號東海華亭人成化二年進士授兵部主事進員外郎遷南安知府謝病歸士民爲立祠弼自幼穎拔善詩文工草書性偉跌宕震撼一世張東海之名流播外裔爲詩信手縱筆多不屬藁即有所屬以書故輒爲人持去與李東陽謝鐸善嘗自言吾平生書不如詩詩不如文東陽戲之曰英雄欺人每如此不足信也雲間志畧汝弼古文詩賦皆自鑄雄篇力追作者以兵

松風餘韻卷二十六

明

一

部員外郎出知南安府府當兩廣要衝亡命者嘯聚山谷久爲民害至則設方略悉平之大庾嶺客商行貨往來民素藉其崔直之利後爲南雄縣照所侵遂失業貧瘠請於江右粵東二藩與之中分著爲令嶺路故狹隘而峻險行者病之乃取商人稅僦工砌道度壑架梁凡堦石三十里民始稱便其他夷小茅嶺之礮崖難行者鑿過路灘之舟航難濟者築龍潭水之歛濠橫溢者障謝行頭何公塘通濟街之春漲爲梗者歲饑則開倉廩減米值以濟衆疫作則延名醫置公署以活人南康民剛悍而健訟爲鋤首惡數輩以創其刁風有誣人劫

財陷一家於大辟者久負覆盆之冤立訊出之若羅彥輝郭公斐皆白骨而再肉之者嘗慮山阻多盜初立射圃躬親教閱軍民未幾聞寇羅洪黃直告變從容應之旋皆授首時各郡收兵議賞凡武夫悍卒第願得公墨妙遂以筆劄佐犒勞之費而往來過客亦藉是省誅求焉所毀淫祠凡六百餘所而惟修郡乘立社學新道源書院以祀周程三先生闢嶺寺以祀張曲江起江東神閣以祀蘇子瞻劉元成輩立蒙川館於東山造鐵漢樓墨君閣於寶界寺築吟風弄月臺於郡城皆以致景仰先哲之意風厲其士人故習俗爲之一變歸之日老

松風餘韻卷二十六

明

二

稚攀轅建祠肖像以志去思享年六十三而卒葬於鳳凰山之陽有鶴城天趣面牆清和慶雲諸藁晚號東海翁又有東海手藁行於世雲間雜識張東海作假髻篇諷刺時貴當路銜之出守南安不得調而歸邵二泉作輓詩曰張公不作南安守只說文章止潤身滿路棠陰棺蓋後忌公人是愛公人武進縣志雲間張汝弼有盛名赴南安郡守道經毘陵時陸詹事簡方得告南歸張訪之適展墓不見乃索紙筆題一絕於陸世經堂竟去有始知東閣先生貴不放南安太守參之句陸歸急追之已行遠矣陸字廉伯世傳東海述職又小長蘆云

汝弼詩云酒杯不及陶彭澤詩法將隨陸放翁故
其律體全學劍南如魚兒浦口酒船小燕二風前
茶焙香酒遇故人隨量飲花當好處及時看自從
都下三年別不寄江東一紙書孤艇夕陽荷葉亂
小樓春雨杏花殷髣髴零落風前驚心緒悠揚簇
上蠶一頃新田收晚稻數椽茅屋補秋蘿浪花作
雨汀烟濕沙鳥迎人水氣醒萋萋芳草日將暮點
點飛花春可憐灤水入春冰半黑平山消雪草微
青西飛白日忙於我南去青山冷笑人草露松風
千里夢秋霜春雨百年心僧中今見大小朗世上
爭傳長短歌霍光有傳何曾讀疏廣無金亦自歸

卷三

明

五

可稱具體與定山輩專做擊壤者不同也

雲山圖歌爲萬司理題

子居巷西我巷東朝回公退時過從忽持一畫索我寫
云是東臯之耕者東臯耕者我所聞高卧荆溪看白雲
卧雲看山山亦飽遠近高低隨手掃淋漓元氣真宰居
何曾苦學高尚書松壑蘭汀繞茅舍羣鷗時來鹿時下
小舟入郭買茶回只問近來柴米價却招張公洞裏老
主人元是殮霞服日之羣真多種瑤草爲養鶴大家洗
淨世俗之紅塵

上巳日登泖塔

上巳今朝是蘭亭不可尋來登三泖塔洗淨百年心綠

水鷗盟近青雲鴈塔深憑闌縱吟眺空翠撲遙岑集上
上巳今朝是蘭亭不可尋一爲京洛客幾負故園心綠
水鷗盟遠黃塵馬首深題詩難盡興展盡看山林起二
句與此同五句
易近字爲遠

鍾賈山觀梅

寒浦湖孤舟寒香梵宇浮停雲雙劍合聽雨一尊留池
藻雕龍麗庭柯玉樹秋梅花正幽媚應與洛神遊

信豐南山觀

何年建此南山觀今日來遊東海仙詩草謾留黃竹逕
墨花亂灑綠蘿烟玉郎飛白翰壺矢焦道談玄笑永船
千里清風一聲鶴遨頭歸去興翩然

寄荆溪諸友

茶芽香碧竹菇紅陽羨溪山夢寐中寄語遊人休浪占

洞名原是屬張公

宜興之張公洞景最幽勝

宿天寧寺

清江縣志在府學左洪武初重建

堂北幽軒面古臺松聲聒夢雨聲來耳根塵土三千丈
縱有清風洗未開

東山寺

南康縣志在縣東五里

望入東山小逕迂江風吹霽引仙裾詩懷浩蕩難收拾
欲向冬青葉上書

李西涯云汝弼詩能清鍊脫俗力追古作王濟之

云東海詩不苟作作必造詣雲間雜識謂東海草

書操縱闔闢無不如意類素後一人遠夷至以十

金購書一紙翁之書幾與白傳之詩價重雞林者相似今真蹟亦寥寥矣東海集贈炙人口集外尚有逸篇可勿珍乎搜而錄之爲翁集補其亡焉

張弘至

〔明史列傳〕弘至字時行華亭人南安知府汝弼子也舉弘治九年進士改庶吉士授兵科給事中十二年冬陳初政漸不克終八事初汰傳奉官殆盡近匠官張廣寧等一傳至百二十餘人少卿李綸指揮張玘等再傳至百八十餘人異初政者一初追戮繼曉逐番僧佛子近齋醮不息異初政者二初去萬安李裕輩朝彈夕斥近被劾數十疏如

松蘿齋集卷五

五

尚書徐瓊者猶居位異初政者三初聖諭有大政召大臣面議近上下否隔異初政者四初撤增設內官近已還者復去已革者復增異初政者五初慎重詔旨左右不敢罔干近陳情乞恩率皆俞允異初政者六初令兵部申舊章有妄乞陞武職者奏治近乞陞無違拒異初政者七初節光祿供億近冗食日繁移太倉粟賒市塵物異初政者八帝下所司邊將王杲馬昇秦恭陳瑛失機論死久繫弘至請速正典刑親王之藩者所次舍率營席殿並從官幕次俱飾絨毯錦帛因弘至言多減損孝宗晚年從廷臣請遣官覈騰驤四衛虛冒弊以太

監竄瑾言而止弘至抗章爭會兵部亦以爲言乃卒復之武宗立以戶科右給事中奉使安南還遷都給事中母憂歸卒雲間志畧張龍山弘至武宗踐阼賜一品服使安南故事例多餽贐悉堅辭之內府守衛官軍爲關官需索逋逃日甚部伍久虛公上疏請加禁治而汰其冗員自此稍稍斂戢使浙勘獄還途中陳可革可興者四事又陳弭盜安邊者六策多見採行其中除海寇均海利至今榜以爲法時逆瑾擅權欲牢籠朝士以公不及門爲憾公即自投劾免歸歸時猶手疏親親用賢數款上之朝林居十九年而卒所著有玉署拾遺使交

松蘿齋集卷五

六

錄萬里志東塾諫草見意諸藁藏於家

遊泮塔

澄照波心寺揭來已十年九峰橫玉几一塔湧金蓮揮塵雲生座銜杯月正筵空餘青瑣夢帆影度尊前

瓶山

瓶山山房小有山隔溪流水聲潺潺傾瓶不盡相留意離思滿天風色寒

送王大參德潤再還汴藩

薰風拂干旌征車曉當發豈不念行暑抵掌無寧輟迨迨目河陽依依心魏闕三載兩在途熏庸諒昭徹夫豈競時耀忠義良已結况茲庭除秀踵跡森朝列青鸞列

層霄黃流委百折百折東到海層霄相截巢同心翊皇
猷胡爲賦離別

張其悌

其悌字季琰龍山都諫季子東海翁孫也梓有獨
行藁

斡山

永望蒼山秀可餐千年形勢作龍蟠朝迎霽色嵐俱紫
夕射霞光嶺作丹雪竇春深泉響溢雨華秋老洞雲寒
堪輿更兆人文麗天爲封疆設大觀

秋日遊徑山

秋暮尋幽到此山天開峰頂碧潺湲千年喝石人何處

松風齋韻卷三

七

一道霏泉龍未還裁破溪雲峰似剪眺來江水練如環
登臨却值重陽後滿徑黃花醉客顏

張以誠

郭志以誠字君一南安太守弼四世孫也萬厯壬
辰選入太學制舉業清純高古可與馮具區陶若
簣董元宰並稱時馮爲祭酒得所試藝恨相遇晚
首列之示六館爲楷式辛丑成進士廷對擢第一
人授翰林院修撰丁母憂孺慕無間所生人以爲
難服闋起知起居注庚戌分校會試壬子主考八
閩多得名雋遷右中允以東宮久虛講席上言宮
闈非進學之地內侍非勸學之官宜命皇太子出

御講筵以重國本慰人心援引得失詞旨剴切時

論建之癸丑轉右諭德頒詔山西事竣奉父南還

父疾作晨夕籲天願以身代及卒哀毀如不欲生

營葬勞瘁歸而咯血遂不起年四十八以誠勤於

筆墨短牋小疏咸出手裁其文章宗蘇詩擬孟襄

陽小楷規摹大令清勁有法所著有酌春堂集又

有須友堂集國史類記雲間志畧瀛海張先生以

選貢廷試歸舟抵青徐間忽墮水同舟者以爲必

無幸矣有一從僕素善泅皇遽赴水救之已漂下

流數里許已而竟出波濤洶湧中若有鬼神呵護

者庚子公車除夕抵蘆溝橋同行四人皆籲天求

松風齋韻卷三

八

夢三人若有若無公獨夢人贈一大盒啟視之乃

金花一枝金花者宮花一枝者第一人也傳臚果

符其兆公在都不輕見一人不輕出一刺獨惓惓

於故鄉白糧細布諸役人守候勸捐之苦乃折柬

白之所司馬丁母憂歸掃墓鳳山見所陳祭奠簡

率慨然增歎捐產三十畝爲祭田尚冀加厚於異

日生平笑言不苟繩檢不弛景行前修獎借後進

包荒片長薄技緩急故友窮交皆行誼之不可及

者鴻轡小品雲間張瀛海狀元刻意自立而父兄

後凡來訴者告云汝只去詛張某死便無所恃汝

輩庶得免累萬厯乙卯果暴歿去登上第僅十有

年五

淶水曲

春暖金堤滿湛淡春塘溢已送行臺花復倒高樓日

送懷柔史令

三輔仍馮翊懷柔化理新栽花依上苑飛鳥即楓宸歌
裏涼州飢民間黍谷春勲名爾祖勝還步史丹塵

贈蕭大將軍移鎮漁陽

鳴沙城北接雲中千里飛狐一道通十萬健兒齊上馬
旌旗獵獵動秋風

送同年佐南安郡

黃金臺前秋風肅羨君手剖南安竹南安梅花千萬樹
照君清影分清馥儂家王祖守茲鄉至今祠宇梅花傍

松風齋集卷三十六 明

九

峴碑未沒蒼苔裏好爲雲孫酹一觴

壽王洪洲學憲

國老扶鳩入上庠驚看風采動鷹揚苞符抒吐皆天藻
梓杞材成盡國良高卧氣猶吞夢澤懸書字亦挾風霜
清朝不數如熊略自有祈招獻尚方

聞先生初生時媼婢見紅光滿室墮水不濡金花
入夢鬼神之呵護狀頭顯有明徵何以官止五品
而年未五十也遺什僅存并澤瑛所授手墨彙而
錄之澤瑛字觀文先生曾孫余從兄靖方壻也

張以誠

字仲繩號東廓嘉靖乙卯德瑜子萬曆癸卯順天

中式第十名初署海門教諭補署豐縣陞江西定

南知縣歷桂林府通判有張桂林手稿張亦廊遺

稿未刻

徐豐羅米歌寄示諸子姪

昔我居江南原隰饒嘉穀富室儲千鍾中人貯百斛我
家耕獲餘猶足供饘粥匪徒飽室家兼以飫童僕今來
小豐間萬事苦局縮支牀惟荻簞供案祇苜蓿晨起滌
釜炊餅底乏儲粟持錢入市中滿市盡麥菽覓米纔數
升城市咸注目攜歸簸且揚萁稗復盈掬余方支頤笑
蒼頭旋額感故鄉江之南轉輸困水陸饕餮恒不繼曷
充果然腹余間更長歎怒焉思往躅宣尼昔在陳糧絕

松風齋集卷三十六 明

十

何窮促唐帝遭播遷王孫爭捧麴聖哲多艱虞萬乘曾
顛覆矧余愚且賤瑣細同樸櫟幸逢隆儒時偶竊升斗
祿黍稷非不馨奚羨梁與肉袒褐聊可披安羨羅與穀
割思汝兒曹優游處家塾凌晨方攬衣黃梁炊已熟飽
食每嬉遊流光忘迅速金以百鍊精艾必三年蓄丈夫
當雄飛何堪久雌伏寧爲鐵錚錚母作石碌碌我行干
里外百憂萃心曲兀坐鮮朋儔顧影成單獨世路多嶮
巖進退眞維谷逝將解塵纓永懷返初服衡泌可栖遲
寤言在邁軸

贈天界寺上人

古刹入雲林高僧卧碧岑泉流當檻合山色壓簾深翠

竹分琴韻蒼松答梵音飄然游物外揮塵獨長吟

雨夜

樓頭乍聽鶉鴉啼煙霧茫茫樹色迷贏得郊原新雨足
閒牽黃犢過村西

秋日感懷

試倚南樓望孤雲自往還荒城連野市寒柝度秋關鄉
夢遠仍隔生涯老更艱幽棲空歲月憔悴鏡中顏
獨客清宵永空庭秋氣深霜凝月影白風定漏聲沉何
處橫羌笛無家不暮砧蕭然萬念寂踪跡似禪林

春暮憶鄉

三春花事正闌珊獨自行吟獨自還多少江鄉游冶者

畫船載酒看青山

夏日閒居

長日高齋靜庭前客到稀晴霞漫舒卷疎雨任霏微遠
樹蟬新咽空梁燕學飛幽居吾獨適轉與世相違

蒼翠庵竹

宴坐寂無言幽禽自相語蕭蕭清風來爲我滌煩暑

張宿伯孝廉寄示東廓先生手稿遺稿二種余錄
而藏之擇其尤者登之集中如芳草平沙遠晴霞
落照多地白冰常合沙黃日易昏野燒風前赤遙
峰雪後青疎星幾點風沉角殘月一鉤霜滿樓亦
遺珠也宿伯爲桂林再從孫續學勵行久滯公車

士林重之

張以詢

字于莚南安太守之裔

壽范叔子

脩然窮巷老萊蕪把酒論詩興不孤已謂無人親并白
何緣入饌有尊鱸著書未了虞生癖返轍誰憐阮籍途
得清閒餘健骨白頭從不仗藜扶

范叔子有懷張于莚詩于莚以詢字也先大司寇
花月步引云于莚以南安之名裔作伯氏東床溫
其如玉尤擅臨池毫素如新人琴興慨蓋美其才
而惜其年也伯氏爲先鴻臚仲陵公嘗築小圃羅
致卉木裊昔人之咏花月者倩于莚書於素板嵌
在粉牆以供晨夕之賞今筆花墨澹渺不可追於
一寒齋副墨得其壽小范一詩迴憶在昔佳話能
無風流雲散之感乎

張安盤

字子石號克乾桂林通判以誠子天啓丁卯府學

中式初任眉州知州調刺霸州卒於官

塞下曲

獨捲紅旗拂塞雲胡兒爭識李將軍相期直搗穹廬下
割取旃裘作戰裙

春閨

白攜金斗熨生綃密意多添線幾條但是妾身親製得
有時應解稱郎腰

眉州詩二紙亦係宿伯抄寄艷體居多吾家翠樾
軒稿最工此體然比之唐人美人捲珠簾凝粧上
翠樓諸絕似少含蓄故並不敢多錄

張悅

明史黨悅字時敏華亭人天順四年庚辰進士授
刑部主事進貢外郎成化中出爲江西僉事改督
浙江學政力拒請託校士不糊名曰我取自信而
已遷四川副使進按察使遭喪服闋補湖廣王府
承奉張通縱恣悅繩以法成化甲辰入覲中官尚銘督

松風集卷三

明

五

東廠衆競趨其門悅獨不往銘銜甚伺察無所得
銘敗悅名益彰召拜右僉都御史孝宗立遷工部
右侍郎改禮部轉吏部左侍郎王恕爲尚書悅左右
之嘗兩攝選事衆稱公允弘治六年夏大旱求書
陳遵舊章卹小民崇儉素裁冗食禁濫罰數事又
上修德圖治二疏並嘉納俄遷南京右都御史就
改吏部尚書九年復改兵部參贊機務以年老屢
疏乞休詔加太子少保馳驛歸卒贈太子太保謚
莊簡賜祭葬郭志公爲孝宗所知官少宰時適尚
書缺上意嚮用之有中官揣得使人通意曰知公
甚清但以一刺相投當爲之地公竟不往又公自

律甚嚴而待物不苟有四川監司赴任請教公曰

川行甚險州縣卑官攜妻孥往來實以軀命博升

斗祿君輩幸無以微罪斥去之雲間志畧公督學

浙江每稱謝文正遷王冢宰華有狀元才一取諸

生批首一取儒士入場後皆及第世稱知人公餘

日錄黃鶴樓集有先生詩曰吳楚百川歸吐納乾

坤萬象屬登臨相逢盡說波濤險日日東流見客

舟先進舊聞顧文僖清初第未館選時公爲少宰

欲留之銓曹文僖曰清是箇書生但會讀幾句書

耳於政體恐有未諳公曰君但照書本上行事幾

曾見錯了

松風集卷三

明

由

南溪草堂

在華溪南上
海顧英構

一室幽然蔭碧蘿半層東枕白鷗波窗涵水影搖書幌

門過潮聲雜棹歌淇簟涼分秋氣早湘簾晴捲夕陽多

不知何處知音客長爲攜琴載酒過

題重修鳳仙道院

在曹溪

鳳仙原是舊時名輪奐更新喜落成門對遠山來秀色

地環流水播新聲悠悠日月壺中趣蕩蕩乾坤物外情

莫恠黃冠絕情事也曾留客飯青精

縉雲縣觀音閣

處州府志在縉雲縣三山餘步又
名清輝巖舊廢宣德間重建

高閣聲飛倚磴阿登臨便覽隔烟蘿千層山色春深徧

一道灘聲雨後多龍卧鉢孟聽梵語鶴歸苔迥避樵歌

老僧笑指亭前說塵世流光迅若波

釣臺

自是先生識趣高却將身世等鴻毛釣臺不似雲臺險
肯脫羊裘換錦袍

榮華只作等閒看生計依然一釣竿千古桐江江上路
清風猶自逼人寒

公少從進士陳文壁遊以母自欺爲學居官居林
持大體凜名節尚有典型公之謂與生平所遇多
忤事或造化小兒以此相試聖人不語存而勿論
可也詩思飄然不羣疑其別具仙骨聞詩板留漕
涇尚容訪之

松風齋韻卷三十六

明

五

張牧

〔華亭縣志〕牧字虞咨莊簡公悅之子以蔭入監授
南京左府都事丁內艱服闋補南京中府都事進
文林郎正德八年懇乞休致吏部以年勞行實且
恬退足尚奏陞鴻臚寺右丞致仕

壽姚程夫

白髮蕭騷被兩肩清風林下自悠然非因官冷身先退
豈待年高名始賢耆社會中推耄耋綵衣階下見曾玄
金尊綠酒宜稱醉如此風光即地仙

孫文簡公集東園謝事歸年方逾艾崇石爲山引
水爲池葺苑爲堂與故舊陟降笑傲其中時而醉

時而歌夷愉恬曠而無悔尤促迫之病真能自得
其樂者視高位厚祿一不足介其心也急流勇退
可謂無忝所生

張祚

〔方志〕祚字永錫華亭人府學正統丁卯鄉舉景泰
甲戌進士初授御史多風裁擢廣東僉事會猺獞
叛亂詔韓襄毅征之祚從幕叅畫便宜共事征勦
大破賊巢全活脅從數萬六載陞河南副使尋致
仕卒〔南吳舊話〕祚在粵東有事行間不尚誅戮
或以法寬則賊無所忌憚公惻然曰譬之以艾灸
癰但取消散已足保身必欲窮其經絡所起苟非

松風齋韻卷三十六

明

六

華陀神技而刀挾針披雜投湯劑未有不殺人者
封疆之吏喜於見功是不知灸癰者也人服其言

三洲巖

仙巖古名勝乘間躡奇踪葛竈已陳跡坡祠尚苔封淪
茗汲龍湫捫蘿履烟峰良會不偶得勝地最難逢夕陽
振衣去踏破雲幾重

皇清詩選張彥之斷藤峽石歌序家帶三堂前斷
藤石傳自慎齋公宦游所攜奉仰前徽聊誌古歌
曰昔日襄毅展神武文人間外真英雄我公慎齋
佐輶略一麾萬里收全功聖朝何重軍容使致令
壯猷淪蒙叢我公偉績亦湮沒抗疏歸里餘清風

堂上素享太母澤不紀勲庸紀明德窮陬立救萬
姓生堦前綵舞悅慈色斷藤峽內有何奇還舟祇
載此片石子孫世守此堂中後人睹之思寶惜

張若裁

〔郭志〕若義字吳東華亭人景泰甲戌祚四世孫崇
禎已卯舉人癸未進士〔小長蘆詩話〕吳東爲余中
表兄甲申以後潛身家巷躬自灌園余嘗訪之郊
西適荷鋤帶笠相揖於紫瓜白苧之間破屋數椽
下一榻以留吳處士騏暇相酬和詩思清厲有亮
節而無懦響

杏壇

杏壇一席地尼山百世師大道久鴻濛顯晦在此時心
齊而坐忘子淵名沉思忠恕本一貫參也魯得之中庸
明性教千載未可期苟非私淑人仁義將安施淵源固
有自今古常若斯所以能自信抗言文在茲

擬太白登謝眺北樓

孤城一眺望平楚正萋萋春穀流泉暗陵陽落日低寒
雲隨宿鴈暮靄失前溪坐嘯懷人遠狂歌度水西

結交行

結交須結清虛子芻狗萬物皆糠粃結交須結無名氏
不爲人驅渾生死范張死後見交情管鮑生前露知己
君不見羊角哀左伯桃此道今人付流水

張應隆

〔府志〕應隆字子德華亭人副使縉之子弘治辛酉
中式

送姚程夫之南安

驥淹養校擅才名終見風雲足下生冰蘖操持真古道
詩書事業邁時英東吳舊說宗乘遠江右今看正學明
〔袖斯文〕非小任一時豪俊藉陶成

張承憲

〔方志〕承憲字監先華亭人嘉靖辛卯舉人甲辰進
士爲行人賜一品服使朝鮮又兩使親藩皆却其
饋還南京吏科給事中時邊吏請聽北部以牛羊

易米豆上疏曰是益驕彼而示我弱且虜何厭之
有今姑欲緩寇捐民所食後復有請一不副寇如
故也條五不可狀得不果易值外計疏言宜止科
斂禁賄賂嚴舉主之罰重部院之權又疏請久任
以責成功撫臣不宜數易詔皆從之倭寇東南請
敕兵部發兵往援度寇之衝設海防叅將定軍令
計兵食爲戰守備又請敕浙直撫臣招還其民之
從寇及嚴禁其導寇者又請薄賦稅練鄉兵卹被
寇之民丁艱服除改北乞遷葬歸卒年六十七雲
間志畧白灘張公以行人使朝鮮王見其狀貌歸
藏魁杰雙眸炯炯若星大加敬禮宴時出高麗紙

數幅乞言援筆立就詞翰雙絕王益敬禮之所贈
皆奇珍一無所受爲南給諫數上封事多見採納
所著有端諒堂集百餘卷讀之皆盛世文章也

登泖塔

縹緲層波一柱懸丹梯遙躡鏡中天風前白破羣鷗夢
雨後青收萬雉烟幡動橫空牽行帶僧歸隔岸上漁船
扶筇不盡登臨意欲踏金鼇最上顛

月夜遊泖湖

載酒浮槎入混茫荒荒落日滿河梁洪濤忽湧空中雪
白鷺遙翻水上霜四望波光涵灝月獨懸塔影照滄浪
恍疑身入蓬瀛境把盞臨風思欲狂

松風齋集卷十六

光

送姚鴻臚龍泉謁告南歸

爾下彤廬直言歸鮭菜鄉春風燕子小秋雨稻花香行
藥城東寺攜壺野外觴何如騎馬背終日向人忙

張昂之

郭志昂之字匪激號冷石華亭學萬厯戊午舉人
天啓壬戌進士廬陵知縣南京兵部主事歷任保
寧知府廬陵縣志張昂之性介特恤下而不阿上
時有某紳與直指有葭莩之親以訟事求下縣鞠
直指曰不可張令執法者也當移司李紳固請之
遂下縣昂之一一按紳以法無少徇太守林奉檄
索正供驟命一戶胥封縣櫃昂之曰是紕我也即

拂衣驅家屬登舟納印於府守自臨縣引咎曰某
過也乃復入署先是魏璫禁僞學排鄒忠介迫令
撤白鷺書院昂之姑徐徐應之易名鄉約所迫屢
承密劄慎毋貽當道不測昂之削牘抗論連不得
請勒限追價勉那帑金三百裁左右號房塞責所
祀先賢木主大張絳亭鼓樂送入景賢堂手書告
文感發忠憤見且聞者無不墮淚客諧偶鈔張冷
石爲保寧太守歸年甫踰壯絕意仕進讀書飲酒
口不談戶外事真高人也後寄棲於郡北之息菴
自稱六銷頭陀

登金山望大江

松風齋集卷十六

明

平

孤峰直插大流中吳楚歸帆挂斷虹風動海門翻白日
雲連漢渚墜青空石梁潮落鼉鼉見天柱波浮星斗通
遙望秣陵多紫氣芙蓉十里映江紅

張明正

方志明正字公甫華亭人嘉靖乙丑進士授南京
禮部主事轉文選清慎精敏不私非人王太宰本
固林少宰煉恒器重之已出副滇憲轉粵東太參
粵故盜藪刻日捕其魁湯馮輩而更於土曠處立
堡募卒且耕且守又濱海多浪於菟二蛋世盜珠
爲業爲決策一鼓縛其帥遷蜀憲使轉本省右轄
所聚粟半供軍需率爲司庫所耗督府下議輸金

錢代粟獨爭不可曰粹有軍興得無虞轉餉乎俄而松潘馬湖告變賴以足兵食又議罷鑄錢蜀人德之轉貴州左轄丁母憂服除補福建閩有陳紳者竄倭還聲言倭即入犯明正徐徐曰此詭張聲勢希遁入海罪耳立繫之後果妄既而入覲途次得太常卿報事竣即翩然南下嘗曰吾以布衣致位二品踰涯極矣卒年七十弟明化戊辰進士性狷介詩酒為樂不事生產兄弟友愛無間言孫賓選藏選相繼登賢書馮元成集公副憲滇中時有品京卿也不久當病必至大漸但公素忠厚災星不替盡其數未幾公果病絕粒數日醫者束手三司為治後事顧見蔣訓成片之曰汝向謂張公至京卿今氣絕矣奈何曰張公不死夜半必生生

松風集卷三十六

明

三

且勿藥三司性之至黃昏訓語張僕曰試揣若主曾次必溫僕揣之果微溫已漸及於頭面手足至子刻公果蘇呼曰蔣訓在此否乃趨前曰公自

咏玉蘭花次韻

名園結構信幽居徙倚臨潮意豁如花發瓊林清獨勝影翻玉砌艷偏舒珠簾月映光移座銀幌風飄香滿袂翹首開尊同玩處頓令逸思欲凌虛

公墓在吳滙之南泖港之北自南鄉入郡者舟必經焉余室為公雲孫女丙寅冬葬室人之曾祖祖於公墓之時時登立堂松楸碑版無恙也乃丁丑歸里數年忽成芻牧之墟茫茫烟草華表鶴歸能無恫惻歟

者誰復知張太常墓乎公塋為明慶元令馮公大受曾孫塋為施公紹慶浙閩制府維翰父也

張肯堂

明史列傳張肯堂字載寧華亭人天啟乙丑進士授濬縣知縣弭盜安民大著聲績崇禎壬申擢御史明年春賊陷鳳陽條上減賊五事計慮周悉時不能盡用俄以皇陵震驚疏責輔臣不宜作秦越之視時給事中范淑泰劾大學士王應熊納四川巡撫王維章賄帝不問肯堂言淑泰糾應熊行同盜跖而應熊之辨不當操同曾史是非熾亂祈至薄廷鞫無留疑案滋朝端聚訟應熊憤抵言諸臣

松風集卷三十六

明

三

不過欲逐臣及維章俾同黨盡據中外要地帝亦不問出按福建數以平寇功受賚還朝言監司營競紛紜意所欲就則保留久任意所欲避則易地借才今歲燕秦明歲閩粵道路往返動經數千程限稽遲多踰數月加一番更移輒加一番擾害今郡守非三年不遷縣令非四年不召何獨於監司而忽之帝是其言十二年十月楊嗣昌出督師肯堂奏言從古戡亂之法初起則解散勢成則剪除未有專任撫者今諸臣以撫自愚一悞再悞至於三四熊文燦已矣輔臣膺新命而出賊必仍用故伎伴搖尾乞憐而失事諸臣冀掩從前敗局必多

方熒惑仍進撫議請特申一令專務勦除有進招撫說者立寘重典況職渠散黨明旨昭然欲取渠魁數十萬衆中豈能兵不血刃使自授其首哉三面宏開俟張獻忠俘馘後可也帝以偏執臆見責之十四年四月言流寇隨城破邑屢陷名藩中原形勝地往來縱橫如入無人之境此督師嗣昌受事前所未有目前大計先在釋嗣昌之權觀其邊巡二年喪師殆盡小醜視之蔑如矣上慮譴訶之及則欺飾日深外憤威望之輕則乖張日甚寧止無功抑且生變嗣昌一日未撤封疆禍一日未已也疏奏帝不悅而是時嗣昌已死矣十二月復言

明倫彙編 家範典

卷六

五

今討賊不可謂無人巡撫之外更有撫治總督之上又有督師令各辦一股賊位號雖殊事權無別楚自報捷豫自報敗甚至南陽失守禍中親藩督師職掌安在試問今爲督師者將居中而運以發縱指示爲功乎抑分賊而辦以焦頭爛額爲事乎今爲秦保二督者將兼顧提封相爲犄角之勢乎抑遇賊追勦專提出境之師乎今爲撫者將一稟督師之令進退惟其指揮乎抑兼視賊勢之急戰守可以擇利乎凡此皆繫一切置不問中樞冥冥而決諸臣瞶瞶而任至失地喪師中樞糾督撫以自解督撫又互相委以謝愆而疆事已不可問矣

帝納其言下所司詳議肯堂所條奏切中事情大率類此十五年請召還建言譴謫諸臣詞旨懇切帝下所司吏部尚書李日宣都御史王道直等核上四十三人帝取諸臣去國原疏召輔臣面裁議乃復給事中陰潤李清劉昌御史周一敬官餘不用肯堂旋擢大理寺丞頃之以右僉都御史巡撫福建福王立遣兵入衛南京破總兵鄭鴻達擁唐王聿鍵入閩與其兄南安伯芝龍及肯堂勸進遂加太子少保吏部尚書曾櫻至言官請令櫻掌吏部乃易肯堂掌都察院肯堂請出募舟師由海道抵江南倡義旅而王由仙霞趨浙東相與聲援乃

明倫彙編 家範典

卷六

五

加少保給敕印便宜從事擢文選郎中朱永佑爲吏部右侍郎福州推官徐孚遠爲兵科給事中從行二人皆肯堂里人芝龍懷異心陰沮之不成行順治三年王敗死肯堂飄泊海外六年至舟山魯王用爲東閣大學士八年

大兵乘天霧集螺頭門定西侯張名振奉王航海去屬肯堂城守城中兵六千居民萬餘堅守十餘日城破肯堂衣蟒玉南向坐令四妾一子婦一女孫先死乃從容賦詩自經永佑字爰敬崇禎甲戌進士授刑部主事改吏部罷歸事唐王後至舟山被執頭爲備乃被戮大名府志雲半山房在大伾

山東巖竇竇亭在雲半山房南俱知縣張肯堂建

大學士成靖之寄題詩曰黎陽治在山之間大佐
浮邱戰兩鬢挂頰朝看嵐氣爽據牀晚對一屏閒
軒亭特起宜清眺琴鶴何須襲舊顏仰止有年今
寄訊可容蠟屐破苔斑南吳舊話錄張華亭肯堂
在閩與擅政者議不合遂僧服入普陀山隱焉及
舟山不守北向叩首將就縊僕報門人蘇兆久已
縊齋廡乃復出取杯酒奠之曰蘇君待我轉至雪
交亭諸妾周氏方氏畢氏及媳沈氏女茂漪爭先
懸梁間公顧而大笑繼之以泣謂僕曰汝輩雖不
幸見此然一門就義彼此眼目亦自灑然乃就縊
亭之中梁婢僕同死者二十有七人舟山始末張

松風齋集卷三十六

明

三

鯢淵爲人端重寬和不苟言笑威容儼肅望若神
明然能謙恭下士愛花竹善圍棋賦詩飲酒與人
流連不倦初任濬縣令流寇充斥所至郡縣悉遭
焚掠公以恩義撫慰士民設法防禦至身先赴敵
無不摧敗鄰境亦賴以安遠近畏懷號曰張掙子
崇禎十五年巡撫福建時漳泉間山賊數萬出沒
擄掠官軍不能制公親按行或擒或撫踰年悉平
莊烈帝被難幽問至率士民痛哭將興師討賊會
福王立於南京而止乙酉秋福王復歿乃事唐王
於閩改元隆武丙戌春王奔延平公留守福州凡
所措置鄭芝龍悉沮之乃解兵柄力辭留守之任

八月延平失守報至立散遣姬妾微服間行將訪
求王於東粵已而平海侯周崔芝自浙還知王已
敗歿於汀州力請公同事遂駐海墘山招徠忠義
遠近響應丁亥春募義而至者益衆公悉出私財
給軍資有衆千人船五十艘周漸有忌心遂於三
月十八日別之而北六月至舟山魯王自閩北還
嘗以書招公公愧從唐王不終力辭不赴己丑九
月王至舟山強公爲相不得已拜命雖地狹人少
而法令紛紜事甚繁劇猶不廢詩酒後

松風齋集卷三十六

明

三

大兵日迫人有勸公他圖者公曰我已計之審矣昔
爲閩撫義應死封疆所以不死者以隆武存亡未

卜也後知魯國主在亦高皇帝子孫也因留不死
以事之今惟以死待耳何他圖之可爲辛卯八月
廿一日公在舟山圍城中惟日咏詩并作絕命詞
數章粘於壁九月初二城將陷乃衣冠向天拜曰
肯堂今日無君可事矣取印劔投於河就中堂自
縊妾四人從旁俱縊公初至時因城北隅有陳氏
廢圃多梨杏修植之創草亭於中扁曰雪交歿後
移屍其下焚而藏骨焉儒生蕭賓侯松郡破不從
名錫爵者渡海而南寓舟山僧舍辛卯秋大兵
攻舟山垂破蕭詣張公鯢淵寓見方裂帛蕭曰請
假一尺縊可乎遂同日自縊臨訣以四語呈公曰
得髮存華夏投縊了死生男兒各有志義重此身
輕乃假一帛就外舍曰請爲公先行當報冥司主
者近公也公視其絕乃移屍雪交亭中後并公屍

同焚焉賓侯一作寅侯又有張文炳初置皆松人
從公作標官護公孫茂滋不得脫見殺於亂兵又
有張俊者公僕也時隨公者尚數人臨難皆奮卒
命絕後若輩持此各自買命可也俊獨不受曰衆
皆去則主人於冥途誰爲事者俊不憚先嘗之也
乃別繫於廡下
與公同盡焉

九日同僚佐登大伍山即事

暫謝塵樊作野遊秋容如水淡雙眸空潭影拂蒼巖靜
葉聲聞古洞幽卧閣何妨酣一日停車絕勝飲三駟
督郵去後黃花發傲向雲溪自署侯

筍輿到處是山家霜葉紅紅欲作花伴爲入林皆惠遠
譚能出世總烟霞月明交映藤蘿合醉步多忘石徑斜
此夕幽尋不成寐城烏啼曙復朝衙

挹浮亭成遇雪次坡公韻

閒看飛雲巧關纖凭高却耐凍雲嚴萬家玄圃初堆玉
千里萼萼忽下鹽曉色渾迷仙鶴望寒花低壓研綃簷
漫誇雪嶽懸冰署記取浮峰昨露尖

千林寂寂不聞鴉遠眺疑登四望車山譜閒雲新對榻
亭開玉蕊亂飛花荒煙凍樹難分色酒盞茶牀欲共家
好景臨摹誰得似鷺溪一幅畫方叉

石牛驛

振飛兵備鎮公縣南一百十里直指路公
各一首崇禎戊寅直指張公肯堂按汀次得
十咏弁以首引一種軫艱卹疲之念鶴然賴
表當作開西易牧
圖以上報採風美

每遇驂停輒披壁句因復效顰續得十律

歷盡山城到石牛人言賦象此名郵關疑函谷淹仍度
野似桃林放不收喘月空嗟筋力憊鞭霆忍向瘠瘠求
江鄉四月村村雨賣劍深耕那費籌

緣坡幻出石爲牛戴笠乘車共一郵鏡吹喧林凌曉發
蓬聲穩背夕陽收却疑河鼓星初墮或有青泥髓待求
最是紅塵能白髮漫言服食可添籌

吟咏新詞和放牛因耽徵事滯星郵探心暗任登孤巧
決鼻玄從塵尾收即墨衝堅千燧出蠶叢鑿道五丁求
驅耕轉饗皆非易畢竟金城是勝籌

誰裁鴻藻解全牛忽擬絨題寄遠郵晉地能言呼欲應
秦鞭若斷汗堪收草低敕勒山頭見木落黃陵廟裏求

每念鋤犁供玉粒無端肉食媿紆籌

使者乘槎欲汎牛支機有石在荒郵頑膚剝蝕莓苔長
幻質精靈雨露收去日皮毛空欲盡經年冠蓋復相求
東南力竭今如此廊廟何人佐筆籌

路繞新羅問石牛老農笑指是前郵朝霞散綺如文被
野蔓繁青作剏收索笏難消顛米拜傳神合向畫嵩求
鬱林穰旱雖堪異未許先鞭擬奪籌

恠底津亭號作牛絕無款段飾傳郵雖然衡軛原齊駕
未必超驥果中收驗術占青如欲起微神享白竟何求
石田若也堪穠裝爲叱犢賦代唱籌

才謝袁宏笑倚牛挑燈索筆更書郵草青隴坂春長卧

雨綠平晴暮采收縱重豈廢劉表蔡不鳴誰解葛盧求
因悲夜半商歌者候吏無煩報曉籌

星霜閱盡道旁牛豈以天涯不置郵踈處誰田牽未奪
眠來何穴定難收頌春詎逐勾芒換祀夏空將繭栗求

桑柘陰陰聊問俗敢輕謀獲野人籌

體物難工況詠牛新詩錯落徧題郵繪來班特形全肖
詣出流離景盡收擬采方言陳牧夢因懷妍唱見嚶求
詞壇執耳諸公在寧但麾幢避一籌

松風餘韻卷二十六

松風餘韻卷二十六

明

張

松風餘韻卷第二十七

目錄

明張希曾 五首

張汝開 一首

張世美 一十五首

張德讓 二首

張允孝 二首

張黼 一首

張之象 四十三首

張所望 一首

張所敬 二首

張昉 二首

張岐 二首

張希文 一首

張鸛翼 一首

張其琛 一首

張一鳳 一首

松風餘韻卷二十七

胥浦姚弘緒聽巖編次

張希曾

雲間志畧希曾字唯卿號隆陽華亭人少而孤貧育於兄嫂兄嫂虐待之島夷之亂伏匿田間夢青衣道人扶其首趣之入城覺而亟走賊尾其後由間道得脫縋城而上依外戚孫氏以居再歲補諸生試輒冠多士康於官鄉先生莫方伯姚參知咸折節與交徐司空之侵學基隙地其復也實爲倡首居恒讀書每至永夜深更多著述吟咏課諸子極嚴長子沐嘉以甲午乙未聯捷令江右之宜春

松風餘韻卷二十七

明

考滿賜恩以榮所生時年已及艾恩綸至第北面稽首謝及本嘉卒於任始就章服焉每與鄉先生輩結詩酒社觀燈賞花玩月踏雪俱有賦優游自樂卒年八十有三

春日赴王學憲元翰社飲時久晴得雨即席共作喜雨詩

青陽滋物待甘霖喜見今宵雨色深乍點寒梅輕潤玉微沾新柳暗舒金共看妙舞春情艷莫訝酡顏雪鬢侵坐有耆英高洛社一時風雅擅山林

和王學憲癸丑除夕原韻

甲子仙家不記年春陽正助日高眠風標劉阮堪爲侶

才望楊盧總讓前花繞辟疆林外景燈燃天祿杖頭烟紛紛宦海沉寔者誰似晴牕檢舊編

甲辰元日次洪洲除夕詩韻

老去逢時喜遇春林泉幾見髮如銀乘閒載酒須行樂對景看花正及辰霏玉片言摩詰句調羹千里季鷹尊街盃幸結耆英社歲歲新年醉舊人

沈幼漁招飲次王學憲韻

喜得閒身傲五湖花間竹裏醉行厨漫誇洛社無狂客爭識烟波有釣徒檻外芳菲應共惜世間牛馬任人呼夕陽無限風光好莫訝桑榆日易晡

壽王洪洲八十

松風餘韻卷二十七

明

二

安車遙望貴江城聖主思賢重老成烏府名高真御史公門春徧楚諸生千秋渭水經綸壯一卷名山著述精元日春迴天啟瑞佳辰歲歲會耆英

先生負高世才有子成名必欲自奮青雲不屑爲貴人父既而蘭摧玉折觴咏自如襟懷浩蕩鍾而溪後一人而已詩篇瀟灑亦在伊呂間兩先生正堪合傳耳泖塔記載萬厯己丑立夏前一日先生偕學博黃叔範九章作泖湖遊有人醉千杯酒天留一日春之句時同遊者周顯叔道光王伯寅時亮顧立成世能張虞侯重華陶伯昌廷俞周仲翰世蕃黃仲靈應麟董伯茂玉樹呂伯聲大章王仲

美克讓唐元肅憲章湯禹卿宗舜倪蕪之達善毛
君鏡文穎皆弟子負也其中豈乏詩才乃滄漚集
外惟伯寅之名見於沈侍御石樓贈詩惜哉附記
姓氏不勝磨滅之慨矣

張汝開

〔郭志〕汝開字伯元華亭人萬厯乙未本嘉子己酉
舉人南京國子監學錄懷慶府同知禦流寇保武
陟修武溫縣有功

東湖社集分得風字

京亦憐同調留霞觀水紅句爭孤刹峻嘯徹夜湖空碧
問酒中月香分衣上風醉還聞細語老不讓人雄

張世美

〔方志〕世美字濟之華亭人以恩選入太學歸而涉

三

歷山川流覽古先聖賢遺蹟作述征賦躬耕泖上
淫雨濱田禾農人無以卒歲作憫農賦以詩古文
名家謁選得浙江按察司經歷僅十月不耐折腰
自免歸惟與詩人王鶴坡陳東野諸君結社倡和
若馮南岡沈鳳峯楊抑齋周萊峰諸公皆推轂之
居恒苦節不屑以一介干人惟閉門著書吟嘯自
適所著家藏集手輯成編詩凡八百首文凡百五
十首刻成而自爲之序

遊秦山

倚棹沿曲溪杖策緣絕壁憑高挾眺眄選勝恣探歷松
巖落長風雲磴饒峭石瑤草布長生坑陷土沙白南望
康王城滄海蕩雲日吁嗟祖龍駕東巡住行跡我來莽
何在鶯花媚春色撫景心踟躕弔古意悽惻把酒月上
遲盤桓日將夕乘興意茫然林鳥歸飛疾

秦山仙人洞歌

吳南崖所開

秦山有石洞云是仙人居外隘僅容人中窺信有餘洞
庭聯絡潛自接華陽窈窕深相紆仙人一去秘靈迹洞
門嵯峨障巨石或傳居民昔避亂移家正脫黃巢日千
年靈異豈終塞發石開通果誰力秦山山人有緯圖壯
志航麟雄萬夫獻書北闕時不達遯跡南崖與自孤長

松風齋讀卷十七

明

四

絙縛石時一呼笑拍兩手衆來趨雷轟電掣洞門闢須
臾自有神靈扶吾觀洞門奇自見青霞紫氣紛相繆福
地還將林屋窺洞天豈必張公羨棋枰酒榼日追隨芒
屨藜節互遊行溪迴誤認武陵源舟來多溯桃花片此
洞標名本屬仙祖龍望野亦當年查公丹井前峰近松
子遺踪後寺連山人前身疑亦仙千年復來異事傳鳴
呼不有鬼斧五丁力掘石排山豈偶然

織布詞

寸紗尺縷自紡績車經架刷趁風日朝來喜得上機軸
佳人不厭當牕織當牕織急生計口食相關殆非細泖
上有田歲不熟日資一匹聊給濟朝織暮紡勤所爲機

聲軋軋猶嫌遲阿婆近前催迫語隣家易米待同時

傲園何良俊別業

日轉青蘿壁花明寶露臺高樓時偃蹇長嘯獨徘徊天
靜鶴雙唳人閒僧獨來本爲潛隱地劍氣夜衝台

期於莫方伯園避暑

溽暑無能避幽棲憶水湄山堂臨淥沼虛幙捲涼颼勝
其非須酒閒情但較棋科頭趺坐久思與故人期

泖塔

曾聞海上說龍宮塔院今開泖嶼中月影微茫涵水澗
珠光搖蕩滅濤空燈然夜話蓮花界磬發朝聞荻葦叢
物外煙霞眞隔世繩牀我欲問禪翁

定光寶藏二寺與海慧寺轉屈相並門徑幽寂

因過有述

一徑幽深薜荔叢佛樓突兀倚晴空小橋烟水楓溪接
上剎雲霞海慧通慈竹迎風喧聚雀蒼藤挂樹曲蟠龍
僧貧避事門常掩誰道尋幽客興濃

和沈鳳峰太僕眞率園自題韻

早向清時自乞身亦知林壑正須人天邊鴻去誰爲慕
海上鷗來自可親楊子解嘲還說客班生答戲託爲賓
不緣勢分輕軒冕豈得緇衣謝洛塵

辛卯四月同莫中江學憲袁太冲比部遊塔院

分韻得西字因貽月泉上人

勝尋水宿出城西谷泖微茫路不迷孤塔浮空方嶼遠
羣峯飛紫落霞低平臨景物晴光轉低眺風煙夏色齊
多事來遊爭感慨後期重繼壁間題

次韻再題

春盡尋湖迤郭西玻璃千頃望中迷白衝烟鳥窺牕小
翠滴晴嵐壓酒低標湧中流禪境異波傾萬象鏡天齊
遊何異南湖汎尤愛郎官醉後題

再咏泖塔

樹裏高標雲影孤長天遠水轉模糊潮回畫檻還撞擊
日蕩珠光乍有無泖上烟霞盤法界東吳形勢看浮屠
老僧理梵渾無事去棹來帆閱歲徂

細林山

春日登山自細林孤峰聳鬱快幽尋碧桃花落瑤壇淨
綠荔香生石路深雲氣常從幽洞出月光偏爲古潭臨
仙人一去無消息白鶴歸來嘗好音

喚鶴灘

在谷水東鶴飲其水其聲乃清

胎禽來東海清喚滿華亭明月空灘畔依稀夢裏聽

吳王獵場

獵場古吳壤君王恣遊囑異代蔓草纏寒烟空滿目

浴丹井

在查山

憶昔看山逸興生興來今復看山行石泉尚識丹砂舊

寺榜猶題松雪名

山有古剎仁壽禪寺趙松雪書

張德讓

方志德讓字士美華亭人受書法於陸文裕公規摹北海絕有風格莫万伯子良亦推許之以跋足棄舉子業作病鶴賦以自況常乘肩輿過親友家竟日流連乞書者恒滿絹素堆積遇飲微醺乃濡毫染墨使兩童對曳前立不着几案揮灑立盡亦善繪事所製詩篇多淒其蕭瑟以無子多散佚不盡傳雲間志略上海陸文裕公深書法妙天下西鶴往師之公命先寫一幅來看西鶴即提筆走書文裕曰誰人在我面前提得筆起來子可教也悉以秘訣授之

嘉樹林

嘉木鍾山勝龍蟠秀古林雨窗穿石溜楓葉下秋琴岫
暝知雲合猿驚忤客尋醉魂吟獨醒寒竹坐來深

寄吳江父

見墨蹟有印章云吳下張西鶴

天末遙山鎖翠痕野烟踪跡斷孤村傳心欲向微波語
只恐春潮不到門

按西鶴係南昌別駕元澄之子元澄字靜六號東山弘治甲子中鄉試以能書薦預修孝廟實錄時逆瑾遣小閹索楷書不爲禮畚補南昌倅宸濠反公不爲呼捕之幾斃羈儀衛司王文成平賊以功奏加三級擢用俄丁內艱往閩中乞銘卒於塗書

真草並佳與東海齊名高麗國購其書畫有南安太守南昌倅東海東山配兩翁之句

張允孝

雲間志略允孝更名初字太初自號貞白道人束髮受舉子業爲邑弟子員至毘陵師薛方山先生盡得其理學宗旨而命薄數奇坐病中廢又遭父喪乃掃沙岡墓廬顏之曰楓菴取風水以志感也嘗示其子曰吾以病瀕於死者數矣死便埋我於此因口占一詩其放達如此道人生無他能惟涉獵書史游戲書畫書法宗孫過庭畫筆宗惠澤伸紙潑墨自是可觀爲貧困飽繫一方九峰三泖歲

或歎其以舉其興晚年寂無異物隨室蕭然第課童灌園持塵拂几而已與人交每每吐露情實無貴賤少長亦無冷熱疎數以勢臨之屹然不動其自贊曰濶達不拘疑於狂子立無與疑於狷敢負中行豈曰鄉愿寓形塵壤心遊乎太初志樂林泉終身而貧賤者耶方志允孝少游文徵仲之門工六書善繪事璩君瑕其弟子也家貧長如禁烟無一字外干四十年不踏城市陸文定同筆硯嘗指爲雲間伯夷老而好學手不釋卷大畫日撰生壻志竟以貧歿所著有楓菴漫錄貞白詩舊雨編馮元成集漢陽孫太守雅與張貞白山人善貞白素

甘約不受餽太守四時製衣一襲贈之輒拜曰此
賢者惠也

橫山小赤壁

萬仞危崖勢欲傾九峰環列翠屏橫霞標樹杪開丹壁
日落山頭見赤城絕壑泠泠風似雨疎松拂拂畫長晴
陸家雙壁今何在月滿平原鶴一聲

口占示子

裸體誰云似戮屍古人達識我堪師不然就裏施牀席
單被蒙頭學趙岐

張黼

雲間人物志黼字仕欽號養恬上海人登成化丁

未進士任南京刑部主事歷官外郎中凡五考以

應天府丞致仕黼精於律法有大獄輒與司寇力

爭至欲投劾去官不少徇每遇疑獄必焚香祝天

忘寢食以求其情常歎曰讀書易做官難做刑官

尤難其敬慎如此致政歸布素自如未嘗擴寸地

非公事不入郡邑生平慕趙閱道司馬君實之爲

人年七十八卒雲間志略張養恬宋南軒先生之

裔國初舉賢良貴溪令詢之孫刑部郎中詔之子

苦志讀書五十成進士官留都刑曹時子鳳鳴官

南臺一日相值於途鳳鳴下馬立道周他御史疾

馳去公歎曰我老矣安能與兒子輩爭道而驅哉

遂致政歸公之幼也夢神手書府丞二字示之莫
解所謂及請致而有府丞之命其夢乃驗震澤長
語進士松江張黼言於余曰黼未第時常夢中有
人言若登第在狀元前覺而思之豈有科名先狀
元者吾殆無科名之望乎及丁未會試名在十五
鉛山費宏名第十六宏狀元及第計夢時宏尚未
生也又志畧張杏園年沒黼寄誄章輓之有守道
已無干祿志著方多見活人心之句

對月

明月照我懷我心如明月我心無轉移明月有圓缺

張拙

上海縣志拙字汝吉

一字思謙

能詩善篆隸隱居

不仕陸文裕深引爲社友讀白樞詩其風操可想

矣

白樞和儼山

懶隨宮女候羊車欲嫁潘郎髮已華誰向上林承雨露

自甘僻壤飫煙霞幽情肯許題紅葉淡影長教占白沙

却笑阿嬌金屋貯最深恩寵不藏瑕

儼山得此詩咏歎
擊節取爲詩社冠

張之象

明史列傳葉之象字月鹿祖董湖廣叅議父鳴謙

順天通判之象由諸生入國學授浙江按察司知

事卒年八十有一上海縣志之象字玄超屢試不

第乃發憤治古務囊括百氏成一家言詩爾雅冲
淡興寄寥遠文出入東西京不作晚近語海內學
士大夫號稱宿碩無能傲之以所不知晚從祿仕
得越憲幕職性偃蹇不能脂韋遂投劾歸閉門却
掃室常罄懸羣籍紛披几案間分目研討客至不
能布席上海令顏公洪範聘修邑志品敘詳雅卜
築秀林山往來夷猶遂忘歲月所著有剪綵荆鴻
聽鶯避暑題橋倚闌擊轅佩劍仙隱林樓諸藁所
輯有太史史例史記發微唐詩類苑新舊注鹽鐵
論唐雅回文類聚等篇他如叩頭蟲賦譏諂嫉邪
尤關世教云子雲門孫齊顏曾孫蓋臣先後登隆
萬鄉薦傑有文學聲雲間志畧張王屋從諸生徒
業成均勉從祿仕為浙之憲幕官非所好賦庭鶴
以見志有那堪鐵羽向雞羣之句遂投紱歸嘗憤
後輩師今謬古為譚藝篇以示箴所輯有詩學指
南韻苑連珠韻學統宗詩紀類林楚語楚範楚林
楚翼諸書總之不下百千卷又有史記評林費幾
年精力始就客僂得而贗刻之當路者欲罪其人
其人惶恐以百金為壽笑而却之嘗渡泖中流風
惡舟中皆失色公神宇恬然口占云暗想平生何
所懺三晨晏起一科頭危坐畧不為動據目抄王
屋為人體貌偃僂如不勝衣而剛腸勁氣獨立物

表與人交不以盛衰為軒輊單門後進少有拔俗
之韻必多方延舉其敗名傷檢者即顯赫亦擯斥
之邑有董氏者其後輩貴盛慙直而尊行某故構
机人偃然執分自倨其後輩不能平遂指為張姓
訟而斥焉公心異之為賦一詩云秦廷未省非張
祿漢室原知是董生相傳以為絕倒後訊者竟據
此剖其事性不偶俗獨喜閉戶著書牀頭擁千卷
終身不識銖兩會計以故家徒壁立邢子愿東魯
逸才生稍晚意公已化去後行部至松喜公尚在
數訪之里巷為置買山錢若干晚卜築細林山麓
其地多怪石清泉烟樓水榭叢竹茂林及諸仙釋
名蹟皆封薛沒舊無物色者一一題詠遂為山林
生色閱耕餘錄王屋公初入都謁選時世廟方事
玄修諸臣競以青詞媒進徐文貞素知公才諷使
為之中翰可得也公曰為我謝相公張生豈作青
詞者耶文貞聞之不懌公竟選得浙之臬幕及之
官同邑秦少說為僉憲待公頗峻又數以筆札役
公公曰士即一命當以職事自效何能為捉刀人
遂飄然投劾歸

四賢詠四首并序

松郡昔本吳藩實鎮東土大海前環九峰後
峙孕精炳靈篤生多傑彬如粲如鬱為文林

張朱顧陸盛在三國之世代歷選彌節詠難
評乃其著者若得指論李鷹劍道於咸寧二
俊揚波於太康希馮踵武於天嘉雲蒸颺起
弈世間作挺秀山川有輝開里所謂翰林之
準的後進之領袖千祀以來未見其匹也余
世家茲土少習舊聞每誦其文嗟賞不輟尚
慕先民恨與異代悲大雅之弗作慨南金之
已盡浩焉興懷遂有此撰雖莫效晏子執鞭
之役亦輒附軻氏私淑之義時大明嘉靖丁

酉歲十月九日

晉司徒掾張翰

季鷹性曠達本自山林人浮生貴適意何物羈我身命
駕凌秋風拂衣還海濱野膾戀瓊鱸溪羹甘紫蓴一杯
幸可託千載寧足論黃花有遺唱情素藉此申

晉平原內史陸機

士衡太康英雲津駭龍躍倫淵才弗殫喻海辭亦博談
文枚馬徒擬古王劉作張華分已投葛洪賞無忤功崇
不返吳任重猶羈洛悽惋成都牋悵歎華亭鶴

晉清河內史陸雲

士龍秀雲間弱齡弄篇翰像岸旣環偉辭鋒亦炳煥嗜
學類類回欽賢準姬旦弘靜世所宗機神衆彌憚抗議
干白日著書烟丹漢令譽方哲昆多才祗排難

梁黃門侍郎顧野王

希馮東南美實爲海內傑博識傾當年麗藻嗣往哲天
儀炳繁星地記窺玄穴龜墨乃神解鳥篆非浮說賦日
已驚羣圖賢亦誇絕持抱翊王心終建征侯節

謝臨川遊山

客行曠登覽羈心展遊陟裏糧度瑤岑振衣尋石室源
深洞屢迷逕險巖逾密重林散輕霧絕壁映初日鳥鳴
識節變草綠知春及天桃始發溪倚蘭漸盈澤採藥遵
靈邱援蘿入幽谷緬邈隱士居想像仙人宅朝窺鸞鶴
迹夜聽猩猩泣水鏡含清暉松門帶暝色近澗虹文丹
遠峰嵐氣黑雲歸影難留泉飛響易急觀竒道轉遠探
異情未畢候月弄澄鮮冷霞羨高逸適已物自忘達生
賞無極終然得所遺儻值同懷客

春日遊燕子磯次浚川王公舊韻

古稱秉燭遊行樂恐迨暮策駕尋名山居然得真趣晨
宇開霽旭熙陽斂昏霧雲錦被竒峰水鏡涵芳樹眷茲
風日佳開觴藉蘭杜頗懷披襟友諸美難具晤流鶯稍
出谷飛花已盈路徘徊意未極倏忽春將去勞生信轉
蓬浮景促零露暢哉人境外屏跡遺世故勿爲京洛士
緇塵染衣素

溪山足形勝綺繡互盤錯久違獨往願始赴幽人約晴
光麗郊原佳氣橫江閣振羽思奮飛從風且淹泊林繁

翠露升巖迥朱霞落窮觀水國遙縱望烟霄濶志慕
高賢清音漸繼作世界橫紛擾物理任豐薄翩翩浴渚
鳬渺渺凌空鶴洞室想靈構川塗訝禹鑿庶此滌煩翳
詎似臨濠樂

秋夜同吳汝忠黃淳甫盛仲交過何祠部叔皮

園亭宴集以秋月揚明輝爲韻

分得月字

宵步城隅迴思凌天關幽林紛務屏曲徑浮埃絕促
席階筍陳徵歌嬌楚越隴鴈度輕颺庭蛸吟皎月珠星
映漣漪玉露團芳潔寸心良不違斗醞聊相悅

和莫學憲子良新理崇蘭館志適

嗟君薄纓佩託慕惟冥沉茲焉葺高館適獲箕穎心豈

以競雕麗髣髴成山林

明

穴羅羣峰環周恣登臨廣庭
鬱蒼蒼松桂垂繁陰涼雨一或至草色淒以深日永有
朋匹載酒聊相尋諧談既云樂亦復理鳴琴仰窺月在
天俯愛風吹襟樓盤不但已開顏方自今

殮英歌爲周逸之賦

棲霞三十載邈絕寰中緣殮芝與辟穀何物希神仙曾
聞張伯詠已誦楚人篇甘谷移來鳴玉水芳籬獨綻黃
金藥陽九欣逢無射秋氣鍾天地純和美魏帝曾傳大
尉書堪憐冉冉老將逋久殮秋菊承朝露輔體延年壽
可扶白日苦易短紅顏惜難駐安期蹈海東萊門入天
柱長跪遇真人授我長生句拂衣長嘯白雲閒導引何

須久閑閑欲識子房遐舉遠夷齊空卧首陽山

過周子別業閉雲館

知君自是塵外人素心久與雲霞親閉居自隱烏皮几
臨風獨岸蓮花巾清宵夢覺羅浮月紙帳殘燈半明滅
坐上常飛硤石雲簷前亂落梅花雪林深不聞雞犬聲
日暮但有漁樵行興來淨几弄筆硯手書道德黃庭成
讀書滿架且爲樂種秫連疇豈云薄結侶還歌招隱詩
耽玄絕勝揚雄閣房櫳窈窕聞且清春山雨後聞啼鶯
村間飽喫青菰飯門外常過載酒盟醉眠不知塵世事
甘作梅顛老此生

關山月

月照陰山外秋高瀚海邊全形方學鏡半影更疑絃久
戍何時滿長征幾度圓望鄉千里思耿耿夢中懸

王昭君

鸞殿一朝別龍沙萬里行夢隨秋鴈返愁逐暮烟生玉
筯風前淚胡笳馬上聲惟餘漢宮月長照妾心驚

出塞

鐵騎向邊州金笳度嶺頭雲黃朝似暮草白夏先秋漢
月懸龍劍胡塵上豹裘只持身許國非是覓封侯

賦得聊贈一枝春送友人作

驛使初逢處花開雪滿林可憐江口笛翻作隴頭吟
喜迎春早人愁去日深採芳聊以贈爲表歲寒心

小齋

蕭條樓白社，髣髴到青門。徑草垂書帶，山瘳代酒樽。披襟臨水面，散髮坐雲根。絕却風塵想，時因靜者論。

罷耕聊騁望，捲釣恣遊盤。古木爲交讓，名花是合歡。綠蘿裁野服，斑笋製山冠。願附翔鴻羽，冥冥宇宙寬。

贈梅墟周逸之

習隱城南外，居然見艸堂。還同修竹徑，不異浣花莊。磊落吟懷壯，淋漓醉墨狂。他時訪君處，須待嶺梅香。

誰復稱高士，梅花只共君。暗香浮積雪，虛館駐閒雲。地僻名偏著，苔荒路不分。孤山應未遠，相語獨無聞。

亂後經故居

鳥鵲飄零片瀟瀟，遠林何處得安棲。萬方多難疲征斂，百戰無功厭鼓鼙。荒徑客歸惟見艸，故鄉人去不聞雞。攜家欲問桃源路，只恐雲深路已迷。

江南感事二首朱邦憲韻

天狼殺氣橫成氛，野哭淒涼不可聞。千里旆旌時掣電，四郊烽火夜干雲。燈城每設觀兵宴，戰壘空傳弔古文。漫說海神能掃亂，望洋烟雨更氤氲。

連年血戰祗堪嗟，百粵徵兵路轉賒。玉帳正臨春月滿，金戈遙指暮陽斜。豈無豹隱翻求犬，或有龍潛却問蛇。

慷慨子房資破產，向誰投畫淨胡沙。

四驛詞

以上已重陽日初在神山

羣英接踵應文昌，世代悠悠歷晉梁。三泖波濤清德里，九峰烟雨集賢鄉。簪纓不墜儀型遠，竹素猶傳姓字香。吾黨敬修蘋藻薦，須期上巳與重陽。

還山留別仲交作

相期意氣欲凌虛，旅舍春風厭索居。末路但存三寸舌，明時不用百家書。昆邱窈窕思棲鶴，谷水清泠憶釣魚。丁暮干將拋酒市，生平結客似專諸。

贈盧次梗

十載圓牆白髮生，壯心憐汝最難平。左驂猶有胥靡賸，鼓吏終成處士名。秋夜九臯聞鶴唳，春風谷口見流鶯。相逢感慨堪垂淚，不獨離羣繫遠情。

城居懷鴈橋別業

苦憶山居似陸渾，地幽無客款柴門。數聲啼鳥林藏徑，一片浮雲水遶村。丹洞畫長披古錄，碧桃春好醉芳尊。提琴擬作思歸引，祇覺淒涼欲斷魂。

題盛仲交園亭

冶城東畔柳青青，愛有幽人作草亭。深入薜蘿成野客，迴開烟霧接仙靈。山中結駟尋難到，竹裏流鶯坐可聽。奈爾著書經歲久，白雲猶隱少微星。

原白製漁查成夏日過市隱園池中臨泛浩歌

羨君高逸涉難同，每借星查度遠空。碧海仙遊曾貫月，滄洲客泛欲凌風。忘機白鳥浮雲外，極目朱霞落鏡中。

玉笛一聲塵境隔只疑身在水晶宮

避地吳興次徐伯臣韻

碧湖風景稱幽居况復江關戰鬪餘世路險危憐過鴈
烟波空濶羨遊魚移家且脫千金劍閉戶休傳五蠹書
邱壑漸深塵不到綵霞終日護仙裾

過仲交館中作

屋光蕭散辟疆園山館寥寥畫不喧問字每來千里駕
下帷應著一家言霧深何處窺文豹水靜無人戲綵鴛
可道清時容隱逸幽棲不必問桃源

送郭次甫遊華山

豪客西征太華巔三峰削出鎮金天星壇了了秦京列

松蘿集卷五

尤

雲障重重漢時連紫氣朝凝蒼嶺上白蓮秋發彩霞邊
景純高跡經行處賦得遊仙更幾篇

送黃淳甫遊武夷

逢君歲晚客天涯訪道名區思轉嘉洞壑重重多古蹟
溪流曲曲有仙家山瓢好貯千年藥野服先裁五色霞
欲賦棹歌無限意月明江郭鴈行斜

松寮聽雪

之象別業在神山其三十景松寮其一也

喬松鬱鬱上參天洗耳中林自灑然風動九霄鳴鼓吹
雨飛三峽亂琴絃奔濤忽撼蒼龍卧振籟頻驚白鶴眠
竊喜陽冰題石在隱居餘韻到今傳

登澄照塔院贈心鏡

香臺梵域迥浮空寶鐸金輪法界雄萬頃烟波涵鳳刹
千年柱石奠龍宮亂帆明滅飛雲外遠樹依微落照中
欲結淨因驚歲晚好談名理扣支公

泛泖次何元朗韻

飄飄一葉蕩晴湖漁子何來遠岸呼帆帶夕陽霜影散
鏡開秋色水輪孤槎如奉使遙臨漢客似思歸正在吳
但借上方窺色界冥心應不羨飛鳬

賣書買山詩

不恨空囊買索無尚餘書卷當青蚨余今自喜專邱壑
覽得天成一畫圖雲間雜議邢侍御子愿雅慕張王屋入榻前矣藥益茶鑄狼籍徧滿不為嫌也問張所欲張曰老人無他嗜惟者邱園因出著賣書買山詩相示公

稱歎微邑令贈買山錢

聽李節彈箏

披帷月底理鳴箏哀調澄於鏡裏冰試使楚王聞一曲
可憐應不數安陵

秦淮漁唱

秦淮烟水碧迢迢雲白天青暮靄消一曲漁歌垂柳外
不知清廟有簫韶

賦得舞蝶尋花

翠蛾紅粉艷春陽一種風流欲斷腸可恨相思飛不到
夢為蝴蝶過東牆

江行紀勝

輕風披拂布帆寬仙客乘舟盡日歡山勢峭爲羣鳳舞
江流曲作九龍盤紅霞正值波間映翠靄偏宜雨後看
欲向中泠探寶露倚天樓閣路漫漫

少峰姚廣文屯兵浦上賦贈

獵獵龍旗拂水雲英雄投筆試麾軍橫空鼓角中流渡
跨海樓船兩岸分紫燕自馳千里志青萍時抱七星文
看獻馘酬明主不論封侯答戰勲

朱少司成象玄謝政還鄉乃翁餘山先生有詩

貽之子與子元過訪因次韻

年來世事苦奔湍早得維舟靜裏看故園且宜聞鶴唳
危機終不到漁竿山中採蕨供親膳海上流霞待客餐

莫信古云交態薄依然門徑有任安

玉河白燕

御溝東畔柳條春天女驚看色更新飛絮乍迷波上影
避風初化掌中身霓裳散采人如玉雪羽凝寒月似銀
愛爾素衣能不染詎愁京洛有緇塵

名山之業不論顯潛有顯而傳者有潛而傳者吾
松文人淵藪即清河一姓指不勝屈若西谷若王
屋抱雋才嗜古工辭章而俱不顯一以恩薦浙舉
一由舍選得閩幕仕也猶之潛也又旋皆投効而
歸諸戶著撰西谷手輯成編詩凡八百首文凡百
五十首亦云富矣王屋所著剪綵翔鴻十稿外輯

注古人之書又數十種史記評林其較著者所存
之詩格調老成音韻和雅直登作者之堂洵可行
遠傳世也所可異者王屋之名至今人猶能舉問
西谷則鮮有知之豈王屋生長貴族有賢子孫而
西谷崛起弓冶無傳莫爲之前後與又豈王屋多
四方之交應求縞紵流譽無窮西谷跼蹐里閭游
揚絕少易於湮沒與皆不得而知也聞之兩先生
持大義敦古道恥爲徵逐行誼畧同謂非有潛德
者能之乎潛而傳與顯者侔矣故名山之業足貴
也兩先生奚翅一郡之文人也耶

張所望

上海縣志所望字叔翹府學萬厯甲午第四名辛

丑進士除刑部主事奉使榮襄靖江三藩餽遺一
無所受出守衢州衢俗囂訟奸民左右兩造間詭
譎競利悉廉得其名閱詞輒知主文者某某即逮
訊窮治剖決若神衢以大治遷副使備兵蒼梧時
嶺表法令久弛至則繕城隍實倉廩簡屯戍若藤
峽崑崙鬼門諸要害無不身歷慰撫窮山炎谷喜
見大吏皆搏顙受約束有羅運樞者阻溪洞殘殺
熟徭乃馳檄諭之遂輸貢爲編戶蓋漢以來所未
賓也轉左江參政隆峒長官黃兆基少子與其兄
遺孤爭襲仇殺累年爲討平之將吏請郡縣其地

不從曰師以定亂奈何斬人祀以自利耶置長而還擢廣東按察使不就起爲湖廣按察使理漕政時兵興轉輸煩亟以積勞疾作解職歸再起山東右布政使固辭不拜生平清羸如不勝衣而當大事力持正議侃侃不阿急人之難無遺力常買一婢詢知爲名家子也撫爲已女擇壻具奩飾嫁之年八十卒所著有梧濤雜佩嶺表遊紀幅貲名義考文選集注辨疑龍華里志方志閱耕錄續錄寶穡堂雜記記方伯張所望著莆陽宋珏曰叔子以東粵請告歸營菟裘於龍華之里閱耕之暇几席牆溷皆置筆硯取往昔嫩言懿節可以作忠孝垂

松風齋集卷五

明

五

訓誡者錄之頗謬則不錄取輒近奇文異跡可以警耳目表風氣者錄之影響則不錄取諸史百氏可以參同異聞幽奧者錄之經人道則不錄取品物之繁會區別可以標新異益益智者錄之稍雜傳會疑似則不錄凡八卷風人美刺勸懲之義種種各具叔子二十年宦遊最績亦因是可想見一斑矣

呂公樟

樟樹榮枯無復知堂開北道益堪思尚餘數畝前朝地不似仙人賣藥時僧歎霜風落葉少鴉鳴煙月聚羣遲虛堂夜夜禪樓靜惟聽寒鐘度柳枝

陳徵君楊幽妍傳述張聖清事甚奇聖清名積源七澤先生子也才情風調艷異一時詩有專稿無傳弟字次璧有才調詩亦未見得先生一律如購法刻者既獲右軍碑帖豈置子敬洛神今并十三行亡之豈非恨事

張所敬

方志所敬字長興上海龍華里人弱冠補弟子貢與陳太僕所蘊輩並噪藝林更以古文詞爲王弇州所推重父鴻臚公暮舉三子所敬卹其弟所毅甚至少受經何鶴野先生歲時必泣拜其墓子喬馮山人老而僑居浦東所敬時操豚肩斗酒相勞

松風齋集卷五

明

五

苦每賦詩而歸歿復經紀其喪邑令顏公洪範聘修邑乘著有潛玉齋藁峰泖先賢志秉燭叢談皇明詩藻雲間志略公性嗜酒作酒志十三篇又慕漆園彭澤向子平張仲蔚孟浩然之爲人作五慕詩晚年欲止酒止遊止詩賦又作三止詩其他如潛玉齋續藁春雪篇解嚴篇行於世而更有詩賦傳記若干種張氏世譜藏於家上海縣志隆慶元年春民間訛傳遣中使詔選宮女民間男女無論長幼婚娶無虛日至有配非其偶者邑士張所敬有詩云馬上郎君尚乳臭魚軒新婦猶呱呱蓋實錄也

鍾賈山

野興時能發清暉日日娛平川帶墟谷碧漢倚浮罔林
雨晴還滴山雲有或無未須憐獨往是處酒堪呼

七寶夜泊

暮從村市泊燈火映汀洲形勝孤帆得星河一鏡收清
歌聞子夜高論對名流月落霜華重厭厭飲未休

竹素堂集朱邦憲大會客作送春詩長與先成有
云春當三月盡人是一宵看朱遂輟筆莫廷韓遺
稿稱長興於丁丑歲暮訪王弇洲於婁東尋孫齊
之於虞山作詩凡若干首名曰雪航漫稿至玉泓
館聯句見四十五卷元遺山先生云沈宋橫馳翰

松風齋韻卷三

明

章

墨塲風流初不廢齊梁可以移贈

張肇林

上海縣志肇林字茂卿號咸池萬厯丁未聯捷進
士除江西萬安縣令愛民如子調房山時中人劉
進朝封占周口廢廠村民失業肇林上其事於臺
使云職何愛一官何愛一身使用口有廠而房山
無民乎得盡逐之民賴其惠遷比部主事具熟審
停刑疏卹刑四川多所平反擢南通政司參議尋
罷歸卒

丹鳳樓

層樓咫尺有雲梯繡栱雙飛綵翼齊蜃氣微茫烟樹外

鯨波浩蕩海天低三山極目神仙接萬戶傷心老釋啼
敢謂登高能作賦闌干倚遍夕陽西

張昉

寶善編昉字元昇號友蓮力貧嗜學性不脂韋侍
郎董幼海慕其人以重幣延之固辭不納造訪亦
不報謁董被召入都挈昉曰以子才遊燕遇可必
也昉曰性同鱗羽自愛邱壑豈能隨大鵬圖南耶
居祖遺小室手一卷終日不聞剥啄聲朋輩延之
酒亦時往惟見妓必却避宋尚新語之曰是何傷
我於女子不能癖亦不能遠譬如黃鳥逢鮮花蔭
木輒稅羽施聲須臾便翩然數嶺心境兩忘昉曰

松風齋韻卷三

明

美

子不知鳳凰非梧桐不棲敢自辱桃谿柳徑耶青
浦令屠隆聞昉名造焉昉易服避去餽以金弗內
屬友人乞其詩亦不與嘗曰以吟咏寫性靈消歲
月則樂志以介軒冕媒錢刀則苦情子長不能娶
市所居娶焉既反馬婦嫌夫貧日啐罵不已昉讀
書自若已婦攜囊索背夫去昉彌困資一僮力作
僮負擔出每日得粟四五升以半供昉僮死昉蕭
然不能晨夕陸大行伯達為假道院一椽居之進
舊聞云陳眉公假黃時周其乏昉竟終老於斯所
冠吳明谷耳房居之
著詩大行謀梓之未果里人盛時嘗稱昉為上隱
范叔子著書亦稱昉為具山人馮子曰余自束髮

來幾四十年未嘗知元昊也解事歸始知元昊顧
元昊歿矣盛山人時過吳門數爲余口元昊也元
昊食常治糜不治飯衣常製褐不製帛行年七十
遭陸大行推轂始有聞者嗟乎嫫母飾而售夷施
匿而掩理固然今所稱遊士連車騎交守相者寧
能臣穎元昊哉余索其著述聞爲有力者所秘吁
嗟元昊所爲生前計身後名者何疎也然即無片
語何媿文苑乎雲間志畧友蓮少工詩居南郭之
敝廬曰蚊睫巢其真草書及臨摹山水得晉元風
骨性不喜從王公大人遊以博蟬蛸之譽故行年
六十無所知名晚年貧益甚陸岡卿伯達餽以酒
粟輒受由此賢者之惠不妨吾廉也其詩集存岡
卿家曾記其咏遊僧一律有云乞米投僧爨縫衣
趁佛燈曲盡頭陀行徑第未覩其全爲恨友蓮幼
時夢神告之曰汝本科第中人因平日不惜字東
至即供拭几案犯上帝所最忌罰汝貧夭友蓮大
懼後見字即焚復夢神曰已益汝二紀終不能如
意也後老而貧竟如夢云

厚薄篇

天道無厚薄人值偶爾爲今余所遇薄命也亦奚疑薄
也苟未極厚也良在茲居薄止於陋食薄止於糝衣薄
止於勦名薄止於卑所薄此四者所厚或倍之有靈賦

我性有學迪我知有道立我術有業任我持今人可爲
友古人可爲師曲肱可當枕矢口可成詩湖山與遊行
風月與襟期薄非我所獨厚豈天所私厚薄有異視天
乎豈若斯

題畫

挈罍坐釣秋江湍沽酒容易得魚難世間好物不在速
三尺鱸魚晚上竿

張岐

松江人

登岱二律

半空削出青芙蓉直上烟霄幾萬重漢時尚傳天子柏

秦封已改大夫松才非草禪慙司馬世際昇平笑祖龍

本爲祝釐曾汗漫丹衷常繞碧霞峰

振衣千仞絕塵氛野色蒼茫倚暮曛日觀有峰來海市

古碑無字逼星文頓空屐底三千界誰識編中七二君

兩袖翩然渾欲舉不知身世出浮雲

張希文

字敬所華亭人歲貢生任溧水教諭高州信宜縣

知縣湖廣荊州推官雷陽何起龍巴言什一序云

君工於詩而近體最爲有致如燕市一尊明月在

吳山千里暮雲遮蒹葭秋盡千江月樓閣春空一

片雲袖短尚餘三尺劒囊空惟有四愁詩難助自

憐生計穩羊腸無奈世途何鏡裏秋霜新白髮眼
前夜雨舊青氈感慨沉壯興逼唐人

送余明府內艱歸嶺南

素車寒下越王城淚點飄蕭細霰生曠野人稀逢弔鶴
古原日落聽啼猩花飛嶺表傷春色雲起蒼梧逗客旌
惜別更嗟歸思苦臨岐那不重含情

張鷟翼

雲間志畧鷟翼字習之號須野嘉靖戊子舉於鄉
辛丑成進士會上章聖皇太后徽號捧詔滇南明
年授職方主事守山海關丙午改稽勲歷驗封考
功爲文選郎念選法多璲奏開遠方例爲之疏通

和風集卷三

明

元

又憫歲貢年老皆以近地授之庚戌敵犯京師世
廟怒大臣急事相繼罷斥命起近地開廢者執政
有以都御史樊某名授公公不應趙夫周以言事
受杖押赴吏部編管見傷重縱之歸因失執政意
歲終遷館卿遂引疾乞南改授右通政留都故事
諸曹訟牒赴通政司者均得轉達公獨傳其不可
者貴勢人無如何也時流賊師尚詔起淮蔡南都
戒嚴公分督通濟門未幾賊滅尋遷右僉都御史
巡撫貴州上建哨保以阨險要更叅守以便制馭
添流官以肅政紀責兵備以時巡歷四事俱嘉納
焉又爲夷俗計永遠蓄水以通耕植桑以興蠶

絲製車以利紡織處馬價以寬買補禁豪橫以恤
站軍練土兵以免借調伐草木以疏瘴鬱剏搬運
以便轉輸夷人賴之會星變執政請甄別大臣坐
罪報歸葺故廬闢舍傍小圃種竹執蔬時延故舊
與俱更號晚林居士或出閭巷閒行第攜一二小
蒼頭見者不知爲貴顯人也年七十二而歿陸文
定公爲文哭之著有須野堂集易說辨訛撫貴錄
若干卷曾孫泰階萬曆己未聯捷官溫處副使道
林太史新第成奉贈

太史新開一畝居旋栽花木滿精廬門無結駟真成傲
客有談醫不廢書芸閣蒸光天止授池塘草色夢中舒

和風集卷三

明

年

知君才輔如司馬著作多從病肺餘

中丞須野堂集有董僉憲川沙城兩碑記敘事典
核大筆略見一斑獨詩鮮有傳者枯魚歎黃丞行
諒於民生疾苦吏治此窳有聞惜後之爲守令者
無從一見耳

張其琛

一寒齋副墨其琛字公玉張冠軍應宿子應宿好
俠仗義公玉奉教恂恂才情秀善絕無將家風所
著有柿史

聞春盡日范文叔子同宋達甫公安過孝廉張
伯元齋中豪飲有作補贈

上客邀公子調羹玉版清春隨鶯語逝花惹袷衣輕繡
虎偏能賦驚鴻不惜聲如澠俱酩酊孰肯問劉伶

張一鳳

〔一寒齋副墨〕一鳳字隱之號象岡華亭世家子書
宗大令畫法大癡嗜酒游樂每醉作蝦蟇舞舉座
絕倒目為癡仙僦居西塔巷顏一椽曰容散好吹
洞簫有鳳音稱吾松一絕孫允執莫廷韓輩得公
履迹為慶已徐太學拉往善卷寺日晡澡浴忽一
老僧啓戶頭顱如雪因謝曰風勁無開也僧去至
夜復至諭曰我覺靈乃汝前身後三年當覓我矣
旦叩寺僧知為開山鼻祖遂夷然賦詩而歸越三
年忽一日復吟二詩瞑目而逝見張公玉柿史
善卷寺詩
明知老衲是前身一落紅塵五十春來世定從衣鉢往
深山禪靜可棲真
詩不足存以其事異可與洞冥記所載胡沙門願
為中書令王珉子事例參

松風餘韻卷二十七

松風餘韻卷第二十八

目錄

明王嘉會一首

王澂四首

王綸一首

王桓七首

王良佐七首

王景一首

王一鵬一首

王教三首

王球一首

王元瑞一首

王元立二首

王廷策一首

王逢年二首

松風餘韻卷二十八

胥浦姚弘緒聽巖編次

王嘉會

〔方志〕王應隆字嘉會又字原禮嘉興人籍占松江深明易理尤長於詩文應明經聘至京高皇帝命賦詩稱旨復試其文賞異之授檢討陞右司業時宋訥爲祭酒與嘉會及左司業龔穀嚴立楷範士類多所造就上眷待殊厚十六年冬以老疾乞歸優詔調治予致仕未啓行卒於官舍年八十餘上嗟悼命禮部移文應天府給舟車還其喪發引日詔所在官司備禮祭之

松風餘韻卷二十八

明

題許士雍紫翠丹房

揚子江頭紫翠峰移家曾駐白雲中鼎存水火金丹就房護烟霞玉井通光溢黃庭充道氣春開壽域佐神功新居今與湖山近擬覓刀圭訪葛洪

王澂

〔文翰類選〕澂字士登雲間人浮梁知縣〔方志〕洪武元年詔所在官司訪舉懷才抱德之士松郡可考者十人王澄浮梁縣丞

題包公愷梅莊卷

瓊葩萬樹倚晴沙彷彿孤山處士家籬護暗香幽徑曲水涵疎影小橋斜隱君讀易時局戶騷客尋詩日駐車

不比亭臺種花柳春風羅綺競華奢

浮梁附縣八景詩

鍾州府錄三首

南城柳色

東風柳色滿城阿粉蝶參差相映多金縷淡時疎雨過翠痕深處曉煙和暝連溪畔青青柳晴壓江頭渺渺波最是畫樓藏却盡不知何處起笙歌

山路晴嵐

微道霏微映曉暎山花錯雜錦爲紋叢林罩處初疑霧遠岫飄來或似雲久立花前衣漸濕早行松下路難分何當化作清冷雨遙灑甘霖潤八垠

雙溪夜月

松風餘韻卷二十八

明

二

潦盡寒潭玉作流冰蟾倒浸一輪秋滿江灝氣清如洗萬頃寒光爛不收有客泛舟來北渚何人吹笛上南樓月波亭上登臨處疑在廣寒宮裏遊

按澂與澄音義俱同方志以今爲丞似誤

王綸

〔府志〕綸字緝之華亭學貢天順己卯湖廣中式第七名聯捷進士山東僉事

送姚程夫訓導南安

擾擾黃塵內師儒仕路仙舟車無險夢經史得真傳春艸庭交翠秋蟾夜獨懸元城東海績纂寄故人邊綸以楚閩中式必從廣文入試也但未知何地

王桓

〔顧志〕桓字公玉華亭人生於金陵及壯遊京師從翰林張廷璧太常夏仲昭冢宰魏仲房學詩注意措詞不苟襲前人一字仲房亟稱許之自號雪航所著雪航集魏驥序之〔方志〕公玉又自號草庵庵寓也寓言見志故其詩曰雪航歸卧梅花月萬玉香中一草庵蓋微示進退卷舒之志郡人張汝弼爲作草菴志

宿金澤橋

西湖風景好亭榭負垂虹瀟灑秋烟外玲瓏夕照中淵
靈營別室水族構離宮夜泊聞歌咏凭闌有醉翁

渡泖望湖心塔院

一塔波千頃碧吞天影秋梵音沙鳥聽禪院海翁遊入
夜鯨濤吼凌晨蜃氣浮茫茫思無極身世即孤舟

賦得三泖

風波偃息日悠悠倒浸天光一色秋有客乘槎從此去
銀河只在水西頭

西泖晚過

落日西風起暝烟渚蒲汀草望中連鳥紗載酒尋詩社
白髮看山坐釣船霞散天邊文錦亂星沉波底夜珠圓
一川月色多清興題遍金蘭五色牋

賦澄照塔送徐主事尚賓

萬頃澄澄湛秋碧七級綖綖去天尺曉接金烏東土紅
晚迎玉兔西來白風顛不畏鯨浪高雲冥渾疑蜃樓窄
燈燃達旦綴列星明燭九峰爲柱石

送張東海守南安

龍香滿袖下楓宸出守中朝簡正人雲錦袍裁金孔雀
天書符刻玉麒麟昭回星斗文章富潤沃山林雨露新
自以循良多入相坐令枯槁沐陽春

白和雲間歸趣詩韻高小湖待詔藏卷

余辱魏少宰南齋過愛以佳什贈行金少宗

伯恥菴與諸士夫朋舊從而和者若干人年

久零落今彙錄一軸懸之座隅以慰夙昔之

懷儻和一章尾之於右

幾年不到鶴灘頭此去還尋舊釣遊山斂烟光紅日暮
江吞天影白雲秋汀花每笑行人別浦樹常含送客愁
有約泖湖重載酒故交同醉木蘭舟

王良佐

〔方志〕良佐字汝弼

明詩綜作良弼

十三能文章逾五十弘

治乙卯薦於鄉謁選靜海學諭流賊劫掠郡邑守

令往往鼠竄將入境有勸宜少避者良佐曰吾何

去賊即至吾固將抱祭器罵賊以死何避也甯中

丞果督官軍討賊良佐陳五事大見器賞尋擢廣

濟縣令有僧終日坐不食遠近尊事之施遺空室

佐使人廉其實二侍童則女子也收置於法籍其財於官一邑皆驚時逆寧構禍軍興征需百出邑弗能供上官督遣嚴迫良佐歎曰財非天降地出使吾日鞭笞吾民盡糜爛之亦何益即稱疾謝事歸自是養高邱園不入城市肆力古文詞以撰述自娛與后山簡齋相上下有鶴坡葉孫文簡公刻行之并表其墓詩品邑令王良佐布衣成韶文學張冕三公出處志行各殊而同里同社以詩歌相頡頏一時稱三詩人孫文簡公云鶴坡雅志高古故好爲斬絕刻削庸腐語淘洗殆盡如古仙劍客超脫塵外善養生年九十四而終雲間雜識鶴坡

松風齋集卷三八

明

五

中秋賞月詩有云孔孟文章原皎皎禹湯事業本堂堂孫文簡公笑曰中秋賞月何故勞動四公小長蘆詩話三詩翁咸有詩名王作較勝其與儲黃論詩云幾許門牆黃太史三分局面鄭都官其實派出石田頗饒清曠之致

兩鶴歌

錢君與謙與予爲文字交過從無虛日而日亦無虛會性皆好鶴故與謙號鶴灘而予亦竊以鶴坡名松之人因呼爲兩鶴好事者又往往形諸詩篇嗟夫鶴一也今與謙已飛翔衝突獨叫聞闔參黃鶴與白鸞無負於鶴者

也而予猶低徊偃蹇於荒寒寂寞之濱豈不有愧於吾與謙之鶴哉予少不經事動不與時合輒遭訕罵豈天將窮愁其身心折筆其豪氣使之窮困拂鬱以養其鶴之全哉不然則屈伸之機自有一定而不可移者固不必挈挈於與謙之亨而戚戚於予之厄也或曰昔有善相馬者遇兩馬同駕一以爲國馬一以爲凡馬今君擬與謙之鶴其所謂與國馬同駕者非耶予曰易不云乎鳴鶴在陰其子和之詩不云乎鶴鳴于九臯聲聞于天子於與謙之意蓋取其鳴聲之和和氣類之和召

松風齋集卷三八

明

六

若退之所謂二鳥鳴相酬之意初非有意屈伸之間欲叫號而扳附之也是以知之者固以此予之而不知者亦以此非之予又曰以屈伸而是非之者勢也勢不同而天之所以與我者則同予但知盡其在我者而已矣遑恤其他意不自盡復系之以歌

一鶴來自東海隅高視濶步真丈夫一鶴翩然與之俱餐霞飲露骨相孤一唱一和同步趨衆鳥却避不敢呼長灘大谷胡爲乎放此二鳥相嬉娛一鶴已自遊天衢蜚聲不獨驚三吳一鶴尚作山澤癯俗輩往往嘲狂迂天生兩鶴本不殊先放一鶴爲前驅行當相從叶笙竽

帝亦聽之吁且都造物未知有意無汲汲進取非良圖
吾安吾命理則那力追健馬酒一壺請君爲我歌此歌

思賢書院假山

何年搬取崑崙峰屹然映池波中波光激灩石玲瓏
石面洗出梨花風一壺中藏小天地三十六洞桃花雨
千年磨礱不住只愁化作茅龍去

招張一桂

日日草堂江上開竹間亦有小亭臺酒杯欲棄那忍棄
吾子不來誰復來案上離騷讀初罷坡頭獨鶴放仍回
湖山每索驚人句須得張郎八斗才

九日過九江

松風齋韻卷三

明

七

一舟西下繫垂楊忽值黃花夾岸香逢着故人汪太守
九江城裏過重陽

舟次

杜公祠前五日雨白馬湖頭三尺潮客子掀蓬正無賴
隔船何處一聲簫

暮渡江

沙頭燈火見樓臺黃帽那堪隔岸催舊日風流王博士
又吹長笛過江來

紅牡丹

沉香亭北午風微香霧濛濛燕子飛三十六宮春正好
大家齊試絳羅衣

王杲

雲間人物志杲字景昭輔之子弘治乙卯中南畿
解元經書五策皆鏘以傳壬戌登進士授禮部主
事轉副郎擢駕部正郎清約如寒士與人交不立
城府公餘輒讀書興至發之吟咏嘗督視皇城風
範凝然卒年四十七無嗣

送訓導姚程夫

在泮昔曾爲晚輩入官無怯其明時篋中鴻寶誰能識
門下良材自得師芳艸綠波驚遠夢落花啼鳥了殘詩
他年騎馬南安路擬向尊前話別離

王一鵬

松風齋韻卷三八

明

八

方志一鵬字九萬號西園華亭人以明經任泰順
訓導兩載告歸性寥廓瀟灑綽似晉人工詩善書
畫恬淡閒雅成一家言居西塔街構小齋几上陳
古鼎彝茶鐺酒鎗畢具客至竟日夜爲笑談乞詩
畫者履常滿戶外又精曉音律時持檀板度新聲
夷猶泉壑年近九十而終四友齋叢說吾松近日
惟王西園最有勝韻彷彿古人余小時猶及見之
其人黑瘦骨立善書畫每一入城好事者爭趨之
其舟次常滿喜歌曲曾教粧戲者數人其一名丹
桂亦有聲所居堂屋三楹中間坐客兩邊即寢室
中着侍姬三四人其供筆硯圖書者皆侍人也蓋

有姜白石之風今無復見此風流矣畫苑董玄宰
題跋云王西園爲吾郡先輩名流蓋與錢鶴灘同
時唱酬甚有高韻余得其日記數冊每遇書畫題
詠隨手記錄如周密雲烟過眼錄之類想見其人
絕去俗事山水畫老色紛披似啟南本色寫生拙
中有巧亦非時師所能湊泊也

題畫卷

江南三月春風裏萬紫千紅織成綺啼鶯自在兩三聲
輪蹄來往渾如蟻陌頭拍塞化育周長枝短條春草稠
蒙茸披拂露微纖纖密密遮人路遊人一醉歸借眠
莫使青青多碾破裕軒貌得天家真筆筆寫下如有神
樂琴主人須珍重客邊清玩多嘉賓

王教

方志教字道修華亭人嘉靖戊子舉人壬辰進士
會稽知縣大理寺評事南康知府陝西參政方志
遺事大參王公教嘗語其表弟張曰聞小兒輩俱
將綿綢作袴何暴殄至此我今會稽時有同僚饋
斜紋布我製爲袴心覺不安今老矣猶用此

訪月泉禪師

朝來出郭快新晴神烈山前眼倍明寶塔松楸藏曲徑
空街絲竹遞繁聲廊懸畫幅憑誰筆牆隱泉香尚有名
爲覽乾坤真勝槩斜陽立馬更留情

登泰山

泰山之高何奇哉三十六盤路紫迴金烏夜半海底浴
碧桃千樹池邊栽秦松漢柏供御帳金簡玉笈餘經臺
瓣香春仲肅拜禮和風晴日天門開

登泖塔次錢午江壁間韻

春仲來三泖舟輕似鳥飛望疑旌旆挂坐受水雲圍高
級詩懷陡閒階酒暈微傷心繫衰柳無復轉雙鷗

白谷先生之父名山號海槎者學究岐黃酷嗜儒
術藏書至萬有七千卷延名師訓其子早年擢第
致位大參語有之黃金滿籬不如教子一經封君
之謂矣何繩武稱封君博學嗜古雲間志略亦謂

能詩善書源遠流長其白谷之星宿矣

王球

方志作錄

字子美華亭人嘉靖丁酉科舉人餘姚教諭嘉興
教授

姚穀菴崇祀鄉賢有述

廟食良宜老豸冠飄然來格夜生寒丹青翰墨傳來久
經濟才華永不刊官轍具思遺惠愛疏函猶想見忠肝
幸司尊俎據彝好合信梧阿起鳳鸞

王元瑞

郭志元瑞字伯禎青浦學萬厯庚子舉人癸丑進
士太和知縣以治最考選御史遭母喪遂終養不

出

清夏軒

芳躅追高衲幽樓斲數椽于時思結夏是處得安禪火
宅原寒焰湯池本白蓮繇來清淨地重許見遺賢

王元玄

字默公華亭人幾社諸子之一陳黃門幼從受經
共相唱和其詩頓壯渾直務去纖渺嘗作擊劍行
黃門尊人水部公見之稱其雍雅曰廊廟器也

燕歌行

城頭老烏決霜飛少婦指冷彈箏希端然拭翠長吁歎
念君何當常此違君膽不麤身不願早行早起能無饑

松風餘韻卷二十八

明

士

大星高高照江崎星路耿耿當牖輝須臾風起雲爲幃
星欲見我空依依黑山有馬馬有騄妾求爲御君駢駢
北海有珠珠有璣紉之爲佩明君衣君披衣今夜深歸

折楊柳歌

日落楊柳黃沙飛楊柳白交河流水多惻惻停鞭客

王廷芬

茅山志華亭人

辛巳桂月由吳門至茅山

尊香八月風帆盡出孤筇魚市烟初隔鶴籠雲自封樵
歌連石斧泉籟和山鐘賒酒遲今夕巖頭月上松

王逢年

郭志逢年字台承上海監生崇禎年部題充貢往
福州通判陞同知

登潮音閣二首

五嶽俱遊遍何來泖上山芙蓉九朶出沙島一羣還身
世浮杯裏塵心覺路間茲遊恨衰白於道自相關
放棹投蓮社依然對遠公塔籠殘雨氣齋罷梵林鐘邈
澗疑雲外幽竒似鏡中平生飛動意時躍一天龍

松風餘韻卷二十八

松風餘韻卷二十八

明

士

松風餘韻卷第二十九

目錄

明王洪一首

王陞一首

王周一首

王廷宰一十五首

王煒一首

王坊一首

王會二首

王俞三首

王明時八首

王圻二首

王光承八首

王烈二首

王天章一十八首

王國材一十一首

松風餘韻卷二十九

胥浦姚弘緒聽巖編次

王洪

〔雲間人物志〕洪字允大號鶴城永樂丁酉端曾孫

正德癸酉舉鄉薦授西安令邑當孔道公蠲征約

濫汰冗節勞民藉以安御史某按衢頗通關節公

竟不賄後因索衣郡進金緋袍一襲御史果德郡

而仇縣中貴過衢多索夫價公長揖抗言民貧而

去有一宦經浙御史以同年苛索夫力以運輜重

公宣言盤詰即兼程去水溢發民苦饑溺公令瘞

漂屍發倉廩復勸富民作粥以食禁淹女嚴再嫁

滅蝗禱雨卓有善政郡守入覲公因歲饑止餽蔬

菜大忤調廣昌卒於途

壽姚程夫

閱歷明時七十春烏紗華髻一閒身故園松菊成盟久

長夏葵榴逞艷新酷嗜詞章消白晝厭隨車馬溷紅塵

丹砂浪說能延壽不及仁人壽獨真

王陞

〔郭志〕陞字超之華亭人萬厯丙辰進士授常山知

縣調繁山陰丁外艱服闋補固安徽爲工部主事

董作三殿時魏忠賢擅政欲見之不往銓曹閩人

廷議咸屬忠賢抑弗用改兵部職方司會天變尚

書王永光疏請省刑薄斂陞所屬州也大忤忠賢意降旨切責永光引去將連及陞會以母喪去職忠賢亦尋敗得免崇禎改元服闋補本官庚午典山東試還轉貢外以武闈事罷尋召爲職方郎丁丑分考會試諭功擢太僕寺少卿常薦總理盧象昇威振陝雒流賊所畏宜使專督楚豫以靖內寇時不能用六合舊無城當寇訐淮泗巡撫張國維議設兵守之陞以爲兵部所省江南驛站銀具在宜請而城之使土著憑險爲守國維如其言遂城六合爲江表屏蔽其才識練達皆此類也建昌人鄒魁統止疏告變言孟河有蛇山僞王常至蘇州

卷五

明

二

結社講學收納豪傑旦暮必反事下兵部陞覆奏言往歲長興葉朗生之變流傳海外有蛇山王本屬子虛今越十五年而魁統乃以入告何也請下撫按覆勘勘果無左驗事乃寢武陵楊嗣昌爲尚書奪情起復言者皆獲罪陞面詰之曰公欲效李賢耶嗣昌默然自是頗相左在同寺值薛國觀當國怨不附已再推山東湖廣巡撫皆不用遂謝病歸卒於家性清亮自立言論有風采兄弟五人友愛無間時人稱之

贈萬融禪師

郊歷亭臯問勝遊西峰爽氣給園收樹如摩頂霜枝古

龍已盛孟夜壑幽不任經行供焉悅無端饒舌向師投
歸途差解聽來偈澗溜涓涓月滿裘

王周榜姓

雲間人物志周字子南號芋城華亭人少孤母老喪明承事弗懈弘治甲子鄉薦授羅源令縣多廢田公督民力耕海舶至却過舶錢勸勵多士始有登科者在任一年即請歸養母卒哀毀服闋補固始縣勸課農桑濬河灌田萬頃王通判任子殺人即坐中縛之論以法尋歸燕人劉姓雅相善抵松得疾昇至家調治逮卒棺殮之同官王學諭臨終以幼子相託爲買屋居其孥擇諸生有學行者教

卷五

明

三

之行誼種種可風

壽姚程夫

道行機息賦歸來林下高風有幾哉兩耳不聞談黜陟百年端合伴松梅閒中養得清心靜鏡裏何愁白髮催自媿爲甥不如舅也隨冠蓋進春杯

王廷宰

明詩綜廷宰字昆翁號鹿柴華亭人補嘉善縣學生以貢任六安儒學教諭遷沅江知縣有緯蕭齋集明史黨致身錄者萬曆時出得之茅山道書中建文時吳江史仲彬所述紀帝出亡後事甚具始焦竑梓之華亭王廷宰復爲纂注廷宰官知縣有

詩名

鄴園

置酒娛清夜西園鶯華穀素月升澄景微露泣佳木灼
灼芙蓉姿臨波漾輕縠四顧命賓朋灑藻競豐縟感彼
蟋蟀篇勞生何局促鼎鼎百年內歡樂苦不足列坐進
芳醴彈箏弄纖曲霓旌遶層阿鳳吹流深谷遨遊及良
時庶以快所欲

送高明水工部營桂府於衡州

楚塞衡陽壯姬公叔父尊三湘疏地脉一柱表天門桐
葉圭初翦蘭臺賦尚存聖朝寬物力採權亦須論

聞大司寇徐休公談開封近事懷蔚如二姪

王選齡抄
示家集

碧嵩千萬仞已落賊塵中粒米嫌珠賤黎民抵獸窮澹
遭雞肋味鈍置虎頭功老眼秋多淚時時盼遠鴻
潏潏河流決城頭十丈高蛟龍飛或去魚鼈泳何勞兩
電憑天怒雷風助鬼號不應同賊盡願爾脫波濤
炎海真清吏微官有量移輕車烽火急磨盾羽書遲消
息經年斷音書入夢疑而孫好頭角誰遣阿翁知
行輩君差後我宗獨老成奇謀通遁甲微愜願添丁竊
祿功名晚登陴性命輕何時重把臂林下啜酸羹

送爾光姪孫尋親

跡足渡江許茲行霑我襟看雲三載恨負米一生心病

鶴霜華遠哀猿霧樹深而翁多難後相見雪盈簪
汝去經何遠人家行漸稀牛衣蠻雨暗馬矢爨煙微破
笠隨僧往長途憫僕饑白頭須好在願子早言歸
畏說開封事長戈擁鐵溝黃河衝戰血白骨壘層邱脫
死存天意餘生情國讐難豺虎穴慎勿久遲留
我昔遊嵩少千峰遶寺前此中堪避世或者託求仙野
衲逢頻認山樵信偶傳為言我老矣流涕指幽燕

九日雨華臺登高同李存我

輕陰酒幔簇層臺把菊簪萸我亦來日氣正含雙闕迴
江聲猶瀉六朝哀寒蕪戰壘低平楚古柏荒祠冷劫灰
移酌正學信是此邦行樂地管絃人語沸如雷

任城登太白酒樓歌

岌嶭乎高哉太白之酒樓乃在任城城上頭當時狂賀
監鏡湖未返荷花秋長揖謫仙人飄然紫綺裘口銜琥
珀杯憑高縱雙眸東瞻青岱插霄漢七十二峰巒糟邱
黃河之水繞其下淶醅盎盎春江流興酣叫絕睨天地
玉京蓬島如雲浮北斗柄短銀河修桑田乾裂海水收
賴有美酒銷百憂何不日鼓瑟彈箏篴君不見玉妃紅
頰名花羞淋漓樂府龜年謳老闍捧足希其鞬白也視
之如野鷗醉辭金鑾何所求但願青絲玉壺挂名酒山
川洵美長夷猶騎鯨捉月真恠事惟有茲樓突兀雄齊
州嗚呼樓中之人不可見蒼山夕照空悠悠安能醉眠

枕爾膝手招黃鶴從之遊

臨湘江中望山上白雲

湘水秋正碧湘山生白雲風輕如不受而細略能分片
片明林影層層壓浪紋亦知巫峽遠持贈洞庭君

崖蜜松花熟已未花朝摘

午衙朝散繞素封恰有微黃褪碧茸卷尾房房針乍茁
黏漬點點粉猶鬆香含琥珀凝脂細味奪龍鱗壓酒濃

解得中邊甜幾許蒼崖千疊半栽松

寒勒牡丹遲摘分劉得仁句

幽闌朱幙院深深細雨柔風且自禁未嫁太真難識面
微挑卓女正含心憐他凡種俱無色抱得穠華直到今

領取名花文九錫莫將遲暮怨春陰

王煒

家傳煒字淳字號翰甫郡庠生教五子陞陞臺坊

後後先列科第時號五鳳以仲子陞仕封文林郎

浙江山陰縣知縣贈承德郎工部屯田司主事

本朝贈光祿大夫又陞之孫大司農日藻所馳也雲

問志略公食貧恬不介意與弟饒平公煒自相師

友弟舉已卯鄉試而公屢試屢蹶課諸子甚嚴以

子陞貴封如其官日惟葛巾野服與弟兄三四輩

及故人老友徜徉城隅半畝之宮提壺挈榼登高

舒嘯而已好友范爾孚歿有叛奴挾廿年前風影

事誣構之子孫謀諸公公從不屈膝官府時已老

諸郎都成名慨然署名於牒司理矜重立成爰書

置奴於法為諸生時仗筆耕易甘旨為兩尊人歡

而與諸弟式好怕怕晚更號狎鷗道人視世之窮

通榮辱一無心處之飄飄世外若海上鷗非有得

於道者與

恭誥

宣聖衣冠墓和陸伯生韻王雲國抄

峰泖千秋仰素王韋新遺蹟起荒涼琴書潤澤風雲色

環壁輝騰日月光東園常懷瞻廟貌南邦今喜集冠裳

從知歲歲由拳地俎豆煌煌芹藻香墓在青浦縣五十

鄉地名孔宅詳見府志

王坊

家傳坊字元表號孺生煒第四子五鳳之一也萬

厯壬子舉人司李南雄禦寇恤民秩滿遷信陽州

牧雄人懷其惠政奉祀德星祠

本朝崇祀南雄名宦

宿瞻在軒聽雨軒在孔宅

憶曾信宿素王宮今日重留講院中郡志元至正間里

來學著聲到竹窗鳴夜雨香回紙帳落梅風挑燈夜

映苔痕碧沾濕朝看杏萼紅夢裡渾忘身著處華亭百

里代雲東

王會

雲間志畧會字子嘉號弘宇更號九霞華亭七寶里人九齡即工制義嘉靖丁酉舉於鄉甲辰登進士授屯田司主事丁未權武林南關稅已酉擢營繕司貢外視臨清磚廠所繕修漕艘歲以百計部給緡錢授之工役者封識宛然庚戌晉虞衡司郎中時大將軍仇鸞怙寵肆虐軍需戎器皆嚴期趨辦陰覲賄賂公不爲動鎧甲兵仗輸納如指趙督過不難面折之鸞怒甚無以難也辛亥出知桂林府靖江宗人租稅按期而給無有譁者壬子鸞修前怨以他事誣逮下獄廷議訟其冤乃謫判紹興

松風齋集卷五

明

八

會海寇竊發先是閩浙無賴之徒勾致倭夷互市而沿海不逞之民又爲之鄉導亂用是成公廉其首惡悉置於法癸丑遷建寧府同知乙卯擢守漢陽至則延訪利弊平反庶獄獄無冤民庭無滯訟以上考奏最丙辰進廣東副使兵備瓊州瓊有生熟二黎負險相依因緣爲亂又有舶商輩及旁郡亡命與賊相結關入關出莫可追獲即獲亦復賄吏卒脫去公乃下令吏卒有盜失不知狀與知狀不罪捕獲盜無按數與按數無歸獄者與盜同罪不踰時盜賊屏息會有墨吏懷公彈劾屬一貴人居間懷金祈免公怒立麾之其人失望遂與嘗所

被譴吏搆蜚語中公公聞即挂冠歸奉兩親膝下歡時年未踰四十也築室長生里積書萬卷其中所治園林又極一時之勝暇則蒔花竹狎禽魚或賦詩以敘幽致每遇上元必張燈宴數日親知故舊無不徧者又舉歲時之會率以爲常四方賓客亦多歸之凡貧族窮交待之舉火及喪葬婚嫁者悉視爲外府也乙未冬年七十有八無疾而卒子翼思萬麻戊子順天舉人南吳舊話錄王子嘉未遇時讀書普照寺一蒼頭日事負販以供朝夕寒夜相對乃慰之曰使我富貴爾何愁不醉飽蒼頭曰僕之事主分無所辭如較量窮通則事主之念

松風齋集卷五

明

九

必不堅彼之醉飽應早辨去就矣子嘉歎息不已及王貴蒼頭請去爲僧有所賞給一無所受容臺集人日詩後序九霞先生當人日病不飲酒莫廷韓餽以內府良藥輒據枕作詩二十餘章謝之皆風騷鼓吹也先生性高簡恬淡構百尺樓絕塵表有遺世之意今讀其詩黃庭內景之微言多有存者煩疴之士披覽是詩五內清涼不啻飲上池水矣

玉蘭

小築樓成大隱居花前品藻待相如製爨白資金露霞漠漠清光失望舒素手折來渾一色晴香飛處暗侵裾

青尊日日堪隨興只愧無才賦子虛

秋田晚居

萬里眼中盡白雲連江天風吹落日暮人逐東流年江月稍欲動寒光清可憐此意靜無語還就茅齋眠

王俞

方志俞號毅字憲副會之弟以貢遊成均性寬裕見人無少長貴賤推誠任素以待之孜孜爲德如恐弗及乏者助其資貸者焚其券平忿怨解鬪鬪絕城甃路銳然引爲己任晚好山澤遊每與兄張燈賦詩各享高壽以孫庭梅貴累贈順天府尹

園居秋興

松風齋集卷五

明

十

黯淡山光冷蕭騷夜氣涼愁心逐哀鴈詩思苦清霜苔砌封殘葉蓬門帶夕陽天空萬里霽野曠數峰長東浦潮聲濶西林月色蒼梧桐已歷亂蟋蟀轉悲傷對客萼羹美當風桂子香不嫌三徑晚嘗嘯五湖傍

宿五老峰草堂

萬春亭在登山主橋西王俞所構中有五老峯

五老峰前敞竹扉蕭然一榻往來稀無風入夢黃鸝語有月流光碧水飛

東臯雪堂

孫克弘別業在洞涇東

漢陽孫太守東郭舊尚書蒨鬱烟霞徑淒清巖壑居竹風迎管籥琴鶴伴庭除共賞賢公子尊中酒不虛

王明時

雲間志略明時字治甫號後陽華亭千涇里人成化乙未舉之曾孫幼聰敏讀書能博覽強記而獨

困於童子試隆慶丁卯年二十六始補諸生嘗館於某氏有日者視公命許其丙子丁丑連登時方僦寒主人訝之未信也至是果如日者言筮仕得冀州牧甫兩月丁外艱服除補刺荅州奏最入爲刑部郎有所伐陵樹者株連七十餘人及附近居庸關衛卒五十人逮付刑部擬罪公閱原奏盜樹人凡三次列名即以每次前一人爲首論斬餘者爲從遣戍調衛得俞旨全活甚多出知岳州府以山人樂新虛事無端詿誤謫南京宗人府經歷逾年擢守南安調繁贛州益自刻勵一日與同僚出飲廉泉亭有村民指公而目之曰是太守也廉泉所謂清如水者也在事五年擢河南憲副奉敕治河聞母夫人病足急投綬歸承歡戲綵左右奉養者七年而母夫人歿公年已逾花甲猶作孺子慕上下牀褥間未嘗不親爲扶掖也公登甲第凡四十年歷州府監司凡五六省而僅以家之餘租官之積俸副以稱貸始置東西兩居又垂老不能終有及其身棄之他氏日惟布袍蔬食臥敞榻乘敞輿出隨一二童子不異寒暑杜門課子孫外郡邑干牘經歲不一通而遇公事如議荒議役議築城

則又殫心籌畫侃侃敷陳親黨有訟役負枉者未嘗不爲之申理遇族子能文者亦不惜汲引之有族人擁重資晚年得子甫一月而物故託孤於公及公子垣惠遇內外侮悉力護持之長而延師教之擇婦娶之已酉垣惠歿公呼其母子出遺囑所載一一畀之復出大箱六付其子曰此爾父遺囑失載者又公居父憂日邑令某莒人也與公同年公從無干請而令亦易視公服除候補入都令徇故事設席相餞於年誼絕無繼繼公飲數杯即起令亦不款留及補莒州令媿甚歸則設盛筵以款公不得已亦一赴頻行贈以厚禮送以官舫公皆

卷五

主

不受至則待其家極厚封公在堂時時起居而亦多饋遺會家有不法事屬公按問復力庇之得不寔於理客問之公曰寧人負我毋我負人非甚盛德曷能若此卒年七十有五孫鍾彥天啓丁卯舉人青州府志華亭王明時以進士知莒州清丈賦稅稱平徵收絲毫不染捐俸脩學定期課士蒞任五載去後見思卒年七十有五孫鍾彥天啓丁卯舉人

漢仙巖

羣山迴合水縈旋聞道靈巖駐漢仙絕壁半空滋綠蘚幽崖一線落青天石龍時噴峰頭雨碁局閒消濁裏年

名勝未酬登覽興老僧應笑卧遊篇

君山黃陵廟

春艸初青帝子山決痕千古竹猶斑九疑片片生煙霧孤塚茫茫隱珮環白浪長埋朱轂跡彩雲如待衿衣還湘靈遺像無遺恨日暮猿啼鼓瑟閒

登岳陽樓

沙沒盡水初生一片君山翠黛橫無限春光洞庭浦浮雲萬草倍傷情

春水涵涵赴卧龍一江風雨撼高墻滿湘萬里東歸客獨上層樓一醉僂

洪崖社飲歌韻

洛中高會敞松筵疎雨晴開四月天旨酒從來清比聖浮觴更喜遇多賢忘懷一醉堪同調聚首七人不羨仙獨有病夫常避席此心非是愛逃禪

辛亥首春何園社飲

竹邊梅萼水邊鷗濠上亭臺面面幽滿院燈光闌新月元宵樂事此中收

和王洪洲辛亥除夕書懷韻

澤國奇觀雄九三養高耆彥髮髮浮名何似林泉好真樂應無俯仰慚洛社歲寒歡正密清樽日暮興猶堪閒來塵慮消鎔盡高枕芸窗午夢酣

沈幼漁招飲次王洪洲韻

憶昔城西吹鶴湖幽人選勝肅冰厨寂寞舊跡空流水
來往扁舟半酒徒談笑怡情忘既醉曩虛博飲共傳呼
傷心莫問平原事只恐樽前日欲晡

先生孝於親能于官慎於刑廉以律已厚以待物
誠有德人也今讀其杜飲登眺諸篇和平溫厚言
不苟華所謂惟其有之是以似之薄夫敦而頑夫
廉雖百世猶興起焉不知所著詹言醒語後人猶
世守之否也

王圻

〔明史〕圻字元翰上海人嘉靖四十四年進士除
清江知縣擢御史忤時相出爲福建按察司僉事

松風錄卷三

明

帝

謫印州判官兩知進賢曹縣遷知開州歷官陝西
布政司參議乞養歸里惟以著書爲事年踰耄耄
猶篝燈帷中丙夜不輟所撰續文獻通考行世初
圻以奏議爲內江所推江陵與內江交惡諷圻攻
之不應新鄭爲圻座師時方修隙華亭又以爲私
其鄉人不助已不能無恙遂撫拾之〔方志〕圻爲御
史當隆慶初糾邊帥之黨私止嚴衛之密訪疏中
官孟冲鞏鉏不法罪狀時言官被斥冢宰謝政皆
力爭之忤時相出僉閩中巨盜張欽陳文岱聚掠
爲設方略殲其渠魁獲賊黨千餘立諭解散卒爲
良民中忌者以他事謫補曹縣移守開州均徭平

賦行條鞭便民法擢僉楚臬備兵武昌改督學所
獎拔多爲名臣卒年八十五所撰有禮記衷言周
禮全書雲間海防志諸書皆經世鉅儒之學孫昌
會領乙卯鄉薦郭美命曰遠之北地信陽近之海
門所稱七子此亦一是非彼亦一是非諸君子爲
的而後進之士射聲焉未有能中者也先生詩黜
其佻巧而本之自然謝其夸毗而歸之實際去其
叫噪而由乎冲虛蓋矯志而獨行者也小長蘆曰
洪洲拜分陝之命即請告終養既歸淞江之濱種
梅萬樹目曰梅花源仰屋梁著書門溷皆安席硯
所撰續文獻通考謚法通考兩浙鹽志海防志三

松風錄卷三

明

立

吳水利考稗史彙編雖舛漏尚多體例未當要亦
留心有用之學者

蘇孔鄰再宴岳陽樓

飛閣跨層城重遊恣芳眺瞻含夢澤雲座入湘山燒幻
景呈仙靈微風發天竅昔參良夜遊今赴佳辰召離席
還促尊高歌復清嘯拔劍理舊歡彈珠憶同調但恐玉
漏催不惜金卮醕願延宵燭光挹此春暉照

翠竹庵

上海縣新志
在法華寺東

偶來松下汲石井雲深處湛然無盈虧甘芳自相注
先生在臺中弗徇政府意抨擊異己風節矯然爲
縣令急民事如履畝文田均徭平賦蒙其利者溥

長量移亞泰嚮用未竟以將母飄然賦歸所著
諸書原本經術洞悉利弊非無用之迂談也詩載
類稿中為談藝者所推茲所錄者遺詩二首而已
梅花源今為沈高士貞居隱居地

王光承

明史葉光承福王時被徵知時不可為伴墮驢傷
足歸與弟烈偕隱石筍里屏迹城市以終上海縣
志光承品行修潔力學好古綜經史及百氏書成
一家言三吳推為冠領性淡榮利絕意仕進與弟
烈偕隱窮鄉躬耕養父不入城市者三十餘年惟
與故入校讐文籍為樂後學奉如嚴師然質以疑
義輒謝不知也康熙丁巳故手足於友人丙舍雖
夏甫之穴土室幼安之遯遼海殆無以過卒無子
眾悼惜之有鎌山州堂詩集

雜詩

長歌曲變音久客人變心越鳥巢北山悠悠忘故林青
樓多好女顧盼輕千金飛觴沉白晝歌舞一何深我有
鴛鴦綺裁為合歡被萬里寄君前棄之如敝屣聚散各
有時悲泣亦何為願君長歡樂享此黃髮期

旅公寓雷音寺同諸子相訊次韻

結廬峰洲側漸次喜吳音地僻墟烟靜庭空葉影深春
星連海嶠山月抱花陰又渡申君浦懷人到遠岑

咏史

建業山河變古今東南春色望中深輕車短騎遊原廟
大駕長旌宿上林百二秦關皆白羽三千漢吏盡黃金
薰風解愠吾王事舜日迢迢自鼓琴

南國花光上紫霄芙蓉水殿白雲遙貢琛使者新乘傳
按舞中官舊賜貂千斛葡萄浮夜月六宮簫鼓動春潮
君王不信毛延壽親駕朱龍選孟姚

曲部新歌夜未闌天街風色似長安衣甲第頻開野
錦纜春江議禁壇三輔軍聲雲外迴六朝山色雨中寒
旄頭夜夜明如月多少愁人倚戶看

送袁重其還吳門

積雨經旬長薛蘿袁安此日下平阿新豐美酒山中少
故國浮雲海上多千里弟兄皆短褐百年身世且高歌
知君永夜思將母為向河梁送玉珂

金陵謝女郎倚玉別去六年偶同李別駕燕如

於虔州靈山小閣憶之有愴然之感

湖亭小酌一逡巡滿眼繁華入望新雙袂烟波雲外鴈
六朝金粉夢中人白門楊柳烏樓曲度嶺梅花子夜春
尚想帳前臨別日疎燈細雨各沾巾

虔中旅次與曾麗天談及趙校書文卿賦此

寒食東風曲榭幽憑闌猶憶帝城遊繡屏語影搖銀蒜
明月歌聲擁碧油菡萏池邊曾握手辛夷花下憶梳頭

舊時亦有三春恨不及如今萬里愁

王烈

明詩綜烈字名世光承之弟也

送客入楚

大江南去雪紛紛回首荒臺盡白雲夢澤天寒爭夜獵
何人鼓瑟弔湘君

秋日家兄移居

樽前款手淚霑衣蘆荻蕭蕭木葉稀却恨不如湘浦鴈
江南江北一行飛

王天章

字于天上海諸生與徐退谷周丹崖並以詩名三

松風集卷三十九

六

人互相唱和故稱鼎社曹子謬庭寄示上洋諸先
生遺藁於于天詩得能庵秋碧二種卷帙半失字
畫多訛略正擇其尤者

對酒

春牕誰共煖金卮此味由來帶別離獨醉獨愁山館裏
擁琴無語夜闌時

調琴

古黛凝雲碧猿悲泉咽澀宮商東風淚盡人何處
玉匣空啼孤鳳凰

踏青

天桃郭北曾同醉古桂淮南亦並攀此日踏青臨斷岸

羞將羣影落潺湲

尋大石灣小石灣

曩登浮遠堂培塿但一看黃山再蠟屐始識岡勢斷屢
入柏櫟林行旅迷相喚山行無傳郵道里不可算土舍
皆漁樵江花闌爛漫大石復小石半晌遊屐換牧豎詩
桃源崕岾隱赤岸人跡不到處何多此壯觀回首孤山
孫興盡發三歎

湖上遲陵如不至

君爲茗雪行我蠟虎邱履湖上一相逢心期庶不隔奈
何兩地春能滯千里客冠蓋滿湖山聲氣誰莫逆淒涼
古素交淺落今詩伯悲聽鳥嚶嚶徘徊湖心夕

松風集卷三十九

九

月夕同陵如既方驀入豫園尋潘公畧

握手聊乘興山扉夜色沉園亭好秋月水木助蕭森客
掠平橋度衣從湛露侵不因求友意那復此幽尋

風雨村居

枕上殘鶯秋夢遠村終夜如傾獨樹林塘葉滿貧家土
鏗詩生

聽韻先歌

歷歷翻鶯舌微微斂翠衿君誠花解語吾忝老知音兩
靨嬌無奈低眉怨似深曲終餘韻在悵別擬孤尋

老夫穩卧朝慵起

老夫穩卧朝慵起雨報深更徹夜寒漸瀝有聲侵竹閣

蕭條無夢上花壇陽春自分知音少破臘須愁行路難
只合杜門頻進酒人間惟賴醉鄉寬

坐雨蔡戒公齋題壁

樹色青冥裏幽人自往還迎潮鶯鴨亂卧雨桔槔閒
酒愁難竭新詩好不刪他年一藤杖來問舊東山

悼亡

獨宿高齋夜已沉心情無夢更傷心掠人最是三更雨
寒透多年冷布衾

空山

空山木落夜霜晴到枕寒江百尺聲歲暮更離人事急
時移倏忽壯心驚灌園吾老甘陳仲嫚世誰憐似長卿

補遺卷之五

明

三

客款柴扉無一語金徽自向石牀鳴

空山突兀見高臺斜抱湍流野岸回萬里蒼茫時極目
百年辜負獨銜杯紅顏淚盡佳人怨白首功遲老將哀
古錦詩囊生秘惜不逢知賞為誰開

過潘上民故居

野蒿彌望合忽認故人廬流水門空掩攜琴跡久疎百
年荒灌木三徑徧蟲書舊譜今殘落身名愴駭如

喬補卿園懷舊

八桂何年樹來游不用招酒人今總老歌女昔名嬌
密坐依紅皮新詩作白描題名如昨日孤賞恨迢迢

遠帆

帆影悠悠度人心生遠愁天空鴉陣沒江靜浪花收
酒蕙葳蕤芳杜若洲空今惜別者日日吟江頭

野廟

野廟背幽壑沉陰過者傷壞垣撐老蔓枯木炙斜陽
有精靈聚空教狐兔藏繁華如過隙花落遠林香

雪望

雲山千甲道雪望晚淒淒竹樹寒能變茅茨壓更低
人言如見鳥噤不聞啼誰訪袁安卧門前徑已迷

國材

家傳國材字達甫號樹邱上海人幼孤事後母至
孝性聰穎未冠補博士弟子員援例北雍天啟辛

補遺卷之五

明

三

酉以範應魁奉房筮仕浙之黃巖令以廉平著聲
調繁臨海值海門衛兵變馳單騎撫降亂卒有郭
汾陽之風督撫飛章特薦卓異第一擢京畿道監
察御史未赴任卒民悼之公舉崇祀兩邑名宦并
肖像方山之陽祀焉所著秋水堂詩文集藏於家

惜花春起早

東風吹軟羣芳梗萬樹蓓蕾紅欲迸護花鈴索曉寒輕
一片梨雲夢初醒披襟忙起出蘭房蟬髮蓬鬆不耐粧
攜取銀燈照花朵任他清露濕衣裳

愛月夜眠遲

銀河迢迢秋耿耿玉鏡飛空花弄影清光萬里憶同看

烏散一枝栖未穩佳人貪玩傍雕簷翠袖單寒風力鉅
聽徹玉壺渾不寐玲瓏更軸水晶簾

素園消夏

雅得涼梁趣偏宜水石居高情付花鳥浪跡狎樵漁入
座無詩禮攤床有秘書桃蟲樂桃處我亦愛吾廬

冬夜同許令則徐處柔遊西余廢寺因登絕頂

共賦

寒月掛船頭重來廢寺遊殘碑荒草沒古澗斷雲收一
嘯衆山響孤龕獨夜幽脩然有佳趣何必問歸舟

仙霞嶺

陡絕仙巖不易躋籃輿幾折上層梯但來山半雲堪挹

未
松
風
餘
韻
卷
三
九

明

三

直到峰頭日已低靜夜微聞笙鶴奏清秋猶怯峽猿啼
故鄉縹緲知何處匹練吳門望欲迷

十八澗訪佛石大師二首之一

遠師戒行世間希十載精藍結翠微澗湧九蓮成淨土
峰連三竺掛初衣經臺夜詫雲光現講座朝看花雨飛
何日得離膏火宅埽花汲水傍禪扉

春日同柴穎凡銓部小飲舟次

放棹溪山二月天追隨李郭儼登仙峰頭過雨青如沐
日脚飛霞紅欲燃對局自嗤棋品拙當杯却羨酒懷偏
燈前迭主休辭醉岐路明朝各惘然

龍潭夜泊

獨放中流一棹輕周遭烟景自縱橫波平潭底龍眠穩
露濯雲端免影清梵語漁歌淩澗發蟬聲蛙鼓聞相慶
徘徊殘月人無寐坐待東方曙色明

賦別

心傷同夢不同歸愁見銀河色漸微西向勞勞亭下過
不堪回首一沾衣

西風吹雨送新涼枕簟孤清客夢長惆悵鳳簫聲漸歇
惟餘山色自蒼蒼

閨怨

秋風颯颯捲羅裳枕簟涼生更漏長無寐起行閑坐坐
漸看殘月轉東牆

未
松
風
餘
韻
卷
三
九

明

三

五

秋水堂詩鈔乃孝廉王日初所寄諷誦之下如入
寶山滿目空青結綵不勝拾也孝廉名俊臣為侍
御之玄孫康熙甲午舉於京闈

松風餘韻卷二十九

松風餘韻卷第三十

目錄

明方應選 八首

莊天恩 二首

莊允中 一首

黃黼 一首

黃翰 九首

黃嘉言 聯句詩二首

黃廷鳳 一十七首

黃廷鵠 九首

黃正達 一首

松風餘韻卷第三十

目錄

一

黃體仁 九首

黃仲琪 一首

松風餘韻卷三十

胥浦姚弘緒聽巖編次

方應選

方志應選字眾甫號明齋華亭人父月汀公柱篤實長者也應選十歲善屬文受經於莊解元允中為雲間義經鼻祖其在諸生郡伯衷簡肅公集五庠士會文拔之為首學使者鍾公心瞿得公卷指為江南第一人萬厯癸酉舉京兆第二越十年又以尚書冠春闈本房釋褐刺冀州州多大猾有納櫬中舉而行劫者廉得之漏下三刻疾馳五十里往捕成就擒旋丁內艱起復汝州治多異政葺汝

松風餘韻卷三十

目錄

一

飛峻整有法識者謂可埒康德涵武功志擢職方改武選時倭酋封議起大司馬實特之應選抗言非便大司馬弗聽東師果敗既敗又議盡撤東南兵應選復言非便出為憲臬視兵盧龍值有石門之噪卒定其亂獲膺爵賞先是以曹郎衡文八閩得人最盛錄文式畿省遂改督閩學政多士傾心焉聞事甫竣竟以勞瘁卒於官年僅五十有四文集若干卷行世

泛泖塔

片席破微茫鐘聲帶夕陽寺陰分樹色塔影渺波光
鯨室千秋淚龍宮六月霜夜珠東欲上把酒暮雲長

久滯周南偶成八韻

故園日以疎故人日以隔奈此頭上冠負却山中屐望
望吳天遙靡蕪春一碧同心曠難期異鄉誰結客二陸
想平原五湖招少伯存者半參商歿者成往昔而吾徒
索居流光坐愁惜白雲何處尋桃花空脈脈

贈張兼之讀書山中

碧山之阿最深處萬頃春雲帶高樹石磴巒岈一鳥通
白日沉沉在平地我尋故人挾屐來相逢一笑山花開
捫蘿直上最高頂復向幽泉坐石苔主人為我洗片石
月色嵐光看一碧雲中清磬隔山聞窻下茶烟松裏出
天空萬籟靜無聲坐久令人心地清教童且進杯中物

與君共結煙霞盟

送章工部左遷別駕

我久方州滯君仍粉署遷浮沉應偶爾去住總茫然落
日搖征旆流雲駐別筵毋須太行道行路向堪憐
邀陸伯生不至貽詩見謝次韻

偶爾逢休沐清風傲角巾客來長不速君過肯嫌頻坐
對西宮柳盤空南國尊天涯憐獨夜搔首向誰論

建溪放舟

日羨乘山好山間復放船飛流穿石罅絕壁與雲連望
斷深無路行來別有天茲遊安可記應向畫中傳

李都護再邀遊焦山

好事於余數伏波樓船日繫碧山阿壯心暫對高僧偈
幽意閒尋處士窩水月何年浮白馬江天忽地湧青螺
醉扶小隊迷歸渡面面春風起棹歌

陳仲醇僦居沈太僕園

陳郎為乏買山貲乞得鄰園當一枝睡起科頭臨綠水
閒來倚樹聽黃鸝

先生以義經魁南國以壁經冠南宮早負盛名有
集行世而詩林韻府隻字不收何也寺陰分樹色
塔影渺波光雜之唐人集中幾不能辨

莊天恩

雲間人物志天恩字玄育號小山嘉靖甲午鄉薦

善屬古文詞然不以能文自居西蜀張明厓景賢

以巡撫至松慕其名乞文為親壽文成無一詞譽

明厓者友人曰盍少揄揚以從時好恩曰張尊官

也安俟我譽即譽之何足重公但書實斯為直筆

耳人服其言久因公車就學博陞刑部司務卒西

山日記徐文貞首相時有一故人莊天恩以餘姚

博士考滿入謁文貞引之南向坐已西向博士佯

若弗知也者曰公為宰相仍向博士側坐耶文貞

色變北向坐坐定徐曰待罪政府久兄何以教我

博士皺眉曰某所欲言者多請以開言路為第一

義文貞默然

遊泖埭

澤國微茫落照閒，逶迤洲渚遶青山。花臺塔影春潮積，水殿僧留夏日閒。莫莫不期羣鳥下，迢迢何處片雲還。此身似覺無歸住，祇欲安禪早閉關。

莫方伯招山行不赴奉寄

芳時坐離索，心賞寄情人。花事行閒好，鶯吟聽處新。攀舟遙羨李，懸榻重懷陳。悵及言歸日，家山欲送春。

莊允中

府志允中字執卿，華亭學入監。隆慶丁卯順天鄉試第一，以子元禎第進士，官刑曹，贈主事。方志允中，八歲能屬文，里中號神童。年十二補博士弟子。

松陵縣志卷之五

明

四

試必冠軍，遊北雍，領鄉薦第一。郡鮮易學，允中得歸震川真傳，授之方衆甫易學，遂廣故義，經一冰推為開山。世居洙涇，萬安橋故木梁也，捐貲首倡，費止九百餘金，改為石，一方利之年四十未舉子，以百金置進將婚之夕，聞女父為司倉，逋官課被繫，鬻女以償也。心則之，還其婚約，不責原聘。隨舉子元禎，蓋厚德之報也。

讀易偶作

五茸佳處水雲東，盡在陰陽兩字中。未盡以前能下句，免教學究盡成翁。

黃黼

文翰類選黼字成章，華亭人。方志洪武中詔舉經明行修之士，吾郡與薦者二十人，黃黼授樂清教諭，有懷東集。

輓王鍊師雲岡

我特攜琴訪舊來，先生騎鶴上蓬萊。碧牕詩卷留人世，丹竈靈砂闕夜臺。石砌露寒金鳳落，洞門秋晚木犀開。淒涼一掬傷心淚，灑向西風不盡哀。

黼於洪武時曾為上海訓導，見官師志。

黃翰

顧志翰字汝中華亭人，永樂壬辰進士，授江西按察司僉事。宣德庚戌陞叅議，奉詔書與都御史賈

松陵縣志卷之五

明

五

亮巡撫江西，改叅廣東，陞山東按察使，罷歸為人豪俊，多權畧，始冠擢第，觀政西臺，有疑獄一問即決，爰辭如老吏臺中，俱驚居官所至能舉職，江西人以妖術惑衆，廣東畜蠱毒採生殺人皆捕誅之，仍刻石著蠱毒方及所以解之者，自是術不得行，俗為一變，然負其才氣不能就矩矱，既失官家居頗自恣肆，鄉隣畏之，常乘白驢入城市見者皆斂，避詩文豪健敏捷如壯遊，集所載皆操筆立就字，畫遒勁行草題署皆有名，方志黃汝申幼時嘗以事干郡守，不聽拂，衣出曰水上打一棒守怒遂以此句為題，今作詩黃曰誰把長竿杖，碧流一聲分。

破楚天秋幾層雲浪開還合數顆銀珠散復收鷗

鷺驚飛紅蓼岸鴛鴦催起白蘋洲料應此處難垂

釣急急收綸別下鈎雲間雜識此詩曾載七位類集今復見楊細林松故述中

楊去黃時不甚遠所傳非妄

渡華亭谷與泖塔僧夜話

鳳凰瞰朝曦天馬嘶春風登高既已適長水遙相通睇

空滄茫間湧出蛟龍宮飛颿向孤嶼色界凌虛空半夕

無生語語天不染中相對轉法華何如逐轉蓬

廬山

松風瑟瑟馬頻嘶偶得乘閒到虎溪空谷斷崖無鹿過

落花芳草有鶯啼飛流帶雨澗泉急絕頂盤空雲路低

松風集卷三

明

六

作鳥俱是灑然幽絕景不知何處合留題

李文忠公祠

在九江府治東豐城坊祀元總管李補明額曰宗烈

乘機規畫動如神獨力支撐志莫申仁義殉身同李芾

衣冠敵愾見張巡旌忠特表無雙士射策曾為第一人

生死兩魁天下士男兒端不負君親

焦山望海門

一氣中分造化均凌波雙峙玉嶙峋遙連海上神仙宅

不着人間市井塵月白天空涵影風恬浪細感龍鱗

渾疑咫尺銀河近便欲乘槎一問津

金山寺

以下五首又載錢鶴灘集中

一室雲間半虛白數峰江上盡含清舟從翡翠屏邊過

人在丹青畫裏行東谷笑談西谷應上方風雨下方晴

尋芝野鶴歸來晚松頂長鳴三四聲

鶴背欲冰仙袂冷夜涼如雨鳳笙寒兩邊城郭參差見

一帶江山表裏看明月溯光涵巨浪紫雲拖影落虛壇

仰觀俯察添清思長嘯一聲天地寬

湘簾捲日清輝滿水閣臨風爽氣生下界路從塵外斷

上方僧在鏡中行雲封洞口禪心定露滴松梢鶴夢清

幾度遊人歸去晚滿船空載月華明

靈潭浪息鼉鼉出古殿風微燕雀喧江月轉空回白晝

嶺雲分暝去黃昏塔懸燈影參霄漢潮帶鐘聲過海門

隨物賦形參造化誰云張祐擅時論

松風集卷三

明

七

翠鳥避人穿石罅白鷗尋食傍船邊烟波渺渺滄江濶

雲樹森森紫殿連滿院落花無過蝶五更殘月有啼鶻

上人留我烹新茗水汲中泠第一泉

讀楊文敏公送行序頗多善政而剛猛太過鄉人

皆惡其卒也至瀕其宮即鄰邑士夫亦唾罵之我

識記香卿張節之先生見人收蓄黃蘗使始蓋即今製去云云好人家却收此人筆蹟何怨毒

之甚至此也縱或傳聞之過亦可為鄉前輩殷鑒

矣詩藏勁骨於豪邁之中不可以人而廢言也金

山寺五首載鶴灘集中才氣正復相類何從辨乎

黃嘉言

字墨潭郡城人

唐君公席上同曹定菴沈東老顧東曙聯句

六月遊程未是長算鱸猶帶湖香沈移舟繫纜東林

寺顧把酒論文北海觴黃有約不來三徑晚顧無緣誰

為一槎忙黃桂花枝上中秋月唐獨照詩人白戰場曹

釋子留維興未闌曹桂香月白且盤桓黃破除酒渴頻

呼茗顧戰却詩魔更築壇唐弔古不堪聞鶴唳沈濟時

事沈起龍蟠曹夜深鐘動欲歸去黃衣薄豈勝風露寒

黃廷鳳

鳳字孟威萬厯年青浦學歲貢歷任武定知府方

志黃孟威同知大理定雲龍州之亂改世官為銓

授鹽井課不登臺使知其能特以委之為削耗羨

浮額三月而辦歲課什六會中州王彭伯掌銓欲

覈實績以洗宿習得超擢武定知府少從戴初菴

夏趾淵受經沒弗克葬悉營辦之

登塔院二首

蘭橈風拍野雲翔忽有琳宮浸渺茫搔首欲愁山共老

懷人空隔水俱長中流倒插浮屠影大壑遙分匹練光

試向潮音閣上望芙蓉九片鬱秋霜

盤空孤嶼宿青霞出郭堪將勝賞誇望去祇應棲地肺

到來疑是隔天涯微叅水觀三乘力暗數雲林幾樹花

莫論蓮峯與仙掌金天何處不恒沙

漢行百詠詩錄十

渡錢塘

海氣連雲白潮頭擁雪高如何枚叟發止及廣陵濤

望石城

瀕江望舊縣秋樹數行低聞道琴江水今名隨淚溪

常德府

常德山為郡武陵樹作隄五溪蠻已靖清夜一猿啼

伏波祠

五溪雲擾處誰奏勒銘功為數雲臺將終輸矍鑠翁

安龍箐

瘴嶺雲如墨烟嵐霧似塵如何豺虎窟不少宦遊人

安順公署

會心不在遠涉趣即成閒竹石娟娟淨凭闌憶小山

金雞關

漢主求靈異蒼茫事有無一從才子去長望嶺雲孤

蒼山

飛雲千仞上積雪四時看夜半層樓立蒼山入牖寒

蒼山石

鬱林聞載石此地石尤奇莫忘題詩意應留鐫作碑

瀾苴河

石壁峻於削泉聲吼作雷正堪洗耳坐候吏莫相催

偶見

屋角春風老天邊柳絮愁昔人有佳句紅袖倚高樓

龍川除夕

夜靜看窗燈春生候曙雞故園兒女在無夢不滇西

示寶公

草坐山僧臘花開大地春青松手植者片片作龍鱗

石城雙巖飛瀑二首

兩年甫暇尋秋寺一路忻從遠岫行古澗龍銜珠錯落
禪關虎護石縱橫僧依蘿屋憑虛住松挾濤聲夾道迎

莫歎塵纓無處濯巖前新水照人清

激浦霜高菊吐花為尋秋色到僧家傍巖掃石衝飛葉

松風齋集卷三

立馬看雲過斷崖野外自能寬禮數山中誰與說桑麻

五龍留客逡巡醉歸路前汀滿月華

公之曾孫明經今荀文學萬里錄公滇行百詠見

示稱公少與舅氏唐文恪公及馮具區董文敏陳

眉公輩為二十七賢角藝論文於余峰宣妙名噪

海內後以歲薦出宰石城循至武定守政績茂著

詩藁不啻數十種悉已散失所存者止此自浙至

滇遇景成吟山川風物如在目前讀之可當卧遊

惜為卷帙所限未能多載

黃廷鵠

郭志鵠字澹志一字孟舉弘治癸丑明之曾孫青

浦學萬厓已酉舉人終順天府通判又廷鵠肆力

古文詞綜覽百家討晰源流尤覃精風雅力追正

始嘗論名賢篇什有詩人文人之別詩人之作情

深而與遠文人之製體工而法密識者以為名言

年三十餘舉鄉薦為寶應教諭作尤言八篇訓士

翕然不變遷浙江嵯縣知縣以裁抑水陸郵遞失

監司意左遷順天府經歷崇禎初轉通判嘗進為

臣不易編特嘉納焉會有忌時相者因論廷鵠不

當得京秩議外調遂歸不數年卒南吳舊話錄孟

舉乃唐文恪外孫文恪極器重之公安竟陵繼起

專欲掃除雲東濟南窠臼天下翕然宗之孟舉笑

松風齋集卷三

曰王李拾遺魏三唐唾餘固為鈍漢若拾鍾表唾

餘得無轉下執一舍一終無是處吾黃孟舉正不

須安排壁壘供人齒頰

乙丑出都門別諸同社

長安翻覆亦堪驚熟手何如冷眼明君自螭坳論大業

我今鷗海問初盟鶯花總讓江南好蘿薜先從夢裏迎

十洞三山饒歲月肯將真寶換浮名

集雲公齋同叔熙元調二比部稚文太史賦得

風字

不論河朔爾時雄相對天涯白眼空幾片斷虹碣石外

一聲黃鳥晚山中停杯雨過疎簾濕把劍愁銷刻燭紅

詞賦舊遊多貴幸唯留狂嘯答松風

夏日集定國園池分韻得涼字

誰問蕙荷裳七香車自忙翩然攜夙好霞外得清涼水
暈丹樓影花催夕露粧五湖天浩渺醉眼忽蒼茫

丙辰南還舟中除夕立春

兩度鶯花客思中今宵滯雨尚孤蓬心如春色先期至
酒為征人著意濃京口菊露甚甘莫向林梅尋曉月且隨江
柳度東風家園未敢譚真訣蹤跡居然指雪鴻

送馬季常景運赴試晉闈

風采河東天下無龍門東峽萬流紆好翻六翮商秋近
頓與羣魚鬣驚殊逸尚久應工晉問新聲那復學吳趨

虎所策馬題詩徧共我燕山過酒徒

士

由晉入燕飲襄陵酒

龍祠瀑流一千丈鶴觴潦倒二參時香稻水田江左味
獨輸鱸膾紫蓴絲

平定州飲珍珠酒

不愛越人上池水不愁妬女渡頭風珍珠一傾三百斛
醉卧平潭落月東地有扁鵲山女即介之推妹也

寄懷楊比部

驥足馳驅亦有年羊腸歷落解誰憐材名久入循良傳
時論虛疑黨錮篇九點翠微看渺渺五湖芳艸怨芊眠
佩刀百尺光芒在且種要離宅畔田

寄贈忠州田素施

昭王臺畔浩歌時醉倚風前五樹枝棋局四朝驚變幻
詞人幾輩論雄雌家聲鵲起君無對宦路羊腸我自知
矯首亭雲三峽外何從命駕慰相思

京兆希聲館詩文藏稿錢相國機山有序相國京
兆受業弟子也所著詩治一書有詩人文人之別
談藝者多然其言然所云情深興遠體工法密其
間三昧難索解人竊恐先生未能錙銖不與啟後
人牽合附會之病正不小也

黃正達

正達字華亭人萬厯年金山學歲貢象山教

論

望補陀

萬里蒼茫蜃色開琳宮寶殿鬱崔嵬夜寒風雨龍聽法
日落波濤僧渡杯大海總名功德水法身原是妙名臺
望中直接蓬萊境盡是楊枝灑處來

黃體仁

郭志體仁字長卿萬厯甲辰進士時館李文節廷
機家李使試館職謝曰體仁老矣不足以辱此選
有門人徐光啓者博學而賢用世才也請以自代
故徐得入翰林而體仁為刑部主事歷貢外郎中
出知登州府罷坊市雜稅豪右斂手衛有建文忠

臣陳迪子孫尚在成籍為之陳乞脫伍又為迪與
戚繼光請謚秩滿擢東莞道副使值歲祲而福王
之國舟車填轅體仁裁制以法因條上臺使盡革
迎謁供億諸費民甚愛之而當路不悅罷歸所著
奏議詩文雜著二十六卷子徵蘭庚午順天舉人
春盡日聞遼左報兼得彭欽之獄中書

不覺春光好春歸無限愁看花空有淚對鏡總如秋北
地多戎馬南冠學楚囚終宵燒燭短歷歷數更籌

三月三日同朱叔行渡浦禮佛兼訪趙繩之索

飲

黃浦潮方長梵宮烟半封野香隨處發春色晚來濃宿

松風餘韻卷三十

明

古

雨垂新葉微風度遠鐘投閒纔半日莫惜酒千鍾

宮怨

纖月斜懸暮靄收雙星偏照玉搔頭齊紈製得新團扇

一夜西風又火流

銀屏偏倚帶圍寬遙望楓林玉露團碧海青天誰最恨

姮娥不耐九秋寒

雲鎖空庭月滿牕強將心事對銀缸何時化作巫山女

也得君王夢裡雙

高樓何處不鳴箏獨有長門塵暗生莫向相如買詞賦

且將妾命問君平

獨坐

一鈎新月半窺堂四面輕風送晚涼自飲自斟還自醉
不知燭短五更長

秋日集碧漪堂

淡雲裊裊雨濛濛山色蕭然浸碧空動地愁聲來絡緯
滿天秋思上梧桐清尊未減看花興白苧那堪落葉風
兩岸不知司馬淚芙蓉仍發舊時紅

彭城道中送李味石歸廬州

相依正好又相別客裏那堪送客行君望舒城佳氣近
余瞻春浦白雲生秋風秋月渾無賴江北江南總繫情
落落晨星何處合燕臺攜手弔荊卿

四然堂集門人徐子先閣老序之詩無詭調亦無

松風餘韻卷三十

明

古

弱音節錄數章以公同好

黃仲琪

〔方志〕陸文裕公曰四明謝員字友規元末國初人

為吏謫臨洮一時交游有詩文贈行內華亭黃仲

琪一首亦壯浪可喜

贈謝友規謫臨洮

九霄風翮舉清秋萬里飄然汗漫游莫謂流離舍初志
即看登用納嘉猷黃河太華供詞筆紫鳳天吳在客裘
及早歸來拜嘉慶故鄉終不似并州

松風餘韻卷三十

松風餘韻卷第三十一

目錄

明唐錦二十五首

唐自化二首

唐堯賓二首

唐有家一首

唐文獻一十八首

唐之屏九首

唐國士一首

唐繼冲二首 附詩一首

唐陳彝八首 附詩一首

松風餘韻卷第三十一 目錄

唐時徵一首

唐汶一首

唐汝詢八首

汪歷賢二十三首

姜雲龍一首

彭汝讓九首

彭維曦七首

松風餘韻卷第三十一

胥浦姚弘緒聽嚴編次

唐錦

上海縣新志錦字士綱弘治丙辰進士時修會典
擇進士有厚望者入史館錦與焉會典成乞歸侍
養已而出就東明令比河患不息建言者奏開賈
魯河下北直河南山東漕運四撫臣議錦謂賈魯
河久為平陸且延袤數百里非費鉅萬無成功元
以開河致亂此非細故不若隨地隄備即間有害
無他虞撫臣籍其議以聞役遂寢入為兵科給事
中清理廣東鹽法查核積逋百餘萬引所司侵盜
者置之法餘悉蠲除之時劉瑾殘橫錦不謁饋謫
判深州瑾誅晉南繕部轉比部郎凡淹繫可矜者
力奏出之竟任無一滯獄再督江西學政遇宸濠
之變集城中士民激以大義捕得守城內官杜茂
偽千戶朱真輩四十二人奪其鎖鑰馳請虔撫王
守仁入城已建首功坐所部民兵夜亂落職後事
白許致仕杜門養重銳精著述一時金石之文皆
出其手卒年八十嘗修大名上海二志所著有龍
江夢餘錄

題聽琴圖

露澀金徽冷何處轆轤響銀井須臾松風拂座來

夜烏啼碎梅花影
柴扉寂寂春自遲
流水高山入夢思
賞音無地尋知己
欲買黃金鑄子期

題黃鶴樓次西涯少師韻寄鳳山中丞

扁舟鄂渚連宵泊
一尊聊伴樓頭鶴
月光照人如鏡明
水色涵空更澄廓
樓背小亭白石鑿
裂處似有藤蘿絡
欲將勝致付毛生
掌中杯酒且權閣
凌晨歷覽周遭峰
村童野曲鳴商宮
官清萬口訖奇遇
民隱九重偏易通
戰馬千羣卧芳艸
山川二百皆春風
瀕江小歎亦偶爾
全活正賴青州翁
中臺大夫南國彥
胸中石渠有其半
經綸餘滴灑秋風
流水行雲看染翰
名樓秀句兩爭雄
千載題詩今再見
憑欄獨抱廟堂憂
舉頭懶識江山面

松風齋韻卷十一

明

二

酒酣攜笛傍梅花
吹徹楚雲飛碎練
不須高語驚星辰
聲名久已登霄漢

書韶州察院壁

嶺南暮冬如暮春
鳥聲百變殊可人
上階芳艸碧煙細
入檻芭蕉羅扇新
芙蓉灣頭花更好
暖日晴波魚艇小
忽憶江南開畫船
鏡雲十里湖山曉

賞梅三首

酷愛幽芳盡日看
凍雲烘透粉痕乾
吟邊風勁愁聞角
折處枝斜恐礙冠
澹拂湘簾橫月影
薄裁吳苧護春寒
含情莫怨相知晚
欲補離騷似已難

翠羽聲沉月向昏
紙窗幽夢鎖香魂
虬身染霧鱗猶濕

獼隄塗霜玉未溫
忍凍欲償詩客債
先春應試化工恩
深山自笑無人問
寂寂疎籬半掩門

臨風脉脉動寒朝
誰共花前破寂寥
碧鮮封香春尚淺
滄池浸影雪初消
枝藏病鶴如憐瘦
瓣落深宮欲鬪嬌
遙想西湖明月夜
幾人攜酒踏溪橋

小溪曉行

望中漠漠總煙嵐
風土殊方惜未諳
詩為愁多添日課
酒因情懶廢朝酣
鳥爭棟子和霜墜
僧拾松枝帶葉擔
一片江雲飛漸杳
滿前新景向誰談

題韓湘子像

昌黎千載士虎踞
白玉堂毛錐三寸
奪造化抉剔海岳
無晶光此事古來
鬼神忌真宰泣訴
今投荒傾刻花邊
巡酒藍關雪片大
如斗冰襯馬蹄凍
欲僵等閒笑破山
人口驅烟霧御氣
氤氲仙耶非耶且
勿論靜裏悠悠誰
似君

月殿秋香

銀闕沉沉鎖嫩涼
滿庭香雪綴嬌黃
幾人礪斧誇吳健
此夜登樓笑庾狂
袖裏高枝秋弄色
眼中清影玉生光
酒酣記得歸時路
鶴背西風碧漢長

嶺南察院和郁道長韻

歎息西風滯葛衣
幾多情事與心違
白雲萬里天如寄
黃葉千林客未歸
鴈足有時憑附信
鷗盟何日許忘機

清高偏愛陶彭澤三徑何曾著是非

初至湖南贈張汝楨道長

黃葉滄洲動曉霜埋輪風采識張綱楚山雨過秋如洗
夢澤烟消水亦香北嶽阜叢驚絡繹南飛孤隼看翱翔
曾聞太史傳新報執法連宵倍有光

次文峰先生秋興二首

玉露新涼秋滿林曉風穿戶氣蕭森寫懷詩句傳梧葉
遣興壺觴傍竹陰夢短為懸經國慮年豐偏愜濟時心
授衣節候知將近昨日紗帷透遠砧

暮雲風急鴈行斜客裏逢秋感歲華落葉響隨聽外雨
枯枝飄作水中槎誰家斷續敲砧杵何處喧嘈競鼓笳

松風齋集卷三

明

四

賴有清香能慰藉石闌巖桂正開花

東雲

英英一朵伴朝暉挂影扶桑鶴未歸秋水虛明初璧絮
春風淡蕩不成衣長疑青帝開簾幙每與幽人護釣磯
只恐從龍行雨去故山清夢亦應稀

雨中哭子儼

幾度長吟復短吁食牛汗血總成虛招魂夜拂新封土
閣淚時翻舊讀書天地有愁誰似我海門無色月沉珠
兒今何地為才鬼却恠秋來入夢疎

登大伾山

霜與衡曉作山遊黃葉迎風面面秋過眼飛雲應我笑

隔林啼鳥向人留石堦竹迸苔痕破玉井龍歸雨氣收
漫簡禹書尋往蹟茫茫何處是江流

度梅嶺

誰云度嶺即災方十月山橋滿屐霜蕉簾故衣羞戀綠
菊留殘藥欲飛黃鶴鵠有意憐行客茅屋無烟鎖夕陽
此日觀風增感慨馬蹄隨處有荒涼

書南康山中公館

山館題詩已十年重來風景更淒然黃蒿滿地秋無主
白水迷村冷浸煙烽火四郊頻送警江湖一念獨相牽
翻思獻納當時曠策馬斜曛媿負暄

玉泉上人

泉水清於玉禪心淨似泉傳聞玉泉水曾吐鉢中蓮

近山

卜得幽居傍翠屏澗泉偏愛枕邊聽曉來嵐氣衝簾入
濕透牀頭相鶴經

蓮花

薰風池館午雲涼紅玉層層沁水香疑是西施醉歸後
笑將微露洗殘粧

西蘆

水西叢葦隱君家門倚西風散雪花幾度夜深看鴈集
一鉤寒月映寒沙

西林

高樹疎陰送晚暉桑榆路近鶴先歸披襟偏愛秋風爽
碧葉滿山雲亂飛

市隱

滿城車馬任追攀靜臥心閒夢亦閒門外紅塵三十丈
垂簾如隔萬重山

月夜泛湖

萬頃玻璃一鏡浮玉蟾分影印寒流清輝寂寂魚龍夜
白露瀼瀼菡萏秋風送笛聲漁浦外鴈驚人語夢灘頭
疎狂賀老偏多興欲買扁舟約共遊

曹石倉十二代詩鈔錄先生詩頗多正嘉之際若
儼山若清岡與先生並稱作者其為詩也整暇而

卷之三

明

六

無促節澹遠而無器音抒寫景物不尚繪藻或云
近西江派吾不得而知也

唐自化

雲間志畧自化字伯咸號韋室華亭人嘉靖癸卯
舉人癸丑進士選授將樂知縣茹冰嚙齧常俸外
不染一錢庭訟紛然片言折服治行為八閩最名
拜御史奉命往北直隸山東西查補積逋料直三
月而事竣惟順天徵解不前公疏稱輦轂下宜賜
寬恤詔罷其征畿輔之民大悅以中忌改行人司
司正尋轉車駕郎中勤於其職大著能聲本兵楊
襄毅每曰唐郎中具用世本也會景恭王之國確

守職掌衝冒霜雪供役煩勞致疾而卒祀於鄉賢
子本堯隆慶辛未進士由金谿令擢御史歷浙江

會車江西副使

遊玉華洞

延平府新志同遊者邑徐霖進士縣尉泰和楊載鳴由選部郎請任時嘉

靖乙卯正月三日也又將樂天階山相傳赤
松子採藥處其下即玉華洞洞有石門相去
一二里許窈而深縹緲而入中有雷公溪源楊
梅葉子藏未黃泥六洞又有靈泉龍井泉石
泉合為洞而出惟石奇偉萬狀如世間人物
器用內產藥石品類頗多若石英寒水禹餘
糧井泉砂鍾乳石燕龍骨狗牙此其最名者
入其遠處有一小竅上通天光

玉華古名區中有仙人宅仙人去不回仙蹤自今昔俗
吏漫勞形浮生徒役役兩度虛春風有懷何以適悵望

卷之三

明

七

若阻修究竟亦咫尺佳客意頗豪遙從天上謫傾蓋殊
非新晤言吐肝膈契好託金蘭登臨興俱僻韶華倏已
更芳辰藹春陌風駕出南郊時雨渥來麥征夫苦沾濡
遊子情不極探奇入窈窕選勝窮幽窄行行未忍休前
途杳難測牽裾秉燭先空谷旋生白渺嶽冒險艱此身
忘跼蹐相逢挈野老指點洞中石欣賞費品題邈矣塵
寰隔把酒坐石間笑談一何劇忽聞谷有聲依稀鐘鼓
弄清響叶高歌恍與仙人即躊躇欲忘歸不覺日已夕
委遲度峻嶺天光引石隙仙凡自茲分塵緣苦難擲振
袂拂烟雲徘徊還躑躅躑躅攀蘿蘿上回首驚滑屐啼鳥
憑幽棲奇花倚巖壁柴扉吠村危郊墟鮮人跡樂事無

已康歸程亦云迫安得侶浮雲時從洞閣闢

送朱望山丞南豐

朱柯亭太守家藏手蹟

喬木家聲自海東桂香深處共秋風
萬籬曾倚高枝繁蘭萼旋分一氣通
寶劍共憐淹北冀文旌今喜下南豐
此行祿薄持清節與頌他年定屬公

先生乘簿書之暇秉炬探幽玉華洞一詩其殆與一鑑亭記並垂不朽乎

唐堯賓

雲間志畧堯賓字舜友號次梁華亭人少孤多羸疾乃祖素菴公遣之就學即辭歸謂同學者無遠志不足與遊也祖乃擇賢師傅之從此自奮能文

松蘿齋集卷三十一

明

八

章矣祖羅重役於上海因偕詣縣庭陳詞侃侃今試以文立就奇之役得免祖卒執喪甚哀事祖母亦至孝就婚朱氏讀書蕭寺中一試而遊庠庚寅充拔貢明年部試居首困棘闈者復再乃就選人由平陽訓導歷遷泉州教授凡四任校職其在平陽也值山寇內侵佐邑令畫策平之祖母病卒嘔血數升幾不能起嚶嚶作孺子慕者三年及補任莆陽會歲大旱郡守問計請諭富室貸米及銀賑之擢諭南海捐俸新奎星樓立題名記創射圃樹杏壇部使者高其行委署東莞令懇辭不赴其在泉州也一日登青源山見白氣亘天知有兵象又

夢塚屍出奔恐有意外之變惓惓為守土者言之不久海寇猖獗泉南震搖人服先見擢令江西上

猶土瘠民貧且多盜賊最難治為之汰冗費新學宮繕城隍立保甲設鄉約民訟漸息有牛口渡為荆襄廣右要津遇水漲沍寒渡者艱阻為建石梁民不病涉以真父母頌之會感嵐氣致疾乞歸院司慰留再三不得行李蕭然士民遮道馬不能西自辰至申僅行二里許直指徐五臺贈詩云巢由洗耳非行恠聖世從來有逸民太史羅念菴贈詩云檢點行囊何所有清風明月滿歸航居鄉高義不能彈述卒年七十有六著有紀遇錄子有家

松蘿齋集卷三十一

明

九

萬厯壬午舉人

汎泐

長湖波影汎霞光滿路荷香薦晚涼千頃碧雲森砥柱一天紅雨濕帆檣逢僧欲話明心性問偈何緣識助忘醉起不知風露冷漫攜清枕卧禪房雷動空山雨未收波搖蘭漿碧空浮聽來梵響依天籟望去雲飛逐野鷗已覺清遊成浪迹頓憐塵世一虛舟臨風不盡觀濤興欲訪蓬瀛遡上流

唐有家

郭志有家字元升華亭學萬厯壬午舉人

泛泐

浩渺層波湛碧流芙蓉九點望來收潮音疑擊山中磬
塔影偏驚水上鷗極目蕭瑟秋思邈浮空樓閣暮雲稠
一拳自古標名勝不減乘槎泛十洲

唐文獻

明史葉文獻字元徵華亭人萬厯十四年進士第
一自修撰歷詹事妖書事起執政欲以傾郭正域
文獻偕其僚楊道賓周如砥陶望齡往見沈一貫
曰郭公將不免人謂公有意殺之一貫跼蹐辭地
若為誓者文獻曰亦知公無意殺之也第臺省方
承風下石而公不早訖此獄何辭以謝天下後獄
漸解文獻坐此遂失政府意不獲大用尋拜禮部

松風齋韻卷三

明

十

右侍郎掌翰林院事初文獻出趙用賢門以名節
相矜許同年生給事中李沂劾張鯨被廷杖文獻
掖之出資給其湯藥荆州推官華珏忤稅監逮下
詔獄文獻力周旋得無死掌翰林日當考察執政
欲庇一人執不許卒官贈禮部尚書諡文恪雲間
人物志抑所唐公少孤力學補諸生聲藉甚督學
黃州李公首拔之屢躋南棘上舍范君捐貲助入
北雍萬厯乙酉丙戌聯捷廷試大魁天下吾松自
錢公及第踰百年一旦聞公捷驚動閭巷乃至趨
之如市而公處之若固有者且能檢飭家奴不踰
尺寸識者服其量乃錢公厄於年位而公至少宗

松風齋韻卷三

明

十二

乎一世為秀才二世為孝廉三世為中丞曾以無
罪斃其夫人侍爾福業既盡此債當索償也後至乙
巳歲附病京邸復夢其人來曰福享已盡夙業當
償諸君起而思之是夜乳媪某氏亦夢一人與公
索命大為驚怖作三晝夜道場追度之甫畢又夢
慧寺僧謂公曰功德亦累相當第我所負錢幾十萬
其人曰賴此功德亦累相當第我所負錢幾十萬
貫再須代為償之愚菴夢亦如之其相款異重為
超薦多燒冥儀公疾亦覺漸愈公所寓為故周文
恪公舊寓素不寧靜近來為甚適張真人到京宅
中人索符一道鎮之真人即知其故曰是鬼非符
可逐今姑以待往但恐未必驗耳至夜公夢其人
大加詬詈云我以度度故稍寬安復用符咒相
運今不汝貸矣公遂卒一片夢境却自可怖

擬青青園中葵

青園中葵綠萼映朱莖豈不盛繁華但恨秋風欺黃
河向東注白日駛西馳逝川與流光飄忽不可追勉哉
青陽子努力須及時

題署中柏

翠柏何森蔚經冬色豈更枝高堪引麝葉老不藏鶯影
度花磚古香沾玉案清赤松如見採還自得長生

秋祀山陵

寢園蕭颯正高秋此日祠宮祀典修千載乾坤黃鉞在
十陵風雨翠華幽天迴北極祥雲護地迴西山爽氣浮
霜落空懷至孝百靈長此答鴻庥

長安春日感懷

已矣吾衰久行藏未自由江鄉千里思夢醒五更愁鳥
自吟清晝花應笑白頭初衣頻取拭背負竹林遊

丁酉秋得請賜告

天意容棲遁烟霞入夢長淺才羞竊祿漸老學休糧戢
羽歸愚谷看人角智囊單車明日遠相似鴈隨陽

寄施起東丈為溧陽司訓

舊是文章伯居然弟子師絳紗傳舊業綠綬綰明時君
有施難易吾慚唐詩空懷問奇意未敢問前期

登北固曉望

清晨凌曲磴一望攬雄圖天塹仍連楚雲帆半入吳遠
山籠日氣古寺隔烟蕪自覺登臨迴渾忘旅思孤

夜泊呂城

何處汀洲晚停橈信楫師雨餘霞散綺風靜柳如絲野
寺鐘聲後夜潮人語時勞勞遊子意隴笛不堪吹

龍井

已變莊嚴境垂籬猶古牆秋聲墮霜葉晴色引天香雀
啄飯僧地猿窺演法堂飛觴復茗飲不覺晚雲蒼

題北固大士菴

北郭延清賞雲端露碧岑秀當平野出雄壓大江深花
鳥莊嚴麗藤蘿秘密陰靜居開妙覺應聽海潮音

題崎野

府志盧山下有水一泓清澈如
泉陸孝廉萬言即其地為崎野

羣峰環四壁晴色曉來青曲水縈為帶嘉林面作屏幽
禽啼野竹醉客倚孤亭選石攤書卷惟應頌酒經
勝韻君能擅蕪之選地偏羣生凭夜閣晴眺極秋烟竹
茂經冬悅泉香帶雨鮮到來機事盡堪與狎鷗眠

初夏日與同社遊泖塔禪院

避塵來水國聊假法為船禮佛初傳偈依僧小結緣香
分清磬後梵出曉堂前身世看雙髻棲心水月禪

宿泖塔曉起即事

城市由來隔蕪無水郭村鳥啼山月暝龍出海雲昏塔
挂占風影湖添過雨痕浮槎天漢近何處有塵喧

送中石李司理應召北上

李名楠

秋入金飈谷水澄賢良羣赴辟書徵獨高漢柱題田鳳
得御仙槎送李膺秦策乘時人共舉虔刀解贈事堪憑
森森玉笋趨朝謁還憶江蓠卧季鷹

夏日泛泖題畫松

跌坐倚長松歲月龍鱗老試言靜者意天空片雲掃

步月本一禪院

庭前明月佛前燈一宿招提最上層
戀別不須留姓氏將心許作未來僧

鶴林寺

每逢山水地便有卜居心終裁風塵裏何年滄海潯
林寒泉滴細花暝石房深青壁須留姓他年好共尋

先生氣備四時德全六行形諸歌咏音節和平如
聆九成雅奏信可傳矣匪懈致羸遽卒於位命也
若客諧偶鈔近委巷悠謬之談雖存其說可盡信
乎

唐之屏

方志之屏字君公萬厯壬辰聯第授常山令巨室
有為民患者懲之亡所避築荒山禦水堤條止銅
山開採諸役嚴禁溺女不舉者置田學舍給諸生
創書室百餘貧者人予一室不能娶者為娶之前
拔多名士前松守樊公惠澤且百年為立碣表墓
而祀之竟得調歸時父春秋漸高因請終養小築
城南與故交韻士嘯歌盤桓日以讀書苦吟為課
絕不問家人產郡伯堂邑許公嘗謂曰大雅陵夷
汲古之綆短矣天下書乃盡在君侯腹中耳為文
奇所刻問龍堂集桂笏齋稿胡應麟敘而論著

之曰君公出宰百里鳴琴之暇篇什輒行古風樂

府銘裁於漢庀材於魏而旁如晉宋近體歌行範
格於杜學秀於唐文復奇古瑰邁一砥尖纖浮艷
之弊噴矣雲間志略項東鰲中丞令華時適更定
踐更之役唐公曾城無百畝產而里中人陷之唐
為力爭項公推案起唐亦拍案而言曰我非長貧
賤者遂拂袖出為之掩關下健大書萬厯二十二
年糧長唐某於壁上以自策勵又值府試見抑於
常山濬源詹侯及成進士授常山令詹侯之弟洞
源為北地憲使輒具書馳賀并遣車馬送之乘傳
歸皆麾去以單車赴任詹氏之族頗恃兩憲使勢

為橫里中公於憲使無成心而亦不能廢法憲使
以此不快思所以中之於是詆築壩為聚斂修學
為勞民當事入其言遂疏議調士民稱冤者萬口
皆卧轍牽車以留而公畧無愠色猶命檢百金留
修縣廨時衛守亦與公不甚相知聞報即遣攝者
至意公橐中有艷裝不知其蕭然文史數冊不六
日即行也守聞而愧當事亦有悔心無及矣公居
恒手不釋卷嘗採古之善行嘉言勒成教史志餘
逸志彙就尚未究厥緒也嘗自謂知義知命知立
知時知足以五知額其堂又自標坐無不空之酒
亦無不韻之賓時與舊交數輩為杯酌談笑歡而

貴人欲式其廬恒高枕謝之不與見許周翰太守
與公有文字契嘗造公門而請焉不為報謝也生
平強項如董宣早白頭似顧凱之喜讀書似桑維
翰善諧謔似蘇長公能詞賦似司馬相如而遂初
衣似陶元亮至其仗義疎財恤孤敬老周人之急
忘人之仇親之不加睨遠之不加嫉落落穆穆即
叔度汪汪千頃波也

登金山

一柱東南表地靈芙蓉萬古插清泠江淮潮色無邊白
楚蜀山光不斷青鯨吸風雷波自撼龍過樓殿雨猶腥
枕流無限滄洲意極目何妨我獨醒

秋日汎泖

綰海迴江控大東鮮雲迢遞擁芙蓉九螺黛色時衝鷁
萬馬潮音或亂鐘驅象法王開寶界弄珠神女欲排空
鑑湖豈用君王乞一任長竿署釣翁
秋半湖心爽氣浮青簾白舫問靈湫神僧折葦馮虛渡
畸客乘槎貫月遊近隴遠林紛伎倆虬潛鷗泛各夷猶
江湖滿目無塵事洗耳何須說許由
霧澈煙汀映帶微短橈隨意鴈行飛不妨谿壑浮天去
且快菰蘆與世違水月夜侵深淺瀨湖雲秋冷芰荷衣
乘風闌盡滄桑意有客臨流已息機

亭亭玉柱插虞洲滌渺長波倒接天山樹染霜秋後色

浪花和梵夜中禪先朝屢市由拳幻故事溫涼內史傳
未果乘桴猶鼓柁河清恭問侯何年

和董玄宰秋日汎泖

澄江如練此重過搖落幽尋歎逝何異日春風陪嘯咏
至今秋水自思波雲埋寶樹疑遺墨濤簸鐘聲想和歌
共是西州門下客鮫人淚灑夜珠多

秋爽扁舟採石華候芭懷舊賦蕭葭司空劍在延津畔
尚父竿留渭水涯極目滄洲分鴈鶩傷心大澤返龍蛇
楚靈湘瑟江潭上生氣猶存對紫霞

從袁履善廢圃中獲一湖石色道紋理絕似靈璧
壁上有錢太史與謙題句云清時誰肯棄君

平高臥偏深入石盟對此蕭閒無俗事一縷

沉水一函經自喜此詩若投贈者移置聽雪

樓前遂成二絕

太史風流絕代雄高情勝韻氣如虹題詩錦石將誰贈
貌得壺邱避俗翁

芙蓉爨下氣嶙峋片語沉埋未損神我較愚公愚更甚
可憐石丈可憐人

唐國士

郭志國士字玉屏嘉靖甲子繼賢子上海學歲貢
萬曆丙午順天中式嘉魚知縣福州通判

和王學憲洪洲辛亥除夕書懷之作

通籍金閨歷主三歸來華髮已鬢髮鳴琴花縣恩常沛
奏簡霜臺直不慚鳩杖懶扶神自王共編細勘力還堪
獨憐聖代虛態夢歲歲林觴祇自酣

唐繼冲 無字號

和王學憲八十自述韻

東山高卧意如何其奈蒼生繫望多大耋又開新日月
小山仍擁舊笙歌久隨豹隱忘簪筆豈為鷹揚憶拍戈
欲識著書長閉户庭前列柏已垂蘿

鵠立曾如鳳舉何山林鍾鼎竟誰多青牛人共占真氣
白雪誰能和郢歌閉户萬言皆玉笈挽時片語即金戈
年年何用稱春酒仙露常堪醉薜蘿

松風齋韻卷三十一 明

一八

從衰入白更無多駐顏空泛宜春酒撥悶高吟子夜
歌岐伯不傳醫老藥魯陽曾有挽天戈一觴珍重蓬
瀛侶管領東風到薜蘿

唐陳彝

字元常王洪洲圻之孫壻也

奉和王學憲辛亥除夕作

柏臺功業已參三常切憂時兩鬢髮砥柱江湖方有賴
立言大小總無慚廿年龍卧名逾振一日鷹揚力尚堪
吳問風塵斟歲酒長春未艾好沈酣

和癸丑除夕韻

守歲挑燈祝大年興來得白夜忘眠南枝梅信占春後
北斗文光照酒前戲綵家庭欣愛日著書數葉勝淩烟

香山耆社堪酬和娛老時開架上編

和甲寅九日登高韻

消搖同上最高邱不向枋榆笑鸞鳩宿霧浮烟千嶂曉
碧雲黃葉萬家秋攜尊再舉龍山會和曲欣將郢雪收
聖世耆英堪屈指幾人白首樂綢繆

老來驕蹇上層邱健足無煩倚杖鳩滿目煙霞非舊
日故園風物又高秋龍山栗里今何在紫菊黃英尚
可收其詞白衣人未至待留明歲再綢繆

南河曲五首

江風十月始淒淒夜越長川路不迷行客盡能歌瓠子
南河使者善修堤

浪花浮處即天池河口飄船怕可知今日露筋堤下過

松風齋韻卷三十一 明

元

榜人高唱竹枝詞

決口淮防歲歲增市中簷瓦見沙凝石堤成後馮夷遁
五色雲長護祖陵

水行堤下稻盈衢康俗勲堪邵伯俱甓社不須誇老蚌
使臣同日產雙珠

防河五奏大工成心與珠湖水共清官舍獨餘几供石
歸時且莫慮舟輕

唐時徵

郭志時徵字元成隆慶辛未本堯之孫崇禎上海

歲貢吳縣訓導青陽教諭

戊寅八月既望登九華

蓮花片片望中收
小憩先登九子樓
龍藏自來環壁古
月明今夕一輪秋
名賢有句多芳韻
後進何緣踵勝遊
縹緲江雲襟帶遠
半天空思共悠悠

唐 汶

字齊山上海人

金山寺次劉梅國韻

洪濤兼天狂欲侵
屹哉障峙雲根深
登臨自我堪作古
開鑿在天豈斯今
山喜客來色更碧
龜聞僧語浮還沉
聽潮軒前今夜月
曾照遊人千載心

唐 汝詢

郭志汝詢字仲言華亭白沙里人五歲而盲以耳

松風齋集卷三十一

明

三

受書博通羣籍弱冠著唐詩解交遊日廣萬厯間
御史楊鶴駱駘曾聞汝詢名皆肅禮幣見之甚加
歎異汝詢以竟陵詩歸有乖雅調復作彙編十集
學者宗之兄汝諤字士雅博學好古以貢歷常熟
宿遷教諭後晉安慶教授年老不赴亦能詩列朝
詩集仲言近代一異人也嘗過余山中酒間誦子
虛上林諸賦杜白諸長篇鏘金戛玉琅琅不遺一
字留校杜詩時有新義如解溝壑疎放之句云出
於向秀賦稽志遠而疎吕心放而曠亦前人所未
及也兄汝諤篤嗜王李之學仲言童而習之故其
於詩未能超詣蓋亦雲間流派如此

詩人形累者孫伯融跛偶武孟張節之謝茂秦眇
祝希哲枝指何仲默禿筭其他不可悉數至唐仲
言無目李公起口啞耳聾兩君乃能勤於箋述不
廢吟咏是難能也唐有編蓬集

夜別陸長倩得青字

悵別高樓酒易醒
坐聞落葉滿沙汀
春來倘憶同遊地
無限垂楊夢裏青

折楊柳

青攀垂柳唱陽關
柳復垂絲君未還
惟有楊花易飄蕩
隨風吹得到陰山

留別沈茂之

松風齋集卷三十一

明

三

風雅翩翩自不羣
榮華入目總浮雲
江湖此去無知己
早晚移家欲就君

歲暮歸五茸留別白門諸相知

淒其冰雪促歸心
欲命蘭橈思不禁
青眼坐悲千里別
白雲邀卧九峯深
試為南野開荒計
難續西園侍宴吟
未敢輕將流水廢
只緣都下有知音

八月廿六日攜諸兒過吳逸一山齋夜集

田禾滿野正高秋
命棹將雛偶出遊
逸興不緣微雨盡
晤言偏愛小亭幽
垂垂菊蕊黃將坼
颯颯楓林綠欲浮
暫一持螯便歸去
重陽猶苦獨登樓

奉和王洪洲癸丑除夕韻

杜史由來善養年著書耽向白雲眠持椒飲在申公後
拜闕行居綺皓前抗跡人龍曾作雨全身玄豹慣藏州
外臺著述君家事國史三朝定擬編

宿細林山

名山滿月倦登臨風引浮槎入細林義士古碑紅蘚合
仙翁遺塚白雲深鐘聲晚動千巖寂爐氣晴飛萬壑陰
坐覺塵心消欲盡起看明月照孤琴

過通惠閘

力泝不可上疾流奔撼空身疑雷澤過舟在沸湯中險
絕資糟輓渠疏補化工所嗟民膏血無歲不從東

汪麻賢

松風齋集卷三十一

明

三

扶輪集麻賢字希伯華亭人

淨業寺水亭對月

地惟閒此月客始有孤亭羣動定無擾纖塵靜不形水
香含宿藻村影住寒青往在湖山曲方茲未宵冥

初秋雨後范質公招集淨業寺水亭看荷

輕陰猶爾護疎疎紅霽後湖光對忽空新爽到衣還自柳
定香吹雨不因風人經冉冉流波外秋在亭亭送影中
欲息幽尋心每共恰當佳月待橋東

訪瞿起周於呂公堂

疎楊不盡覆寒陂道阻伊人在水湄汀月有情來似夢
霜鐘無意與成詩立多幽鳥知相得望去閒僧聽所之

余目屬依若指次夕陽雙影過橋時

燈市竹枝辭

長安燈市晝連^{一作}宵遊女爭呈馬上腰蹋蹋^{一作}燈

光莫歸去前門釘子玉河橋

錦鞦朱勒未曾收猶俟燈殘續冶遊好向高梁看柳色
清明上巳在前頭

高粱橋

郭外身閒心亦寬燕將出子杏將殘千條濃碧春之季
一水吹光暮則寒乍識遠山俱可徑政憐疎雨不成看
女如雲對花如雪老此他鄉客未難

將至玉泉

松風齋集卷三十一

明

三

新綠漲天猶客夏晚花貪水未歸春路中山氣紛來往
乳燕遊絲拂著人

泉上

晨光初發後默坐識泉生偶見魚行處真如花影輕清
溫知水脉深淺泳山情若助幽人聽能為寒磬聲

翁朔州攜具昭明讀書臺

分得風字

樹裏荒臺夕易風曠然興想古今同幽踪欲吊碑無語
遺韻堪尋讀已空山不限人雙屐外君能有此一邱中
聲華寂寂何如飲往事從知笑未工

困雨和宗遠

鳥至偵花去時猶或一晴跣童為鶴事亂水附溪名每

指雷奔黑都疑山欲生孤亭立遠大塔影沒還呈

贈少年

少年多負氣鼓掌輒談兵已去古人久自遭當世平雖
然投袂起不易請纓行策力今如此何論絕域情

村居喜晴

幽地多晚綠與溪相覆平好風如爲雨一夕即吹晴山
影出庭上洲喧疑壁生小兒初解語農具見能名

雨後山閣

來往山中道爲時雨至晴衆松清一影流水欲無聲
閣全離濕烟窗屢就明地深春夏內幽與物觀生

重過暖民山居

舊飲山泉上尊邊月似存容身還滿腹山翠與泉源見
竹已無地因花悟入門人家動耕作伐鼓出雲根

淮上秋宿

人家宿秋氣鴈始食南霜身與孤帆習心將遠道忘夕
花開水色寒葉墮烟香殘夢苦成憶事皆逢故鄉

山中簡客

步屨數還往雙溪共汝清遠山猶在雨竹氣已能晴樓
入鶯聲鎖牕因草色成每看人別處自具一歸情

曉霽江岸即事

客雨夜裳惡晴光忽照深無端婉帆影微爲觸鄉心晚
氣暖猶薄江風吹至今漁竿歸暗識簷簷擊空音

友人草堂共宿

虛峰一朝已親識何物可着君胸懷迴看氣俊筆欲掃
旋歎老至文將埋燈光外照泊如水松影半沉中有涯
對卧不辭向山枕幽心可話夢還佳

山中曉起同明之晉叔幽步

暗聽禽語冷於蟲已念新秋與此同月落尚含烟露氣
山微難別雨晴中來行濃綠幾忘出祇覺流泉忽繞空
無故又生湖上想避人一舫藕花風

秋咏效香奩西崑體

親煩贈枕粲紅粧甲帳懸犀待雪兒芍藥裁詩本南國
芙蓉張宴自西池衣含新茜肌猶映佩結幽芳氣欲吹

不向夜深相就處夢中還識李郎誰

艷詩

花氣多清寒花前着衣去記得與歡行花影移其處

春江詞

開門見行舟江水朝朝到無計挽春風何能惜年少

老僧

嵐翠千重裏作村尚依猿鳥話兒孫江濤嶽色平生路
歷盡人間始開門

陳徵君稱希伯新安世家客華亭爲寓公而帝京

景物略扶輪集皆云希伯華亭人想如今之從新

安來者久之入籍皆如土著人也徵君評其詩曰

新一字足以概之矣

姜雲龍

郭志雲龍字神超上海縣學萬厯丁酉舉人制敕房中書舍人纂修兩朝實錄加太僕寺少卿

宿澄照院

側門三泖浸陡見一泓開西控勾吳壤北枕內史堆兩岸九芙蓉壘壘綴瓊玖中流蒼鵠苑野寺黃檗臺刺雲現寶相鉢水盪塵埃素瀑千頃瀉靈潮百尺回空中散天花池底變劫灰願言訪仙侶從此脫凡胎龍伯凌颺護馮夷倚浪猜逸情箕穎曲名理濠濮隈伊人在何方堪共明月來

彭汝讓

松風齋集卷三十一

明

庚

雲間人物志汝讓字欽之號九麓魯溪公子文名聿起與馮具區唐抑所方明齋諸公同社推執牛耳屢試不第遊南雍工古文辭善弈大為屠長卿所器重萬厯癸巳郡守李思謚多惠政會京察被謫士民攀留不得汝讓以儒生之見議塞西城阻其歸輒縉紳某譖之當路以倡亂罪之并蔡生汝中逮治考掠狼籍血肉中賴陸文定公父子力救得生後三年事白方志直指朱鳳翔仍為上舍生僑居龍潭家徒壁立尋卒陳仲醇云欽之考為魯溪先生嘉靖甲辰進士累官邵武守欽之以古學

赤幟社中諸君子尊為祭酒屠長卿令青浦下榻

式廬而太原王文肅父子瑯琊王弇州兄弟推轂

欽之不去口於是名大噪而造詣日益深賦類韋

蘇州詩類輞川襄陽文類張晁黃秦而竿牘則晉

人語經術則漢人語詞學中若方眾甫陳子有唐

元徵馮開之楊彥履董玄宰皆愧服以為弗如頗

有劉蕡下第之歎而欽之杜門吟咏宴如也

飲馬長城窟

飲馬龍堆北斥鹵何蕭索悠悠維我思山川其何之不識春去早但逐水邊草草青有盡時我去無歸期

毛公壇

松風齋集卷三十一

明

壬

從說崑崙子松壇跨紫鸞含霞殮白石避世傲黃冠玉雷標雲翠瑤空振羽翰至今遺跡在應作十洲看

登太白樓

我生甚落拓日暮行靡託一歲客長安又及秋搖落長安歸去正悲秋逶迤一上太白樓秋草江邊氣蕭瑟秋風江上聲颼颼登樓一望獨徙倚人去千秋樓在此有人問我太白名從說唐家李公子公子本是長庚星天宮謫向人間生為人放浪不拘檢一生好醉不好醒明皇召白白已醉醉後握管形神清沉香亭上新聲好采石舟中宮錦明至今人傳李太白太白樓前風淅淅一徑蒙茸入市囂四邊平莽生茂林無端樵採自歸來日

夕牛羊散荒陌石光電火人不知滄桑只在刹那時常
而已開紅芍藥隔牆又是鷓鴣啼君不聽琵琶絃上前
朝事泣盡青衫月又西

贈呂才兒

佳人獨立美如雲彩鳳翩翩散紫芬愁殺吹笙王子晉
秋風重到石榴裙

湖州江乾所山居

萬樹照寒日山中落葉深曲臺臨小徑流水雜鳴琴殘
明鄰圃疎烟逗遠林翠屏宜晚對三月柳成陰

柘澤廟

秋雨偏蕭瑟山光畫不分低林全覆葉舊井半棲雲竹

裡歸僧屐沙邊落雁羣青溪來往棹鎮日自紛紛

春日同徐長孺渡泖簡李叔玄吳關

一航同趁好風前湖上人家隔岸烟孤磬忽驚長水塔
雙鳧自起木蘭船閒雲住處諸峰外荒市窺來獨樹邊
此去莫驚開戶喜挈鉶只汲惠山泉

姑蘇夜泊

長洲苑外雨蕭蕭舟子乘風夜放橈自起推篷不成寐
鐘聲依舊到楓橋

明妃怨

迢遰高擁酪漿紅不及淒涼在漢宮堪歎容顏已憔悴
當年圖畫恰相同

九麓先生遺詩四卷爲文孫孝廉彥臣校刻陳徵
君擬之襄陽軻川五言如練迴秦觀白蛟出海門
黃竹蓬低月色木葉亂溪聲蟋蟀吟秋暮燈花落
夜深池上空歸夢愁中不記年月出鐘鳴後僧歸
落葉深七言如雲氣坐生山上樹月華閒與水中
洲散驂半生頭已白風塵滿路眼誰青竹徑葉深
人不掃雲房蛩冷砌無聲一領綠蓑青笠半生
鶴氅鹿皮冠霏霏玉屑和露服之可變凡骨

彭維巖

維曦字東陽邵武守魯溪公之孫太學欽之汝讓
子也詩有鶴和草附於欽之集後其自敘畧云生

不逢辰早因食貧尋丁父難呼暑狂狂乞哀餽橐

迄三載滄沫乃釋亡何夢我廢吟琴瑟再敗五晉

棘闌幾售而別憶童子時舅氏孟孺徐公戲試余

詩余應以倚杖看牛斗佳話甚風騷句舅氏笑顧

先君子曰此兒藍田玉也今兩尊人俱往而於懞

惘眊之餘効顰數言以之災木不第哽咽益滋

兀擦矣陳繼儒彭欽之遺集序云郡侯李公思弦

坐爲郎被察士民閉城遮留不聽去欽之適隨蜚

語中兵使者逮下獄筆掠幾斃子維曦茂才上書

請代詞甚楚陸文定正文肅聞而憐之馳書救援

朱直指白其枉得復太學生而室如磬矣維曦事

欽之篤孝父子更相唱和以寬其憂課兒彥臣登
戊午鄉薦貧而好修座主鄭方水王東里一見有
國士之目仲子彥卿游櫺序亦騰蹕有文譽

詠紅梅

春園一夜雨萬玉試新粧偶借胭脂潤先開錦繡塲
顏疎露影丹頰暗藏香傲骨依然在穠華總不妨

詠橘

葉底垂垂綠枝頭冉冉黃洞庭秋欲老園叟味先嘗
玉漿同醴團金色借霜吳姬曾半剖三日手猶香

六十初度依韻謝杜幼白

浮生逐逐碍閒身莫問常珍與異珍但有好花供醉客

松風餘韻卷三十一

明

手

不妨蠟屐伴遊人蹉跎歲月虛名在鄭重詩篇好句新
觴祝漫勞長者駕為慙霜髮已非春

醉醒

吾性不善酒最解酒中趣一醉萬象空一醒百憂萃
古來畢與劉何思亦何慮日從青州君飄然欲仙去

過宋甥齋中有憶

白楊衰艸逗寒烟舉目相看倍黯然昔日故宮今尚在
當宵夜話已非前孤棲隻鴈形堪弔待哺諸雛影自憐
為問西州門下路羊曇灑淚幾迴旋

烏聲

嚶嚶現睨出枝頭賣弄春光到玉樓喚起午餘清夢醒

一時齊上翠簾鈎

遊鄒愚公園

名園依石磴古木鬱嵯峨山色平分近泉聲次第多
堂開淥水曲閣迤白雲阿邁軸真幽境遊人日日過

松風餘韻卷三十一

松風餘韻卷三十一

明

手

松風餘韻卷第三十二

目錄

明劉亨叔一首

劉仲禮二首

劉庸二首

劉鈍二首

劉瑛一十二首

劉充三首

劉燾五首

劉永豐五首

劉士奇一首

劉邦輔三首

劉邦重四首

劉鳳章一首

松風餘韻卷第三十二

胥浦姚弘緒聽巖編次

劉亨叔

字子通黃州統領見王侍御葦城唱和集

答陸子俊

才華少小滿賢關一榻邱園自任閒花柳山中成別調
乾坤醉裏破愁顏當春好句雲連席憑閣豪遊月在山
自是烟霞輕帝業漫同仙馭赤松還

劉仲禮

上海縣志仲禮字用和建文朝以春秋明經辟召
至應天遇靖難師入不食七日而死南吳舊話錄

松風餘韻卷第三十二

明

用和遇靖難兵入京師同名者數人謀相遁去用
和泣曰僕所明者春秋也既用其經應辟矣今外
藩稱兵主上不知存亡春秋之義謂何吾不死是
不明經也因絕食而死

贈月波上人

月來江上景偏幽占斷雙清一色秋靜影倒垂丹桂魄
浮光晴耀白蘋洲可無庾亮追陪興能助袁宏汗漫遊
自是纖塵渾不染悠然胸次出時流

陸東山宴集

有客才華鄴下齊開尊夜闌斗橫溪青穿石徑苔新破
綠轉沙堤柳欲迷座上可無越石調社中猶索少陵題

更闌未盡招尋興晴日江梅且杖藜

劉庸

字文中上海人仲禮子也

秋聲

萬壑竹花風四簷桐葉雨偏令寒士聽漫把瑤琴換

謁徐運使

夕陽下西岑石門隱正深相逢成一笑此日見初心

劉鈍

字廷魯贈真定府同知別號水月元王侍御茸城

唱和集上海縣志鈍仲禮之二世孫也有兄銳永

樂間以會計事坐法繫京師鈍婚二日即趨裝護

松風齋集卷三

二

行後兄思歸鈍陰乞守者代繫兄歸給父母謂鈍

窮病道卒父母悲號不已會刑部郎訪善字書者

獄吏以鈍聞試之大稱意為釋其罪而禮遣焉比

歸夜午家人驚以為鬼鈍具告其故與父母對泣

兄自愧逸去鈍亦不明兄之給已也生二子以長

子璵貴贈同知

秋夜

囊裏無銅臭尊中有酒香新秋到桐葉涼露滴銀牀

歸興

倦向東風紫陌遊惟思高卧海東頭鱸魚味美蓴羹滑

獨占江南一片秋

劉瑛

雲間人物志瑛字鍾美家傳一上海人天順己卯

舉人鳳翔真定同知建寧知府志稱平易近民所

至有惠政各祀名宦

建寧十景詩錄八首

黃華鍾秀

黃華山在府東北秀麗為一郡之景

黃華山是眾山宗鎮壓茲邦秀氣鍾萬堞城連青薜荔

半空雲擁翠芙蓉蔚藍境界天高下卷畫樓臺色淡濃

風景滿前人物盛錦囊誰與問來龍

鶴山佳氣

白鶴山在府城東二里寰宇記云東晉時望氣者言山有異氣命鑿

之朝鑿暮合已而有雙白鶴翔其上因名下有明贈少傅楊達卿墓

松風齋集卷三

三

茲山形勝勝蓬萊佳氣龍蔥鬱不開靈異豈容人鑿破

年深應化鶴飛來孤高似立松頭月鎮重那驚地底雷

風水誰云無寶驗東楊先世有泉臺

梅山丹竈

梅仙山在府城南二里舊志漢南陽太守梅福煉丹於此丹成騰鶴而

去山頗丹井壇

飄然不拜南昌尉卻向山中煉大丹洞口碧霞春不老

爐頭絳雪夜生寒離龍坎虎藏真氣琪草瑤花闕石壇

老我白頭塵壘裏刀圭欲乞苦無端

陸羽茶泉

陸羽泉在歐寧縣雲際山下永慶寺後相傳唐陸羽所鑿然羽實未

嘗到此宋楊億有陸羽何曾到之句

旋題茶品著茶經雲際山泉自榜名石鼎雪翻新火活

翠烟風颭落花輕小瓶分出香偏冽大盤吞來味轉清
我亦生平有斯癖欲將遺訣問先生

獅峰曉色

鐵獅山在府城南三里許府治之對山也山巔有菴菴旁有鐵鑄文殊獅子像俗家謂府治東山若猛虎出林溪西諸山若隊羊然欲其不為傷也乃於獅以鎮之

聳額昂身立半空何人成此鑄山功氣凌西下羣羊小
勢壓東來猛虎雄曉雨收晴春弄色朝霞散彩日爭紅
黃堂愛對茲山好挂笏吟詩興未窮

鸞溪晚照

鸞溪波在梅仙山梅福煉丹成驂鶴而去名

梅福當年此煉丹丹成白日上驂鸞已無雞犬遺塵世
只有山溪傍石灘樵擔旋歸春渡晚漁罾半捲夕陽殘

松蘿閣卷三

明

四

分明一片滄浪趣我欲臨流濯肺肝

西嶺霽雪

雪霽西山曉色分連岡接隴玉嶙峋光搖銀海迷清晝
凍壓蒼虬卧白雲瑞應豐年先入兆潤滋生物漸回春
詩家物色渾相似吸茗焚香坐日曛

南橋明月

憶昔文公列卦時晝沙正在此橋西長虹飲澗波光動
老兔行空桂影低歸寺有僧敲古磬乘車無客著新題
憑欄我欲延清賞卻怪鷺鳥繞樹啼

和顧孟育感懷韻

以下刪錄

十年坐老簿書間治道無裨獨厚聲利到人喧若市

功名於我寂如山經霜菊綻籬邊傲帶雨舟橫渡口閒
回首不堪塵事裏馬蹄終日報民艱

日見廷臣外謫因懷慕濟民惟敬高尚

依依雲樹三千里戀戀親知四十秋廊廟憂深憐隱鳳
江湖心遠羨盟鷗閒庭暮局看成敗急水帆檣見去留
老我塵纓還未濯客樓南望若為羞

感懷

閒門積雨掩蒼苔一片春襟鬱不開知我故交星散去
惱人新恨水流來自憐白首猶為客誰信黃金可作媒
遙望鄉關四千里斷雲和鴈却飛回

題曹以寧山川紀遊卷

松蘿閣卷三

明

五

幾年踪跡歎浮萍天下山川半已經詩句盡從行處得
秋聲多在客中聽風塵騷客亭長短烟雨河橋酒醉醒
獨有百千門下士宦途隨處仰文星

劉克

儼山集墓志克字復之號宜亭其先汴人有諱亨

叔者始占籍華亭生仲禮遷上海仲禮生文中文

中生鈍鈍生二子其次名玉別號靜齋公之考也

公受易於鄉先生陳晚莊造詣卓然成化間以例

貢入太學時邱文莊為祭酒見公文翰加賞拔焉

注還還家正德癸酉始上天官第入優等授汀州

府通判汀故反側郡也公摘奸撫良四境咸安適

江西盜起閩廣騷動調浦城兵公撫馭有方軍民
兩便越歲疾作謝政歸與鄉士大夫作晚香之會
觴咏為樂者數年卒年六十有六

春日漫興

天與清閒半掩扉疊山移樹傍苔磯雲知舊景常來訪
雨勒殘春不放歸沼面魚吞花影過牆頭鳥帶柳絲飛
祇緣睡去渾難化夢對詩人辨是非

元旦朝回

幸隨鵷鷺退朝班兩袖餘香馬上還便覺陽和回地脈
豈無春色上天顏萬方玉帛梯航外一統山河錦繡間
蟻蝨小臣遭盛治欲陳歌頌愧才慳

松陰雜錄卷三

明

六

過楊子灣

秋風初起鴈初飛人在天涯放棹歸楊子灣頭蘆荻老
吳淞江上鰕魚肥閒歌詩句消長日坐對篷牕看落暉
此去親聞應不遠笑擎春酒舞春衣

劉燾

字松山江西九江府照磨上海縣志例貢劉燾璵
之孫也

暮春即事

終日公家忙不知春又老飄殘林外花碧盡庭前艸壯
志付深杯閒情拾落稿忽聽鷓鴣聲不如歸去好

丹陽道中

匹馬金陵去丹陽郭外行露翻松液潤風過竹聲清野
鳥可人意山曉愜水情臨流賦詩處借此濯吾纓

送節推黃時齋致政歸建寧

宦遊歸泛一虛舟笑結心盟共野鷗高枕夢酣黃菊晚
朗吟題破碧山秋歸來全著收棋局老去閒情付酒甌
從此百年天放與優游林下復何求

登小姑山

步上仙姑臺頻與塵世隔屹立九江中千古冷涵碧

睡起聞鴉

萬壑千林木落時天涯游子滯歸期客牕正熟還家夢
却恠山禽又亂啼

松陰雜錄卷三

明

七

劉永豐

字宜日山西蒲州同知南吳舊話錄宜日於崇禎
初佐烏程凡今有所不逮輒多方規諷民賴以安
童謠曰知縣耳縣丞舌而不倦百姓活烏程田低
每當霖雨嘗廢寢食族兄至笑曰縣丞官須帶眼
鏡視之其大猶不勝芥子而步趨杞人可字之曰
子之言其迂也宜日聞之歎曰不知我不合為丞
更不知丞不合為我充其意終負此職也著有遙
青集

雲仙圖

結束雙鸞駕紫鯨絳雲縹緲朝天京桃花洞口春正深

烟嵐獨嘯虹霓驚手持三尺碧玉笛學得穿雲裂石聲
相逢豈是青城客或者乃是浮邱生山頭瑤草色長新
行將踏遍蓬萊與崑崙卧吹天上一輪月散作人間萬
古春

雨花臺晚晴

高臺一登眺木末共傳杯帆影天心轉鐘聲雨脚開江
山還建業宮闕近蓬萊衰草斜陽地清歌滿地來

蟋蟀

蟋蟀乍堪聽相逢萬里間青燈孤客邸黃葉暗僧關短
榻寧辭窄清厄莫放閒夜深明月上秋思滿寒山

碧雲亭

松風集卷三二

樓閣參差景最妍雲亭縹緲碧河前銜杯夜落杉松月
撫檻晴開薜荔天竹嬾似須頻酌水鶴吟豈必藉鳴絃
客來醉倚闌干畔看盡名花亦勝緣

道院

竹院來松澗烟鬟薛衣黃庭經一卷讀罷鶴還飛

劉士奇

笠江集士奇字希賢筆峰其別號也任俠負奇如
上郡守馮桐岡彬築城均糧丈田諸議一一詳切
健戶讀書詩宗陶白又樂施予多周人之急家漸
中落始從遊松山宦所值華亭浦南胡公巡撫江
西憫松山才而貧擬以一省官賦督輸北部討羨

餘可得三四百緡君告胡公曰家大人濫竊微祿
奈何以垂白汙餘貲哉謝弗往胡公賢之後松山
旅卒人所饋贈率辭不受謂君子不家於喪士大
夫咸歎異之邦輔邦重皆其子也

七夕

萬里晴光煥斗牛中庭遙望興偏幽青霄有路寬須到
銀漢無聲淡欲流烏鵲倦飛湘浦暗梧桐落葉楚江秋
于今誰織凌雲賦深愧長卿已白頭

劉邦輔

字晴原

春遊

松風集卷三二

九

山色溟濛曉霧勻晴開江柳綠依人泥香燕壘草堂鶯
雨濕苔衣花徑新俠客漫遊惟載酒故人聊過輒題春
更須桃水深千尺擬向溪頭理釣綸

玉屏山

山色蒼茫傍水迴玉屏如掌即蓬萊自從薛老烟霞去
不放蓮花十丈開

浴丹井

方志查山在張堰南東去秦山十餘里
舊名遮山錢野人褒定爲查集仙外傳
云查玉成鍊丹海上浴丹井
中今山臨海上有浴丹井

青山巉截白雲披丹竈空遺鳥跡奇卻向瑤池仙侶在
休憐荒井草離離

劉邦重

字與參又字季球上海歲貢廣西水寧州知州劉
季球有吹藜葉黃長卿序之其畧云季球垂髫補
邑弟子以經術擅場試輒先鳴旁及漢魏而下若
詩若文若賦若頌靡不染指而各嘯其載起家博
士遷成均遷別駕遷鹽大夫再遷永寧守讀其集
中所往來廣和皆名公鉅卿如吾鄉徐文貞潘恭
定陸宮保其人又皆以酬恩報施而託之敘述吟
咏則其交口而推轂季球也可知矣又陳子有先
生有送劉季球之衛輝別駕詩見竹素堂續稿

手校諸生三場卷

河洛苞符列宿芒嗟今軋茁不相當誰知衛水鳴琴客

松風集卷三 明

翻作梁園校字郎訂盡魯魚猶恐誤補完帝虎始成行
諸生倘上凌雲賦莫謂劉黃姓未揚

飲陳吏部滬海官舍 得魚字

春日乘軒問起居故人搔首自蘧廬露搖金掌杯中酒
芸辟青絢匣裏書握手敢題門有鳳論心休歎食無魚
陳遵意氣能投轄愧我風塵迴不如

彭美人小字雪筠乞詩

湘江新謫五雲仙瀟灑冰姿倍可憐素質不隨春色展
虛心偏向歲寒妍霏霏憂玉搖珠珮點點飛瓊觀錦筵
漫擬寒蕭明月夜同看彩鳳影翩跹

送譚秋曹華陽還庾嶺

孤臣慷慨出神州草木蕭蕭動別愁疏上九重辭鳳輦
雪飛六出擁貂裘吳淞夢繞堤邊樹庾嶺情牽水上鷗
不盡臨歧憂世淚芳名從此播千秋

讓宗劉子手錄上世之詩見示自黃州統領而下
凡一十一人隱顯各殊而風雅一脉奕葉趾美清
新俊逸各擅所長洵可寶已讓宗文品兼優精研
音韻之學著有成書他日出之以佐同文盛治惜
余耄不及見耳

劉鳳章

東江家藏集劉文瑞名家子賢而有文永康侯聘
主西塾諸名人皆樂與之遊弘治癸丑謁選還華

松風集卷三 明

士

亭多賦詩送之三山許啟衷題其首曰西山朝雨
周御史鵬是其婿也

壽姚程夫

會裏耆英髮半霜重輕端不論腰黃主人已辦諸肴在
我輩須拋一日忙北海清尊傾厚釀西山殘照戀餘光
老成不是羣年少醉後同歸亦未狂

松風餘韻卷三十二

松風餘韻卷第三十三

目錄

明周興一首

周佩二首

周拱一首

周鵠三首

周禪一首

周思兼五首

周紹元二首

周裕仁五首

周裕度九首

周立勳四首

周汝誼二十一首

侯方一首

侯直三首

聯句詩一首

林景暘二首

林有麟一首

金鉉一首

金銳一首

金藻一首

任勉一首

任順一首

談壽一首
談田一首

松風餘韻卷第三十三 目錄

二

松風餘韻卷三十三

胥浦姚弘緒聽嚴編次

周興

墓志顧清撰興字廷參號心齋篤於孝友刻志於學

自洙泗濂洛百氏諸子之言中究旁達若繩引珠

貫而尤精於史學至終卷默誦不差弱冠作書上

提學彭御史御史稱之入府學為弟子負為教授

廬陵孫先生鼎所器重同學有十才子公為之冠

正統丁卯應天府鄉試以第一人薦禮部景泰辛

未廷試以進士出身第二人入翰林為庶吉士除

國史編修一時輩行論行誼超卓問學該貫者獨

推焉甲戌以天旱命禱東嶽丁內艱歸廬居三年

足未嘗入官府亦未嘗以貧為戚識者方以大用

期之尋卒年四十六

泖心玩月兼贈寺僧

落日停橈水國秋樓臺倒影九峰浮亭月色來滄海

漠漠鷗鷺散莽洲法苑千年塵劫盡浮屠百尺野雲留

潮聲夜夜乘風長飛錫何年到上頭

寶善編佩字鳴玉號北野華亭人父興官編修卒

於京公年十二晝夜號哭不輟叩者皆為墮淚隨

母歸貧無以居時江右禁中丞為郡守捐月俸營

一廬北郭又為之治塋以葬公痛父早卒感憤篤

學母朱安人紡織資之成化癸卯登鄉薦弘治庚

戌舉進士優等授工部都水司主事三載考績陞

營繕司員外郎都水職專征商營繕職司將作皆

財賦之數異時多以墨敗公於輸納散給不以毫

髮自汙庚申奉母歸養不能治裝貸於同官始克

作歸計抵家親治滄澣承歡膝下頃刻不離踰年

芝艸生於庭甘露降於階人以為孝感母卒哀毀

過甚服闋轉補刑部郎中時逆瑾擅政附者多致

通顯公獨不往瑾不平每問人曰雲間周秀才何

所操而弗置入曉中耶公遂乞身歸隱郭外日玩

周易一卦課詩一首作字數幅歲以為常詩學唐

字倣晉皆有法於易象占之外多所妙契郡邑城

市歲不一至時憲副曹公時中少宗伯顧公清家

居與公文酒往來無間一日曹公過顧公所曰吾

讀蘇學士過清虛堂詩兩腋習風舉特邀公和

之顧公亦躍然曰此際安可無北野因其泛小舟

詣公齋各和數首公設魚羹肉麵二味相酌至夜

分始別去顧公嘗遊佘山泖湖必約公偕往數日

與山僧蔬食絕不攜酒肉先達雅尚如此病時郡

守善化熊侯袖白金二十兩遺之比卒其斂具實

氏世鳴集雲間志略周北野於紛華勢利漠然不
介於懷人稱為百解先生謂一切外欲於公輒如
纏索解散也有直指遣一吏以書幣謁公莫覓其
居遍訪始得於城北濠畔矮屋數椽竹樹疎野應
門寂然謁者揚聲叩戶遙見一老人角巾短衣摘
豆籬落間徐整衣而出謁之即北野也

題麟湖沈南野嘉會堂

麟湖多瑞氣喬木出深叢素履無時態閒居有古風迴
車多俗駕接席半詩翁薄暮登臨處掀髯說歲豐

寄姚程夫

臘雪潛消正憶君滿庭桃李靄春雲浴沂風味應如昨

松蘿齋集卷三

三

領袖才華自不羣

東吳文獻教南安道在能尊亦不寒江閣分流山列案
清風泮水慕閒官

周拱

府志拱字良璧華亭人成化辛卯舉人温州府推

官

遊仙巖

停橈夜泊小溪邊借得仙巖半榻眠龍起梅潭雲影濕
虎來丹井月光圓論文愧我非韓子唱道逢僧是大顛
自爾更深不成寐燈前相與話留連

周鵬

沈東老集鵠字文儀別號適齋華亭涿涇人弘治

戊午以書經領鄉薦登正德甲戌進士授陝西道

御史乙亥奉敕南直隸印馬以未有印請沮於例

公曰事苟合宜義起可也再請獲行己卯巡按福

建至延平聞省城衛甲抗藩司宵征直抵速令撫

捕渠首禁元寶進祿等就擒餘黨百餘遂平鎮守

宦官羅籥驕肆奏戍遠方聞武宗南巡懇疏諫留

為寧彬專制弗報宸濠之變峙軍餉設防禦有協

勦之助事竣還朝壬午照刷京畿文卷益勵風節

出守潮州豪氓蕭五挾富以逞下車廉得其實按

實詣法潮人曰昔韓昌黎驅鱷魚之暴而患息今

松蘿齋集卷三

四

公殄蕭五之惡而民寧泣政未暮與時相左遂爾

東歸丁亥年卒年僅五十有六葬於城南之鳳凰

莊詩文綽有風致行草篆隸奇勁可稱著有適齋

集藏於家

上杭察院時雨堂詩

正德丁丑王公文成公平瀟

臺雨日夜民以為未足及四月戊午班師雨

明日又雨又明日大雨民乃出田登城南之

樓以觀民火悅有司請

名行臺之堂為時雨云

三代王師不啻過來蘇良足慰童皞陰霾巖谷雷霆迅

枯槁郊原雨澤多紆策頻能清海甸洗兵真見挽天河
時平復有豐年慶滿聽農歌和凱歌

浣俗亭和韻

在天津衛崇
陽江必東建

海上清池池上臺地曹宏構闢汗萊竹梧瀟灑兩衙散
山水空明一鏡開勝景巧當沽北會恩波長自日邊來
坐令六月煩襟爽馬首猶憐十丈埃

謁龜山祠

洙泗淵源是水瀾伊流一派雪庭間道之南矣開閩海
萬古龜山重泰山

周禮

雲間志畧禮字惟敬家居九山間因號一山貞靖
先生之大父也少磊落不羣與侑有志節習舉業
不成去就府掾兢兢奉三尺太守鄢陵劉公璟異
之劉性剛方多忤當道御史黃公憲方以驚擊為

松風齋集卷三

五

政會有讒劉於黃者欲按劉墨悉攝郡諸掾付拷
訊五毒備嘗皆不勝楚誣服禮獨呼天指日為劉
激切鳴冤榜掠無完膚血濺庭堦終無撓辭黃怒
甚繫之獄從獄底禱於神夜夢羣犬攢吠已一朱
衣偉人指而言曰子無恐第以大笠障前犬不能
害矣詰朝御史又庭鞠復加捶楚禮大叫曰請以
一事置辨上海令張蓋過太守門太守竟召而撻
之藉令太守果墨敢撻令乎黃蹶然起曰掾言良
是遂釋公罪他誣服者劉之寃得白後劉官至浙
江大方伯折簡招公館之演教寺數日間旅進旅
退語一不及私及歸第受火肉鱗魚之惠而已未

幾就選入授福建長興倉大使擢江西樂平主簿
外覈服闋補興國簿過南安境作詩弔東海先生
祠有魂歸東海空埋玉澤被南安欲鑄金之句張
之裔孫至今慕之墓壁蓋禮當為掾時業已能詩
劉守曾見公詩一冊於几上問而知之故尤厚待
也致政家居於溪上築室數楹累石樹木蒔草澆
花絕不問家人生產世以為高所著有松故述諸
家詩評範圍一作奇門醫圃雜言數種又有一山
樵唱集定菴先生為之序憫農一詩尤膾炙人口
云客諧偶抄周惟敬禮方面廣額飄飄細目好讀
書有文采於時太守有兩劉公前為鄢陵公璟後
為宜春公琬俱器禮於儔伍中璟剛直忤當道幾
不免禮獨鳴其冤事乃解環子尚書思存公德禮
嘗詩郵往來就選福建長興倉時鄉人周公鶴按
閩推重特異至召飲談論竟日歷興國簿告歸登
臨眺詠與顧文僖曹定菴詩篇酬和同里楊博菴
家藏書甚富時命小舫往借讀之又好著述善星
數學工草書華亭令郭公如聞嘗題云周主簿禮
以一椽而擢當路之驚五毒備嘗九死而昭郡守
之寃千鈞係重亦人倫之皎皎者也

憫農

太息農家苦此初憫農詩載肝腸裂去年七月禾將成

大雨翻盆盡傾沒水深半壁屋已摧男婦赤脚行淤泥
一冬糴米具桂玉買田舊屋來充錢今春鬻女翻飢遍
又賣男來請糴半誰知五月苦淋淫洗滌膏腴無一片
九山乘雲欲化龍樹林積雨昏濛濛新漲滔滔渺無際
週遭稼穡沉無踪東家嗷嗷西家泣何來花線供機織
窸窣衡門盡日扃竈冷無烟米無粒紛紛饑草填溝河
萬姓活少亡尤多鰥寡幾家在屋漏那有茅來鋪
鶴髮癯翁筋力竭鰥顏老嫗淚垂血今秋滿擬穀豐登
却變郊原湖汭濶老稚車庖欲救苗餽餉不足形容惟
桔槔聲斷斜陽裏水衝坍岸徒爲勞荒村漸覺人烟少
落日空聞蛙鼓鬧風生欲飲浪聲喧鬼燐熒熒相照耀
松風齋集卷三 明 七

嗟彼蒼生圖苟延天意如此何由全寄聲憂國憂民相
亟爲蒼生解倒懸

周思兼

明史葉思兼字叔夜華亭人少有文名嘉靖二十
六年登第除平度知州躬巡郊野坐籃輿中攜飯
一盂令鄉民以次舁行因盡得間閭疾苦狀悉蠲
除之王府奄人縱莊奴奪民產監司杖奴斃奄迫
王奏聞巡撫彭黜令思兼獻之王置酒飲有所囑
竟席不敢言思兼閱獄詞以此決杖不如法罪當
杖以王故加一等誣告罪當成以王故未減監司
竟得復故秩旁郡饑民掠食斯司持之急且爲亂

上官檄思兼治之作小木牌數千散四郊令執牌
就撫悉賑以錢穀事遂定入覲舉治行第一當遷
州人走闕下以請乃復留一年擢工部員外郎督
臨清磚廠士民遮道泣送同年生貌類思兼使經
平度民競走謁見非是各歎息去河將決思兼募
民築隄身立赤日中隄成三日而秋漲大發民免
於災進郎中出爲湖廣僉事岷府宗室五人封爵
皆將軍殺入掠貲財監司避不入武岡者二十年
思兼廉得奸狀縛其黨悉繫之獄五人藏利刃入
思兼與揖而捫其臂曰吾爲將軍百口計將軍乃
爲此曹死耶皆沮退乃列其狀奏聞悉錮之高牆

松風齋集卷三 明 八

還田宅子女於民遭內艱去官不復出雲間志畧
萊峯先生成進士時有姻家在中秘用事者欲爲
公選館地使人致意公毅然以爲不可故事選二
十八人公名在二十九遂不得與選授平度州知
州事無大小吏抱牘上一食頃立決所得月俸又
捐以贍士之貧而賢者官中厨舍往往不能具朝
夕餐庾戌入覲時分宜相用事計吏多饋遺公僅
持銀一鐲副以一詩爲贄分宜報以詩而歸公一
鐲知公廉也辛亥擢膳部員外郎視廠清源清源
窯廠故多羨例奸民窟其中爲之簞食而時以饋
餉嘗官公一日燕坐堂皇有獻者曰舊例公怒曰

汝知饋者為例亦知我不受饋者之為例耶杖而遣之自後無敢以私進者擢湖廣僉事威德著聞開母夫人之訃徒跣而歸服除無意復出有勸駕者公愁眉以對曰我以吾母不得視舍殮抱恨終天今何可復抱前恨於是具甘旨腴洗奉封翁歡者百方庚申丁外艱服除竟不出復優游林泉者數年足跡不入官府有慕公遺請者輒以病辭都之屬歲饑食指弗給終不為人關說一事時或操小艇隨奚童攜圖書數卷遊吳越佳山水間超然自適絕不令人知也公有門下士侯君守嘉興遣小吏持幣來候且訂晤期意欲屬公有所居間而

松風錄卷三

明

九

公峻却之已聞公赴茗溪講學之會值其至肅衣冠出郭以逆偃僂舡舳間甫別即解維不可跡矣時將大用公超拜廣西提學副使命下會遽痺疾而卒年僅四十有四朝野惜之諸生請祀學宮因私謚為貞靖先生王太常敬美為先生傳曰先生於才可謂通才於人可謂完人兩言可以概平生矣先生有別業小小亭池無多竹木亦復翦然皆手植也所著有周叔夜集紫霞軒諸集及學道紀言西齋日錄雲間雜識周萊峰嘉靖庚子入場運其才思七作浩瀚二三場雙行謄寫主考嫌其太馳驟置下第時兩監試惜其才語主考官曰譬如星

家寫流年一本亦須酬以銀米豈有寫如此三場而不以一舉人酬之者乎來科公因患羸疾十摠其五遂得售又萊峰三場甫畢讀書不輟同事者曰何太急也公曰如得雋則計偕在邇不然用防明年歲考何得為急客諧偶鈔先學憲居鄉之日歲朝拜廟歸經北城河有一人大呼學憲之名不應則尾其後呼之歸問家人僉曰共聞以不奉主命不敢與較學憲拂然不悅曰得非我弟男子姪開罪於彼耶自反久之乃命與隸呼此人至從容細問之其人惶愧不能應學憲曰君既無故呼我當弗較但汝少年不可不戒若加於他人身家不保矣此嘉靖壬戌年事後此人每至歲朝必舉此事以訓後生人問當時呼名之故曰素知此公厚德以為決無他患故妄有此舉自誇豈料作終身之愧耶

松風錄卷三

明

十

擬古贈李中條

詰朝讀丹經與客談神仙黃芽與白雪議論兩悠然因之畫八卦須臾歷三田遨遊日月側想像崑崙邊雖為庸人疑庶得達者憐

康王城行

平度州志即故即墨城在州東南六里膠東舊邑戰國時田單拒燕兵於此漢為膠東郡治旁有樂毅城世傳樂毅攻即墨時所築漢武帝封膠東康王於此故又名康王城遺址尚在

盛夏五月東南行殘霞遙映康王城羣鴉低飛斷復續
萋萋芳艸愁雲平阡陌成行種禾黍云是當年歌舞地
王孫公子誰留名曲榭雕闌不知處城南古塚高峩峩
牧童指此供樵蘇日夕牛羊不歸處山南山北人相呼
廢寺頽碑莫可讀野人傳訛性且惑烟中每見樓櫓形
雨後嘗聞鬼神哭鬼神微茫不易知英豪歇絕那得回
惟有宮門舊時月年年深夜尚徘徊

題泖塔

突兀龍宮俯碧潯聞來天地此登臨浮沙一席誰飛錫
選佛千年有布金石上老僧雲補衲尊前風雨暮披襟
憑闌何限虛無想白露青蕪夜已深

松風齋韻卷三

明

二

遊本一禪院次李中條山人韻

禪房深處絕塵埃樹影參差護碧苔靈境無人飛錫去
空門有客抱琴來翻經共悟無生旨作賦偏憐獨步才
明日還攜餘興往與君重上梵王臺

仿曹雲西畫戲題

曹雲西山水吾松士大夫家多有之評者謂
其命意清遠筆力差弱余謂士君子游戲翰
墨固不當較其工拙如九方臯相馬求之於
驪黃牝牡之外可也望洋先生向余索畫余
臨雲西松樹障一幅贈之望洋本雲西後人
所藏真蹟必多世所謂班門弄斧始切題耳

蔡冲道人書於紫霞仙館

萬壽宮在朝川園日對孤松手自摹試向雲西問優劣
近來真似叔教無

先生丁母艱歸里即日夕侍父不出安貧養高于
理學中實有得力處真名儒也手定叔夜集恬和
冲淡如酌元醴而飲神漿固道德之流溢然其所
遺者豈遽糟粕乎先生盛德種種澤綿於今國器
挺生方備廟堂之大用食報未有涯也讀遺詩益
思明德之遠

周紹元

方志紹元字希安思兼長子早孤攻苦績學年二

松風齋韻卷三

明

三

十困於病遂杜門學詩家素貧以善病貧愈甚未
五十髭髯皓然性不可一世憤時激俗常而發赤
若稜嶒不可近人亮其坦衷久而安之七八分書
精篆刻與弟紹節友愛彌篤卒之時相去近六日
輓之者有遮道花甲將同老並斷人琴總半旬之
句容諧偶鈔先府君弱冠稱詩至老無倦生平篇
什盈笥向所哀錄如明月社初藁我貴編藻里藁
城南正續藁載入郡志著述內然俱係選集而全
藁從來蠹蝕散置篋中已卯春日弟公遠始為檢
錄自癸巳訖辛酉凡二十有九年合為一部先君
嘗謂度曰余詩自癸巳甲午後自信此道有入故

茲錄亦斷以是年為首裝潢成帙傳之子孫縱有
逸落不必抱遺珠之恨矣

題荆蠻民畫

峨嵋峰萬丈雲樹出天關落日橫千里蒼茫對雪山

出城南訪朱甥君發留連二首雷扶煙收
藏手蹟

一庭羅薛鎖東風背郭臨濠半畝宮父黨我猶存杖履
遺編君恰課兒童青繡繡袖貧無恙白飯荒扉側自通
昨夜採花涇外過墳廬岑寂憶而翁

三年久不到城隅雖黍相逢話舊趨稚子我驚頭角異
衰翁君熟性情迂試春楊柳聽啼鳥戲暖汀洲見浴鳧
繾綣渭陽情不淺一時樽酒坐來哺

松風齋集卷三

明

主

周裕仁

幻住山房記畧

李凌雲撰

萬厯年間住持湛源澄和尚

興復斯堂堂構既新綽柳未章顏其室之額者院

鄰菴浮山人周裕仁祖修氏也

本一禪院五題

古毫泉

在賢者堂前中峯祖師樓弁山黃沙坑時有老漁得舊片石上有蝌蚪

文古唐二字師甚奇之後至院鑿井幽深甘潔亢旱不竭舊石井衣有古毫泉三篆

字今猶存

古毫之石網深淵古毫之井始及泉雲溪有石松有甌

安得篆文雙題額中峰法乳莫可量醍醐滴滿皆甘香

白雲新焙微微煖曉汲烹來頭水活

呂公樟

呂公祠在法堂西室宋季曾有手植樟樹於西園者不悉其所自也久之

枯萎一日黃冠道人至院頻問樟先生所在乃共探向樟曰別來憔悴至爾耶因出

形始知為呂公重來病者採葉服之輒愈

因為建祠題曰問樟古院

樟樹枯來黯無色不識當年誰所植有客忽枉樟先生

莫之置對向君揖却把槁葉枯枝搗慙慙若訴相知心

榮枯反掌豈其狡瓢水汲來滋一飽

雙松堂

在院之西林木深沉即月公休憩地松雪公每來問道趙希遠寫雙松於

堂之壁因名

直幹並起虬盤柢畫出雙松風雨勢高堂翠捲嵐色寒

松濤澎湃彌天際筆力墨氣恣吞吐秦封漢碣莫與五

松風齋集卷三

明

主

老僧夜靜繞經行煙霧茫茫天作雨

梅影軒

一名雙橙軒庭有橙兩株因名梅花道人畫老梅一本於壁今定慧堂即

其址也

畫梅不比畫他花縱橫信筆幾枝叉疎疎掩映雲籠月

月色瞳矓取勢斜虬根偃仰霜雪老蓓蕾併出開尤早

攜燈就子重徘徊素影歷落誰能掃

清夏軒

係延祐庚申幻住老人手筆又丈室二字乃王西園公書崇禎辛未院僧

通靜重立併額於軒之右

一坐此間氣蕭瑟清夏之軒中峰筆筆底生花誰與拈

破顏一笑萬偈畢趨炎走熱日煇煇願言休矣借君宿

冥心定慮自清涼活水源頭飛澗瀑

萊峰先生次子紹節祖修之父也節字希允號水

亭著有童子夜歌灌園草和陶詩二十首今俱無

傳崇禎時穀城方郡侯世長重修郡志主其事者

陳仲醇祖修同事之一也

周裕度

郭志裕度字公遠隱士紹元子工楷篆事親以孝

聞

弔孫公聚先生崇禎丁丑守
深州殉難

愁雲如織黯難收宿草寒原醉一邱烈氣結成光是宿

文章修就玉爲樓當年罵賊魂何壯此日承恩卹備周

率土專城多刺史不知能得幾深州

卷之三

主

小樓坐雨十餘日矣早來不勝春去之感因賦

小樓臨市亦翛然晏起無朋手一編百事儘從天付進

一春長被雨纏綿儘閒日鶯花間路茶熟時消竹外烟

忽憶陌頭寒食近可憐辜負月初圓

贈葉雪漁葉雪漁所居即
袁白燕故宅

春園香名谷秋潮綠抱城一區存道氣四望足山情簾

逗當年燕林藏此日鶯偶然施綵筆頃刻萬花生

題漢宮秋意

臺榭參差倚碧岑一輪明月正宵中宮車過盡千門掩

吹微玉簫秋宇空

題菊

閒把松煤寫菊枝疎篁葉篠儘相宜詩人冷落無佳思

題雪中騎驢圖

歲寒山色倍蕭條書劍衝寒雪未消可道詩魔降不得

酒家只在隔溪橋

題漁樂圖

漁翁睡起意閒閒却傍蘆花繫釣船換得酒歸天較晚

一簑寒雨濕炊烟

和何履方春夜坐雨

一春辜負北山遊鏡裏空憐雪滿頭寓舍偶干晴後掃

春燈常對雨餘籌深憂豈索忙人話得意先從險句酬

卷之三

夫

不有何郎詩興在誰消十斛感時愁

送友人歸楚

圍爐方許話情親忽訝游驂返去津幾驛梅花寒度馬

萬山雪色遠隨人絃中山水成孤調夢裏琴尊憶故鄉

冉冉歲華看又晚幾回腸斷古江村

公遠一字晚山別號補菴老人著有客諧偶鈔十

二卷自運之什附見焉擇其工雅者錄之

周立勳

明詩綜立勳字勒自華寧縣學生小長蘆云松江

舊有十八子社唐文恪董文敏及吾鄉馮祭酒與

焉崇禎中勒自偕陳夏諸公倡幾社首事僅六人

以詩文古辭相砥礪今所傳壬申文選是已陳夏
皆以名節著惟勒自早天聞其遇社中人意態殊
落落而人自有欲親之誠時穀城方閣老守松江
數與幾社諸子周旋而尤敬愛勒自人或問之答
曰勒自一往有雋氣不屑作酒肉貴人第其詩文
恒以慨歎出之慮其人不壽耳已卯就試金陵質
素清羸寓伎館伎聞貢院搥鼓促之起勒自尚堅
卧也未幾遂客死卧子哭以詩云松柏西陵路葛
蒲北里花春風夜臺路玉勒向誰家宋轅文亦有
詩云翠羽明珠擁暮愁君家顧曲舊風流一時腸
斷人何處風雨蕭條燕子樓又云山陽玉笛異時

松窗雜錄卷三

明

七

雨泊富陽江上

驟雨江流急雲挾蛟龍勢莽莽不得停橫帆去搖曳孤
鳥沒還憐亂石危有制雲湧山自覆林遠草同細連舟
若村墟烟火遙相隸所歷百里間風波渺難濟客行無
安途陰深啼蜀帝

入天寧洲

下江風不惡百里到孤洲有地安雞犬無家散馬牛兼

段靖欲暗旌旆曉能愁歷歷新田外耕耘事可謀

駕湖記事却寄李生

寓秋一別事皆非畫舫相逢舊恨微豈為酒深聞墜珥
却緣情重見支機鸞歸碧海朝雲起燕入青樓暮雨飛
曾向花前同細語思君不見掩羅衣

和雲子醉李雜贈詩

柳塘風雨畫樓深二月春寒入晚林自歎年來搖落盡
更無幽恨與青禽

勒自早赴修文詩無專稿壬申文選幾社六子詩
中所載共詩二百八十餘首諸家選本皆取諸此
閱扶輪集得詩四首乃其所遺佳句如鷗鷺團白

松窗雜錄卷三

明

六

渚鴻雁沒青天玉沙平欲煖雲夢香生寒江白蕪
風雨山青息鼓聲天遠城蕪沒汀寒野燒空烟留
遠樹村先暗風散平江波乍生孤城帶雨沉飛閣
別浦連雲擁戍臺自笑投荒非謫宦誰憐去國獨
辭親頗有唐音

周汝誼

曹諤庭云周丹崖名汝誼字賈生崇禎癸酉舉人
甲戌恩賜進士為興國守少與包長明先生齊名
生平詩文極富有鼎社詩徐退谷序而行之退谷
與王于天暨丹崖三人結鼎社故詩以名焉醉里
沈天陸擎水中鴈字詩序雲間周丹崖才名際世

策名賢書特恩賜第遇非不奇而敝屣軒冕不以
五斗折腰其胸中浩浩落落時有出塵之想嗣後
游遭兵火萍踪無定客關塞遊燕越一種牢騷
憤寄之豪吟狂嘯以舒不平之鳴其紀遊楚吟諸
什讀之不勝望洋之歎鴈字一題得詩三十首聞
信宿而就文不加點恐鄭鵲表白燕未得方駕
齊驅也

春思次湛如母舅韻

愁倚闌干數落紅胭脂狼籍不勝風半簾晴色烟光好
應在離人歸路中

閒庭寂寞掩芳菲寒褪花枝瘦減圍懶把新詞描舊恨

開編拈得阮郎歸

錢將軍園亭次退谷師韻

別境橋初度綠溪戶半開留雲多墨石礙月故移山松
暝人烟外蘿垂水檻間苔莓餘鳥迹自覺往來閒
履染松間翠襟披林下風竹深雲貯墨秋迴葉飛紅慢
卷烟光淡尊開月影空更籌傳欲盡清話政無窮

喜雪得春字時于天有約不至

立言吐處霏如屑一夜東風吹作茵韻折竹聲清入夢
瘦欺梅蕊冷禁春烟光欲淡知難畫詩句雖堅不算貧
此景豈妨尋戴棹笑他剡曲與蘭人

喬松行

山無松不名石無松不情修柯入夏寒吟作秋琴聲上
樓無心雲下盤孤根石搖曳萬壑清映帶千山碧矯矯
羣龍遊千年挺蒼虬空翠共滴瀝四顧風飈颭崩剝風
雨晦澹激湖天外坐久心寂寥是天籟

天竺聽雨

半入江潮半入溪大聲平轉挂峯西遙知洗盡烟嵐色
一片晴山候品題

浙瀝須知雨曼陀羅將清磬度西湖耳根留得卧遊譜
顛米迂倪共一圖

題嚴陵釣臺

磷磷石骨水潺潺絕頂高巖不可攀空江寂寞有餘慕
彷彿垂綸青霽閒蟻伏龍飛各有致不臣不友歸心閒
巢由避世名不避悵望浮雲往復還

樓望有懷

樓閣凌虛淡宕天滿城雞犬鬧晴煙一作凭眺山樓思
灑然地連仙窟水
連小春風物四時最遲暮美人千古憐杭稻刈餘空海
嶠荻蘆蒼處半桑田嘯歌落落者誰子一榻林中喜靜
便

君山歌

去歲補天先補地突兀一邱枕江臂羣山歷歷春茫茫
潮水連天望何似馬馱沙鷺鼻石襟帶三湘控七澤鯨
鯢吹浪江水立蛟龍倒走天浮白孤塚纍纍草芊芊東

陵首陽俱頽然我來把酒問青天問天天亦愁呼石石
點頭殘碑讀罷共攜手悄然懷古登高樓柳枝拂天啼
杜宇修竹慘淡黃昏雨升沉千古常如此英雄割據陳
迹耳酒酣日落山風起鏡吹喧傳沸江水風櫓如陣舟
如馬賦詩橫槊何爲者我歌欲闌醉欲眠一飲千石卧
半年

同君廷友瑚過浦南書齋

人淡皆如菊秋空不任塵忘機魚狎客得食鳥窺人竹
塢團雲濕蕉花吸露新沉吟初興發一語豁高旻

瞻斗齋即事

閒庭多結構斗室自生春竹塢藏書古苔痕綴字新寒

松蘿遺事

主

花如傲客幽鳥不驚人別有千霄氣罡風拂劍塵

沈子歸自天台

立馬峯千仞衝寒雪萬重石梁何處度丹竈幾時封古
澗有鶴跡仙山無虎踪攜歸桃竹杖或恐化為龍

次韻懷沈梁二兄

徙倚望何極鄉心萬里通雲山千里外身世一杯中急
灑催詩雨徐來醒酒風詞壇聲氣在青眼得君同

鵝

積雨樹霏微空山盡日饑一枝同是寄千喚不如歸落
月驚人夢窮年血染衣芳菲暗裏歇應令寸心違

河干

河干聊縱目蒼莽盡蒿藜赤岸崩新溜黃流飲夕霓
鳥求食噪歸燕擇枝棲賈讓今誰策金錢塞滿堤

夏日過四素齋

結宇在城郭避名不避喧荷風疎夜氣竹雨淡朝暉
雪能清暑銜杯可滌煩悠然心賞處坐隱亦忘言

同吳素友過西隱

一徑杳然去翠微何處深高峯遲落景修竹貯輕陰
氣同僧靜蘭香與客尋相期來攬結爾我愧浮沉

葛師園亭

著書南山下卜築傍湖湄曲澗流常活古藤花倒垂荷
亭朝倚杖竹閣夜燃藜剝啄驚聞外維舟有問奇

松蘿遺事

主

山寺書懷同子雍作

驚人句未工青眼得君同古道斜陽外六陵宿雨中鳴
蟬秋咽露枯竹夜呼風金盞歸無計難收點石功

丹崖一字壽崑幼受業於徐陵如徐遇長夏避暑

深林詩成刻竹日十餘竿壽崑髮未覆額亦閒出

小詠伯孝廉鳴之見而驚異後以詩名鼎社詩而

外如楚吟越吟湖上草諸刻聞已散失曹子謬庭

以抄本丹崖詩藁台遊吟鴈字詩寄示其間篇目

雜亂不盡甲申以前作也至特恩賜第一事不見

紀載閱詩藁中有庚辰計偕識仇聲之孝廉又庚

辰早秋對策效早朝體及特恩賜第望闕恭謝諸

篇則事在庚辰而非甲戌也因正之

侯方

府志方字公矩正統辛酉河東鹽運同知蓋之子
成化乙酉以儒士中式己丑成進士歷任湖廣僉
事有文名雲間志畧公矩歸田後即謝絕塵事一
意詩文而直率坦夷時人無不愛且敬者

與少參弟直話別泖寺

寶地探奇到風烟指顧間偶從游汗漫相對狎潺湲
水此爲壑遙峯望若環明朝謝分手離思遠鄉關

侯直

明詩綜直字公繩華亭人成化辛丑聯捷進士歷

官廣西參議

四友齋叢說

郡志於侯君方下稱有

文名而不載其弟直詩今觀楊君謙七人聯句記

大章公繩與馬餘五人則吳人楊君謙趙栗夫台

州人王古直王敬止杭人徐栗夫皆名士也乃知

前輩皆有實學不虛事表裸今吾松為詩文者甚

衆篤而論之未必能盡出公繩右也七人聯句詩

記侯君公繩口吃舉進士待選者將五年始授刑

部河南司主事和易自然無貴賤長幼皆知愛之

真厚德人也一日君與余會趙栗夫家時一變存

敬同在相與談詠將及雞鳴未散君次日當引四

例必早入朝候事而君未嘗有先去之色及散遂

上馬朝去衆皆以為難

夜集送楊君謙

馬蹄日日走紅塵自忤微官繫此身滄海烟波無限好
未歸直是不如人

答趙栗夫

寬吳江人成化辛丑
會元時為刑部主事

三百人中子實才兩年書牘共秋臺自憐茅塞無除理

却謂先生為我開

趙贈詩云頃洞胸中一事無世情官
況兩蕭疎野人久坐春風裏已覺年

來歸

贈徐栗夫

寬海寧人成化辛
丑進士時官工部

建安詩派流傳遠驥足曾馳七子中夜雨燈前同邂逅

一談一笑得相同

徐答詩云山思天竺連峯碧
江出水紅兩地相過殊不遠他年杖

附聯句詩

只飲雨夜事以落字為韻
共二上一韻四十二句

高筵啟秋雨

直古頓爾淨餘燭得非洗吾塵
夫初使回個

欲添君酌堦前渠溜走

趙燈下簷花落來遲路遂阻
陳

入門而坐久衣轉薄暫停得耳順
忽至今心愕蕭蕭

佐歸懷

楊潺湲亂歡龍翻盆入杜詠
侯名亭見蘇作浸

深牆可危

直古泛滿庭堪濯徙穴蟻何智
徐歸林禽亦樂

來如銜枚陣

趙響失巡更析諸公競解帶
陳羣僕皆赤

脚積陰已連朝

敬存浮潤先微昨良賓坐自固
楊好主投

不錯決明色猶鮮

侯梧桐意方索滴成老況愁
古激起

鄉思惡吾方利河漲

徐我亦思履著試將聽官舍
趙何

如枕山閣朝街泥想尺陳滿地水驚勾忙身夜竊暇存
病體涼得藥對酒今則同楊逐事明又各搜吟思已倦
候願且更束約直

林景暘

郭志景暘字紹熙華亭人隆慶戊辰進士選庶吉
士授禮科給事中神宗幼冲小璫客用等在左右
因進十二箴以諫又疏請正大明會典宗藩事例
皆允行轉兵科左巡視京營請廣召募立選鋒均
糧賞勤教演凡十餘事時江陵當國綜核名實所
奏皆得實行軍政為之一新尋進太常寺少卿以
念父乞改南就養得南通政進太僕卿丁父憂毀

松蘿閣集卷三

明

五

瘠幾不支服闋撫按數薦竟不出家居時會當事
欲改金山衛為州乃移書撫按謂設州必多置官
吏所治少而所擾多事得寢應撫胡執禮令所屬
縣田出助役錢率七十畝徵一金又與固爭謂蘇
松歲輸正賦以數十萬計民力餘幾且一絮為令
有日益耳民隱謂何遂得減十之七卒年七十有
五著有玉恩堂集雲間雜識林以齋官都諫時適
吾郡有金山衛改州之議蓋因
南鄉濱海錢糧難於催徵耳杜武守於盤公齊捧
入都引齋問故鄉近來有何善政杜答云惟有改
連金山州以便徵糧為第一善政耳弘齋曰然則
東鄉錢糧不清將建一東鄉州西鄉錢糧不清將
復建一西鄉州乎吾郡之設客者有核有限廣名庖
人治之益見其不堪大嚼矣杜京還舉其言告
當道議得寢又撫臺胡公雅齋欲於緡紳書冊加
役銀一分時弘齋為給事封藩過吳門與胡力言

得仍每畝三釐之舊弘齋此時尚艱舉子徐文貞
謝曰公此一事寒家亦受惠多矣仁人之言其利
溥哉弗憂無佳兒也未幾生仁甫文貞以孫雲間
女字之據此則上二事俱非家居時事也

維識林同卿初第時有三誓願一不造花園二不
畜優伶三不置遊舫此言終身不易又林弘齋幼
過普照寺橋遇雨傾跌誓發身之日重建此橋後
官同卿一力成之先是寺僧夢一人語曰若要此
橋完重遇紹熙年初不解及同卿修橋拆石石上
鐫宋紹熙某年建而同卿字曰紹熙則知重遇之
說為同卿也同卿平日修橋甚多如泖涇橋曹家
橋咸通橋豐樂橋北倉橋皆是先進舊聞巡撫某
係太僕同年議欲加賦公力言非是會巡撫飲公

松蘿閣集卷三

明

美

所公適加一衣巡撫曰衣可加賦獨不可加乎公
曰寒則宜加熱則宜減巡撫議乃寢

蓮花菴避暑

夏日歎蒸似鑠金偶來蓮界託繁陰曇花無相真常在
寶鏡非臺覺獨深風通鐘聲渾梵語月明樹影照禪心
浮生偷得須臾靜淪茗焚香灑俗襟

題潮音閣

水閣憑虛勢欲浮推蓬極目五湖秋潮生碧海魚龍吼
雨歇蒼山鐘鼓收寶筏曇花明彼岸法輪燈影照孤舟
譚禪更有高僧在不減乘槎犯斗牛

林有麟

有麟字仁甫號衷齋太僕卿景陽子廢授通政司
經歷歷官龍安知府以清謹聞雲間雜識林仁甫
家鶴城書院之左萬厯癸巳在城南舊居濬池得
銅印一文曰鶴城子古色蒼然事之偶合如此

詠陳節婦注見朱
正色詩

曰首黃泉會面難銷魂銅鏡只孤鸞玉花肯負生前約
金川翻從時裏餐命似秋桐那恨稿心如井水更無瀾
首陽千古高風在并入他年汗簡看葬於干將山司理
毛一鷺躬自祭奠

金鉉

顧志鉉字文鼎華亭七寶人有孝行茹清蹈潔當

松風齋韻卷三

明

路欲薦之以親老故辭喜吟咏深得詩人興趣書
畫皆逼古人所著有鳳城藻尚素齋集方志鉉之
先汴人宋南渡徙華亭洪武中徵居京師奉母行
侍養甚適楊文敏公聞其名寄詩通問竟不一答
以是益高之居建業十年作小樓扁曰清風高人
韻士過之必延登觴咏翛然山林泉石之適也及
歸鄉屏跡幽遠未嘗一涉塵事亦不濡足公門宣
德中封中書舍人正統元年卒無聲詩史文鼎工
書法詩文流麗畫得子久筆意子鈍字汝礪銳字
汝潛並有父風

題朱士銘銘谷卷

此君高節真堪羨長日鉤簾不厭看挺挺最宜臨澗谷
倚倚長是繞闌干雨添翠色雲千畝月轉清陰玉萬竿
愛護莫教輕翦伐他時應待報平安

金銳

字汝潛尚素先生鉉次子

和魏南齋少宰韻送王公玉

微霜昨夜度江頭有客思歸厭久游心跡未忘天上夢
鬢絲漸改鏡中秋雲隨帆影添詩興雁帶寒聲送旅愁
回首吳淞楓葉路米家書畫一扁舟

金藻

字緩齋唐行鎮人有詩名顧東江有和緩齋江行

松風齋韻卷三

明

閣淺詩云浦口停帆喚小舟故人家近不須愁竹
林隱約分岐路禾廩高低見有秋千古心期嗟擊
磬百年功業類藏鈎吳江一水看如帶可是先生
志未休原注緩齋有三
江水學新書

遊小赤壁分得高字

華亭二鶴人中豪王鶴坡
錢鶴灘聲徹朝野自九阜西園修時

淮酒味清如醺醺雲松曹宇
若號春釀色艷同仙桃一瓢已

向天馬滴雙壺更為赤壁操醉同二鶴懷二陸聳身直

上青雲高

任勉

墓志錢溥先生諱勉字近思其先四明人曾祖子

良元時為兩浙都轉運使照磨始徙松江先生厲志篤學擢甲戌進士第授鄱陽令滿九載陞知瀘州會鄱民詣闕請留移守饒州府以前守在改同知饒州府事薦為福建右叅政入為右軍都督府經歷考察南直隸官吏出知徽州府以事謫滄州者八年復以薦起知蔚州丁母憂服闋知睢州年近七十即上疏乞骸骨歸壽八十有九卒初先生宰鄱陽思前令所以亟去率因襲苟且拂民情而墜上德也即大書孝弟忠信禮義廉恥八大字於廳壁訪邑有德學為民所信鄉者為四門老有事相與酌輕重而去處之有不便者或粘匿名文於

松風齋韻卷三

明

无

縣門先生命守之曰是教我也俾勿壞後潛自毀去婦有新寡訴夫兄弟育已先生曰汝欲他適乎乃判其背衫曰餓死事極小失節事極大後婦終守節他幾聞之亦無有貳志春秋二丁祭羊豕悉科於民先生曰是豈崇報意乎歲令里社分畜而獻之饒著為令暇則坐學宮與諸生講解改授如嚴師鄰邑樂平傷屍誣逮苦甚郡以檄先生即微服得其情免者款伏枉者得釋善獎煦士類方憂制中聞溥與北郭陸潤玉競志於學一日棹小舟從陸抵溥家盡索所為文覽之出謂所知曰陸宜處錢出乎餘二十年來吾二人出處頗定而先生

知言哉先生既歸日引諸孫授經史披野服課僮孥耕郡大夫歲禮為賓弗豫有宦達過其門往往閉弗納與知者談及今古事猶侃侃如壯夫生於元至正二十三年其卒則景泰四年也所著有菴菴集藏於家雲間志畧勉之所居有光節堂在城南不及數楹僅庇風雨子孫至今居焉蓋自元迄今第宅之古無如任氏者初太祖御宇數密遣使者廉察諸士大夫家當公令鄱陽時使者至其第止茅舍三間門臨池水父灌園母紡織使者問子何在何門庭蕭索如是父曰吾令兒子作清官不欲以脂膏自潤耳使者給以客遊至鄱有札寄否

松風齋韻卷三

明

手

因貽書戒之使者以書直達宸覽并陳所居狀上嘉歎旌異之顧志光節堂在古麗橋南福建參政任勉之宅勉之正統初致仕士大夫欽其風節表著因名其居少師楊文貞公贈以登科致仕恩榮始終八大字周文襄公為刻石樹之堂下至今存焉其別室曰袖簡軒以藏其父養素先生遺札別去俟將五月杳無一字歸來想無便也家小在路必平安到任以來欽蒙聖恩大赦天下治尚維新近必事簡民安汝得溫習舊學一二否皇上洞鑒實位簡拔賢才皆之抱負正茲報效之秋今宜愈加謹慎畏懼風夜公勤不可一毫懈怠私天道福善禍淫可畏勿謂已安已治而懈怠勿謂已能已足而驕矜書曰有其善喪厥善矜其能喪厥功子曰居之無倦行之以忠若夫少仁心無誠意愛民則必倦而不盡心矣詩云庶幾聞難識任公勉之幾風夜以永終譽慎之慎之雲間雜識任公勉之

歿未葬里長張琳編其子弘為養馬夫幸教授張公言之太守上虞禁公冕乃大榜於門曰今後均徭故官子孫一例優免始得歸而治喪胡儼光節堂詩曰老年致政喜還鄉華扁高堂迴有光不比昔人誇仗節直令故里表遺芳封題遠道傳書札履歷平生見紀綱度度相望隔烟樹攜琴載鶴思偏長高棟四美堂詩曰五美可從政聖世垂空文悠哉希聖者四美亦足云仁忍而禮讓固守仍復勤以茲牧雄藩政閒無糾紛退食對紫微遙遙九峰雲銘心坐安宅佔僻稽前聞怡怡張義門去去孤竹君弘欲不收樂純經寧舍芸南山余仰止千

松風齋集卷三

明

三

載挹餘芬

登泖塔東同年俞嘉言主事

浩劫千年事由拳竟陸沉不知朝市變但見谷陵深飛蓋入高鳥清風愜兩襟使我息塵事頓增出世心羣峰若點頭草木皆成吟荷笠者誰子懷中出素琴鼓之不

成調何處覓知音

公成甲戌進士為洪武二十七年即授鄱陽令至已卯建文登極釋褐已六年養素先生札云皇上嗣登寶位則使非太祖所遣明矣又云別去五月似纔到官語而已安已治及以永終譽云云又似非初任者疑永樂初同知饒州時事故有簡拔賢

才之語而非今之語時也成祖曾遣大臣訪求建文踪跡又恐人心反覆密使四出詞察奸黨則嗣登寶位必指永樂而言而校尉覆旨之日正當公九年考滿是時適有薦者遂蒙參政之擢此志略之失考也公為大參以後知蔚州以前實未嘗一日家居且生平歷官自右府經歷而外亦未嘗別為京朝官何得有待漏嫌遲之句此樵史之傳訛也盡信書不如無書信然

任順

雲間志畧順字怡菴一號養拙後又更樂全翁參政薇菴勉之孫父處士執菴弘生四子順居長少

松風齋集卷三

明

五

而聰敏異常縣令楊昕聞其名延置縣學時年方十四執父喪如成人禮諸弟皆幼奴僕即參知所遺悍黠難制順獨持門戶讀書課文未旦出廳事綜理家務鉅細畢舉家人嚴憚之農月行田間輒手一編不置或躬履泥塗視作不如法者撻治之而撫勞其勤者故眾皆竭蹶以趨蓋辛勤二十年學成而家亦成矣成化丙午年逾四十始捷鄉闈明年會試中乙榜遂就選人得莒州之學正莒人眇聞寡學數十年來科名絕少順躬督教之未幾有登第者已酉典福建試時稱得人己丁內艱服除以學行選為國子助教旋陞涇府右長史攜家

之官凡所以輔導統攝者一出於正王已下皆故
事之考滿上疏乞休進四品服階中順大夫致仕
王嘉歎再三賜以金幣而歸為正德丙寅之十月
跋涉宦途二十年歸而治池館田園以逸老親知
故舊至必留飲飲必盡歡或窮日夜不厭非其人
一不與接也如是者八年年六十九而卒性倜儻
負氣節諸弟教之成立婚娶不失其時張氏姊早
亡有二女公撫育於家東江顧文僖幼從張友蘭
學友蘭徙館嘉禾以文僖屬公年方十餘歲公一
見異之以長甥女妻焉文僖德公最深訃聞京師
為位而哭誌其墓中之石而為之銘詩文豪邁疎

浮來山

三

真類其為人有怡菴遺集與乃祖薇菴集並藏於
家

浮來山

山東通志浮來山在莒州西三十里表
秋公及昔人盟於浮來即此一名公來

又名浮邱其
旁有定林山

極目浮來外西沉返照間餘暉斜帶樹殘影半銜山飛
塞征鴻度衝烟宿鳥還故盟從此地荒草色爛斑

談壽

儼山集墓誌壽字舜年號西石少司空野翁先生
倫猶子生有異質寡言笑入小學野翁舉少時讀
書銓授之延慈谿姚東泉先生俾卒業補博士弟
子負試於鄉不利乃以例入太學又再舉不利朝

弟東石曰司空之業衰矣不當再圖乎幸無忘授
銓之事正德辛巳春有以名中部使者竟忿鬱而
卒年僅四十有八

送寶之姪北上

伯兄杞
石子也

吾氏出鄉子仲尼嘗問官沿流深且遠探本何其艱
禁與粹稽諸青史刊所以百世下猶存古衣冠大明
統寰宇海內多詞壇肆我司空公振奮衝天翰立志屏
羣小不虞中姦殘壯猷雖未究方寸猶存丹一笑歸田
野欣然遺以安遺之以何物朝餐與夕餐莫告去聲色
與之經史看莫若輕勢利與之聖賢觀東西二石子領
教等承歡東石豈絕壁西石豈激湍屢戰敗英鋒不如

浮來山

三

古井瀾卧病海山角猶手釣鰲竿鄉人或笑之自信還
自寬猶子寶之者特起青雲端二石日以老珍愛等肺
肝衣鉢屬之子夜讀火屢鑽汝宜斷荆棘汝宜稱芝蘭
一飛天上去名姓登金鑑乃翁樂美哉大放眉頭攢風
順海門潮百壺酒未乾餘此潭潭酒誰為游子歎賓興
亦近矣會合古長干大家須努力同秋入廣寒

談田

儼山集田字舜于號東石與兄西石自相師友以
文學名郡中有崑山片玉之風先進舊聞劉瑾微
時擊傷一小豎病死擬絞下法司上海談郎中詔
華亭朱郎中恩任刑部辨出之時武宗在位逆瑾

入侍有寵後專政談陞山東副使已亡其子方數
歲瑾每念之未有以報浦東談曩菴侍郎子上舍
東石修土物至京冒詔為叔謁瑾瑾大悅厚待之
許以美官東石見瑾所為多不法甫三日即遁歸
瑾徧求之弗獲不二年瑾敗誅人皆服東石知興
勇決縉紳不及云

次西石兄送寶之北上

厚發有秋期小試之春官造物肯玉汝作成良不難三
才永無數五典常不刊壯懷各仗劍怒氣同衝冠科場
行且近我將謝詩壇中熱抵烈火內奮生羽翰願啖紅
綾餅匪羞齒牙殘喜汝正英妙髮漆顏如丹渡江當好

松風餘韻卷三十一

三

春逢人報平安歸途或炎暑為客須加餐吾兄念汝游
時向飛雲看十年讀書力果得國光觀別思未足苦離
情還復歡西石非常秀清歌激微端東石老大才天留
障狂瀾千里江上舟九日灘頭竿所幸歲年長更賴胸
次寬功名物交物世事端復端盡斷笑螳臂市井慚鼠
肝汝宜高彌仰汝宜堅彌鑽汝宜親玉樹汝宜友金蘭
行行清節奏步步鳴和鑾雲間三鳳起天上諸星攢
吟作佳話醉墨何時乾已入丈夫行寧屑兒女歎聚合
在南雍候汝楊子干掉頭顧衣袂不復前日寒

上洋友人寄示談東石明壽山詩及月令詩各一

冊月令詩僅存五十三首自東風解凍至螻蛄鳴

十九題漶漫不可復識其卷尾自跋有一筆塗出
殊欠考據且留稿中俟知天文者求詳定云云朋
壽山詩累至百首亦難悉載至難兄弟送姪之作
雖絕駁雜見而雄心壯志罄吐筆端譬之蘭筋汗
血未就天開一遇秋風長嘶蹀躞可以一息千里
肯跼促轅下也哉

松風餘韻卷三十三

松風餘韻卷三十三

四

三

松風餘韻卷第三十四

目錄

明董佐才 七首

董紀 一十九首

董源 一首

董恬 一首

董傳策 四首

董晉 二首

董宜陽 九首

董其昌 一十八首

董象恒 一首

董孝初 一首

松風餘韻卷三十四

胥浦姚弘緒聽巖編次

董佐才

佐才字良用元處士性存子洪武初薦辟授洛容

知縣卒於官四友齋叢說皇明風雅載松江詩人

二十二人諸集未見者二人佐才與王鶴坡也

董處士成字性存一字自明嘉興人居胥山鄉世

雄於貴好施予人稱長者讀書不仕子良用良史

多從遊者成因從家上會稽楊庶夫避地松江後進

起明初二子皆貴成年八十餘不廢吟咏一夕夢

入帝閭閭門明旦無疾卒歸葬勸善鄉有贈楊山

居太史詩口曾懷荆璞詣天關雨露思深賜珮環

王荀筵班躋鳳沼金閨通籍侍龍顏尚書聽履星

辰上太史蜚聲翰墨間厭直承俞錫集亦稱松人

明就隱與錦袍光彩照湖山

寄董良用詩曰東望雲山翠且重煙波咫尺是吳

松十年為客荒三徑百里憐君住九峰把酒每懷

彭澤今放歌甘作鹿門農闔閭風景渾非舊愁聽

寒山夜半鐘王逢題董良用徵士釋耕詩曰百

畝私田十尺廬釋耕為樂野人如隴牛飼卧春犁

後水鳥低飛午鱸餘殷喪蕨薇元可食秦炎種樹

獨存書老子擬就龐公隱歲暮相看兩鬢疎

青藜杖

義理淵奧辭精詳自非神功俄頃助經籍至道淪微茫
太師靈壽漫榮寵葛陂龍竹徒荒唐豈如天上有太乙
能使人間文運昌雖云過眉尺度短扶持聖教千年長
當代人才亦豈少好着更生居玉堂

題華亭朱孟辨篆家詩卷

古初無毫楮義畫何由傳孰知文字理已具河圖前神
農伯蒼頡俯仰極人天穗書與鳥書制分後先龜疇
錫禹時盤銘著湯年岐陽紀石鼓史籀稱獨賢矯若蛟
龍蟠鬱若鎖鈕聯蚪蚪書用漆形體因自然一從孔壁
廢重為經籍憐秦相約籀古撰次蒼頡篇小篆遂名家
勁健含姿妍登封及詛神金石紛雕鐫下逮隸八分變

松風齋集卷十四

二

化如雲煙漢經煨燼餘文教仍敷宣保氏存六書學儻
纔九千揚雄摹奇字杜林解探研繼踵非無人意象莫
不全偉哉許祭酒蒐羅歸簡編墜緒賴復舉後學知相
沿陽冰克遠紹鉉錯造其玄近代邵與周筆勢回奔川
華亭朱茂才好古喜欲顛一掃世俗書習篆忘食眠秦
望并之翠碧落兼新泉小者案間列大者屋壁懸平生
囊橐資多充買碑錢功深學既精齒壯志益堅池魚染
皆黑鐵硯磨將穿摹榻累萬番期差古人肩師法正在
茲什襲比蹄筌孫樵文自祭智永筆忍捐前修不我欺
我癖尤難痊嗟峨細林山上與浮雲連譬彼汲冢書函
之煙其巔聚土封若堂剗石表為阡其陽碧樹交其陰

書帶綠山靈謹呵護有名如有仙揮灑人間者顯晦名
非偏寶劍賈胡發玉柙蔓艸纏何如篆家光夜夜映星
躔

方寸鐵為盧仲章賦

方寸鐵百鍊剛吹毛劍鋒秋水光鐫刻妙凝郢竹房倒
薤文連環紐通侯累累懸肘後伏龜趺蟠螭首頌德紀
功垂不朽鐵名已著霜滿顧復將鐵業傳二雛勿饒元
祐黨勿刻診癡符何如往補石經闕萬古六書存楷模
天下英髦知所趨伊誰之力丹邱盧

細柳營

棘門霸上皆兒戲只數條侯細柳營天子徐行思至重

松風齋集卷十四

三

將軍不拜禮非輕渭城萬樹春陰合漢室千年塞下平
他日從知可堅卧豈愁犇壁有吳兵

讀杜詩有感

幾年京國暗戈矛淪落誰憐杜甫愁春漏也曾嘆錄事
秋餼仍復問彭州平生忠義一作即縣貧逾見小技文章老
更優我亦此身無定處夕陽孤倚仲宣樓

次韻述懷

大塊茫茫本自然杞人無事漫憂天百年流景如雙轂
一餉懽情直萬錢不是溪山嫌客賞何曾風雨為花憐
細推物理休驚東回首故人空墓田

題俞凝清小樓

戶牖修然樹杪開小樓新結俯池臺書聲直與浮雲抗
畫幅遙驅列岫來豈可胡牀留俗客莫教明月照空杯
元龍豪氣誰能繼述作須憑沈謝才

董紀

顧志紀字良史上海人父成有詩名紀詞翰俱美
賦咏一出輒膾炙人口洪武初舉任江西按察司
僉事尋引疾歸所著有西郊笑端集張東海西郊
笑端集序略明初松江之善詩者御史袁景文為
最判官陳文東鄉貢進士陸宅之江西僉事董良
史處士吳子愚輩亦相頡頏會稽楊鐵崖避地居
松其才膽氣雄震耀當世一時才士皆宗之往往

松風齋集卷之四

四

高古不逮詭恠層出又景文輩所不屑也景文有
在野集近方板行而良史輩之詩特間采錄於編
類之集耳光祿少卿周尚文之祖仲莠其弟子也
得所著西郊笑端集於家躬為編校而行之集凡
若干卷良史涉歷艱虞竄伏田野漫爾而仕漫爾
而歸歸潔其身詩文亦漫爾而作弗冀有傳也今
光祿公乃為不朽之盛事其所以厚前輩承先志
惠後生何如哉惜良史素務韜晦其出處之詳官
業之大不得備見以為後法而徒以詩文鳴亦云
不幸矣幸而有傳光祿公之力也又安得如光祿
公者咸蒐羅前輩之作併刻而傳之使後之學詩

者以鄉人而師鄉人氣味相近不至頗僻以成吾
松之雅音云（稿）李詩鑒良史初名述夫號一槎其
父自嘉徙松良史與兄良用早有文名洪武間首
舉賢良詔試內廷稱旨授江西按察司僉事未幾
辭歸結西郊草堂為終老計雅好吟咏多率己意
曰供一笑而已每不留藁間有存者自題為西郊
笑端其詩閒整流利諸體俱可觀

短歌行

山鳥日日喚提壺勸君酒盡更須沽千金五花不足惜
莫計囊中錢有無人生百歲幾時好大是愁多歡樂少
朝見花開暮落花昨日朱顏今日老為君起舞為君歌

松風齋集卷之四

五

當年不樂奈老何

煮鶴

山人偶劈琴窳窳九皋音借問纏腰想何如食肉心青
田具易寫赤壁夢難尋恐襲乘軒弊防微意亦深

新卜草堂

為愛林塘好移家向瀼西久知鳥繞樹稍學燕銜泥花
徑偏宜曲茅堂不厭低猶煩車馬客時復問幽棲

舟次采石

風雨黃昏後帆收采石來人家臨驛住野廟向江開蠟
燭傾浮蟻燈花落細煤謫仙何處問夜靜水聲哀

海屋為鼻古鼎賦

古鼎名永鼻松
詩僧有詩另見

海上高僧屋數椽，珊瑚碧樹繞堦前。過橋雲磬天宮寺，泊岸風帆估客船。龍女獻珠來供佛，鮫人分席與參禪。百年劫數如彈指，眼見桑田幾變遷。

送石達卿赴淮南之辟

當代搜羅急俊英，豈容徒老鹿門耕。淮南幕府多招隱，水北山人最得名。參朮正須歸狄籠，鹽梅甫用入商羹。只應湖上秋風起，猶為鱸魚惜此行。

順濟廟

即聖妃宮在上海縣治東北黃浦上宋咸淳中重建有丹鳳樓觀潮者登焉中有神像

何年敕賜天妃號，宮觀迢遙入紫冥。龍女來朝多顯異，鮫人作市暗聞腥。黃姑渚闊天通海，丹鳳樓高畫隕星。

近得瑤池王母約，蓬萊有路到珠庭。

題友人山居

烟蘿窈窕蔭柴扉，路入蒼苔一徑微。江燕定巢來自熟，巖花結子落還稀。修琴有制先抄譜，沽酒無錢更典衣。采藥山童終日去，夜深常與鶴同歸。

遊虎邱

參差樓閣半山開，迤邐登高入寺來。寶藏虎歸風撼樹，劍池龍去水生苔。塵封坡老題詩壁，雲鎖生公說法臺。不須窮古蹟，上方猿鶴易驚猜。

秋詞

露下碧梧巢鳳寒，悲螢暗啼金井關。風吹繡幃羅袂薄，

琵琶零落無心彈。誰家月明正擣練，十二闌干愁倚遍。錦水鴛鴦不獨棲芙蓉，一夜生新怨。

江行

江水悠悠江路長，孤鴻啼月有一作微霜十年踪跡渾無定。莫更逢人問故鄉。

芭蕉仕女

春來心事苦人知，懶寫芭蕉葉上詩。記得霓裳新樂譜，晚涼偷按玉參差。

題扇次姚比玉韻

甫里西來笠澤東，扁舟彷彿似龜蒙。舊時記得相逢處，恰與如今畫裏同。

閒居

風雨連朝不出門，晚來步屨看溪痕。不知荀過鄰家去，籬落新添竹幾根。

絕句

小徑斜穿入竹林，曲闌通轉亞花陰。牆隈勢逼風如旋，落地殘紅幾許深。

東風細雨濕窗紗，日晏黃蜂未報衙。芳艸滿庭隨意綠，時時吹落碧桃花。

效秦文仲絕句二首

上東華暖露開，御河金水碧於苔。內廷擎出清涼殿，正是黃門進膳來。

朱衣繡襖織金花寶蓋仙幢擁翠華文武班齊天樂奏
龍頭小犖戴官家

健元鎮畫

地僻無人掃亭前長綠苔不知丁氏鶴何日可歸來

董源

〔文翰類選〕源字長源號勁節雲間人

過豐城

官河南下是豐城借得天風頃刻程白鳥迎人如有約
青山過眼不知名浪花捲雪生秋潤雲葉飛綿散曉晴
兀坐船頭凝思久恍疑身世在蓬瀛

九月八日雨中感懷寄范嗣宗

〔卷之三〕

百年幾度看重陽況值重陽客異鄉無酒可酬明日醉
有詩堪寄昔人狂黃花落漠漠禁秋雨紅葉鮮妍著曉霜
却憶新塘舊知己對花應解惜年光

董恬

雲間人物志恬字世良號中岡上海人御史綸仲
子成化丙午與弟忱同鄉舉卒業太學歷事內庫
時敬皇於奏疏中見公書曰沈度其復出乎欲官
之公辭乃已弘治丙辰復與弟同第授都水司主
事歷刑部郎中擢大理寺丞進少卿公性至孝在
庠時乞罷廩食歸事其母去官家居日侍母側母
卒公已老猶蔬食終喪〔方志〕恬授工部主事分司

徐州改刑部員外郎郎中奉敕錄囚浙江平反明

慎遇逆瑾干政凡復命者必往謁恬不往復無所

遺乃撫以踰期限罰米二百石餉邊正德戊辰晉

大理寺少卿時中外多故大獄屢興恬獻決明允

逆瑾用事流繫與僉事廷舉成陶給事詣恬皆周

旋左右卒獲保全會瑾敗有謂康海及恬俱為瑾

黨遂落職癸酉七月始上書略曰臣遭逆瑾肆虐

時罰米奪俸回話待罪挫辱百至而言者反以臣

為黃緣臣實寬之臣身為法官既不能誅討元惡

又不能乞身求退罪深責薄放歸田里夫復何言

但進禮退義人臣之節不可不明乞敕銓曹覈臣

〔卷之三〕

九

事辭明臣心跡俾素節得白於後世即死無憾事

白詔還章服閒住卒年七十有四手錄詩藁藏於

家

送姚程夫司訓南安

清才寂寂動長安振鐸西江喜拜官闕下朋情千首富

擔頭行李一肩寒籃輿度嶺看梅易畫舫驚湍撥棹難

東海舊遊堪覽勝樓高鐵漢倚雲端

董傳策

方志傳策字原漢上海人弘治辛酉澤曾孫嘉靖

庚戌進士是時分宜父子怙寵不法諸臣以直言

觸忤抵死者數輩傳策為刑部主事偕給事中吳

時來同官張紳疏論分宜六事上之謂其隳邊防
醫官得靈國用樹黨與擾驛通壞人才擅國而國
將危請斥之以謝天下上怒下詔獄問誰主使拷
掠慘毒再絕復甦幸不死會地震得宥謫戍南寧
時按廣者為分宜私人傳策戴大帽裝跪舟次呼
曰軍人董某見按院趨迎之幾墮水有宣慰某齎
寶劔玉幣相謁立戶外累日叱而却之隆慶改元
復原官尋擢為南京禮工三部侍郎為人清剛繩
下過急臧獲無賴者懼不免遂及於難年止五十
雲間雜識南工部差蕪湖抽分者歲暮則以千金
壽大司空而司空則五百金隆慶六年幼海為

松風齋集卷三十四

南王侍人不敢干以私是冬蕪湖循例遣致白鑑
大司空即日收受隨給回文獨於幼海署前伺候
十日閤人無敢通者歲已逼除蕪湖役人不得已
稟大司空具道其故司空曰暫留我處待我從容
轉致實未嘗致也後幼海為鄉人事有污蠟其素
行者賴司空入為冢宰素服其清介覆奏遂盛稱
之又朱泰菴太守居官清正不屑趨炎時董幼海
建言謫戍家居時加候問而徐文貞當國家奴有
犯必懲文貞欲黜之久矣會大計幼海適起為考
功主事時太宰將以不謹處朱幼海大言曰奈何
欲黜良守太宰曰此貴鄉徐老生意公自與講解

幼海曰姑少待某即往矣隨謁文貞具道朱公當
留文貞曰此公有何好處幼海曰無論其他即如
加厚門生不畏老師足知其品矣雲間志畧董幼
海初劾分宜分宜必欲得主使名為下石文貞地
下獄考訊再絕復甦志不少變分宜猶欲廷鞫斃
於杖下而地忽大震得免謫戍南寧公早貴未習
詩賦古文詞既竄遐方乃以深沉悲壯激烈慷慨
之灝氣此筆而書其詩文有湘纍長沙之風黃初
大厯之體而又不失閩洛瀕閩之宗所著有采薇
集幽貞集邕飲葉處葉中述朝繩奇遊漫記若
下卷意遠遊述史景狀若干篇又應客緒言讀書

松風齋集卷三十四

雜著譚道隨筆及成歸詩歌又不下百卷先進舊
聞董侍郎為人清介而待族人恩當捐腴田三
百畝贍族每歲清明會族祭墓畢設宴會飲貴者
富者分胙賤者貧者分米又以餘米贍墳糧歲時
助貧者吉山之事客諸偶抄幼海公尚氣任性人
也歸里益甚一日赴宴食火肉甚佳問所從來曰
市諸沈店從者竊聽歸告公妾之主饋者購得以
進公食而覺曰與昨所食無異監子漏我機開逮
此僕榜八十銀鐐其頸其妻惶遽投井死公入內
此僕謂押者曰亞夫人入井我死須臾矣我索中
有數十金盡與君君救我命押者縱之公出不得

此僕即時責斃押者立擒此僕歸加責越宿死衆
僕忿極插血將殺公親友知風者密以告公亦心
動乃召衆諭之曰我自茲不復蹈前轍矣令衆矢
於神而散居三日復責斃一僕衆譁曰此舉殆難
已矣萬曆己卯五月初七夜諸僕昏時潛入後園
約婢開門公時與一妾一婢宿內寢西室公好羞
斃裙與粥相和三更進食是夕婢取斃粥因開門
導羣克凡十二人塗面蒙頭持斧執燎而入公急
起牀前尚有腰窗與妾共扞之諸克以鎗從榻眼
抵入不能扞賊隨至前公跪懇曰室中阿堵若干
請以易命垂涎者將許之一與夫提斧喝曰事至

松林集卷之四

明

三

此寧可以金解取金而去彼獨不能追我乎急以
斧斫公公入牀下諸克撒牀刀斧俱下公斃而賊
出矣良久公復甦呼婢曰我尚有一線可活為我
請沈醫來婢出報諸克復入以鎗洞其胸出於背
而去次日聞於官逮衆僕擬凌遲十八人疏下比
部大司寇覆擬即決侍郎徐公學謨曰凌遲至十
八人其中豈無冤而可勿遽若是耶駁下覆問於
是得釋者六人

赴戍過馬頰同吳君時來張君聯作

客行九千里舟過十八灘山疑三峽險水似五溪寒挂
鏡蒼松杪停橈白石灣路難何足問此地是平安

訪李大參清機閣

綺閣來登近斗躔玲瓏高敞五雲邊一杯滄海浮牕外
萬里星河挂檻前把酒凌虛疑出世行人遙指說飛仙
紫霄更上瞻天北欲覓金莖進御筵

湘江曲

江頭水聲起郎帆渡何許風波今有無君聽山鷓鴣舟
出湘江道那似家鄉好郎行胡不歸高堂懷授衣湘水
清且綠濯纓還濯足郎解唱吳歌住少行路多行人頭
早白勸郎休作客郎未會儂言休憎山上猿

秀州謠

炎風卷行舟吹我秀州路骨肉正參商臨波數回顧解

松林集卷之五

明

三

仰牽母氏衣淚下不可揮願母加餐飯兒戍終當歸解
行役難久留皇遽渡中流烟波乍相失回首隔河洲解
落落征人色飄飄遊子臆假寐忽神飛依然在親側解
抱一山人所著采薇集六卷幽貞集三卷邕歛稿解
四卷一往豪邁不拘格調正變雜陳瑕瑜不掩粹
然無疵者絕少故所錄止此如烟霞倒映天邊樹
冰鑑虛浮象外山兩岸青山天外落一帆明月鏡
中開落日玄猿啼暝嶠戍樓清角下寒灘閉戶共
沾分歲酒當筵俱是異鄉人蝴蝶夢中江草碧鷓
鴣啼處嶺雲黃雲搖竹影渾忘暑風帶松聲半是
秋天涯作客憐同病人事經秋苦獨吟月透小窗

秋落枕風敲修竹夜鳴琴皆警拔之句

重晉

字原晉初名傳史字昭甫少宗伯幼海弟也隆慶丁卯舉人以孫象恒貴贈右叅政

泖塔次林太僕韻

晴湖瀾渺瑞煙浮高閣憑闌正麥秋數點青山雲外峙
千重艸樹望中收潮聲恍雜虛堂磬醉後身如不繫舟
向晚碧天清似洗一輪明月照牽牛

萬頃波心寶地浮登臨四望氣橫秋潮生百里春雷動
日到千村宿雨收未解色空明佛性且隨李郭汎仙舟
詩成白雪真難和祇覺虹光射斗牛

董宜陽

上海縣志宜陽大理寺卿恬之子嘗受經於天台

王度郡人徐獻忠所日讀幾萬言益博先秦兩漢
諸子裨官百家尤穿穴國朝典故郡縣文獻叩之
能縷數以對嘗游國學司成鄒孟益黃佐引為入
室弟子詩喜元白文醇茂古雅所著有中國雜記
蘭金集藏於家雲間雜識董紫岡太學有文名為
貴溪相公所知許以中翰會考選置公名第一世
廟竟點第二三名後置第二又點首尾兩名遂歸
雲間志畧董宜陽字子元居上海沙岡故號紫岡
自號七休居士於書無所不窺遊成均名動都下

屢試不第遂棄舉子業專攻詩賦古文詞詩法高
半晚嗜元白文法先秦兩漢間出入曾王楷書法

虞永興行州法僧智永生平所嗜惟書史名帖日
坐一室手丹鉛校勘至丙夜不休與同里何良俊
徐獻忠張之象時稱四賢所交皆海內名士若顧
司寇華玉文待詔徵仲許奉常仲貽皆推獎之與
弟宜旭尤友愛特甚當析產時先為文泣告先祠
擇田之腴者室之美者悉以讓弟所著有名臣琬
琰錄雲間詩文選先哲金石編近代人物志中國
雜記雲間百咏松志補遺上海紀變諸書其為詩
清圓雅暢成一家言如過泖塔云獨樹明春萬千

花倚簷樓曉彈箏云鳳語花間細鶯啼水面輕吟

並帶連雲臨風如對語照影本連枝酬吳仲舉云

歲晏無梅使天空有鴈羣咏二陸祠云空餘白鶴

風前喚想見青衫月下遊三高墓云江干舊賦無

人識松下閒雲有客遊皆子元佳句錄之以俟評

詩者

初發谷陽夜泊追懷舊遊寄袁魯望

不寐嫌宵永殘星帶月明城烏喧夜柝岸葉亂秋聲世
路悲今昔存亡念友生淒涼感舊賦轉見古人情

同陸平泉莫中江馬嶠寺避暑和前輩韻

雙樹摩空歲月深靜臨德水濯塵纓浮生偶解安禪性

淨土空成出世心
法雨有時雷
塵慈雲長日覆
林深人困湯火應如炙
祇覺清涼萬籟沉

西霞山詩序

西霞山者華亭西余山之別名也肇自鐵崖外史少嘗讀書其中因以為號焉迨嘉靖癸卯冬十月望夜卧山房夢行林麓地甚幽迴得石門題曰西霞山遇羽士數人導之入樓臺掩映花木蔽虧風景異人世冥搜極覽心樂久之豈仙都世外復有所謂西霞山者乎不可知也覺而恠焉賦記

我本煙霞姿雅志在邱壑弱齡思遠游氣欲凌五岳鳳

西霞山詩

云

想懸丹霄騰情渺玄廓早緣物務嬰未遂清都約尋真忽愆期采秀華宿諾西霞故名山仙源窮而擴神遊詎無時選勝欣有託山靈故和招貞心應不忤翩翩躡紫烟芙蓉宛如昨玉峰千丈飛瑤泉半空落上仙授真符長生窺秘鑰玉女舞霓裳金童跨朱鶴瓊樓錦繡披珠閣星斗錯松色晝蒼蒼桃花春灼灼氤氲異香飄彷彿天籟作洞門日月開仙路雲煙霏依依未忍還歷歷咸可樂寤來塵世紛轉覺利名薄倘畢向平期定採勾漏藥題詩報山靈良足慰寂寞

送吳山人

李予十年別相逢各惘然愁添烽火後興落酒杯前大

隱藏吳市新詞逼輞川不堪重分手離思慘寒烟

次答馮山人子喬

三年驚別汝魂夢尚依依旅客家何在秋風燕已歸秋添新鶴髮寬減舊荷衣書報相逢近秋來願莫違

晝寢

疎慵耽晝寢歸夢度林皋急雨鳴孤枕清霜點二毛壯懷虛寶劍世路少綈袍悟得隨緣理長歌醉濁醪

懷舊

休落散髮記當年水曲涼風枕簟前對酒共酬花下句
泉時起竹間烟五陵芳草愁如織兩地秋期月又圓
與爾相看同歲晚願從耕牧老湖邊

和吳興施憲副平叔閒居詠

云

和吳興施憲副平叔閒居詠

湖開碧浪山浮玉春水蘭橈幾度過隨處扣舷人不識
風前時聽竹枝歌

研山松竹淡清秋鐵篴穿雲晚更幽黃鶴歸來山月小
相逢疑是幔亭遊

余向董子宏輔索抄其上世遺稿得紫岡先生詩

二百二十餘首而志畧所引諸聯未見全什知先生之詩散佚多矣而句之佳者如愁添青鬢改增

沒綠苔深風而孤村路田園野老家石林晴作雨

山氣晝成雲露白山河迴風高鼓角寒悲歌落葉

外離別亂山中夜寒霜信早天遠鴈書遲爽氣橫

樓上涼聲在竹西古碣埋芳草空門掩落花鄉園
亂後多秋草客路愁中起暮砧婆婦機絲催絡緯
舊家門戶網蛸蠟心隨鴻鴈風前度手把茱萸醉
裡看水香拂袖波紋細花氣侵人午夢餘晴沙亂
鴨眠遲日高樹歸鴉亂夕暝皆芝園先生所未及
摘洵成董氏一家言矣

董其昌

明史藁其昌字元宰華亭人父漢儒有學行其昌
初就塾比夜父從枕上授經悉能誦記舉萬曆十
七年進士改庶吉士禮部侍郎田一儁以教習卒
官其昌請假走數千里護其喪歸葬還授編修皇

松風齋叢書

明

六

長子出閣充講官因事啟沃皇長子每日屬之坐
失執政意出為湖廣副使移疾歸三十二年起督
湖廣學政不徇請囑為勢家所怨嗾生儒數百人
鼓譟毀其公署其昌即拜疏求去帝不許而令所
司按治其昌即謝事歸起山東副使登萊兵備河
內參政並不赴光宗立問舊講官董先生乃召為
太常少卿掌國子司業事天啟二年擢本寺卿兼
侍讀學士時修神宗實錄命往南方採輯先朝章
疏及遺事其昌廣搜博徵錄成三百本又採留中
之疏切於國本藩封人才風俗河渠食貨吏治邊
防者別為四十卷倣史贊之例每篇繫以筆斷書

成表進有詔褒美宣付史館明年秋擢禮部右侍
郎協理詹事府事尋轉左侍郎五年正月拜南京
禮部尚書時政在閣覽黨禍酷烈其昌深自引遠
踰年請告歸崇禎四年起故官掌詹事府事居三
年屢疏乞休詔加太子太保致仕又二年卒年八
十有二贈太子太傅福王時謚文敏其昌天才俊
逸少負重名在講席見知光宗為僉人所忌其後
魏璫薰繅衣冠奄人請書翰者一切謝絕然不激
不隨故得免於黨人之禍初華亭自沈度沈粲以
後南安知府張弼詹事陸深布政其如忠及子是
龍皆以善書稱其昌後出超越諸家獨探神妙始
以宋米芾為宗後遂錯綜晉唐諸帖而變化之自
成一家名聞外國其畫集宋元諸家之長行以己
意瀟灑生動非人力所及也四方金石之刻得其
制作手書以為二絕造請無虛日尺素短札流布
人間爭購寶之精於品題收藏家得片語隻字以
為重性和易通禪理蕭閒吐納終日無俗語人擬
之米芾趙孟頫云同時以善書名者臨邑邢侗順
天米萬鍾晉江張瑞圖時人謂邢米張董又曰南
董北米然三人者不逮其昌遠甚王勳尊開董玄
宰嘗謂陳眉公曰吾曹無他覲博得一活勝人足
矣眉公曰公有三無筆下無疑眼中無礙胸中無

一點後機皆壽徵也立宰大笑後享年八十餘卒
無聲詩史公讀中秘書日與陶周望袁伯修游戲
禪悅跡一切功名文字黃鵠之笑壤蟲而已時貴
側目出補外藩視學楚中旋反初服高卧十八年
而名日益重四方徵文者日益多自上哀列卿臺
察郡邑吏贈遠渴言非公文不腆浮屠老子之宮
碑碣銘誌之石非公筆不重斷楮殘煤聲價百倍
與同邑陳仲醇為老友凡有奇文輒出示欣賞修
神光兩朝實錄署副總裁當事擬以少宰辭擬北
唐又辭既而請南乞休泊魏閣盜權士大夫踟躕
不敢入皆歎公之先幾遠引焉以上皆陳繼儒
集序

徐參政集卷中

辛

謝崇禎朝晉禮部尚書年近大耋猶手不釋卷燈
下讀蠅頭書寫蠅頭字蓋化工在手烟雲供養故
神明不衰乃爾其書無所不仿最得意在小楷而
懶於拈筆但以行草行世亦多非作意書第率爾
應酬耳若使當其合處直可追踪晉魏畫仿北苑
巨然千里松雪大癡山樵雲林精研六法結嶽融
州筆與神合氣韻生動得於自然所謂雲峰石迹
出天機筆意縱橫參乎造化者也嘗自言其畫
與文太史較各有短長文之精工具體吾所不如
至於古雅秀潤更進一籌美書較趙文敏亦各有
短長行間茂密千字一同吾不如趙若臨仿歷代

趙得其什一吾得其什七又趙書因熟得俗態吾
書因生得秀色其自評蓋不虛矣在禮部時高麗
進貢使者詢知公名以為異蓋筆墨亦流傳彼中
夏子陽黃門使琉球歸追請公書以應琉球使人
曰彼國中所寶如白香山故事云列朝詩集立宰
天姿高秀書畫妙天下和易近人不為厓斥庸夫
俗子皆得至其前臨池染翰揮灑移日景矜慎其
畫貴人巨公鄭重請乞者多倩他人應之或點染
已就僮奴以質筆相易亦欣然為題署都不計也
家多姬侍各具絹素畫稍有倦色則謠詠繼之
講其真蹟者得之閨房者為多精賞鑑通禪理蕭
關吐納終日無一俗語米元章趙子昂一流人也
弘光補謚以其風流文物繼跡承旨得謚文敏是
時卹典雜亂無章獨謚立宰之謚庶幾無虛美云
小長蘆云趙承旨謚文敏董尚書亦謚文敏兩公
書畫差足相當董詩差不如趙臨波之亭戲鴻之
堂風流弘長一也

送僧還天目

自謂在閬世勞勞不暫閒越江堪濯足天目就登山芳
卿無愁色桃花有笑顏窮途三十載感激未東還

寄清園

即小黃山在黃山正北一名免紫張華
東太保別業也有柿泉佛卵石諸景

聞風習習拂仙裾小構華陽洞裏居貫斗文章成脉望

挽河兵甲到狼胥山莊花艸平泉似畫閣勲名博陸如
清興灑然閒寄此日長時展紫霞書

泰岱遙瞻勢獨雄黃山削就亦神工誰言鞭石橋難合
却喜燃犀怪不逢窅窕自能通鶴徑煙雲偏覺繞花宮
十房雖是封侯骨辟穀還從圯上翁

慧因寺

漫道山深不是深出門半里即湖潯祇因寺有馱經馬
勾引林多聽法禽慧潤細流寒不涸玉岑稠樹畫長陰
非關到此耽幽寂為愛移人賀若琴

詠九華

嵐深山影寒樵響不知處綠樹早鶯啼千峰一家住

習池

峴首一片石高陽數畝池流風江漢遠千載動遐思

題萬花草堂

在淳安縣西七十里

路入江皋一徑斜綠楊深處有人家洲前風度千帆影
谷口春藏萬樹花塵榻可能邀孺子龍泉聊為報張華
游人歸興覆如酒負却山陰雪夜槎

義興作

獨將長劍倚秋空不道荆溪亦路窮問我姓名惟應馬
向人花袂指飛鴻烟蒸曉岫全籠碧霜入疎林欲變紅
行子已諳擔簦意未妨身世有牆東

馬鞍岡

瓊州府志距定安縣治二里許上多奇石當中最高若據鞍狀

鞭石何年自海東平岡一踴似行空標形笑取山為骨
不入驪黃牝牡中

失題

白雲樓上白雲封彷彿羣真理赤松自向龍門御元禮
不因鳳羽識超宗書成副本名山重酒泛雙莖湛露濃
有詔即頒靈壽杖將無蕭灑愛攜筇

酬李太虛宮允元日贈什

直從藝苑割鴻溝賦是相如史是工遂以空玄忘俗駕
情多去住任虛舟衰年金馬稀良觀千載雲龍續勝遊
雪裏官梅東閣路天花點點散離憂

壽謝山持禮垣封翁仲泰五十五

卷之三十四

三

閩山何處是方壺古木雲林著謝敷芝簡並疏偕隱貴
艾年猶及服官呼龍門草創千秋史絳闕真形五嶽圖
綵服趨庭何以壽諫垣一卷照青蒲

敕賜午門百官麥餅宴恭紀

社筵重舉五朝儀衍衍千官式謙遲列鼎幾承明主賜
迴波不數近臣詞麥秋好及櫻桃薦肉食能忘藜藿私
為問大舖頒漢詔何如含哺頌堯時
天門跌蕩御筵寬宣示來牟得歲歡帷借宮雲成夏屋
坐依文石序周官疇風暗入瑤琴奏實先同玉粒看
從說閭閻勞旰食也欣臣子徧加餐

賀德州杜芳華將軍得雄

城南本是征南裔麟趾當徵麟閣敷摩頂不須逢寶誌
棄繻他日見終軍

任邱道中觀保甲法成口號寄王仲任明府

似將金甲寄春農阡陌軍容細柳同如此四郊歌渡虎
肯令三輔有飛鴻

茂州道中

春晚花飛欲盡時輪蹄爭湊藥王祠不知扁鵲游燕日
肯信人間俗可醫

煙雨樓

風吹明月墮魚梁讀罷閒書倚綠楊湖上藕花樓上月
踏歌驚起睡鴛鴦

容臺集中詩華不泯清不瘠蕭疎雅麗山林臺閣

西

兼而有之元和長慶何多讓焉惜凡題識之散布
卷冊者未能羅而聚錄於此以成藝林之佳話又
竊歎景仰先生者每及其書畫而不及其詩文為
可恠也

董象恒

〔郭志〕象恒字友仲隆慶丁卯晉之孫華亭學萬厯
己未聯捷進士〔上海縣志〕象恒年二十四舉進士
除守開州州戶役莫困於馬頭吏練為奸因為區
別貧富富者量助貧者悉免役於是平時白蓮侶
亂突犯州境率壯丁捍禦擒斬州城以安遷兵部

侍郎出為右參政分守漳南值海寇鄭芝龍猖獗

奉撫按檄分道勦擊克之又與遊擊歐陽瑞撲滅

山寇於冷羊頭巖間海底定旋告歸省親遂乞終

養侍親十三年如一日服闋補福建屯鹽右參政

屯鹽夙為弊藪更悉心釐剔商民便之特擢右僉

都御史巡撫浙江召對稱旨賜酒膳銀幣到官屏

却餽遺正己率下莫敢干以私是時需漕孔亟而

浙艘回空獨遲期迫則封民船以濟稔知其困首

捐俸為十一郡倡屬吏爭先樂輸造漕船五百有

奇公私不擾督漕吏可法題敘下詔褒美會流寇

竊發徵募勤王復發援師四千入衛為天下先時

三

頻年災荒桂符嘯聚屢奏請蠲賑賊漸解散四方

多事獨兩浙晏然忽以蜚語被逮民為罷市詣闕

訟寃者萬餘人得免歸年七十而卒

開州衛國公墓

落木葉聲乾西風石馬寒平生勇敢氣肯與夕陽殘

董孝初

〔郭志〕孝初字仁常華亭人少能書為諸生久不得

志遂棄去放浪山水間中年作畫筆墨簡遠為時

所稱

贈介公長老

繡壁秋苔古院深木鯨宵影逗空音塵花眉笑能降虎

鉢食肩巢欲下禽十道棋聲關風雨半天鈴語報晴陰
開市閑臘中峰後為指髯松已百尋

松風餘韻卷三十四

松風餘韻卷三十四

明

三

松風餘韻卷第三十五

目錄

明李至剛 六首

李彥文 一首

李昇 三首

李年 一首

李伯瑛 一首

李清 一首

李可教 一首

李逢申 五首

李日章 一首

李豫亨 一首

李紹彙 三首

李紹文 五首

李昭祥 七首

李伯春 一首

李之楠 二首

李特聞 七首

李世祺 一首

李人龍 一首

李先春 二首

李翹 五首

原缺第二葉

松風餘韻卷三十五

胥浦姚弘緒聽嚴編次

李至剛

分省人物考至剛號敬齋華亭人嘗從學楊廉夫洪武戊辰舉明經奉命侍懿文太子授祠部試郎中既授坐累戍邊無幾召還為虞部郎中尋陞河南右參議會河決汴塘居民危懼建議假王府積木作筏濟之人賴全活甚衆調湖廣左參議太宗入正大統來朝大臣有言其才且洪武舊人遂以為右通政方修洪武實錄至剛與焉旦暮在上左右道說洪武中事甚親密是冬陞禮部尚書益見寵遇永樂二年春冊立皇太子命兼左春坊大學士東宮開講筵與右春坊大學士解縉後先進講及修永樂大典四方文儒皆集仍以至剛掌之為侍郎宋禮所間見疎歲餘降儀制郎中與解縉素厚縉既遭讒出人有言其怨望者後詔下獄并逮至剛仁廟嗣位念為舊宮臣復以為通政數月又念其老不任朝參政知興化府時再歲沒於官年七十明史藁至剛名綱以字行建文中為湖廣左參議坐事繫獄成祖以為右通政歷禮部尚書兼左春坊大學士直東宮講筵已復坐事下獄久之得釋降禮部郎中恨解縉中傷之縉下獄詞連

至剛亦坐繫十餘年仁宗即位得釋復以為左通政給事中梁盛等劾至剛輩十餘人當大行宴駕不宿公署飲酒食肉恬無戚容帝念先朝舊臣出為興化知府時年已七十再歲沒於官至剛為人敏給能治繁劇善傳會首發建都北平議請禁言事者挾私成祖從之既得上心務為佞諛嘗言太祖忌辰宜仿宋制令僧道誦經山東野蠶成繭至剛請賀陝西進瑞麥至剛率百官賀帝皆不聽中官使真臘從者逃三人國王以國中三人補之帝令遣還至剛言中國三人安知非彼私匿帝曰朕以錫爵待內外何用逆節所遣由多不用妻父麗重辟至剛為乞免帝曰獄輕重外人何以知之至剛曰都御史黃信為臣言帝怒誅信初至剛與解縉交甚厚帝書大臣姓名十人命縉疏其人品縉言至剛誕而附勢雖才不端縉出為廣西參議既行至剛奏其怨望改謫交趾江陰陳耘字德報浙江僉事送李尚書出守興化詩曰聖君圖治口維新出守推恩待老臣畫省久知勞補衮黃堂暫假去安民關西白昔稱揚震河內於今委寇恂行見閩山添喜色瘴烟從此變陽春

關山白雲圖

宦遊去鄉邑旨甘成久違終朝望閩山惟見白雲飛冉冉

井欲高舉亭亭復還歸流影發素彩芳潤含晴霏何當
染五色製作老萊衣

題王孟端送行圖

汀洲杜蘅歇南浦西風生美人鼓蘭楫路指江南行南
行向何許東望吳淞去吳淞秋水多綠遍芙蓉渚渚外
大龍山山邊三泖灣人家臨水住日暮采菱還采菱歌
易斷送子愁雲亂愁來可奈何思滿江南岸江南不可
思動子情依依皇都春色早遲子速來歸

朱澤民秀野軒

幽居遠城郭寂寞自成村野色還通市春潮直到門竹
塢晴曉網花塢晚開尊想像其中趣何由得具論

趙子固水仙

水晶宮闕夜不開仙子出遊凌素波為愛低頭弄明月
不知零露濕衣多

輓龍德剛長史

輓龍德剛長史為野史編龍德剛字德剛萬載人
為晉府左長史靖難師起南朝
徵兵於晉德力勸主發兵赴難成祖即位械
繫德於獄德不屈死有搜其遺骨得所自書贊曰
捐生殉國弗事二主別父與兄忍慟肝膽盡
忠為臣盡孝為子二端於我歸於一所爵祿

形骸視
如塵土

先生底事漫成非泣對西風不忍揮春草一函堪範俗
血書數字欲沾衣偶從仙鶴乘箕去不見人龍衣錦歸
此日闔棺無復恨永垂英烈世間稀

嶽麓懷朱張

我謁朱張談道處高明亭向湘江開滿山香氣松桂合
半夜秋聲風雨來白雲封蔽蟒蛇洞碧澗響近赫曦臺
古跡宛然在我目乘興題詩鐫石苔

李彥文

小長蘆云尚書無詩名僅存者頗娟秀信然

文翰類選彥文字晏齋松江人

席上呈張序班賓陽同席者僧寧熙中士友林

伯時高彥武

一舸嬉遊過鳳山詩僧為伴樂清閑隱居開市林貞士
際遇歸家張序班剪燭笑談忘世慮罄酬酢動歡顏
典烹賴有高文學盡醉清泉醉竹間

按松江府志有王彥文而無李彥文李或王之訛

也嘉興縣志職官傳訓導王彥文華亭人永樂十

三年任

李昇

文翰類選昇字仲高雲間人顧志李昇永樂十二

年甲午科府學中式乙未進士考功司郎中操守

清介卒於官

輓友人

童穉交遊廿載餘南柯夢斷竟何如雲間翰墨名多著
天上經綸老未舒千里哀君今日淚一紙寄我去年書
寒烟暮雨埋新塚故舊襟期自此疎

登金山寺

試上金山絕頂遊我南拱帝王州雲連高閣天疑近
浪拍迴巖地欲浮秀拔羣峰低北固勢吞九水屹中流
興闕回首斜陽外水榭風亭處處秋

輓興化李太守至剛

東吳鍾秀在斯人名重三朝屬老臣青瑣文章曾獻納
玉階禮樂舊敷陳靈隨丹旆歸千里夢斷黃雲限八閩
賴有寄情詩尚在一番展誦一沾巾

李年

方志年字成之自號一樗子少不喜章句肆力先
秦兩漢之文開門受徒時當英廟北狩年適鋤於

不樗齋集卷五

五

園聞之涕泣彌日識者謂其隱不忘君性沉靜簡
默終日端坐暑不扇寒不爐接人則怡然溫厚與
諸生講解懇懇詳辨冀其有得而後已年六十八
卒之日名門弟子示以全歸無憾之意學士錢溥
與門人曹雲龍等議所謚曰無愧身心不妄言動
勢利不奪其情詩文可傳於後隱而有道者宜合
東野之貞曜淵明之靖節私謚貞靖先生九篇集
故老稱一樗子為童子時就試督學使者使者令
科跪入先生恥之曰古人徵以玄纁迎以蒲輪尚
重以一出今待士如囚徒禦之若寇盜而猶俛首
聽其去取乎遂終身高蹈人以隱士目之

感事

沙漠無消息山河未奠安草茅承食養燈下淚沈瀾

李伯璵

雲間志畧伯璵字君美號養菴上海人宣德丙午
鄉薦歷桐廬山陰訓導秀水安福教諭其誨人一
以道義為本桐廬累舉缺人識姚文敏公愛於髫
年授以春秋一經日課其文藝未幾姚擢第後為
名臣山陰縣庠堪輿有謂風水不利科目請徙之
伯璵曰顧師弟教學何如耳形家之言豈足信乎
卒不徙其後登庸相繼鼎元亦出其門陞維府左
長史夙夜事主多所匡正從王入覲左右有以他

不樗齋集卷五

六

求請者伯璵不可曰君臣之間有錫則拜賜而無
求求則瀆瀆則不敬府使人入貢道與一縣令構
爭詔下令於獄而釋使者不問伯璵請治之以戒
生事官校有犯王械置於市伯璵請論如律以全
其生王有疾左右請施僧祈福伯璵謂此無益費
不若貸丁役錢以甦衛士王皆從之成化癸巳歲
卒年六十八所著有文翰類選一百六十三卷行
於世二子澄清並登進士第澄字希范號葵軒終
福建左叅議清另見方志伯璵第八子深字希達
少有雋才讀書通音律淮王愛之具疏納為儀賓
太后特召入京厚賚賜婚此異典也七世孫雯曰

先相國名德茂學作傳親藩裨益賢王有賈董之
誼所作近體詩凝渾不苟生於何李之前而能不
沿元調惜未有表章之者予小子從遺集中搜出
以誌一家淵源不敢比工部之宗審言也

春日侍讌淮王登樓晚眺應教

黃髮先朝一老臣春來移瑟向朱門親嘗楚國諸生醴
不似梁園雪後尊南浦歸帆迴夕漲西江落日繞飛鳶
深慚侍從無聲夜桂樹雄篇敢獨論

李清

方志清字希憲上海人長史伯璵子也十七舉於
鄉景泰甲戌進士授工部主事改南京刑部員外

卷之三

七

郎郎中數年間獄多平反除母喪謁選值冢宰姚
夔係長史門人欲留內用清謝曰荷公盛意知者
謂公自薦不知者謂清有所干夔歎曰希憲真君
子也補南京兵部郎中議設儀真守備司馬李賓
重之陞河南右參議伸陳留民賈忠之寃寢司徒
孫鼎轉漕黃河之議改任四川力阻松番用兵民
賴以甦轉左剪除太盜境內肅清尋遷右轄在蜀
十年清謹一跡蜀人比之趙清獻轉湖廣左轄年
五十二以疾終於官無以為殯所著有蓉軒全集
自警篇武經集註傳於世

送荊州趙太守攜家之任

雨歇石頭城春潮向晚平一麾遲楚塞千里挾秦箏橘
暗龍洲近舟浮夏口輕清風如可頌杜若滿江城

李可教

晚香堂集傳略公字受甫號鳴鶴淮府長史伯璵
第四子湛之曾孫也父晚峰翁煥然得公最暮十
二善綴文貞齋趙翁試一題援筆立奏遂選為贅
壻十八補諸生北面者屢滿戶趙翁連得二子遂
謝歸父亡喪葬如禮奉母至謹母棄世幾至滅性
歲時哭泣目為之眚先世儲書萬餘軸悉散於倭
變遂多方訪購自六籍百家以及山劉家刻皆纂
抄標序細加舛錯扣之謀寧云出其書某卷某行

卷之三

八

課趙氏二子皆補諸生以報貞齋翁而程督逢原
逢申二郎君不假貸董中立貧而才公賞器其文
妻以女次年遂登賢書與配趙白首相莊六十年
如一日介行矩步以惜福擇交為第一義丙午逢
申捷書至笑曰差慰寂寞已罷公車歸亦不色愠
曰兒豈薄孝廉乎吾家養養公何如人也逢申結
草堂於笏溪之南公過而樂之為之賦詩笏稿不
留逢申僅刻十之一曰碧梧軒詩系與容軒希憲
兩公並傳後逢申舉進士今慈谿贈如其官云

題笏溪草堂

此堂未易言卜築寒士三年構一屋砌石栽花見遠情

板橋曲沼成幽谷從古豪門闢麗華只今何事從蓮軸
愛我郊西半畝宮歲歲春風醉醺醺

李逢申

郭志逢申初名見素字行初長史伯璵五世孫萬
厯己未進士除慈谿知縣失閹黨意左遷縣佐丁
母憂服闋起補上林苑監丞陞工部主事甫三月
九上封事所劾兵部尚書梁廷棟誤國疏寢不報
會軍興驗試火器廷棟以危法中之論戍激浦長
子愛痛父以數言貴人罹辜訟冤章上報罷後愛
弟又伏闕上書政府亦為之地事得白召為刑部
主事轉工部郎又上五疏論時政有所彈擊時寇

松陽縣志卷五

九

已奄有秦晉復疏請結義旅以空名告身與廷臣
分募三輔山東兩河豪傑衛京師廷議中阻甲申
三月賊陷京師被執不屈身受五毒自經死明史
葉成基命傳崇禎二年十月

大清兵薄都城袁崇煥祖大壽入衛帝召見平臺執
崇煥屬吏大壽在旁股栗大學士成基命叩頭請
慎重者再帝不省明年三月工部主事李逢申劾
基命謀脫崇煥故乞慎重基命求罷乃貶逢申一
秩後逢申以炮炸下獄擬戍帝猶以為輕亦以基
命言獲如擬又韓爌傳崇禎三年左庶子丁進以
遷擢愆期怨大學士韓爌劾之工部主事李逢申

効疏繼上煥遂引疾歸進與逢申皆煥會試所取
士也

題森秀菴延青閣

高閣諸天外懸崖一線通雨來青嶂下身入翠微中截
水流逾響乘溪路轉工憑欄看下列花樹正濛濛

石臺

誰將一片石疊作數層臺柱迴玲瓏立門虛曠遠來仙
踪時有印靈壁不生苔天地留名勝清遊得幾回

遊獅子潭

攜柑出郭訪雲林霽色初開上碧岑竹陰千村新翠羽
松濤萬壑老龍吟山當好處王維畫溪逗清聲阮籍琴

松陽縣志卷五

十

更藉同遊探古跡石臺巖畔快登臨

見山亭

山亭虛敞與雲平萬井樓臺映日明絕巘千重天際矗
澄江一道望來清鶴棲松頂幽成夢鹿嗅花叢喜欲鳴
案牘已閒琴亦罷擬從城外看春耕

慈光寺

神皇聖孝奉慈躬寶像青蓮澗谷中貝葉親煩天母製
龍幢遠出大明宮岩峩驚嶺懸蘿月寂寞松崖怪瀑風
獨使小臣頻下淚常披秋草誤西東

李日章

雲間人物志日章字尚絅號海樓華亭人年十七

同兄日宣游庠嘉靖壬午舉於鄉明年成進士丁
內艱服闋授刑部主事為漕運理刑時唐文襄公
督漕以公才而且賢作清議篇贈之陞員外郎郎
中有中貴欲逮人於百里外者公以非法執不可
徐文貞以議祀禮忤執政禍且不測公獨周旋其
間尋錄囚浙省事竣陞知襄陽府首繕樊城築老
龍堤以才徙長沙大瀉賊劫掠公力主勦議躬冒
矢石斬其渠魁降其脅從楚人共立昭勲祠碑陞
山東副使會章聖皇太后南祔顯陵道出東省諸
凡供億無不飭具民實賴之丁外艱歸會有忌公
者遂絕意仕進與高冰及親知輩結社日惟飲酒
賦詩投壺較弈遇事有不便於民者苦口為當路
言之倭夷內訌撫軍周石厓欲虛左幕席以咨戎
政堅謝不往後共事者不免羨菲公獨皦然所著
有狎鷗亭藁

同黃翠菴登泖塔

秋水浮空下漢槎天風袍笏動烟霞喜無塵土侵談麈
賴有清虛領物華初月淡雲漁唱遠中流高艦舊遊賒
十年此會應難別白露橫江斗欲斜

李豫亨

雲間人物志豫亨字元薦別號中條山人副使
草長子六歲祖鶴峰公受封郡守能軫峰來賀豫

亨在側熊即試對曰壽社堂前春酒綠即應曰絲
綸閣下午風清熊未之信也呼至膝前復試曰祖
父孫詰封三代即應曰堯舜禹授受一中熊大奇
之遊大學司成松石程公古冲李公咸加器重屢
試弗售選授鴻臚寺序班亟自免歸講學西湖之
上與王龍溪相辯論王深服之序其書抵武夷生
徒益眾吳吏部中立入山學道久矣一見先生即
下拜稱弟子生平篤於孝友弟負官租二千餘金
罄鬻已產償之晚年貧甚終無怨言范叔子以著
書得罪董宗伯幾罹不測為力言其無他事得寢
范不知也與周憲副萊峰稱莫逆其他或係年家
或同酒社甘心下石幾至傾家悉置不校日事吟
咏而已年六十一據目抄人物紀元薦少穎異十
餘齡從父宦遊湖湘會翦大瀉寇從旁籌策一座
盡驚客歸補郡庠生已入貲遊國學卒不第選鴻
臚寺序班時新鄭當國條上國計三議新鄭器之
欲大用而公無宦志生平博極羣書自五經子史
旁及山川象緯兵農財賦醫卜堪輿暨二氏之學
咸窺精蘊所著有推篷寤語自樂編三事邈真格
致明辨自樂窩詩草梅花百咏所輯有寒谷回春
藥欄春意廣記攬玄珊瑚枝總若干卷工署書行
草具體趙承旨有石刻行於世范子曰元薦窮百

氏家言不下五車竟厄於一第俗吏猶然贊郎目
之噫贊郎豈皆讀元薦書者耶

贈地師

九千九百九十九徧踏諸峰辨妍醜丹山一穴在人心
寄語先生曾識否松人日講風水有數十年不葬其親者有將父母之骨遷徙不已者此詩是破千古之惑

李紹箕

郭志紹箕字懋承按察副使日章孫從婦翁顧正
誼學畫便能競興亦工詩以太學生仕為南京鴻臚寺序班翰林焦弱侯竑朱蘭岵之蕃賞其詞翰
量移廣西幕職轉江西都昌主簿涉歷並多山水

之勝故運筆益蒼老年至八十餘猶揮灑不倦

夏日同孫漢陽陳山人泛泖

湖上迴塘柳拂堤荻蒲亂處浴鳬驚蘭舟擬曳滄浪片
正在芙蓉九朵西

雲掩高原水拍天浪花飛雪布帆旋夕陽滿載樵風急
夾岸爭看書畫船

懷印上人

手蹟藏南梁徐氏

篷窗兀坐思悠悠想到真僧住沃洲掩戶焚香雲衲冷
開牕面壁竹齋秋慧能衣鉢誰堪授靈徹詩篇孰可酬
蓮社久虛知念我能容呼酒共消愁

李紹文

字節之為元薦先生季子許惺所雲間人物志序

云節之抱卓犖之才與楊高二太史結七子社並

馳中原六子得雋君獨點額以是志在千秋指編

摩為歲月其所著皇明世說而外尚餘數種藏之

名山傳之通邑大都足垂不朽區區一第不足纓

紉其心矣

日涉園

為園與為農豈是公卿事園林最近家不妨日一至

浴鳬池館

珍禽畜樊中何得時翩翾不若泛泛鳬安然水上眠

偃虹橋

本是從橋便何須上野航臨橋看魚躍彷彿在濠梁

萬笏山房

曾登天平山萬笏出其上具體在茲園地近心逾曠

五老堂

草滿長堤水滿塘三三兩兩戲鴛鴦小舟蕩漾輕於葉
載酒沿河納晚涼

公所纂雲間雜識人物志二書按其自序間採之

張長輿峯泖先賢志周希說雲間往哲錄張海樵

西樓雜著范叔子雲間信史雖不免承襲之訛然

足備郡乘之缺至於詩篇從未一見壬寅之冬袁

兒薄游海上景房陸君出示日涉園圖卷內有與

陳滄海先生倡和詩數首急錄以歸告先片羽亦足珍也

李昭祥

方志昭祥字元韜華亭竹岡里人嘉靖丁未進士授蘭谿知縣俗生女不舉今民間有三女者復其身存活甚眾遷水部分司龍江關往御史與水曹共筦樞務御史所稽查水曹第唯諾而已昭祥謂御史何得獨專輒驗放自如御史意不懌令人鉤伺其短發之無所得轉屯田郎以本生父移疾歸隨乞休所著有棲雲館集慎餘錄谷陽雜記郭志作穀陽雜龍江船廠志讀史一得藏於家孫繼元乙卯鄉薦湘潭知縣南比部郎從弟刺史安祥從姪參知伯春皆識之未貴之先而厚資之

玉岑山宿蒼上人

路入南屏杳憐君掃榻留遠峰延落照危石咽奔流洞以烟霞古林因鐘磬幽他年勞夢想風雨虎溪頭

遊大石山

石磴穿林入寒泉帶雪流遠來參石丈倦欲倚山樓斷壑春雲度虛巖夕照浮願言留一榻月色更清幽

對月分韻得水字

片月流中庭長空淨如水懷人悵三更行子渺千里淒淒蟋蟀吟蕭蕭鴻雁羽悲哉宋玉情臨觴獨無語

賦贈夏西洲

谷陽城外水雲鄉暮郭堂開遡夕陽爲愛飛花頻命酒每因留客不懸床月明靜夜聞漁笛霜冷閑門繫釣航鴻跡偶來洲上宿爲君乘興賦滄浪

村居

天性由來厭市廛却尋村舍便朝眠山中久謝催租吏柳外時留問字船樵父漁夫皆酒伴春花秋月總詩緣野鳥不解幽人意啼破門前綠樹烟

題畫二首

故園芳草碧於油何事王孫愛遠遊花落鳥啼寒食近不須風雨自堪愁

落木蕭蕭鳥不飛同雲匝地釀寒威前溪一點孤舟入知是鄰翁罷釣歸

余閱詩家鈔選之籍從未遇李水部之名及讀栖雲館集而知先生之善於詩也又因詩而考其人而知先生之優於才也當瑯琊樹幟詞壇之日海內操觚者從風而靡先生為同年生獨超然聲氣之外宜其癖癖也雖然人貴自立安取溝澮之盈以見晒大雅乎

李伯春

雲間志略伯春字友卿號約齋上海竹岡里人少有貴徵十四歲出就經師與童子試則冠童子

與冠者試則冠冠者年二十一補諸生廩於官選
為恩貢生庚午登賢書聯中會試癸酉以守部分
校順天旋授刑部主事時江陵柄國公為所取士
落落不旅進聞父憂歸服除補原官歷貢外郎中
曉習法條引經折獄出入惟允擢守濟南轉浙江
郵傳副使遷湖廣叅政郢故世廟龍飛地守陵內
臣輸金輦下欲索折夫直於里中嚴諭而遣之漢
旁有漲沙數頃民以就墾而中官孫姓者欲爭之
以補莊田公與泛舟至其地持杯酒酌江曰漢水
有靈其為我洗刷此沙毋長厲階後三日沙果退
孫為膽落先後薦剡交仕而公竟將母東歸有兩
弟仲春叔春皆親自教授叔春萬曆己丑進士仲
春孫之楠天啟辛酉舉人子繼厚萬曆戊午舉人
雲間人物志約齋李參知與弟太學仲春今歸德
守叔春極相友愛田產不分爾我郡守喻邦相表
其廬曰一門孝友以哭母過哀病卒時年五十有
四

題大夫松

丞相無端憶黃犬坐令四皓擅高踪先生千古雲霄意
水必秦廷肯受封

李之楠

郡志之楠字仙植大參伯春從孫天啟辛酉府學

中式

黃梁廟二首

醒破繁華是幻身金丹煉去換長春常聞天上仙官好
何但凡間有夢人

幻夢安知不是真枕中夢覺枕還陳華峰亦有千齡夢
閱盡滄桑幾代人

李待問

明詩綜待問字存我華亭人崇禎癸未進士乙酉
八月保松城中流矢死南吳舊話錄李舍人當松
江將失守百戶某挽之曰聞君讀爛四書今日將
安之舍人笑曰臣死忠古人常事第下城與家一

松風錄卷五

六

訣稍盡其私百戶曰君能如此我先斷頭待之泉
下即拔刀自刎死舍人憑尸而哭倉卒抵家少妾
挽衣涕泗衆爭勸之逃舍人曰若一旦苟活後來
即不與陳夏同傳夢寐中何以對此老兵引繩自
縊氣未絕而追者至遂遇害雲間兵事乙酉夏吳
志葵兵起郡人殺

本朝所置吏應之待問曰我屬盡死矣七月沈猶龍
檄待問守郡東門八月朔過宋轅文徵與家留宿
宋中夜呼之曰存我子有老母奈何在危城中待
問曰余子室矣余且死此宋曰子今城守王命耶
是無可死也待問曰余非以城死也向者洪某之

稱安撫使而入郡也余不欲見有長者牽余見之
歸而心甚恥今有如不死是恥終身也余計決矣
宋曰子勉之古之人有以恥死者矣明日別去初
三日城破存我死之

卧子招飲卧龍山蓬萊閣

故人留牖少酒坐亦從容俯視湖一曲不知花幾重澄
煙天鏡水哀壑禹陵松身在蓬萊閣千巖第一峰

題宋子建君子堂

野堂幽勝雜芳叢業著千秋計轉工賦擬昆明推絕唱
胸吞雲夢有雄風庭花翠映紫書帶樓月秋高響變桐
滿座朱華懸綵筆陳王八斗代稱雄

十年長此恰幽棲薛荔秋風衆卉齊檻外鳥啼高樹杪
城頭月出小樓西閉門長日由題鳳起鐸終宵聽曉雞
聞道求賢堪自試茅堂端擬御書題

長安五日

帝城五日復傳觴柳葉青青杏子黃不見樓船移太液
少聞鼙鼓息漁陽承恩畫扇迎風細入御金盤貯粉涼
此日江心新鑄就千秋金鑑獻明光

鄭州堤柳同吳日生賦

以下手蹟
卷藏黃氏

數行官道柳歷歷傍離亭客折柔條少秋先改葉零沙
堤浮暝日曉岸點疎星待到春風起淒迷刺眼青

廣陵同鄭超宗諸子郊外宴集之一

並轡出春城春山帶郭明穿林游屐亂隔水驢人行有
酒聊隨俗無營且樂生眼看車馬盡邱壑幾關情

諸將

還朝司馬壯皇猷左右將軍並拜侯自是三科求駿骨
誰云五等半羊頭廬江水濶颺文練濠上風高試紫騮
不謂興朝恩澤易安危公等已分憂

舍人爲先侍御澹楠公快壻未第時常在館室聞
其目多上視英氣逼人飲不勝杯竿而善持酒政
高談雄辯恒連旦不倦性嗜臨池一遇筆墨無論
精拙輒爲濡染親朋畢以牋素置几案間環侍而
視橫縱大小頃刻一空甫輟筆即攫之立盡下至
僮隸無不厭所欲者今日聲價與文敏埒矣而傳
者亦鮮君子堂長安五日三詩其手墨也尤善榜
書名藍古剎尚多遺蹟焉

李世祺

明史列傳李世祺字壽生青浦人天啟二年進士
崇禎三年擢刑科給事中陳大計之當定者二曰
兵食之計民生之計大弊之當釐者三曰六曹之
弊在吏胥邊吏之弊在欺隱貪墨之弊在奢靡夏
旱帝禱雨未應疏列恤畿甸議催科預儲備三說
進帝並納之帝遣中官監視諸鎮世祺上言祖宗
立法錢穀兵馬軍民各分事權以防專擅今內臣

入奉天顏出司兵食內廷意旨既得陰伺之外廷
事權又得顯操之夫魏忠賢盜弄神器兵馬錢穀
之地盡置私人將圖不軌非聖天子踐極害胡可
言奈何躬自剪之又復蹈之且今日之舉良史將
書之後嗣將效之踵為故事必貽社稷憂不納時
進言者多獲譴帝又日親細務任察為明五年夏
月世祺上言江海為百谷王以其善下今諸臣言
苟未當輒蒙詰責詰責不已貶黜隨之言者前瞻
後顧恐干嚴譴依阿得策樸直推心折檻牽裾寧
可復見且君職要臣職詳天子一日萬幾神太運
則廢精太用則竭一言之謬一事之訛必待聖明

卷五

辛

摘發無乃主獨勞臣獨逸乎聖人為治使公孤百
職環列任事但責其成不侵其事課其效不紊其
權恢彌天之網以覆之需歲月之久以安之天子
清明無欲獨觀萬化之源則寧謐之理自致奚必
效後世察察之治哉帝不能用八月淫雨損山陵
昌平地動又上言今守內多故即使雨暘時若天
地清寧猶未知禍患所底況警蹙疊至乎臣未知
陰陽請言人事今輔理者調燮無聞而精神專為
結知固寵之用統軍者衡才鮮術而中外無一緩
急可用之人中樞決策大類掩耳盜鈴主計持籌
未免醫瘡剜肉此所謂折鼎而覆餗者也州縣迫

於功令鞭策不前六曹窘於簿書救過不贍簪筆
執簡之臣接跡囹圄考繁邁軸之士抗聲鴻舉此
所謂跼蹐而泮渙者也一人可議因而疑及眾人
則嫫姆西施同在暗室一事可訾因而疑及眾事
將伯夷盜跖俱成竊鈇此負塗載鬼之見也黃衣
之使頡頏卿貳之堂貂蟬之座雄踞節鉞之上低
眉則氣折強項則釁開此陰陽冰炭之漸也至各
邊監視之遣已將期月初雖間有摘發究竟同歸
模稜效與不效亦可概見夫地水屬陰宜靜而動
宜順而逆皆陰干陽之象也天心示警深切著明
伏願撤回各使以明陰不干陽之分然後採公論

卷五

辛

以進通大臣酌事情以衡量小臣釋疑忌之根開
功名之路庶天變可回時艱可濟帝以借端瀆奏
切責之七年正月疏劾大學士溫體仁吳宗達言
體仁與舊輔延儒俱為時論所擯皇上排衆議用
之推腹心任之可謂得君專行政久矣自二人輔
導以來封疆殘破盜賊充斥民生困瘁凡從來未
有之災害無所不有從來未有之弊政無所不行
皇上厭薄延儒人心稍快乃獨留體仁使貽玷黃
扉夫延儒債軼敗絮之新犢也體仁竊銜詭譎之
老馬也彼之浮薄易見此之陰賊難知皇上意其
出口傾人似若不顧情面不知其為人也遠士類

呢小人陳贊化所効李元功吳之瑞等皆體仁私
人轉薦之延儒者也陰置儉邪潛通線索窺其戶
若無往來問其心實多谿壑誠絕世之奸而大貪
之尤矣且屢次瀕死終不萌首邱之念貽書囑子
誓不生還此豈有馬革裹尸之誼無非謂恩怨未
酬忍死以爲所欲爲耳若宗達者淹淹四載寤寐
無聞仰鼻息於他人貪好官之自我真所謂危不
持顛不扶馬用彼相者也因并劾兵部尚書張鳳
翼溺職狀帝怒貶福建按察司檢校且追罪文選
郎吳鳴虞考選非人亦貶三秩御史龔廷獻論救
不聽久之起行人司副十五年九月遷太僕寺卿

李人龍

墓志略

遣祭魯王事竣旋里國變後杜門不出久之卒

恭謁宣聖衣冠墓次章拱辰舊韻

瞻拜升階一整衣巍巍梁木映清暉碑存遺像看猶肅
檀似遊龍見亦稀禪祀萬年同處處儒宮一畝隱微微
玉環珍重埋光久日送浮雲暮未歸

李人龍

墓志略

張重

人龍字子乾號雲亭元時爲扎刺爾

氏世以武功顯迄武德將軍鎮撫松江遂居華亭
訓諸子以儒業少子可禮年十六發解浙省入明
賜姓李改名寬公其五世孫也由諸生薦嘉靖辛
卯賢書卒業南雍乙未成進士司李濟南時值章

聖太后梓宮南附顯陵水陸先後行者以數萬計

公制繁剔劇處置裕如一無譁者三載報績薦章

九上召拜南京陝西道御史丁丑九廟災應詔直

言尋按鳳陽發郭武定侵占屯田諸奸利事又因

風霾劾奏冢宰詳直聲震天下丁母憂哀毀廬墓

病幾不起服闋補四川道奉命將按貴陽柄臣銜

舊怨謫廣藩都事開府藩臬交重之委典試事委

茸羣書不以屬幕視也遷江州司李九江府志云

年尋轄吉安時均萬安田久不決公董其事三月

而竣擢守袁州發詭符禁擄城濬李將順渠表黃

子澄宇居三年民俎豆之事忤嚴相國謫佐閩

益勵清操商人感德爲肖像祠焉稍遷廉州守即

拂衣歸結大野園奉父前川公作膝下歡晚舉鄉

飲不赴卒年七十有九所著有方田略九蘭道統

諸集寶敕樓橐

咏荆花贈姚東之

春風珍愛是田家意在連枝不在花應笑洛陽兒女輩

寶欄只向牡丹誇

李先春

字復菴庠生以子時榮歷太僕寺少卿贈如其官

郭進士寧德莆田知縣歷御史太僕寺少卿

懷李元融客閩見手

去年期爾賞芙蓉何為淹留客閨中日月殊方同晝夜
風雲千里恨西東豈耽山水武夷絕不記音書谷水通
念汝往來疑作夢秋江寂寞歎飛蓬

失題

九天風露漫重陽索處潛思一水長文藻江東見司馬
詞篇吳下失知章銀罌翠管延新主黃菊青萸憶舊狂
過眼物華秋色麗幾時江漢定歸航

李翹

明詩綜翹字時實華亭人有樵雲居橐

感遇

幽蘭出深谷冰雪揚芬芳天桃得春風榮華曜朝陽萬

物各有時盛衰詎可量

明

君子重制行通塞夫何傷對此
時日佳且進花前觴

寓言

松柏有萬難生死共依附柔弱不自持垂垂百尺樹草
木匪金石榮華寧久駐摧折非所期飄零更誰顧

病起對蓮花有感

種得青蓮銷客氣誰將進酒慰三休如持白蠟降吾道
自合尋山老一邱老失雞壇孤倚馬病多蝶夢去馴鷗
從今留却雲為伴淼淼烟波問釣舟

元夕集司理何士抑芝園賞燈十首之一

昨宵燈火隔山城蓮漏傳來遠五更今夜笙簧兼鼓樂

竹溪宛轉步羣英青山花發多春色綠樹枝新帶月橫
爭指喬年同鶴鹿錯疑仙子跨蓬瀛自注二首十四
字句遙對格

贈梅墟周逸之

北海源流寄北山多君大隱傲塵寰社中五字方王孟
筆底千言上馬班豈是駕湖鍾水秀不應魚數老柴關
相逢最恨憐遲暮倘許孤雲聽去還

按梅塢貽瓊時實一字青霞輯有詩格指南六卷
自署濠上老漁新安吳明遠晦之梓之行世余得

抄本藏之家塾

李廷對

和王學憲辛亥除夕書懷韻

明

宋

人倫冠冕達尊三天寵非熊髯未鬢千卷手裁周孔思
一詞誰贊夏游漸節高暮夜當年震仁蕩陽春到處堪
海屋添籌看畫永芝蘭香滿酒初酣

何日衡門徑有三淒淒廡下鬢髮鬢千時骭髀心先折
撫景徘徊影自慚身遇窮途偏易老笑非開口總難堪
明朝且喜陽和轉覓得梅花對酒酣

李希顏

方志希顏字原復景泰丙子寅之子永樂庚子萱
之孫弘治己酉府學中式癸丑進士任南比部雪
沈海寬辟力釋楊指揮妹於樂籍正德初陞廣東
僉事署市舶贏萬金悉籍公帑署提學號稱知人

以經學授之廣郡擒賊首黎頭揚土苗戕高廉郡
獨請兵平之費表入賀時逆瑾擅政天下在京官
俱上謁顏獨不一踵其門朝紳嘖嘖稱為鐵腰李
進本省右叅議招撫十三村流移露章劾梁文康
子暴橫奪俸歸尋起原官進滇中提學副使首旌
陳大韶之孝行式其廬擢按察使却土官鳳朝鳴
千金寶環竟伏法以勞瘁卒於任屬績時人咸睹
其緋袍擁節自憲署出旅襯還耐窳於封公之側
顧文僊清遠哭其墓曰我銘原復筆無愧也臺使
者查有洞涇船稅給為子孫膏火至今不廢祀于

鄉賢

飲時章宅夜同顧士廉冒雪歸聯句

灞橋詩思玉河東客散重城夜向中李皓白暗欺雲路

月顧清寒時拂帽簷風十年江外孤蓬遠顧此夕燈

前一盞同李明發趨朝看晴景水精渾瑑大明宮顧

次日夜酌同前韻

明朝塵海各西東莫惜清歡此夜中韻好不妨還用雪
顧杯深那復畏衝風聞來世事常多感李語到心期每

自同顧飛矢奪集成一笑插花猶憶醉南宮李

插花猶憶醉南宮尊酒三年此會同李嘉績已看書上

芳醉吟何惜到春風秋杵的歷基分角壺耳鏗鉤矢躍

中顧回首不堪凝望眼白雲長滿五湖東李

李自華

方志自華字君實嘉善籍嘉靖甲子浙江中式乙
丑聯捷一甲第二名授翰林編修國子監司業累
官諭德雲間雜識李見亭為司業已有心疾偶偕
一二同鄉謁徐存齋留午飯時存齋衣截摺見亭
曰老師何故着胡人之服存齋曰孰為中國之服
見亭曰門生所衣者便是蓋道袍也存齋哂之

遊泮塔贈心鏡

羨爾心如鏡居然法眼正大泮柱中流幽棲常自淨石
室禪經朗竹簾明月映樂水樂無窮山僧難與並

秋日偶坐

泮塔結層陰林光向夕分僧因迎客起江自落潮聞茶
鼎鳴蚯蚓爐烟裊縠紋扶搖九萬里吾思欲凌雲

呂克孝

方志克孝字公原別駕錦子萬厯丁酉領應天解
顧久弗第乞就學官得如皋諭晉國學助教司務
大理轉都察院當是時文忠居首揆文恪次政府
炙手可熱終不以脂膏自膩也擢膳部郎司權荆
州署號饒沃易染而清操不改其素迨文忠解政
瑞虐煽播釐下方耽耽權司為金穴顧乃不副其
望流言中之幾坐以侵冒輸補即傾其鄉廬敵不
足償什一禍且巨測僅得罷歸倖也匪久瑞敗克

孝旋卒矣揚州府志呂解元訓士先德行而後文

藝常曰安定先生蜀郡人也諸生學此足矣有一

生年少大言呂作詩責之有春雨種芝蘭秋風化

荆棘之句生悔過請罪卒淳謹令李廷材重其才

俾修縣志曝書亭詩話公原領解之秋先文恪葉

文忠偕主試事先公業拔公原卷將置第一文忠

謂是卷文雖高慮終不得第先公云吾亦知此人

不第然學者也榜遂定既而公原屢試南宮輒擯

落以學行稱先輩衡鑒不爽若是公原罷官歸里

貧甚其詩有云客歸三日典春衣又云慣住低頭

屋能飲折脚鎗殆實錄也有魏翁詩云雲間雜識

丁酉科南北兩元皆係松人許惺所作一對送太

尊云一郡中南北兩元棧樸作人於今為盛五庠

發賢科十四峰泖鍾秀較往獨隆太尊為粘之府

堂是科北關解首上
海徐相公光啓也

青谿菴

江今何年宅風流不可招荒烟迷斷礎陳迹寄空寮日

影移雙樹谿聲自六朝遙分鍾阜影紫翠落層霄

棲霞寺

宅記明僧紹碑傳江總持淒涼自人代窈窕隱山茨明

月千巖宿松風萬壑垂階前雙杏樹曾見劫灰時

過田叟

我欲驅黃犢移家傍屋東但容茅蓋頂先為築牛宮

田家月令十二首

正月松江春水鮮麥苗薺葉綠如烟字裏笑把流花卜

喜得今年勝舊年

二月松江燕子飛鶯豈開花竹筍肥人人拍手攔街笑

正是前村散社歸

三月松江鳩雨晴家家插柳是清明草深黃犢春來長

曉起扶犁試學耕

四月松江梅雨多新秧纔蒔便成科只愁船棹東風急

盡向簷前結草蓑

五月松江稻正長日中耘種汗如漿今朝一陣分龍雨

不用推車坐夜涼

六月松江水沒堤黃豈青苗一截齊若得甲申晴到夜

今年米價賤如泥

七月松江風漸涼棉花雪白稻花香街頭點火收官布

只說機杼要放長

八月松江浪拍天豈棚瓜蔓竹籬邊兒童結網扳曾去

魚蟹都來不論錢

九月松江霜樹殘草乾潮落剩沙灘布衫燈下重重補

月照蘆花夜更寒

十月松江盡築場繞場稻積密如牆如何黃犬連村吠

里長催糧上縣倉

陽月松江冬至前家家打鼓謝茶筵了酬心願無他事
不擾官司好晏眠

臘月松江冰作堆雪花一尺伴寒梅田蠶照罷圍爐坐
兒女同酬守歲杯

田家月令十二首天時物產女織男耕趨時率作
之况活現毫端不遺纖悉太史有陳書之殿壁可
代豳風全幅矣顧謹中四時耕樂詞顧孔文竹枝
歌豈得擅美于前哉

許穆

列朝詩集穆字重深明詩錄作士深華亭人

重遊姑蘇登黃氏舊樓

吳門煙柳綠參差倚遍闌干有所思雨暗園林花落早
春寒簾幙燕歸遲蛾眉尚想臺前月鶴髮空添鏡裏絲
一曲悲歌弔陳跡傷心不似舊遊時

過謝氏舊宅

舊日繁華散曉烟尚餘甲第澱湖邊春風舞榭空羅綺
夜月樓臺歌管絃鶴唳華亭雲杳鶯啼金谷草芊芊
誰憐門下傷心客一度登臨一惘然

送邵昇遠之官吉州

京華相見惜分攜歌罷驪駒思欲迷獨客自憐留日下
一官君喜向山西天涯月落聞雞唱驛路花開聽鳥啼
想得到州春未晚柳條垂綠艸初齊

送石廉使還四川

霜落河橋柳影疎官船撾鼓發皇都兩川父老迎旌節
千里江山入畫圖花滿錦城新駐馬月明柏府舊聞烏
皇綢繆肅奸邪遠一片清冰映玉壺

皇明風雅云江陰人考江陰縣志穆姓名事蹟不
見諸傳藝文亦無詩篇及他著述知非澄江人明
矣

許璘

方志璘字文玉成化戊戌進士由行人爲御史忠
誠愷愷遇事敢言爲忌者所中出爲湖廣僉事以
強力著聞劾去縣令之貪冒不法者數輩人以此

銜之璘乃歎曰我行直道不合時宜固山野中人
也遂致政歸家居杜門澹泊如寒素雖寵辱不煙
不輕受人一繒一粟年八十而終死進舊聞一蓋
歸曰後一似處女安貧守分處之宴如聞之故老
見心先生云公晚年住東門內前有空地一段賃
開木行日徵雞子數枚以自給每夕陽在戶則布
絕烏帽楚楚行游屢肆問蕭然古樸老叟也

壽姚程夫七十

七十高年髮未絲康強況復際明時瑤庭暑近桃將熟
化國春深日正遲吳下傾心推碩望西江不愧作名師
稱觴奚羨黃封賜勝有蒲香滿酒卮

許樂善

方志樂善字修之隆慶辛未進士任郟縣令入臺
中起掌河南道典甲辰大計晉南光祿卿改南通
政在臺為江陵門下士奪情事起憲長率諸御史
上公疏慰留御史皆署名公獨不署齋醮競禱上
下若狂公獨不往請告歸里高卧不起晚雖為朝
命敦迫兩起京卿旋赴旋歸介石之貞始終自矢
在畿南日劾奏彙強令不法事不以門地稍假主
計之日最嚴材品禁鎖遺所條上六事著為令甲
他若論礦稅論時政論弭災論告密及疏救曹御
史學程皆切中時忌其節概如此所著有適志齋
彙事類異名卒年八十賜祭葬祀鄉賢雲間雜識
都察院各道御史將上堂時必先至司務廳坐候
廳內設紅椅二把高大墨如公座傳聞一待資深
者一待俸深者然道長立坐論資而不論俸故無
並坐者惟左邊一椅遇有資深掌道者共推坐之
餘俱坐椅前潤櫬一橫一直道長多時亦嘗坐滿
但論資深不止據現在衙門中人必通算出差及
請告丁憂者皆在其後方得坐所以此椅常虛塵
埃厚積萬厯癸卯許惺所還朝掌河南道許蓋萬
厯丁丑入臺者一時察察計資最深遂拂去塵埃
挾令登座人共羨之

贈胡泰六撫臺轉任兩廣

金章玉節賜神京帝命星軺嶺外行豈為殊方勞間鉞
只因粵島慕威名五羊今布前茅遠八桂旗開細柳晴
父老攀車瞻戴切衮衣肯再泣江城

澄照塔院

山涵長谷水涵天孤塔中流自嶄然千頃波濤欺笠澤
萬年城市失由拳平沙向暖魚龍戲倒影凌空星斗懸
彩鷁乘秋凝遠眺遨遊何異挾飛仙

天籟于喁自然合節先生之詩大致如是

許經

字令則別號智海居士陳徵君繼儒門人也徵君

集第二十八卷是經所較集內有和令則題畫五

畫

絕句客諧偶鈔余友許令則高才絕學所作行卷
徧滿數郡即嬉笑怒罵猶足令市上紙貴毛竹謠
為方郡侯作其一斑也

草園瓢歌夏日寄古冰山中

文砌山下雲眠處時有涼風逗疎雨一束山茅把蓋頭
屋椽略略施樵斧東開一竇通晨光北度一軒散涼暑
澗邊黃獨夜抽苗井上雙桐朝挂屨竹籠編來欲焙茶
地爐築就思煨芋筒接欣聽泉入厨囊畦暫放雲飛去
山中道侶苦無多醫叟詩翁相間住東家來客飽相邀
西舍桃漿又封貯疫退年豐黨禁寬那愁送客無佳句

百丈開堂底事忙廬山結社亦荒唐任教衣上松花滿
不放溪流菜葉香我有團蕉浮水面石湖夜月尋常見
如今捲却釣絲還胡牀對東蒲葵扇

得坐軒

得坐且穩坐燕言本坡仙枯蕉當壁破新月到牕圓不
愛聲聞酒何妨文字禪從來疑此漢可在草溪邊

毛竹謠

寄諸儒林公馬修城人壬戌
進士松一十四載善政固多而用刑
太酷責人必用大板不曰打而曰鞭經其紀
者每至立斃否亦為廢人終任不下干計去
松未二年即登政府
京畿驛馬流賊夾死

我欲食盡山中毛竹筍不令一箇堅成竹竹堅可奈何
彌望滿崖谷日斬千萬竿不愛用不足吁嗟乎豈知年

松未二年即登政府

三五

老深山竹變虎楠翅公堂陷人股堂上一怒堂下呼階
前肉飛血如雨獠頭龍鬚羅刹面妖倭儼人人不見筋
枯節落力不多又向山中尋替換願天珍滅此惡種青
蒲作鞭鞭不腫風吹日炙蒲又乾吁嗟乎令人千載想
劉竟

夏日重泛夾山草蕩二漾有懷聖清

西湖如臨鏡不免倚市妝舊流靜且安綦繡亦姬姜况
茲重碧裏窈窕入曲房連幃施屏幙淺浪搖明璫畫行
常見月暑遊疑得霜足艇浮中流四圍天水長竟日誰
扣舷偶見或漁郎琴簫與鼓板至此聲不揚所以泛宅
人不復談瀟湘吾友昔孤往魚龍吟檻旁欲散萬芙蓉

戲以千鴛鴦黛奩一以啟獨立更難忘名士悅傾城此
語畧平章何哉吳山下別有脂粉塘

三君詠 傷東臯舊盟也

計長公伯任

計公尚俠節意頗薄原季家鑄鼎越人改作夏畦祀夢
主芙蓉城羣娃粲啟齒為園彷彿之疎淡藏玄綺扁舟
一到門轟笑驚鄰里卜畫必連宵能使醋壘恥晚若遣
楊枝消渴何難起猶喜五湖歸回頭問船子

潘有道安期

潘翁嗜烹金傾囊欲乾汞死持活人一文戒妄用晚
乃懲指癰免為小兒弄鐵笛與箛冠長物逢人送蕭蕭

松未二年即登政府

三六

道院松高度兩藥甕羽化信有方委蛻惜猶重啟手翻
誇予幸免兒女慟何哉孺子墳不近烈士塚

林四公友聲

髯公信多能尤好談五緯禽遁極支離一見悉其委祿
刀木同宮貧遭或免悔却恐逢心狐火尅木早萎病中
現寶幢獅象何瓌詭聆余震喝聲天魔立避徙嗒然遷
順情蓮胞稍近裏怛化亦何心罕言差有軌

口占送二弟遊康樂依唐禹惜明府

我生宅玄樞計奴同文筆腕底鏡烟雲長為人執役碑
版照荒裔名姓從他勅牀頭缺墓錢願足娛晨夕詎惟
我為然八表老宗伯其年直宿同終身疲翰墨僕妾與

小子要挾無不得君命立乾維木月守東壁於時春未
交霜雪涵融魄冷潔固其宜雅意耽蓬華忽賦遠遊篇
真成鋤口策建安多才俊託身入記室唐賢每好奇往
往愛藩辟古人重一飯報稱匪塞責德山信鵬者苦行
古無匹是日不作務縮腹竟廢食移之發百函齡石得
八十與其巧而遲無寧質而疾即今郡邑間援上勢如
炙民隱不上聞文告紛何益江俗好機祥近乃急逋額
烹鮮與拔薤寬猛在區畫東君有仁僑國命立增色閒
登紫蓋峰上躡仙人跡春州何青青臨風懷謝客

走筆贈談星徐魯孫

四牕陸翁客友談天曾哆灰袋口前身恐是蝙蝠精

松風集卷之三

明

推步直教萬象走試問夙昔長庚星何然跳弄為人形
沉香倚玉只一瞬潯陽湯火幾燭翎此時星宮又誰主
青山埋却白榆去翁不吾答但爾汝狡狴東方久霞舉
今年更喜徐翁跡手中日月如流盃每嗤洛下差一算
致令朔法喧蛟雷合神過宮有銖寸斗剛龍剛名互定
軒書箕範本相通四行各就中央正三十餘度行一宮
陰陽豈必皆雷同盈縮全虧望前後又將平度分秋冬
要驗經星觀赤道直斜難向黃天料天惟二道日有九
朱青黑白皆人造一晷之間有四時試推元會從可知
翁非太陽不起算天王出狩諸侯隨吾生天空當額坐
自占貧薄腰無褲翁指陽鳥入命垣諸煞對之皆避座

乾坤五變凡四八此術君盡有天蜀邵雍秦珩皆不言
願翁緘口姑捫舌白石山中百歲翁一生命亦落天空
墮驢坡上相尋急招翁兩耳松針風

村居二首

雞舌惟留子蝦鬚不用研魚先薦通印雀久啖披綿黃
妳三杯後紅兒半臂前雖然邱壑士有籍注神仙
那悉非常茗提羅乃梵花煉桃能作履和雪不辭義強
記謝家几忘名步氏瓜悠悠從此老茅屋儘清華

次韻送蜀中詩僧還秣陵

除却岷峨不是山山中雪作水流閒長江萬里始一曲
古寺六朝留半間宿鳥都貪就掌食歸猿欲獻報恩環

松風集卷之三

明

便教終日松山下坐看芒鞋脫薛斑

寄王修微湖上

斥盡琴書意自如尚留千帚掃前除裁詩也合名孤憤
寄跡行將遍六虛孀子軍中無鼓角夫人城外有柴墟
莫言俠骨消難盡聽到蓮花漏水徐

村居雜興

隙駒影裏去匆匆何暇尋戈又執弓正有風輪持世界
且吞雲夢在胸中雞蟲得失猶勞問素鳳妖祥大抵同
未及逃名先鏹跡肯教牙僧到牆東

四印堂夜集觀姬人紫雲歌舞即席賦贈二首

錦蠟屏圍淥水聲上元時節遽聞鶯不知杜牧才多少

直向當筵問姓名

龍頭扇總新聲水樣磨成珠樣明最喜堂堂垂手處
不將平視惱劉楨

追憶

憑肩私語月鉤新自摺湘裙自整首忽問詩題三婦豔
石家中婦定何人

忽憶

雲藍小袖掩嬌花自采山中十月茶行到崦頭還獨上
教人守着路了又

追懷陳眉公師

訊余稍鋤口對客為揚眉獨報趨避返忙呼急足隨迎

門先雅譔入塵覆殘暮乍歸黃鸝轉花陰席已移

智海居士詞壇禪窟掉臂遊行詩取別徑而不落
時蹊守晚香之衣鉢若將終身焉所著毛竹謠而
外又有義田歎開河行等篇感時觸事矢口長謠
可謂吾郡一時詩史

許綬

詩源姚辱菴云錢礎口似無家詩從而和者數十
人松江許安絃綬有云數點家山誰卜築大千世
界任屠沽亦采詩者必收之句也

和孔雀

珠宮不必繫條鈴麟鳳空傳號四靈音影交歡如履屐

絕勝丞相玉為屏

田園雜興和吳公韻

織婦蠶姑淺淡粧車田決水一村忙趁潮欲上魚蝦曉
出甌新嘗餅餌香疎竹短籬藏古寺危橋小艇近山莊
杖藜坦步茅檐外牧笛烏烏下夕陽

安絃出處未詳疑今則之昆季也讀和錢礎日無
家詩知非終於月者其亦故國之遺黎與

松風餘韻卷三十五

松風餘韻卷第三十六

目錄

明杜 隔 七首

杜 幅 二首

杜 芸 一首

杜 稜 七首

杜 裡 三首

杜 讚 四首

杜 詩 二首

杜 泰 一首

杜 翺 一首

杜 翔 一首

杜 時登 七首

杜 時中 四首

杜 時達 二首

杜 時騰 一首

杜 宗鼻 一首

杜 宗恂 二首

杜 宗範 七首

杜 宗玠 三首

杜 宗端 六首

杜 獻璋 八首

松風餘韻卷第三十六

齊浦姚弘緒聽巖編次

杜 隔

方志隔字宗原祁國十一世孫祖元方德清簿父

希仲水軍萬戶俱有文名隔好學持正洪武初中

詞科為太常贊禮郎時麓川平緬未下議遣使宣

諭而難其人有以隔名聞者召對稱旨賜襲衣囊

藥力士重譯為价以行至則詰其不庭卒以其人

入貢上嘉獎之授禮科給事中以疾辭歸凡兩賜

手書存問卒年三十三所著有雙清集十卷紀行

詩一卷弟桓善論時事亦能詩有九峰一叟葉吳

曾傳云明初南緬不庭公奉詔撫之緬人馳金帛

而求題詠者車滿郵亭歸而達諸朝太祖為製御

序雲間杜氏
詩選後序

上馮都督

文武全材第一流錦袍光映鐵兜鍪一麾出守還分閫

雙佩朝天却進籌叱撥夜嘶芳苑月干將晴倚碧山秋

今朝自攬青銅看方信班生是虎頭

送陸正歸天台

都門楊柳漸凋殘猶有餘條拂綺鞍君去想應懷舊隱

我來端為絆微官孤舟雨暗蘼蕪濕老屋雲深薜荔寒

聞道雙峰梅早發一枝無惜寄長安

讀史

萬乘方雷動匹夫敢見仇徂擊雖云勇無乃非良謀精
誠感天地黃石佐奇歎滅秦并滅項報韓亦報劉功成
身早退駕言赤松遊淮陰既就戮蕭相亦甘囚同茲三
傑名何如辟穀優

懷古

古愛陶彭澤蕭然遺世姿高情託雲鳥苦節寄東籬
驅時出戶酌酒即成詩五男俱用晦三徑獨逶迤門種
先生柳卧與羲皇期斯人悵已矣清風良在茲

徐魏國園亭牡丹盛開御幸賜賞之翌日招宴
文武即席次宋學士韻

松風集卷之五

明

二

倚雲裁國艷宜稱午橋莊色觀朝霞爛香隨化日長君

王看帶笑學士醉飛觴帶礪如花月年年樂未央

翡翠碧雲樓

自注樓在浦濱為先人藏書處
志樓在杜村宋祁國公九世孫元
芳建以其高出林杪故名樓中貯書萬卷下
有蒼崖碧灣竹深荷淨晴好雨奇諸軒齋凡

七十

春風回首處猶有舊書樓冷落遺編在依稀舊日遊當
年天尺五時事水東流莫漫誇繩武登臨感去留

奉詔使緬辭朝恭紀

擁節鳴珂出御筵天威咫尺照蠻烟舞干自合遠人服
林檎唯將德意宣豈羨玉門征轡入敢言銅柱策勲傳
微臣直擬來重譯諭蜀雄文愧昔賢

雲間杜氏給諫司空其詩俱畧見選本此外諸君
僅得之杜氏詩選中作者後先輝映爭握隋珠城
南尺五其吾松之詩較乎聚而刪之登其尤者

杜 幅

字季誠號友松著有南浦叢民雜詠

南浦書懷

側身望東海蓬壺近咫尺一氣混鴻濛奔流沸晨夕
湯渺無涯鳴雷撼几席曉霧暗茅楹潮平四望白修竹
覆短垣清陰蔽阡陌寄傲羲皇前探奇窮典籍放眼傾
綠樽醉來頻岸幘此意足千古散髮聊自適何須揖松
喬餐霞弄白石

村居

地僻成高隱桑麻十畝間桃紅深隔水柳綠遠藏山日
色柴門靜琴聲草閣閒春風披拂處時聽鳥關關

杜 芸

字延翠號瑞軒授七品散官

送次兒秋試

武庫家聲遠名賢亦代興嗟余悲老驥願爾效飛鵬十
上心猶銳一行價自騰晚成應自奮振翮待風乘

杜 祓

字子祈號南坡

貧婦吟

雞鳴天欲曙傾耳聞太息借問歎者誰貧婦多慘戚云
昔初嫁時父母盛粧飾一旦誅求盡短衣不掩幅素手
倚茅楹杼空莫可織輿隸過我門白馬黃金勒入室肆
叫號欲忍氣已塞夫壻輸官租多方受掊尅未明出戶
去歸來已昏黑不言但歔歔相對愁無食誰非父母生
獨我苦徭役唐虞伊何時耕鑿安帝力

春堤曲

小樓幾日東風暖曉起凝粧簾半捲長堤一片柳如絲
春色無言鶯覘曉堤邊走馬誰家郎獨自停鞭大道旁
旗亭酒醉忽不見滿路飛花芳草香

九日喜晴與同社諸子散步秋郊

秋陰元不惡見日好懷生烟水恰人意郊原稱客情楓
飄千樹色石漱一泉聲正值登高候行遊遞唱賡

同談本彝登報恩寺塔

秋雨淒其日登臨望欲迷天圍千嶂小山繞一城低金
鐸凌風起銀燈照夜齊相攜忽相失獨上最高梯

促談本彝吏部應詔還朝

東山高卧已多年此日彈冠帝眷偏謝病已拚老邱壑
銜恩能復戀林泉千山芳艸隨行騎萬里春雲接御筵
如此宦遊真不惡莫嗟衰白畏風烟

同友人夜登燕子磯

壁立玲瓏撼碧空依微漁火徹江紅坐聽萬壑松濤怒

并入雄心此夜中

初夏寄興

雨微梅綻綠陰齊風過花香遞隔溪天氣困人增午夢
科頭閒步小橋西

杜禮

字子明號東溪

曉占

夢斷虛牕裏鐘聲破曉眠亂鴉迎旭日濕徑鎖蒼烟葉
落空階冷花凝宿露鮮游鱗輕出岸暖氣滿晴川

晚吟

日落昏林色喧聞歸鳥鳴依微村樹火縹緲竹風聲密

藻魚藏穩空庭鴈度橫小齋元自僻傍暮轉孤清

喜甥艾德徵登進士

嘉靖壬戌科
艾可久也

憶昔茅堂下榻時清狂爾汝共銜卮十年綵筆干霄漢
一旦青雲起鳳池帝里春風鳴玉珮燕山芳艸度金羈
承明指日親臨問更折璫林第一枝

杜讚

字思萊自號晚峰野叟年踰九十猶與姪浪穹黃
縣二令尹相倡和有晚峰堂集

閨怨

思君千里外獨坐訴愁腸不道空閨寂偏教秋夜長玉
階清露冷金井暮烟蒼此夜關山月應知兩地傷

獨坐有感

裁成詞賦竟何如
狗監無人薦子虛
壯志未酬牛斗氣
窮愁空對聖賢書
閑來日月惟高枕
病後山川懶曳裾
寂寂寒牕誰予問
生涯何計漫樵漁

獨坐

獨坐饒幽趣
蕭然一艸堂
竹添新雨綠
花送遠風香

春懷東虛江姪

晴郊芳艸覆長堤
樹好音鳥亂啼
白髮青春須自惜
醉看花柳灤東西

杜詩

字友葵官至中城兵馬司指揮

餞同僚霍指揮

一尊相對醉今宵
明日銜恩萬里遙
地入窮荒橫朔氣
天臨絕域徧涼飈
長纓自昔能如請
銅柱於今羨復標
此去功名歸上將
佇看麟閣繼嫖姚

新柳曲

花飛悵遠別枝留
不忍折願與結同心
年年長伴妾

杜秦

字子瀛號懷松鄉飲賓

送堦朱允若司訓太平

文星璀璨映天門
太平府有美爾鱣堂道自尊莫謂一
官聊吏隱願培茲士答王恩
春風桃李葳蕤發時雨蕭

菰化育繁塵鞅不親清似水
端居足傲簿書煩

杜翺

字雲漢號養拙

送李拙菴先生歸姚江

丈夫意氣自相期
李杜聲名世所知
簡亢喜為元禮御
迂狂曾學少陵詩
一尊徙倚黃龍酒
千仞翱翔老鳳姿
回首谷陽歸不得
月明相望隔天涯

杜翔

字雲程號竹隱

登岱宗

羣嶽誰與伍
海邦推岱宗
突兀壓齊魯
峻極逼蒼穹
俯仰但一氣
四野皆濛濛
清風來萬壑
雲霞盪我胸
斷碣卧艸間
古松如虬龍
既無漢代簡
安得秦皇封
呼吸通帝座
策杖將安從

杜時登

郭志時登以子獻璠仕贈漳州府同知雲間人物
志時登字庸之號虛江上海人入太學嘉靖壬子
薦應天久之授瑞安令吏有裏金以嘗者立却之
已條上興革十事監司著為令敦本實厚風教新
死節卓侍郎祠奔喪還士民攀留萬計立碑志去
思尋中蜚語服闋左遷江右憲慕憲長知公賢訟
獄文詞悉屬之攝篆靖安以貴賀行上官不敢以

銚汚公素滿六載遷浪穹今即投劾歸掩關謝客
絕跡公府湛思著述有百一州行世卒年八十三
子獻璋獻璠孫開美另見

女優

楊柳垂垂鶯欲啼春風披拂綠蘋齊艷異無雙怨三峽
夢魂幾見襄王獵武陵夾岸碧桃花芳草繽紛是妾家
郝家兒郎謝家子西入咸陽狎趙李蘅杜氤氲鸞鳥鳴
羅衣長袖為誰輕形若遊龍色翡翠蛟服華裾為誰麗
賈姬拂拭迴尋常韓壽飄飄西域香長一彬彬女學士
旖旎都房擁青史太真綽約幽且閑頭上珠璣間木難
文兒開吻語玄奧阿平聞之應絕倒蛾眉蟬髮相新鮮

解龜換酒斗十千滿院笙歌汝居右獨抱琵琶憫其母

八

銅雀臺中激楚風賽並花枝裊裊紅聲薄雲天光照地
一曲明珠萬行淚藉令天子議和親忍將柔曼嫁烏孫
縱然千斛臨卽酒療得文園消渴否卜夜傳觴發浩歌
佳人扶醉朱顏酡吳歃曲終宜奏雅南威西子何為者
閨中自有窈窕娘使君莫作野鴛鴦

過潘衡齋學憲邁園

縹緲飛樓結小山瞰江日夜水潺湲芝蘭密擁懸車卧
麋鹿羣隨運甓閒幽谷丹心常魏闕東山紫氣即函關
非予敢飾與人誦爾豈能忘國步艱

寺前鼓枻東具如上人

江上晴游似鏡中淡烟輕靄靜浮空岸迴舟自溪橋入
塔迴雲從殿閣通聽法魚龍時隱見忘機鷗鳥亦西東
鳴橈更泛桃花水不辨叢林返照紅

九日招石吳曲黃中山園中小飲

黃花此日共夷猶三徑偏容二仲遊多病登臺頻極目
百年佳節半窮愁風披禾黍平疇晚霜落蒹葭野岸秋
老去交情貧更好可當明月到林邱

寄袁左史太冲

十載飄零一逐臣即今駢老彌親諸侯賓客誰爭長
七子文章爾獨新匣有雙龍含紫氣門無駟馬絕紅塵
從他岐路休相詫輪長江湖得幾人

獨坐

九

獨坐空庭只閉關年華冉冉逐潺湲古來榮辱浮雲過
老至疎慵盡日閒野浦晚烟沉白鳥江天微雨沐青山
遙知水月通禪寂歲晚梅花可自攀

九日獨坐喜淡圃弟攜酒來訪

弟別號東籬

九日無朋花自開東籬忽漫抱琴來江樓爽氣當筵落
烟浦漁歌入座哀但遣清尊常不負儘教白髮暗相催
暮年兄弟登高處醉把茱萸去復回

杜時中

字宜之號來岡年九十八授七品散官
長谷忽欲言別不能為懷賦贈三首

憶昔逢君時冰雪淒路側閉戶傷遲暮
人惠錦食予亦贈瑤瑟一顧遂目成歲寒誓不易之子
無遠心世路多荆棘風急無安棲遽歎分飛翼

分飛將安適故鄉未可期春光盈繡陌悲風生路岐
夫苦匏繫踪跡輕別離放篋理前詠感愴安能持
向吳越前路多新知回首離羣者何以慰相思

相思復何言感祖各努力風塵滿天地昏翳有時白
羞曳三門裾豈炫懷中璧吾黨二三子成言在疇昔
氣誼託永世綢繆在今夕自愛且加餐故人憂填臆

答徐長谷見詢

蕭然落葉滿庭除忽有瑤音慰索居自別河梁同握手
誰憐風雨獨攤書窮來鬢髮偏嫌短病後交遊更覺疎
爲問同時諸故舊幾人能復問匡廬

杜時達

字兼之號逸山官紹興府知事所著有紀遊詩艸
行世括蒼彙紀杜時達上海人嘉靖末年由吏貢
主遂昌簿廉謹節愛一毫不取初邑多積逋以漸
追徵民樂輸納攝篆暮月聲稱翕然俸餘悉以新
衙舍築垣宇及去任囊無一文士民泣涕留送至
今猶有遺思

漂母歌

君不見漢家大將韓王孫窮棲未遇伍傳人風塵落落

無知己俠骨摧藏含苦辛晨餐不飽還寄食垂竿閒釣
滄波碧傷心撫劍發高歌貧賤泥塗誰物色咄嗟何物
老女子家住淮陰近城市一飯曾邀俠客歡布衣已識
眞國士人生酬恩重知遇不然徒具鬚眉耳富貴總令
金錯交何似當年一杯水王孫崛起扶災劉白壁黃金
朝拜戾男兒墮地身不死豈肯草莽終低頭手持千金
上母壽自言報德慙非厚可憐何處無王孫一飯城隈
誰不朽黑貂蒙茸蒯緱爛關茸紛葩方自負眼前失却
韓王孫何須惆悵稱漂母

謁漂母祠

功蓋蕭曹族且夷漢家官闕總離離不忘一飯千金報
猶有城邊漂母祠

杜時騰

雲間志略時騰字冲之號孺懷上海人幼穎敏嘗
隨父樂川翁遊戲竹林中偶占風擺竹梢搖鳳尾
句郎以日臨花頂曬雞冠應聲為對弱冠補諸生
嘉靖戊午登賢書累上公車不第乃就選人署教
石埭萬厯乙酉文廟發異香泮池產瑞芝諸士為
公賀未幾仲子宗彝從子獻璠長孫士全相繼報
捷凡南北獲雋者三人是冬公復與計偕祖孫父
子兄弟叔姪同入禮闈士林傳為希有盛事復下
第擢山東黃縣令性端嚴狷介不能迎合上官尋

拂衣歸杜門掃軌手一編不輟與諸孫商品時藝
自六經子史諸書皆摘錄一過年八十猶日作蠅
頭楷百千言而吟咏亦不輟

留別黃縣父老

三年休養力一旦別離情稅事須先足苗田宜早耕身
家忍處保衣食儉中盈回首雲山隔飄然兩袖輕

杜宗彝

〔郭志〕宗彝字孝若號淳臺黃縣知縣時騰子上海
學貢萬厯乙酉順天中式歷崇陽知縣彝陵知州
俱有惠政

楚中攜歸雙鶴轉送俞兵憲因為詠別

松風齋集卷三十六

明

三

千里攜琴伴爾歸凌霄玉質倍光輝休依舊主棲林莽
且向新知振羽衣柏府有臺從起舞柳營任地可翻飛
夜深莫悵荆南遠猶記雙雙喚故扉

杜宗恂

字恂如號蘅阜

和彥恭姪落梅韻

十里春雲覆小塘梅花狼籍任風翔翠簾幕入疑飛絮
綠樹微粘似著霜競說樓中爭落粉還看額上試新粧
誰家玉笛連宵弄愁絕擎杯黯斷腸

同銓部姪夜泊聞鄰舟笛聲

扁舟斜泊水烟灘切切悲聲客淚彈三弄曲終天未曉

梅花一夜滿江干

杜宗範

字公圖號閬風所著有燕山草金陵篇

同道執姪解任南歸極跋涉之苦作苦寒行

孟冬天氣肅道路阻且長出門如轉蓬萬里欲翱翔渡
江間落葉涉河難葦杭寒水日枯涸陰雲日飛揚一夜
北風勁天空地滿霜層波凝萬壑大地無汪洋迎暄如
負冰重裘等羅裳未暇惜顏色寒威能斷腸未暇歎路
岐坦道如龍荒少年輕離別有志在四方今朝道路苦
方知憶家鄉安得陽春調解此苦寒行

道中遇雪有懷兒姪

松風齋集卷三十五

明

三

寒風烈烈黃塵飛同雲一色日光微凍雪紛紛滿空下
行人絕跡飛鳥稀千門萬戶寒凝素一色瓊瑤不知暮
遠客看山驚白頭夢魂迷却歸來路家在江南雲水鄉
雪中思憶幾迴腸兒童競解烹殘雪不道關山路更長

黃河

奔流日夜急水道極西東古樹人家斷連旌稅路通鴈
聲霜氣外漁火月明中試看營營者何如垂釣翁

陽谷店次韻題壁

晚尋陽谷店燒燭檢鄉書涼月窺虛牖寒宵憶散廬故
園悲別鶴何處寄雙魚未卜刀頭日空懷駟馬車

道上月

長河夜靜水悠悠銀漢無聲霧靄收素影獨瞻秦地月
清光曾照漢宮秋短篷此夕頻移枕長笛誰家尚倚樓
同是冰輪千里色偏將離恨付扁舟

同朱蘭岫太史通濟門外郊行即景

策馬長堤暮涼風動客衣人家流水曲紅樹遠山微

過鮑叔牙墓有懷

管鮑當年交誼深漫將意氣託分金休言仲父懷知己
千載猶傾寒士心

杜宗玠

字真吾所著有西園倡和集

少宰遂初董甥告歸過訪席間志喜

一別幾經春相逢話舊頻宦情君莫淡逸興吾能新野
供寧嫌荏村醪且共論渭陽誼自切不厭草堂貧

同顧孝廉叔復表兄登君山得巔字

振衣直上翠微巔萬里江流思渺然紫氣虛沉滄海日
蒼烟遙接白雲天風翻半壁松濤怒巖隱空庭石逕偏
三十三山原並列諸峰誰得似君傳

清涼山夕望

晚山無雨亦生烟日落蒼茫散百川望斷霞峰驚海市
長江一片白雲連

杜宗端

字太行號君權

愚太古

悄悄感無方靜卧思太古一氣冥鴻濛何須鍊石補陰
陽未剖時婚嫁尚無苦裸壤不相驚金玉棄如土湯武
爲厲階戰征遂成譜蝸角與蠅頭有力各自努山威虎
豹立水駭蛟龍舞舉眼盡荆榛區區安足數長歎起傍
徨空庭月正午

八月十五夜同王心坤林仁甫姚伯憲張侗初

陳眉公海上看月飄然有天際之想詩以記之

大海汪洋接太清相看此夜濯塵纓迂狂欲贈嫦娥句
軒漫誰窮萬嶼情風捲鰲山排雪浪天開蟾窟浸蓬瀛

憑虛直擬冲霄漢世外閒身似羽輕

園居四詠爲內翰從姪賦

觴咏齋

觴斯咏亦斯我以安我拙觴不必青州冰乃凌白雪
宜暑亭

清虛日以來一榻閒堪據安用踏層冰松風飛四處

片雲石

移來石數拳雨過偏生白莫謂石似雲還應雲出石

百花居

卜築近城隈栽成花滿屋不必羨河陽恍如入春谷

杜獻璋

雲間人物志獻璋時登之子字稚珪號城南八歲
隨母寧於外家值嚴寒母假女衣衣之公曰男女
有別寧寒弗衣也衆奇之弱冠補弟子貢為文奇
邁邑令黃公文煒督學耿公定向亟稱之遊北雍
大為林司成嫌所器重已而改南林時為南大宗
伯相見勞苦期公必售會病瘍居憂兩不與試終
艱一第官光祿署丞非其志也公性孝友敦任卹
或忘德操戈亦不與較遇富貴人無一語寒暄至
窮交相遇則焚膏酌醴未嘗不傾肝胆卒年五十
二中翰開美即其子也

石屋

雲竇敞百尺曜靈互昏曉淅瀝瓊漿鳴葳蕤玉芝繞藤
蘿罨蒼虬烟棋宿青鳥壁捫霞欲滴澗窺碧未了荆扉
晝不開扣之聲悄悄惟見白雲飛欲覓仙踪杳

長安人日懷社中諸子

眼看元日俄人日坐憶江城隔風城鶯聲不報故園信
柳色翻牽遊子情遊子故園歸未得五斗棲遲空歎息
漢代為郎賤馬卿馬卿狗監猶能識賣賦無金典鸛鷀
吳姬壓酒驚兒黃春光正好不共醉漫說題詩寄艸堂

浦行

春水浮春楫柔風挾浪和雲容垂野濶柳色傍村多鄉
絲分衣帶滄浪起棹歌鑑湖何用乞隨意柳烟波

春夜苦寒

反側難成寐春寒夜較強角懷城帶月鐘斷寺含霜影
抱孤燈瘦宵憐獨醒長江梅應吝彩不肯試晨粧

贈陳仲醇

壯心拋却為親開日擁羣書坐翠微絳帳半收天下士
清齋自飽北山薇從他天矯紛裘馬輸爾欽崎一布衣
真訣近從仙客授關門紫氣頓驚飛

迎春日作

晴光花縣久逡巡指點青陽尚隔辰繡箔有人窺綵仗
錦韉無地起香塵雪飄雲外猶含凍梅想朝來欲試春
淑氣好噓愁苦散衰遲容作太平人

夜過王生園亭

却因看竹暮相過掩映高齋翠靄多漁艇夕陽斜繫柳
畫橋微月半含波狂來恨少吳姬酒別去空聞子夜歌
縱是平原仍有約夢魂其奈繞烟蘿

曉過延陵

晨星歷亂入船多柔艣驚鷗起綠莎霜重曉鐘寒萬戶
隔城雞犬夢中過

君負才傲晚嘗曰千古冠纓無限豈一第足重因

自號悟幻道人吟咏成帙不以示人曰吾以抒吾

性靈耳安用媚人耳目為詩極工鍊中書君承其

家學風流文采推重一時

杜獻瑞

方志獻瑞字公魯浪穹知縣時登子上海學萬林
乙酉順天中式漳州府同知管海澄稅以廉稱陞
刑部員外郎致仕

夜泊聽吳歌

扁舟遙夜依魚市明滅漁燈照江水獨客蓬牕酒自傾
空江浙瀝流波鳴流波細織聲聲怨枕畔聞之增繾綣
客情繾綣東流長何處吳歛抑復揚初疑子夜唱家曲
又似清商調轉促迴風急雨競淒清絕壑哀猿相應生
近兮若遠斷還續更剪殘燈聽不足魚龍寂寞江不流
嗚嗚似訴鮫人愁何須遷客潯陽道離憂我亦縈懷抱

題迴蕭軒

素心元落穆老去復何求詎為傷弓感因之擇木謀以
吾懷野鹿快汝狎沙鷗生產無他問惟祈秫有秋
世情曾閱盡焉道總堪愁屐許投三逕鯖慵問五侯憑
誇健似鵝且學拙如鳩野老從爭席襟期百尺樓

送陸孝廉司訓靖江

誰道青袍是薄遊平原文學舊封侯山連雉堞干雲出
江繞鱣堂帶雨流撲酒梅花飛玉笛送人柳色暗津樓
長揚好向閒中就旦晚徵車漢主求

十七日招張長輿唐一卿唐仲言顧君法沈茂

之顧彥初小集

尚餘柏葉借尋盟短燭猶分火樹明把臂但須身共健
銜杯何必月常盈星占客政當春聚興到詩兼卜夜成
最是詞壇饒勝事張平頭白擅才情

和陳子有太僕園亭雜咏四首

竹素堂

萬卷羅片心千秋懸五指試看起草時靈氣山山紫

過雲峰

似遣巨靈手嵯峨插青漢雲來山更重雲去山疑斷

東臯亭

杜康故有祠東臯復有亭王無功自號東臯子曾為祠祀杜康千秋一杯
酒願醉不願醒

君子林

修篁臨曲池徙倚衣裳綠竹枝歌美人婉轉敲寒玉

杜獻琰

號順圃官臨川令

重過臨川有感

垂老相知謝淒然感昔遊多情舊時柳搖曳使人愁

松風餘韻卷三十六

松風餘韻卷第三十七

目錄

明杜士全 一十五首

杜士基 一十六首

杜士領 五首

杜士重 一首

杜士望 三首

杜士益 三首

杜士冠 二首

杜士雅 三首

杜開美 二十八首

杜名林 一首

杜麟徵 二首

松風餘韻卷三十七

胥浦姚弘緒聽巖編次

一杜士全

〔郭志〕士全字完三黃縣知縣時騰孫上海學萬厯乙酉舉人乙未進士〔附傳〕士全知大冶海鹽二縣其父宗翹惓惓以寬勤二字爲勗故民皆懷之選授刑科給事中進天變陳言三吳水災諸疏宗翹欣然曰吾子居諫官我戒其務勤事無喜事務正言無詭言今庶其不負世訓乎陞太僕寺少卿轉南太常卿刑部右侍郎晉工部尚書歷官勤飭廉靜寡欲與人無競告歸〔海鹽縣志〕往時直指按部舉豪惡者備訪公不欲爲擾而例不可廢姑舉鹽徒一二以應後發縣訊擬公含淚低頭他顧杖之受杖者亦感而泣公滿任去清帑金有胥吏侵沒若干公曰我典守不能夙戒若曹貧即盡剋其肉能償耶敕家人歸雲間質房得金代補之又公待干請者輒和顏以應而中實不爲移有迫之急者公曰毋苦我我嘗引鏡自照豈望有三公八座耶今日去即去耳斷不能相從也言者失色此皆記公仁慈清節及毅然執持之大畧耳目所見可例其餘公有生祠邑人鍾光斗記之

張侗初姚岱芝招遊清涼山寺

市有名山境即仙尋幽時掛杖頭錢官閒共適林中趣
地僻堪逃醉裏禪門外松風聲謾謾庭前竹色淨娟娟
逢僧莫問胭脂井六代遺墟盡野烟

九月初三日閱視外城遊弘濟寺

高閣臨流鎖白雲渚涯秋色莽紛紛洲橫蘆荻迷芳艸
風送帆檣趁夕曛岸葉飄蕭江欲冷鴈聲嘹唳客先聞
茱萸已熟重陽近望斷天涯落帽羣

寄姚倣我時司李九江

折柳都門已惘然謁來駒隙幾經年羨君署裏匡廬色
悵望星光軫翼邊乘興欲同飛雪夜銷魂偏在暮雲天
裁書不問官消息知道廉平萬口傳

松風集卷之七 明

二

見說神明到水濱潯陽日日照春溫世傳清白宜懸釜
獄有平反盡覆盆佐理已知成渡虎中孚行且及江豚
褒綸指日天邊下會策功勲報主恩

倣我約新秋見訪過期不至詩以問之

西郊追送思悠悠許我山陰雪夜舟獨客江城誰寤語
懷人天際足離愁淒涼夜落梧桐月蕭瑟風悲玉露秋
一水蒹葭京口路何時來作鳳臺遊

和蔡心可登天壇觀祭器

聖人建中和清寧天地位首定郊社儀壇壝規制備
我嘗守高真真象緯侍顧盼嶽瀆間松柏留蒼翠藏室
在北隅盡貯禮樂器琮璧與裳衣几筵及鼎解西南列

齋宮精心徹寤寐想見穆若容奉璋趨羣吏凜凜畏天
威此物與此志迄今三百年小大皆有識百神擁帝居
兩京同一視受命來分司入問必每事燔柴望燕雲欽
崇麻敢二

何兵部半菽招同張宗伯伺初錢學士機山飲

於李氏山園

城隅小山伴矮屋天與幽人賦邁軸碧流繞逕響潺湲
梅花當牕香馥郁新柳欲催黃鳥啼短牆許借南鄰竹
豈隨塵市溷京塵翛然野趣同空谷老夫徧性愛幽棲
安得此中成小築兩度尋春趣酒來盤有新蔬兼旨蓄
玉缸到手漫徘徊泉聲泠泠花簇簇忽然林下香風起

松風集卷之七 明

三

簾前花片飛相逐溪邊桃李笑將開可待重來宜信宿

過唐嗣宗山房

築室青山裏開門綠水邊小牕窺遠岫高閣俯平田徑
欲來羊仲圖堪入輞川據梧還策杖朝暮領雲煙

午日乍晴陰雲旋合口占呈操院熊石壇

積雨蕭蕭水氣寬時逢令節強為歡沽來濁酒須成醉
折得榴花已倦看坐柳新鶯愁並濕籠烟修竹帶餘寒
水門寂寂無人叩搔首長空正渺漫

秋日同歸春陽年丈飲雨花臺甘露閣

盤旋一徑入珠林窈窕山樓氣鬱森臺有花飛晴亦雨
雷因竹傾盡成陰雲光已覺逢秋淡飲興偏于弔古深

與爾同官更同調銜杯終日共披襟

答贈陳眉公

逍遙物外儼滄洲白首清溪狎野鷗
歛歛只知堯舜樂江湖偏隱廟堂憂
巢由豈是無經濟管葛須知裕壯猷
早晚非熊驚入夢蒲輪應向五茸求

雪夜宿紅心驛

誰將玄圃玉屑作帝鄉塵薄暮山頭望
瓊田萬頃雲

咏漁父

乾坤無定宅一葉是吾廬浪跡江湖裏
絲綸任卷舒

告歸述懷

多病思田里明時豈掛冠君恩何日報
北關屢回看

松風齋集卷三

四

送姚岱芝之任南少司寇

鎖闥曾聞梧鳳鳴墳簾何意共陪京
刑蕪教周司寇秩近台垣漢上卿
玄武湖光晴潋灩鍾山王氣劇縱橫
耕雲釣月吾將老杯酒殊深志別情

先生與先刺史倣我公為同年生又係姻婭後同
先大司寇曳履留都交誼亦渥故春星堂集中與
二公贈答之篇頗多詞意藹和多吉祥善氣殆仁
人之言與眉道人序其稿云讀其詩如元紫芝鄙
吝盡消又如見魯仲連李太白不敢談名利事傾
倒於先生至矣

杜士基

郭志士基字彥恭乙未士全弟也萬曆甲午舉人
終南京兵部員外郎又遺事杜牧城先生士基有
雋才博雅嗜古善楷書嘗手抄二十一史全本精
好絕倫雖隆冬盛暑每日必寫一二版未嘗暫輟
前輩勤而有恒如此

渡泖

鼓棹秋風裏湖光迴接天波翻凌日月色霽
雲烟迢遞九峰出汪洋萬脈連魚龍逐浪舞
鷗鷺狎沙眠忽湧黃金地仍開白玉田紺宮
何突兀寶剎更孤懸清磬空中發名香靜後
燃勝因成獨往靜理契真傳苦海看無際慈
航密問邊浮湛不住境玄劫可安禪悟得無
生訣却緣有物牽望洋思不禁我竟欲凌玄

松風齋集卷三

五

畫眉詞

躑躅樊中鳥致之自遠方毛羽未豐美朝夕
養華堂飼爾以香稻飲爾以瓊漿恩深豈不
感胡為遽分翔去去何時還主人徒徬徨好
音不復懷熠燿遙相望金丸深可虞羅網亦
密張弗因投林喜反為弋者傷

寶刀篇為滿太將軍賦

烏思寶刀天下聞厥名白霓能決雲千金購
得三公佩一朝相贈何殷勤玉為琕琕珠作
口金環獸帶絞文首隆隆虎氣嘯風雷熒熒
龍光燦星斗有時雄鳴霜匣裏結佩還將白
雲倚不分妖氣夜亘天北虜徙帳收呼延

持刀躍馬出門去斬取渠首無數歸來意氣雄萬夫
刀痕猶帶血模糊

送從兄表度內翰北上

尺五名高閭闔傍彩毫沾得紫泥香彈冠色借風雲潤
瞻袞親依日月光執戟東方容大隱題橋司馬好爲郎
拾遺舊事猶堪數三賦懸知早擅場

同伯兄入河間雲樓從叔署中暢飲賦別

瀛署停驂早放衙天涯相對若爲家開尊會擬竹林聚
飫飲何如棣萼嘉門外風塵淹客况眼前雲物近京華
萍浮忽漫難爲別指顧東窗日欲斜

立秋自旅泊吳門馮五招同張子念朱文季

蔣益恭施叔顯周鳴之讌集舟中即事

乍轉金風欲薦涼蘭橈容與綺筵張清尊漫引堪尋勝
白苧新翻獨擅場燭影遙隨星影亂棹聲還接漏聲長
不緣地主能投轄高會那期水一方

文園雅集十絕

閒曹多暇清人寡營退食自公相與避暑城

隅息陰林薄於時新藻出水濯木翳霄披襟
而當快風洗塵而過微雨且觴且弈或譔或
莊爰有松舟揚舲擊汰白鳥徐下紫鱗跳波
破荇藻以縈迴蓮葢蘆而小憩雖復滄浪逸
興河朔豪情恐亦會心之非遠矣中坐欲起

同人顧而嘻曰今日之遊洵樂乎何可無一
言賦也偶指柱間標有先少陵竹深留客處
荷淨納涼時之句遂用韻各次而絕之非敢
留連月露關玉樹之纖詞亦云託寄烟霞慕
金門之大隱耳

徙倚空亭上涼颺時動竹榻來棲鳳林即是龍孫谷
綠陰映戶密當暑避來深只在淇園裏行踪未易尋
門前無驪馬沙際有盟鷗從此開書帙相將盡日留
滿酌金陵酒爲延河朔客不煩陳孟公井底投車軌
南冥與北冥涼燠不同處試問逍遙遊何從亦何去
曲沼正留荷香風陣陣過忽聞林籟起疑是若耶歌

紅英透綠波美人初浴竟無爲脂粉汚留此長清淨
城霞一水明峰影八窗沓欲界即仙都乾坤大茹納
柳外蟬聲咽花間蝶夢長徐看纖月上入座有新涼
興劇杯深後神來句屬時風流共欣賞事外幾人知

杜士領

字禹門授七品散官

西林上人

招提煙郭外境轉識禪扉官殿浮蒼靄藤蘿繞翠微水
清魚入定林靜鳥忘機坐對高僧話空庭花雨飛

出浦

大浦秋陰午未開南風吹浪拍天迴漁舟解纜迎潮出

江市收帘待雨來
洲遙連龍伯國雲多隔斷越王臺
白沙青艸愁何限
古岸無人問劫灰

丹鳳樓

丹鳳危樓海上城
朱闌碧瓦映波明
江含秋氣濤聲壯
雲滿滄洲樹影平
香稻未登租賦急
羽書稍歇陣烟清
春申舊迹唯流水
珠履猶傳愛客情

和後城弟早秋經御田

山翠重重接水田
稻花蓮葉捲晴烟
垂楊低拂行人首
疑是江南畫裏天

瓶花

庭前芳樹驚全落
瓶裏花枝轉盛開
不是陽春偷折得

美人潛入避風臺

杜士重

字彥弘號青虬

立春後二日登樓觀雪

嵯峨高閣迴臨溪
極目紛紛思欲迷
柳絮恰隨春色至
梅梢先傍月華低
天迴玉壘羣峰並
地接銀河衆壑齊
誰似郢中開絕唱
灞橋驢背有新題

杜士望

字子厚

齋中小集賦贈孫繼甫

寒色衡門迴開尊
夜未央交從貧轉密
興到語尤長屢

舞吾忘醉清歌爾獨狂
相看多意氣江左有孫郎

春日江行

日暮東風急重裘尚怯寒
不知春已半試向柳條看

秋郊散步

松柏驟吟風羣鳥爭噪樹
落日澹無光飛雲自來去

杜士益

字叔謙號平谷

子久席上喜晤徐子先太史

憶昔別君時霜葛已十易
君今畫錦歸余髮半斑
白中懷互相陳握手情逾昔
羨君遊金馬行看作柱石
嗟余臥蓬蒿深耕歷阡陌
依依林下鳥矯矯雲中翮
更盡一杯酒陶然樂今夕

杯酒陶然樂今夕

寒夜與君權叔彥恭兄坐雪分得中字

風雨蕭蕭夜凝雲
四望同渾疑梅怨笛還似絮
因風羣木蒼茫裏千家虛白中
迷離遙入座小閣覺寒空

與侗初兄遊南雍會彥恭兄北上京口送別步韻

向夕斜陽映水清
天涯翻喜鴈成羣
晴江此夜帆前月
芳艸明朝馬上雲
振轡燕臺看市駿
曳裾虎觀愧論文
行藏是處嗟岐路
握手銜杯不忍分

杜士冠

字文台

元夕朱季則黃長卿陳子有張叔翹同集袁度
兄齋雲樓叔先去不與賦此志懷

火樹橫空耀九枝欣同良夜奏埙篪綺筵高會銷春酒
艸閣縈懷寄小詩月向圓時憐倍好人從合處惜相離
追陪翻覺感星聚回首竹林勞夢思

秋夜

吟成獨自倒秋缸露白天高鴈幾雙莫使金猊香篆冷
好延明月到西牕

杜士雅

字幼白一字幼安所著有茗柯諸什陔華堂詩帖

行世

登玉峯

崑山一片石千載多奇峰登攀收萬象城郭帶從龍野
田薄春水人烟動曉鐘樹杪出帆影川長落鴈重未暇
探奇跡崎嶇力已慵不見璞中玉徒看石上松

空庭驟雨

雲際連天碧桐陰遶徑幽一飛南浦雨萬樹盡生秋

山中訪眉道人

絕壁疑無路深山忽有烟白雲迷古洞人似上皇前

杜開美

詩鈔小序開美字表度號象南神宗時吏部題授
文華殿中書舍人以母老乞歸終養生有異才於

書無所不窺而鎔鑄之工結構之敏出諸名家之
上每一下筆輒滔滔數千言文宗先秦兩漢詩宗
漢魏盛唐尤長於尺牘生平著作已鉅板者有秋
水遠遊扣舷貂裘潤州白門敝帚行藥蜩甲閒居
諸草行世尚有蘭陔堂未刻稿幾十卷藏於家

訪王延年不遇

端居寡懷襟攬衣出西郭遠樹含餘清朱華春岸落緒
風吹我裾水田曠漠漠悠然濠濮想抒嘯振邱壑眷彼
中林士埋照卧窳窳雙扉畫亦局白雲抱幽閣獨往不
知處青天騎野鶴

種竹戲作

桃李斷腸花楊柳傷心樹縱多兒女情攀折委中路路
旁綺態可憐春直節何如對此君拖烟籠雨千竿立孤
標不與同風塵我欲呼為素心友庭畔移來盟共久竹
素千秋借汝垂竹葉千觴快我口箬笠裁成勝進賢漁
竿恰稱滄浪叟以此周旋交最深竹帛勲名愧未有明
年雷雨長龍孫野水寒雲應不負

秋日同王百穀陳眉公遊虎邱

虎邱山色秋偏好紅樹朱宮射蒼昊亭袍猶染越山烟
餘興還能事幽討生公已去石不言劍化池空白浩浩
千人坐看青天平千疊雲同黃葉掃二八吳姬盡錦襦
遊閒公子紛吳縞錦襦吳縞互夷猶邀笛彈箏不解愁

相逢競說登臨樂莫問吳宮成土邱嗟余夙願耽邱壑
松徑解衣縱盤礴會心便作淩漢想况復羣峰天外削
仰天大笑莽蒼蒼枕流漱石塵相忘安得盡迴俗士駕
常令耳目生清涼

春日對雪柬張長興

青陽乍向流光擲競喜春山試春屐黯淡雲沉萬井烟
蕭森氣慘孤征客章臺柳短未舒黃繡軸朱簾驚絮白
翡翠樓中暖較遲鴛鴦瓦上霜疑積鶯啼曉怯金縷單
千樹萬樹銀花寒流澌盡帶冰絃響郢曲誰家玉笛殘
朱爵文窗博山蕪曲筵高倚臨瑤屑半酣綺席擁如花
那知萬運人踪滅蕭蕭花影悲復歡剝啄不遣雙扉彈
佛燈茗碗供坐嘯贏得清光映帙看陽春白雪汝能歌
高卧袁安柰若何雪消欲放看花艇桃水應連太液波

從叔楨父招飲

莫謂村居僻山居亦有人藏名聊學圃好客不辭貧古
屋荒原少羣葩曲檻新但嫌雞黍約芳醴雜為陳
與從叔公園夜坐因懷幼白弟分得官字

暮雲仍作雪竹葉入盃寒別久語無次漏移情不關因
君思遁世起予薄微官小謝遙相憶池塘句未看

七月十五夜許孟新王叔朗小集口占

玉露淒園扇高城片月來故人今夜集尊酒草堂開桂
影令秋濕蟲聲抱葉哀明年誰共此把臂重徘徊

園居

看山纔脫屐息輟復閒居愁或杯中寄交因病後疎為
園半畝竹樂志一牀書却笑文園令千人薦子虛

訪劉子威先生

先朝賢執法門似遠村閒自昔辭驄馬于今卧小山千
秋徵白簡二酉老紅顏我雕蟲技頻教繡斧刪

遇雨次朱季則丈韻

馬首風烟合高天野色平雲低疑日落衣濕覺寒生窺
跡尋荒宇關心在遠程敢嗟泥滑滑失路總難行

閏九月憐芳菊次許太僕修之韻

芳辰重對菊仍滿鬱金堂剩藥猶含笑疎枝淺度香杯

元浮舊白花不改初黃為問茱萸女誰同傲晚霜

寄王百穀徵君

徵君龍卧闔閭城不羨長卿入漢京塵尾婆娑聊玩世
禪燈幽寂借藏名蒼山半壁遊仙畫青眼千秋國士情
知爾賣文堪貰酒欲移單舸聽流鶯

從嘉定抵郡即發不及走訪孫允執陳眉公李

士強施叔顯俞伯揆却賦

百里烟波送夕曛帆前山色故鄉雲江城容易經年別
襟袖還憐咫尺分愁向柳絲縈繾綣欲憑鶯語報殷勤
不成見戴空乘興搔首聊為咏五君

秋日同孫君聖喬若序過叔祖淡圃園林索飲

得黃字

秋老林容在在黃山家隱約浣花莊入門不問能投轄
選地狂呼促舉觴橘柚未霜含野趣芙蓉吐艷怯新粧
寒蛩落照催人散餘興還拚典鷓鴣

贈殷比部無美

拂袖歸田賦早成五湖何必減承明自來寓內稱才子
晚向江東號步兵塞馬不妨供悟幻海鷗翻喜得尋盟
雄心綠酒銷堪盡肯以蒼生起宦情

茅山抵家有作

青雀西飛千里行江春兩岸聽啼鶯拾將瑤艸尋仙侶
開徧山花送客程偶去暫違黃浦月歸來仍傍赤烏耕

入門把臂紛相問爲說烟霞素裏盈

村夜坐雨從叔公園過集分得衣字

孤村雨色暮霏微誰似衝泥興不違客到茗烟初泛綠
尊開菜甲乍含肥山花紅映筵前蠟竹葉青浮座上衣
語劇不知宵漸午彩毫猶向醉中揮

春日泛舟訪四叔君權

風緊烟寒一鴈哀懷人春水片帆開梅逢野寺香微度
柳向江干綠漸催爲問著書成幾許可曾留客笑千回
牀頭知有如灑在簞舸何須載酒來

問舟子

停舟問舟子何處秣陵城風色朝應好揚帆幾日程

阻風夜泊青浦

旅泊只孤舟相依但蘆荻風疾夜蕭蕭風和朝寂寂
客舍苦雨

春思

上樓初日暖猶微風送飛花撲舞衣欲捲朱簾望春色
不堪垂柳正依依

送從弟道執宰大冶

河梁獨立渺愁予賴有池塘夢不虛縱念鴈行題尺素
也知不寄武昌魚

郡西小泊王伯元叔朗追送飲別

布帆欲挂客還過喚取村醪話別多不是離筵忍成醉
醒時愁聽渭城歌

送陳郡博秋宇擢關中保安令

墨綬新膺換絳紗暫歸莫戀佛來霞長寧有好攜桃李
葳蕤色散作河陽滿縣花

雨夜懷子厚二弟

花信風寒雨亦寒一龕燈影坐來殘忽思弟勸兄酬句
愁雨愁風總不懽

秋日同陸濟卿劉次舒陸公及遊煙雨樓

高閣孤懸俯綠波千家砧杵隔溪多湖平遠帶寒烟合
雲暗翻疑細雨過鳥外帆檣連雉堞曲中款乃雜笙歌

登臨笑指錢塘路萬頃晴川一葉梭

客途偶賦

壯心挾策上明時醉裏無端賦別離馬骨漸高愁道遠
鶯聲欲碎怨春遲柳絲綠映青油幕幢影紅翻碧瓦祠
遙憶江南行樂地冶遊爭唱踏歌詞

向錄內翰詩皆本之杜氏詩選上洋友人復寄詩
鈔一冊為補錄其遺者他如片雲千里白暮雨一
帆孤桑田千頃暗漁火半江明一水界雙鏡層巒
補斷雲短蘼消紅燭疎鐘度綠蕪逐世廿年猶落
魄悞人雙鬢是浮名松聲晴送諸天雨竹影寒生
半嶺秋檀板醉喧沽酒處香車停喚賣花人調亦

流麗或曰入紫微妙處

杜名林

郭志名林字君揚萬厯丙辰喬林從弟泰昌元年
金山衛學恩貢徽州府學訓導興國教諭工詞翰
能畫有風雅名

興國署中贈太尊有感

遭逢何必歎升沉與爾同官得重尋共寄素餐偏嘔血
更遺畫餅獨勞心從今筆債欣相脫自昔文魔悔已深
搔首乾坤堪涕淚臨風唯有數行吟

杜麟徵

郭志麟徵字仁趾浙江布政喬林子也少有英譽

與太倉張溥等齊名舉天啓辛酉鄉試崇禎辛未

成進士授刑部主事少從父宦遊曉習吏事尚書

使掌章奏時太監張昇憲等總理部事監宣大諸

鎮乃上疏極諫舉天啟近事為戒舉朝歎服尋改

兵部職方司為尚書熊明遇所重其請授諸將事

權及定滇寇普名聲條畫為多又上書論時政得

失有賈晁遺風丁母憂歸卒年三十有九天下惜

之所著浣花遺藁行於世

婺城別朱元宰

為客復送客行人愁奈何久知天地濶始信別離多舉
白憐新舞來青憶浩歌散夫仍有約載月數相過

過嚴灘

扁舟富春渚回首潑溪濱綠水晨生霧青山暮出雲荒
村猿嘯侶廢庵鹿成羣合著羊裘坐無令漢殿聞

松風餘韻卷三十七

松風餘韻卷第三十八

目錄

明管訥 一百五十首

松風餘韻卷第三十八

目錄

松風餘韻卷第三十八

胥浦姚弘緒聽巖編次

明管訥

顧志訥字時敏華亭人工詩能文有蜩竅集評者謂清新優柔可與袁景文並駕洪武中

列朝詩集云九年

以秀才任楚府長史子孫皆仕於楚今遂為楚人

方志時敏九歲能文比壯儀觀偉然洪武中徵拜

楚王府紀善恭謹強方事不避難王深器重奏晉

長史在職十年事無苟從必由於義年七十乞歸

王不忍其去親製詩道意命世子書忠勤良佐四

大字以褒之仍奏留本國先是訥五十無子及從

松風餘韻卷第三十八

討銅鼓蠻寇用訥計破斬之諸將欲殄其餘黨訥

進言曰是亦人類也奈何草薶而禽獮之王從其

言揮使蔡春退而歎曰管公一言活數萬之命必

有後矣越數年生子王喜名曰延枝教育於宮中

既長奏為伴讀天順丁卯延枝年逾七十省墓還

松親故有贈行詩文卷列朝詩集管時敏留居楚

國王祿之終身沒葬郡城東黃屯山子延枝為丁

鶴年門人有詩見湖海耆英集丁鶴年云時敏詩

氣象雄渾襟懷曠達用事親切措詞淳雅黃文獻

公謂文章莫難於詩詩莫難於近體時敏體製嚴

整間出新語亦復清俊非文獻公所云難者與又

云五七言律至晚唐氣漸衰靡不可爲法惟絕句
詩晚唐尤爲精緻宋人不得其門而入元人惟龍
麟洲范清江虞青城得其三昧餘或偶得之而不
純時敏絕句俱有法度豈非嘗私淑於三公故耶
又云時敏咏物詩形容精密非筆頭有五色花者
不能小長蘆云管訥師事廉夫集經鶴年論定春
容疏達豈出景文之下而說詩家入選寥寥卧子
舒章生長五茸知有表而不知有管竟置不錄僅
寸之珠詎可遺哉有秋香百詠蚓竅還鄉紀行等
集釋夢觀名臣洪武時從四明延慶寺供事南都送管時敏詩曰相
見驚新歲論交感舊遊春風楊子宅明月庾公樓

樓閣集卷之八

二

白雪詞難並青雲志已酬別情何所似不盡楚江
流

素堂

湘水之涘衡山之陽有美一人於焉構堂維棟維桷匪
雕匪斲不尚其華煖煖其樸堂之翼翼人之諄諄匪謀
自適爰以養親于時興止于時甘旨朝夕弗違惟親之
喜委順在天窮達是宜居易而行心毋外馳奢則盡情
儉以養德用武後昆服之無數

白馬篇

白馬行且嘶玉勒錦障泥揚鞭羽林郎宿衛通金閨一
朝赴邊急轉戰玉關西長戈揮白日高旌捲彩霓驅山

填火井累日起雲梯烽舉星芒亂弓開月影低分符降
赤勒飛箭定咩黎功許韓彭並名與衛霍齊主恩諒可
報國難詎難擠歎甘局鄉邑門巷閉蒿藜

遠遊篇

御風日萬里逍遙登遠遊竦身青冥表瞬息四顧周目
力隘八極壯志局九州泰山小封堙滄海渺浮溷俯視
頃洞間萬彙等蜉蝣浩歌換洪崖長嘯訪浮邱迴聽秋
閨闔謁帝十二樓酌我紫霞觴遺我青鳳裘授以長生
訣歷劫三千秋從茲謝流俗大塊同悠悠

二隱圖

溪上放舟迴山中負薪暇一笑偶相逢於焉遂清話寧

樓閣集卷之八

三

知有素昔况復論王霸回首總忘機青山夕陽下

秋夜

不寐耿長夜攬衣徒歎歎陰蟲吟近砌涼颼動疎幃素
抱殊未釋清歡念多違豈惟南飛鵲茲夕無所依

寫懷

朝回憩公館殘陽坐來暝疎雨過高林華月出東嶺流
光晨復晡朱顏豈我永故園歸何時悠然養深省

曉起

直館曉晴初官清遠塵俗怡然對簡編庶矣忘榮辱遙
峯擁歸雲高城澹微旭落盡冬青花江南新雨足

和吳教授晚泊大信阻風

樓船溯流上高帆阻長風大江浩無際一氣何鴻濛回
望天門山嵯峨相長雄洪濤走其下屹立西與東不有
浮海歎豈無濟川功大鵬度寥廓斥鷃守卑叢物理固
有定世事徒匆匆張燈啓華筵一笑杯酒中

病後喜雨謝紀善貝季翔見過

夜月忽離畢今晨雨滂沱秋聲落庭樹水氣沒池荷豈
云三伏中感此涼意多神清體自適頓然釋煩疴明當
謁公館仰謝數經過

聽松樓爲國學林敬伯賦

涼颺度中林長松發清響震蕩出巖巒蕭瑟納天壤初
疑繁絃作復訝驚濤上倏爾若崩奔悠然亦平廣大音

卷八

四

本無聲至理奚有象復動陽始生姑靜陰已往達人居
高明會茲適真養心靜聽轉聰慮屏神逾爽豈彼塵市
間啾啾局塵埃好招陶隱居山中一清賞

和陸伴讀閨過梅根

江行愜素懷遐覽非遊冶開蓬望九華隱隱白雲下素
波明遠川青天入平野煙樹淡欲無風泉斷還瀉因知
漢陂舟差勝習池馬斯遊樂未央我輩胡爲者

敬賦天馬歌

昔聞天馬不易得房星降精產西域雙蹄並截白玉光
一身渾染玄雲色雄姿非驛亦非駉八尺乃是真龍媒
天生權奇特神駿烏騅赤兔皆凡材風尾蕭蕭耳雙聳

萬里騰驤塵不動番臣重譯貢中華黃金論價如山重
太僕養之十二閑立仗曉聯鸞鷟班在廷畫史皆國手
乃爲寫生傳世間當今聖主脩文德遠裔窮荒俱混一
不用勞師圍大宛年年擬獻三千疋

桃花歌次韻答季翔

春來看花須及早莫待韶光去如掃年年花發看應遲
幾多狼籍被風吹今年無風亦無雨千樹桃花紅爛吐
香塵繡轂動遊人流水瓊筵出歌女天氣艷陽三月時
倚闌吹徹玉參差百壺送酒莫停飲祇恐落花辭故枝
落花飄盡春無迹著意留春花可惜花開花落一番春
與君莫作傷春客會須日日醉花前不放閑愁到酒邊

卷八

四

有花可看酒可飲但願以此終殘年

全將軍歌

全將軍壯且武前年去年殺兩虎受賜黃金百兩歸醺
酒椎牛宴同伍意氣驕矜不可當自謂千人何足數今
年搏虎東城下虎亦憑陵肆其怒一挾將軍雙目睛可
憐竟作荒郊土烏呼勇不可恃利不可取汝不侮渠渠
敢侮汝不見東海之濱釣魚父白頭龍鍾八十五

尹母行

華亭人年二十夫亡
守節不變教子成立

雲間尹母年十七嫁夫三年夫病卒舅姑在堂兒在襁
自分煢煢守空室家貧何以爲生理紉縫得錢奉甘旨
門外春風自往來寒心一寸如灰死東家議婚張綺筵

西鄰通媒續斷絃有山可移志不改冰霜凜凜心愈堅
孤兒今年三十五教養成人應門戶舅姑百歲俱壽藏
華榜旌書照鄉土九峰三泖清且奇柏舟泛泛淞之湄
吾鄉風俗有如此終古不愧尹母詩

鷹雞行

白日中庭忽風過鷹攫雞雛半空墮誰家失之無處尋
家奴拾得如拳大毛血淋漓殊可傷性命幸脫饑鷹腸
山妻叮嚀勤餵飼愛護真如孤鳳凰錦毛漸長雙冠聳
可愛花陰關時勇我雖老饒不爾烹留取年年作雛種

哀鴈吟

鄰有貞婦痛夫以刑死日夜號泣誓不再天

余嘉其志爲賦哀鴈吟

哀鴈復哀鴈雌雄不相違三春北去秋南歸年年稻田
充汝肥汝肥曷已時安知矰繳不汝隨一朝弋雄孤其
雌雌孤殊可傷夜夜啼秋霜楚天空闊雲水長誓不更
逐羣侶翔花開滿春塘不愧駕與鶩

題胡長史雪舟卷

萬里漫漫凍雲黑六花飄飄朔風急富春江頭行旅稀
汀鳥沙禽饑不飛此時先生乘一舸擁鼻長吟蓬底坐
白鶴氅衣寒半披東西沿洄隨所之須臾雪深風轉大
結纜歸來且高臥妻兒凍餓甘守貧升斗不思干故人
東方日出徵書下縣官扣門來勸駕

稼村贈鄉人孫原璘

我家三里汀前住茅屋正近桃花渚學經不明欲歸耕
佃得官田廿餘畝有書盡賣買農具甘作東屯種田父
侯疆既足把鉏犁餉婦猶能載筐筥田中蠶稗日自除
牆下蠶桑春可取秋風禾黍既登場冬日雞豚復盈圃
全家衣食幸饒餘老穉那知有辛苦東隣擊鼓送農官
西舍烹羊祀田祖且喜征科一事無況是豐年好官府
縣吏催租不下鄉夜半無人打門戶官糧輸足私債無
一村帖然如晏堵自信於焉老此身豈謂年來繫簪組
汨汨黃塵沒馬頭白水青山竟虛負羨君學稼如老農
久抱長才隱家墅奉親教水喜平發教子書詩識今古
我今不蠶亦不耕素餐厚祿知何補幾時上疏乞東歸
白頭相尋願爲侶與爾擊壤歌堯年五日一風十日雨

春江捕魚圖

玄直坊中老孫子老去今年不知幾綠簑短短僅遮身
自小求魚足生理魚倉蟹舍小蓬門一帶編籬住江渚
昨夜青山得雨多門前三尺桃花水大家漁具多上船
水面紛紛若浮蟻小兒換舵立船梢老婦供炊在蓬底
太繩屬網絕中流東船纔下西船起須臾兩船相向開
來往風波疾如駛前船得魚先上城後船回篙刺沙嘴
此寶此主尚杯盤樵青已卧蘆花裏醒者尚釣文翰類
醉者眠東去西來隨所止不欠官家魚稅錢榮辱從

求不干已我家江南山水間煙樹參差絕相似作客天涯未得歸一見此圖心獨喜俸錢幾時當買山小築茅堂三泖尾白頭方是謝官時也學漁家從此始

銅雀伎

銅雀高臺上西陵古墓邊君恩徒自重妾貌竟誰憐羞持歌時扇愁登舞後筵惟餘漳浦月三五夜空懸

少小從行伍二首

少小從行伍而今作飲徒博錢尋劇孟買劍問風胡結伴軍中戲喚人醉後扶黃金三萬鎰誓娶陸家姑
少小從行伍千金購武裝日騎宮廐馬夜宿酒家倡知已寧論臨危肯畏強蠻夷知姓氏不敢犯封疆

獨坐

獨坐茅堂上長吟不下牀亂書堆几席疎雨過陂塘野燕衝簾入汀花度水香應須存晚計次第學耕桑

發新河次韻

自忝王門祿頻年此地過秋風迴遠道暮雨宿新河白浪鷗邊小青山鴈外多客杯相慰藉一酌總恩波

曉發雷港

月暗投寒港天明發曉途驚應尋宿侶鴈已誤更奴霞映沿汀蓼霜枯倚岸蘆彭郎磯尚遠隱隱一山歌

丁丑仲春聞兄因門役從軍不知戎所有憂而作

書札望平安那知報急難宦途嗟我隔親塚念誰看煙瘴南州熱風沙北地寒鵲鴝原上淚雙袖幾時乾

星夕

牛渚清且淺鵲橋西復東黃姑仙駕動天女錦機空別淚零清露離魂驚慘風如何一水隔一會一匆匆

遊寶林寺

金碧絢樓臺禪關向北開水分雙澗出雲擁萬峰來古佛遺香火殘僧話劫灰黃塵吾老矣何幸一徘徊

答友人雨中見寄

雨聲連曉夕牢落向幽扉屋漏頻移榻江寒更覓衣野鳥饑自下水鳥濕還飛爾亦遺榮者終同理釣磯

郊居

春城俯平野草色靜柴門魚蟹舟中市桑麻屋後村遣兒招社飲為客置盤飧老計能如此陶然付一尊

贈洪山龍門海禪師侍者真淨

祝髮名真淨從今淨已真誦經常作佛持律定過人江月空中夜山花物外春龍門多寶藏種種是奇珍

送宗師還玉泉寺

省師何處去古寺玉泉清山笠披雲過江船趁月行拈香叅祖塔乞食到王城此去傳心印應知道可成

夢遊洪山寺

不到東巖閣重來又一年無緣能離俗有夢只棲禪客

坐茶香裏僧行竹影邊夕陽天未晚幽思滿歸船

齋居直館

直館齋居夜心無一慮繁茶煙籠燭暗花影進窓明老去頭雖白官閒夢亦清明朝當署祝早起候宮城

雲谷爲武昌吳瑄賦

雲谷幽人意閒雲靜者心石圍花下奕泉答竹間琴鶴影蒼巖遠雞聲碧樹深雖云住城市何異在山林

題蔡用強石城山房

絕境羣峰合幽居一徑分巖花和雨落林鳥隔溪聞門熟呼猿果書香辟蠹芸不因徵召起終是遠人羣

出都門

天上還家日沙邊解纜時亂山含宿翠飛鳥戲晴絲野眺偏宜遠江行不厭遲正期遊汗漫何幸值雍熙

回從過陽邏

陽邏行將近淘金過淺灘草痕秋更碧江氣晚逾寒處世情尤拙還家跡易安客愁雖似海未敵酒杯寬

舟中寓示蕭雷二伴讀

拜秩辭京國揚帆放使舟微茫煙外樹浩蕩雨中鷗詩美青山對杯空采石謀應將舵樓興一望楚天秋

從征古州蠻回塗紀驛

王程不敢緩四日下辰陽古木將軍廟春波使者航城依山勢險江納雨聲長莫止觀瀾閣傷心在異鄉

曹公兵敗處今識在嘉魚赤壁三分後烏林百戰餘橋

浮春渡關舟泊夜江虛千古英雄事悲涼太史書

桃花江上驛春水賣新魚滿尺銀堪比千鱗錦不如因

歌悲客裏每食感王餘江海親朋少誰傳一紙書

鄧居

移家雖偏仄只此足幽居茅屋三間小春田一畝餘人來論稼穡自學把犁鋤東舍催租急烹雞酌小胥

武口

擾擾天涯客悠悠武口船年光雙鬢裏春事百花前浮世身如寄還家夢屢牽明朝過潮去風熱片帆懸

次陸伴讀風雨舟中

客路三秋雨江帆萬里船驚鷗離急浪去鳥沒荒煙白日長歌裏青山薄醉前新詩雖寡和援筆待重編

過田家

偶過吳家墅殘陽半掩扉遠汀低樹密小徑雜花稀新酒浮觴醖鮮鱗墮釣肥年來任疎懶一醉即忘歸

贈僧龍翼雲

形迹無拘礙飛行徧九垓騰空那假錫度海不須杯花落一峰雨松喧萬壑雷老人應聽法一日幾多回

次季邦韻送陳僉衛琰征大庸蠻

將軍名將種承詔討南蠻廢命危如卵兵威重若山斬蘭花石下焚塞柿溪間一月聞三捷長歌奏凱還

觀孔雀朝

奇鳥當晴午團圓展羽衣翠分雙扇舉金擁一屏
鳳宜偕舞文鴛敢並飛東園非有名何幸親恩輝

次韻過散花洲

赤壁軍回處曾於此散花跳魚驚過艣落鳥立行槎山
雲連樹江清水見沙風帆今日便應送早還家

題伴讀董時貢所藏山水

公館多清暇林泉愜所探人家如谷口風景似江南斷
運荒深蘚崩崖老巨楠鯨波通海去鳥道與雲參江艇
維晨渚巖扉隱暮嵐雨田收赤黍霜圃摘黃柑未染清
霜屋先尋白石菴醉來休荷鋤老去願投簪許我閒身

松蘿齋集卷三八

明

十三

從渠俗慮耽偶然忘世累聊復謝林慚

和吳教授過潯陽

三旬辭幕府千里歷星霜水鶴和鳴櫓風鳥逐去檣還
家趨鄂渚歸路過潯陽山立雙峰峭江分九派長雲泉
高噴薄煙樹遠微茫落葉寒仍綠蓀花晚自芳守臣甘
殉國遷客重離鄉簡冊遺風節琵琶斷淚行濕嵐郵傳
外冷月戌樓傍老境頻過此懷賢易感傷

永嘉裴季和家有竹居典簿中都國學種竹數

竿想像故園之意

客舍仍藏竹殷勤憶故園亂枝交窄徑輕篠拂卑垣曙
煙凝几秋聲月在門殺青編汗簡浮碧駐山尊劇筆

供春祀行庖佐夕冷高人頻駐屐俗士竟回轅雖與山
林遠終無市井喧晉賢名未泯唐迹興猶存仿佛龜山
路依稀鴈蕩村南歸遂幽息授老更何論

洪武丙子三月三日千秋節

芳年臨上巳令節慶千春麻紀天開子杓迴月建辰四
城佳氣合三殿曙光新禁鑰通關早宮壺轉漏頻駕從
星戶入樂向露臺陳中使催班急西駒立仗馴燭樓晴
吐日香八暖霏塵柳色籠雕輦蘭薰襲繡茵虎貌雄武
弁鷄鶩肅朝紳王室分封盛宗藩展禮親南山齊獻壽
四境共稱仁勝事宜脩述才疎愧小臣

送鄉進士萬嵩會試

松蘿齋集卷三八

明

十三

聖治開文運寶典屬俊才考官千里至多士四方來
薦逢三載麟經占一魁荆人無抱璞郢匠足掄材喜及
簪花宴榮從擢桂迴擬登龍虎榜又上鳳凰臺志氣凌
層漢文光近上舍青山迎去旆綠水滌行杯良驥終騰
足神魚豈暴腮好風當側耳佇聽禹門雷

送武昌太守王德芳入覲

今代論多士如公復幾人風姿珠樹皎文采鳳毛新禮
樂名家子不冠上國賓撫綏民若子發擢吏如神案牘
從今簡閭閻復古淳儒宮儲萬卷市肆集千緡黍稷
村雨桑麻處處春賢聲清有跡善政美無倫客願依劉
表人思借寇鄉歌謠登郡乘論議動朝紳遠過龍河上

終歸鳳沼濟天顏恒眷顧國政每諮詢何幸遭逢盛應
知屬望頻行當調鼎鼎特爲展經綸

丙子秋八月偶書

今夏既無雨茲秋復亢陽雖云流大火未覺應清商午
近風偏熱宵分露不涼四郊禾未秀一圃菜全荒雲起
江光赤塵飛野色黃井深添汲綆江淺駐歸航解渴思
茶碗消愁仗酒觴蹉跎厭城市蕭散慕林塘頭白憐鄉
遠心丹願世康老懷無以遣捉筆偶成章

和內兄金士廉清明日答張應辰見過

雨晴江路少塵沙有客尋春到水涯風細遊絲低著草
日斜歸鳥亂穿花青山幾處無新塚喬木何人是故家

倩得盤遊春髻子東風日日好將車

山水圖

青山何處躡峻嶒我擬幽棲久未能深谷雨來雲正合
大江風作水如崩林中短屐行相引渡口孤航喚欲騰
今日未醒塵土夢披圖長嘯媿孫登

人日偶興

宦遊江漢十經春白髮東風鏡裏新千里此身長在客
一年今日又逢人雨中柳色黃猶嫩冰後湖光綠更勻
藩府官閒如化國不知誰是葛天民

元日和季翔韻

嘉節金門慶履端無風無雨萬人歡通班新例行中使

導駕常儀忝從官列仗纔回燈影曙嚴兵未解甲光寒
安閑歸去思榮甚醉插宮花上錦鞍

軍屯十萬坪

玉帳秋臨十萬坪石家銅鼓夜無聲千團毒霧開山塞
萬竈炊煙起野營自信丹心能報國誰知白首厭談兵
中官催草征南檄龍燭生花剪更明

白雲窩

席帽山人隱澗阿白雲深處有行窩忽驚仙化從龍去
猶想神遊與鶴過門外海濤翻白石屋頭山雨落青蘿
太行千載如今日目斷孤飛泪更多

大別山

南紀名山壯楚關虎蹲龍伏大江灣登臨興在煙雲外
疏鑿功存宇宙間二水合流通漢沔一峰特立控荆蠻
澗毛清薦虛祠惆悵何人繼克艱

黃石磯阻風

老我平生江海量此行不覺爲銷魂黑風怒若干鼉吼
白浪顛如萬馬奔行客帆檣迴浦渚居人煙火失朝昏
千金亦有垂堂戒況是餘生荷主恩

過洞庭

湖上東風水似天渚花紅白共春妍蒼梧二女墳前路
青草三閭廟下船鮫室銷機聲札札龍宮珠珮影娟娟
官湖東遂南遊興借榻君山寺裏眠

國醮禮畢送張真人還山

真人黃籙修三日聖主丹衷息萬機白玉印封天表進
紫霞衣惹御香歸雙龍直向雲中見羣鶴遙臨日下飛
大禮已成還舊隱蒼山草木亦光輝

寄徐可久

亂後歸來乍識君相逢還有許多貧牀頭酒熟留嘗我
囊裏詩成不寄人倦客閉門三日雨東風歸鴈一年春
南州未下陳蕃榻杖履東來莫厭頻

閱耕軒

南橋陳士傑田居

瑶溪耕隱水雲間門對吳淞九點山百畝平畦秧馬疾
一犁春雨米龍閒勸農由竣時相過結社鄰翁暮不還

我若東歸後

日幅巾便擬叩柴關

未

次韻答朱孟辨見寄

十日春無一日晴閉門聽雨不勝情江花偏向愁邊發
池草多從夢裏生西北星搖天不動東南潮落海如傾
却憐臣甫憂時切夜夜遙瞻北斗城

宴徐氏樓

高宴徐家池上樓座中賓客最風流東城美酒休辭醉
南國佳人自解愁晴日遊絲當戶落暖風香篆近簾浮
歸時不用山公馬短棹春波正滿洲

清明感懷

十年宦學楚江濱老景垂垂上此身種柳忽逢三月節

看花又過二分春青山風雨多新鬼白髮江湖少故人
東憶墓田千阜下不堪回首一沾巾

客裏逢春百感生况聽風雨過清明楊花總是離人恨
桃葉都非舊妾情小飲酒杯還亦醉苦吟詩句却難成
不知誰是窮途者哭似當時阮步兵

過皖城弔余忠宣公

元戎百戰守孤城千里虬蟬絕援兵保障有方文且武
簡編無愧死猶生神來遺廟垂雲氣鬼哭空江雜雨聲
尚憶李侯并達帥一時忠義屬科名

子威狀元為江
州太守死於郡

北榭

舊家行樂小亭臺珠箔青山卷盡開花月當時人已散
柳風今日燕還來舞鈿猶委宮牆草步障曾過輦路苔

一代繁華易銷歇白榆霜冷鴈聲哀

月中桂

七脩類稿劉菊莊以此詩起既云裁第
三句又云種不免犯重因改根為枝種

為長殊覺詞理為順又云天上上界
亦近乎重菊莊名泰字士亭杭州人

上苑誰將此樹栽廣寒高處古香來枝從天地分時長
花在山河影裏開白兔守株依貝闕青鸞銜子下瑤臺
不知所盡吳剛斧天上浮雲變幾回

山水便面

宣和便面何從得畫史當時屬有才紫翠峰巒天上落
青紅樓閣樹頭開羣賢似向蘭亭會一老疑從栗里來

安得從容隨杖履輕舟日繫水雲隈

姚氏野春堂

野外茅堂不掩扉堂前風日散晴霏梨花門巷清明近
春水池塘燕子飛每約鄰翁同社飲更從田畯勸農歸
明朝我亦尋春去小試東風白苧衣

寄松上友人

憶昔都門把臂時殷勤索我送行詩客邊賴爾能相慰
別後令人有所思芳草暮雲愁忽忽落花春雨鬢絲絲
東歸艇子如堪買定擬尋君泗水湄

送兄勉翁自鳳陽回松

把酒燈前醉復傾別離無限異鄉情一身千里久爲客
百歲幾時長見兄春雨園廬青草徧暮雲邱壑紫芝生
白頭送我東歸日數畝圭田得耦耕

題沈復古植芳堂

翼翼高堂淮水濔亭亭嘉樹已成陰芝蘭佳氣晴薰戶
金石丹光夜出林校隱且容高士傳衛生應得古人心
故家喬木今仍在信是當年雨露深

題王秉正雲林清隱

青林白谷水雲鄉隱者深居一草堂百道松泉當戶落
四時花鳥入簾香門前車馬紅塵遠座上琴書白日長
滿目故家風景在不須重畫輞川莊

送長史司吏吳永中役滿還廣東

早春公館柳條黃清暇題詩送掾郎白髮簿書官事了
青山風雨客程忙船從杜若芳洲發酒向桄榔小店嘗
歸及墓田寒食後碧雲東望思茫茫

和鶴年丁先生宿東巖韻兼呈洪山海禪師

借榻東巖第幾層山中玉舍佛圖澄浮榮過眼寧非夢
清言前身本是僧齋罷雲扃時聽講詩成雪屋夜懸燈
虎溪有約仍三笑自愧爲官老未能

題脩江王玠西山舊隱圖

若家舊隱知何處遙隔脩江紫翠岑金碧畫圖聊慰藉
煙霞印疊此登臨水花凝露魚依渚山葉鳴風犬吠林
布襪青鞋歸及早莫教猿鶴怨秋深

雙竹

玉立亭亭並出林不於千畝競繁陰雲霄每引鳳凰下
風雨或作蛟龍吟夷齊同隱高節在皇英對泣遺恨深
何當分箇漁竿去獨釣渭川煙水濔

紙被

萬竿霜藤練色勻卷舒盈幅淨無塵梨花夜煖雲迷夢
柳絮春寒雪滿身未怕青綾能見妬也勝白氎尚欺貧
五更聽徹金門漏得似山林晏起人

木芙蓉

渚宮仙子耐清寒笑倚西風臉渥丹絳節三朝瓊作佩
霓裳一曲翠爲盤夜霜漁屋燈前見秋水人家畫裏看

可惜繁華易惆悵錦官城上夕陽殘

燈花

不假天工雨露裁銀缸火煖自然開兩莖朱艸含烟秀
一朶紅雲度水來春色半浮珠蓓蕾風情中結錦胚胎
明朝喜事殷殷報莫遣芳心一寸灰

松牕聽雨為西安楊公圭賦

草堂千箇種長松好雨時來紫閣峰聲到風枝驚睡鶴
勢回雲壑起潛龍暮樵鄰火歸應濕晨汲家童出更慵
且喜官閒清兩耳逢人莫說大夫封

黃鶴樓

黃鶴西飛去不回青山高棟自崔嵬當年賣酒人何在

松風餘韻卷三

明

辛

今日題詩客又來舟繫城邊官柳發笛吹江上野梅開
白雲只在闌干外安得乘之遍九垓

呂仙亭

道人高坐朗吟亭古蹟因知此地靈劍氣飛來湘水白
笛聲吹入楚山青階前丹棗何年熟枕上黃粱幾日醒
快我登臨塵事隔摩挲蒼蘚讀碑銘

陸氏滄浪漁隱

子是天隨幾葉孫家藏釣具至今存秋風鱸美時供饌
春水鷗閒日到門泛宅豈殊居甫里放舟莫擬入桃源
濯纓濯足都休論且對青山倒一尊

題雙溪草堂

開道雙溪似瀼西草堂小築足幽棲揚雄奇字知誰問
杜甫新詩漫自題滿座荷風魚躍浪一簾花雨燕爭泥
白頭無意蒲輪召只恐文光動壁奎

答吳高士見寄

青鞵布襪木綿裘合是山中隱者流舉世可無劉越石
薦賢誰是呂婆樓秋風泖蟹年年上春水沙鷗日日浮
好為攜琴并載酒三高祠下放扁舟

送瀘州判官孫彥博

新除二守向瀘川西上長江萬里船行李莫辭為客遠
判花正喜得君賢官鹽歲汲千家井火米時收五月田
緩帶從容有佳興寄詩細寫薛濤牋

松風餘韻卷三

明

辛

三

寒食

三月東風大放顛今年為客倍淒然杏花時節偏聽雨
寒食人家不禁煙千里故鄉愁共遠一春白日夢相牽
天涯草色青青處祇憶千山墓下田

對雪

半年南國不雨落一夕北風吹雪來城中米價政爾貴
江上梅花空自開騎驢朝士曉未出射虎將軍夜不回
寒齋獨坐更愁絕饑鳥下啄青莓苔

敬和畫碧桃詩韻

風流畫史惜年光寫出宮桃異眾芳深淺舊紅渾改色
輕盈新碧倍生香佳人金谷顏如雪阿母瑤池髮已霜

不與杏花爭艷冶肯隨柳絮效顛狂靚粧姑射花鈿小
緩步飛瓊玉佩長勾引流鶯窺翠幙留連戲蝶繞華堂
題詩細詠情何極呼酒相看醉不妨帶露一枝尤瑩潔
絕勝湯餅試何郎

題藍山簿天台陳仲素先隴圖

孝子之官萬里途臨行貌得壽藏圖赤城親舍雲多少
黃葉人家路有無雙石効奇華表立一峰拔秀錦屏紆
地存牛迹曾眠處山擁龍形正向隅熒熒靈芝生百本
森森喬木長千株青天忽下過門鶴白日仍飛累土烏
有客東粵將適越何人挂劍更歸吳年登老圃收松子
秋薦思亭採木奴入里長官知下馬卜隣故老候歸鳬

松風餘韻卷八

圭

題典儀柳以臨九鸞白雲圖

清郎今是楚儀官鴈蕩雲山畫裏觀山似青鸞來九箇
雲非蒼狗變千端倚門斜日楓林晚拄笏高秋草閣寒
庭樹雞鳴思問寢江庖魚美阻承歡桂因招隱煙叢老
萱解忘憂露葉溥溪上樵歸風且便源頭童汲雨初乾
烏犍耕後曾秋穫白鶴歸時及晚餐東里遷居逢孟母
西隣醺社祀丁蘭天邊見鴈歸心切月下聞蛩旅夢殘
紫誥定應來絢爛綵衣重得舞盤桓板輿前引行花徑
竹杖旁隨過藥闌春酒嘉堂介眉壽更圖家慶後人看

九曲山房爲寧波史孝子賦

四明高士好山房雲磴煙林隔渺茫小徑到門通窄窄
流泉繞壁聽浪浪幽居宛似清風屋別墅渾勝華子岡
漁入誤迷源口路樵歸分坐石邊牀傷鳥羣集慈親墓
弔鶴雙臨孝子鄉芋栗早收防歲歉蘋蘩豫採備秋嘗
故交天上青雲遠高隱山中白日長秫米夜春催釀酒
松花曉折當焚香自知栗里多栽菊誰復成都別種桑
念我故園三泖上幾回落月夢荒涼

和韻過彭澤懷靖節先生

官船晚泊潯陽郭把酒長懷靖節賢腰折竟辭彭澤米
眉攢寧種遠公蓮歸來松菊開三徑老去菰桑受一廬

松風餘韻卷八

圭

晉代衣冠誰避世劉家社稷自書年雖云富貴非我願
已有清高獨爾傳千載令人弔遺蹟好山青立縣門前

江行三首

晚過三江口江空水急流船頭燈火起只尺是黃州
野色含江薄沙痕帶水長東風無白浪容易下蘄陽
野樹微茫裏江流浩蕩閒舵樓煙雨重不見九華山

墨蘭二首

青草三閭亭下蒼梧二女祠前欲采幽芳寄遠月明秋
水消涓楚曉光風曉泛湘臯泣露秋零我欲紉之爲佩
幽懷挹此芳馨

題墨梅送友人

黃鶴樓中玉笛看花吹徹春聲一別故人何處江南月落參橫

應山道中

欒木千株葉落梅花一樹香來從騎休吹羌管山中野鶴驚猜

脩竹芙蓉

水仙小隊自成雙裊裊霓旌引翠幢一夜湘君頭盡白西風離思滿秋江

題玄真詩意圖

下峰雲氣涌如泉遠樹微茫斷復連祇有大夫橋下路青山都屬釣魚船

松風齋集卷五

五

題倪元鎮先生小景

泖上相逢記昔年風姿颯颯似神仙如今看畫渾疑夢春樹雲林一惘然

墨桃花

武陵仙子絳綃裳愛向春風試艷妝一自別來顏色改可堪憔悴見劉郎

一云錢鶴灘作

詠菊八首

花神百斛釀秋香滿注流霞九醞觴令節無如天上好願稱千壽慶重陽

紫霞觴

黃金地上有名花開向千秋富貴家不比壽安紅與紫紛紛只解競春華

黃牡丹

越娥初試素羅裳愛向秋風學靚妝一夜不勝瓊珮冷晚香亭館有新霜

白西施

盈盈宮額半塗黃不減花前舊樣妝笑殺阿嬌金屋貯香袞寒怯夜來霜

黃西施

不逐春紅淺復深低枝小朵爛於金若教開作翻堦艷辜負風霜百煉心

金芍藥

秋水池頭看鬪鷗霜毛零落粉香多不知滿地誰收拾剪作寒花照碧波

剪鷗毛

一簇奇花上苑栽綵雲堆滿辟寒臺應將重價論千餅買斷秋光二色開

紫金盞

花比宮袍一色黃上林開處占中央臨軒長荷君王賞

松風齋集卷五

五

帶得天家雨露香

御袍黃

京中懷季翔二首

百壺佳醞透隣香出水新魚滿尺長阿母微醺孫在抱芙蓉湖上好秋光

官柳烏啼曙色催滿衣風露早朝回歸期想在重陽後爲報黃花緩緩開

牧牛圖

四海熙熙太有年青山牛牧夕陽前誰知六國黃金印不及秋風二頃田

枕上

簾飛絮晚悠悠春去光陰肯暫留可怪飛來雙燕子

替人閒說許多愁

丁丑七月參侍舟中

水邊疎草度螢光天際微雲過鴈行
坐待海風吹月上
舵樓高處不勝涼

題寧波胡公鼎雪巢

虛白巢中徹夜明寥寥孤鶴夢難成
竹爐火暖茶香裏
人比梅花更自清

夜泊驪港

去去歸程沂急流打頭風起又維舟
不因采石千罌酒
那解青山萬古愁

辛巳中秋

客邊歲月去如流夫婦他鄉共白頭
今夕一杯須盡飲
人生能得幾中秋

題畫二首

柴門春盡動鷗波樹色山光雨後多
老去無官能自在
醉眠江閣聽漁歌

三泖東頭浴鵲灣我家政住水雲間
一從失脚黃塵裏
不及蕭然此老閒

看鴨

一羣花鴨東湖上朝散春波晚自來
添得癡兒書懶讀
持竿一日看千回

答顧謹中

顧嘗遊戲筆墨作山水題詩其上以寄嘗

九點吳山夢裏青遠煙疎樹晚冥冥
何時買得螭頭舫
秋水菱歌泖上聽

又題顧謹中所寄畫

我家住在澱湖東風景依稀似夢中
白首曳裾歸未得
鷗波千頃屬漁翁

田家四時歌

家有田廬沂水東門前九朶翠芙蓉
鄰翁報我田官至
明日花朝候勸農

江北沂南雨一犁陰陰桑柘鶉鴉啼
木龍閒挂茅簷下
百畝新秧已插齊

種得紅芒與白秬五風十雨似堯年
高田無旱低無澇

多辦今年賽社錢

東鄰社鼓接西鄰酒滿槽頭稻滿園
官稅已輸私債辦
白頭甘作太平民

贈別

草色青青漢水新異鄉聽雨怕逢春
客懷不似今年惡
頻向東風送故人

紀夢

小宴初闌罷玉笙東風庭院好春情
沈沈鶯啼過樓東去
一樹梨花正晚晴

送監生馬駿進京

黃鶴磯頭上驛船舵樓撾鼓下晴川
客行二月梨花後

人到東風燕子前

書松雪翁墨跡後

吳興翰墨人間妙白璧黃金價盡低今日鷗波亭下路
王孫何處草淒淒

和鶴年先生訪補衲和尚詩

半霄峰頂擁丹霞雨策登攀豈憚賒老衲倒穿迎戶外
山禽啼上石楠花

雲林先生小景爲李至剛叅議題

故家池館錫山阿門徑寧容俗士過清閼閣空詩社散
蛛絲窗戶落花多一云李至剛作

題奚瑄雲山佳處

羣峰競秀遠儂家流水當門石徑斜閉戶不知春已去
白雲滿地落松花

夢成

大溪溪上清風屋小草幽花分外香白鶴一羣飛不定
萬株松下讀書牀

題陸二闔墨梅

青禽枝上月如霜夢覺羅浮欲斷腸却憶故園池館裏
看花一月不燒香

題張子正桃花春鳥圖

十年不見故園春畫裏題詩半古人老去風流渾減盡
東風花鳥易傷神

寄貝紀善季翔

花竹臨窗筆硯清初秋一雨便涼生錦囊平淡詩千首
近日新編幾卷成

有明三百年松郡之詩海史寶導其源沿及末流
黃門考功一輩粗枝大葉使氣矜才欲推倒一世
蒙傑較之海史便覺形穢長史諸體俱工其清峭
處足以頡頏海史登其詩百有五十不厭多也盧
陵序蘇氏文集云斯文金玉也棄擲埋沒糞土不
能銷蝕其見遺于一時必有收而寶之于後世者
嗚呼其可慨也已五爲標榜排斥異己關于世道
人心明詩選之不入一首又何譏焉人棄我取風
雅君子當有定論

松風餘韻卷三十八

松風餘韻卷第三十九

目錄

明單恂 十四首

趙楫 一首

趙友同 四首

趙松 一首

趙灼 一十四首

趙冬曦 二首

趙左 二首

夏宗文 一首

夏衡 一首

夏寅 五十首

夏嘉遇 一首

夏允彝 五首

夏完淳 六首

松風餘韻卷三十九

晉浦姚弘緒聽巖編次

單恂

明詩綜恂字質生華亭人崇禎庚辰進士麻城知

縣有白燕菴詩集陳仲醇云質生登癸酉鄉書往

謁本房師柯公於金壇柯公欲留之蕭寺以津助

六計偕北遊之資質生謝曰某但解感恩不解望

恩柯公竦然把臂曰吾幾以俗情失天下士其詩

風華詳整時然後言平淡極而烜爛生深拔久而

鴻麗出枯樹齋集序陳卧子云質生爲人風調閒茂舉

止疎拔溫度雅緒宜於人倫詩篇明瞻動以朗潔

至其意寓雅尚西崑故綺閣之愁習香奩之頹遇

一音傳怨絲竹成灰數言觸懷脂粉遙斷思婦聞

之掩心羈人過而疾首矣竹香齋集序

涿鹿懷古

樓桑村路燒痕連督亢陂頭散暎烟征鐸帶寒春堠曲

市帘垂樹暮橋邊樂君塚廢山孤窳鄴尉亭空野蔓牽

猶望太行三月雪故園紅雨正漫天

金陵紀事

苑城春開綠楊絲江介軍書醉不知清曉內璫催尚藥

官蝦蟇進小黃旗

春雨二首

杏花紅雪覆東牆玉版初肥若下香陡憶斷橋清夜燭
蕭蕭暮雨唱吳娘

紅發棠梨花滿枝小樓寒食雨絲絲白頭更度傷心節
細簡冬郎蜀紙詩

鄧尉觀梅

擬尋茅屋占山榭亂後生涯谷口樵慚愧梅花憐客去
衝寒六度虎山橋

鄰叟貽芍藥一本

一叢婪尾映牕紗誰寫徐家沒骨花好共當階傾鑒落
離人多少尚天涯

有贈

花底相逢記隔春西窗剪燭夢還真驚黃柳色鵝黃酒
莫負池塘月待人

對雨念小園花事

記得停歌醉似泥木蘭藥月小廊西玉人泥要新詞唱
蜀紙燈前減字題

有憶

絳河斜落艸蟲鳴簾捲芙蓉夜色清憶醉銀船涼月底
白家菱角坐吹笙

桃花引

白鳥灘頭格格飛曾船咿軋鰕魚肥劉郎愛向桃花老
不遇神仙也不歸

玄都無樹笑春風騎馬河陽夢又空惟有故園溪水曲
亂餘猶亞酒旗紅

避跡友人溪舍自遣

睡起持頭住野塘燕爐楚堞思茫茫釣輪傍客咿啞晚
暮簾留僧隔膊涼陰砌莎雞吟尚澀斷畦蒲鶖摘來香
比隣貧盡愁新秫省我秋時茂世忙

秋晴散步城南

荒原紅樹帶涼萋打稻場邊自鬪雞魁蟹避沉寒水渡
乳羊鳴下夕烟隄身貧剩喜綿初辦秋老尤須酒數攜
陡憶岐亭霜後獵繡旗兩道角聲齊

新夏郊居

新荷貼渚綠田田白蝶參差白鳥眠釣艇繫時蒲颭水
綠車聲外麥籠烟閒來茗椀留僧鬪老去詩筒畏客傳
睡起刺桐花畔立繡鞦金絡記當年

質生一字尊僧號猶菴自麻城令請養歸里隱居
東阜之白燕菴先是所著詩有竹香庵菴菴枯樹
齋三集久已板行文孫翼樓貽余白燕菴遺詩一
冊大半已登枯樹齋集中其餘皆隱居時作也掇
其不紀年者附於明詩綜所載諸詩之後至才品
大畧前後諸先生序之詳矣不復贅焉

趙輯

文翰類選輯字濟川松江人

輓道紀李方壺

黃葉山深蕙帳空羽衣蟬蛻道猶龍瑤臺月冷猿哀夜
丹井霜寒鶴護松胎息有元遺世幻珮環無響落天風
方壺望斷多惆悵知在瑤臺第幾重

趙友同

方志友同字彥如宋荆王元儼之後父良仁博學
遠醫從金華遷華亭友同刻志讀書嘗從宋景濂
游工古文詞及舉子業胡儼為華亭教諭舉為訓
導既而浙江聘典鄉試滿九載當遷姚少師言其
深於醫遂授御醫又有言其知水事者詔從夏原
吉治水後大臣數薦其文學及修永樂大典以本

松風餘韻卷三

明

四

官領副總裁修性理大全亦與馬書成賜金綺將
官翰林以母喪去官尋卒著有存軒集檢討王偁
字孟陽洪武時鄉薦送趙友同還華亭詩曰積水渺無際送
君江上還九峯何處所迢遞白雲間舊業菱荷在
秋風鷗鷺閒定知三泖月相見一開顏

題樓節婦卷

痛惜平生志願違百年偕老事全非青春竟負梁鴻案
白髮空存孟母機奉祀潔心朝釀秫抱孤和淚夜縫衣
辛勤贏得詞臣筆吳越江山盡有輝

過虞美人墓

聽罷悲歌血淚凝舞衣零落帳前燈千年荒塚埋遺恨

不勸君王用范增

題趙子固蘭蕙卷

雜花已垂盡幽草何歲蕤風來一飄泛並葉不自持賴
有芳心在含香終未移

修葉亂紛敷幽花藹鮮澤雖非百畝繁孤馨自朝夕撫
卷動遐思悠然長太息

趙松

方志松字天挺上海人弘治壬子癸丑聯捷太常
寺少卿客諧偶鈔趙松好讀書美儀表童子試不
利因就婚郡城為贅壻婚三日買舟歸謁父母是
日值送新進生入泮例皆青衣小帽先謁學使者

松風餘韻卷三

明

五

趙適經院門隨入觀之點名訖趙度不可出挺立
於庭學使者怒曰意欲何為對曰非有所求一觀
盛典耳學使者見其氣度不凡霽色曰可誦試作
誦畢令人啟其帽諦視喜曰他日公卿也命同備
旗幟鼓樂送入府學是日父母在鄉方設酌召姻
黨候其子歸至晚寂然父及諸客皆不懌已而鼓
樂導從冉冉而至方恠罵之趙從容道其故諸客
乃賀是秋即領鄉薦明年中春榜官至少卿符學
使者言今少卿坊尚在郡城中按野西翁墓表松
係翁次子由工部
都水主事改光祿寺丞進少卿
轉貳太常見顧東江家藏集

送都諫張時行使交趾便道覲省

日穀巍巍開帝座天書冉冉動靈林花明丹闕傳雙錦
艸媚春暉獲寸心赤縣旌旗南斗近繡衣光景北堂深
未須重譯通周貢早報垂韜聽禹箴

趙灼

府志灼字時章上海學嘉靖壬子舉人丙辰進士
由行人歷右通政卒祀鄉賢雲間人物志趙方齋
初授行人時分宜用事士蟻集其門公獨不往後
長吏垣管理大計推轂寒士援引素交擊去小人
之附分宜者遷太僕太常少卿晉通政卒年四十
五無子嗣孫東曦另見雲間志畧公措諸身未嘗
爲高峻不可冀之行形諸章奏未嘗爲迂濶不可
行之言發諸詩賦文詞亦未嘗爲枯澀艱險不可
讀之句而其與人交謙退和雅即後輩亦與之均
禮不自知其貴且賢也任銀臺未久以省父疾告
歸旋遭母喪神宗初將召用竟卒惜哉

天馬山即事

把袂來山寺高峰竟日躋醉餘眠石穩望處覺天低拂
檻青山入開牕白日西僧寮無俗駕疑是武陵谿

送陸谷水北上

未醉難爲別沉酣始送君褰帷虛夜月躍馬冷秋雲意
氣交遊少風塵去住紛何須論離索擁傳擬終軍

夏日載酒過松竹軒

養疾餘玄度相邀觸暑尋杯中浮竹葉檻外落松陰雨
過侵衣冷涼生入座深醉來幽興愜渾欲謝朝簪

過朱氏山亭

鼓枻尋芳境抽簪自在身松蘿多歲月泉石少風塵公
子能邀客青山不拒人凭闌無限意蕭瑟媿吾真

端陽日攜酒過浴鳧池塘

五日攜尊過何言晝掩扉蒲香渾入酒苔色上侵衣鳥
避深林靜魚游密藻肥浮名寧足問世事白雲飛

早出城門因過亦樂園和韻

輕車出遠陌旭日上平臺牢落人同病幽閒意獨開亭
虛花覆席山靜石生苔不負茲遊興陶然發舊醅

失題

緩步躋山寺梅花處處香力稀頻卧石興到輒飛觴閣
眺千村樹波搖萬頃光凭虛無限意吾道足滄浪

夏日山亭納涼和韻

鏡檻涼颼入攜尊竟日過蟬鳴清晝永魚聚綠陰多來
去花間蝶榮枯水面荷爲憐王謝宅一半長烟蘿

臨城驛逢梅林胡君被逮北上

開府曾飛海上旌島夷不復敢橫行冰山見現終難倚
宦海微風亦有驚仕進休圖三窟巧死生空歎一毛輕

聖朝待士恩非薄莫悔當年漫請纓

四日由郡城放舟之天馬山

幽居無意事輕肥朋好相攜試浴沂解綬久虛朝省夢
登高聊製薜蘿衣春光易盡青山在夏日初晴白鳥飛
夾道綠陰消未得將同漁父卧柴扉

春日同若霖兄峯祖江二弟過醒石園宿

城西連騎興悠哉下馬雙扉喜乍開引徑遠憑曾宿客
論詩深愧不羣才觴流水向花間過簾捲山從席上來
尤使吾曹耽仕進此番安得共銜杯

失題

伏枕風塵失素秋無緣倒屣侍芳遊衡門晝掩堪羅雀
綠水潮生足汎鷗蕪穢豈供時俗好蕭條偏喜故人留
吟詩更許相過日沽酒重登竹外樓

紫閣

紫閣謨謀社稷安書生封事錯相干陽城不值當言日
緘口無名死一官

送澤門袁太守

使君此別不勝情到處恩多起頌聲治行佇看天子召
諫章猶署夕郎名喜來越國車前雨愁去雲間望裏旌
強欲留君知不住將因卧轍阻南行

先生不以詩名上洋友人寄遺稿百餘篇似不經
意所謂絢爛之極歸於平淡者非耶

趙冬曦

明史彙東曦字馭初上海人萬曆四十七年進士

歷知閩金華嵩三縣崇禎五年擢刑科給事中甫
拜官即言加派豫徵搜括捐助悉苟且之政請與
屯塞下以充軍用言路多囚首詔獄請稍加平恕
容受直言報聞俄言頃以宣塞私和陛下赫然震
怒逮巡撫沈榮罷本兵熊明遇乃監視者王坤方
會飲城樓商權和議所需錢幣在坤掌握力持不
可安從給發即請之朝而沮之亦孰敢擅行坤不
得辭扶同罪反上疏云邊烽已熄侈以爲功且有
或候交代語夫內臣之遣陛下間一用之本非不
易之典坤扶同擅盟邊臣倚爲護身之符欺蔽當
日甚陛下即盡撤各鎮監視猶悔不早坤尚欲請
代圖彌縫於去後願陛下立正坤罪盡撤諸使
還京帝言宣鎮擅和係坤奏發何謂欺隱命調東
曦外任御史吳振纓給事中馮元飈等疏救並切
責無何給事中陳贊化以皇子誕生請宥罪復職
其同官吳南灝亦救之並不許謫福建布政司都
事稍遷行人司正禮部郎中奉使還里福王時召
爲給事中東曦已卒

旅病東山中友人

縱然無那病愁何贏得京華也薜蘿逢世無能偏自許
懷人前夢即相過漸疎棋局忘巒觸但擁書城足寤歌
爲問山中吟嘯者視余愁病孰閒多

百日呻吟類大蘇自憐轉側倩人扶已甘枕却愁為伴
獨有囊餘筆未枯市骨空傳誰買駿鄉心久切盡思鱸
巡則隔歲芳菲日攜手花間問酒壺

趙左

郭志左字文度華亭人與宋懋晉俱學於宋旭懋
晉揮灑自得而左惜墨構思不輕涉筆其畫宗董
源兼有黃公望倪瓚之意神韻逸發故為士林所
珍嘉興陳廉其高足也無聲詩史文度與董思白
為翰墨友流傳董蹟頗有出文度手者兩君韻頗
藝苑政猶魯衛若董畫而出於文度縱非牀頭捉
刀人亦所謂買王得羊也其論畫云畫山水大幅

松風集卷三十九 明

以得勢為主山得勢雖紆紆高下氣脉仍是貫串
林木得勢雖參差向背不同而各自條暢石得勢
雖奇怪而不失理即平常亦不為庸山坡得勢雖
交錯而自不繁亂何則以其理然也而皴擦勾斫
分披糾合之法即在理勢之中至於野橋村落樓
觀舟車人物屋宇全在想其形勢之可安頓處可
隱藏處可點綴處先以朽筆為之復詳玩似不可
易者然後落墨方有意味如遠樹要模糊襯樹要
體貼蓋取其掩映連絡也其輕烟遠渚碎石幽溪
疎筠蔓艸之類祇不過因意添設而已為煙嵐雲
岫必要照映山之前後左右令其起處至結處雖

有斷續仍與山勢合一而不渙散則山不為烟雲
所掩矣藏蓄水口安置路徑宜隱見參半使紆迴
而接山之血脉總之章法不用意構思一味填塞
是補衲也焉能出人意表哉所貴乎取勢布景者
合而觀之若一氣呵成徐玩之又神理湊合乃為
高手然而取勢之法又甚活潑未可拘攣若非用
筆用墨之高韻又非多閱古蹟及天資高邁者未
易語也

題畫卷

過橋野色覺秋深殘葉西風度晚林一路清吟歸未得
也須分付杖藜尋

松風集卷三十九 明

秋日汎泖

東南天濶靄冥冥高浪排空洗落星漁父一生耽浩渺
僧家終日住空青鶴來水殿巢風急龍卧春潮帶月腥
不問蓬萊與方丈應持孤棹老沙汀

九齋集有趙宋樂府宋懋澄與趙佐合作也宋與
文度友善集中姓氏屢見知佐為文度無疑意文
度名左又名佐也論畫井井知其胸有邱壑畫中
詩詩中畫鷗波亭一脉倘有代興者耶

夏宗文

墓誌楊文敏宗文諱文別號醉漁世家華亭幼失
怙性敏嗜學從鄉先生張夢辰游習詩律有奇語

兼攻漢隸章艸弱冠為郡庠生後以母老辭洪武庚午坐累謫隸戎籍尋以疾代還與室人養母篤孝敬迨卒葬祭無違禮永樂丁亥以楷書被召預修永樂大典暨寫勸善書事竣授主廣平縣簿佐理有方既而董役營長陵永樂壬辰卒年四十有七所著有長淮醉漁橐藏於家長子正丁酉鄉貢奇嵐州學正次衡官太常寺卿

題范宗宣公麥舟卷

為惜三喪舉未能麥舟一與遂馳名頓令義若邱山重不覺財如土芥輕慷慨已先嚴父志殷勤聊慰故人情要知此亦尋常事別有聲華照汗青

松嵐錄卷三十九

明

夏 衡

雲間人物志衡字以平號樗菴華亭人永樂初選為弟子員後以善書方志云學士沈度以善楷書薦徵入翰林修永樂大典越三年書成擢中書舍人扈從北征洪熙初勅授徵仕郎賜宅一區凡內閣制敕文字皆屬公書宣德改元復扈從征武定州陞行在吏部考功員外郎郎中供職如故兩朝實錄成加俸一級有白金文綺之資尋陞奉政大夫正統初賜織金衣一襲楊文貞稔知公清修文雅薦侍經筵丁內艱上命兵部給舟送其櫬還鄉聞公哀毀又遣太監范安瓚瓊玉膏賜之服闋供職陞順天府丞

太僕寺卿英宗復辟陞太常卿復有白金文綺之

賜以年逾七十無子懇乞致仕居官四十年所得

俸多濟貧乏生平善吟咏字學真行隸篆無不精

絕尤善作山水竹石四方來求者無虛日所著有

樗菴集郭志衡在禁近最久謙厚縝密未嘗泄禁

中語時同事者多假內閣勢有所干求於外衡廉

靜寡欲公退閉門泊如也天順八年卒年七十三

訃聞遣官諭祭有司營葬

送無傑才上人住靈隱

尋芳來上國振錫復南還一鉢隨緣飯孤燈到處禪晚風青豈雨秋水白蘋煙後夜鐘聲斷相思浙水邊

松嵐錄卷三十九

明

夏 寅

明史彙寅字正夫松江華亭人正統末舉進士授南京吏部主事進郎中成化初考滿入都上言徐州旱潦民不聊生壤接山東素產豪傑饑餒切身必為盜賊乞特遣大臣鎮撫蠲租發廩沿途貢船丁夫不足役及老稚而所載官物僅一箱餘皆私齎乞嚴禁絕准徐濟寧兩京咽喉宜各設文武官鎮守訓兵屯田常使兩京聲勢聯絡則倉卒可以制變章下所司行之惟不設文武官遷江西副使提督學校其教務先德行進浙江右叅政處州民苦虐政走山谷寅檄招之眾皆散解以之進山東

右布政使弘治初致仕歸卒年六十六寅清真無
黨援嘗語人曰君子有三惜此生不學一可惜此
日間過二可惜此身一敗三可惜世傳為名言五
劔尊聞正夫為江西提學副使每試諸生日暮納
卷畢則問卷亦畢次早案出矣藻鑑人才在牝牡
驪黃之外歷朝詩集李西涯謂夏正夫劉欽謨同
在南曹有詩名劉有俊思名差勝夏每見卷中有
劉詩累月不下筆必求勝之劉早卒夏造詣益深
竟出其右然東南士大夫猶不喜夏作以為頭巾
氣不知何也

拜文公像

松蘿齋集卷三

明

古

仙人養白鹿鹿死仙人傾偶逢紫陽翁再起書院名車
停構一字雲流走羣英枕石石不頑漱泉泉有靈彭蠡
萬頃波流作泗水聲在廬九疊峰峙為泰山形白鹿比
蒼麟因之注諸經我來訪書院僻近南康城遺像在古
祠鐘鼓置兩楹拜瞻不能去豈為山水行

出湖口

我舟九江來望望出湖口鞋山上下石絕斗五老峰前
一杯酒古來豪傑今何有借爾廬山一片雲太湖揚瀾
入吾手為作霖雨濟九州蘇息蒼生天與否

春宮詞

重重綠樹圍宮牆楊花撲人春思長絳綬重封守宮血

翠鬟空學巫山粧監宮夜上金門鎖鑒音漸遠半車過
熏籠斜倚未成眠月痕已向樓西墮

登泖塔遇雨

振策層霄上招搖獨鳥過雷驅青嶂雨花散白鷗波旦
暮成今古風鈴倚笑歌由拳不可問幽意託松蘿

廬山

臥慕廬山勝今朝偶一登峰能留客住瀑似愛人聽古
跡多湮沒禪房幾廢興短吟難盡述聊以記吾曾

永新山行用姚大參韻

王事同行役逢春不當遊僕夫勞似馬山輻輳於舟樹
老多巢鷓鴣溪乾不下鷗深談及民瘼為喜復為愁

松蘿齋集卷三

明

茲

驛車頻開俗舊學載書行橫上千松秀田間二麥成戍
戈防盜植巫蘇賽神鳴前館逢昏宿春宵苦易明

宿天寧寺

秋暑倦行日聊歌對碧山我觀名利好僧入退居閒字
剝碑年號香勞佛面頰星隨葉風動鐘磬隔人間

早發新昌

又出宜豐路長林過幾家圓橙秋晚實香稻午時花細
艸眠黃犢清江點黑鴉行休記吾迹真不異搏沙

送王給事

語回天事已難朝居青瑣暮藍關冰霜夜結孤臣思
化柳春融逐客艱楚樹荒涼三戶縣越山重疊五溪蠻

殊方本較長沙遠只是皇恩許便還

金山

江心喜見碧崔嵬不惜樓船破浪來漫說風雲有神護
真成國畫自天開文章健筆推蘇子泉石清幽屬辨才
壯觀由來豁心目夕陽扶醉妙高臺

遊雙林寺

靖安縣志寺距縣二里繡谷山下前
帶長溪後依窮谷泉甘土肥林木深
茂誠寺中一佳境也東晉西域竺曇
忍過之愛其山西似西天娑羅雙林間如來
說法之地遂開山居焉
唐柳公權為書門額

風日猶暄未作寒雙林勝景足盤桓香凝丈室心源靜
木落千山眼界寬樵唱悠悠聞谷口鐘聲隱隱出雲端
支郎與我情相洽尊酒留連且盡歡

松蘿觀

六

敲斷晨鐘未啟關偶隨小隊過林間奇松怪柏層層樹
碧嶂丹崖面面山未論為僧有何樂細思遊宦豈如閒
膏肓泉石終難改常到雲窩不便還

虔州懷古

宋家後葉如東晉南渡虔州益可哀母后徹簾行在所
相臣開府濟時才虎頭城向江心起龍脉泉從地底來
人代興亡今又古春風回首鬱孤臺

金精山

在寧都縣西北十五里

金星何年精墮地峭壁萬丈懸丹梯混沌初疑巨靈擘
森爽只許仙人棲清泉掛瀑石齒齒碧艸滿洞風淒淒
山空氣冷不可住出谷一嘯斜陽西

鵞湖書院

鄱陽縣志鵞湖山在縣東北周迴四十餘里其影入於縣南西湖諸峰聯絡鄱陽記云山上有湖多生荷故名荷湖東晉人龔氏居山畜鵞一雙鵞育子數百羽成乃去更名鵞湖山麓有鵞湖寺宋朱元晦呂伯恭陸子壽子靜四先生於此講學遂建書院有鵞湖

紅鷺飛去碧湖空積翠高巖在眼中有木三間起書屋
無香一瓣寫愚衷斯文下地未千載元氣在天真數公
浩歎出門乘馬去蕭然林樹鬱悲風

觀宋徽宗藏蘇長公書金剛經碑

東坡晚歲閱西方宦海隕然髮鬢蒼已銳機鋒輸玉帶
又疲精力寫金剛殘碑認脚真元祐秘寶傷心是靖康
得與山陰同逸駕也應微意託空王

午飯玉虛館

方渠曲榭小瀛洲意愜偏安一餉休六月荷風渾却暑
四時山雨盡迷秋虬龍箇箇蒼松老羊虎磷磷白石稠
五舍疾行天又熱解煩須是服神樓

西隱山

在贛縣西四里

一段雲邱萬木攢高堂相對鬱孤寒初疑石徑無多遠
直入沙門幾許寬杯酒不辭閑坐久溪山却恐再遊難
沉沉宦海心猿繞便好求禪問六觀

題天長鄭節婦卷

生與君婚死合隨九重泉壤去何之閒閒忍使姑垂老
勉強偷生妾不為萬派波濤心似石五更風雨淚如絲

題詩欲為書千紙傳與觀風使者知

過彭城

劉項兵銷霸氣平書生千古獨含情營中亞夫絀漢策
垓下美人啼楚聲落日碭山雲色散大風濰水浪還鳴
梨花一半彭城酒長醉扣舷歌月明

泰山

小方為岱眾山宗萬域人心仰止同七十二君封禪後
數千年事渺茫中鯤遊北海雲長黑雞驗中宵日已紅
弱水從來在何處羣仙初別大明宮

瑞昌古城

九江府志舊在桂林橋安泰街

楚寇揚兵肆毒痛江州何地得樵蘇中原已附明天子

松林橋安泰街

本

烈士誰甘莽太夫白氣如虹光犯斗黃星似狗怒成胡

瘡痍未起謳歌動皇祖成功亘古無

范增墓

在徐州城南里許元季有賈胡盜發得寶劍去

誰阻歸骸骨焦心竟道亡青山埋未穩一劍又遺殃

望氣知天子滎陽苦力爭平生好奇計本是學縱橫

澎浪磯

虎牙澎浪口鐵柱小孤山江漢朝宗道東南第一關

小孤山

海門東去大江橫秋滿乾坤萬籟鳴七十二峰青未斷

小孤山下看雲生

謁孔林

墳寢千年樹百尋烟雲無際鳥飛沉雖然弟子當時植

不是恩深不到今

宿建昌

二畝已無公擇地孤齋猶有子瞻詩團圞桂影城頭月
又見今人弔古時

弔譚烈婦

宋末人永新縣

馬賊儒宮得死門殿楹血影舊精魂只應研取萇泓碧
點得佳人怒目痕

書分司壁絕句

一萍千古得名鄉國號雖存羊姓亡好鬼逐巫皆舊俗
却無祠屋奉昭王

松林橋安泰街

明

本

零山

零峰屹立壓我眉上有元朝感雨碑我作紀行詩未畢

升車忽起片雲隨

石鐘

在湖口縣有二山鐘山在縣南鐘山在縣北兩山對峙巖秀爭奇誠東南之美觀也

蘇軾道元謂下臨深潭微風鼓浪水石相搏聲如洪鐘見九江府志

再上湖亭訪石鐘山僧掃斷白雲封岐陽石鼓今零落

吾欲兼收置辟雍

出湖口

一痕清濁分湖口秋水南風拍岸齊望見小孤清一點

廬山回首大江西

吳儂歎乃歌五首

漢賜民租天地寬唐更兩稅出艱難有誰今日圖無逸
獻與深宮帝主看

宋厦顛危景定年浙西六郡賈公田官租已作元朝利
誰肯還將重額蠲

問儂何故只埋頭成化年來遮薄收今歲水淹明歲旱
官家莫作蠲絲抽

當年漕兌要加糧蜂擁官旂跌斛量轉餉雖云軍國事
也知民已竭筐箱

翰匪于天潛匪淵飄然一葉小蓬船滿城遍委催租吏
不到江湖夢枕邊

春夜曲

松風集卷五

明

辛

寶鴨烟消幾縷香月移花影過長廊春情一種無聊賴
自起燒燈照海棠

梅邊美人

欲向東風問早春閒來花底步香塵試看一種嬋娟態
即是羅浮夢裏人

芭蕉美人

曉粧纔罷思徘徊羅襪輕移步綠苔試向芭蕉問春信
一絨芳札為誰開

羅浮山

二山合體鎖坤元洪水飄來不計年玉洞天寬無客到
石潭雲靜有龍眠霜秋錦炫丹霞樹月夜琴鳴碧澗泉

我欲凌風登絕頂一聲鐵笛叫飛山

江樓

西池樓上接東樓水色沉虛月色浮風露滿簾聲寂寂
山河當戶水悠悠銀杯清浸冰壺晚卧榻光橫玉宇秋
自是人間即天上蓬萊仙子愛居幽

咏字

八生心畫最為奇鳥跡詳觀理至微八法森嚴函霧雨
六書磊落燦珠璣銀鈎鐵畫毫端出春蚓秋蛇紙上飛
笑殺山陰王逸少黃庭書罷換鵝歸

咏紙

剡藤搗練用千頻抄制輕鮮可愛人光閃鵝青新染濕
滑殊鵝白瑩鋪銀價高祇為三都貴名重還因十樣新

松風集卷五

明

辛

品列文房為至寶陳玄毛穎與同倫

花陰

名園膏雨潤花腮紅紫紛紛引蝶來映月嬌容酣玉砌
拖烟清影疊瑤臺一簾春色描難就滿地香痕掃不開
詩酒遣情消白日東君莫放點蒼苔

落梅

一片花飛繞御闌宮粧新點玉人顏占春林下香初減
留臘枝頭雪尚寒江隴故人音問斷山城斜日笛聲殘
當時商鼎情尤重結實應留一味酸

蘆花

勘破秋容妙化機白頭江上泣斜暉乘風學作雪花舞
參徑難同柳絮飛高碍錦帆迷客艇碎鋪瓊玉點漁磯
當時幸伴經筵士千載芳名著閱衣

苔

如錢匝地匪陶鎔雨過痕添幾處同濕長土花青荏苒
寒堆石髮翠蒙茸罕從富室豪門裏多在貧居陋巷中
付家僅休掃去牕前留襯落花紅

先生宦轍所經山川人物梵宇琳宮荒祠斷碣流
連憑弔情不能已不僅以雕刻花月為事也太倉
虞山勢如冰炭評品各異予刪其鄙嗇者餘皆渾
成樸老卓乎可傳紀行集自序云譬則春鳥秋蟲

松風齋集卷之九

三

應時而發蓋天機之動而其美惡不可得而知亦
不可得而已也固先生自知之明哉

夏嘉遇

明史案嘉遇字正甫一字登之華亭人萬曆三十
八年進士授保定推官四十五年用治行徵當擢
諫職先注禮部主事帝久倦勤方從哲獨柄國碌
碌充位中外章奏悉留中惟言路一攻則其人自
去不待詔旨以故臺諫之勢積重不反有齊楚浙
三方鼎峙之名齊則給事中元詩教周永春御史
韓浚楚則給事中官應震吳亮嗣浙則給事中姚
宗文御史劉廷元而湯賓尹輩陰為之主放廢清

流天下號為當關虎豹其黨給事中趙興邦張廷
登徐紹言商周祚御史駱駿曾過庭訓房壯麗牟
志夔唐世濟金汝諧彭宗孟田生金李徵儀董元
儒李嵩輩與相倡和務以攻東林排異已為事其
時考選久稽屢趨不下言路無幾人盤踞益堅後
進當入為臺諫者必鈎致門下以為羽翼當事大
臣莫敢撓其鋒詩教者從哲門生而吏部尚書趙
煥詩教鄉人老昏矣兩人一聽詩教詩教把持朝
局為諸黨人魁武進鄒之麟者浙人黨也先坐事
謫上林典簿至是為工部主事附詩教浚求吏部
不得大恨反攻之并詆從哲詩教怒煥為黜之麟
時嘉遇及工部主事鍾惺中書舍人尹嘉賓行人
魏光國皆以才名當列言職詩教輩以與之麟等
抑之俾不與考選以故嘉遇不能無怨四十七年
三月遼東敗書聞嘉遇遂抗疏言遼左三路喪師
雖緣楊鶴失策揆厥所由則以縱貸李維翰故夫
維翰喪師辱國罪不容誅乃僅令回籍聽勘誰司
票擬則閣臣方從哲也誰司糾駁則兵科趙興邦
也參貂白鍛賂遺繹絡國典邊防因之大壞惟陛
下立斷疏入未報從哲力辯嘉遇再疏劾之并及
詩教於是詩教興邦及亮嗣延登壯嚴輩交章力
攻詩教謂嘉遇不得考選故挾私狂逞嘉遇言詩

松風齋集卷之九

三

教於從哲一心擁戴相倚為奸凡枚卜考選諸大政百方撓阻專務壅蔽遏絕主聰遂致綱紀不張戎馬馳突臣竊痛之今內治盡壞縱日談兵食談戰守究何益於事故臣為國擊奸冀除禍本雖死不避尚區區計升沉得喪哉時與邦以右給事中掌兵科先有旨俟遼東底定從優敘錄至是以嘉遇連劾吏部遂立擢為太常寺少卿嘉遇益憤疏言四路奏功與邦必將預其賞則今日事敗與邦安得逃其罰且不謂之矣反從而超陟之是臣彈章適為薦剡國家有如是法紀哉疏奏諸御史復合詞攻嘉遇嘉遇復疏言古人有云見無禮於君者逐之如鷹鷂之逐鳥雀也詩教興邦謂臣不得臺諫而怒夫爵位名秩操之天子人臣何敢干必如所言是考選予奪二臣實專之此無禮於君者一事寧優敘非明旨乎乃竟蔑而棄之此無禮於君者二魏光國疏論詩教為通政沮格夫要截實封者斬自來奸臣不敢為而詩教為之此無禮於君者三二奸每事請託一日以此事屬職方郎楊成喬成喬不聽遂逐之去詩教以舊憾欲去其鄉知府考功郎陳顯道不從亦逼之去夫吏兵二部天子所以馭天下也而二奸敢侵越之此無禮於君者四有臣如此臣義豈與俱生哉先是三黨諸

魁交甚密後齊與浙漸相貳布衣汪文言者素遊黃正賓于王立之門習知黨人本末後王立遣之入都益悉諸黨人所為策之曰浙人者主兵也齊楚則應兵成功之後主欲逐客矣然柄素在客未易逐此可搆也遂多方設奇間之諸人果相疑而鄒之麟既見惡齊黨亦交關其間揚言齊人張鳳翔為文選必以年例斥宗文廷元於是齊浙之黨大離及是嘉遇五疏力攻詩教輩亦窘而浙人唐世濟董元儒遂助嘉遇排擊自是斥趙之勢頓衰與邦竟不果遷自引去時論快焉光宗立嘉遇乞改南部就遷吏部貢外郎天啟中趙南星舉銓名為考功貢外郎改文選署選事時左光斗魏大中以嘉遇與之麟韓敬同年相善頗疑之已見嘉遇公廉亦皆親善及陳九疇劾謝應祥語連嘉遇鐫三級調外語具南星傳未幾黨人張訥誣劾南星并及嘉遇遂除名尋鍛鍊光斗大中獄誣嘉遇嘗行賄逮訊論徒憤恨發病卒崇禎初贈太常少卿趙南星傳山西缺巡撫河南布政司郭尚文求之南星以太常卿謝應祥有清望首列以請既得旨而御史陳九疇受廣微指言應祥嘗知嘉善大中出其門大中以師故謀於文選郎夏嘉遇而用之徇私當斥大中嘉遇疏辨語侵九疇九疇再疏力

詆並下部參議南星攀龍極言應祥以人望推舉
大中嘉遇無私九疇妄言不可聽忠賢大怒矯旨
黜大中嘉遇并黜九疇而責南星等朋謀結黨南
星引罪求退復矯旨切責放之歸

恩榮雙壽為晏鵲峰賦

華堂真氣鬱葱葱金母回觴勸木公日表忽來聯璽詔
人間無異蔡珠宮平反在昔原齊雋綿葢於今半屬通
設悅稱稀歡未已礪谿還復有非熊

按鄉評錄先生之父世英華亭諸生為人表裏洞
然細行必謹嘗曰視義也如蜜之必甜綿之必溫
視利也如垢之必膩燭之必毒云云名語真可銘

卷之三

三

座文選挺立不撓蓋得於庭訓者素矣卒之日遜
無殮衣榻止殘編高陽相公有詩哭之曰未刷鸞
鳳羽翻成鷹隼猜深痛之也又何必以詩傳哉

夏允彝

明史彙允彝字彝仲華亭人弱冠舉於鄉好古博
學工屬文是時東林方講學蘇州高才生張溥楊
廷樞等慕之結文會名曰復社允彝與同邑陳子
龍何剛徐孚遠王光承輩亦結幾社相應和名重
海內崇禎十年與子龍同舉進士授長樂知縣舊
決疑獄他郡邑不能決者上官多下長樂居五年
邑大治吏部尚書鄭三俊舉天下廉能知縣七人

以允彝為首帝召見大臣方岳貢等力稱其賢將
特推會丁母憂未及用北都變聞慟哭累日毀家
仍義走謁尚書史可法與謀興復聞福王已立乃
還其年五月擢吏部考功司主事疏請終制不起
及馬士英阮大鍼亂政重允彝名屢為好辭招之
拒不應服既除猶不起御史徐復陽者故逆案中
人至是服官希要人指劾允彝及其同官文德翼
居喪授職為非制以兩人皆東林也兩人實未嘗
赴官無可罪吏部尚書張捷遽議貶秩調用時論
為不平未幾南都失守傍徨山澤間欲有所為聞
友人徐石麟侯峒曾黃淳耀徐汧等皆死乃以八

卷之三

三

月中賦絕命詞自投深淵以殉允彝學務經世歷
朝制度暨昭代典章無所不諳習獨處一室志常
在天下名既高四方人士爭走其門書問往來酬
答無暇晷好獎勵後進有片善稱之不置多因以
成材與子龍齊名晚節亦略相似人謂白首同所
歸云兄之旭字元初以諸生貢於廷有聲南都失
欲與允彝俱死允彝託以妻子乃不果自此不入
城市以子龍獄詞連及亦作絕命詞從容謁文廟
自繫復聖位旁曝書亭詩話幾社六君子瑗公以
經義見長詩非專尚然其撰長樂志境有孝子節
婦必賦詩以旌之集中樂府未嘗不合古人也野

史述瑗公授命在乙酉五月第集有練川五哀詩
按練川城潰乃是年七月五日瑗公尚存則止水
之投當是松城失守之日爾

黃進士淳耀裏詩

黃子不偶生大雅寡諧俗羽儀乍高翥結綬非所欲黃
雲暗蒼梧北風號大麓烽火滿吳關下邑勢彌蹙感細彼
二三子登陴白躑躅城郭既已乖號秦又誰告處死良
獨難苟生何能泚吁嗟烈士心伯仲互相勗威鳳既在
羅恥與凡禽逐未知沒者悲但見存者辱存沒兩茫茫
思君不可贖

螢

松風集卷三

明

羽翼誰所假歛然盛光輝或云小草出自作繁星疑
焰燃空小難灰入帷微熒熒如可久不道聚羣飛

飲挹翠亭

在鄒平縣黃山
免柴張延登築

山亭翠靄景參差借得槐陰綠滿墀風過低翔雙紫燕
雨餘高韻一黃鸝酒瓢久罄蘭陵韻茗椀長添陽羨枝
此日放懷堪共酌涼生清興沁詩脾

為宋子建悼亡

蒲艸無聲夢不歸瑤池碧落兩依稀傷心自有陳思賦
無奈夫人似更非
大江東去已潛潛路入銀塘欲更還風雨憑闌何限夕
此時應墮日如鏤

先生與陳黃門志刷衰靡創舉幾社可謂身負清
流名高月旦矣已而竟伸大義靖節松塘松塘先生自靖
處也門人崑山盛誠齋符升詩有松塘行似出黃門之上豈匹夫之為
諒哉迨乎難兄蒙難令子捐軀覆巢無完卵慘矣
幸存錄自序作於乙酉九月之朔距沉河僅十有
七日耳想亦絕筆也

夏完淳

明詩綜完淳字存古華亭人考功郎允彝子有五
樊集南冠州明史葉忠義附傳完淳生有異秉七
歲能詩文年十五擬庾信作大哀賦文采宏逸允
彝死後二歲以陳子龍獄詞連及亦逮下吏談笑

松風集卷三

明

自如作樂府數十闕臨刑神色不變年甫十八南
吳舊話錄夏存古十餘歲陳卧子適至父使存古
出拜案頭有世說卧子閱之問存古曰諸葛親逃
於廁中終不見晉世祖而稽紹竟死蕩陰之役何
以忠孝殊途存古拱手對曰此時當計出處苟憶
顧日影而彈琴自當與諸葛為侶卧子歎曰君言
先得吾心者鍾廣漢云陳大樽選明詩存古年纔
十餘爾而宋轅文援其論詩以作序此時已許其
作後進領袖矣迨十五從軍十七授命磨盾州檄
不異老生宿儒信異稟也

精衛

惠風蕩芳樹有鳥鳴中林尾長羽翼短衡石隨浮沉崇
山日以高滄海日以深既無凌風姿延頸振哀音辛苦
徒自力慷慨誰為心惜哉志不申道遠固難任滔滔東
逝波勞勞成古今

秋夜感懷

登樓迷北望沙艸沒寒汀月湧長江白雲連大海青征
鴻非故國橫笛起新亭無限悲歌意茫茫帝子靈

擬王侍中懷德

漢道闇不章豺虎屯西京委身別故園行旅滯南荆親
戚不收問征馬相向鳴白骨生荒烟野蒿隱孤城但見
狐與烏朔風多悲聲回首壩陵岸傷哉客子情幸際主

松風餘韻卷三十九

辛

人賢縵服縹華纓耿耿九淵下復見日月明四座振微
音度曲淒以清人生非金石奄忽若舜英明德何巍巍
愧我素餐誠願君綏福履億年垂令名

寶帶橋

連天芳艸青極浦獨揚舸歸鴈舟前落愁人夢裏聽花
光明曉霧波影亂春星欲訪靈威穴孤帆入洞庭
寶帶橋邊泊狂歌問酒家吳江天入水震澤晚生霞細
纜迎風急輕帆帶雨斜滄茫不可接何處問靈槎

毘陵道中別宋轅文

宋生裘馬客慷慨故人心有憾留天地為君問古今風
塵非昔友湖海變知音灑盡窮途淚關河雨雪深

眉公集第四十八卷童子讚四則為夏彝仲長公
端哥作疑即神童小名句云包身膽過眼眉譚精
義五歲兒又云矢口發下筆靈小叩應大叩鳴自
注時講上下論語老儒弗及計其時當在甲戌乙
亥間甫閱一紀而慷慨授命矣包身膽三字徵君
若有先見焉嗟乎時逢衰亂年未成童矢口衝喉
憂生歎逝惜別傷離非凶終之兆而亡國之音乎
夫從來幼慧正命無多神童篤君親誼蹈忠孝愚
似非不得其所者而功名無所建監著述未有成
書既厄於年又酷其禍天生奇才果何為哉

松風餘韻卷三十九

明

辛

松風餘韻卷三十九

松風餘韻卷第四十

目錄

明 蔣玉 一首

蔣愷 五首

沈度 四首

沈榮 一十一首

沈藻 一首

沈時來 一首

沈瑜 二首

沈齊 四首

沈東 三首

松風餘韻卷四

目錄

沈盤 一首

沈愷 一十四首

沈文系 五首

沈紹文 九首

沈荆石 一首

沈泓 一首

沈龍 四首

沈求 一首

沈弘正 一十首

松風餘韻卷四十

胥浦姚弘緒聽巖編次

蔣玉

字益齋郡人

送姚程夫南安司訓

煖融殘雪水平津楚尾吳頭物候新柳眼暗窺官渡曉

梅容淺露驛樓春暫看江右樓祥鳳始信雲間有異人

莫謂廣文官獨冷重名還許達楓宸

蔣愷

字舜咨華亭人正德戊辰聯捷進士工部郎中廣

西叅議

松風餘韻卷四

明

餅山

在嘉善縣治南半里宋置酒務積壘所成上有五皇閣文昌殿銀杏一幹二枝最大

百尺浮屠勢如削傑頂更與雲烟薄秋高木落凝望眼

許大乾坤費鑄鑿倚欄漸覺雲漢低午夜茫茫如可梯

喚回鶴夢曉光發何處一聲來碧雞

鶴湖

在縣西北二十里多菰菜舊以產鶴得名

何物昂藏相脩然見此湖橫江掠蘇軾小艇縱林逋華

表終疑化朱門未許呼安流任來往聊以慰畸孤

陳賢良墓

陳舜俞墓在烏程此其子孫葬處也

先生天下士荒塚水邊村髡奴識寶氣神劍辭泉閣千

載有遺恨一坏空斷魂青苗曾上疏高義動乾坤

又

陳舜俞隱居在清風潭宋史稱舜俞罷官後居白牛村

清風元不死故里亦何愁樹影移殘照猶疑過白牛

盛子昭墓

子昭名懋墓在縣東北里許

墨跡相傳取次看滿堂風雨不勝寒那堪荒塚徘徊處踏破白雲紅日殘

沈度

墓志

楊士奇撰

沈世家華亭祖德輝嘗為郡史平反寃

獄百四十人父易任為諮議參軍無幾棄官養親授徒里中人號苦節先生二子長即公諱度字民則天姿溫雅敦實自幼嗜學博涉經史洪武中郡邑交舉文學弗就坐累謫雲南岷王具禮幣聘之既至屢進直言未幾辭去都督瞿能延為弟子師

松風齋集卷四

明

二

其入京師也以公偕行時太宗皇帝初臨御命翰林舉賢才今禮部尚書江陵楊公為編修以公名上擢翰林典籍方時制敕填委既視草學士以下率分書之上覽公書獨稱善一時翰林善書如解大紳之真行州胡光大之行草滕用亨之篆八分王汝玉梁用行之真楊文遇之行皆知名當世而胡解及公之書獨為上所愛凡玉冊金簡用之宗廟朝廷藏秘府施四裔刻之貞石傳於後世一切大制作必命公書公之書婉麗飄逸雍容矩度兼篆八分尤高古渾然漢意而日侍清密無間嘗賜二品金織衣新製象笏鏤公名氏塗金以賜以其

弟與子皆善書皆官之近侍父子兄弟並舉於朝

古今以書遭承寵遇莫或加由典籍陞檢討復陞編修遂陞侍講學士仁宗皇帝錫誥命賜鈔給驛傳予歸焚黃宣宗皇帝登極進翰林學士年踰七十再上章乞致仕歸不允公事親孝與弟漿友愛終身與人交久益敬為人貞靜不苟附初入翰林鄉人有為大宗伯者得君聲勢赫赫朝士希進者并奔走其門公以故舊獨自守未嘗輕造間或邀公輒以禮辭士論高之閒暇閉戶焚香鳴琴賦詩以自樂人號自樂先生襟宇澄淡風韻蕭散所好惟載籍法書名畫古器自題其齋居曰樂琴書處

松風齋集卷四

明

三

雜列花卉奇石高人韻士至必具觴酌或吟或弈意度翛然所作詩文有滇南彙隨筆錄西清餘暇自樂彙藏於家宣德甲寅年七十有八一日微疾猶作和王行儉詹事小洞天詞明日捐館子藻由中書舍人陞大理寺右寺副郭志度初戍雲南其地有日者談命多中公暇日叩焉日者驚異曰是當貴顯歷官清要非凡命也公笑謝之見所設課命字不佳曰吾為子易之乃大書二字揭之肆中都督瞿能過而見之問知沈公書也因延致為弟子師南吳舊話沈翰林少習書有儒者嘲之曰汝不從八股入始終一書傭耳何預文墨事及受

知長陵官至學士在京邸時每來邸中必問儒者
安否因作詩曰兄弟聲名達九重寄書原是舊書
傭人間無限升沉事借問渠傭可是傭後儒者得
翰林手書即什襲裝潢常獲厚價餽粥始濟

題王叔明畫和原韻

畫名纖網珊
湖見墨蹟

鶴山老樵列仙徒玉崖先生名世士一時傾蓋兩相逢
作畫賦詩高興起欣然為寫竹數根傍有古樹亦輪囷
蛟龍蟠拏鳳鸞舞清風自然能逼人金壺墨汁都傾倒
壓盡蘇翁并米老一拳之石更嶙峋移來海上蓬萊小

挽袁柳莊

平生精鑒聖君知遭遇如公冠古奇日月獨占天表貴

松風齋韻卷四

明

四

風雲先定布衣時官加九列頒綸誥文敕三孤立墓碑
感舊淒涼重南望故莊烟柳不勝思

宿慈雲上人房

紺園春盡白雲深琪樹陰陰晝漏沉我亦清修林下客
淡然無語契禪心

題元高尚書墨竹卷

房山寫竹真無敵松雪為書妙入神二美合成希世寶
萬年光彩照青春

沈 粲

顧志粲字民望善真草書飄逸道勁自成一家尤
長於詩端厚謙抑好獎後進累官翰林侍讀春坊

庶子大理寺少卿致仕有集二千餘首方志粲年

十三父母俱亡兄度遠戍獨閉戶讀父書遇疑難
輒走父執問辨之家貧無楮日懸腕書壁筆力遂
大進鄉人遣子弟從遊時方垂髫坐上座毅然設
教皆有成法太宗臨御勵精文翰與兄度同侍秘
閣授中書舍人於時誥敕詔學士以下班書之獨
度與粲書上視之加喜後度為學士粲進侍讀人
咸以太小學士稱焉宣宗即位告歸展墓還朝陞
右庶子再陞大理少卿晚年惟喜行草出入宋仲
溫陳文東而得其三昧戶外之履常滿暇則與客
彈棋賦詩一切世務泊如也甫七十謀及兄子禮
部賁外藻曰古二疏何人也遂偕致仕歸盡出所
賜金營錫老堂於故址日聚親知燕飲其中自號
簡齋著有簡齋詩彙雲間人物志粲與兄度並在
禁林最承恩遇至題太宗仁宗及仁孝皇后神主
則獨命粲所賜金幣每歸於兄同居友愛無間緝
紳以為莫及方志志餘沈簡菴先生粲貧時以警
夜宿真武祠下夢神以數印授公公辭復出牙牌
一奩公擇其六後公以中書舍人歷寺副修撰侍
讀庶子大理寺少卿凡六任皆供奉內庭不履曹
局人之出處夫豈偶然

癸卯歲十月居庸關候朝

天設重關限塞垣居庸層疊翠巒岼山河百二歸龍準
盤虎三千盡鷗冠侍衛令嚴宵月白周盧人靜夜霜寒
欣逢四海為家日願祝皇圖永治安

冬至早朝

龍樓雞唱報更籌大地陽光滿帝州雲物呈祥臨御座
衣冠列辟拜宸旒山呼華祝丹霄上樂奏簫韶紫殿頭
白愧承恩叨侍從願歌天保贊皇猷

幽居

高待詔小
湖抄示

幽居俯寥廓高懷託箕穎杖策聆虛籟鉤簾挹清景俛
仰天地間消長理自省叩戶驚客來桐花落深井悠然
塵事遠倏已日色暝竹林春雨香試薦一甌茗

松風齋集卷五

七

越山雲木為胡與道

君家草堂雲木稠乃在浙水之東頭故鄉慈親總強健
遠道遊子多離憂別來謫戍滇城裡每思林木依雲起
何時戲著老萊衣笑折萱花奉甘旨

翠筠樓為江西羅汝敬題

危樓百尺少塵縈萬竹蕭森列翠屏高節直凌雲漢近
虛心獨抱歲寒青岐山鳳下時堪詠湘水龍吟夜可聽
欲得憑高遲遐矚不知何日叩巖扃

題朱編修楮窩

溪爾行窩製作新溪藤一色皎如銀月華常在其知夜
嵐氣不侵渾是春連屋簡編那有蠹當牕筆硯絕無塵

玉堂退食歸來晚好共梅花作主賓

挽曾學士

登科早歲占龍頭載筆鸞坡寵數優蓮炬每分宮漏晚
錦袍時賜鳳池秋文雄海宇誇金石夢斷塵寰賦玉樓
俯仰人琴俱寂寞傷心鄰笛涕交流

四十三代天師墨竹

翩翾仙佩下瑤空渭水湘雲拍顧中墨筆蘸乾銀漢水
一枝秋影落南宮

題捕魚圖二首

木落霜清溪水寬青山遙聳碧雲端秋風未起先歸去
不為鱸魚要棄官

松風齋集卷五

七

流水桃花三月天得魚猶是未忘筌夜深迴棹知何處
不是襄陽即輞川

題王孟端竹

王郎老去更風流賦盡江南芷若秋留得輞川圖畫在
滿堂風雨冷飈飈

二沈學士榮賜堂後人梁叔光復先業方志所云

錫老堂想即此也年遠代移故家第宅求如魯靈

光者鮮矣學士之後代有興者巍然傑構當不隨

落紙雲烟化作無地樓臺也小學士詩尤鬆秀可

愛

沈藻

字凝清學士度子中書舍人大理寺右寺副終禮部員外郎

次叔父簡菴寶雲寺韻

僧舍幽樓近五茸寶雲講寺有靈蹤池凝舊綠陳朝水松帶遙青海上峰清畫香銷翻貝葉良宵定後聽霜鐘待子歸老尋蘭若遙叩禪關辨五宗

沈時來

雲間志畧時來字君大號石樓華亭人二沈學士之裔父見屏翁垂老而貧公以弱冠仔肩歷盡艱辛而苦志嗜學年二十五始補邑諸生陸平泉先生延傳其子思幼年四十舉賢科下第歸仍就館

松風集卷四

明

八

穀者三年歲得修資悉以供甘旨壬辰舉進士授行人奉使寧夏時慶藩遭逆李之亂公銜旨慰藉盡却其餽遺典試雲南所拔皆知名之士乞歸數載杜門如寒士時從封公逍遙田野間不知其為貴人也已而選授御史董役長陵省費鉅萬計巡視庫寺兼攝京倉搜弊剔奸革舖行賠補之累糧役解額之煩著為令甲巡視兩關簡關士伍而汰其不良者考選將領而去其不職者與援不能為之地事竣巡城適有訊妖之役都市間皆重足側目公為解貸誣網數百人奉使出按江西忽以暴疾卒於途年五十有七鄉人有官河上者為經紀

其喪檢之囊橐蕭然易簣之時一語不及家事第涕泣口呼封公不置而已公當母夫人抱疴籲天以祈增算盡撤諸輦及封公拜有章服始食兼味即一再畫錦未嘗從官司居間一事室無二御門無雜指郊外數椽山田數十畝僅資伏臘饘粥蓋其孝其廉天性然也方四明相公之入政府公以皇華使持節召之家而四明柄國後未嘗私謁其品又當求之古人中矣

贈王見素文學

蚤歲青雲坐陸沉上書伏闕壯儒林餘生且學修禪觀半偈能高出世心蒼蘊香中移晷永迦陵枝上語春深

松風集卷四

明

九

人間自有龐居士何必僧祇劫外尋見素名時亮字伯少負才雋八試棘闈不售為人強項有氣節里中仕宦家有居近宮牆侵學中餘地以構樓臺者堪與家謂不利於士子科名萬麻子午應制五十人無一登解額者於是青衿羣起而攻之仕宦之子弟襲廢在京輒具奏章首列伯寅姓名將中以法伯寅徒步四千里伏闕上書事乃得白初至閩州起行之日有三四短衣盡夜追隨不去伯寅心知其為勢家僕而又不敢聲言問之意恐恐不自安一夕與馬夫陰約潛住其家兩三日始得脫虎口而詣都下不數年謝去諸生曰坐蒲團修無生淨業優悠以終天年至其生平性篤孝友德行之著聞者又不能枚舉也

沈瑜

郭志瑜字廷美上海人景泰癸酉舉人成化中預修英廟實錄授中書舍人遷尚寶司丞弘治三年遷少卿四年陞南京太常寺少卿十四年卒賜祭

如創珥身安容善談論文政事有可稱者以重
聽故不獲擢用云

給諫童公諭蜀班師有贈

童公文武擅所長立朝正色何日昂西川盜兵竊擾攘
羽書一夜達未央休哉簡命曰良載拜稽首臣職當
虎符煌煌出建章錦江玉壘增輝光奉揚帝德開愚盲
汝饑汝寒弗汝戕聖朝仁育及萬方吾其奠汝毋驚惶
寬袍大帶臨蜀岡白面煦煦凝春陽逆者自順否者臧
穰裘俯伏簞壺漿惟孽不用命以妨天戈如林公載揚
擣巢拒穴敢遁藏旬月勘定無遺殃公兮文武能弛張
三巴依舊文翁鄉露布疾馳獻明堂天子聞之悅而康
在廷臣工咸拜颺允矣方叔翊宣王我詩非諛亦非狂
聊紀膚功收太常

伍相祠在無錫閶闔城西胥山

孤忠寧自刎吹劍血猶腥三寸讒夫口中藏百萬兵

沈霽

方志霽字子公華亭人幼負雋穎夏太常寅一見
奇之以女妻焉舉弘治辛酉正德辛未成進士授
行人上疏指摘奸倖擢南京廣東道御史時宸濠
潛有逆謀霽抗疏乞斷大義除大逆以安社稷竟
留中不報嬖汪彬誘上游幸又疏懇回鑒乞斬
彬以謝天下又不報世宗初御極復條對數千言

切中時弊遷福建海道副使鎮守中官得危疾餘
資分遺三司霽獨不受有士大夫請託以銀幣饋
霽曰我知君君何不知我慚而去時有簡御史移
文海道凡市番船隻每舟稅百兩霽曰得毋攫金
於海耶吾司風紀何以訓也簡銜之効霽操守有
餘才力不足改貴州兵備臨行僅行李一肩至貴
有夷寇據山為逆計擒之撫按交章薦時年近七
十遂引疾乞休奉旨嘉其恬退加右參政致仕居
家十七年未嘗一入郡邑日惟閉門讀書究心關
閩之學年八十有五無疾而終公理學淵源於曹
定菴初作詩賦已從胡敬齋章楓山講程朱學歎
曰此道學正脈也何以詩賦為每公事暇讀性理
大全等書如日對聖賢廢寢忘食御史周亮北止
公謂之曰方今羣邪肆毒君職在諫垣必當上疏
進君子退小人乃可致太平也又曰霽每夜就枕
思日間所行事或少有未合即卧睡不安天明即
更其失如已處而不可更則書此事於壁後不再
失也雲間雜識東老為夏止軒搆在止軒樓上肄
業每至五更止軒即以杖擊樓板催起讀書如是
者五年舉業大進後登甲科為名臣翁壻夾普照
寺而居寺左右有二坊曰冰清曰玉潔為此雲間
志略沈憲副號東海老人時遂稱為東老出副閩

憲調貴州檢行李得錫壺一執曰此亦閩物也即
投之水居鄉持身不苟一種稜稜之氣時見眉宇
間即賓客故人無敢褻見者西舍有富人與公隣
並公意不可之乃榜於堂曰西隣已富憂不足東
老雖貧樂有餘絕不與往來也雲間人物志沈東
老所舉屬吏如喬白巖後為太宰李梧山後撫江
南世稱得人致仕家居朴素恬淡閉門讀書汲引
後進常若不及為文清峻詩陡健字得子昂筆意
兄震字子敬有厚德貢為嘉善學訓兄弟白首相
友愛焉先進舊聞沈東老八歲時錢文通來過撫
其頂曰狀謂書生能作對公應聲曰焉知小子會

松蘿遺事

明

五

吟詩文通歎曰無棟材也夏止軒既納之東牀疾
革遺言沈子公必大成東樓書俱付之可讀也文
遺事華亭沈富二號雪泉與陳文東二沈學士從
楊鐵崖游蓋鄉里仁厚長者所著有忠節備遺錄
革除間諸公事霽其曾孫也客諧偶鈔錄東老一
詩云一着移來一着復紛紛世事如棋局纔聞白
丁買良田又見朱門賣華屋積書遺子憂不讀買
田遺子憂差役不如積德冥冥中留與後人多獲
福此真格言可以警世全椒縣志備遺事正德戊寅
七月御史華亭沈子公奉
命視屯田於江此未至全椒五里縣人手訟縣隨
而訴者幾輩沈點數而目識之沈而失其一詰諸
左右謾應曰蓋訟而散者也至縣坐行臺訴者入
見三人焉隨從之末一人蓬頭跣足衣敝甚乃

道中所見而復失者問何處人答曰全椒何名曰小
羊曰新何事曰有寬曰有詞乎曰無有叱使出忽
不見急索之不得是時亦獨見而與之言左右其
見也乃大駭流汗嘔病交作縣令孫贊入問疾語
之故因問曰縣中得毋有完乎對曰往年有頗景
祥者為第景原景聽所獲并及其子計兒事適賊
露殆非是耶景字下為小祥字旁為羊耳君疾
隨亦良已遂竟其獄既知小羊者景祥乳名也

泖塔

水心上下天浩浩浮屠焉

天

又筆小華亭鶴唳可得聞

尊菜鱸魚有歸老鐸鳴燈照春復春渺渺烟波理釣綸

任來舟楫應千載誰是江湖第一人

瑯琊寺留與主僧

月林碧靄午陰閒寺入瑯琊山復山野樹小紅春淡淡

石溪新綠水潺潺情深不飲太常醉與盡相忘太守還

松蘿遺事

明

五

便欲摩崖題不得醉翁之意有無間

九日次李西涯韻

去年閩海逢佳節今日吳淞又晚秋遍插茱萸人不改

得看黃菊自消愁脫簪那管風前帽攜筆還登江上樓

楓樹小村霜落後烹鱸煮蟹繫扁舟

見竹

江上雖多有城中見亦難蕭然數竿綠能解幾人看別

館秋風早前庭暮雨寒王猷住鄰近應得共憑闌

東老成進士已及艾年既賦初衣益堅晚節媲美

止軒冰清玉潤非徒負講學之名也初與曹定菴

受業止軒之門生平志節略同定菴贈句云春秋

舊蓄懷中筆天付皇明作棟材蓋其愛重也至矣
詩亦真樸無浮響而選家不錄豈因衣鉢止軒亦
以頭巾氣少之耶

沈東

雲間人物志東號水南少補邑庠生試輒居首聶
貞襄知邑事敬禮之徐文貞王白谷張白灘顧左
山豫齋昆季皆其高足也嘉靖己亥膺貢授永嘉
學訓丁內艱補貴溪遷弋陽教諭南京國子學正
陞湖州府同知尋致仕歸日惟閉門讀書賦詩郡
大夫請為鄉飲僅一赴年八十六終所著有南屏
集

弔疊山先生三首

弋陽縣志謝文節公祠在縣東二里先是文節殉難門人

虞舜臣等築室祠公於弋陽後作於城隍廟之西久之圯復作於縣之東

宋室逋逃一舊臣每思時事最酸辛
雪霜滿地孤身老血食千年廟貌新
家國存亡原有數綱常負荷更須人
從容死義男兒事葛水文山道竝尊

君才國破孤臣死哽咽溪聲恨未平
一代敷名歸信國千秋忠義說先生
堂堂浩氣山河壯耿耿英風星漢明
祠宇椒漿碑有刻我來瞻拜不勝情

風塵回首北風涼填海那知事更荒
士故有懷多感慨山渾無語說興亡
蕭蕭墓道衣冠在鬱鬱川原草木香
再拜先生斜日裏一盃新酒淚千行

沈盤

嘉靖年府學歲貢

贈姚友荆

天倫克念每怡怡花發田荆滿故枝
愛護有人皆慶廣庭閒無日不墳荒
夜牀風雨懷同感春艸池塘夢亦奇
此樂分明由性分閱牆應只未之思

沈愷

方志愷字舜臣華亭人嘉靖己丑進士授刑部主
事編修徐階疏辨永嘉黜孔子王號之非上怒欲
逮置重典當時親故無敢過門者愷問訊無異平
日階拜首愷愷不加一秩世愈高其品擢守寧波

倭夷入貢陰為之備倭不得發有忌者謂以文墨

廢民事徒臨江生祀桃花渡又祀七賢祠又祀招

寶嶺已憲副潮廣視江堤圯非費金錢數萬不可

就乃度土宜程物力辨奸良覈廉貪三月堤成遷

本省叅政念母老乞歸穆宗即位即家拜太僕寺

卿不赴放情山水作環溪亭日招致賓客以賦詠

述作自娛善懷素草書所著有環溪集藝林贊言

守株子論初乏嗣後得子紹祖人以為厚德之報

部使者數嚴檄迎公又檄松之郡守率學官生徒

勸駕而公持之益堅家居二十年屢辭薦牘年八

十餘卒先進舊聞沈鳳峰為寧波守堂中有春聯

云身入兒童圖草社心如太古結繩時和易坦蕩

每早起即作詩寫字稍暇則拈碎石為盆池小景

有悠然林壑之思凡燕席中有戲劇即按拍節歌

有不叶則隨句正之終日無一俗事在心終歲無

一俗人到門壽登八十常如小兒蓋近代異人也

阿育王山在同谷山之東昔阿育王見靈建寺其下因以名山山腰有佛足跡入石

望海海中如邱壘

凌風探海窟半日與僧便身在青霄上人依北斗邊乾

坤分楚越今古此風煙欲訪汝崖跡思餐玉屑泉

近吏錢湖

蘭宮桂殿枕丹谿野曙晴分萬木齊山色倒流青翡翠

湖光平漾碧琉璃風流喜有王摩詰與王侍郎同行故云淺薄慚

非杜拾遺却許乘桴銀漢裏亂雲荒草使人迷

遊雪竇山在奉化縣西六十里上有雪竇寺山多奇勝有妙高臺藤窠含珠林錦鏡

池石竇千丈巖深布泉桃花坑龍隱潭宋鍾

宗嘗夢其處御書應夢名山賜之故又有御

書亭沈隱記畧曰余刺明郡長谷徐君令奉

化每吏治暇往往談雪竇之勝余顧笑曰以

此名山而得吾長谷為主人亦無非仙吏耶

私竊慕之既而以職事次奉化長谷大寺為

余豫治車徒促之以使遊余亦躍然從之既而

長谷飲余巖上酒半與豪縱觀水簾瀑布真

不減洞天長谷作而曰余

倚闌呼酒忘為客莫笑人稱太白狂

天瀉銀河落鏡光作賦未能酬令節登高翻喜當重陽

晚上高峰秋興長西風灑衣白苧涼泉飛珠瀑疏簾影

晚瀉銀河落鏡光作賦未能酬令節登高翻喜當重陽

晚上高峰秋興長西風灑衣白苧涼泉飛珠瀑疏簾影

晚上高峰秋興長西風灑衣白苧涼泉飛珠瀑疏簾影

晚上高峰秋興長西風灑衣白苧涼泉飛珠瀑疏簾影

晚上高峰秋興長西風灑衣白苧涼泉飛珠瀑疏簾影

晚上高峰秋興長西風灑衣白苧涼泉飛珠瀑疏簾影

晚上高峰秋興長西風灑衣白苧涼泉飛珠瀑疏簾影

晚上高峰秋興長西風灑衣白苧涼泉飛珠瀑疏簾影

晚上高峰秋興長西風灑衣白苧涼泉飛珠瀑疏簾影

晚上高峰秋興長西風灑衣白苧涼泉飛珠瀑疏簾影

晚上高峰秋興長西風灑衣白苧涼泉飛珠瀑疏簾影

晚上高峰秋興長西風灑衣白苧涼泉飛珠瀑疏簾影

晚上高峰秋興長西風灑衣白苧涼泉飛珠瀑疏簾影

晚上高峰秋興長西風灑衣白苧涼泉飛珠瀑疏簾影

晚上高峰秋興長西風灑衣白苧涼泉飛珠瀑疏簾影

晚上高峰秋興長西風灑衣白苧涼泉飛珠瀑疏簾影

晚上高峰秋興長西風灑衣白苧涼泉飛珠瀑疏簾影

晚上高峰秋興長西風灑衣白苧涼泉飛珠瀑疏簾影

晚上高峰秋興長西風灑衣白苧涼泉飛珠瀑疏簾影

望海

凭闌東望海門秋元氣茫茫日夜浮雄觀即同天地老

滄溟不斷古今愁晴空萬里鳥欲沒夜靜一天星倒流

俯仰幾疑塵外境更於何地覓瀛洲

招寶山定海縣

欲陟層巒引石梯烟雲萬疊使人迷海門一望天無際

寶幢高懸斗與齊采藥直探仙子窟披霞絕勝武陵溪

清明喜有今南仲明月吹簫罷鼓鼙

遊慧力寺清江縣志在郡城外南二里許瀕江即唐歐陽處士宅寺始於南唐兵燹

歲晏乘閒憶遠遊松齋竹院本清幽讀書臺在人何處

伏馬橋荒事已秋弔古不須頻問主憑虛惟有一登樓

浮生却悟總蘭若莫向名山卜去留

憶任城

春風一渡魯陽水夜月三登太白樓安得狂如四明客

金龜換酒散春愁

登天台嶺漫賦次韻

海上仙家去不遙天邊雲路自岧峣吹殘鐵笛琪花落

舞罷荷衣翠蓋飄萬疊峰巒低海國千年棟宇說隋朝

平生本是烟霞骨白日乘鸞下石橋

南嶽四首

獨挾仙風跨紫鸞飄然逸思振雲翰烟消紫蓋千山出

人在清虛六月寒
梵磬有時空外落
曇花飛雨靜中看
塵心到此渾無着
天地高深一倚闌

偶來九月風日晴
千峰萬峰朝太清
凌空渺渺自殊態
入耳泠泠非世情
盤屈松檜不知歲
參差巖壑俱有名
吾將於此巢雲窟
採真白日要長生

梯雲直上祝融巔
分明一嶂排青天
幾千萬年亘獨立
七十二峰卑莫前
海上霞文如可採
壺中仙島遙相連
歌一笑震厓谷
便應散髮披輕烟

若爲秋暮過瀟湘
欲訪名山意更長
泉石有緣容我至
風塵何事向人忙
流杯亭在春如昨
駕鶴臺高跡已荒
懷古未須追往事
登高翻喜當重陽

松風齋集卷一

明

九

謁賈太傅祠

偶過長沙思欲飛
洛陽年少竟何依
漢廷一疏空肝膽
野史千年有是非
豈謂文章憎命達
獨憐風節與時違
謫君此日終祠廟
湘水寒烟幾夕暉

山寺夜話

年年二三月常自客
天涯問竹何須主
逢僧便可家
偶嘗新市酒翻憶故園花
春事已不及虛憐負歲華

世傳徐長谷之罷奉化令也
鳳峰實齋訖之余竊疑焉
兩先生皆賢者又故交也
觀遊雪竇山詩小序可謂脫形骸而講情懷矣
李節之何士抑之稱

鳳峰也一則曰高襟遠度一則曰其守四明親賢

禮士信斯言也豈猶斤斤於形迹而不能忘情乎
後之居同鄉仕同地而位不同者庶知戒焉
環溪集余向有之爲族子所借乾沒久矣今徧覓副本
不得俞是堂先生曾選數十首爲明音之冠皇甫
子循猶謂不無遺寶然篇什繁多只錄其載於志
乘者其在集中或在集外均不得而知也若其詩
之瀟灑出塵卓然大雅前人已定論

沈文系

原名可系字公緒號幼漁華亭小西湖里人萬曆
二十年府學選貢新寧知縣

仲春六日集王學憲齋頭餅梅爛然客醉欲散

松風齋集卷一

明

九

喜雨復集子病不能飲勉一浮白即席次韻
以謝

煖壑蒸雲白晝冥
羣賢似集晉蘭亭
穢形倚玉腰偏瘦
白首論心眼自青
楚服帶來霖作雨
香山聚處德爲星
酒闌躡屐仍還席
飛盡千觴醉忽醒

陽春雅調入高宮
喜雨坡仙尚有亭
滿座玉梅香細細
入簾芳艸故青青
不煩洗盞重留客
何必攜燈且待星
多病沈郎兼病酒
敢云皆醉獨能醒

次王學憲癸丑除夕書懷韻

歸來荒徑尚閒閒
三種得門前柳自
繫水濶偏宜東海釣
林深可洗北山慚
淵明委運杯還盡
沈約郊居陋亦堪

春社近來多懶赴爲貪午夢睡常酣

甲寅仲春十有二日西湖別業小集和洪洲先

生韻

勝日者英過瑁湖盤殮簾櫳媿郇厨應知洛社多詞客
亦有高陽一酒徒劇飲豈能澆塊磊雄談足使罷酣呼
春光如歲猶嫌速花影墻頭日已晡

道經谿洞

花開遠戍丹嶂鑿開門板屋民仍樸刀耕俗尚存雲
霞五嶺接風雨九疑昏澄清吾有意矯首問乾坤

沈紹文

方志紹文字文孺一字孺休有寶言堂集江行舛

松林集卷四

明

手

郭志沈孺休善屬文其詩著深潭雅晚讀自然玉

世貞詩評中所云孺休如蜃樓虹御不在人間者
也書法遒整兼歐虞之長客諧偶鈔沈孺休太僕
鳳峰公族子也工書能詩同一上舍至南雍館貲
涼薄偶為此友代書假呈司成江西張洪陽先生
見賞不置召此友問云此非汝書也友以孺休對
立名見遂成相知後洪陽罷相孺休每歲造訪凡
豫章碑誌乞張撰文者必屬孺休書之所得潤筆
充索而返

登青龍塔

峻嶒龍藏俯平曠獨倚空寒攬布袍亂後幾家仍避地

秋來無日不登高晴霞欲散諸峰色極浦新添八月濤
縹緲仙踪何處是好憑天際聽雲歌

十五夜郁季野兄弟招同何士抑孫世聲高永
仁范君和長康周逸之飲煙雨樓

命酒勞相問襟期慰各天却乘公子興况挾孝廉船目
極鮫人室心懸秋水篇因知五湖上別有一風煙

十六夜同何士抑包襲明黃玄之孫世聲飲湖
中有賦

一望煙波思不禁何期二妙忽招尋榜人載月渾忘倦
鷗鳥聞歌亦解吟已識開尊留客興無勞投轄繫歸心
秋來幾夜能如此漫有留題待賞音

松林集卷四

明

圭

范君和叔姪偕郁季雅兄弟攜棹舟中招同包

襲明黃玄之諸丈重過烟雨樓劇飲賦絕句

六首

清秋列席結詩盟坐上才華盡長卿賦就不辭金谷飲
歌成翻起玉關情

中宵月色為誰留散髮狂歌醉未休亦有遊人來欲避
爭言無奈晉風流

兩岸芙蓉繫客程千林楊柳入歌聲登樓不許悲王粲
對酒惟應學步兵

十里輕舟似若耶可憐明月關琵琶紅粧掩映嬌翻浪
艇殺溪邊菡萏花

翩翩題咏倚亭臯醉墨淋漓興轉豪十丈桑皮書不了
猶餘東壁待揮毫

探得雙珠徧陸離坐來夜夜漏偏遲試看合浦千秋色
不數平原十日期

沈荊石

客諧偶鈔山人沈侯壁名荊石別號听峰深於詩
歌所著甚富子為僧號三無亦吾松名衲也諸豪
皆在其處

會葬作

天且雨主復留二三兄弟可結綢繆縻縻白髮時復盈
頭一杯之外營營何求君不見墓中人昔與我飲今與

鬼隣墓門一夕閉何時見陽春思之思之令余酸辛積
金如山難買此身噫吁嘻乎何不憂老而憂貧周公遠云余少

此時過山人於超果寺為余誦此詩曰昨會葬偶作者也

莫廷韓遺稿載與沈荊石尺牘有山堂竹石蒼潤
滿几杯酒藝文之適象外玄黃之談應倍嗜昔不
審亦嘗念及某否云云知非尋常韋布士也三無
寂後山人遺咏必與敗衲枯筇同歸三昧矣惜哉
沈 泓

楊李詩繫泓字臨秋號悔菴華亭人由嘉興府學
歲貢中崇禎癸未進士性至孝母宋苦節泓釋褐
奏請建完節坊國變從惟恭禪師剃染受具更名

弘忍號無寐住會稽東山國慶寺有懷謝草渡江
草客諧偶鈔孝廉沈泓其母二十守節泓才五月

耳家貧課子辛艱備嘗得見其子選貢而卒泓念
母節徧求海內名公哀輓題詠盈一笥出入必攜
遇盜劫去泓號泣不欲生遂榜於逆告以苦衷後

陳眉公忽於余山呂公祠內得一包外書煩眉先
生轉致沈相公收之則名公之作不失片紙節孝
之感可以格盜賊如此泓後舉進士避亂居紹興

祝髮於東山其僮阿寅同出家為師徒焉鄉評錄
泓成進士請假歸葬甲申五月聞國變哭繼墓柏
下鄉人救之不獲死福王時權貴招之許以館職

泓曰吾君親兩翼求死不得意者從釋氏遊乎遂
為僧後聞叔父死奔喪盡哀徑刺船去以盜警還

寓郡南梅溪二子嚴廉泣勸歸不許尋疾作誓絕
醫藥亡何卒

夢巢軒周老師和淚成韻因東蘊生子操兩同

門

世緣冥如霧晦明未易測吾道竟浮沉孤忠安所極普
天碧血凝滄海紅塵塞夕陽醉烟雨歸雲滯荆棘死生
各一方夢寐但相憶燈淡燐逾青月白山自黑獨醒默
無言春風起寒色

沈 龍

字友夔華亭人崇禎己卯舉人癸未進士眉公集

雪初堂集序雪初堂稿如月痕孤秀石氣清寒又如入

洛陽看花局遇養花天亭榭池臺微雨輕風無所

不快意又如深山道士茹草餐芝高扇道風浩然

冥寄友夔故才子其詩若不經意而超然立於聲

色香味之先癯且腴淡且旨綺且清與同味者郡

惟單質生而已

春日遊韜光

風幃垂雪嶺香好閉龕焚樓眺江頭月門開樹頂雲山

空松響合徑曲竹泉分何處啼晴鳥支筇林外聞

金山

木落孤峰吐烟深紅寺含癡雲和石凍殘樹飲霞酣有

夢山如畫無僧路亦諧雲山荒率意一泝在江南

與常侍

深下珠簾映嫩芳瓊花明秀貯之房掩面避人半袖粉

簪花入鏡滿肩香自憐瘦骨思仙術欲露清姿却艷粧

可是朝雲侍坡老祇翻貝葉賤霓裳

雪晴

輕帆掠南浦隱現晴山五西南獨杳然賴有茅菴補

雲樹近亦迷寒江轉空濶中有釣船停得魚還復撥

沈求

梅源草堂集

吳梅村梅花集句詩序求字貞居隱居梅源在

吳淞江北梅花十里不減鄧尉山頭即王侍御洪

洲先生著書處卒也私謚貞愍先生

戊戌春初蘧菴徐先生約往西山看梅於二月

朔發舟抵鄧尉山縱遊兩日先生以事往吳

門余獨留經旬盡攬湖山之勝草數語記之

予家淞水湄種梅十餘里肇錫以嘉名梅源從此始擯

影數年來彷彿孤山裏何羨鄧尉峰乃有梅海耳今年

正月晦徐翁貽尺素老興復不淺期我西山去蕩滌自

橫塘言尋上方路攬勝虎山橋夜泊光福址管絃一何

喧新月照瀾瀾詰朝好風日造物亦鼓舞看花厭興行

策杖還徐步青山如良友意中方快觀况是梅放時林

氣煖遊目花驥無定程豈必問玄菟風來紙遠香低迴

幾紆顧或疑雲浮空復道雪封塢曳雪更攀雲那惜屐

齒破徐翁相顧云人事難具美一日足千秋勝賞恆可

止獨余未忍歸留連更思住春風恣遊遨但惜寡儔侶

登臨誰與偕追隨惟小史擬住潭東西明發驟風雨稍

霽訪別峰逶迤過石子處處花蹊深行行暮山紫取道

甚繁紆蕭曠多幽致次早聞震雷輾轉心神悸雨往不

屬謀跋涉雙芒屨我能恃一勇于以勝百阻少焉忽披

雲仰見白日喜天公誘徜徉已歷錢家渚羅浮萬樹花

香雪擁于趾嚙啖蕩寒碧虛白散空水花光與水色映

徹乃如許西磧終不忘勝境愛多取貪遊忘歲年何爭

補 37—574

旦暮只蚤起從青芝爰至茶山礪花繁塞遠近徑折迷
處所石壁共危樓曠望倍容與足山邈而東襟湖帶長
岬白浪捲清芬餘芳入衣履平生山水歡兼與花期遇
到此若遊仙耳目不自主因知吾鄉梅未足多誇詡正
如夜郎王不知漢大矣吾有貪癡想就此結茆宇安得
買山錢夢魂當暫徙

沈弘正

字公路上海人著有枕中草容臺集枕中草序公路才

擅蘭芬心游竹素中歲善病藥裏詩筒雜然並進
斷鬚嘔心著作之興迄不衰止藉令策足王塗盱
衡詞壘將其道益廣其氣益揚送別懷人不止眼
前儔侶登高弔古不止封內山川騁妍抽秘著書
滿家當必有富於茲集者矣嗣子穀仙博雅紹聞
結集授梨傳之海內俎豆於孫太白王履吉之間
嗟乎公路不死矣

詠絡緯

抱葉淒吟徹夜酸豆棚瓜架露初圓不愁弱縷千條斷
似共清砧五夜寒飲露玄蟬聲已寂颺輝丹鳥照相干
何須枕上梧桐雨聒聒聲中待旦難

入耳焦繁入夢酸涼風瑟瑟月團圓却同成婦思邊早
絕類孤交念客寒巧借蛛絲依叢薄光偷螢火照闌干
客心聽雨夢如結雙鬢明朝欲理難

素節蕭森物意酸疎籬密葉綠成團為催機杼家家急
不恤縲車夜夜寒織女韜光雲爛漫綃人有淚露闌干
亦知縲績由來苦訴出千經萬緯難

哀音嗷殺動人酸拋却齊紈扇影團裳比蜉蝣連夜楚
韻先蟋蟀早秋寒迴環錦字文何在添補征衣線若干
莫笑窮檐少婦嬾應知空軸和偏難

吟來雨苦又風酸秋蔓如絲卷作團夜織未停催曉織
御寒早計為祈寒蘊疑蜎婦抽槁壤機隔牛郎望水干
物候驚心牽不斷綿袍欲換葛衣難

切切嘈嘈無限酸樓邊燈下淚珠團繁音促節皆含苦
挾纊求衣不待寒五袴有歌因夜作七襄無路向天干

同袍寂寞憑君話久矣人間卒歲難

弱羽何知聲故酸聽來渾未解疑團臂如釵股縲應怯
聲並銀床轉更寒恤緯似和婆婦歎偷光不向壁隣干
縱然裂帛聲堪愛尺寸流黃徹夜難

炎涼乍改話辛酸愁緒千條結一團為綵為絺暑已退
無衣無褐歲將寒機虛不受蜂黃染韻斷疑逢蟾芥干
耿耿銀河雞未唱薄衾輾轉夢成難

柔腸一縷苦含酸皓魄三秋缺又圓青女裙捎瓜蔓短
黃姑練惹豆花寒非因拒謝梭輕擲似激游秦祿未干
豈聽一枝勤織作牀邊宇下傍人難

一度哀吟一度酸一回疎散一回團平林未染縲先急

亂葉如梭擲處寒高下齊鳴無辨處東西並影不相干
只愁二月新絲盡欲續今宵匹練難

公路自號非磊落民著有蟲天志其詩皆列志中
若枕中草無從覓也時有沈茂之者亦工詩勸公
路昆季見朱季子芳草篇

風餘韻卷四十

明

松風餘韻卷第四十一

目錄

明 范惟一 三十二首

范惟丕 八首

范廷言 一首

范允臨 七首

范濂 六首

范文若 一首

松風餘韻卷四十一 目錄

胥浦姚弘緒聽巖編次

范惟一

〔雲間志〕畧惟一字于中初號洛川更號中方宋文

正公十六世孫以上世洛中識無忘也居華亭之

泗涇里〔方志〕世家吳開父北嘉靖庚子辛丑聯登

進士選知鈞州鈞故衝劇徽王素黠倨豪民多影

寄田產為狐鼠穴公籍出之屬以役王恚甚不能

撓巨室皆望風斂戢擢丞濟南地係省會公佐治

嚴明監司有屬之伺察風聞者公謂此實長奸方

陳不可乃罷釋長清民私關擬辟之獄白青州李

松風餘韻卷四十一

氏二子弒父之寃時稱神明晉膳部貢外轉虞衡

郎中擢廣東僉事未上丁父憂服除補湖廣分部

荆西沔陽胡廷璧怙勢肆毒景陵熊某倚貴道法

悉捕治之潛沔受江水衝激堤潰不支田廬漂溺

軍需通滯為下令緩征復發粟以賑貧者全活無

算擢山東參議督漕事抵京師遷浙江督學副使

其試士關防甚嚴而評隲甚當多士咸服品題秋

闈揭榜得雋九十名大半皆首拔士餘亦優錄士

也遷河南叅政浙江按察使江西右布政轉左時

籍故相嚴氏贓物在事者急於取盈多所株連人

情洶洶公言之撫巡得緩乃無他虞諸所議登革

弊端密詳役法督撫周公一一允行之會繼周者

至屬吏有怠玩者公法懲其胥吏遂拾他事中之

兩臺值公已遷南太僕寺卿遂乞致仕而歸留意

著述涉獵詩史百家為文能自成一體而詩仿中

唐晚出入元白間所著有振文堂集范太僕詩集

闢嘯園初天游閣暇則偕名流觴咏其間怡然適

也遇歲時之祭必一再抵吳門合族人講家範以

訓飭子弟焉吾松茲司成文石受業於范太僕范

受業於張黃門白灘張受業於馮廷尉南江四公

遞相授受一時同朝後亦同在林下晤見間必曰

吾師吾師北面教弟子禮甚謹此亦雲間盛事也

松風餘韻卷四十一

〔方志〕遺事嘉靖庚子龔諫議情范太僕懷粹同舉

應天是年范設館街市間教授生徒得雋後仍到

館課業偶有親友以鼓樂賀龔者范適在簾內窺

而笑曰何許大功名播弄如是又朱餘山欲延師

課其子大韶其甥張磊塘以泗涇范惟一薦時范

尚未入庠朱即具贄往謁見門聯云檻外江河遠

山中歲月長誦之色喜明年范赴館敝帽布衣謁

餘山之伯尚書公儼然上坐尚書公以此雅敬之

〔雲間雜識〕嘉靖癸丑倭亂時中方尚居泗涇聞倭

至急攜家眷行至陳方橋暫住大家明日有人

來報倭至泗上中方曰我本泗上官家賊必問所

往安知其不來襲也須急行以避之遂連夜西行
是夜倭果至陳方橋劫掠而去

遊涌泉寺

秋郊聊命駕乘興過東林坐見峰巒轉彌傷洞壑深竹
氛輕染袂潭影澹澄心寥落諸天外蕭蕭清梵音

途中雨作

軒騎曉衝泥溪流急瀼西山含積雨暗樹亞濕雲低客
思兼秋發鄉關逐望迷何當謝塵鞅歸養雲中雞

與客池上納涼

林端起明月下映芙蓉池攜客來避暑清風為解頤荷
香空裏發雲氣望中疑不必濠梁上脩然與渺瀰

挾瑟上高堂

趙女倚新粧含顰緩上堂徘徊猶按瑟顧盼轉生光初
調凌宮徵流徽引鳳凰停絃且莫竟只恐斷人腸

和贈董紫岡亂後移居城南二首

江左稱才子人皆屬董生偶隨玄豹隱非戀白鷗盟避
亂空懷寶移居違請纓吾憐骭髀意兼惜滯留情
獨乘茗水棹初卜鶴城居花發傷新徑烟銷憶舊廬園
無三載跡惟有五車書聞說開東閣何人薦子虛

穰東道中

郡國時于役晨馳使者軒浮雲開北極春色滿中原綠
麥畦潤紅翻花徑繁偶延田父問稽首竟無言

宿尉氏

晝臨洧川水暮宿尉繚城歸鳥投林暝空庭待月明風
吹衣帶緩露入酒杯清坐久意彌適悠然忘旅情

送人之廣東郡幕

春杪都門道清尊送客行一官趨郡幕萬里是王程瘴
嶺排雲入蠻烟入市生回看鄉國樹黯黯正含情

龍華廢寺

鴈塔猶初地龍華半劫灰棟虛雲氣隱簷漏日光來馴
鴿羣迎客香花亂點苔還憐杯渡者何日問津回

慧日寺

入寺慈雲繞登樓慧日臨將心空萬相送目到孺林木

石皆禪觀風靈總梵音相攜況玄度不覺悟玄深

金山寺

貝闕天中闢金鼇躍浪來誰將一柱立能使百瀾迴吳
楚帆邊合乾坤鏡裏開憑高瞻王氣繚繞鳳凰臺
別島藏金刹仙源架法堂江將山作礪寺以水為鄉秀
靄窗中發驚雷檻底翔無煩泛槎往已矚斗牛光

春日陳鰲石邀酌神樂觀于道士房

我愛陳琳春思嘉乘春邀我赤松家香傳桂女來三洞
酒引芝童泛九霞天近漸聞鈞樂下花深真覺藥珠賒
歸途不必攜雙炬自有星河列翠華

送吳寤齋給諫使琉球二首

尚方麟服報新裁朝論同推季子才玉節初從三殿下
金書遙自九天來槎浮雲漢心同遠帆借風濤思益開
為灑恩波臨異域非探仙筴訪蓬萊

青瑣方當入洛年皇華先賦遠遊篇誰言馬史窮南北
還與張騫互後先寶籙天邊傳琬琰官儀海外仰神仙
懸知來往多延攬徧采風謠達御前

贈性菴鍊師

聞君結宇傍清都霞檻雲窗互有無早植雲根時鍊魄
獨含真氣滿懸壺三花共拂心無繫九轉初成道不孤
我欲一攀琪樹問丹臺應有羨門符

送皇甫百泉持憲之滇南

廿年詩賦重交期此日星輶動別離節使遠馳黃鶴嶺
瘴雲初散碧雞祠離戈按野空蠻落繡服行春肅漢儀
言及故鄉塵未息願將長缺報相思

宴聖水禪寺和董學士韻

淨居誰結遠公緣聖水巖扃自昔年避暑聊為河朔飲
入林如解沃州禪已非抱壁燃青桂不用攢眉向白蓮
却憶玉皇香案吏高情曾寄紫芝篇

錫山訪是堂先生留酌讀書園奉贈

憶昔東齊共薄遊別來荏苒幾驚秋多君不負青山約
媿我猶為紫綬留千里懷人先命駕一尊攜客且登樓
品題風雅酬明世江左名流屬故侯

謁文正祠

結客同尋杜石芳先公曾此憇甘棠林香不斷風流在
波影猶涵沛澤長野老花間聽舊履曾孫洲上想遺裳
誰言元凱多卿裔獨對新祠愧鳳章

春風閣

鄧州志在城外東南隅范文正公建
公詩有春風堂下紅香滿之句即此

穰城形勢甲西京飛閣崔巍接太清父老總能談舊事
邦君誰不慕遺名雲來縹緲高軒過籟發依稀雜佩聲
忽憶烟塵尚迷望春風檻外古今情

乾明寺題壁

雲峰上接鬱藍天蕭寺迢迢架紫烟尚憶采銅來帝輦
還憐飛錫自唐年香雲拂座三花擁寶月臨杯一鏡懸

偶憇公車聊眺覽非關耽慕竹林禪

宿長水塔院

寺湧波心絕四隣月來海角悟三身空明恍對摩尼皖
清淨如臨法海津桂魄依依流綺席星榆歷歷照綸巾
衾裳宿有烟霞氣不是乘槎犯斗人

蘭宵禪榻一燈明喜隔塵寰宿化城枕底波聲聽漸遠
牕中桂影覺逾清白雲投夢元相識疎磬醒人詎有情
晨起空林懸海日願從此地學無生

和屠青浦秋日泛泖登塔

平野何年列九峰浮波黛色湧芙蓉天邊飛鳥看將盡
樹裏浮烟望漸濃拔地仙臺樓白鶴倚空香塔掛蒼龍

山僧遙識佳賓至為集生徒數叩鐘

遙空海色入看無南湧青蓮出水孤玉殿虛懸臨絕壑
銀河倒瀉浸浮屠風飄天籟疑聞笛月引仙娥覩弄珠
詎必金莖探露掌五湖清興滿菰蒲

曉起見烏龍山白雲飛口占

曙色纔經天際開忽瞻飛蓋傍巖來懸知故有從龍意
不為襄王上楚臺

昔聞輪囷出蒼梧今見飄搖近白榆却憶堯年沉璧處
非關寶鼎吐汾湖

觸石浮空蕭散飛故將山水盪清輝初疑玉葉林端舞
復訝仙衣天際歸

松蘿齋集卷一

明

中

翩翩出岫本無心杳靄橫空結影深映日漸看成五色
隨風還欲潤千林

度方山作

石磴盤雲上虹梁跨壑飛前旌渺然逝客思正依依極
目孤飛鳥迢迢何處歸

范惟丕

方志惟丕字允謨一字于公辛丑惟一弟嘉靖丙
午舉人已未進士禮部郎中歷任光祿寺卿雲南
副使

秋日卧病

天時有代謝暑運一何速大火流西隅白日沉南陸淒

陽照美景金風蕩修竹滴滴珠露垂沾彼籬邊菊萬木

枝漸疎下林葉如束景物徒變遷嗟哉空碌碌潛穎不
再結陸苔豈重覆未能酬素志此身徒血肉有田不知
耕有書未能讀內望無寸儲外顧無斗祿感此時會乖
愁懷千萬斛壯心未已已願言當自勗

同林阜南訪莊小山於萬福菴

郭外尋幽事蕭然出世心一逢濠上侶轉覺思彌深野
色和烟暝花香帶雨沉玄言已超忽况復遠公林

寄答黃州劉節推

故人渺天末貽我郢中吟白雪音何遠青衿誼自深楚
雲頻入望燕月獨披襟握手知何日迢迢霄漢心

松蘿齋集卷一

明

題亦樂園二首

勝槩不在遠君懷獨自幽青山几上足綠水意中流興
與煙霞適心將造物游靜觀良有得何必寄林邱
蕭然一畝區行遊樂有餘古今同逆旅天地此蘧廬偃
息道彌遠夷猶思轉紆達人已忘世寧復限吾居

題顏井和虞翁韻

甘泉云易竭是井一何深瓢飲安吾道逢源在此心倚
高非就谷傍澤若為隣不有澄清者安能寄賞音

清源道中贈吳桂軒憲副二首

憲府弘開握上遊環迴直拱帝王州萬方禹貢通輸輓
百道秦關屬壯游謝眺裁詩風滿座劉琨清嘯月當樓

長城賴有君侯託南顧應紆聖主憂
使君高雅比蘭金傾蓋都門憶至今十日晤言天上得
百年意氣酒中深輶軒絡繹清源道羽衛森嚴細柳陰
最是乘閒弄泉處冷然還見柳之心

范廷言

雲間志畧廷言字伯龍號訥齋更號侃如華亭曹
涇里人萬厯己卯登賢書數上南宮不利乃就選
人得粵東之萬州州在海島中毒霧翳日漲波滔
天意不欲赴同人憊憊之遂抵任值歲祲民走死
如鶩乃撫摩噢咻蠲逋發積有揚奇嶺者收合亡
命往來椎埋一方騷動胥徒咸為耳目有司莫敢

松風齋集卷四十一

明

九

誰何公初至即畫計就擒荏苒自此絕跡黎洞有
蠻時出沒為民蠹賊躬往宣諭擊牛醺酒犒之遂
誓死不敢侵犯又修鄉約置籍書善惡姓名繩督
提撕其子弟又倣邱文莊配丁田法五十畝稅一
丁田漏丁浮者一切撫實汰去之民亦稱便蓋州
於海外稱壯前守多坐脂膏斥去公勵冰蘖罷征
求裁里甲羨餘不以入私囊而以修學宮葺蘭若
不越半載善政種種吏習民懷公亦自謂可以安
意行志矣一日又渡海參謁而潮勢颶發橫奔餘
艘九上九下於中流幾葬魚腹公怔怔怛怛遂成
怖疾居三月投檄乞歸上官苦留之不得又閱數

月始得掛冠力疾抵瓊州憤恚而卒萬人聞之為
之慟哭罷市者數日方志侃如弱冠補弟子員從
其父謁馮廷尉奏文驚座上客廷尉大詫曰而有
子不貧矣即以從女妻之屬其孫大受受經焉侃
如稜稜以師道自尊不少貶損蕭然抗志居無一
椽上海令高公進孝嘗比於邵根矩井大春之流
泖塔次林太僕韻

范允臨

松風齋集卷四十一

明

十

郭志允臨字至之雲南副使惟丕子華亭學入監
萬厯乙酉順天中式乙未進士錢受之云長倩意
匠浮動墨瀋橫飛未嘗以琢句劈積為工如雪山
池中甄陀女歌聲柔軟能使清淨五百仙人皆心
逸不自持小長蘆云先生筆精墨妙揮毫落紙與
董尚書爭工晚築別業於天平山之陽彈絲吹竹
選伎徵歌江表望為神仙中人又得佳偶倡和傳
鈔片楮比於珊瑚之鈎范氏家藏遠祖隋唐時告
身尚在文正忠宣諸老手澤猶新義田長以振窮
牢木未嘗改列清門百代四姓遠不及也

有憶

井底不復顧花飛難再攀江頭一片石應化女郎山

詠剪春羅

君恩宴曲池為郎製宮錦月落杏花寒裁縫剪刀冷

謁靈澤夫人廟

在蕪湖縣磯山昭烈后孫夫人廟也

蜃闕蛟宮枕激湍湘簾暮捲浪花寒秋風一夜巴陵雨

腸斷歌聲咽木蘭

靈粉柳塗生網絲濕雲涼露冷空祠駕紋翠鈿流塵暗

猶似深宮望履綦

卧雪齋

卧雪高踪不可攀臨池筆塚漫承歡聊將硯水供甘毳

寫盡芭蕉葉未乾

松風錄卷一

十一

秋夜飲虎邱即事

亭臯木落氣蕭蕭雲淨瑤空月滿苔露潤石苔侵綵縹

風吹寶袂關纖腰梁塵暗度櫻桃曲鳳駕高翔弄玉簫

倒羊接羅歸去晚酒船紅燭照清宵

題雲聲菴

結構去孤城湖村對眼明敝衣裁野色清磬出雲聲灑

墨驚蛇走談經任鳥聽翻嫌賦招隱人世避知名

范 濂

雲間志畧范廷啟字叔子號養菴既謝諸生改名

漁萬州守廷言弟也日誦萬言充博士弟子文名

與伯子埒為文好奇詭跌宕是時經生多靡麗相

高漫言無當乃作文機十論矯之所著一家言時

亦推為赤幟至壬午上書學使者請別博士弟子

籍而服山人服自隱余山平原村居然以作者自

命著空明子據目抄兩書語多譏切時事又著四

書理解大都與紫陽分門立序而自以為紫陽忠

臣叔子善貧善病輒高視濶步有強直聲性喜詼

諧箕踞一寒齋以詩酒自娛年七十餘而卒所著

尚有杜詩選注一寒齋副墨行於世雲間信史藏

於家方志范叔子著空明子據目抄雲間信史筆

力矯健於郡故確有可採者與其兄萬州守人

以大范小范目之雲間雜識范叔子著據目抄直書

松風錄卷一

三

時事語侵郡邑然多風聞後撫臺鑑塘朱公收繫

郡獄王父母懷我曰孔子作春秋而亂臣賊子懼

范君作據目抄而貪官汙吏懼眾謂范必死矣已

而械解撫臺竟不深罪第曰無再為此足以殺其

軀而已釋歸無異再生據目抄小傳叔子每試不

中程里中經生不識也獨宜與萬文恭廣德甯孝

廉識之是時宜興令丁君為弟子卜師走幣至華

亭延叔子一見遂為莫逆令既歸姚江猶延叔子

置家塾凡三年然後歸姚江之士北而受經者鱗

集得其指授相繼脫穎而去叔子矜猶然青也上

海令顏公高公並歎強項而皆推轂叔子叔子

一往報謁而已他無所請二公益重之

泖塔

水光十里抱層關寶界天開鏡裏看樓影遠侵帆影濶
潮音遙帶梵音殘僧歸鮫室三衣冷鐘斷螺烟九點寒
不必更尋瀛海路禪機合處是金丹
百尺珊瑚掛碧空冷冷金磬度高風銀濤不放魚龍卧
錦纜徐看楚越通希有俗塵來檻外真留淨土在囊中
老僧指點松門徑月觀無如此地雄

八月梅花

萬曆壬辰八月初四日佛字橋居民龔楷家
開梅花一朵且紅梅變為綠萼尤奇時指晚

松蘿齋集卷二

明

五

年得子座客以梅為瑞浣予作二絕贈之

後梅連開數十朵

中秋新月尚如絲豈是庭梅破玉時為愛鳳雛應獻瑞
故將春色借南枝

曾見江梅綴異芳陡翻綠萼關紅粧枝頭一朵秋光發
堪並君家桂子香

疊望雨遣懷韻

寄傲幽居不問津悠然世外一閒人孤貧只合埋名姓
風月由來自主賓開卷漫窺千載秘種花常得四時春
霜顛幸竊人間壽世變驚看事事新

雨夜

一寒如此且無兒老去翻嫌歲月遲勝境昔遊頻入夢
舊交半故總堪悲離邊有菊且呼酒竈下無薪任斷炊
陰雨昏昏消永夜蛩聲欹枕似催詩

泖塔詩集中約數十首渾灝流麗逼近盛唐斷推
養菴擅場才氣之雄一時無兩萬州亦拜下風詩
不可以窮達論也若云窮而後工則朝紳擅雕龍
韋布成畫虎者多矣又何以下轉語

范文若

郭志文若字更生

幾社六子詩
一字香令

初名景文上海人

萬曆丙午舉於鄉與常熟許士柔孫朝肅同郡馮
明玠崑山王煥如五人為拂水山房社以奇文鳴

松蘿齋集卷二

明

五

一時已未成進士為汶上知縣以嚴察為治改知
秀水縣案牘之間不廢文翰再調光化縣意不自
得或兼旬不治事扁舟往來江漢間以釣筒詩卷
自娛遷南京兵部主事為考功陳某中傷內計左
謫江西布政司經歷稍遷南京評事以憂去官卒
於家時年四十有八文若美姿容工談笑雅慕晉
人風度好為樂府詞章識者擬之湯臨川云

送周勒由自楚歸吳

春燈韭雨剪屠蘇遮莫天梳與地梳作客同沉黃耳犬
相思並喚白頭烏霜橋雪罷遊難賦漁館歌殘興不孤
此去文成驚詛楚與君槌碎碧珊瑚

松風餘韻卷四十一

松風餘韻卷四十一

十五

松風餘韻卷第四十二

目錄

明宋愷一首

宋瑛一首

宋臣一首

宋紳一首

宋堯咨一首

宋堯明七首

宋堯化二首

宋懋觀十首

宋懋晉七首

宋懋澄一十七首

宋存標一十四首

宋道通二首

宋道泰一首

松風餘韻卷四十二 目錄

一

胥浦姚弘緒聽巖編次

宋 愷

〔雲間人物志〕愷字舜臣號樗菴華亭人弘治己酉以儒士登科庚戌中會榜病歸卒未成進士授屯田司主事轉副郎歷虞衡都水郎中擢守廣信郡當孔道送迎宴犒一切罷革有給事某奉詔括民田增稅數百石疏請蠲之丁內艱起補建昌南昌民何東仔余元一以反狀相訐奏二十餘年不能決兩臺屬公一訊具獄以報衆共驚服陞福建叅政可外艱起補廣西平府江獠夷賜金幣得民黎仲明叛復提兵討平之時逆瑾擅政未嘗以一縑私往來會費捧入都即致仕家居二十餘年御綠希袍烏紗帽驟見之不知其為顯者所著有樗庵集年八十而卒〔雲間雜識〕愷為廣信太守偶拜張天師有一白紵玄巾者先存坐宋至即據首席亦不與談其人先別去宋問彼何人張曰此純陽老師也即令人追之杳無蹤矣宋大悔

壽姚程夫

峯泖中央七十翁素心如水面如童總因聖世淳龐久直使仁人享受豐對酒雅歌忘老大攬衣小舞未龍鍾桑田滄海何須計長對榴花歲歲紅

宋 瑛

〔雲間志畧〕瑛字克輝號檜雪華亭蕭塘人侍御璵之弟屢困童子試父欲令之從業涕泣以辭讀書窮晝夜不輟日食水豆羹粥人不能堪而處之裕如景泰庚午領鄉薦中天順丁丑會試廷對賜第一人出身授工部營繕司主事繕部典徒役與中貴人雜處瑛謝絕干請屏去豪猾使不得夤緣為奸獎端竈數挾剔殆盡中貴人滋不悅思所以中傷之者百方陰使人詐為傭以偵其過失歲餘無所得更得其廉謹數事以是中官不敢肆螫加敬禮焉甲申引疾歸時年始四十五居家養高自重而引進後學之意拳拳作延齡會以合族子弟願學者為館穀教養之遠方來受業者甚衆事母至孝居喪哀毀骨立有燕乳白雛於堂時人以為孝感南吳舊話錄克輝少工經生言風度可欽人呼曰小宋及兄璵已貴封公曰汝兄矯矯僅供饘粥在汝不若舍而從賈庶幾兩社雞豚之費不煩請於質庫公涕泣婉辭力學不倦竟成進士

澄照塔院

萬頃波心寺珠光散未收浴鷗活法雨清嘔出高秋野曠瞻無際潮平勢若浮行當謝塵網來此漱安流

宋 臣

方志臣字以忠華亭人弘治壬子鄉薦辛未登進士出宰樂清民獷悍好訟臣鎮之以靜稍戢豪婦以姦事為親子所覺即與姦夫毒殺之誣里中素有釁者連歲不能決天大旱臣為白其事即大雨丁艱起補宜黃值寧藩煽毒有冒稱府校者假託誅求臣笑曰是贗本也覈其實置於法陞南京工部主事歷貢外郎中督蘆政以過勞得疾歿居官十四年公平廉恕宜黃民祀之（各諸偶鈔述公六十一歲始登第）眉皓然列三甲應授縣令過堂日吏部見公手神俊與氣度閒雅特選主事後官至參政而歸其中榜詩曰六十年餘中甲科英雄豪氣未消磨寬著綠袍騎瘦馬風流還比少年多豈知臣起家邑令終於部郎始非即授主政後亦未至參藩也蓋傳者誤矣

壽姚程夫

教被西江隱北城風前花底恣閒行心因忘我時時泰詩不隨流首首清吳下幾人能七十眼中三世見昇平更聞鄭路新團社願借先生作主盟

宋坤

九箴集坤字維簡別號三江弱冠補博士弟子員屢入鎖院文嘗當主司意矣竟為忌者所格入貲遊南雍事竣旅於吳因家焉凡十有六年出入坐崔舫容六七十人養白馬其中陸則命騎馬服酒漿登高噴玉聲振山谷集女樂一部諸女名皆極風婉春風花月之間不廢文酒三吳以為美談不

一稔故里蒿萊矣晚年始歸為人饒逸趣未嘗睚眦年踰不惑遽謝聲色之好五禽道引靡不精研年七十有八猶登匡廬絕頂歸期年而卒性好奇字每諸子侍飲輒舉筋連書奇字百數曰甲見子部丙見丑部按之一一不失所著詩文若干卷未卒前與酒具同筭盜并筭盜去橐遂亡

自題小照

楚狂燕俠晉風流萬里滄江一釣舟堪笑此翁偏僻處嬾隨青紫事王侯

宋公望

九箴集公望字天民別號西莊少通春秋父錦村

公名倫成化

拘負租人丁銘於家自縊死焚其屍

族黨構之以折肋死誣於官又有中傷之者負氣不能自明遂誣伏公訟寃於郡暨臬使御史臺已而上疏闕廷下所司覆讞終以家饒於貲司讞者輒引嫌莫肯為昭雪而公訴無已時繫獄數年營救者萬端竟卒於南司寇獄錦村公既坐事族人里中乘難欲奪據其產訟關遽起公一一為理辨其產卒完俟弟長均分受之及弟入讒頗傲公公不以傲故損兄弟惟性仁厚務掩人過樂道人善為學生六試於鄉不偶入為國子生不仕優游間里與鄉先生顧東江錢鶴灘及名士王鶴坡戚龍

淵張一桂之徒交契時時延致結詩社歌詠為樂
數年卒所著詩文率多廣遠棄亡於島夷之亂郭
志宋天民與顧文僖同學友善及文僖主考秋闈
先生竟不人試文僖深以失之為恨抵家始知其
故即造慰曰何自遠乃爾答曰我兩人交厚不得
則損公衡鑒之明得或疑公私我故引避以兩全
也文僖歎服

渡黃天蕩時赴蘇省
父獄中

好風一日過姑蘇十里荷花似錦鋪江上晚山多好景
雲望處淚模糊

偶題元集公晚年築新第於舊居之東山亭
園樹畢具費至鉅萬其廳事前曰恩中

松風齋韻卷四二

五

曰自得後列畫樓五楹忘其名相傳梯可方
與而上金碧眩目其門諸片雖鏤翠象落成
之日題詩於牆工之籍云又樓成於嘉靖
之元年是年即卒後五年歸於蘇侍御移時
蘇見樓脊中鐵索凡二餘艘歎曰我值不及
償建時稿費十之一敢效獻文之禱乎為銘
卑二尺建之後
竟為委所毀

烏鵲銜枝口血枯結巢端為長春雛未知他日雛心事
肯學慈烏反哺無

宋堯咨

九籥集堯咨字中允號婁城少與唐大行大志祖
溪公同學蓋中表兄弟也一夕燈下課藝未寢而
盜入室公潛起踪其後執之呼唐及蒼頭俱起燃
燭反接視之乃里人子以惡少稱者因以酒令之

飲至醉布灰於藏書箱中殺之而扁其屍於中令
蒼頭昇至其家門外及曉其妻見箱大喜以為偷
兒所得物也亟與所親遷入發之乃夫屍也竟不
敢揚言其事大行每舉其事以示人謂有應變之
才父三江公好遊少旅於吳產宅盡廢公迎還故
鄉三江素稱通率自言見大兒必振肅以待語及
輒慟目之為真孝子事母唐孺人尤謹偶入城忘
謁路半命迴船還家入白狀母曰兒言入城遲遲
者何也既出衣汗如漿撫兩弟若子異母者亦為
之婚娶卵翼之入庠序分產無厚薄焉喜著書及
卒侍兒攘其貲并其遺稿以稿為貲籍也懷之甚
密每索之愈秘後不安於養再字竟匿稿而去所
存有秦淮行一首其去婦詞十二章則不復憶矣

秦淮行

江底潛龍吐雲氣三千赭衣鑿淮水鵲池壁遺楚歌起
淮水未深秦鹿斃有身便當作神仙有國便當垂萬年
江東地脉如可斷行將續取望夷前望夷宮前奄豎吼
天子甘心作黔首人世紛紛為變更淮水至今留秦名
淮流去不歇夜夜沉明月明月照秦都阿房今在無貪
心詎能廢過眼便成愚君不見長城築盡臨洮土還與
劉郎障胡鹵

宋堯明

九篇集堯明字憲卿號霞峰父三江公旅於吳因娶吳而家焉七歲時嬉遊庭前有客詠隔簾看鏡詩久而不得忽應聲曰秦嶺望來雲冉冉楚臺看去雨濛濛時胥臺袁公貞山陸公衡山文公皆戰手嗟賞競抱持之弱冠從父歸華亭三十為縫掖又三年甲子舉於鄉累上春官不第辛未就廣文於德化遷歸化令丁外艱服除補松陽改調安遠初嘗貸里人馮完金償之倍矣而忘索券馮故華亭胥居徐相公長君門下恃勢橫索無厭及官輒之官請託來安遠受瘴癘卧寺中旋死因被劾馮養子五六人復訟於撫按滯泉待罪南昌旅一小

松風集卷三

七

樓終日閉門嘯歌同寅有悲其蕭瑟力為之辨而馮實自死獄卒不成奈以傲骨抵牾上官遂引繩批根以向曾以狀假縣中守藏金金還而狀留庫櫃中如故坐擅用所監金七十引律戍遠之鐵嶺去縣日文豪數十束餅壘數事而已居鐵嶺五年博士弟子請業者日衆督學使者為延置官舍外藩亦以客禮見之尋遷開原亦居公署生徒加盛於前少司馬李公松聞其賢延至廣寧遂獲好於寧遠李公暨大將軍如松金吾如楨諸伯仲日登巫閭領其青翠咏數萬言後從大將軍出塞攝官承乏斬虜十七級以拒於例不得復官僅釋伍聽

歸而已歸時年已五十橐有千金裝悉散平時親故沽酒沉酣居數月金盡乃復事遊往來南都而浙廣陵廬壽間多託交游以自全歲或一歸與季弟周旋期月輒去生平內察外疎信讒得禍所著詩文數十萬言散逸殆盡未謫前有刻者其旅遼之詩有曰朔風鳴枯桑荒山帶秋水秋風動歸興匹馬背孤城清觴澆夜月白羽獵秋雲斷隴黃雲依古戍孤城落日射寒流短髮總隨烽火白寸心獨對陣雲寒幾處寒砧隨淚落去更殘月對愁懸山光遙帶金城曲海霧全收玉帳高入澗亂流侵馬腹依巒嶺壁轉羊腸沙霧暗消明月在野烟橫

松風集卷三

八

斷夕陽多則宛焉搔首於胡天也鄰雞春覺曙簷馬夜知風魚罾懸岸細鷺影立波閒柳陰晴浪捲麥隴晚烟平荒林紅葉靜流水白鷗閒簾影弄風消半篆碁聲移雨過殘花微風綠漲河邊柳細雨青歸隴外田野渡春風橫斷鴈荒村寒雨報鄰雞則旅況可以消魂也又嘗曰當年那羨黃金貴此日徒令白髮侵及哭弟季鷹曰朱顏自昔催青鬢紅粉由來送白頭此麟鳳之毛角其威祥具見矣晚年日更淪落作日西四章聞雞三章蓋有悔於感讒也初鄉舉之明年有同年聯第作縣於閩之仙遊託之請夢於九鯉湖之神夢入廟時有人手

授紙如掌書曰風送桂花香十里如是遂覺公曰
吾不得進士矣蓋言桂而不言杏也於是有廣文
之選及居開原署中旁一小亭有春帖榜柱其右
失矣左則夢中句也遂大驚異蓋事之前定有如
此

日西四章

日之西矣火之流矣嗟我有懷歲倏逝矣
月之盈矣水之東矣嗟我有懷時弗再矣
之移矣木之落矣嗟我有懷時之非矣
霜之凝矣冰之堅矣嗟我有懷曷其及矣

聞雞三章

聞雞旦旦仰視河漢乃駒之疾余心曷判
聞雞及晨秉心惟寅乃中則辰余躬曷新
聞雞遠西百慮紛醜既明且晦余心曷剖
宋堯化

景州孫別駕留飲

駸駸匹馬景城過把酒其如落日何白髮相看吾獨老
黃金欲盡客偏多芳筵海味生鄉思別駕風流滿郡歌
青眼况逢賢刺史明時事業莫蹉跎

送林刺史之汝寧

十年海上抱離愁負笈都門又一秋五馬春開中嶽色
單車雨逐大河流即看秀梁園過更喜棠陰楚地留

他日除書居下吏侯芭還許問奇不

宋懋觀

字賓之華亭人

十四夜立茲齋中觀燈

花月小平津春光此夜新綺羅荒北里簫管沸南鄰寶
馬嘶明月香車碾細塵金吾正弛禁可奈倦遊人

宋懋晉

郭志懋晉字明之叅政堯武從子穎敏絕倫幼見
牧童驅牛從壁上圖之輒神似稍長讀書頗愛博
涉不樂為經生言去而學畫日夜臨摹古蹟已從
嘉興宋旭受業參以宋元遺法自成一家深於畫

學富有邱壑若仙山樓閣之屬經營位置莫能過

也兼之風度瀟灑與人交無城府雅善談論好吟
咏題跋殊工博物格古賞鑒家推之無聲詩史明

之畫法趙千里吳仲圭黃子久而筆墨秀潤邱壑
清深同時以畫名世者如董宗伯思白鄒學憲彥

古皆推轂焉畫品可與趙文度抗衡

題趙文度便面小景

藏南梁徐氏

古木支離枯藤夭矯短棹孤帆滄江野老

題大椿圖贈周山亭

見小阮落扶屏障

卜築郊村外幽棲不用名大還何足羨小隱自長生閑
戶耽玄覽屏居絕世情忽思明月社感慨舊時盟

甘貧能自樂那肯受人憐白接蒙雙鬢青藜守一廛
軒遲隴月短策立墟烟日日懽清業何愁不百年

覓句題蕉葉風瓢挂柳枝短橋艇蔓艸古樹護庭墀夕

照杖頭碍朝霞枕上遲貪瞋應已盡豈是尚存癡

隱居君數載漂泊我多年接命須丹竈謀生藉硯田街

杯湖上月躡屐雨餘天獨酌陶然醉拋書作枕眠

重心無俗慮何必返童顏下捷揮千卷推牕歷九山庭

花爭綠勝著舞闌衣斑有日扶搖上而翁難閉關

題自做巨然畫冊

冊藏翁橋姜氏

大夫羣立盡參天石壁蒼苔不記年偶遇導師傳秘密

入山且做地行仙

宋懋澄

二

宋懋澄

方志懋澄字幼清年弱冠以詩文著比入北雍文

戰久不利轉徙而南中萬厯壬子鄉試父堯俞以

孝廉議江陵不守制發萬言書江陵既沒為人所

共誅懋澄乃作相公論三首以白其勲所為詩文

奇矯雄特無俗子韻慨然以修志自任具狀上臺

如三江之沿革百瀆之通淤城有議擴之條邑有

割分之說役宜計畝而荒熟難於適均富當重差

而花詭無由悉詰五年既有一定之役逐年應無

不測之差語皆卓落惜不遂其志也郭志幼清為

太學生時明光宗與福王同出閣講學禮數無所

差等懋澄上書大宗伯羅萬化謂皇長子皇次子

出閣若等威不定必啟天下之疑書凡數百言宗

伯大驚然時多忌之者遂歸屏居歲餘居母喪一

如古禮三試南宮不第卒尤工尺牘及稗官家言

有九籀集別集行世南吳舊話幼清為周處士魯

仲連贊云叱行如羊播秦似虎悼彼六國則莫我

侮東海翩然其人如玉明月挂懷白雲在腹擲筆

歎曰魯仲連今日始遇宋幼清說得

遊子吟

浮雲天漢隔遊子河梁湄俯仰岐路間舟楫無前期淚

從中懷來聲響安可追玄鳥凌秋風厲羽臨當歸斷帶

屢失緣百結成寒衣思心依親人彷彿還故居安知夢

寐間握手殊音徽明月布嚴霜棄余忽若遺欲假螢鳥

輝附彼鴻鵠飛

月中寄洪二

他鄉一輪月故國十年心對此頻相失沉吟方自今白

雲迷驛路芳艸隔春陰欲發登樓思風霜夜已深

送叔父出塞

斜倚征帆對酒歌氣憑長缺羽聲多少少年曾到黃羊谷

白首重遊無定河

燕寢

黃葉如飛下西風作大寒故鄉高處望尺素夢中看耳

畏鵝聲咽顏憑酒力寬銀燈相對久清淚幾時乾

述懷

人間既有命行藏亦屢遷賣文非我意縱酒豈徒然柳
色江頭水桃花馬上天男兒重七尺未擬受人憐

宮詞

月抵眉梢感不同胭脂比淚也輸紅闌干玉臂閒無事
好結同心謝守宮

金陵宮詞

澄江鳳艣石尤風水照芙蓉上下紅不及一羣批頰鳥
浮沉雲外送飛蓬

嘲歌者

雨過蓮花香滿池採蓮人自較來遲美人初出芙蓉浦
恰似蓮花半吐時

懊惱曲

為李南華
女郎作

朝渡錢塘江暮宿嚴陵灘東有早晚潮南有千萬山
妾方持角黍逢君端午時君愛一時葛妾身偏著絲
浮雲一出山驅馳不得歌有朝天轉風是儂歸時節

淮上

荒村迷客路徑指轆轤旁故榻堆黃管危簷傍綠楊魚
吹人影細鷗訝馬蹄忙白露驚秋鬢蕭瑟半已蒼

三渡符離不勝淒惋

洶洶黃河水何年此地行亂峰遮不斷一水濁兼清堰

決魚遊釜堦淫蟻附楹野人相向哭白首負昇平

支硎山懷趙二兼示上人

共謁禪林白日曛上人重晤更殷勤試尋嫩笋連根剝
戲摘新梅帶葉分半綠半青山共樹欲紅欲白晚來雲
故園會有離居思黃鳥聲聲遠近聞

歸燕

不啼秋葉委泥沙何處天涯更有家忽領新雛辭畫棟
還來細語過窓紗黃雲去日籬籬菊紅雨來時樹樹花
願作零陵山上石漫從龍尾拂晴霞

送王比部

雨後涼生天氣高畫行爭羨錦官袍庭前戲蠟先成鳳
海上持鈎獨釣驚秋日芙蓉開幕府春風楊柳映江濤
故人若問游閒信一半歸心寄大刀

山中古意

獨坐待鐘聲抽簪撥寒火開窗看雙星花影驚鸚鵡
孝廉抱用世才屢上春官不遂其志矻矻以著述
名非素願也雋句如柳枝迷百舌馬足怯萋萋曉
日雲衣薄殘星水面收每到登高處嘗思作賦才
愁看馬上客羨煞渡頭人行雙鏡裏魚躍亂星
中雲澁山迎翠風輕水漾鱗早晚起居青瑣客風
波珍重白頭人江頭破鏡清秋月城上啼烏兩夜
霜五兩輕裝同柳絮三年薄俸減榆錢幾樹綠楊

沉馬影長堤碧草帶漁航城埋殺氣雲常黑沙捲
悲風日欲黃暝色月深修竹裏曉烟香煖百花中
願如明月何時滿夢見黃河到底渾簾影不遮蝴蝶
夢風聲疑送鴈鴻書明月却迷飛絮路馬蹄踏
遍落花泥於欵欵磊落中而饒芊綿旖旎之致洵
是才人之筆李舒章云聲多商羽似孤城嚴角夜
臨秋風可謂知音

宋存標

郭志存標字子建隆慶戊辰堯武孫崇禎十三年
監貢注授翰林院孔目橋李詩繫宋存標松江人
有翠娛閣集南吳舊話錄華亭吟咏莫盛於子建

松風餘韻卷五

明

五

嘗盡取六朝三唐詩句櫛字比繼聲屬和名曰遙
和集陳眉公曰余小友秋士醉歌黃鵠笑指青霞
架學區中飛才句外自當不受白眼相看詩源詩
話孫豹人云子建詩五言如壯士盛意氣美人善
溫柔擬古句也滑稽時進規諷恒中清執戟陳
大義懷肉多內情詠東方朔句也玉膏灌丹木壘
梁駕龜車淵明讀山海經句也山川淡如此田南
樹園句也舊雨思良友新涼憶美人暮春句也方
之清輝娛人餘霞成綺又何如耶又七言律慧泉
云酈元刻玉鐫山志郭璞摩崖勒水經贈夏長樂
云他年愷悌稱儒苑前代循良補列卿高華典麗

賢首堂賦贈

本一禪院志賢首堂在古毫泉上
天啓三年大立建因塑梅檀大士

暨韋天二像於內
范學憲允臨書額

悟到無深淺禪根在靜中吾友真龍象淵然道氣充淨
因皈古佛內守斂英雄兩目印落月雙眉挂斷虹領取
西來意潑墨亦成龍我來拜賢首日月燈隆隆冥心藉
祖力慧刀開愚蒙

古辭

道旁有兔絲不可以為衣田中有燕麥不可以為粢虛
心是羨徒令識者嗤白駒隙中過青霜艸上靡良農
悲儉歲無使甫田荒嗟彼禾與黍不戢將萎黃顏齡能
不歎髮稚已悲傷努力各自持臨風共徜徉

松風餘韻卷五

明

夫

登烟雨樓

去去尋幽勝溪花映晚汀飛鴻一作雲隨意遠宿鳥帶烟

青水響千魚出潮寬兩岸平懷人秋思老斜月碧冷冷

折楊柳歌

羌笛何年怨吹來北地愁琵琶猶漢製掩淚上層樓

美人垓下歌

妾不獨生君不獨死得天下與失天下亦小事失節如
呂雉為天下者不能治一女子江水潺潺白石齒齒妾
與君來會於此

和送別

何必西州路能傷遊子情馬嘶催客起月落動晨征那

識關山樹徒聞鴻鴈聲為君勤惜別沽酒到烏程

秋懷

芳草秋來不易生驪駒且莫事長征天涯總是王孫路
海角偏增旅客情夢裏青衫知易濕鏡中宣髮為誰盈
勞心道遠人千里贏得隣雞徹夜鳴

閨門夜泊

遙向閨門近碧遊淒迷雲樹望中收風迴帆落檣先側
雨急潮生纜半浮何處張燈尋酒市有人題句覓層樓
情只許磯前鴈偏識歸程引客舟

送楊太史冊使入蜀

城磨王古梁州弭節蟠龍快壯遊溪是浣花通雁水

松風餘韻卷四三

明

七

亭名載酒接江樓碧雞曉日千峰麗白鹿秋風萬壑流
劍佩星辰回玉壘皇華張樂滿雲邱

寄贈武林吳靜諸子

何年縛屋倚南屏靜聽松濤雜雨聲吳茂草荒麋鹿走
越江春盡鷓鴣鳴堤楊柳迷烟渚近水荻蒲繞苧城
八月芙蓉寒紉佩六橋蓴菜夜調羹相期意氣如雲聚
吾黨肝腸似月明舊社寒星人影散新知熱血酒杯盟
江南望極衆山小夢後帆來一鳥輕隔谷烟深諸籟寂
又聞山鳥報初更

同陳卧子朱早服觀潮

九曲黃河勢今疑在海濱望窮千里目衝破一溪雲勢

猛驚師駭聲喧鐵騎聞飄然五湖意寂寞待湘君

老鴉峽

恃風舟屢進水落轉回橈洗石見山足浮雲束嶺腰扶
藤下仄徑脫屣試危橋安得秋風好新鱸正上潮

閨思

怕見門前芳草菲王孫久去不言歸春情惱煞雙蝴蝶
放下綰絲不教飛

錦帆花露暗侵衣日永庭深燕子飛人在瀟湘春又晚

勸人歸

秋士富有篇章詩源所舉諸聯外如鳥影風中失
人聲櫓後聞歸雲引飛鳥野燒亂羣峰寒潮不登

松風餘韻卷四三

明

木

岸落月欲為霜星搖愁落月鳥語失雞鳴風雨客
舟檣影亂星辰漁艇火光通千林雲氣星穿樹萬
壑松聲月在天東西兩漢宗無改吳魏三分業漸
傾十二金人消渭苑八千子弟起江東草荒衰塚
無人掃花滿空閒有月過葉落梧桐催暮雨花開
叢菊照寒星此雖鮫室零綃能令吳紉失色也

宋道通

字達甫行五范叔子常呼之為宋五云

壽范叔子

老去偏多邱壑情鬢眉如水更孤清才名久已傾前輩
酒態還堪掩後生書就千秋誇月旦吟成五字粲春英

信陵公子今如在肯向夷門虛左迎

春盡日同范叔子及七弟公安過孝廉張伯元

齋中留酌復訪楊生豪飲紀事

楊花吹春春欲暮日午花枝淨烟霧主人呼酒陳高堂
上客翩翩雅能賦玄言渺論開鴻濛氤氲四壁生春風
一觴一咏已無算還過杜曲淹春紅楊家樓頭雙燕語
十三十五能歌舞疑是當年解佩人翱翔兩兩來神渚
香蓮蕩渾散幽房一片斜陽墮曲廊相將且盡尊前樂
只問春愁幾許長

宋道泰

達甫之弟即一寒齋副墨所稱宋七公安者是也

壽范叔子

范公夙昔年少時高情灑落才最奇一朝著書犯常路
翻使狂名四海知縱橫彩筆難自制直道終遭流俗忌
帝謂斯人太陸梁不宜更假青雲翅從此逍遙辭帝鄉
侵尋歲月鬢眉蒼人間萬事了無與老筆獨遺工文章
贈公此詩進公酒公有名山業不朽千載爭傳叔子名
七十二春何足壽

松風餘韻卷四十二

松風餘韻卷第四十三

目錄

明 顧文昭 二首

顧 謹 一首

顧 綸 一首

顧 儼 一首

顧 濟 一首 聯句詩一首

顧 陽 一首

顧 曦 一首 聯句詩一首

顧 斌 一首

顧 正誼 二首

顧 衍光 二首

顧 廷樞 一首

顧 彥貞 一首

松風餘韻卷四十三 目錄

松風餘韻卷四十三

胥浦姚弘緒聽巖編次

顧文昭

鐵網珊瑚自署雲間人袁海叟寄顧文昭絕句曰
最憶顧家池水湄千株苔石坐題詩如今又是三
年別白髮蕭蕭只怕垂

題趙撫謙所藏石鼓文

撫謙名古則

古文不可見籀也遺芬芳去今二千載字畫猶端莊缺
落雖不完間亦存數行如逢冠劍士濟濟遊巖廊想見
當時盛會朝坐明堂俱隸皆正人從知史臣良況在文
武日寧少忘西旅貢厥藝名公遠為防周宣中興

松風餘韻卷四十三

明

主羽獵思外攘

哉詞語間未及

荒趙君博雅士

好古能收藏起我

題詩增慨慷

題張子正桃花春鳥圖

張公落筆最風流憶向梨花寫鶉鳩十載都門重見畫
忽聽鄰笛使人愁

顧諤

黃山志諤字山子華亭人府志顧諤洪武乙丑進

士官貢外郎

鍊丹臺

指月庵何處危峰住一家時時生海浪花月有山花

顧綸

墓志

顧諤字惟誠科目志別號微趨晚更號碧

潭世居蘇之嘉定元季祖避兵徙松江因占籍華
亭成化甲午領應天鄉薦五上春官弘治癸丑復
下第年已五十乃赴銓曹試高等授大理司務以
疾謁告歸丙辰改南京禮部正德丙寅陞南京刑
部貢外戊辰晉郎中逆瑾用事獄以賄成千戶周
其坐剋取軍糧下公論如律周愬瑾調都察院審
覆卒從初議有田姓者坐為人關節當戍邊同官
惡之欲併及其三子公曰非罪人不孥之意也大
司寇因改檄公竟坐首惡而釋其子經年之獄決
於片言陳季三越玄武湖盜觀版籍法當死公原

松風餘韻卷四十三

明

二

其情請減之有熊丙者當棄市臨刑呼曰吾今死
不恨顧郎中為我求生至矣其處法寬平信於上
下類如此四川地接諸夷藍鄙餘寇且猖獗人皆
憚行卒未出知馬湖府公毅然就道土官不識資
序以襲職歲月為先後有舅甥爭長十年不決者
公謂官有正副安得爾名之諭以國法事遂定夷
俗殺人及盜皆不死償以牛馬公至犯者皆以法
從事境內肅然府自安釐猾夏科場不錄士者三
十年公留心學校課諸生有可進者白於上官弛
其禁癸酉程一陽遂舉前名士類鼓舞有御史按
蜀遣人求抄板拒之已而劾公不職吏部知公治

壯寢不行而公亦倦遊矣明年申戌遂乞致仕歸
卜別業於白龍潭之南涯葺樓居花竹為休老地
始有碧潭之號與鄉人之仕而歸者十餘人為安
耆會會必有詩郡舉鄉飲歲必與焉嘉靖壬午冬
卒年七十九將卒為詩有月白風清之句命筆手
書無異平日公雅好吟咏在南都冢宰清溪倪公
輩皆與之倡和有寅清囊紀行橐碧潭橐並藏於
家

壽姚程夫

歸來林壑幾回春纔見高堂慶七旬久向急流辭世網
投散地樂天真芹宮宿學超同輩蓮社安耆恆眾賓

松原縣志卷四

明

三

日向庭階看桂樹儼然實氏一靈椿

顧佩

佩字儀青浦縣舊志弘治年玉屏山顧廷儀家

生瑞竹一枝兩餘曹時中有詩

賦小赤壁分得落字

壁立天地間鬼斧何年鑿長嘯谷風生松瞑睡孤鶴花
香撲酒杯雲影護香閣長笛不住吹聲撼梅花落

按錢鶴灘丁巳肇遊詩戊午早春曹定菴先生約

與王鶴坡宋以忠等同遊細林鍾賈天馬諸山延

儀與焉至橫山小赤壁以山高月小水落石出為

韻賦詩共得八首錢詩見集中府志所載惟此與

曹王三詩耳第二聯下有遠從定翁遊兩鶴有奇
作二語見高小湖待詔所藏手蹟刪之似勝

顧清

明史列傳橐清字士廉華亭人弘治五年舉鄉試
第一明年成進士改庶吉士授編修進侍讀正德
初劉瑾竊柄清邑子張文冕為謀主附者立尊顯
清遂不與通瑾銜之摘會典小誤挫諸翰林清降
第修又盡調諸翰林為部屬清得南京兵部員外
郎瑾誅還翰林擢侍讀學士掌院事尋進少詹事
充經筵日講官進禮部右侍郎時澄已為尚書清
協恭守職前後請建儲宮罷巡幸疏凡十數上世

松原縣志卷四

明

四

宗嗣位為御史李獻所劾罷歸清學端行謹恬於
進取家居薦者相繼悉報寢嘉靖六年詔舉老成
堪用內閣者廷推及清乃以為南京禮部右侍郎
上言錦衣職侍衛祖宗朝非機密不遣正德間營
差四出海內騷然陛下所親見近乃遣千戶勘揚
州高濂爭私財事囚其女歸憚毒倍加請自今悉
付所司停旗校無遣從之再疏引疾詔進尚書致
仕時方進表入都道卒謚文僖方志弘治壬子王
文恪主南畿試閱清文曰昔歐陽子謂當讓蘇子
瞻一頭地斯人是也置第一癸丑吳文肅為廷試
掌卷官或勸之往見清辭曰昔人所謂置身者焉

愧之竟不住以九重二字失提真二甲第一改庶
吉士授編修歷官禮部侍郎兩疏乞歸以本部尚
書致仕先是以進徽號賀表上京至東昌間命抵
德州與疾而進卒於河間府瀛海驛年六十九疾
革時知府牛天麟問以家事曰無以問也有遺表
在謹護之雲間人物志公平生孤介自持不屑干
謁以他人事被誣舉朝不平公之泰然歸則以
農桑自娛嚴祭享葬塚墓教子孫敦故舊引後進
惓惓以鄉邦凋敝為念嘗刻周文襄年譜以諷當
路刻三事忠告以告有位修郡志則用糧水利獨
詳有家藏集家譜傍秋亭雜記東吳文獻若干卷

卷之三

明

卷之三

行世公道病時有留公調理別委齋捧者公斥曰
一事不終豈臣子事君之義遂行而卒先進舊聞
公居翰林修孝廟實錄大學士焦芳欲誣彭文思
以附李孜省得進公曰據實直書史職也他不敢
與聞焦不能強中官蔣琮誣逐臺諫章疏雜沓時
逆瑾方熾僉畏觸其黨莫敢涉筆公盡載其實有
欲節畧者公不為動實錄成瑾銜之矯詔追論會
典事降調嘗教內書堂不令生徒與子弟相接曰
此輩如穢物遠之猶恐其汙况近之乎馮元成集
傳畧公世居華亭城南古西湖濱祖顯嘗攜青烏
家武其塋青烏家曰三十年後當出一詞人顯於

朝公生適符其期九歲從張友蘭受業同學者十
數童有術士入獨摩公頂曰顧清是大臣再呼而
去已受經任怡菴任甚奇之字以甥女年十五謁
張莊簡公亦奇之曰大器也入校與沈生悅錢太
史福最交厚藝皆頡頏公獨沉實官庶常時與同
年毛澄羅欽順汪俊號曰四賢丁內艱既祥錢修
撰來訪公享以四豆錢時病酒畏腥氣獨嗜黃蜆
悉命撤去公曰我西賓正無饌即以四豆傳送之
而獨市蜆數升與相烹食至夜分始去人稱其簡
率四友齋荒說東江家居不甚與士大夫來往同
年如張掌科弘至宋太參愷亦不數相見而獨重
周此野與諸布衣遊處亦惟顧味琴為尤厚其所
常會飲者張東周劉南村陳約菴陳以孝廉官州
守居常苦餼薄宦清貧而無勢位東江之所重蓋
在此而不在彼也客諧偶鈔顧文僖少年得夢云
再登瀛州及被館選自謂登瀛之夢應矣豈知日
後賁捧入京卒於瀛州驛前夢始驗雲間志略公
性端方一意守身守道自少至老事上臨下惟以
忠信行之真所謂無一事不可對人言無一事不
可與天知者初為學士五年不遷其於爵位浮沉
畧不動念家居不畜一婢子不交一匪人亦不行
一刻薄事雖老而治事益勤不少暇逸人有勸其

閒適者公曰事畢乃適如舍事而求閒是益之忙
耳其生平精敏類如此所著詩文皆有臺閣氣與
儒生口吻迥殊致仕還家築傍秋亭於西園中有
隙地可以蒔蔬親督僮僕日事鋤灌著有農桑輯
要一書臨沒手書遺戒其子以生未報國恩死毋
丐卹典庚寅年督學章公袞直指魏公有本從庠
序公議祀於鄉賢復援例請卹時分宜為宗伯疏
公氣局端雅學識閎深守道自怡執德不變遂賜
謚及祭葬如制志餘公初入史局賦初夏詩結句
云故園遙憶三江外梅豆青青筍過扉館閣諸公
歎賞之謂他日必非嗜進者後公以宗伯歸里家
於超果寺東南名其廬曰綠野小長蘆云東江詩
法西涯觀其險韻再四疊用足見其能事當日諸
公受長沙衣鉢或推方石或稱二泉或首熊峰以
鄙見衡之要皆不敵也

長安道

笙歌喧邸第羅綺麗春朝
複道通秦苑離宮接渭橋
看花三殿出執玉萬方朝
自古王侯地前呵擁珥貂

早朝

高閣漏聲殘龍墀引百官
九重春色滿雙闕曙光寒
世治山河舊天恩雨露寬
宮花仙仗外又得一回看

擬王摩詰終南別業

白首忘軒冕移居向輞川
看雲長坐石垂釣或臨淵
樹隱南山騎花迎晚渡
船東風農事起還欲樹春田

關山月

漢月孤生瀚海頭迴臨荒野
照邊州光殘金柝聲中曉
暈滿彤弓影外秋漠北征人
齊倚劒城南思婦獨登樓
那堪今夜關山道況有胡笳
引淚流

雍睦堂

方志華亭吳文瑞吳文儀兄弟世居石湖之曲讀書樂志觴咏於斯乃以雍睦

扁其堂

雍睦堂開三泖東兩翁相向日融融
曾因合族歌棠棣不為胥譏咏角弓
綠酒儘堪娛晚歲綠衣終不愧春風
讀書有子還相似好在延陵澤未窮

題畫竹贈張時行使安南

男兒萬里尋常事仗節臨風氣偉然
折取瀟湘數竿竹富良江上掃炎烟

送張舜臣赴甥館

放鶴亭前十里花東風羅綺正繁華
靈妃不枉三山駕漢使先乘八月槎
此日便應翔玉燕當年何必飯胡麻
從今不愛衡陽鴈高剔銀燈照碧紗

張節婦詩

方志趙氏京師人錦衣衛指揮讓女

張節婦詩少保華亭張公鑒時為都御史為子
書報讓令再嫁女然曰我聘於張即張氏
婦矣又誰嫁且夫死將不有其家乎取註具
悉焚之誓以必死及張還朝請以婦禮見遂
留不去居止嘗依姑姑衛夫人深禮之亦
盡其孝敬十有餘年姑得危疾女奉湯藥退而

泣謂侍者曰我所以生以有姑在姑死吾亦
逝矣吾嘗寄所有爾悉以與吾共事者出疾
名其姊訣姑聞而大驚因慟哭出痰數升疾
遂愈公卿間爭欲委幣者且謂女未嘗事
非再醮也少保公以爲然然弗能奪也於是
以兄泉子爲之子後數年翁姑及泉相繼歿
執節愈堅屏居一室撫子教之以奉
呈祀郡守劉琬上其事詔旌其門
妾面君未識妾心君豈知君死妾獨存誰當知妾悲父
母生我時願我有所歸生死向君家終我百歲期我非
慕其美我非師伯姬自憐有此心不忍分兩岐皇天憫
婢弱回光照孤闈大字表貞節黃金鑄門楣我女諒非
婦并命慚恩私翻思摧裂初一死真如飴餘生已多祐
寧復知此爲賢者有備責妾亡無悔辭永抱一寸丹千
秋從是非

九日鶴塘莊過黃耳祠次高進之韻

五畝園池六尺垣清溪一曲正當門鶴雛牛犢皆詩料

賸有美談留子孫進之詩莊頭幾日無人到黃憤生兒鶴長孫

又向東村訪佛祠衰容數被野鷗窺不須更答三人問

沂水風雩竟阿誰進之詩有此外三人更是誰之句蓋別號西樓世居唐行鎮爲上海縣學志終行純篤博學強記四十喪偶遂不再娶父事其兄終不析箸於

以爲無所不窺尤長水利田糧之策顧文僖修郡志引

行修思齊古人卒祀青浦鄉賢祠。進之有詩名而

詩不一見無從傳也故錄文僖公集中和韻之詩以

名焉

附聯句詩

初至任芸軒宅與顧東曙袁澄夫夜坐聯句

初夜城南舊草堂十年重此繼燈光東曙文章翰苑聲
華重懶散林泉髮髮蒼澄夫庭樹看於前日大酒杯偏
向故人長士廉山門翹首梅花月又見天心轉一陽東曙
東曙名職一字味苓有詩另見澄夫名湘爲宗伯家西席棋品甚高見文僖詩家藏集載倡和詩題極多惜其詩不傳故附見於此
公秉介德侃直立朝有古大臣風爰立可待娼嫉
乘之偃息林泉座無熱客咏歌自樂宜有終焉之
志乃懸車再出卒於王程惜哉東江家藏集外所
遺之詩公視之不啻細流土壤而海岳之深崇亦
於此可窺矣

顧應陽

應陽字子龍大宗伯文僖公孫承廕歷官建昌處

州府同知

壽分宜相公七十

明良當盛世輔弼仰元公捧日忠貞勵承恩寵眷隆仙
筵開霽雪台斗挹春風共有岡陵祝乾坤敘九宮

顧曦

郭志曦字東曙華亭人與戚韶王良佐張冕吳爰

高企等十餘人相倡和並爲時所重華亭縣志橫

雲山人顧子昇明九章算術永樂丙戌召至京試

藝高等充戶部令史丙申授福建泰寧縣丞以老

乞致仕曾孫曦能世其學有詩名沈東老集志曦

一字味苓又字負琴有桑陰夢樂府家藏集題詩

曰浮世奔忙夢一場談生開口笑黃梁不知鄭老

桑陰裏更有黃梁一倍忙注云盧生富貴五十年鄭老太師壽百歲

弔橫雲山朱端常墓

玄堂千載寄崇阿石馬無聲墓艸多故里尚傳前代事

浮萍應落逝川波野人夜黑偷金盃山鬼天寒泣翠蘿

莫問人間興與廢夕陽回首自興歌

附聯句詩

閏四月三日北莊分秧約味苓同觀聯句

綠陰傳酒看分秧曲水縈迴送羽觴暱畫裏蘭亭詩七

月清一時流咏徧江鄉

卷之三

明

七

顧斌

雲間人物志斌字德章號靜虛華亭人六歲父攜

家遠宦公憫大父盲獨留侍俗尚鬼家像祀之公

讀至非其鬼而祭之章即舉像投之火弘治甲子

舉鄉薦授湘鄉令外艱起補興寧以愛養休息為

本邑當孔道不以一馬假過客邑編戶亡徙過半

公疏請因得併里湖南大旱興寧頗登上官欲征

租之半又力爭得全免尋致政歸子中立中孚同

舉進士遺書戒毋失足倖門卒年七十

壽姚程夫

振鐸歸來望益尊北城高臥掩重門光明日月為心地

蒼翠松筠作弟昆爐養大還傳宿火觴飛重醞滿清鐸

華亭慶賞羣仙集自有玄詮仔細論

東江家藏集稱大令有閒居四詠冬至一也頌厯

二也冬暖三也觀物四也目雖存詩不得而見矣

顧正誼

郭志正誼字仲方叅政中立子也以國子生仕為

武英殿中書舍人為入高曠喜賓客其畫宗黃公

望家多名人蹟又與嘉興宋旭同郡孫克弘友善

窮探旨趣遂自名家晚居濯錦江上構小園林木

清幽終老其間自號曰亭林所著有詩史及江南

春樂府等書壻余紹箕繪事傳公衣鉢雲間雜識

徐文貞誕日顧仲方作壽圖一幀獻之題曰泰山

喬木文貞甚賞之懸之中堂偶一友與顧有卻熟

視其畫詫曰得非泰山梁木耶文貞聞之遽命撤

去

泖塔

大壑彌空一鏡開中流縹緲出樓臺沉浮島嶼東南秀

隱見魚龍日夜逐斷岸忽驚天外落乘槎疑傍斗邊回

平原村落埋荒草鶴唳秋江晚更哀

題雲林先生

元鎮高潔士世外託幽襟棄捐千金產獨抱五湖心笑

微烟霞際逍遙松桂陰我我清悶閣古鼎燦成林牀頭

荀勗尺窗下孫登琴好潔終成癖耽書自為淫剪桐因
唾染洗馬為泥侵畫竹寫逸氣冷然冠古今予意在山
水踪跡每相尋異代堪同調與爾結知音

顧衍光

字闇生少參中立曾孫華亭學天啟戊午舉人大

田知縣嘉興府同知

題新柳詩圖手蹟藏馮氏

懊惱長枝共短枝年年二月長離思拈來大士瓶中意
吟去小蠻腰底癡句化曉風殘月影魂銷做雨弄晴時
春閨寂寞無消息手折青青好寄誰

余祖亭林公工元四大家畫法而於迂翁尤得

其格外清致蒼崖古幹絕無媚世態秋日偶

過做我母舅聊得齋中出所藏做雲林小卷

示真晚年得意筆也以光差不墮前人一脉

癡韻命題數語因系以詩手蹟

畫格脩然老更深枯毫淡墨寫雲林雨窗盡日供幽賞

吾祖風流宛在今

顧廷楨

閨怨

寂寂樓臺枕簟寒低徊無寐獨憑闌莫瞋薄倖多拋擲
敢是容顏不耐看

顧彥貞

一寒齋副墨名醫傳彥貞號見心一目眇性坦率
不設城府書法宗松雪畫宗北苑醫深析脉理以
奇術全活者不可殫述尤能精鑒圖史古器交游
中獨與張友蓮稱善延之家塾以詩文相切劘著
作俱散失無傳今幸以詩畫竹扇見遺獲存絕句
一首因附錄之

題扇詩

細雨寒窗獨坐尚餘筆硯寄閒情讀書人在匡山下
不徒逃名是避名

松風餘韻卷四十三

松風餘韻卷第四十四

目錄

明顧祿 六十八首

顧或 二十三首

松風餘韻卷中十四

晉浦姚弘緒聽巖編次

顧祿

顧志祿字謹中華亭人自少力學才藻艷發能詩善書行楷學蘇文忠而尤工於分隸洪武中為太常典簿高廟覽其詩善之今集名經進以此松志遺事祿在洪武中為宮詞有以為言者將罪之及觀其詩乃用洪武正韻遂得釋方志顧謹中少負詩名晚遇高皇帝善其詩時置左右因名其集曰經進學士解縉序畧曰太祖高皇帝喜為詩歌睿思英發神文勃興雷轟電逐頃刻妙造玉音沛然數千言一息無滯常喜誦古人鏗鏘炳朗之作尤惡呶呶齟齬鄙陋以為衰世之為不足觀而天下之士為詩者鮮得意焉臣縉近奉內廷獲覩所御書籍見其題曰顧祿詩集二編蓋常置左右深得於聖情者也臣縉急取讀之見其有高一世之懷而謂人莫已知洞萬古之志而謂聖人可及謂麒麟鳳凰可馴狎而九天可安行上帝所可趨而進也謂億千百為須臾而日月可撫弄星辰可擠擲也謂風雲可噓吸雷電可奔走造化鬼神可叱咤而使令也其所以自持者蓋將與天地久存而列聖其徒也此所以上合聖情喜其詩不置而天

下之知者以為雲行水流與物無競而不知者以
為狂且愚也然皆不足以知之惟高皇帝知之臣
縉知之於今而後世復有知之者將歎其不可得
而見矣天台林洵季文送顧謹中赴太學詩曰洪
武初年監學開明天子育英才不徒貞觀儒風
盛載喜新羅子弟來珮影三千環碧水書聲日夜
微蓬萊君今此去文章著行見奎光近上台又春
來四海喜昇平花氣浮香日日晴儀鳳舞庭為世
瑞神駒脫御向人鳴英年少試春秋學美譽曾傳
月旦評聖主求賢端為國虎頭不負有雲仍高士
敏遜志寄謹中詩曰相見即相憐高名久已傳兩

松蘿集卷四

明

二

京詩博士一代酒神仙坦率非關傲風流出自然
去年郊祀處導駕玉皇前桂彥良德稱送顧謹中
少尹赴荊州詩曰曾讀皇明混一篇爛如霞錦濯
晴川長才合置鸞坡上妙句新傳鳳榻前斗邑為
丞資薄祿扁舟奉母念高年艱難自少今成立未
必哦松讓昔賢

雲巢歌為陳煥文賦

我本雲間人夙契雲山緣聞公巢雲處愛作雲巢篇公
家雲巢在何許會稽秀出雲海邊山頭日日白雲起雲
峰萬朵浮青蓮山結屋入雲去置身直上雲松顛雲
蘿千尺覆戶外檻下百道來雲泉雲翁住其下日與雲

周旋或攜雲鶴遊或伴雲龍眠殫雲英兮漱雲液被雲
衣方駕雲輶有時看雲發高詠落筆往往凌雲烟浮雲
世事豈能絆蕭散自是雲中仙我亦乘雲走相覓雲路
峻絕難黃緣爾來山人乘雲出我今亦是青雲客雲騎
橋南古汴津一笑相逢雲水白問公別雲今幾年側身
東望雲茫然又挂雲帆出滄海歸去自種雲中田

攬秀樓歌為彭尚文賦

巍乎高哉攬秀之樓兮吾不知其幾百尺突兀直倚青
天開八牕浩浩納雲氣蔽虧日月奔風雷三泖之波濤
兮隱若白虹萬丈從西來倏然繞城而南匯直與海水
爭喧騰龍塘狹束不可以徑庭蹴起雪浪空中堆羣山
北峙鸞騰蛟躍兮聯絡八九高崔嵬初疑五老峯彭郎
怒踢香爐頰又疑金芙蓉朵朵削出青雲隈浮嵐暖翠
千萬狀變化恍惚真奇哉樓中之仙人古貌何偉傀黃
冠野服紫蘭佩巾披大幅烏紗裁拍闌長嘯以手承顏
扶輿磅礴之奇秀兮呼吸盡使歸胸懷下視十二衢車
馬愁黃埃仙人邀我笑談詼諧意氣相傾了無猜明霞
旭日爭照耀儼如坐我紫府金銀臺何必周流八表歷
覽九垓南涉湘沅東尋天台狂歌弔古茫然使我心神
哀況彼自昔妖兵構災靈踪異跡立成蒿萊齊雲落星
杳不知何所兮洞庭黃鶴幾變昆明灰豈若茲樓之獨
存兮聊與子兮徘徊安得壯士倒滄海手攀北斗為尊

羅李白騎鯨為我起一飲豈限三百杯酒酣玉色淺俊
逸真天才使之和我歌萬象中胚胎大字揭諸梁棟間
雲漢五色長昭回

日出入行

天雞曉送玲瓏唱斷夢喚回涼枕上起看牕戶漸有光
須臾紅日升扶桑羲和鞭龍一何速朝光曛曛暮光續
如雲鬢髮催成絲不飲美酒將奚為

四時耕樂詞

冬青花開時雨晴村村布穀相和鳴東家人喚西家磨
田官告戒東作興曷不早起趁春耕

陽陽如火當盛時終日嬉草耒得休作勞暫逸聊自謀

坐蔭殘樹聽清流歸姑饒餉來田頭

黃雲萬里秋連天田家力穡逢有年封羊賽社野廟前

春祈秋報理則然道傍紛紛人醉眠

十月築場如砥平金穰玉粒收香杭上供國儲下父兄

全家團圓樂此生天長萬古歌清明

朝日詞

金門曉闕何煌煌鸞輿鳳駕迎君王高臺朝日禮有常
考鐘伐鼓諧宮商潔牲薦醴香葩芳三爵告終神降康
倏來而往無其方須臾五色升扶桑大明中天重宣光

和子瞻四時詞

春半餘寒猶強作深沉小院垂簾幕陌頭細柳裊金絲

牆角殘梅飄粉萼懶拈湘管寫新詞花鳥無憑欲寄誰
最是晚來情陡惡薰香自換綈羅衣

午階初轉梧桐影玉枕清冰敲齒冷蝶夢驚回寶簾閉
龍涎裊斷金爐靜蘭湯浴罷溫香巾粉汗都消肉色勻
十二畫闌隨處倚晚涼天氣更宜人

金鷄乍起除炎燠蕭蕭漸度西牕竹鴈送秋聲落畫樓
螢流冷焰棲華屋欲製寒衣苦未成試拈玉管倚閒庭
補成新曲無人和月下長飄彩鳳聲

畫堂呵指調絃索小倚鮫屏雲母薄舊恨誰知易感傷
新歡莫遣成寥落飲多羔酒却思茶雙頰微渴帶殘霞
近晚寒多渾不畏凭闌貪看雪飛花

秋夜詞

一寒一暑相推移四時平分秋最悲山川蕭條草木萎
金風淅瀝吹羅帷夜何長兮晝何促欲眠不眠歎幽獨
樓上寒更聲斷續飛蛾翩翩繞殘燭

采茶詞

山中昨宵雷鳴谷蓓蕾初生細如粟鄰家女兒催曉粧
結伴采茶春始忙年年望此供門戶寧惜此身犯豺虎
深林絕壑到處過歸來競比誰得多可憐辛苦不得曄
焙乾販與湖南客

早朝曲

陳芳明星何皎皎雞人唱徹彤樓曉雨晴繡陌

走鞍飛輪趁朝早五雲寶座蟠金龍袞衣正御明光宮
千官盡隨仙仗入珊珊玉珮鳴天風將軍大漠平殘寇
一夜羽書馳捷奏公卿拜舞玉階前齊上君王萬年壽

擬漢出塞曲

青天夜卓犖尤旗漢廷再議征蠻師虎符發兵星火急
有詔促遣西南馳東方曠曠日將出人動馬嘶留不得
命嬖走送渭橋南泣別無聲痛銷骨帳前列幟五色雲
腰間佩劍雙龍文男兒本自重勲業誓死開邊期報君
中人豈料如豺虎野性那知有君父種房劓地即為家
肉食渾飲無常所去年渡兵青海波今年轉關踰葱河
胡天八月已飛雪黑風捲地黃雲多凍裂肌膚寒墮指

松蘿集卷十四

明

六

半已傷殘餘戰死萬里城邊不見入五原塞下空啼鬼
君王好大復喜初徵兵更出玉關中貳師將軍誇猛利
護羌校尉馳英雄只道橫行討戎虜誰惜民間轉輸苦
中國生靈半在邊輪臺詔下終何補君不見蠻夷冠帶
坐國門安得復比成周尊四海熙熙樂無事千秋萬歲
沐鴻恩

黃公子曲

大宛驕馬新鑿蹄雕鞍玉勒錦障泥五侯門中貴遊子
揚鞭驟出長安西牙矟弓長金彈小仰面捎空落飛鳥
宛轉香風特地生路傍誰不誇年少歸來醉飲百花樓
玉奴纖手彈箏篴追歡逐樂意無盡一生豈識人間愁

車遙遙曲

車遙遙沛梁門城烏亂啼迎曉暾轂初膏兮馬載秣千
里萬里東南奔東南路遠亦豈在天上勸君且盡慷慨
之離尊男兒得意貴年少變化不數南溟鯤袖攜三策
獻天子玉京早晚承新恩

春夜曲

閨闔城西百花洲漲天花氣紅雲浮飛觴未盡白日興
東燭更為清夜遊筵前美人歌莫愁坐中上客醉未休
朝花落春易老綠樹重重啼栗留

梁門曲

大梁門前沽酒家重樓複館臨長街青旗招搖出雲表

松蘿集卷十四

明

七

行客駐馬還傳車細筋沙羊炙初熟紫駝肉峰香簇簇
當爐少婦顏如花鳳釵半妥雲鬟綠含羞舉案勸客嘗
杯中灑綠葡萄香清歌一曲暢人意綵雲不動塵飛梁
江南書生少年客囊底無金失顏色舞蝶遊蜂解笑人
空逐飛花過南陌

黃雀謠

江皋八月霜華薄殘蘆折葦秋蕭索海風吹送黃雀來
千百成群沙際落啾啾唧唧失所依土人採捕當其時
細絲密織向空布可憐一網俱無遺滿腹凝脂咤鮮食
老饕誰為微禽惜翠盤筋下即成空嗟爾之生竟何益
白馬誰家子

白馬誰家子面如頰玉盤笑撚鐵絲箭側乘金鏤鞍朝
出雒北門風嚴霜雪乾逸足恣馳騁平原一何寬呼鳳
逐狡兔嗾犬追窮獍宛轉星火飛貂裘寧畏寒迫暮獲
已多擊鮮罄交歡醉揮黃金盃快飲沃肺肝長年縱斯
樂日月任跳丸焉知守貧士誦讀徒心酸糲食未嘗飽
敝衣恒不完所嗟命蹇薄明時未能干空有三三策篋
中羞自看

孤桐生嶧陽

孤生嶧陽巍然挺奇植老幹蝕風霜奇材中琴瑟斷
以斧與斤合以膠與漆中含太古音外絢金玉質願言
排青雲直入天玉室垂衣御南薰萬古阜民物

幽蘭在空谷

幽蘭在空谷天產異凡卉微旭耀貞姿流風汎芳藹豈
以澗壑深顏色不自媚所憂蕭艾滋延蔓雜荒穢時秋
白露降那免同憔悴誰能掇孤芳紉作君子佩

題商山四皓圖

嬴氏滅六國黔黎苦其暴四皓將焉歸商顏允高蹈然
芝採療饑白石坐吟嘯體道合自然韜光貴無耀唐虞
倘有作斯人不同調

陶令

我思彭澤翁既仕復中止偶賦歸來篇解印就田里晉
恩詎能忘宋聘終不起所以義熙後紀年惟甲子菊以

持晚節秣以供酒醴誰云折腰賴所託有深旨美哉處
士書紫陽乃知己嗤嗤莽大夫泉下當愧死

夜宿郭道士山房

珠宮夜無喧瀟灑絕壁下天高露氣澄溪靜月光瀉孤
吟虛館秋獨宿空山夜何當謝凡塵笙鶴擁高駕

追和唐彦猷華亭谷次韻

谷水瀾百里遠接滄海流中有業漁者往來操輕舟數
日足生計一身任沉浮得魚即沽酒醉卧江南秋

喜湯執中惠建溪紙被

故人建安來知我愛恬靜構楮製為衾殷勤遠相贈開
紙眼已明入手意偏稱藹藹雲葉舒紛紛雪花瑩柔香

林空託蘆花詠

氣自和潔素光相映神錦雖自奇宮綾豈能並覆之八
尺牀高眠適吾性日晏尚蒙頭渾疑入禪定翻嫌貫翰
林空託蘆花詠

拜觀漢丞相諸葛武侯像

南陽隴上躬耕翁磊落自是人中龍抱膝長歌古梁甫
眼空四海誰英雄涿郡劉郎漢宗室三謁殷勤訪籌策
君臣契合片言間魚水相歡託交密鄴中未易窺曹公
援兵先結孫江東赤壁磯頭大風轉舟師百萬烟埃空
天意由來助仁德神謀亦豈非公力蛟龍未必在池中
全蜀江山笑談得尋常事業奚足言出師誓欲清中原
高光故物不忍棄赤龍再使飛青天兩表忠言何歷歷

一點精誠貫天日三代名臣訓誥文又復從公手
七番擒縱神鬼驚八陣風雲變化生橫行萬里誰能敵
俯視羣雄自可平孰意皇天竟冥漠五丈原頭將星落
素服空聞後主迎黃泉不見英雄作至今遺像傳人間
凝然不動如邱山小儒再拜瞻圖畫一曲長歌涕淚潛

題唐十八學士登瀛洲圖

龍鳳齊安天日表天命真人將天討金戈鐵馬起晉陽
四海兵塵如電掃山河百二開神京別築館宇延羣英
風雲際會乘時盛十八學士登蓬瀛房謀杜斷稱人傑
姚許諸公俱在列文經武緯致太平何況君王最明哲
就中相業推魏徵三百餘奏據忠誠勸行仁義果有效

題唐十八學士登瀛洲圖

十

天地於穆皇風清玄武門前矯兵日可惜茲謀誰所出
遂令推刃同氣間萬古豈能逃直筆我觀此圖興歎吁
九官相讓推唐虞王綱大修人紀正何必遠慕神仙居

題唐五王擊毬圖

華萼樓前春正好垂楊拂地金絲裊新築毬場十里平
雨灑遊塵不須掃圍官調習馬力鈞五王騎來如躡雲
潞州別駕最奇異龍姿鳳質真天人玉手親勞攜寶杖
一聲礮礮空中響神珠迸過綵門高岐薛旁觀極歡獎
歸來共卧錦帳中大衾長枕家人同君王友愛由天性
自謂百年長始終孰意真妃入宮早可惜初心不能保
擊毬無復似當時獨擁青驃蜀中老

題桶底仙山圖

昔人夜遊逆旅中戲將指爪呈神工颼颼逸響如飄風
桶底刻出蓬萊宮狀如六鼇擁清空戴山出沒滄溟東
瑤臺瑤闕知幾重千門萬戶遙相通儼然中坐一老翁
星眸霞臉冰雪容羣真左右來相從或騎白鳳騎青龍
仙女七十如花紅各執樂器笙與鏞鈞天一曲奏未終
雙成勸酒琉璃鍾谷神長生壽無窮出入造化超鴻蒙
我欲上天躡紫虹高步去逐東皇公

題王叔明所畫松下弈棋圖

十日一水五日山王侯妙筆無荆關山如蒼龍騰入霄
以茲水似白虹瀉出溪潭間長松直下有巨石風雨剝
落蒼苔斑兩翁對奕盤礴坐其上笑語自若終日無愁
顏饑來豈待事烟火瑤艸紫芝俱可餐不知何年修習
到此地知有神仙境界無塵寰我今讀書三十載抗塵
走俗猶未閒問翁不語愈覺心自恚高風遠韻邈矣終
難攀安得翁能示神異授以九轉入爐丹圖中之景果
然真有否便欲御風一去何須還

經魏武帝銅雀臺

黃星光芒大如斗漢祚潛移阿瞞手歸來鄴下計已成
便擬作京圖不朽累土半空高且堅層臺別築漳河邊
回簷金雀欲飛動畫欄朱檻凌雲烟鼎分獨據中原久
虎視孫劉復何有秦娥趙女紛如雲歌舞稱觴獻君酒

朝歌暮樂春復秋孰知暗結西陵愁分香老淚為誰落
可憐不畏他人羞浪笑奸雄亦何苦寧向臺中坐千古
總惟玉宸屬飛塵古瓦空閒傳硯譜

泊舟采石峨眉亭下偶作

嘗讀李白詩知有峨眉亭恨不便騎揚州鶴逍遙乘風
余上征峨眉在江東飛構凌空青徑尋李白事狂飲但
願長醉不願醒豈知三十年今日酬此盟泊舟正對采
石月舉杯試勸長庚星長庚可惜不能飲負我大吸如
長鯨但將一斗玉色酒空墳酹罷徒傷情

過睢陽謁張中丞廟

烟瘴蔽天天為昏潁陽突騎如雲屯潼關一破勢莫遏

松蘿齋集卷四

三

萬葉殺出延秋門當時列郡無男子拜降乞伏爭趨奔
惟公獨能奮大義西望峨眉憂至尊領兵哭廟守孤墳
視賊已欲胸中吞江淮保障身所任裹瘡百戰酬君恩
忠心昭昭耿日月壯氣凜凜摩乾坤可憐力盡援兵絕
血書無處箋天閭閭邱雖亡事何及賀蘭不斬冤誰論
朝廷尚幸錄死節褒功贈爵如生存睢陽城下見遺廟
丹碧晃耀明朝暎行客下馬酹卮酒彷彿想見歸來魂

汴城

予分教汴之開封適休沐餘暇與一二同志
訪及故元忠襄王李公察罕遺跡惜其有志
欲扶顛運而田鋒之刃已推於腹中其子擴

濶經營數年僅能復山東之讐時李公思齊
擁衆關西李羅專權輦創社稷之基先自墮
壞使擴濶果有方召之才賈鄧之力中興之
勢不可復振天祚皇明大軍北伐一掃而定
中原再驅而清朝漠生民安堵反掌泰平回
首曩時羣雄擾擾不過為天朝之驅除耳因
賦詩一首以紀其實云

黃河怒觸龍門裂突衝蛟肆妖孽伊誰首倡導
洪流驅使生靈陷魚鼈羣雄盡向草澤生青袍白馬
連州城當時將相總驕懦可憐不救兵縱橫忠襄何人
汴梁客隻手徒思救沉溺大遲并夜落軍前子纔能

松蘿齋集卷四

五

討警賊關西老將軍伏雌輦側權臣藏禍機紛然內難
促元運毋乃社稷基先隳鐵衣破碎秋風早三軍盡向
夷門老豈知天意屬皇明萬乘龍飛大江表神兵受命
北渡江舉兵所向俱來降邊塵不生草不動直取中原
為帝邦金宮玉殿凌空起處作翠華飄飄曾戾止聖王立
政務寬仁坐見瘡痍變淳美天開地闢長清寧五風十
雨年穀登書生但願報作恩德萬歲千秋歌太平

遊朝天宮

金殿朝回早琳宮試一遊誰知龍虎地中有鳳麟洲丹
火尋常見香雲煥爛浮繞廊看畫壁不覺久遲留

觀西番進馬

矯矯真龍種何年產渥洼牽來佛郎國進入帝王家耳
峻批雙竹文奇散五花飛騰欣有遇長願駕天車

開池得金銅香鳧

開池得寶鑪何代鑄成鳧羽翮疑飛動銘文半有無金
銷烟氣冷翠蝕土痕枯拂拭供清玩山房興不孤

岳陽道中

巨浸接瀟湘高樓聳岳陽心馳吳地遠目極楚天長樹
接千年恠蘭吹九畹香欲邀三醉客來此飲霞漿

火後過南山禪寺

南山真勝境却火已無遺牢落殘僧少淒涼過客悲草
荒行道地水涵放生池最憶瓊師逝無人為論詩

入蜀

嵐氣曉模糊西征畏遠途欺人山鬼嘯抱子野猿呼逐
伴無行旅相親有僕夫平川花柳媚漸喜近成都

憩山中古寺

行春過遠村鞍馬憩山門畫壁神儀古鐫崖佛像尊鼠
翻殘瓦墜龍出小池潭亦欲詢興廢苔碑字半昏

三泖舟中

逗曉理歸篷扁舟過泖東雲連山口白花映水心紅細
細鷗邊浪輕輕燕底風春光如可惜只屬釣魚翁

次韻夜泊

海近潮初上江清天倒流故鄉頻入夢此地獨維舟落

鴈沉霜鏡潛魚避釣釣不眠催早發歷歷數更籌
城郭還依舊人民似昔非故鄉南去遠奉使北來稀水
落波聲小夫空月色微客舟隨處泊浪迹幾時歸

懷錢思復先生

每憶錢夫子才名世少同賦傳羅剎盛詩擬拾遺工儒
術翻多誤官資竟未崇空令虞學士期薦玉堂中

送勤無逸上人奉使倭國

倭國三韓外舟行積水東浪來銀屋白日近火輪紅玉
帝藩王貢旌旄奉使通空門豈無士萬里策奇功

早朝

天上鳴鞭徹曉聞千官趨謁正續紛金殿關處珠簾捲

翠仗臨時寶扇舒光動鳳樓迎瑞日香浮龍衮護祥雲
小官何幸陪班列萬歲千秋祝聖君

題鹿城隱居圖卷

舍人長詫舊湖田政近崑山紫翠前來相曉耕黃犢雨
釣絲晴鴈白鷗烟憶陪簪筆趨三殿每念遺棺瘞九泉

今在吳興題畫卷喜逢哲嗣話當年洪武八年冬余與
公武盧舍人同在

制詰司屢聞談及崑山故居之勝今已廿載餘矣適
其長嗣來為武康縣令詢及公武仙去既久偶出此
卷索詩因追憶
事以寓感懷云

天壽節賜宴回

千官闕下候晨鐘鳴玉銜金拜舞同紅旭乍分仙掌裏
紫烟高出御爐中九秋和氣回天地萬歲歡聲祝華嵩

朝罷傳宣催賜宴小臣何幸列夔龍

錢塘懷古

帝子龍飛渺海涯城頭落日悲笳杜鵑夜叫空陵木
野鹿春銜廢苑花綠水已無遊客舫青山多屬梵王家
興亡自是今猶古何必騷人重歎嗟

泊舟夷陵

落日官船駐驛亭秋風城郭古夷陵秦燒舊土猶存黑
禹鑿高山半擁青萬里風波勞跋涉九霄雲路阻飛騰
令人却憶文章守夜向西巖接爽靈

過鄱陽湖

臨行醺酒醉湖神打鼓開船出要津雲霧氣蒸迷日月

波濤聲撼震乾坤放歌今日容豪客破敵當年想至尊

咫尺南昌城郭近且將雙足洗征塵（編書亭詩話孝陵
間此詩命盡進所

作披之便殿桂秀良所云秀句新傳鳳榻前是也說
者謂因破敵句受知竊疑正韻書成無有蓮之作律
詩者謹中特合真原韻並
用此其所以深契帝懷耳

汴京懷古

北狩龍沙帝業空詞人猶解弔遺踪野烟蔓草咸寧殿
秋雨荒臺艮嶽峯一代已遷七國鼎五更誰報早朝鐘
我來正值開天運聖主曾經駐六龍

過淮橋題岳武穆屯兵處

拂衣初出大梁城此是南歸第一程官閭乍開河水急
古橋斜斷石闌傾幾家小市留人醉百尺高樓散客情

武穆當年曾駐馬皇天不祚宋中興

送湯日新左遷閩鄉丞

曾躡蟾宮折桂枝春風得意似年時選官特在尚書列
奏事深蒙聖主知淮泗北來波浩渺秦川西上路逶迤
大鵬一奮還千里莫道青冥便翅垂

題聽雪齋

明初孫固署華亭縣學
事自號聽雪因名其齋

寒逼層霄勢轉加明河凍合玉無瑕天工戲翦玲瓏片
人世閒成頃刻花帶雨有聲疎復密舞風無力整還斜
軒中高卧閒聽處輸與南溪隱士家

巫山高

巫山高十二峰君王魂夢已成空上頭多少閒雲雨

盡在朝朝暮暮中

和袁海叟題老蛟化江叟吹笛圖

千里神龍化作翁月明吹笛倚龍宮曲聲不許人間聽
散入重湖夜半風

葉謝道中

月落雞鳴酒半消舟人催起趁春潮梅花紙帳山房靜
輸與閒僧睡日高

木蓮花

東風吹御入烟霞暫憩中峰大士家客路青穿松柏杪
佛臺紅映木蓮花

題雲林畫

蕭散倪迂士詩工畫亦清吟情何浩蕩筆勢更縱橫鄉里推高誼江湖足令名近傳騎鶴去想只在蓬瀛

題元鎮畫

往年曾訪天隨子烟樹微茫過太湖雪色寒鱸臨水買翠陰春鳥隔林呼只今圖畫渾相似如此家山住得無皎皎白駒空谷裏令人搔首憶潛夫

觀潮

天空木落氣蕭騷羅刹江頭看晚潮捲地大聲驅白馬拔山雄勢動金鰲草叢未洩忠臣恨鐵箭猶存壯士豪誰揭層樓名鎮海且容狂客醉憑高

遊虎邱寺

奇峰突兀倚天開知是何年海湧來珠樹玲瓏藏佛刹寶華繚繞落經臺神僧化去曾留偈仙鬼吟成亦有才千尺劒池清見底渴心聊得洗塵埃

淵明祠 廬山志鹿子坂即古柴桑地向有靖淵明祠節祠後人即先生故居為祠以祀者

黃閣彤扉盡宋臣歸來松菊伴閒身舉朝誰識悠然意惟有南山是故人

顧或

顧志或字孔文上海人舉明經為鄉邑訓導累官至戶部侍郎詩文豪整奇麗有古作者風上海縣志或學於王逢與錢謙良結詩盟以詩名元季時稱其雄傑嘗顏其齋曰審安梧溪王逢為賦揭

坐左右

赤烏碑 在葛靜安寺

我遊重玄寺為感赤烏碑僧康初建法吳權必有辭河山久變遷制作同棄遺空成薦福歎尚念峴首悲涪溪中興頌石崖今何為

陳朝檜 在靜安寺殿堦左右

宛苑雙檜樹傳聞自陳時陳時不可信重此根株奇下有左紐文上有再生枝天寒兩龍角月白雙鳳儀空山風吹雨木客夜題詩

講經臺 在靜安寺宋嘉定間寺僧仲依築土臺聚徒講習於此

我懷依老禪築臺夜翻經風清貝葉動月白雨花零

來自龍駒鬼老狸聽百年歎遺址雨冷秋冥冥人生一大夢鄙夫幾時醒

滄瀆壘

江迴原野迴 一作海翻波濤起征客期門歸弔古滄瀆壘平疇麥草青濕土箭鏃紫月黑動北風塞鴈聲在水

丈夫澄清心俯仰在萬里 列朝詩集刪末二句

蘆子渡 滄瀆江上有東西二城其旁為蘆子渡俗呼蘆子城

步出蘆子渡渡轉蘆花村結交漁樵客絕跡簪纓門豈無叩角詠僅有捫蝨論東家蓄牛羊西家足雞豚亂離且避地何必問桃源

湧泉 在靜安寺前晝夜騰沸焚井作名曰應天湧泉亭廢井湮於港

冷泉激清寒亭下常潤潤狀洄蟾珠圓聲散冰花突似
疑破海眼無乃活地脉孝子思出魚老禪神動錫我來
會冥理一氣涵太極

田家女行

妾生田舍家自小能踏車從知力稼穡不但執桑麻東
吳土卑下水畔殊火畚耨每失養早滂尤所嗟時俗
以嬌脆內匱外示奢豐年飯不足凶歲生何涯關河兵
車久稅賦時屢加需徭令益迫愁苦聲愈譁空村落木
靜鳥雀紛呀呀西風入茅屋萬室驚飛沙廟堂豈無意
被德宣幽遐邦君武陵守心願蝗為蝮潛生儉刻人鼓
毒如怒蛙自謂長國利臣職毋乃差鼪鼠或制牛唯犬

多嗔穠常聞小人進往往成傾邪秦法耗衛鞅齊政隳
易牙慎初理失機滋久禍必芽乾坤厭凋劫日月長光
華願圖幽風詩女織男耕勸賤妾雖薄命庶保崇陽茶

塞上曲

燕山蒼蒼塞土紫雪花如沙月如水穹廬酒暖貂裘溫
句句角聲全部起將軍彎弓髮衝冠指墮馬蜩心不寒
士卒並持蘇武節

魁莫作李陵看

客夜

露下碧梧白風生玉簾幽關河今夜客天地十年秋鼓
角悲新鬼衣冠憶舊遊都將周顛淚灑徧黑貂裘

無題

樂河遷國世還淳職貢梯航罔不賓珠樹木難炎土物
紫駝黃鼠朔方珍雕題火老鍤金錡漆齒王冠玉麟
荒服年來朝覲絕包茅責入竟何人

百年功業自天開化洽周南陋漢才朱鳥每從東海獲
白禽還自越裳來繡衣玉斧嚴丹陛袞冕桓圭列上台
政典有餘戎畧備秋風滿地獨興哀

竹枝詞

太湖東來滄海西四十二灣江漸低源頭受得浙間水
不放渾潮淤作泥

江流西岸盡平川薺麥如雲樹若烟不是青龍任水監
陸成溝壑水成田

潮通遠遶晚潮商可耕郎是前朝濠上
疏浚河渠過一生

漣濱祠荒古壘平東西蘆浦荻芽生束松向時防海處
何物孫恩敢弄兵

張家浜口浪如山北望婁江瀕洞間鎮海太倉嚴武備
合分一衛近江灣

南隄東邊水接天鼉鼉出沒蜃樓連柴客魚商休早發
大汛潮頭要覆船

沙田疲瘠怯秋登家計渾如水上冰今日新食河船戶
阿儂準備學攀甍

平川多種木棉花織布人家罷緝麻昨日官租科正急

街頭多賣木棉紗

東望圓沙已坍江西來兩岸覆瀧淙民租官稅無由辦
落盡阿儂紅淚雙

黃渡西頭沙漸壅黃浦南邊潮不通高田旱涸低田沒
官府誰興水利功

黃浦西邊黃渡東新涇正與泗涇通航船昨夜春潮漲
百里華亭半日風

支浦橫塘九里灣早潮船上晚潮還儂心恰似東流水
直到海門無日閒

松風餘韻卷四十四

松風餘韻卷第四十五

目錄

明顧英一首

顧定芳一首

顧從禮一首

顧從義四首 聯句詩一首

顧斗英七十二首

顧昉之一十七首

計翹一首

松風餘韻卷四十五

顧英

胥浦姚弘緒聽巖編次

〔雲間志略〕英字孟育號草堂上海人自少奇逸有大志不屑屑治家人事間從博遊已乃行賈壯歲始讀書一舉而登天順己卯鄉薦初授雲南廣西府同知以憂歸補任陝西之延安九載陞知廣南府其在延安也會兵荒民多逋負公移文所司曰本郡北連沙漠東遶河隍西接慶環南通關陝欲以一年之收完數年之負竊恐民不堪命逃竄愈多乞以舊糧量收輕齎候充俸支折色庶幾風捕既有完期新徵亦無墮誤牒上軍民兩便其惠歸德等堡東西兩路土曠民饑撫臺丁公承公從開田計丁給以牛具三年然後起民以為便中官汪直進軍征討道經其地猝欲火燎之千時已薄暮公命掘地作坎築以起土以供芻秣人稱其有濟變之才其在廣立未定讐殺宣慰板雅氏者死二子長庶幼嫡撫按檄公冒險行千餘里辨嫡庶之分其事是役也日不再食夜宿樹間衝薄瘴癘出虎狼豺豕之羣自是有家園之念明年即致仕於縣五里外構南溪草堂賦詩弈棋以自適

而志在行德於鄉倣范文正公故事出田十餘頃為義莊以贍宗族白其事於府未及行而卒公奉身而退尚在強盛之年享林泉之樂歌咏太平者二十稔卒祠青浦縣鄉賢祠〔方志〕草堂遺藁廣南守顧英著陸文裕公曰余幼嘗記口誦所作如雖憂地險難為客且喜官閒好讀書竹林斜日聽啼鳥苔徑東風數落花吸殘金露難消渴種待荷錢不濟貧等篇今集亡之蓋多散失所存者此而此亦足以傳矣

梅屋
曹定菴居在
玉屏山麓

寒月輝輝影半簾報春消息在山南黃九子結
白雲絕關馬廐東關閑情倚檻弄山清興在迴簷

主人鐵石心腸在冷淡相看老不厭
顧定芳

〔雲間人物志〕定芳字世安號東川遊邑庠入太學深於醫素問內經皆熟誦精了故相夏文愍走書延至京師會世廟重醫學建聖濟殿以祀醫之先聖先師掌醫院工書許紳遂以公薦召拜御醫領諸醫直其中尋奉命授內侍醫經預校睿皇所集方監製御藥時時賜金綺進修職郎致仕公為人孝友侍父母疾醫禱必虔至以口續食以體藉卧宗黨仰公衣食婚葬置學田百畝役田若干頃方

文愍死西市賓客莫敢過門公獨周旋其間又為治殮令其子從禮扶柩登舟尤人所難歸而徜徉西湖山水間思以終身會島夷入寇避居吳興卒年六十有六以子從禮官光祿寺少卿贈奉政大夫崇祀鄉賢上海縣志定芳廣南知府英之孫也以薦召為御醫世宗問用藥之道對曰用藥如用人又問攝生以清心寡欲對上嘉之馮元成集同鄉徐文貞公在翰林為議廟制不合謫延平理尋為貳定芳力薦之夏公遷浙江提學僉事旋進江西提學副使值夏公誕日迫文貞使未至定芳託山人能詩者代文貞作五言排律百韻獻賀外又具金酒餽贈皆甚腆厚文貞不知也會選官坊夏即以文貞薦旋拜洗馬自此遂至顯位相嵩初以定芳黨夏頗側目至是定芳賓客說嵩曰顧氏父子不悖德不邀利真義士也收之門下可得其死力於是定芳父子並又為嚴徐重客徐感定芳恩以女歸其孫父子往來二相間天下士趨之輻輳焉

南極現禎祥曲壽分宜相七十

堯舜垂衣治萬方臯夔補衮輔虞唐禎祥忽現中興日玉清仙侶降華堂君明東駕白鹿不婉衿西馭青鸞使三星雍容玉几前羣仙雜沓瑤階侍鸞輿鶴駕來續紛

玉笙寶瑟聲樂殷瓊漿化作花間露瑞氣蒸為島外雲芝蘭玉樹森森植崑崙高積蟠桃核元功壽域正無疆聖世乾旋開紫極

顧從禮

方志從禮字汝由御醫定芳子值世廟狩承天夏公言以從禮薦奉詔題十三廟謚號穆宗登極又題世宗神主御容廟號先後被殊賞自中書兼翰林院典籍歷官光祿寺少卿加四品服色致仕性至孝友兄弟六人同居共爨喪祭務遵古禮上海因倭始議築城從禮發粟四千餘石築小南門以為倡募民有能穿城壕者版築者計功給粟城壘

卷四十五

明

四

六十餘丈壕亦稱是又捐地建青浦邑治及儒學樹碑表表將軍墓置田以助里役辛酉大饑出租三千斛煮粥以飼卒年八十四配祀夏公忠禮書院馮元成集從禮初以使歸里太守史直臣折節禮之稱為翁書刺稱通家生從禮罄折循牆不敢當已臧繼芳代史為守從禮往謁臧曰兩房中書所謂宰相奴也惡得自誇送迎不踰階從禮怡然曰人翁我翁相客耳非真敬我人奴我奴貴郎耳亦豈真慢我要之我自適我意豈假他人榮辱哉人服其言南吳舊話錄夏文忠論辟客為獸散無敢名夏公客者時顧光祿獨雪涕為經紀其喪或

謂曰分宜恐不能以古人相期光祿歎曰吾受夏公知遇又何忍以今人自處乎分宜固所畏然人在天地間苟義無所逃正不因勢位搖落

與董子元過本一禪院

滄江落日映流霞野寺維舟興轉賒古木千年生雨露新題滿壁走龍蛇迴廊宛轉禪機寂寶殿高低海月斜玄度同遊真勝事况逢支遁說南華

顧從義

郭志從義字汝和上海人御醫定芳之子光祿寺少卿從禮弟也善書能詩嘉靖庚戌詔選端行善書名在第五授中書舍人隆慶初以豫修國史成

卷五

三

擢大理寺評事家構玉泓館手摹宋本淳化帖多藏法書名畫金石鼎彝又善繪事工署書為文徵明王世貞父子所重有硯山山人詩彙行世南吳舊話錄顧硯山少後其叔署正上川公既而上川舉子從周署正素多藏比歿而周安人操籌嚴甚坐視硯山為支持門戶向人緩急開府曹公雅習硯山行部至縣密謂令劉曰顧署正得階文林郎以硯山為後所贈也今舍人貧甚為人後而僅提空名蕭條苦塊殊可念也今趨出告硯山將收其紀綱問狀硯山避席對曰先君子固無餘貲况其以倫序得為後不在囊中有無願明公謹秘之

卷五

六

後太安人心使異日先君子得遇地下顧此將何以為顏令乃止開府聞之歎曰顧舍人真賢者吾用常情待之悔失言矣又上海令鄭侯洛書歿二喪未舉顧硯山聞之歎曰侯有善政而身後寥落如此廉吏可為而不可為也乃躬至其處市地悉為營葬更賙其子鄭之鄉人謝曰桐鄉俎豆何若上海蘋繁其歸也送者感泣於道方志顧大理從義有石癖嘗購米元章硯山而寶之遂以為號又得宣和紫玉泓硯結玉泓館於潛虬水上凡夫銅盤石鼓之文雷鐻盤鼎之器鐸冠冕筇杖竹環之奇製惟木古藤之異產充牣一室臨摹古帖力追鍾王諸大家好事者多購之雲間志畧汝和生而玉立性長厚謙和讀書聰穎過目成誦會父兄宦京師入貲為太學生嘉靖庚戌詔選六館士之能書者授中書舍人直文華殿因召入西內日直齋宮數被賞賚特晉廷評凡三膺使命一使金陵再使於魯陪祀海岱事畢下榻李滄溟白雪樓相與倡和徘徊久之穆宗登極詔諭滇南沐黔國以百鑑為壽却而不納在都下時有故人權重辟購捕其子急為收其屍棄葬而隨以廣柳車載其子出都變姓名與俱還里藏之丙舍壁衣中十年而後出詩法陶韋所著有荆溪唱和重游荆溪棠使

滇南集可誦也

和張長興西園雜詠

清修館

館築一區小書藏七葉香開戶千年讀虹光貫日長

白雲塢

古巖多蕓苔修篁潤几席往來惟白雲白雲自朝夕

春艸池

苦吟不成寐新詩夢中得恰似池塘上應憐春艸色

洗俗亭

誰云種修竹賢得人間俗風月滿庭堦冷然吾道足

附五山館聯句詩

高館開尊日沈嘉青山正在門則歌聲梁上落沈邦

鸞乞坐中溫善日度飛甍影顧汝谿流積雨痕璩仲

泓分溟解綠沈汝齋並墨池渾堦草初萌甲庭楊早寔

髮履明霞連海嶠顧汝遠樹亂江邨朱邦浦近聞潮響

林偏隔市喧張長騎牆開月岫竇石取雲源玉仲水恠窺

龜鱉山魃幻豕獮修汝蘿深龕可闢苔滑嶺難攀施汝石筍

抽瑤圃虬松偃翠垣和汝新霏陽壑換舊雪背巖屯邦清

燕臨遙夜嘉辰及上元彭屏間縣寶樹砌下繞芳蓀

轉古壁圖書潤和汝華軒麗藻繁韓人文夸上國珠璧耀

梁園與曲以知音顧交從結客論韓妓憐來洛浦主事

得平原邦意氣相矜甚矜期各自存善醉酣吞渤島俠

色倒崑崙長傲比孤猿嘯狂疑萬馬奔邦安禪親授偈

問字入排閣洞見墨華落經看貝葉翻韓蒼書留石

鼓商鼎得陶鑄和汝神物恢奇攬清譚柄獨掀吾衰羞曳

踵春至誤乘軒善醴設人呼穆梁縣榻類蕃與敢夸蛟

可斷自許蟲堪捫邦月上寒光徹霜飛莫靄昏五仲繞枝

驚集鳥游隊逐文駕刻燭俄傳句善挑琴欲與魂韓維

山陪託幸機石偶齊騫善綠結桃花扇情懽犢鼻褌邦

有言俱作淚無恨不成恩善比目鱗同沼和相思樹託

根嘉麗娃名玉女才子是王孫和能賦今司馬多情亦

謝鯤翠鸞昔憎禮法合調和楚墳韓不謂能投轄其如

欲命轅中原諸子在吾道信乾坤則

讀王山館聯句詩一時池館清幽樹石森秀騷客

名姬分曹角勝聯珠偃玉豪飲高吟俱可歷歷想

見惜沈君汝施顧君汝修別無詩可採入而翠孌

亦不知為何地人物耳

顧斗英

方志斗英字仲韓上海人父名世嘉靖己未進士

歷官尚寶司丞斗英天才雋異督學黃公歲試拔

之第一與董宗伯沈侍御一時各冠本庠未幾遊

北雍能詩有盛唐風格善弈工書畫性輕財好施

賓客填門十數年室已罄繼年三十七卒所遺楷

書小畫人至今寶重之聲價幾與吳廷韓相等以

吾輩風流書畫有斯人天地間此送徐子先赴試
北開句也全什見集中志作徐贈顧詩故節去

列朝詩集仲韓少有雋才磊落不羈窮服餒殍聲
色選伎徵歌座客常滿日費萬錢不恡每出輒載
與俱畫舫旅棲盆卉圖書古尊壘畢具竟以此傾
父貲鬱鬱貧病以死仲韓初與華亭莫廷韓皆秦
川貴公子風流文采人稱雲間二韓廷韓詩名滿
天下而仲韓勵有存者晉江黃居中錄而存之士
之身後名亦有遇不遇如此可歎也仲韓詩如樹
翻先客醉山欲借烟奇纖月沉杯影長風落鴈聲
苔青山作黛沙白水為衣窗暗刑花雨池酣纖柳
烟山從斷處教雲補橋向欹來仗石扶欲延月意

卷五

七

窗從破恐碍荷香麝罷焚白髮憐人看水瀟青蛾
問我剩還無諸聯皆新警秀發使入廷韓集中得
其二便堪壓卷客諧偶鈔顧斗英海上名士兼
擅詞翰而性好撈捕先世所遺一時都盡偶過泖
上友人戲之曰使君有金如泖水必不能盡顧曰
我有金若三泖必當出注如九峯何憂不盡一時
傳為佳話曹一士云仲韓家故饒於貲折節為諸
生業學成而屢擯其科榜既定主司覆視落卷至
其文歎息曰此當元奈何乙之後知為雲間顧某
大書卷首曰何物老教官當賦目以報顧生其惜
之若此

書二韓詩後

送汪明生遊燕

古來神物聲必沉洋洋大雅希知音况復皮相失子羽
誰識君詩貌俱古我見錯愕稱奇才命題覓句神其來
酒酣賦就夜珠走宮商一片落君手區區小道非未羞
勸君明月無空投妃子蛾眉不勝感卞和獻璧刖其足
汪生雖負青雲姿半生落魄多窮時贈君歌酌君酒送
君遠遊且餬口塞上風高易水流囊底無錢愁不愁

訪朱叔履於剡山亭

共訪山中客同心慰索居竹因風不定柳為暖舍舒日
落林喧鳥池明藻映魚厭厭醉歸處花氣染衣裾

集片雲齋

卷五

十

小館寂無事悠然遠市聲欲知春早晚已見月虧盈
約山舍驚鳴鴈試晴林空在客興扶劍話平生

憶長興齋前梅花

遙憶蒿園樹芳條碧玉攢如何春未老容易雨摧殘
月知留影瓶枝想剌寒香魂招可得還擬一尊看

落梅

風舞鱗鱗玉飄同柳絮狂鬚留蜂採得片落鳥銜將小
減初開韻還餘未墜芳香魂狼籍去飛託壽陽粧

送伯龍大兄遊茅山

訪道禮丹邱華陽足勝遊仙壇花覆殿春水桂為舟
鶴瑞空見烟霞彩筆收白雲如可贈寄我慰離愁

遊龍華浦中同長興作

隨風飄一葉載酒下晴江日影紫沙淡潮聲響岸涼路
當黃浦半波點白鷗雙未入珠林徑塵心已盡降

宿龍華僧舍

乘興浮青雀攜壺飲紺園鐘聲祇樹隔花影石牀翻殿
圯牆餘畫林疎月露痕夜分僧定久佛火照長檣

飲幼章姪齋中得審字

日日芳筵共高懷不盡伸還同載酒客來作問奇人漸
起初生月無多未去春如茲不豪飲祇恐笑花神

從長興乞竹植品石亭前

乞得蒿園竹疑從蔣徑分刺檐青映石影壁翠籠雲引

松蘿韻卷五

明

客寧因主留題為此君有時數點雨清響自堪聞

山寺

偶過蘭若裏滿袖白雲生蓮座凝烟暗蒲團印月明犬
因花落吠鳥為客來驚閒把禪關叩山僧問姓名

秋夜集豫園

共領平泉勝中宵興未央芳筵張月砌艷曲響風廊杯
動星河影衣浮菡萏香翩翩公子意容得酒人狂

七夕泊青浦

良宵當七夕對酒淡忘憂不見橋填鵲唯看水泛鷗頭
風迎卷幔弄月止停舟明日清溪樹應聞一葉秋

次俞比部子如韻

竹門三徑闢軒蓋過高賢辭樹新霜葉含山未雨烟風
傳林外磬澗漏石中天花解留賓意盈盈傍水妍

秋日朱伯縉叔履過訪山中

為愛楓林晚東山下地幽雙珠來合浦一榻下南州蟬
咽秋風樹人登夜雨樓寂寥君未厭世路更悠悠

過叔履談有作和韻

扶病尋同病勞君一啟扉故顏憐共失生意歎俱微徑
轉紫烟合林深積雨肥春留賡唱裏不惜艷陽違

偶過長壽菴訪東川上人

踏破白雲痕方知祇樹林茶香爐火慢磬響竹房深貌
古煙霞氣談空水月心可容陶處士早晚共幽尋

松蘿韻卷五

明

士

臥病感懷

忤俗狂難改謀生計轉疎開門嘗百艸散髮坐羣書榻
冷涼颼過花稀積雨餘風塵悲落魄誰問子雲居
較嵇還復懶擬庾更多愁拙笑安蛇足癡嗔類虎頭捫
胸開五嶽搖筆吐千秋不解干時策文園豈倦遊
山水無恒調乾坤詎賞音猶龍千古氣失馬一時心事
業還秦鹿生涯且漢陰清時不重賦何處賣黃金
幽棲成獨莞孤憤好誰論市駿臺空築雕龍筆未貧檢
囊羞子母扶病賴君臣不信揮金者終為泣玉人

又八月移家故園

居方三徑闢病喜一餐加不負重來意先看閨月花枝

疏儲野的編竹觀崖誰曉仙源裏烟村又幾家

從伯龍兄乞梅花一株真座右

未習孤山隱寒香那得聞憑分庾嶺雪來映艸堂雲影
蠟屏添畫侵衣麝罷焚相看俱瘦骨吟就共清芬

解纜後阻雨近于鮑先宅招之不至却寄

遙發晴俄雨孤篷解又維貧憐寒沁骨病怯酒盈卮宵
析挑吟况江鴻動旅思如何不遠室渺似阻天涯

和杜袁度山居

但與荆榛遠何妨木石居身真雞骨瘦髮甚柳條疎有
菊誰攜酒多愁復廢書欲招君共隱一榻左常虛

再和節之坐雨留別

問病誼無涯同心話日斜治畦鋤礙筍掃徑簞含花韻
險慶逾要尊空市易賒翻憑風雨色暫爾滯歸槎

送老衲鎮菴還焦山寺

忽動歸山興攜瓢帶月行僧蹤無住影吾意獨含情漫
憶降龍咒閒尋瘞鶴銘相期黃葉寺共汝聽潮聲

新柳三首

春染隋堤萬縷搖隔年憔悴一時消剪來翠羽初成葉
鎔得黃金乍作條不雨不風猶自怯新鶯新燕共爭嬌
行人未許輕攀折留與蛾眉照樣描

晴煙一片護江城春艸春潮掩映明細縷颺空難辨雨
淡金籠樹不分鶯憑吹羌笛愁還淺學舞蠻腰態未成

悵望玉門應萬里誰家少婦不關情

灞陵消息動江湄淺淡粧成入望勾無力風吹金繭碎
有情烟鎖翠蛾顰魂銷馬邑龍堆客腸斷鶯閨燕閣人
可惜春光容易老柔條能得幾回新

聞弇州先生請告東歸奉贈

十疏驚傳屢乞閒將無謝傳厭朝班溫綸暫許歸休沐
大老何心望賜環戀主豈忘長樂夢投簪因憶小祇山
白門萬片芙蓉色一日俱隨杖履還

初夏江行

但非鄉園即天涯春老還餘幾樹花村市颺旗知酒處
竹林藏火認漁家尊前睥睨函關氣鏡裏浮沉博望槎

天為遊人添興與故飛明月到平沙

立春後一日品石亭夜集分得鹽字

春風一夜雨簾纖艸色青回十二簾金屈滿浮枰柏酒
雕盤聊薦水晶鹽論心已是羣星聚望歲還從太史占
領取韶光須共惜不妨清漏話厭厭

極浦

水色山光兩鬪奇捲簾遙入望中迷危橋斷處潮偏急
片席飛時鳥獨遲寂寞荒村烟樹合蒼茫落日海天低
忽聞極浦來清響想是湘靈鼓瑟時

後樂園雅集

庚寅之春余讀書後樂園借全林而棲一枝

掃三徑以進二仲時維延年長與幼安季約
中美斯立諸君移棹過訪握手歡然愧無芳
荪精粹霜露葵離胡之飯蘭英之醕以羞
諸君子而亦有山泉可汲澗毛可採村醪可
沽江魚可鱸出與客共忘其菲薄且也綠葉
熙天朱榮耀日松篁成韻蘭芷揚暉艷質歌
喉與新鶯齊響高人藻思將芳樹爭華此誠
一時勝會而生人偶值之樂也所恨夕陽在
山歸禽喧樹榜人催渡客散杯空予情渺渺
則又理殘編而尚友呼明月而為賓矣聊賦
短章以博高唱兼訂後約無棄前盟

東坡全集卷五

五

畏人踪跡避江皋仙侶移舟不待招半尺蒼苔朱履破
一番紅雨綠尊消長林興到頻呼月野渡人催已上潮
歸去莫忘青社約春來還剩幾良宵

春日江行限韻

長江如帶抱孤城草色芊芊試曉晴沙渚鷗翻荷葉影
蘭舟人唱竹枝聲幾行烟樹依雲沒一派春潮過雨平
隨意挂帆尊酒外濃花到處傍人生
風風雨雨滿江城十日冥濛一日晴楊柳扶烟垂不動
琵琶隔舫咽無聲危橋斜補春溪斷芳艸新鋪曉陌平
山色捲簾睥睨外高吟俱向酒杯生

初夏讀書含翠堂時桂花盛發

臨水依城屋數椽桔槔聲裏夕陽天青分陶令門前柳
綠繞蘇卿負郭田樹色漸隨林靄盡天香偷試夢秋先
賞心祇許青藜共小閣無人自艸玄

秋夜宿浦口憶家

蘆荻蕭蕭兩岸秋盈盈一水繫孤舟樹梢風緊下丹葉
浦口夜深驚素鷗唧唧寒蛩欺客夢簌簌村鼓雜江流
故園此際應奇絕無數月明多在樓

朱叔履遠送話別

已自揚帆辭故壠多情猶喜暫盤桓幾年硯席聯風雨
十月關河判羽翰落日酒闌言別易長途秋老寄書難
欲知去後銷魂處紅樹青山一路看

東坡全集卷五

六

御溝紅葉

金閨罷繡坐簾櫳忽下霜前片葉紅無限閒情憑素管
好隨流水出深宮空嚴魚鑰門重鎖誰曉鴻書路可通
祇恨殷勤題不盡何時芳樹又西風

立春次日訪青門兄郊外留宿席間賦此

卧病經年久閉門何期野外共芳樽逢君自悔多愁拙
到此方知避世尊竹裏壺觴來故舊燈前笑語坐黃昏
平原十日徒豪舉那及今宵古意存

寄應方上人

自別都門病至今欲憑鴻影拍傷心經瓊舊勝知無恙
院新陰想更深憔悴已同禪祖而夢魂只傍遠公林

若教衣鉢能相授花管猶堪譯梵音

貧病感懷

貧如楊子文難逐病似相如渴未成自蒸炎霜淹瘦骨
不妨涼燠換人情禦寒裘敝翻誇綰嗜酒囊空每羨醒
吾性寡營今有慕何當騎鶴聽濤聲

招姚雨鶴賞菊

蕭條片地容攜手景物深秋好放歌別久故人驚邂逅
典來塵世任風波相逢酒態渾如昨只訝新添白髮多
許山飛避羅網何期二仲訪烟蘿

遲姜神超朱景和兩孝廉

萬壑千峰雲氣蒼松窗竹檻雨聲來園禽異響當筵送

卷五

七

抱藥殊香對客開身外世情刪易斷眼前詩思澁難裁
相將共作忘機語不羨青雲屬異才

卧病山居承李節之兄過訪劇談忘倦率爾成

篇

卧雲眠石病懷甘書往人來逸興酣一椀烟波千里駕
滿樓風雨半宵談花飛把酒歌頻轉竹擁題詩韻屢拈
好似輞川紛唱和林巒知免北山慙

夏日無障閣偶作

逃虛高枕避塵氛世事操戈不忍聞巖氣暗催三伏雨
簾紋涼送一溪雲欲延月意牕從破恐礙荷香麝罷焚
貧病加餐誰復勸無聊終日檢遺文

題袁太史合祀白蘇

楚中玉蟠袁太史構小齋於石浦之上合祀
樂天東坡兩先生爐枕相對酣歌酌酒甚適
也今往長安而故鄉雲樹不能喻之於懷遠
道微題因賦

眉山合是香山化千古生平似比肩詞賦兩朝芳簡藉
典型一室薦蘭荃鳥啼猶想橫江鶴竹響疑傳別舫絃
餘韻又逢同調賞風流美度玉堂仙

雨後飲藕花池上

林容忽換散晴光風滿幽亭四面香雲雨去為神女夢
芙蓉留製美衣裳野蔬饌客愁宜失雄辨驚筵喜欲狂

卷五

六

共倒碧筒支石卧不知竹外有斜陽

夏日節之神超共飲無障閣限韻同賦

滿目烟雲入麗辭長羸景色訝春熙脾清似得幽泉洗
肺渴還憑綠茗醫萬樹鮮霞遙對酒一樓高竹擁題詩
裁將新繹堪籠髮寧羨我冠大若箕

送行素上人歸檣李慧花菴

論交何意劇相憐惜別能無共黯然情擬弟兄方內外
居分吳越境凡仙知君頓捨迷津去剩我惟支片石眠
縱使流雲難滯影也應回首暫留連

和禾度見懷

支願盡日對青山把酒流光意轉關家為棄居翻涉越

身緣多病暫投閒。虛只愛僧為伴。辟穀惟憑藥。駐顏未既。花時來舊雨。草深荒徑。帶經刪。

與李夢洲話舊

黃塵清水變朝昏。寒谷春藪安足論。憶昔滿堂珠作履。如何瞥眼雀羅門。幾人父客。惟公在半死。王孫但舌存。君似多情我多病。一聽話舊一銷魂。

清明作

滿堤楊柳滿溪烟。畫出新晴二月天。古墓酸風迴野哭。斜陽芳艸閉幽泉。爐烹紫筍添榆火。波點殘花雜紙錢。遙憶去年當此日。鳳城兒女弄鞦韆。

甲子落第南還同舟得吳興慎君功懋豫章符

松蘿齋詩卷五

五

甲君挹川閩游君樂唐里中潘君叔端甚洽九

日小飲漫賦

秋滿關河問敝裘。何期李郭共扁舟。暫憑仙侶酬佳節。況有芳尊破旅愁。平楚蕭森紅樹老。狂歌睥睨白虹流。肯緣伏櫪悲遲暮。千里雄心故未休。

于鮒先以詩見寄和韻酬之

生來龍性俗難移。妬盡蛾眉鬢未絲。瞥眼升沉莊叟夢。驚心聚散翟公悲。千秋酒態憐同調。百里書郵慰所思。明月見投無一報。側身空擬四愁詩。

袁度來問余病留飲有作依韻奉和

一自君來話小山。至今不復啟柴關。支離病態尊前見。

慷慨交情世外看。四壁虛同高樹立。一枰敲共數峰殘。多君溫語時相問。殊解窮途范叔寒。

冬夜同張長與黃長卿喬文起諸君集杜袁度

齋得寒字

問奇翻得酒盃歡。詞客縱橫聚更難。病起壯懷還似昨。興來清漏儘教殘。譚揮玉麈千秋色。雪舞春花五夜寒。為道主人歌自好。可容屈宋作衙官。

虎邱同黃長卿王伯與飲張姬舟中

潭空木落片峰孤。仙侶同遊慰阮途。白髮憐人看未滿。青蚨問我剩還無。雞園唄梵聯歌席。雀舫琵琶當酒壺。秉燭儘教消客况。山靈應不笑狂奴。

松蘿齋詩卷五

五

紙前雜錄二十首同幼安賦

鴈陣

一行寫太清。杳入孤雲沒。引領望孤雲。愁共江烟濶。

酒旗

衰艸

舉目見荒原。寸心折衰艸。艸色何足悲。客遊在遠道。

殘柳

一片傷心樹。蕭蕭同影綠。霜華銷綠盡。憔悴不堪吹。

鄉夢

遊子天涯夢。何宵不到家。只愁閨夢裏。無處覓天涯。

秦淮小姬

一派春山乍學描，纏頭初試紫霞綃。
章臺無數青樓柳，最惹東風是嫩條。

虞美人

玉碎香消寶帳空，芳魂飛託野花紅。
翩翩楚舞依然在，不逐東風入漢宮。

西湖雨望

欲雨不雨晴不晴，空烟織柳柳藏鶯。
芙蓉萬片蒼茫裏，疑有疑無總未明。

約叔履長溪汝普吉甫汝遠諸君賞荷詩以代

東

青山已是斷紅塵，樹色朝來雨更新。
亭外藕花樓外竹，儘堪留醉問奇人。

秋夜飲張叔瑕齋得聲字

予亦高陽侶，呼朋酒共傾。
月來宵不暝，風緊樹添聲。
小砌花連席，幽亭薜挂楹。
歸途夜逾寂，星斗墮遙城。

重陽後一日夜集次長輿韻

節已囊萸過，人還就菊來。
良宵兼勝侶，高咏一銜盃。
風響新霜葉，燈微早月臺。
莫愁銀箭急，拚取玉山頽。

殘月如新月

曉夢回金屋，簾櫳月色寒。
難將鸞鏡擬，猶作翠眉看。
滿過疑還滿，殘來似未殘。
清光原不異，祇畏夜將闌。

公子既傾金穴，旋赴玉樓。所著詩卷，獨不與長物俱盡。生前酒身後名，兩得之矣。華詞秀句，雕刻精工。天畀美才，壓倒流輩。視世之翩翩裘馬，沒與草木同腐者，為何如也。然讀其貧病感懷一律，又令人感慨係之矣。

顧昉之

昉之字彥初，顧公子斗英子也。工書翰，能詩。曹敬三云：先曾祖南叟府君與繭道人顧彥初詩酒往來，相與極密。每聞道人至門，輒先命治具，乃出共坐談。竟日復與飲，極歡。夜分乃罷，嘗稱其詩單微，刻苦有骨，臺笠澤風味。每欲序刻其著作，卒未果。家君從伊孫環瀛翁覓其遺藁，僅餘格書一冊。多明季時作，擇而刊之。附小菴羅詩後。道人書法宋襄陽奇逸可愛。中歲即長齋，學佛。叅雪橋大師作詩，多入禪說。類香山子同里趙黃門馭初、徐兵曹退谷王文學于天交相唱和，為文酒之會。重其高志云。

寒食郊原即事

桃花酣紅杏開白，柳顰柔黃麥浮碧。
絮雲籠日風微和，一百五日逢寒食。
不須禁火火無烟，忍把春光易拋擲。
看花去去農者家，翠竹高樞一徑斜。
歷玩每驚飛絮乳，幾番長嘯散鴉酒旗逗影迷村外。
野渚香芹透淺沙。

偶入檀林話禪喜爐旌翻經列子史夕陽百舌弄多聲
把塵幽牕談戒綺了悟何妨米汁多無始之始未可擬
漫惜花泥屐齒香今日之遊不虛耳

辛巳之春予年踰六十有終老西山之志退谷

惠詩贈送次和

郊分我寒島分瘦算老尋幽策靈壽閒披一卷選仙詩
奈無金骨徒慙癡欲向洞庭搜梵笈蒲團破衲安瓢笠
高雲去住不關心蓮社招攜養素欽香凝月印溪聲轉
寸絲不挂令拋繭湖光萬頃捲精廬翠壘螺浮點太虛
松杉時瀉秋濤碧橘柚作奴鷗作客故人肯為漱石留
毛公滅文欣遊遊酒酣彩筆灑白雪試茗雲根劇泉穴

琅玕箇箇題高節山靈侍聽霏玉屑

秋日閒居

諳得閒中趣能消病裏愁簾飛蕉葉雨架引荳花秋塵
想差能遣幽情自可求關心惟藥裏聽喜恰晴鳩
盡日無忙事縹緲手細箋茗珍蘭散馥墨老麝辭烟楷
有黃庭法書唯秋水篇強歡吟索酒憐我月初圓

蕉雨

移將牕外種不獨愛清陰每觸蕭蕭雨能靈寐寐心影
昏翻濕翠聲苦雜寒砧悒悒衝颼夜遽然夢易侵

海蛸

化戶喧江燕漁家捕海蛸老饕謀一噉兒喜索頻覓品

不登珍俎貧堪佐酒卮荒庭雙鼓吹明月動新詩

寒食日尋完上人不遇

冷節逢晴日尋僧亦禁烟鳥窺常施石蜂樂莫春天飯
向鄰村乞茶將佛火煎曇花自狼籍瓢笠向誰邊

虎邱雨泊

古寺維青雀層崖濕絳楓滿船菊花雨盡市酒旗風鴈
落烟莎外僧歌香榭中登臨餘飲興詩罷燭留紅

十三日立春作

玉琯調初律柔風已浹辰夜分春鴈半人共月燈新香
袖邀狂睽銀花沸艷塵掩關龕佛火澄寂自堪親

次酬華慧上人贈懷花韻

竹樓雲鎖兩峰高笑我梁鸞廡寄臯香海懶持調象帚
筆鋒雄奏解牛刀超立話醒三生石問疾詩齊七發濤
尋欲置身巖壑裏禪盟支許勵清操

牕外梅

和雪嶠大師梅
花詩十首之一

虎頭癡絕欲傳神冷月清暉通寫真影度簷端牕有畫
香澣筆底字無塵高閒許近讐書處澹遠常窺尚古人
媚檻一枝先白綻興來拈句總偷春

述懷四首次和張元應韻

但約看花病不辭言癡言醉興頗宜竟忘蠻觸門深捷
猶畏弓蛇酒廢卮老我枯禪參柏子從君艷譜付歌兒
雨牕無計驅書蠹忽贈香芸慰所思

齊物無分小大年彭殤一視覺遽然投閒已辦登山屐
勝賞何須挂杖錢欲舉羽翰求大藥不嫻文史列頑仙
相將一卷黃庭去商畧雲根種木田

同退谷鄉園即事三首次韻

步步郊園處處佳不須藤杖與芒鞋萬竿修竹藏幽勝
百尺高樓嘯遠懷樹老支橋通曲徑鳥閒銜果落空階
林深窈窕無塵雜瘦鶴孤雲可許偕
清響何曾玉佩珊養閒那復問朝端盤根舉世無銛器
砥柱何人看倒瀾斗酒且娛詩骨傲匣龍隨噴劍光寒
中原一望真堪涕謝傳東山恐未安

次和徐退谷任意吟時辛巳九月病起

松風餘韻卷四十五

五

久於藥裏識君臣雖也令無病也貧絳節期青鳥使
黃花空笑白衣人鴻情自媿還山晚鶴髮何煩墜鏡頻
世事只今揮手去河年拭目佇綸巾

君辭鴛鴦懶趨朝物表稜稜挺雪標攜本異花和露種
掃堆黃葉品茶燒飛樓獨擁書千卷勝侶頻呼燭幾條
最愛野林尋古興百篇斗酒一時消

計翹

范叔子一寒齋副墨有送計伯任之廣陵詩又有
送宋五宋七昆季兼柬伯任詩又許今則有三君
詠傷東臯舊盟其一為計長公伯任作蓋豪而近
俠者

題雲門菴

於潛縣志菴在嘉德後鄉

院古僧寮寂雲寒人跡稀泉聲飛鳥道
翠嶺松扉紆徑轉深入孤亭坐不歸徘徊獨吟眺殘日冷侵衣

松風餘韻卷四十五

松風餘韻卷第四十六

目錄

明蔡昶 三首

蔡廷珍 一首

蔡懋昭 一首

蔡懋孝 一首

蔡文瀛 三首

戴昕 二首

邵亨貞 一十首

邵克穎 二首

邵永寧 一首

謝應徵 四首

謝自孫 一首

盛當時 四首

鄭昕 一首

鄭珪 一首

富好禮 二首

松風餘韻卷四十六

胥浦姚弘緒聽巖編次

蔡昶

列朝詩集昶字元昶上海人

都門春中寄友

曲曲宮牆繞御河春冰消盡水生波桃花帶雨春枝重
柳色籠煙隔岸多白首蔡邕嗟老矣青年沈約奈狂何
典衣莫惜沽新酒笑聽吳姬子夜歌

贈畧道權上人

客邊相見雪盈頭蓬底談詩紀昔遊百里雲山黃葉寺
十年鷗鷺白蘋洲雨花風煖香生座梵貝聲清月滿樓

昨夜南湖秋水漲浩歌又上木蘭舟

贈朱筠谷

紫陽夫子有雲孫養志邱園隔世喧錦繡生香花映戶

琅玕搖影竹當軒橫琴謾鼓南薰操尚客時開北海尊

老我扁舟過溪曲樂遊潭勝武陵源

孫作東郊艸堂記畧蔡君立名訓江陰之警變姓

名來吳居於海隅漢城里為松之士族見方志第

宅據此昶必訓之子姓故皇明風雅云江陰人也

考江陰縣志並無昶姓名其為松人無疑

蔡廷珍

近體詩鈔廷珍字仲全松江人

村居圖為陳宗義賦宗義元末明初人有題吳人徐良輔耕漁軒詩

卜築清江為避喧數家雞犬自成村隔簾花弄殘春影滿地苔流宿雨痕映柳日斜漁曬網煮茶煙起客過門莫嫌此地交遊少時與隣翁醉竹根

蔡懋昭

方志懋昭字允德上海人舉嘉靖庚子鄉試署教嘉善前令以墨敗扣剋戍伍金致譁而去乃諉罪庠士昭立為辨雪李太史士華表職方黃等是也擢知新河縣流賊出沒乃從容畫方畧賊黨解散遷守趙州大橋稅歲千餘金例充州署公用昭中請撫院分償積逋載入會計冊冢宰胡公稔其賢

松風餘韻卷中

二

已擬內召矣太守陳熒齋斂之竟拂衣歸適有西粵顏御史思賢過趙父老攀轅泣訴前州守治狀及去官之故雲間人物志云頃刻聚數千人顏感其義即家起知桂陽州中途改貳懷慶平役均田加意振刷丁外艱服除補同知肇慶海酋何平餘黨許思者築城陽江沙島東連惠州林道乾遙相犄角昭用間使思自翦其翼示以恩信思降一日忽檄楊參戎勒兵疾馳列陣恩之外營恩惶遽出迎入坐恩惺惺服粟不能語昭好言呼恩令解散諸黨凡六千餘人遂命將校立夷其城率恩入謁制府婉為請命終不誅授與名色處之陽

江內地積寇既平乃率眾深入搜捕猺賊林道乾失援亦詣軍門降沈公孝思以忠諫戍神電衛昭迎至陽江敕傳授餐絕不以江陵介意拜思州知府鄒公元標時成都勾昭遣使慰勞一如沈公丙戌致仕歸思民肖像祀之疾病禱之即愈歷官凡三十年環堵蕭然至老衣粗食糲或不能舉火年屆九十而卒二子長逢辰以貢為州別駕清介不悅家聲雲間志略漢陽蔡公知貴州思恩府有土官賸削小民公嚴為約束其尤狡者以法繩之還民侵地故事土官承襲皆受成於守公廉其不肖者抑之不聽其襲官為民刀俎翕然稱太守神明

松風餘韻卷中

三

以覲事入都既致仕歸里思民肖像而祀每月祭以菜一束雞一頭至日公覺腹有餘飽鼻有異香乃其饗祀之辰也前後居官以冰蘖自持晚年貧益甚止存田四畝至饗殮不給嘗種萱花半畝採之入廬中供午餐累月不知肉味曰口所適也郡邑聞其名于旄過之亦不見金帛贈之亦不受日與弟石戶山人懋孝自相唱和南吳舊話錄允德守思州城苦無水涓滴取自三十里外公乃擇日告天地四門各穿一井至二丈餘乾燥如故吏胥皆謂不可力爭公曰吾尤自信者天無不感格七日復齋沐露處集眾舉鍤四井水忽涌沸民呼為

蔡公井

思陽八景

案橫都峭轉龍菴龍觀晚渡歸人映碧潭晚渡歸人映碧潭晚渡翠律一

山屏擁翠一山紫迴二水帶拖藍二水管鳴白鶴聞清

唳白鶴鼎建玄宮倚翠嵐玄宮耀武牧園金鼓壯武場畫角

前溪星石瑞光涵涵文石

考上海志先生父繡字文卿邑庠歲貢分教臨淄

與兄紳字朝卿互相師友淹貫墳典每至庠校衆

望之輒云兩書厨來矣紳有游甘露山詩不存

蔡懋孝

竹素園集傳略懋孝字幼公自稱石戶山農父宜

松溪集卷六

明

四

齋為魯山王傳君十四失怙又二暮失恃為高封

公南泉贅壻益發憤奮勵文穎出羣萬厯初新建

謝公督學南畿為宜齋門下士分誼甚篤或以語

君君笑曰我鬚髯如戟尚應童子試況進不以正

耶乃棄去舉子業先京兆莫方伯龔給諫皆忘年

與交而林太僕尤稱莫逆性任真遇物夷而中介

每以山人挾刺為羞予嘗與太原瑯琊三君遊每

往婁東必與君同載三公欲物色之卒不可得也

先京兆贈詩有云祇應高士傳中間此可以槩君

矣

遊天目

萬峰歷盡路重回一徑遙從天上開瀑布重重來法界
白雲冉冉出經臺烟嵐遙日乾坤變草木先秋雪霞催
闔闔可通我欲問酒星何日謫三台

石戶山農思州守溟陽先生從弟也布衣嗜學雅

負吟情與先生時相唱和先生既清操絕俗山人

亦淡泊自甘章水部陳徵君雅重之與馮咸甫孝

廉尤善尋訪名勝笠屐必偕陳徵君詩雋云幼公

醉而多酒態其風致殆可想見

蔡文瀛

字季海華亭布衣工於書萬厯庚子舉人紹襄子

兄文陞天啟甲子以禮經中式文瀛才高屢不售

松溪集卷六

明

五

初字季海後改名從更字季真書畫皆工董文敏

亟稱之

悲歌二首

身都卿相此何時帝遣行違有賜詩劍出上方旋齒劍

荆南流血至今悲

薦舉何如制舉尊秋風槐市立遼巡無金可買長門賦

才子終推石季倫

三聖菴

德勝門東水田數百畝血溝澗其上隄
菴門前古木四柯如
青銅亭亭為近水也

白月滿天霧露長禾花樹影四周牆風吹紅雨紛花片

不辨其花瓣得香

文瀛又字季長范叔子有贈蔡季長詩云小友才
無敵詩文動鬼神又秋水樓詩序季長年十四即
豪於詩蓋時所目為謫仙人者

戴昕

方志昕字景升正統丁卯科舉人上海學陳州知
州陳州志戴昕由鄉薦天順間筮仕臨漳令有治
聲任滿擢守是州下車首興學校飾陵寢訪古蹟
修葺而品題焉為治奉公廉明仁恕百姓德之

胡公鐵墓

陳州舊志謂在城東南壕內世傳其墓用鐵冶鑄成苔色蒼古今人皆謂

在城西北角臺下

鬱立臺卧草萊周遭鐵色鑄莓苔古波流水消春雪

松風餘韻卷六

明

六

高樹清風入夜臺石椁不憐司馬死漆燈孤待沈郎來
下車我欲尋遺蹟試把椒漿酌一杯

思陵

陳州志思陵冢在城南三里凡四相去數十步高廣無異或以為陳思王墓

望入思陵暮靄長天涯誰復見曹郎亭亭古樹含春雨
閃閃飛鴉背夕陽七步才名歸寂寞一回塵夢合淒涼
無端兩眼懷人淚試向東風謾舉觴

邵亨貞

方志亨貞字復孺其王父桂子咸淳辛未榜進士
有別業於華亭娶曹澤之女因家小蒸遂為華亭
人亨貞博通經史瞻於文詞工真草篆隸凡陰陽
醫卜佛老之學盡究其奧與陶九成為莫逆交自

號見獨居士當時得其片語寸楮以為家乘光所
著有蛾術集元末兵燹其家避地橫泖洪武初為

府學訓導卒年九十三子伯宣有學菴集古詩能

世其業

又著述志虞山趙時美蛾術集跋云余於天啟辛酉二月往登江省女道過赤岸李

近復如一家閱其書目有邵學訓蛾術集一冊凡二十卷乃學訓手筆之藁字畫精妙後有學菴集古詩一卷云是其子所作不知名為誰也邵故雲間人其子孫留寓赤岸李君於其家梁間得之

列朝詩集復孺嚴陵人徙居華亭卜築溪上以貞

谿自號與王原吉申屠仲權郝仲義交嘗為陶九

成作南村艸堂記洪武戊申歲也復孺有詩帖云

僕從軍吳秀間近始謁告還家錢南金詩帖云復

孺先生自軍中回署其年至正乙巳也王原吉詩

松風餘韻卷六

明

七

稱復孺也田復孺祭伯文曰己亥之歲以屯役留

宿吳興則復孺蓋嘗有事行間矣有蛾術文集十

六卷蛾術詞選四卷集後有學菴集句詩一卷云

其子伯宣所作與劉昌卜榮同時復孺有女嫁江

陰張宣藻仲即宋學士賦詩送張翰林藻仲歸娶

者也曝書亭詩話貞谿詩詞氣和易比於袁景文

管時敏則不及方諸陶九成顧謹中似為過之

早秋寄南金先生

桃花浪裏泊扁舟草草相逢恨莫留一自春風來折簡
幾番夜月獨登樓塵踪偃蹇長懷舊蓬蒿蕭疎又見秋
為謝故人安好在身閑不負遠公遊

庚寅至日有懷南金

一從之子移家去久矣溪居絕賞音萬事無情空過眼
三年不見轉關心春風綠筆新詩少夜雨青燈舊夢深
今日柴門冬又至野梅花下獨沉吟

奉和曲江先生元夕壽伯翔翁之作

青袍朝士識貞元時論前修教子孫彩筆自堪修五鳳
黃金誰復購長門雨深燈火杯頻舉夢入池塘草漸繁
兵後湖山春尚好鶯花應滿舊家園

次韻答松雨上人

老來祇戀舊儒巾放浪猶能矯俗塵晚節黃花希晉士
春白雪愧巴人高懷無出中邊事末路何慚寂寞濱

松風餘韻卷四

明

八

但得交情似支遁白頭相見只如新

澱湖晚泊集句

烟郭遙聞向晚雞夕陽長送釣船歸旋挑野菜炊香飯
自剪青蓑織雨衣夜冷水寒魚不食江涵空影鴈初飛
無因一向溪邊醉憔悴故交相見稀

息影亭

在曹澤之宅
後葉園內

少陵甘屏迹元亮久忘言邱壑幽深地青山日在門

貞谿初夏次南金韻

綠陰桑柘滿高原白水蘼葭接遠村江上人家無俗事
輕舟載網過柴門

春水初收露淺沙野人相見問年華芒屨竹杖前村路

烟樹深深叫乳鴉

答錢曲江

故園老樹碧成帷次第秋香發舊枝待得花開先折去
煩君題作墨參差

廣寒宮裏錦游帷招隱山中棘樹枝自是天香猶拍塞
不堪人事日參差

按陶九成有贈復孺詩云西泠移家住北村謝庭
蘭玉見兒孫今諸選本小傳皆云嚴陵人似沿其
王父桂子而言之其自署亦然則示不忘始也其
子伯宣有留別錢曲江詩為洪武之九年而虞山
錢氏云與劉欽謨卜伯華同時誤矣伯宣名克穎

松風餘韻卷四

明

九

戊申冬為館人所連謫穎見復孺詩序中趙畸美
既得見蛾術集何尚云不知名也惟錢曲江有次
韻伯宣茂才同集伯寅文學雙槐堂唱和之作伯
寅必伯宣弟惜其名不傳耳復孺乙卯立秋日客
舍紀懷詩有云楚獄囚還繫穀陵骨未收上句蓋
指伯宣下句則詩序所云幼兒克淳沒於濠梁也
錢曲江送伯宣還穎上詩亦有弟沒軍前淚滿衣
之句豈亦有事行間耶蛾術集余有抄本僅選詩
七卷聯句詩一卷凡諸家選本之詩已載在此集
者俱不錄康熙辛丑春王日記

邵克穎

亨貞之子字伯宣即所著學齋集古詩者也閱
術集因知其名

留別錢曲江

宣近獲與曲江翁聚首連日論詩聯牀接席
樂事無算第賤跡僕僕又理北游之裝莫能
久陪言笑為深恨五言一首為謝并致留別
之語云丙辰六月晦日在雙槐南軒寫
交託忘年好詩煩餞別吟老來才益賸道在世逾欽話
舊因連榻投閒偶盍簪看雲定相憶一札肯浮沉

題徐景顏教諭穀江漁者卷

柯山青浸穀江波有客長年被綠蓑釣澤偶膺多士選

松風餘韻卷四

明

十

講帷仍賦散人歌桃花白鷺忘機久蓴菜鱸魚入夢多
遲子束書歸舊隱水雲深處一經過

邵永寧

列朝詩集永寧字昇遠松江人四友齋叢說松江

邵永寧詩載鼓吹續編中

隱耕秋色

明詩綜作
田家樂

為陳孟言賦

香稻收花穗已齊幽棲渾是瀼東西萬竿脩竹千叢菊
十角黃牛五母雞婦起炊糜朝出饁客來留榻夜分題
橙黃蟹紫新醅綠日日何妨醉似泥

謝應徵

方志應徵字夢徵華亭人嘉靖甲辰聯捷進士由

行人考選御史

登南嶽四首

平生夢遶三湘路此日真成南嶽遊地主有情移酒過
山靈如喜宿雲收輿從曲折行初上徑入微茫思轉幽
仰看祝融峰處所鬱藍高起瑞光浮

相攜漫入仙都去小憩還於雲雨亭進茗老僧煩指路
趣人山色總排青坐來不覺衣襟潤到處惟聞草木聲
此日身從天表度蓬萊空自說滄溟

絕頂移尊世所奇那堪山色更清夷羣峰拱揖森青玉
一水逶迤注碧滋日月古今看出沒巖崖題刻半離披

良朋高會須傾倒况是新秋乞巧時

松風餘韻卷四

明

士

上封寺裏多雲霞我亦尋芳一駐車板橋喜下山公意
松醪疑來道士家懽情已投玄井轄泉石難維白日斜
南寺興酣苦言別側身回首重咨嗟

謝自孫

自孫其先家於會稽之東山曾祖遊學雲間戀峰
泖而樂之因家焉祖幼孤育於外家孫氏遂冒孫
姓為華亭人復姓改名仕至涇州知州以子秉謙
官御史晉階奉政大夫郭志自孫字正甫少有才
名為董文敏高弟顧涇陽先生常延之家塾以貢
授涇州通判常攝諸巖邑以廉能稱後遷知涇州
嶽嶽與制府抗量移楚中念母老遂致仕歸事母

至孝年逾杖常左右扶掖起居飲食必躬親之

甲寅仲春沈幼漁招集瑁湖精舍用王洪洲韻
城曲西湖接瑁湖隱侯高館少兵厨千杯風月無狂客
一棹烟波有釣徒清晝人間花寂歷暫時客過鳥驚呼
春郊此會偏宜久病眼猶忘日影晡
盛當時

雲間志畧當時字明輔號崑谷更號淳菴華亭望
湖涇人六歲喪父其母姚撫之成立弱冠遊邑庠
嘉靖甲子年二十七歲登鄉薦聯中會試廷奏名
三甲第一授大理寺評事尋擢駕部復改銓曹餽
遺一無所受性剛直律人嚴與公異者爭相下石

松風齋韻卷四

士

遂出為湖廣僉事楚王孫多驕恣所以按者畧
不假借有大俠某託名豪貴所至驛驛廉得其狀
搜偽圖記一匣按法定擬有力者拯援之不聽於
是媒孽者愈衆年甫三十六解官歸矣郡守王懋
軒莫逆交也有坐大辟者以千金為壽冀道其辜
公謝絕之曰法不可亂且如死者何江右喻公為
守歲饑倡勸貸之說亂民乘機搶攘幾成大變公
力言當殲其魁而宥其從喻然之餘黨立散時議
欲建金山縣紛紛具呈於直指甘公甘按郡公昌
言云當此物力不堪而欲創建一縣是擾民也甘
為起謝已之所著有遊吳百詠紀遊集燕超堂集

年六十四而終

秋日汎泖登塔因宿舟中玩月

孤嶼何年劈巨靈巔崦偏賽九峰青蒹葭鴈落秋江影
荷芰雲迷翠玉屏僧傍清流閒洗鉢客來虛閣聽談經
登臨古塔諸天近夜靜鐘聲雜梵鈴
得月無如近水先此宵佳影倍堪憐波光夜撼蟾宮冷
練影虛臨桂殿懸龍藏有珠輝競吐天河橫斗勢遙連
平生最有滄浪興一曲吳歌儼是仙

秋日再汎次陸宗伯韻

松風齋韻卷四

士

揚舲直上凌霄去忽聽琳宮起暮鐘
漠漠蒼烟隔遠峰秋江何處采芙蓉帆連鴈影隨雲沒
霞鎖嵐光入望濃返照虹飛浮海蜃晚風波動出潭龍
憑虛一笑乾坤小響答祇林靜夜鐘

鄭昕

四友齋叢說昕字彥升賴善卿選其詩入大雅集

中

錢德輔湖亭蓮花盛開載酒與衛叔剛共飲
翠華擁出三千女玉杖扶持八十翁若使此花能解語
主人日日醉春風

鄭珪

方志珪字叔潤華亭人景泰庚午舉人甲戌進士

禹州知州歷任郎中

鳳凰臺歌用舊韻

一統志云鳳凰臺在禹州治之東南隅漢黃霸為潁州守

時鳳凰臺數集其地後人因為築臺

鳳兮鳳兮何所棲堯廷舜階周錫西來儀自彰聖世瑞
和鳴豈等凡鳥啼厥後不知幾經世治道漸乖時亦異
春秋遜霸德愈衰宣尼嘗歎久不至如何一旦來潁川
日比日月頭像天五采翩翩留數日一臺屹立遺千年
重作層臺高百尺為愛鳳兮曾此集鳳去遙遙不復來
臺荒誰復嗣偉績嗟余牧此弔古邱每過臺邊為舉頭
安得鳳兮仍一至緬懷不覺情悠悠昭代賢才遠相訪
登臺何必增惆悵羽衣合作王國禎姓氏繼書青史上
富好禮

松風齋集卷六

明

雲間志略好禮字子超號春山華亭人正德庚午
舉人辛巳進士授工部屯田司主事嘉靖壬午權
稅荊州為條舊制所宜復及所不便於商者奏罷
行之聲望蔚起乙酉改刑部浙江司主事庚寅慮
囚淮揚多所平反壬辰陞河南司員外郎郎中時
京師有惡少某以事抵法公執而論之惡憤甚匿
詞衣帶間潛入大內疾呼因而自刎舉朝駭愕為
公危之而公車劾奏不報事竟寢蓋上密廉其事
知公清慎獄無冤也癸巳議擢開封守會御史馮

思論太宰汪鉉下獄公力爭以為無死法汪以其

庇鄉人銜之遂移重慶盡取州縣民所出賦役為

畫一之法給券於民使之自輸而與之期民信之

輸者如市莫敢後時蜀府與都司以事訐奏詔遣

科道按之累月不決當事者檄公往一斷以法不

十日爰書成陞本省副使備守建昌境有大渡河

故諸葛武侯渡瀘處每至夏秋之交行者觸瘴多

死公為鑿山湮壅築塘堡數百里屬之省城三閱

月而成孔道行者便焉建昌權井鹽以餉兵其後

鹽丁逃而官兵豪者據有鹽井之利於是稅廢而

餉存公計令所當受餉與鹽稅相准餉乃不費而

逃丁亦多復業者會屬吏有以殃民為民所訟公

置於理省僚力請不應因譏於部使者遂以大計

罷歸著有前入蜀後入蜀橐及遊峨眉山記武陵

陳仲錄字朝漢寄富春山憲副詩曰我憶春山富弼

居別來霄漢竟無書天涯縹緲南歸棹夜話殷勤

北上車詩社風流知未老暮枰勝負較何如松江

秋泛惟閒笑叢桂香飄漉酒餘

雙飛橋

天柱峰頭水驚飛樹杪來山中奔日月地底激風雷嵐

氣千巖暝秋聲萬壑哀冷然心獨賞何處有塵埃
庚戌初秋與翠巖黃侍御同登御塔用韻

松風齋集卷六

明

秋水浮空下漢槎暫移旌節駐烟霞冰壺自許心無染
桃李爭看樹有花白露橫江秋未老清宵倚劍月初斜
祇令海內瞻星斗始信文章屬大家

松風餘韻卷四十六

松風餘韻卷四十六

明

松風餘韻卷第四十七

目錄

明陸宗善 二首

陸鉉 一首

陸潤玉 一十七首

陸廷玉 一首

陸景先 一首

陸德聰 一首

陸郊 三首

陸應陽 二十八首

松風餘韻卷第四十七

明

松風餘韻卷四十七

胥浦姚弘緒聽巖編次

陸宗善

〔文翰類選〕宗善字尚訥華亭人閩縣知縣顧志洪武中宗善以碩學高行舉於鄉再令巖邑所至有惠政善為詩流麗雄偉而不忘規正字畫亦清勁三衢金實亟稱之子顧言顧行並有詩名

青塚

律選無策事和親遠嫁明妃淚滿襟粉黛只因矜絕色畫圖不肯賂黃金琵琶彈歇穹廬冷環珮歸漢殿深荒塚千年今尚在雲迷青草結愁陰

詠松

標社大樹能蔽牛自矜多壽枝相樛天生奇才貴有用豈肯老死窮山陬

陸鉉

〔文翰類選〕鉉字鼎臣松江人

朱隣竹以千葉紅蓮見惠詩以謝之

為愛名花似六郎嬌容瑩出淤泥芳粉紅露拆千層艷鉅草風生十里香太液池邊蒙勝賞若耶溪上試新粧幾回夢斷吟窗底疑在西湖雲錦鄉

陸潤玉

〔東海集墓表〕潤玉字尚質世居郡城之北郭生有

異質少角遊鄉校蕭山魏文靖公見之期以遠器

治詩習舉子業齟齬弗遂子桂穎敏過人乃悉以所業授之曰吾無事於此矣因自號復庵益博綜諸經子史玩心高明有所感觸一發於詩桂補邑庠生聲稱日起一疾而天先生歎曰是誠大夢也更號曰夢菴深自韜晦跬步城府累歲不入惟沉醉於易悉取諸家含咀疏剔縱橫參錯列為數圖懸之一室起處其間充然自得人非其儔不苟一接所著詩曰夢庵集卒年六十有二葬於所居之東隅顧志潤玉不妄言動工於吟咏與夏璿張遜王桓陳黼彭思禮郭用常輩結為詩社相倡和有夢庵集詩於時松事叢說陸夢庵工詩有重名吳門沈貞吉藤之延致家塾教其子沈周石田其弟子也

巫山高

攢峰十二青叢叢層臺曲房雕綺櫳行雲逗雨春迷濛軟風吹夢春無踪蘭香滴露啼幽翠江波鄰鄰月光碎老蛟踏破呼木魅青鸞何處迎飛佩

關山月

青海城高寒吐月白龍堆下沙如雪一鏡明明圓復缺長倚關山照離別胡笳聲悲胡馬嘶五更影落陰山西鐵衣寒重露淒淒蘭闥正掩殘燈啼

春曉詞

曉明雲母光催曙嬌鳥驚啼盡開樹流蘇複帳開芙蓉
枕屏殘夢猶朦朧東方風來寒剪剪蘭香薰衣藕絲軟
銀蟾隔簾斜墮雲捲簾花霧春無痕

鳳臺曲

宮樹層層隱欄曲紫簟吹動參差玉秋聲嫋嫋月滿臺
青鸞銜信三山來弱流拍山險難渡飛瓊別掃葉霄路
綠香繡帳塵夢消紫簟聲沉鸞影遙金屏鸚鵡泣煙曙
海濶雲深不知處

萬玉圖為上海李均美賦

冬苦寒風怒號木葉脫落山蕭蕭氣機四序終復始

松風齋韻卷四十七

三

春傳好信來梅梢是時山房種梅處雪藥含春滿高樹
驪龍抱樹睡初酣領吐蟾珠不飛去憶昨扁舟裏湖曲
逋仙舊隱花間屋砌涵疎影水濺濺門掩暗香塵簌簌
逋仙不起長掩門花深紫苔消履痕籠鶴雙飛杳難返
湖烟漠漠愁黃昏幾回問花花不語撚斷吟髭自延佇
小橋斜轉孤山隅留得荒墳竟誰主揭來夢作羅浮遊
濕紅懸凍巖之幽洞仙一笑放靈瑣瑤宮琪樹枝相樛
花鉤圓雪雪交墮錯認梨花春擁路粉腮不趁鑑冰勻
縞衣却藉綃烟護夜闌月轉山房西翠禽別占橫枝啼
枕寒紙帳破殘夢曙光晴射霜簷低故人叩門起相迎
手攜舊軸山樵畫且言魏國有賢孫遺余不啻千金價

展圖萬玉粲目前當時寫贈中朝賢君字夫何宛相契
奇遇要知非偶然君今什襲猶拱壁我為題詩念疇昔
白頭不改歲寒心一度看花一相憶

輓柳隱先生

名賜字啟明莆田知縣見姚氏家乘

宦轍馳驅四十年聖恩優老賜歸田黃金散去因留客
白髮添來遽入仙火伏丹爐烟已淡塵飛總帳月空懸
傷心舊隱門前柳青眼含春淚宛然

富林十景詩

松江府志富林在三十八保後帶九峯前連平疇為西北奧壤仕族

曹氏家馬

富林春曉

日始啟旦鳥聲出烟蘿草堂檢春事花落風檐多

松風齋韻卷四十七

四

村莊雨霽

錦鳩啼樹頭一雨茅檐過東菑曉扶犁耕却沙烟破

九峰環翠

層峰勢紫紆中有讀書舍芙蓉濕烟嵐簾櫳翠光瀉

八曲潮生

風驅海門潮晴添八灣漲老漁棹歌回籬根繫吳榜

三泖回瀾

赴海既湯湯回流復渺渺雨晴風力微文漪碧於艸

綠莎農本

厥土惟膏腴樹藝實藉此用貽子與孫黍稷恒茂止

松林龍蛻

老樹森成林烟霏滄翠根抱扶苓香蛭蛻託遺蛻

橫浦歸帆

歸舟汴橫浦日落風更急點點十幅蒲半帶荒烟濕

客舟夜泊

巨舸卸帆櫓入港月已白此夜泊誰家村南隱君宅

谿橋曉市

石梁雙跨溪虹影倒涵水斜月未墮山烟中市聲起

重過沙河有感

白鶴沙頭水自波扁舟曾載夕陽過東風一路蘼蕪綠

添得春愁別後多

陸廷玉

松風齋集卷四

五

〔府志〕廷玉字獻臣華亭人天順壬午舉人歷新建

知縣太僕寺丞光祿寺少卿

送姚程夫分教南安

手持木鐸赴南安化雨和風滿講壇德行文章嘉績著

明時豈肯負儒官

陸景先

〔府志〕景先字希喆弘治戊午府學中式歷任臨江

太平懷遠府推官

壽姚程夫

海屋新添七十籌古今今古幾人傳燕山椿老誇前哲

橫浦芹香是舊遊半世功名輕廣受一生才器重蘇歐

香山會裏多豪俊又讓先生第一流

陸德聰

〔方志〕德聰字時敏正德時華亭學歲貢授長沙訓

導

聖水菴

〔汀州府志〕在寧化縣東

行行曲徑白雲深風入松花落翠林欲問慈航還可度

蒼苔踏破特相尋

按顧東江家藏集歲庚午有送時敏之長沙詩跋

云時敏亦任怡庵門下士甲戌有送時敏分教建

陽詩庚辰有和時敏赴宜春留別韻詩注稱時敏

嘗教長沙建陽改今任他與時敏唱和極多其任

松風齋集卷四

六

寧化教諭想又從宜春而移者也

陸郊

〔雲間人物志〕郊字子野號三浦華亭人少負羸疾

中更寇變荼苦倍嘗然立襟至性恒以媿阿趨順

為末流朋儔契合詩篇往返芻蕘不靳遇稍不協

悄焉沉響亦不樹形迹詩雖流布人間而人得之

恒寡大約王孟之流也臨池以顏歐為宗所著有

子野東門彙年四十四而終比屬續呼其子應陽

歌摩詰詩語無他及若有冥契者〔雲間志略〕陸為

安墩上著姓雖世業中落而不乏遺賢三浦性安

儒素落拓棄去又為陳氏館甥陳亦素封易簪時

命其子中分田產三浦攜室人避居村落即晨春
不給弗顧也古貌古心儵然高尚惟趺坐一室讀
書詠詩間事臨摹以自娛樂嘉靖丙辰直指尚公
維持行部訪人物於莫方伯如忠方伯曰有陸子
野者詩類孟襄陽字類顏魯公人品類王仲孺真
高士也尚公遂折節過存邀之入署郊以葛布野
服踞上坐人益高之三浦行住坐卧一意攻詩與
流輩往來酬答不廢詩筒大都以骨勝韻勝而非
徒爭奇鬪巧於字句間者又雅不欲以詩名隨作
隨委去之所存益寡其子應陽刻之名子野集僅
僅二三十篇鳳毛麟角故不在多也其聽琴詩云

松風齋讀卷七

七

冰靜遊魚出山空別鶴吟山中曉發云塔影烟中
辨泉聲石下通咏蒼潤軒云蒼靄深茅屋青松影
石牀贈友云黃鳥聲中催別酒白雲影裏望歸舟
問禮早從周柱史分曹仍擬漢郎官皆生平得意
之句其送董原漢成粵西詩云千言抗疏酬明主
萬里從軍奈老親人皆爭寫而傳誦之（樵史海鹽
錢給事薇嘉靖間以文章氣節推海內於人不輕
許可獨雅重予先君每日曰陳子野東吳高士也嘗
從雪夜放舟不遠三百里尋訪窮巷先君蕭然四
壁乏卧具遂藉草為榻抵足而談信宿乃去噫似
此風致過剡溪一棹遠矣

宣妙寺聽僧彈琴

祇樹談經罷瑤琴手自揮響疑和梵語清轉助禪機絕
壑疎泉度空山急雨飛塵心坐自遣從此得皈依

黃浦

黃浦春潮漫奔流繞郭門城樓連海蜃濠塹浴江豚天
帶孤帆影山懸片雨痕獨憐經亂處蕭索不堪論

題顧少參西館玉蘭

竊歷山齋午夜寒盈盈帶月倚朱闌謝庭有樹方攢玉
楚澤先秋已佩蘭香度瓊林風乍轉光搖仙掌露初圓
逢君況是棲霞客未使緇塵染素冠

陸應陽

松風齋讀卷七

八

方志應陽字伯生少負才穎試補諸生已註誤落
籍遂事遠遊初學士黃公洪憲得應陽為重客後
相國申公許公亦折節交之監司郡邑大夫無不
造請乞言者應陽風貌清古詩翰卓然至修復孔
宅議擴郡城饒有籌幹所著有鳴鴈采薇陸萍香
林桃源河上荆門白門武夷五茸笏溪問雪懷舊
諸遊草凡二十三種又有廣輿記樵史唐詩選太
平山房詩選行世卒年八十有六據目抄陸古塘
真草書法顏魯公間寫歐陽率更索者嘗滿戶外
詩宗大庾文宗曾王每傷古道日偷士風不振力
圖挽回狂瀾徃徃形之意氣激烈而位卑言高動

雁簿俗匪笑亦不為意客遊南北十餘年足跡幾
半天下其客長安也有詩文名有狷介名有酒人
名所至歷覽名山大川賦之詩歌以據其牢騷拂
鬱之氣洵稱雲間高士云露書伯生作詩首首有
鴻鴈字用之恰好今人不覺章元禮先生因呼為
陸鴈南吳舊話錄瑯琊好以名龍後進數以言擢
伯生伯生獨不以一刺進已而瑯琊賞譽之士各
自以其所詣受名無不以有瑯琊故重而伯生乃
以無瑯琊故益重也

涉江望浮玉寺

北提瞰江濤綠縹緲繞塔影烟中辨經聲象外聞山

青連楚樹潮白漫興雲懷望諸天界胡然咫尺分

清河寄申進士敬中

驛路三千外西風幾憶君山昏縣暮雨清白捲秋雲木
葉客中盡鴈行天外分可憐離索夜寒角傍愁聞

真州夕汎

天際片帆飛千山暎夕暉雲隨傳鳥去月帶晚潮歸水
國芙蓉暗江田首稻肥故園今在望搖落有漁磯

初夏汎泖登塔院

三泖諸天界悠然隔世喧扁舟尋白社落日對青尊塔
影搖空漠潮聲到寺門興來忘去住烟樹已黃昏

泖上夜泊

如此風波地孤舟未可前山青猶帶雨浪白不分天僧
度寒鐘外帆收落鴈邊夜來方乞火能得有人煙

再泊塔下

如此風波地輕舟或可停浪中孤寺白雲外一峰青沙
暖鷗爭席林香鳥聽經寂寂三泖上誰識少微星

甘白泉

在細林山東麓

泉脉空山側分流入翠筠霏微宜漱玉清澈自捐塵月
照銅餅小綆垂碧甃新茶鐺幽賞處龍井定堪隣

和王洪洲學使壬子除夕守歲韻

門掩清溪畫漏遲寒風慄慄雨絲絲狂奴老去青尊洽
空谷春回白草知盤薦五辛仍送臘詩成一榻半憂時

相將幸有耆英社何處看花不可期

為徐孟孺題畫

石燈生寒烟木葉散人影天空鴈不來日暮蒼山冷

題畫

落日明沙渚長空天倒流西風一鴈過驚破洞庭秋
天空雨初霽杖策西巖裏嵐氣忽成霞吹落萬山紫

山中雨夜簡鍾給事

漂零王粲尚依劉搖落江門白鴈秋日暮客愁消未得
一天風雨獨登樓

江上懷史比部

建業城西秋可憐蕭疎黃葉白雲天舊時玄武湖邊月

不是懷人亦黯然

鄭州旅次用壁間陸君策韻

朔風吹落九河陰處處寒衣急暮砧一望薊門黃葉滿
始知秋向客中深

古城

龍戰何年折寶刀秋風立馬問前朝
濤聲日夜蛟龍泣莫是秦吳恨不消

送倪別駕謫尉晉陽

霜落芙蓉劍氣寒孤臣萬里度桑乾才多自昔還多忌
莫向人歌行路難

黃河堤畔柳條新君去平陽已暮春
共道聖朝多雨露

肯令遷客老風塵

題水月閣

在嘉興南湖煙雨樓側

舞堤搖曳木蘭舟月色歌聲半入樓
我亦有情消不盡一瓢春酒為君留

題何士抑香林閣

便面手蹟

架有神仙字坐來無古今花陰留曲檻
月色候疎林物外每孤眺興中時一吟
自非同調者不為此招尋

申相國還山喜贈

帝師憂國十年過中歲投簪髮已皤
縱謂股肱開社稷肯令舟楫在風波
衣恩乞青山近邱壑春歸綠野多
自此東南高物色浮雲不遣出烟蘿

謁謝文節祠

正氣何曾共陸沉
藁祠吾幸此幽尋
身輕萬死酬孤憤
名在千秋愧二心
風散庭烏啼暮雨
夜深山鬼泣空林
尚知不淺吞胡恨
一徑松杉白日陰

過五雲曜慧堂

誰似棲遲地不將名姓聞
杖藜殊不遠吾憶爾為羣

青溪舟次留別徐進士伯同兼寄王刺史潘海

寧

高小湖藏手稿

霜變衰草黃葉垂清谿與子忽邂逅
臨風重依依問子安所之言涉楚江湄
歲晚復云別惻爾令人悲揚帆何迢迢
迢迢且遲遲匪我舟行遲客子有所思
人生百

年由黥黥多別離願以綠綺琴寫作長恨辭
江潮有迴

流野鳥思舊樓悵望水竹間寒梅開幾枝
寄語二三子

遲子白玉卮相將梅花下月明以為期

歲暮東歸道中志感

以下徐景子抄寄

蕭條歲暮獨客返寒塘尚守青氍毹
空令白日忙潮喧孤棹急鵲噪野田荒
自歎飛蓬跡羞言志四方

江上贈友

江上同雲黯微風朝風飄雪歲將除
經旬病劇愁司馬裹飯情深見子興
石甕先春沽市酒山廚過雨薦園蔬
相呼酌酒梅花下清夜依然慰索居

元旦小閣獨坐聞好鳥弄春

江上東風昨夜回興乘高閣獨銜杯開簾欲散舊愁去
好鳥一聲春色來

小閣望雪寄楊侯

疎簾小閣對林塘雪色明於白玉光盡日飛花看滿縣
可知潘令在河陽

立春夜見殘雪志感

季子猶然敝黑貂可堪殘臘送清宵張燈忽訝簷前雪
不得春風未肯消

古塘有詩賦一首綜古今考原委洋洋纚纚三千

餘言何其善於言詩也夫善言詩者詩必工潔淨
似襄陽幽峭似柳州天資家學相與有成非苟而

松風餘韻卷四十七

明

章

已至書法之縱橫變化尺幅寸紉珍如夜光先生
幾以書掩其詩然書益以詩重也

松風餘韻卷四十七

松風餘韻卷第四十八

目錄

明陸樹聲 四十一首

陸樹德 七首

陸彥章 一十一首

陸彥楨 一首

松風餘韻卷四十八

明

一

松風餘韻卷四十八

陸樹聲

胥浦姚弘緒聽巖編次

〔明史列傳〕樹聲字與吉華亭人家世業農少力田暇即讀書請於父從師學遂舉嘉靖二十年會試第一選庶吉士授編修歷拜禮部尚書屢辭朝命中外高其風節遇要職必首舉樹聲惟恐其不至張居正當國以得樹聲為重用後進禮先謁之樹聲相對穆然意若不甚接者居正失望去一日以公事詣政府見席稍偏熟視不就坐居正趨為正席其介介如此比部要增歲幣兵部將許之樹

松風餘韻卷四十八

明

聲少爭歲終陳四方災異請循舊章省奏牘慎賞賚防壅蔽納讜言崇儉德攬魁柄別忠邪詔皆嘉納萬厯改元中官不樂樹聲屢宣詣會極門受旨且頻趨之比趨至則曹司常事耳樹聲知其意連疏乞休居正語其弟樹德曰朝廷行相平泉矣平泉樹聲別號也樹聲聞之曰一史官去國二十年豈復希揆席耶且虛拘何益其冬請愈力乃命乘傳歸辭朝陳時政十事凡勤學修身政令士風邦本財用宗藩邊防漕河郊廟皆懇懇言之中言用內侍以給掃除而倒持旁落之漸不可不防優外戚以示卷異而非分無厭之求不可不節語多切

時弊旨報聞而已比出國門士大夫傾城追送皆謝不見樹聲端介恬雅翛然物表雖進易退通籍六十餘年居官未及一紀與徐階同里高拱則同年生兩人相繼柄國皆辭疾不出為居正所推竟不附也雲間志畧樹聲初以林姓中嘉靖庚子南畿鄉試第五辛丑會試第一廷試二甲第四改翰林院庶吉士壬寅歸省乙巳授編修庚戌廷試充掌試卷官壬子還里中途奔父喪服除久之不出丁巳即家拜南京司業未幾又請告歸辛酉起左諭德掌南院事旋名回坊不赴乙丑進太常卿管南京祭酒是秋進吏部右侍郎以疾辭隆慶改元特旨起原官仍不赴明年奏復陸姓己巳再起原官兼翰林院學士掌詹事府事教習庶吉士己赴召行至淮又請告歸壬申陪推內閣即家拜禮部尚書兼學士上疏辭不允乃以冬詣闕癸酉復引疾請告乃賜乘傳歸計公登第六十四年屢起屢歸其間服官兩都不及一紀而優游林下幾五十年家世務農食貧無所給資斧常服田疇并傭雜作日則帶經而鋤夜則囊螢而讀嘗拾紙為文警甚塾師見而奇之時年已幾三十許出試即受知於大令方簡肅公補邑諸生文名籍甚方周以餒金不受未第時業已名節自重矣及魁南宮選庶

松風餘韻卷四十八

明

常一日同館諸吉士謁分宜稱觴為壽皆更絳衣而入公獨鶴立披青袍分宜目攝之不為意也肅皇帝方事立修諸臣競撰青詞進御以希榮寵而公獨否即分宜亦嘗亟稱曰安得閑戶寡交如林與吉者乎高靳在政府遇事稍不當意輒曰吾不如平泉江陵當國擅權意得引公為重公強起應之舊例六曹謁首揆上席不端坐言亦閤閤公為館中前輩竟據上席端坐不少遜也江陵意殊不懌談次輒稱平泉公亦輒稱太岳江陵心銜公而亦以此重公使人致意曰不久有別命矣公曰一史官去國二十年纔出山豈為樹桃李希揆席

松風齋集卷八

明

三

地耶公於席坐應對間已浩然有歸志而會明年當會賦江陵欲私其子上第許挽公以釋物議公微知之請去益決疏凡五上乃得予告乘傳歸瀕行江陵造公曰今且別公公何以教我公曰天下大矣公須還他大大做去江陵默然江陵敗臺諫奉詔薦列海內舊德三十七人以公為首自是薦剡無虛歲而公之高卧林邱也益堅已丑歲公子彥章成進士以代行歸省即請終養部使長吏干旋過謁者時以幅巾深衣出見之去亦無所報謝曰老臣以不任朝謁罷又安能僕僕趨公府乎乙巳歲無疾而卒贈太子太保謚文定方志公豐領

疎肩長七尺有咫目靜深含光內藏對日不眩每入闕昂立班中姿表特異穆廟登極久趨不赴趙文肅公寄聲云我輩豈敢以機務煩公第欲主上一見丰采知先朝培養得如此偉人耳垂老家居惟悵悵吏治士風民俗利弊語不及私水旱必移書議捐議賑民藉少選所著有詩文全集汲古叢語清暑筆談耄餘雜識陸學士題跋善俗稗議鄉會公約陸氏家訓適園雜識病榻寤言長水日抄禪林餘藻凡若干卷西山日記文定一日與賓朋宴坐忽報兄至急起延之門外相對寒燠不數語輒起去文定不能留也送門外拱立良久去遠方

松風齋集卷八

明

四

敢進坐客訝曰長公嚴重乃爾公曰固也憶昔少貧吾兄荷鋤藝宅旁地命我及中丞弟昇冀僕之良久不至吾二人舉一杓淋漓狼籍兄大怒杖之曰盡如若輩何以償租且書能枵腹讀耶宅旁地猶是我今欲受兄教如少年時不可復得矣王劬尊聞文定常言士大夫於世法惟廉取薄享可續壽命之原何從更慕長生為也列朝詩集文定陸公暨清修堅晚節清虛恬退所謂外現儒風中修梵行者與年九十時以衲衣一襲付慧日院手書一詩於上又自題畫像留壽作供松人以為美談

四皓

高士遺世網一往豈再招飛鴻絕四海七者徒為勞
輕高祖業況顧惠儲邀留侯一何詭皓首忽來朝物色
果誰識國本竟不搖歎息紫芝曲空令來者嘲

二俊

憶昔典午時龍戰羣陰凝追呼變寒燠拍顧雲雷興哲
士慎時悔履霜戒堅冰夫君抱國器賈勇當塗登風林
激沉翼陸海驚游鵬差池失中路毛羽羣見憎遂令雙
白壁轉吟蒙青蠅昔為雲龍徒今歸隼與鷹芳華倏湮
沒顧影神獨矜秋風將鶴唳感泣故山層

顧京兆園居和莫方伯韻

端居嬰俗鞅結思在雲林擬並高人駕還諧靜者心屏

松風齋集卷八

五

虛山入座徑密樹交陰彷彿還迷路幽尋不厭深
窈窕城隅隱陰森灌木繁地偏宜避俗興慙自忘言雲
砌花陰覆風堦草色翻偶來淹勝賞吾意亦邱園

同莫方伯董文學馬嶠寺避暑和前輩韻

城隱雙林一徑深渴水風壑共披襟未驅白日渾忘暑
始信青蓮可喻心空裏花飛優鉢雨定中雲護石牀琴
漫言仙掌能消渴此日空門且陸沉

喜柘湖還山賦贈二首次中江韻

蓬萊從君已悟禪吳門回首各風煙名同高士身將隱
論學雖失世共傳龍劬再逢知此日鴈書相報記當年
白頭元亮歸來後幸喜猶存種秫田

憶辭金馬事逃禪三載襟期茂苑烟夢裏青山為客久
愁邊白雪向人傳春風谷水重逢日夜雨秦淮惜別年
予從白已約滄洲遊汗漫為同清世賦歸田

新修二陸讀書草堂

重開遺宇傍層邱婉孌西來谷水流白日未歸華表客
青山從護薛蘿秋風流不作浮湘夢詞賦空嗟入洛遊
彷彿舊時埋玉處懷賢一繫古今愁

題長水塔院次韻四首

長湖蘭漿傍秋開極目微茫一快哉沆瀣地疑行處盡
依稀人似鏡中來雲迷絕壑蒼虬隱日落平沙白鳥回
歌罷滄浪天欲暝忽聞鐘梵出香臺

松風齋集卷八

六

澤國東南擅地靈嶙峋谷口一螺青兼天波浪銀鋪練
拔地樓臺翠作屏門掩慈雲僧入定徑攀幽磴客頻經
揭來一竅消羣籟風便猶聞殿閣鈴

西風鼓柁為尋幽遠水蘼葭入素秋興到此身渾浪迹
閒來無地不滄洲人間桑海千年事天際浮屠一柱留
古往今來餘勝槩不知人世幾沉浮

蒼蒼葭葦得秋先搖落逢時思獨憐地湧龍宮還突兀
天迴鷺嶺自孤懸迢迢極浦潮初散漠漠長空水共連
乘興杳然忘去住恍疑身世挾飛仙

次屠明府赤水秋日汎泖登塔院三首

萬頃微茫擁鷺峰上方臺殿埒芙蓉潮生別浦波迷動

雲散遙岑野色濃香塔半空浮日月冷淵中夜動魚龍
興來擊楫長歌發隱隱疎林答梵鐘

香燈盤危翠可捫舟行晴靄散平原天連四野雲垂幕
湖泊雙林水遶門望處烟波疑幻跡閱來歲月易銷魂
二十年前自緣初地依慈筏欲借清涼一解煩

瓦城高懸谷口峯似看仙掌渺芙蓉天清鸛鶴迎風下
水冷蒹葭泣露濃舟散浪花晴作雨鉢翻雲氣夜藏龍
中流待月忘歸路已報香岑起暮鐘

過慧日寺

覽徧青山幾問禪閒雲白日自年年鶴窺掛衲空餘線
蜩蟬殘編半鎖涎春暖林間來乳燕月明枝上靜啼鵲
誰燒柏子敲金磬為報花開十丈蓮

春日

一番風雨釀重陰雲樹蒼茫自遠林徑滿烟蘿圍作障
石分泉路細鳴琴青門插柳關幽思紫陌行春滯賞心
最是桃花爭欲放不禁庭院曉寒侵

玉蘭

龍蔥芳樹雨初乾樽酒花前洽笑歡日晃簾櫳晴噴雪
風迴齋閣氣生蘭參差玉珮排空出爛漫香鮮擁醉看
自是東君苦留客莫教絕管易吹殘

芙蓉

芙蓉香靄水雲多覽勝新從學士過紅艷晴暝霞作錦

冰綃寒伴玉為河如翻墜珥依仙渚若洗明裝出素波
欲采芳華勞遠贈秋風其奈獨看何

秘省仙居別院東池開新長菱荷紅幽芳渺渺三湘外
疎影亭亭一水中香濕瓊衣迷曉霧塵銷羅襪起秋風
玉堂歸後青藜照競擬金蓮出上宮

龍興寺

因山為寺擘芙蓉烟際遙聞度曉鐘此日人天瞻法象
當時九五見飛龍光迷輦路金身草翠倚碑樓石運松
方外舊遊皇蹟在故應常著紫雲封

棠梨花

滿樹棠梨錦作團雙棲啼鳥闌爭妍邊徐生色依然好
贏得東風歲歲看

白牡丹

洛陽春色畫圖中幻出天然奪化工不泥繁華競紅紫
一般清艷領東風

老少年

何事還丹可駐年一枝真作草中仙霜華洗盡朱顏在
不學春花巧弄妍

春日

熙熙麗日開青野漠漠平曠散芳山鳥一聲催布穀
綠楊陰裏聽農歌

白鷺洲

白鷺洲邊建業城幾經攀折柳條生行人莫漫輕離別
聽唱陽關第四聲

夏日憇無瑕上人禪房

雲木蒼蒼古樹陰梵堂時聽海潮音欲將慈鉢蓮花水
來並山僧出世心

慧日寺小像

自是隨緣有髮僧本來非滅亦非增拈來拂子元無意
不是尋常數葛藤

北禪雙樹

馬嶺古刹歲久漸圯地為居民侵蝕者半獨殿前雙樹屹立度僧臘無數
兵後官司取材議及焉余護存之他日過寺
寺僧是崇引余讀舊碑出雙樹下顧余曰是
木向微公幾已化去今清陰宛在實仗再來
緣願一言貽山門因題

卷八

九

歲遠香臺半劫灰斷碑遺蹟掩蒿萊回看雙樹開僧語
此日清陰是再來

失題

陸瑁湖邊水漫流谷陽城外問漁舟鱸魚正美蓴絲熟
不待秋風已倦遊

書衲衣付慧日院

留鎮山門

萬曆丁酉余年八十有九以
向所衣衲衣一襲付慧日寺

解組歸來萬慮捐盡將身世付安禪披來戒衲渾無事
不向歌姬為乞緣

一作朝章老老漸虛度留與山中作
五卷中無付衲事自題像贊則於洲塔龍潭亦不
知何以致詩後二語尤可異也
特正之按此詩又載眉公見開解亦云付慧日院
衲生猶晚然猶及見先生諒不誣也郭志腹在似失

考耳

自題畫像

豈有文章置集賢也無勲業到凌烟只應畫作老居士
留與香山結淨緣

書徑山禪師卷

時年九十有七

浙西獅窟首名山竹篴曾過妙喜關八十七燈無晝夜
一光果照老人顏

燕一

東風入紫微晚拋江海帶烏衣空誇萬里封侯額
傍人家門戶飛

過本一禪院

卷八

明

十

繞繞寒城北禪居對夕幽重來緣已熟一寐念俱收夜
定鐘聲靜堂虛月色流坐聞談了義真覺此生浮
水北尋幽處禪房一徑深香風流篆影霽日轉桐陰覺
妄還依相觀空已悟心目前同浩劫不必去來今

過本一禪院次韻

曉曉日出層陰蘭若朝來訪道林風定篆烟凝法席
日長松籟韻鳴琴為參禪寂陪清梵一榻凡囂息幻心
自是空門堪託跡青蓮不受世塵侵

北巷西房

市橋西畔短牆東步入香林落照中敗葉滿廊風淅淅
不知何處問樟公

和董子元寒綠亭韻子元有寒綠亭詩自注園中杞菊漸繁日供採擷因

讀天隨子賦語有感蔡亭其上日寒綠楊誠蕭有寒綠軒詩

一字蕭然對俗醒
臘裁纖綠伴餘齡
寒弄幽實霜華滿
夕采繁英露氣馨
甫里昔年誇作賦
關西當日羨名亭
莫言老圃專風味
為喜濃陰得滿庭

題小照留鎮本一禪院

法林曾憶舊生緣
十載修成破戒禪
識得本來真面目
任渠拈出向人看

邀笛步

詩史恒伊善音樂極一時之妙有蔡邕柯亭笛當自吹之王徽之赴名京師泊舟片溪伊於岸上過素不與徽之相識船中客稱伊小字口此恒野王也徽之便令人謂伊曰聞君善吹笛試為我一奏伊是時已貴顯清閑微之名便下車踞胡床為作三調弄畢便上車去客主不交一言

松風齋集卷八

士

王郎家世重連城
桓也風流冠後生
邂逅青溪無一語
獨餘三弄梅花聲

按先生一號解空居士見淨慈寺志一號九仙散樵見何孔目集贈詩一號逸園退老見萬里志跋一號五茸逸老見耄餘雜識敘一號雲林病叟見推蓬寤語跋皆同時尚論錄所遺故隨所見而識之

陸樹德

明史列傳
陸樹德字與成尚書樹聲弟也舉嘉靖四十四年進士除嚴州府推官行取當授臺省會

樹聲召拜侍郎乃授刑部主事隆慶四年改禮科

給事中穆宗御朝講不發一語樹德言易上下交

為泰今睽隔若此何以劇君德酬萬幾不報屢遷

都給事中皇太子將出閣疏言睿學之資必本身

教六年四月詔輟東宮講讀樹德言自四月迄八

月為時甚遙請非盛暑仍出御講筵不聽穆宗頗

倦勤樹德言日月交蝕旱魃為災當及時修省及

帝不豫又請謹藥餌善保護仲夏元陽月宜益慎

起居帝不悅疏皆留中內臣請祈福戒壇已得旨

樹德言戒壇度僧男女擾雜導淫傷化陛下誠欲

保聖躬則失禹之惡旨酒成湯之不過聲色皆可

松風齋集卷八

士

法何必奉佛未幾穆宗崩神宗嗣位東廠中官馮

保遂司禮孟冲而代之樹德言先帝甫崩忽傳馮

保掌司禮監果先帝意何不傳示數日之前顧乃

在彌留後果陛下意則哀痛方深萬幾未御何暇

念中官疏入保大恨比議祧廟樹德請毋祧宣宗

仍祀睿宗世室格不行已極陳民運白糧之患請

領之漕臣從之樹德居言職三年疏數十上率侃

直會樹聲掌禮部乃量遷尚寶卿歷太常少卿南

京太僕卿以右僉都御史巡撫山東樹德素清嚴

約束僚吏屏絕聲伎山東民壯改為民兵戍薊門

隆慶末歲輸銀二萬四千罷其兵尋命增輸三萬

樹德請如河南例罷之帝不從第免增輸者德所
白雲湖故民田為王所奪後已還民結中官謀復
之樹德爭不得乞休歸久之卒雲間志畧華南陸
公成童時從仲兄文定公學食同器寢同牀夜分
亦同篝燈讀辛丑文定成進士公是年亦遊庠丙
午登賢書丁未文定分校禮闈格不入試乙丑始
登第蓋因公車二十年矣授嚴州府推官嘗奉部
使者檄巡他郡縣僅以一衣囊自隨按武義不法
事昏夜投金嘗公亟麾出之論如法督府購守除
事以屬公公曰以僚證守是以弟證兄也可乎強
之再不報且力明其無他乃得免守素與公不相

松陰縣志卷八

明

三

能至是始愧服戊辰陞刑部湖廣司主事赴部適
鄰給事李已以直言廷杖下獄為解衣調食救之
血肉狼籍中得不死尋改禮科給事中遷工科右
巡視京營辛未會試同考選本科左冊封周趙二
藩饋累百金不納進禮科都諫皇太子將出閣疏
陳睿學大旨有三以講讀責之疑丞以起居嚴之
內侍又以儀刑本之身教不報疏保聖躬者亦有
三一謂湯液宜濟中和毋滋壯熱一謂海暑宜戒
容止毋伐晏陰一謂燕處宜親大臣毋撓寧靜然
之而不納無何上崩中官馮保橫甚新鄭計欲去
之公與言路各有疏發其奸私不勝保遂逐新鄭

而徐斲諸言者然終不能有加於公稍遷尚寶司
卿乙亥改應天府丞屢攝府尹事戊寅署南國子
監改太常寺少卿旋署翰林署光祿署鴻臚辛巳
進太僕寺卿壬午改北蓋留滯南都七年則以中
貴保在事扼之也是冬出撫山東則保已得罪竄
矣入境問民所愉快條所便宜上之德王張具奏
明河肅公為客謝不往曰撫臣與藩王杯酒流連
兩損威重且非所以令眾庶見也以脾疾乞身遂
致政歸則閉戶謝客足跡不入公府與文定公白
首相對間亦相攜出遊峰泖間鄉人望之比之漢
二疏宋二程又以為平原二陸再見云卒年六十

松陰縣志卷八

四

有六樵史陸中丞樹德嘗開府東藩周恤民隱精
嚴吏治自奉儉約不異寒生余間一造訪公曰前
此諸公悉厚存鄉大夫及過客以博譽吾則不敢
歲餘偶有所觸請告時海豐楊太宰魏典銓歎曰
吾省幸得一好巡撫何故言去然竟無有借寇者
南吳舊話錄中丞年十三家貧出贅於薛贈公撫
公云苟而母在忍以汝棄之薛乎手錢一緡納中
丞袖曰與兒作美食相與飲泣而別已而輒具美
食歸奉贈公贈公嘗而徵所從得則皆出自袖中
也贈公歎曰吾始知家門有懷橘事
醉翁亭之西側有古梅一株傳翁手植春日偶

過口號

吁嗟梅翁所植花開想見翁顏色山我我今水珊珊如
虬斯結龍斯蟠霜皮剝落腹半空中有一氣仙靈通密
萼繁枝亂攢簇蒙茸白日開銀屋跨嶺穿雲十里香冶
遊笑插紛徜徉幾窺雪月幾風塵歲歲年年花葉新君
不見爛漫當年花石名珠灰翠燼荆榛生又不見玉照
堂前三萬餘野煙荒草人何如賢達由來慶澤長草木
衣被猶輝光

雨後超然亭獨坐

積雨入池平輕煙散曉晴青山門外近春草望中生水
間魚能樂庭虛鳥不驚悠然成獨賞坐覺午風清

松風齋集卷八

明

五

同吳吳江宴話山亭憶中吳不得與坐

以下見手蹟

何事重過此予懷自悄然幽花晴帶雨澤草曙含烟杯
酒青蓮共吟情綠野偏只岐方尺水感慨各為天

初夏元白山房同吳江曉坐

喜遇清和候閒庭徧綠陰橋疑蓬海接徑若武陵深霽
色酣芳樹澄波澈道心曉窗相對坐爽氣浹幽襟

訪明泉莊子不遇

遵水抱山行停舟訪舊盟白雲迷去跡黃鳥動離情野
樹鬱含碧山花靜吐瓊剡溪應似此四月少飛雲

泖塔

飛錫千叢意激昂翻然投此禮空王真緣馴虎開巖谷

半倚驚龍出渺茫風過浮屠添法雨雲棲禪榻潤天香
金繩道路元非遠何必摩山是影堂

送別張龍墩

名鳴鳳善堪輿術著有地理仁孝編

一樽南浦暫相同落日初黃落葉紅見說片帆苔上轉
不妨再挂泖湖風

文定中丞一門之內金昆玉友又皆有子承家不
忘清白科名爵位之盛艷羨一時矣中丞詩明潔
無塵靜穆有致方之文定猶坡仙之有穎濱也

陸彥章

詩餘云初名彥璋

郭志彥章字伯達文定公子萬厯己丑進士文定
以盛滿為懼使勿預館試乃從選人得行人文定

松風齋集卷八

明

六

踰艾生子時春秋八十彥章事親謹自以奉養日
短不欲遠違在職二年乞終養朝廷嘉許特予半
俸前此未有也後十餘年遭父喪既葬廬於墓側
告於墓曰生為祝聖之民死作依親之鬼山川草
木實聞此言服闋堅卧不出葉文忠向高執政尤
推重之萬厯辛亥即家拜光祿寺丞臺使檄府趣
發不得已乃之官甲寅轉本寺少卿均節出納拒
中璫額外之請甚允時論丁巳選太僕寺少卿遂
引疾歸天啓甲子以光祿寺卿召彥章堅辭崇禎
己巳召為刑部右侍郎以疾未上明年卒於家彥
章早有聲譽以名卿子通籍四十年門庭無增飾

興蓋僕從務為簡素難進易退綽有父風工詩文
書法妍雅小楷尤工閱耕餘錄陸太僕劬生已升
登第時當館選文定公遺書戒之有云於家則疑
盈滿於國則妨其後毋趨捷徑毋睚權門乃吾子
也澹泊靜退此吾四字家箴兒謹佩之足矣書至
都下聞者無不歎服

泛渚

片帆寒赴夕陽流向水殘雲黯未收興狎芳蘭蹇雜佩
心思公子沂中洲林烟渺渺三家市江焚蒼蒼兩岸秋
徙倚忽驚牛渚月攜樽重許和歌遊

畔楓林一葉催霜天雲物對傳杯中宵急艇衝寒宿
數里驚濤帶月來極浦蒼山遲半景孤烟白鳥辨層臺
擢歌到處橫江發風聲秋清奏響哀

歸次盧龍

帝城東抱海山重迢遞單車出萬峰秋色長風吹塞一作
白鴈歸心落日下盧龍

登龍潭佛閣

同人永日出郊圻野寺危臺坐不歸望遠只看高鳥沒
憑虛欲共片雲飛千林籟應鐘聲動萬井烟生水氣微
自愧塵機朝市裏得將心地暫皈依

乙酉仲秋同諸公汎渚

投跡無諼在澗情數洲秋色載帆行四營冷露澄杯氣

一望長河澹月明截險只防蛟有室橫波兼與鷺為盟
前磯漁父多相待早晚荷裳製已成
蘭橈萬轉面汀沙漫興來探洞口花界邈上方看折葦
星占八月恍浮槎秋聲夾浪全歸樹海氣蒸雲忽變霞
欲採芙蓉難寄遠空今涉水思無涯

題塔院

中流孤楫晚迴盤一柱遙撐萬折湍閣寫鏡光凌日表
潮乘梵響切雲端銜蘆鳥下沙光濕繞鉢龍歸壑影寒
為語風波貪涉者何如此地狎綸竿

樓臺全俯萬流雄面面烟蘆一徑通天入波心懸石棧
地排靈窟湧蛟宮層臺躡景疑風御上界聞鐘悟島空
惟有驪珠呈壑底元知海日起宵中

寄徑山舊衲

精廬雙徑枕中峰棹首人間事事慵空翠半浮晴似雨
飛泉百道暑如冬晨鐘絕頂開龍藏夜雪層崖印虎蹤
不動舊軒今在否曾攜筇竹到深松

答周翰使君

玄亭東眺白雲多載酒其如興盡何惟有相思無近遠
秋風吹夢渡黃河
遙從剡曲引歸舟因向青門覓故侯玉璽金章無恙否
十年來事水東流

文定之舉先生也甚晚乃能攻苦刻勵奮志青雲

家學有光登朝甫二年歸田養志迨廢蓼莪
不出可謂佳公子賢薦紳矣讀詩固集不傳徧搜
志乘訪求墨蹟得若干首恬靜蕭疎讀其詩想見
其人

陸彥植

雲間志畧彥植字以寧號中陽中丞阜南公子中
丞嘗晝寢夢戴衣僧杖錫而至覺而誕公年十六
補博士弟子中丞官太僕以皇太子生覃恩授三
品廢辛卯登賢書乙未成進士蓋困舉子場將三
十年矣授南京行人司副以賀長至節入覲事竣
便道歸里進吏部考功司主事未赴卒年僅五十

松風餘韻卷四十八

元

嘗中丞公建牙濟上時彥植以單車省覲躡履裏
糧津吏無從物色逡巡戟門下人皆易之久而得
入始知為中丞公子其深自韜晦如此嘗為中丞
公草漕事一疏為東南百世利又有均區平役之
議亦為鄉邦計久遠其說主於貼銀助役一時不
察謂違俗不可行惜哉

登泖塔贈僧

泖勢虛洄湧玉臺層層金碧閃莓苔名山老衲來住此
夜船時傍月明開蒲團入定無消息八風流盡空即色
談經時吐五雲奇鉢裏龍蛇蟠昏黑壤斷林空秋水平
依稀沙界貼天晴香凝佛幔接遊霧鐘應漁榔入遠泓

憶我先公欲棲老作禮迎師屣曾倒師今啟我夙昔交
利名牽處浮萍草來證無生脫煩惱

松風餘韻卷四十八

松風餘韻卷四十八

辛

松風餘韻卷第四十九

目錄

明陸從大一首

陸從平一十首

陸萬鍾一十四首

陸萬言三首

陸鳳儀二首

陸釋麟三首

陸深一十六首

陸楫四首

陸明揚五首

松風餘韻卷第四十九

松風餘韻卷四十九

胥浦姚弘緒聽巖編次

陸從大

雲間志略從大字履貞選舉志云號寶峰應寅之

子弱冠有雋才以儒士領嘉靖丁酉鄉薦辛丑成

進士令福清值歲大饑民不堪命捐俸賑之明年

人大旱徒步禱雨雨輒應士民哀公所作喜雨頌

及民間謳歌為如郊錄在任七年始轉大理寺評

事陞工部營繕司主事改祠祭司廷推公詞翰雙

絕遂奉旨更直制敕房亦一時異數而竟卒於京

邸年僅五十有二

松風餘韻卷四十九

登鄒塔

浮屠突兀倚雲隈秋色長天掩映開風送帆檣疑畫出

月明宮殿似浮來漁歌夜雜高僧偈蜃氣朝飛般若臺

不用乘槎浮碧海登臨此地是蓬萊

陸從平

雲間人物志從平字履素號自齋鶴江公應寅季

子嘉靖甲子舉於鄉隆慶戊辰成進士令清豐調

停保馬之役民得息肩為建生祠祀之擢留都營

繕主事權稅蕪湖毫不染指有巨賈置金酒罌中

為饋正色却之晉都水司郎出為漳州守謫刺海

州移貳臨江為禦虜防江計者至悉尋守思南播

首方蓄異謀公奏記葉中丞纒纒數千言度其變必起已而往勘嚴為之備思民賴以無恐遷兩浙轉運使祛煩剔垢更新約束商民兩便戊戌大計時年尚壯主計者強以齒邁注考遂歸而鍵閣謝客日以課子為事暇則結社賦詩留心著述門外事不問也所著有穀音集燕思齋彙纂波集明農集行世年七十五雲間志畧陸自齋守鶴江公清白之貽為諸生以館穀餬口後益衰落不能自振嘉靖甲午例當賓興學使者檄府校送諸士時袁太守汝是衡文擯之不錄公趨謁府門備師生輩懇求求見公一足跛曲目豁面麻長尺餘計非貴人相輕之叱曰吏部堂上有此等人乎公遂勃然拂衣而出歸家度必不得與試又恐不能得之遺才思以散遺才就試於學使者而苦無以具資斧擬從童夫人乞釵梳少許質之為行裝而夫人欲留為饗殮計無以應也公憤怒出門指天狂呼曰今歲不得舉誓不歸從乃兄乞鋤半兩匍匐數里外附友人之舟友人憐其貧飲食之偕至白下得錄送竣場事仍附舟而歸是歲大水橫溢抵家叩門第有一赤脚老嫗出應從鄰家舉火視之則見蓬茅塞戶突冷無煙公伏地痛哭不能仰視鄰人哀之進食晨起往婦家起夫人歸婦翁所贈斗

粟隻雞而已越三五日捷音至乃出謁郡邑大夫哀時望見公為之赧然又三載第南宮自令清鼎以至都轉運歷三十餘年未嘗以曩時貧故事繭絲其居家也亦不以曩時貧故營錙兩蟬然不淄始終一節官思南日梓維風編以作新髦士創瞻言樓以聳外夷觀望而又日間民疾苦條陳十事於監司如均丁賦恤里役禁流徒懲囂訟悉中肯竅南中至今遵行之

長水塔院晤鏡上人

白馬西來問陸沉長湖浩淼湧雙林鐘聲十里分吳越塔影千年照古今松竹風淒消客酒藤蘿月朗見禪心
逢僧聽說無生話坐傍高梧向夕陰

潮音閣

蒼茫長水際天流傑閣凌嶒快遠眸
恒河濁浪浸閭浮往來帆影空中度旦暮潮音定裏收
此日登臨停作賦直將天地等虛舟

處州任使君貽書枉訊奉謝

循良稱漢吏風雅有任安白雪塞帷詠青山桂笏看三年書上考千里問加餐
與故人話舊

童冠追隨今白頭他鄉握手底須愁君從方外尋龍虎我向寰中混馬牛
谷水月明人寂寞西湖雲淨客夷猶

即看江上秋風起吳越徜徉兩釣舟

贈劉松石間帥

當年橫槊更裁詩把臂重來問舊知風雨一江龍劍合
烟雲萬里雁書遲樽前扼腕中山篋海上傷心六月師
見說請纓渾欲舞封侯正及拊髀時

湖上贈蔡幼公

君家仙伯舊南金仲氏偏多邱壑心幾向山中拾瑤草
忽來湖上聽潮音詩成字字飛春雪酒後烏烏作越吟
我亦栖遲遊倦客秋風期卧白雲岑

題沈明州樵雲草堂

萬里歸來一草堂湖光山色共蒼蒼虛亭高倚芙蓉閣

松風齋集卷四

明

四

涼樹深棲薛荔牆樵徑月明堪笑傲雲窩風颭足徜徉
同時多少投荒客千里翱翔只沈郎

新嘉驛亭小坐

孤亭當驛路幽境少塵氛古柏留殘照疎藤逗白雲
聲塢外度天籟樹中聞此際聊枯坐空懷猿鶴羣

得報賜老

汗漫紅塵三十秋明珠敢謂暗中投生來駢髀誰青眼
老去婆娑未白頭市虎已成閭閻遠冥鴻不礙海天秋
風波滿地驚方定彼岸虛舟任拍浮

六合道中喜晴

行近江南景物新陌頭楊柳岸頭蘋山橫碧落青千染

草遍芳原繡似茵海燕亦知低拂水子規偏會曉啼春
寒帷漸覺歸田好莫向東風歎逐臣

二俊之後風流不絕文章科第至明嘉隆時稱極
盛焉若京兆若承旨若運長若大叅若孝廉父子
兄弟俱以文學顯使哀刻其集聯珠合璧何多讓
與乃熬波一集而外罕覩其餘惜矣聞先生工於
書許周翰極稱之時無知者意為小阮君羽所掩
乎君羽名萬里承旨履貞之子善書於時莫雲卿
早逝而董文敏後起故君羽獨步文敏少貧嘗作
萬里書市之人以為贗弗售也

陸萬鍾

松風齋集卷四

明

五

雲間志畧萬鍾字元量號敬齋應天司李應寅孫
年十四遊庠嘉靖甲子舉於鄉明年成進士時年
僅二十有四選授杭州府推官斷獄如老吏內召
為刑部主事旋改浙江道御史巡按廣西所至摘
奸發伏貪墨之吏有望風先解印綬去者晉湖廣
少叅廣東副使自常俸外一無濡染陞江西叅政
病歸年止五十一

釣臺

雙臺突兀倚山隅今古烟波一釣徒鷗鷺不驚江月曉
風雲長伴客星孤絲綸自是齊男子諫議寧為漢大夫
謾道咄嗟能下士故人原未識狂奴

淪波寂寞自垂綸翻為羊裘物色新文叔差強非舊侶
君房故是一癡人礪溪不枉承周載園綺何妨不漢臣
釣石只今江上老空疑太史動星辰

謁文獻祠二首

南雄府志祠在始興縣舊學講堂東

瞻拜祠前感慨增君臣遇合故難憑一言不盡成天寶
千載令人念始興蜀道當時空灑淚唐家從此就夷陵
半龕燈火雲封舊寂寞忠魂重撫膺

開元天子騁雄圖嶺海孤臣獨向隅逆耳未應疎國老
赤心空自愛胡雛翠華播越竟裳冷金鑑沉霾羽扇孤
泣是女戎終泰禍苞桑長慮似公無

北行承大都督王兩湖鄉丈餞別海珠賦謝

贊皇縣志卷四元明

木

何年幻出藻珠宮海淨天開一鑑空席上水光浮睥睨
簾前山色度青葱雲霞明滅帆檣外魚鳥游翔指顧中
使者才情元不淺將軍意氣雅能同供張偉餞存交誼
樽俎雄談見武功無限離心嗟浪泊新詞忍聽大江東

遊觀音石

始山縣志觀音石又名積翠巖即古之楊梅山在縣西三里一名七寶山

石上有佛指顯跡因名觀音石

芳郊載酒共尋梅朵朵蓮花洞府開下界有天同日月
上方無地不樓臺擘時定屬巨靈掌坐處如浮太乙杯
南海舊遊重到處却疑身幻入蓬萊

遊仙巖水巖仙泉閣四首

層巖砥柱江之隅面面青蓮疊作圖自是神仙留洞府

未應人世有蓬壺玉梭龍化虛機杼金井丹還轉曉
巖凡十四如土木樞機藥爐鹽倉之類色色無所不有機樞機杼亦其一也 陋說劉安舊雞
尺雲中影響似今無仙巖

混沌誰開一彈丸波光激灩浴金盤虛懸水月三千界
中龕大像 罨畫樓臺十二欄飛翠濺空晴亦雨烟蘿垂壁
畫長寒簫聲縹緲雲端下疑有仙人駕綵鸞水巖

翩然木末架仙巢千尺平臨山水交無地可能容卓錫
有人旋亦為誅茅花飛石榻雲常掃鳥下松牕風自敲
垂興探竒還載酒共攜瓢笠掛藤梢仙巢

丹梯宛委出層臺翠壁俄驚一竇開竇為張可菴創開遊者蛇行而下甚奇
望氣何人攜劍至求仙有客挾丹來同遊者王憲祐使張其人

贊皇縣志卷四元明

七

將白石饒堪煮初樹寒雲手自裁長笈倚空身世渺疑
從弱水跨蓬萊雲閣

立夏日渡泖晚坐

片帆飛處弄潺湲旭日熹微點醉顏水遶樓臺雲外寺
晴開煙樹望中山漁歌別浦時高下鳥掠輕舟任往還
撫景不堪春欲盡風前翻愧鬢毛斑

月夜過長水塔院偶占二首

凌風一葉興偏竒萬頃烟波路不迷明月照人天上下
疎鐘出寺水東西僧歸靜院燈初白客到禪林鳥自啼
蓮社可容呼米汁已拚陶令醉如泥

坐來拳石蕩平湖點點青山列畫圖塔影中天驚鶴鶴

棹歌隔岸起菰蒲憑虛直以身為寄對月惟應酒可呼
赤壁磯頭千古夜風流得似長公無

夜燃塔燈

寶炬浮空一鏡平寒星點點下蓬瀛人天自具光明藏
水國仍開不夜城鳥雀林飛驚月出魚龍浪湧覺潮生
隔溪燈火如相亂聽得漁歌起數聲

陸萬言

郭志萬言字君策嘉靖辛丑從大子青浦庠入監
萬厯丙子順天鄉試第六名閱耕餘錄陸君策丙
戌會試夢塲中作表旁有一人謂曰我羅一峯也
君表文甚佳第中間當更益數語覺而心獨喜自

松蘿閣卷四

八

負以羅公乃前丙戌狀頭也及入闈作表且脫囊
矢適唐元徵過索其卷疾讀謂文脉有不接處為
作數語益之既去君策乃憶夢中事惘然自失唐
公果以是科狀元及第

潮音閣次林師韻二首

水春斜日坐來浮疑是天光散麥秋雙袖烟霞堪共把
一春風雨未全收尊清渾欲分山色月白其如負剡舟
倘遇支公勞問訊更從何處覓泥牛

岩堯飛閣半沉浮佛冷空波面面秋蜃氣忽驚樓觀合
梵音旋聽海潮收胡然湧出真如塔參得虛來總是舟
人世祇憑杯在手肯將頭角戀蝸牛

山居

手蹟蘇南
梁徐氏

薙草初成屋經年便可家山髡無鳥道磧老長鷗沙石
洗松根滑池穿竹塢斜誰知生產薄不解種桑麻

陸鳳儀

鳳儀字梧陽

短歌贈梅墟社丈

周郎江左大雅姿胸中磊落千丈奇讀書萬卷苦不足
探玄析奧窮心思草書能幻鍾王體頃刻筆底龍蛇移
尺訓落紙驚風雨建安七步間披靡迄今老大嗟不遇
徒逢伯樂深長悲君不見焦桐爨下誰能識中郎一見
回顏色斷絃琴瑟朱絃張錦囊玉軫金徽飾由來賞鑑

松蘿閣卷四

九

作美材時來不費推移力卑之似予落寞徒此生甘作
溝中瘠羨君豐匣出有神終當會合延平津吹簫賣漿
皆隱士鼓刀屠椎豈廢人君今意氣凌雲表慷慨詎肯
瞠後塵相期一笑莫相負何必桃源尋避秦

和羣仙降乩韻

當年吳下士今識列仙名已化遼東鶴還吹緱嶺笙龍
蛇尋舊跡珠玉吐新聲我欲尋真侶詩求伐木鶯

陸釋麟

扶輪續集釋麟字瞿彌華亭人

同尊彥步月口占

茶烟淡淡竹煙青沙軟鴛鴦睡不醒半夜月寒魚不上

漁舟過盡水風腥

仲夏偕仲楚羣玉小憩村庄

梅雨初晴淡若秋茅齋依舊綠雲稠溪橋獨立犬迎客
瓜隴半荒童飯牛新水漲池鴻個個短牆依竹雀啾啾
分明寫出田家景餉婦提籃放小舟

九日

滿戶蕉陰小雨收釣簾坐到月當頭數村社鼓燒神紙
兩岸蘆花繫鷓鴣洲濃淡白煙催薄暮淺深黃葉送殘秋
不因餒酒酬佳節菜甲萸羹飽即休

雲間詩雋之刻凡一十二家白石樵稿加品隲焉
兩張孟許詩獨未見餘如璩君瑕宋賓之明之趙

陸深

文度葉季長蔡幻公施子野畧得一二瞿彌更長
於詞多見選本容彙諸家另編成集

陸深

明史列傳彙深字子淵上海人弘治十八年進士
選庶吉士授編修劉瑾嫉翰林官亢已悉改外深
得南京兵部主事瑾誅復故官遷國子司業父憂
歸嘉靖七年召為國子祭酒充經筵講官嘗面奏
講官撰進講章閣臣不宜改竄臣所進講章為閣
臣所改大學士桂萼因進深原稿言講章臣所更
也帝方向萼曰講章宜由閣臣閣進苟任講官私
意將有雜亂之患深復上言宜令講官各陳所見

且於釋詁之外凡天下政事舉得條列可以發聰

明絕壅蔽章入帝責其欺罔謫延平府同知擢山

西提學副使與御史趙鏜爭事互劾鏜謫官深逮

問復職已改浙江仍視學政三遷四川左布政使

松茂諸番亂深主調兵食有功賜金幣轉光祿卿

大學士夏言深門生也嘉靖十六年薦改太常卿

兼侍讀學士世宗南巡深掌行在翰林院印御筆

削侍讀二字進詹事九廟災自陳致仕居數年卒

贈禮部右侍郎謚文裕深博學工書法好著述少

與徐禎卿相琢磨為文章有聲館閣間書倣李邕

趙孟頫賞鑒博雅為詞林冠然頗倨傲人以此少

之明史列傳深字子淵上海人弘治十八年進士

而故合傳先進舊聞國朝惟三品京堂下憂請

告在家者特召起用餘悉給文赴部補任公為少

司成秩六品丁憂釋服不肯赴部曰吾師儒之官

豈可自卑求用時公望重不數月起補原職後遂

為例儼山外集序徐獻忠撰先生輯畧古義有傳疑錄

在史館立義有史通會要以編修官入試院有科

場條貫書法造極三昧有書輯性嗜古有奇器錄

求考聖祖刈夷之績及扈從皇上行幸山陵有平

胡錄及南巡北征日錄其寓遊歷覽有淮封南遷
日記有河汾燕閒知命停驂錄有蜀都豫章日抄

有金臺紀聞有玉堂漫筆其燕私有春風中和堂
隨筆願豐堂漫書雜抄及溪山餘話又有同異錄
發明格心之業是皆可以昭世軌正人情名一家
小長蘆云儼山詩其原出於大庾七子平行帖安
如設伊蒲之饌方丈當前雖遠腥膻終鮮滋味至
折衷經史練習典章其所紀載可資國史采擇昔
朱晦翁譏葉正則知古而不知今陳同甫知今而
不知古惟許呂伯恭克蕙之儼山亦可以無愧伯
恭矣若夫正書似顏尚書行書似李北海莫雲卿
之論謂風力實出趙吳興之上自董尚書墨蹟盛
行而儼山遂為所掩然尚書論書法推為正宗世

松蘿閣集卷九

明

主

有張懷瓘估直未必定取董而遺陸也

春日行

大堤花欲然芳郊草不歇冶服誰家子良辰爭馳突寶
劍本侯家金鞭自俠窟共矜百金裝相誇千里骨雲散
懽未終月明還城闕朱門徒御稀青樓歌管發倡女盡
朱唇貴主俱鬢髮衣向車中更燭從筵上設誰論牆東
生白面羞干謁

從驪山頂應制

天仗出彤闈和上翠微飛流喧鳳吹空谷轉龍旂樹
色連宮掖花香傍袞衣皇仁敷億兆賓從樂餘晖

擬度荆門望楚

遲遲踰蜀道歷歷度當陽分野巴山斷江流楚水長亂
雲低候館羣木護關梁縣知牢落者行止尚迷方

侍遊萬歲山五首

漢主鑾輿出笙歌閣道聞袞衣臨曙日閭闔覆春雲渠
柳龍池合宮花雉扇分御爐香霽散泚氣正氤氲
歌吹雜鳴騶烟花輦路幽青山歸鳳闕高樹隱龍樓柳
拂晴光轉香隨御氣浮羣臣扈仙蹕端笏侍宸遊
初日上林紅青山御路通羽旗麾曉露鳳輦度春風衛
從分諸校趨陪盡上公蓬萊迴望遠宮闕五雲中
宸遊息萬機殷輅坐垂衣丹壑臨朱旆紅雲護紫微花
香浮露氣山翠霽晴暉恩解湯王網春風任鳥飛

松蘿閣集卷九

明

主

朱門候曉開天子幸蓬萊路向青山去雲從碧澗來殘
弓環衛霍載筆列鄒枚聖覽歡無已從容日下迴

學王臺

寂寞荒臺背北城萋萋芳艸暮煙生當年歌舞人何在
惟有空山月自明

失題

浦上白雲深幽居清道心竹徑鳴風佩蘭階生晝陰山
僧忘入臘寶塔舊成林落日青霞外高人何處尋

送張時行使交州

文采中朝第一流皇皇使節照交州榕花柳葉連邊
瘴雨蠻煙暗驛樓四主每勞桑遠計丈夫須及六觀遊

南還何物煩行李名水名山滿篋收

同廣信謝侍御經焦山

鳥道高雲拂樹開海門指點是重來得從御史桓公雅
自愧詞人馬子才緩步振衣分綠蔭題名援筆破蒼苔
江山城郭真吾土却笑登樓亦浪哀

看花寄湘崖子

我有尊桑落酒君能八句嶺南歌不來春雨亭前坐
萬樹花開奈爾何

漫興

蕭蕭涼雨報秋衣雲影嵐光鎖翠微人在竹牕初睡起
坐看蛛網織危機

抵家園

故園景物正初秋蓴菜鱸魚得自由聞說荔枝風味好
又將書劍落南州

和壽陽察院用昌黎韻題壁詩

又從東北望長安玉宇瑤樓高處寒四月炎涼渾未定
一杯閒啜小龍團

公於分宜同年友也貴溪門下士也當二相稱用
時絕不聞有所攀附可謂亭亭獨立所著歌詩
陳論之詳矣間有遺於外者非天池蛻甲即丹
穴墮翎不多觀也敢不珍諸

陸楫

上海縣志 楫字思豫文裕公深之子年十九廩於

邑庠用父廩入貢監試冠六館諸生初治詩復治
禮記後更治易俱闡析奧旨叩以國朝典故前著
風猷如懸河倒峽終日忘倦年未四十而卒人
惜之所著有兼葭堂彙行世閱耕餘錄陸公子楫
自少才思警敏入成均文名藉甚文裕在朝嘗
書戒之曰吾見早有令名古人以為不幸須防造
物忌之年未四十果卒無子以族子刻為後

次韻送顧龍山南歸

官河春水送行舟君去匆匆不可留須信故園春正好
莫因風雨滯揚州

懷顧小川秘書

憐君日日侍彤闈綵綬銀章照錦衣冀北音書多阻絕
天南魂夢獨依稀青山寒雨悲紅樹畫省香風對紫薇
何日星軺過鄉國江園花木重光輝

送大行何壑樵還朝

錦帆斜掛度微風滿載圖書一鏡中官道清霜凋漢柳
海天殘雨暗吳宮九重鳳閣凌虛上萬里星槎有路通
當寧只今憂正切夜深前席問疲癯

送文仲古少尹還王臣

少尹新遷近帝畿繁華此日共依依農多百穀滋春雨
院有雙松戀夕暉洛社高風千古振江都賢相至今稀

漢家惟有河間在老去文章尚不遠

陸明揚

集傳明揚字伯師又字襟玄世為上海人文裕公其從祖也父析字時豫邑諸生性忼直困於踐更邑令教選又增益之抵語譙教教素酷暴恨甚析與族人楠有隙楠知縣官之不平也思中之因謀曰若子能文殺父留子必貽後患去疾務盡盡為破巢毀卵之計乎會楠之姻曹念者奪其奴妻奴忽自經死楠使念破奴額顱証明揚行淫殺之教見牘大喜時明揚年甫十七不知所置對榜掠編五毒析顧而歎曰是欲殺我先殺子也不承死墓

卷九

明

去

楚矣姑誣服坐棄市教入為御史明揚弟明允顱辨於臺司楠懼傳致明揚於青浦獄冀絕食斃之明允棄儒業圖以奉父母居三日輒負糗脯走百里視其兄獄中者三年明揚幼好學雖在獄中讀書不輟青邑侯屠隆夜行獄聞書聲異之召詢知冤狀試以文復敏而工乃謀所以平反之者上於府知府閻邦寧以教之在臺也格不行屠時遣小吏饋食獄中以佐讀又申狀巡按御史曰伏見前上海教令泣治五年麗大辟者七十餘人安必其不濫也請以教所決獄得覆讞御史從之獲原者眾明揚與焉後二十年萬曆癸卯登賢書益務修

德為善於鄉嘗請蠲鹽丁贍貧竈改漕粟工土宜

迄今賴之因公車者又十年就靖江教諭卒所著

紫薇堂集八卷及五經輯要周易繫辭正義等書

事親孝與弟友撫教明允之子起龍成名孝廉為

永寧宰遺孤起城永寧亦撫教之嗜學工文云屠

隆送陸襟玄之父詩序上海陸子襟玄高才誨妬

曩余識之園扉中已廿載矣適遇於武林道次相

與上下古今為之一快其尊人豫門翁丞浦城陸

子從此往觀焉詩以送之曰寶劍豐城合有神斗

間望氣自嶙峋萬言不獨生前事六尺猶存難後

身但自深心游竹素何妨矯首出風塵白雲千里

卷九

明

去

趨庭日好訪名山向七閩又客閩聞陸子襟玄奏

陳南都喜而有作詩曰聞道仙郎擢桂回呼童連

進客中林雲間終躍雙龍劍吳下原稱八斗才金

粟香生蟾窟冷玉珂聲動馬蹄催布衣身貴緣詞

賦簪筆初從絳帳隈

出都

策蹇出都門喧然車馬紛一肩愁落日千里望飛雲未

入鵝鸞夢聊為鷗鷺羣家園櫻筍熟沽酒醉斜曛

春日有感

漢廷會稽守寒時若飄絮東新行且歌山妻欲辭去

黃金有去來俗眼何拙劣但見夫君貧不見夫君古

即韻贈周伯繩

遊子緘題墨未乾折梅誰向隴頭還不堪回首來時路
片片鄉雲隔遠山
歷徧風塵六尺身每從異地度芳辰屠蘇不解他鄉味
天北天南總任人

松風餘韻卷四十九

松風餘韻卷四十九

太

松風餘韻卷第五十

目錄

明郁文博一首

鞠時龍八首

岳山一首

薛正平二首

莫如忠一十首

莫是龍一十首

莫儼皐七首

莫秉清一十二首

戚韶六首

松風餘韻卷第五十

目錄

一

戚和一首

葉藻一首

葉文經一首

葉有聲七首

郁文博

胥浦姚弘緒聽巖編次

上海縣志文博字文博邑人景泰甲戌進士擢御史有直聲歷陞湖廣憲副撫蠻寇活三十萬衆居官清介一錢尺帛不妄取妻子衣敝緼飯脫粟處之晏如嘗有老蒼頭夜侍忽泣語曰主翁寧能常在官中乎家計日落奈何不為子孫地公慨然怒曰余如貞婦苦守垂白矣爾欲污我令我後人不得為清白吏子孫耶提矛擲之

南嶽廟

松風餘韻卷五十

明

雄鎮荆湖勢接天高低七十二峰連雲開碧嶂懸紅日雨過蒼崖翳紫烟古廟有神常烜赫靈湫何物久蜿蜒祝融絕頂登臨處去國懷鄉思惘然

校說郭有作

白頭林下一耆儒終歲樓中校說郭目力心思俱竭盡不知有益後人無

先生嘗手錄陶九成說郭一百卷其自序曰余生平嗜書少而從父宦游江湖數年壯而出仕廿九年成化辛丑老而歸休林下十四年今年已七十九所收所錄書積至萬卷貯於樓中以資暇日閱視因名之曰萬卷樓今坊間所刻說郭首列郁序

知即先生校定本也

鞠時龍

字君御晚號東阜老人華亭南橋人崇禎年歲貢吳縣教諭太倉州學正

遊棲霞阻風

本外復層岑仙巖何處尋浪翻沙面玉風落樹頭金孤艇隨流急千峯鎖洞深白雲迷所向清思正沉沉

新柳鳴蟬

東阜新居十景之一

嘉樹碧森森東阜夏色侵柔條風度處清響葉中沉似為鶯聲續偏驚蝶夢深從教高唱起不動是禪心

甲午秋白金陵客舍留別唐元肅無技兄弟

松風餘韻卷五十

明

帝里風塵上客衰天涯消息正清秋鄉心一片隨流水旅夢三更遶石頭應有綈袍還我念不禁黃菊傍人愁歸來後夜相思處回首江城十二樓

秋夜旅懷

韶華不共昔時同此際風塵歎轉蓬腸繫故人千里月夢回客枕五更鐘

秋日舟行村溪即事

淺淺溪流曲曲灣輕船柔櫓去來閒游魚箇箇穿苔急嬌鳥雙雙度水閒

早發慧山阻風

月落城隅萬樹聲晚風歇後曉還生可憐世路皆如此

咫尺風波不可行

送別二首

春江遠別思無涯杯酒相看日又斜今日花前同一醉
來宵醉月是誰家

紅杏枝頭啼子規綠楊影裏囀黃鸝勸君且盡杯中物
何處春風無別離

文詩其孫秉謙所抄寄秉謙名讓向客都門多
與名流唱和余素挹其風雅讀乃祖詩知家學有
自也

岳山

墓誌山字惟重一字九峰別號艮堂先世汴人扈

宋南渡家於杭元至正間六世祖仲高遷居華亭

明

三

之西門成化丁酉以春秋薦南都弘治丙辰除知
福建光澤縣光澤地險僻素號難治里胥視官廩
為己物糧稅入手輒挾以經營四方積歲負欠有
司莫可窮詰公至示以誠信疏根室孔化竅為良
十年之逋不數月而辦頑民結黨與訟前令有被
誣去者至是皆帖服邑以大治己未入覲乞歸養
母不報改江西廣昌縣大姓黃氏兄弟爭財久不
決公諭以尊弟為中分其財遂感泣罷去在官不
徇權利是是非非若黑白無所隱尚書何公喬新
贈詩有只飲廣昌水之句壬戌再入覲道聞母喪

還遂不復有仕進意家居十年未嘗入城府坐卧

一小樓雖親交罕接其面鄉士大夫之言靜退者

莫先焉正德辛未卒年六十有八子銓字大器郡

庠生貢為廣文官

送姚程夫

南安分教屬先生共為先生歎不平方寸淨涵明月白
一瓊寒逼玉壺清雍容禮樂歸公論官樣文章擅老成
自古大才終大用臯夔元不在科名

薛正平

南吳舊話錄正平字更生華亭人晚以字行字那
斧號旻老少為儒長事俠老歸釋死石頭城下葬

於方山之陽年八十有三又薛更生有族叔無子

明

四

雖疎屬而倫序則及之計其業固中人百家庭也
更生辭之曰舍我而繼者更有其人吾貧不能具
饘粥然何忍遽棄其親終不受

黃山道中

雙履踏殘雪寒流入亂松短筇拋石上或恐化飛龍

秋夜竹閣感懷

木落秋雲空鴈過澄潭皺恠石如怒濤宜枕還宜漱千
楓隔溪香子夜松絃奏癡龍喚不回虎跡留寒岫茱萸
帶雪紅藤影移來瘦笑逐南華蝶短鐵吹清晝
莫如忠

明史列傳臺如忠字子良嘉靖十七年進士累官

浙江布政使潔修自好夏言死經紀其喪善州書

詩文有體要雲間志畧中江以選貢應試大廷

陵唐順之晉江王慎中奇其文置第一是歲甲午

即舉順天鄉試第二戊戌成進士二甲第四人授

南繕部主事分署蕪湖已移駐真州真常孔道之

衝傳車繹絡津吏供具無虛日民且不支公下全

悉已之絕不餉客客亦知公身先節儉無缺望也

未幾移疾侍養終父喪補主客主事歷精繕司貢

外祠祭司郎中壬戌擢貴州學憲甫成行中道投

檄歸母艱服闋補湖廣副使三遷浙布政使皆

不獲辭

明

五

以廉明剔奸仁恕率屬著有古文原質疑錄格致

臆見先正粹言吳松詩要程朱繹旨尚書大旨及

崇蘭館集行世列朝詩集子良束修自好恬於榮

進善草書為諫尤工近體王元美初登第時子良

為前輩稱詩元美因仲山人往交稱其詩清令蔚

有唐風晚年為之詩曰子良豈不文宛若田父社

饑來玩清泌衡門亦瀟灑

夏四月從都下乞假歸法友邀共泛泖分得翁

首夏初晴暢惠風壺觴沿渚出花宮行攀綠樹陰成

興渺滄波望若空塔影空懸天鏡裏梵音翻出棹歌中

鑑湖倘許知章乞便可投簪仰釣翁

遊北禪寺

香界追攀十載曾薜蘿深處翠微局齊梁古蹟餘雙樹

水月玄心印一燈山鳥弄晴春冉冉閣雲凝碧畫冥冥

投簪莫訝歸無侶猶有逢迎白社僧

春日遊虞山

興在春山獨遠尋行隨杖履歷嵌岑千盤磴出花間路

百轉驚調谷口音石洞流雲藏窈窕海門初日變陰晴

更臨絕巘看飛瀑頓覺清冷淨客心

徐奉化村居

藝植成新園樓遲即舊山文隨身共隱心對鳥常閒樵

採巾車出行歌拾穗還東郊惟素業不用掩柴關

嘉樹林

在鍾賈山九峯

六

雙樹

集作何年一作時植空山有廢臺談經人已去載酒客

還來並榦搖青漢分陰卧綠苔行攀一長嘯風壺畫上

哀

園居

初服返衡門聊因避世喧誅茅宜負郭葺槿已成垣頗

狎禽魚樂彌親農圃言行畦常抱甕誰道懶窺園

端居寡營慮瀟灑出塵氛生事觀秋水遙心送嶺雲澤

行蘭入佩林卧鹿為羣即此堪長往寧論蹈海濱

題董子元移居城南

集作龍淵移居

一畝城南卜悠然水竹居貧何嫌委巷靜喜傍精廬好

葺藏山業時箋種樹書倘容陶處士終日過籃輿

淮陰城懷古

集作淮陰郭古

荒原仍穴兔釣渚自飛鷗感數千年踏蕭條一古邱歸帆淮浦月飄葉海門秋莫問封侯事君看逝水流

答張玄超過訪崇蘭館之作

喜聞高論浣塵襟念載交期感素心未覺賦歸時不早相看道趣晚應深含風蘭芷先春色過雨簾櫳滿院陰過我即成招隱地豈須尋社向東林

其是龍

明史彙是龍布政如忠子字雲卿後以字行更號廷韓十歲能文長善書皇甫汈王世貞輩亟稱之

卷之七

七

以貢生終雲間人物志廷韓賦性岐嶷日記數千言稍長即工詩及古文詞藻思溢發頃刻千言俱出人意表尤長於書畫長箋短幅得者寶之方志廷韓富於才情王介州稱其詞翰清麗嘗作送春賦手自繕寫書法並妙皇甫子循稱之曰以翔鸞翥鳳之勢而模為行雲殢雨之情王元美曰廷韓此賦恍若阿嬌出長門小玉枕臂掩泣盼睨殊不勝情然勿令少年見之廷韓少謁王遵巖先生先生極愛其才贈之以詩有扁舟近泊西淮柳客營時沽南市酒路果紛投駿馬前山衣寄換新鶯後又風流絕世美何如一片瑤枝出樹初盡舫夜吟

令客駐練裙畫卧有人書之句

徐文卿竹西草堂

手蹟扇面藏南梁徐氏

纔與入境隔但聞啼鳥喧花明春解榻竹暗晚留尊水分林薄青山帶郭門倘非揚子宅定是辟疆園

訪逸之梅墟隱居賦長歌以紀興

周郎少年不慕仕鳳隱龍蟠養高志考槃樂只梅之墟幽閒迴出塵囂世飄然逸興懷五湖拓落長吟林壑徒彈琴命酒且為樂傲睨天地何須拘欲期汗漫九垓上松喬之輩行可呼乾坤萍蕩誰為論鵬搏鷗適皆天真丈夫行樂貴適意何須汲汲求屈伸嗟余忽發子猷興一葉扁舟時可命深林遠扣逋仙居叢竹全迷蔣生逕清談高談復雪茶嘉禾雞黍敦相敬人生離聚安可期歲月不待浮雲移陳遵投轄能留客山簡酣來倒接羅古來達者蓋如此身外浮榮何足怡

贈洪山人

廿年踪跡自支離把酒能談五岳奇遠興每將瑤草寄雄心不負寶刀知圖書夜月空山侶裘馬春風故國思閒說西園清燕罷更於何處定交期

秋日寄居長安友人攜酒夜訪

明燭清尊夜當午疎星入簾寒可數五侯七貴易消沈眼中諸君自千古曼倩長饑馬卿病人生窮達皆有命黃花參差空笑人鬢霜吹落青銅鏡十年挾策遊帝鄉

一字不收應斷腸歸心只寄南飛雁未辨關河幾許長

吳子達環山齋同袁履善璩仲玉諸君分韻

龐公招隱處敞席數邀歡花氣杯中挹山容雨後看
林暝疑夜深閣盡生寒社約余來晚空憐春事殘

一春夜呂鴻臚見過

誰命千里駕訊此蓬蒿居念爾經世士滄江半樵漁而
我亦奇數十年空上書貧交自意氣敦義諒不如

屠長卿招同表履善泛舟城西

極浦移舟夕景餘川光雲色坐清虛月生簾箔鉤相似
人映蒹葭玉不如九片青山來對酒一天涼露罨飛廬
使君自貽滄洲趣寧獨吳儂好水居

登金山寺

烟水蒼茫見一邱天開法界峙中流檻前無地隣蛟室
象外標奇結蜃樓潮勢欲吞雲夢澤鐘聲靜帶海門秋
到來已覺機心盡何處滄洲起白鷗

和咏燈花

幼時外大父楊五川儀部試作

青燈初焰夢初殘寂寞寒宵幾度看日暖藍田生玉穎
火溫寶鼎貯金丹芳菲不待春相約搖落應知夜漸闌
更擬來朝多勝事坐令盃酒卜餘歡

和姚汝觀

駕鵞湖水蕩晴波日日湖船載酒過撿取片雲為賦草
呼來明月就烟蘿人歸別浦將春遠花滿前谿縱履多

華髮自凋吾自醉問君滄海意如何

沈及之輯廷韓遺藁內詩八卷大半見石秀齋集
中上洋城書屋重雕行世矣張所敬傳中所錄數
聯外五言如月來山鳥亂秋至井梧知閣雲涼枕
簾山翠濕圖書竹密禽言細庭空鶴夢安谷樹藏
雲黑汀花雜雨香人歸春雨送舟發夜潮生山迴
空翠合谿抱暝烟長隄平春漲濶山盡夕陽多穿
林窺月靜尋逕出雲遲幽徑雲埋屐空堂雪映書
客來多叩月人語忽驚鴉窗明山翠近林響葉聲
多古壁蒼峰雪深谿綠篠烟花信愁中度春光夢
裡分日高猶謝客花落始聞愁晚潮生別浦夕景

松林雜興

明

十

下空林月來孤嶼曉烟暝四山秋客臥花常護僧
歸鳥不知潮音孤磬發林影一燈懸雨餘山氣潤
月落水程迷平生幾兩屐垂老一綸竿鳥聲隔竹
亂溪影動窗虛溪雨晚來急山雲夜作寒吳山雲
外暝楚樹鏡中蒼閒看燕泥積坐對花陰移七言
如欲傳魚素秋濤起不采蟪蛄海月清慣看交態
樽前好較是君情別後多月明遙度千峰雪海氣
平臨萬壑秋題門客過應無鳳彈缺人歸尚有魚
高閣迴含千嶂雨梵門長聚一江風千峰過雨碧
欲洗四野烟開盡不如古渡寒烟迷釣渚平疇春
草沒吳宮殘月不分江樹曉雄風先拂渚宮秋泉

聞斷壑空迷翠日落澄波散綺霞極浦蕪帆影
沒空江潮雜而聲來頻年烽火餘秋草一片鄉愁
隔暮雲亦遺珠也總之秋水之詩清揚穠麗雖不
為絳雲潛采所極賞而詞翰風流足以行遠傳世
莫儼皋

郭志儼皋字公謨正德癸酉愚立孫萬厯丙辰聯
捷進士中書舍人禮部主事貢外郎中福建叅政
廣西按察使山東右布政浙江江西四川左布政
使

和葉元輔韻送侗翁赴任留都

以達時歎莫容偏教俗耳駭洪鐘經綸未借中樞席

松蘿集卷三

明

士

樽俎誰清遠塞烽芸閣於今供筆暇金華自昔沐恩重
亦知早晚鋒車到不數槐庭雨露濃
膺門喜不待先容寸莛時時扣大鐘直筆成書雄虎觀
前籌矢口靖狼烽情牽綠柳歌三疊寵賁黃麻渙九重
典禮暫咨元老署秦淮未許與偏濃

再遊玉華洞

紅塵浪裏闢行蹤一往茫然訪赤松杳渺洞中還是洞
巉巖峰下復藏峰幻來法象曾無盡賞入靈源不厭重
且向混濛觀太極參玄何事問三節

遊玉華洞

不信看山列炬燃奇觀偏以秘藏全為烹紫石羅丹心

試探琪花種火蓮雲漢故疑龍日月烟霞常覺滿山川
忽然飛鳥峰頭去一片光明逗曉天

逶迤入境接丹邱縱維摩不礙幽玉砌玲瓏奇似幻
精華璀璨久還留諦聽夜漏傳鐘鼓直覺寒芒逼斗牛
二室自來誇絕勝於今雄長定誰優

自是流盈坎則虛恒河一粟更誰如天階發軔偏多遽
法象標華不盡如杯底居諸忘變換壺中天地自寬舒
曙鐘莫遣相催急栩栩冲霄思有餘

曾聞陸地長蓮花幾度神遊到玉華翠滴霏微垂沆瀣
芝田隱約泛胡麻桃源一棹漁郎穩度索三偷曼倩賒
我亦乘風欣附翼劉安丹鼎為留砂

松蘿集卷三

明

士

玉華洞志備載昔賢遊咏之什吾松得三人焉唐
大令韋室何觀察半菽及方伯莫君公謨也公謨
為中江先生從孫里人稱大小布政玉華洞諸詩
其襲崇蘭之騰馥而挹秋水之餘波者乎

莫秉清

字紫仙華亭人有采隱艸曹敬三云先生人品卓
絕詩多閒遠幽邃致在事外味餘言中自序謂情
生於靜靜為作詩之本超然獨得乃前此詩人所
未發吳徵渠云先生詩如孤梅鐵幹倚幽芳雪
淡風高與俗庭徑

烏夜啼

東隣少婦能織錦每到烏啼猶未寢烏因霜冷飛上屋
屋下燈光照獨宿誰能停梭不悵然夫婿從軍妾感年

雨鳩

雨鳩雨鳩鳴不已樹底樹頭何時止春來風雨雖尋常
日夕爭呼應惟爾木蘭舟邊畫樓西楊柳風光拂大堤
且待江南春半後杏花將謝再教啼

二月初五夜月

入春難見月見亦苦陰濃茲夕非初遇清痕僅再逢寒
輕霜正減光靜水先容莫計來宵事移時暗幾重

九月八日馬上

此日何妨道路開却憐馬首只如還寒原鳥度一聲磬

落照烟晴

幾尺山紅近可尋溪尚隔秋深雖好客非閒

鄰家酒熟明朝事細校東籬菊蕊斑

春柳

酬唱陽關一作寧憶章臺有曲傳只今猶似渭城年翠分眉黛

三春恨綠暗江皋二月天畫舫乍歸疑帶雨遠山雖淺

共為烟殷勤正是懷人候幾被東風一縷牽

新晴

梅子初青穀雨天卷簾添得落花烟春山忽憶尋香逕
看到茶蘼又一年

題畫

靜香亭下濕殘紅有客攜琴叩隱翁更向山樓看雨色

春山多在亂烟中

送客還白下

重綿久已換春衫一道晴烟燕子銜別後思君何處是
落花疎雨伴輕帆

溪上漫興

東風催雨亂鶯啼茅屋垂楊隔岸低春水漁舟何處泊
亂紅沉到小橋西

裏左見過即別渡浦送之二絕

一片荒林一片雲暫時相見即相分空江冷落潮初上
細雨孤舟獨送君

秋燈相對兩年前此日迴思倍黯然莫話存亡添別淚

含情且共立蒼烟

飛絮

隨風原不恨東西纔脫柔條路已迷記得春來曾送客
畫橋披拂數枝低

紫仙詩多故明時作其友葉君遠公刪其大半而

益以乙酉以後之詩凡得四百首其曰采隱者取

唐人采山仍采隱句也向未之傳上洋曹氏刻一

百十八篇附於廷韓石秀齋集後謬庭為之作傳

戚韶

方志韶字龍淵按顧東江家藏集華亭人布衣好

古博雅與王良佐張冕並以詩名孫文簡公初不

深識韶作二詩送之北土其歿也文簡令良佐與
冕之詩並刻之曰三詩翁集小長蘆詩話龍淵遠
宗楊陸近學莊陳嘗遍和谷音古詩七律頗饒跌
宕之趣孫少保教齋合王鶴坡張一桂集題曰三
詩翁鑲版傳之三君皆涿涇人也

初夏即事

以下明詩餘

陰清館午風涼花落晴溝雨亦香市擔魚蝦從曉買
鄰家櫻筍及時嘗筐盛雜親纈絲急場撲飛蛾打夢忙
寒食過來芒種近穀芽今似韭芽長

買舟

兩兒扶醉採菱歸扁舟落手中到處溪山堪出入

和陳簡齋清明日

五

五

此身天地任西東出門便覺輕千里伸脚還能睡一翁
昨與河神澆福酒三江吹斷石尤風

自注家
有真堂

和陳簡齋清明日

虛名何苦要人知五十稱翁較未遲造物于人固多忌
清明今日可無詩百年臣子初安日八口妻孥向老時
筋力漸衰雙眼澀一生正坐讀書癡

春日江上

江晴燕子故飛飛江上春帆何處歸南浦久懷芹菜美
北山初獻薇苗肥心驚醉語常多悔事到中年漸覺非
明日舞雩須一往二三童子試春衣

高閣對坐有懷

靜裏身閑不欲眠寺西高閣寄超然滄波萬頃來天際
白鳥雙飛去雨邊洗竹祠前依水檻賣魚倉口就瀧船
王程消息三千里惆悵鶯花又一年

記事

雲間人物志正德壬申流賊寇山東諸郡
江南震恐松城四周故有市廛有司悉命

撤之復欲斷絕
濠梁民甚不堪

人情洵語浮鷺腹裏千愁豈易銷戰艦未收河朔賊
居三窟斷潮西橋天須向曙星初滅樹未經秋葉已飄
不似十年前意況青樓明月喚吹簫

三詩翁詩惟張一桂未見按雲間人物考一桂名
冕少為諸生尋棄去有詩名

咸和

和

明

去

天台志和宇海隅上海人仙居主簿

遊天台訪劉阮洞

簇簇旌車泣海陬幸先負弩得探幽冠裳掩映桃花爛
絲竹輕清鳥語柔未必人從洞口出笑看杯自澗中流
翻思脂肉芙蓉面又恐山中七日留

葉藻

府志藻字惟潔正統甲子舉人右軍都督府都事

南京太僕寺丞

古寺

古寺澄秋霽高林轉夕陰橋危人跡少地僻蘚痕深山
色床頭盡泉聲匣底琴江南舊遊處何日散塵襟

葉之經

〔郭志之經〕字季常萬厯年金山學歲貢遂安教諭有白雪齋集

泛泖

偶愛逃禪勝獨尋白雲紅樹坐蕭森為言風動還帆動可是塵心亦道心月出故懸金刹影天迴不斷海潮音他年蓮社應相許一笑東林意已深

葉有聲

〔上海縣志〕有聲字君實號震隱萬厯乙卯舉應天鄉試第一丙辰會試中式己未成進士授侯官令邑當省會衝繁倍他屬有聲先機密畫均役省徭

松溪縣志卷五

明

七

不事筆楚而賦辦事集天啟五年擢禮科給事中時帝佚豫內廷委政宦寺有聲首言四事一勤政二治體三言路四仕途又云天下猶器也久而不操將有授之柄者願熟思治亂之關以公論還政府以直道還臺省方魏忠賢柄國屢懷邊功以竊封爵有聲新參入直疏有疆場赤白其羽幕府衛霍其勲二語忠賢深銜之閹黨又宣言於朝欲進忠賢王爵復於衆中叱之坐是削籍莊愍帝嗣位凡璫斥逐諸臣俱環召引見問去國始末有勁直可嘉之旨其他抄參封駁挺然不阿為忌者所抑出為浙江副使六年補分守武昌道時湘陰寇求

下直逼省城有聲登陴捍禦寇知不可乘引去七

年遷福建參政尋轉河南臬使平反讞決朝上夕報無留牘焉流寇老獬率賊數萬直抵大梁有聲與撫按協謀使騎將陳永福以奇兵繞出賊後而城中大出兵應之賊奔潰追斬數百級越三月賊憤前敗悉衆來攻乃堅壁清野相持月餘賊乘夜隧道以入發火器殲之解圍遁去以功遷江西右轄擢南向卿召拜大廷尉力持法守聲望蔚然特簡左副都御史召對條奏兵食利弊甚晰帝動容嘆歎久之由是獨持風紀孤立於門戶之外忌者益衆時臺端虛位兼攝院篆而首相薛國觀清

松溪縣志卷五

明

六

鯁剛決見溫驛小儉人某營求科道不得怒薛與有聲次骨遂陰構大獄薛賜死而免有聲官迨某坐法伏誅始獲昭雪召拜少司馬不就屏居村墅與兄有容有成白首周旋以為善相最卒年七十九所著有綠天館詩文疏議四卷

賦得春深五鳳城

何處春光好煙花滿帝城晴雲拂柳近綠仗曳風輕簾燕嬌凝墜宮鶯澀不鳴宸遊非玩物同荷泰階平

仙舟巖

藏壑難將不繫同白雲深處瑞烟籠非關春雨天邊坐恰似星槎海上通弱水三千五嶺度長風萬里一帆空

茫茫圓嶠知何處棹破青山翠靄中

雲窩

武夷新志作幼溪州廬在五曲又溪北合上下雲窩構屋極精麗明陳少司馬省建

內有賓雲堂諸景今廢

夾道松陰隱故廬雙扉晝掩駐遊車人歸何處鳥空度
樓枕山前雲自舒半壁青苔迷舊宇滿牀黃葉襯殘書
曉猿夜月時相傍寂寞秋聲問子虛

春興

有約半掩朱戶無情重理殘粧今夜酒醒何處看看月
轉迴廊

江南樂

結棹聲歌晝眠涼野風吹雨稻花香東村沽得西村酒

閒話桑麻到夕陽

輿中遙望武夷

山翠重重杳靄通玉華遙接武夷宮一麾閭闔五雲外
藏得仙山在部中

九日阻風大姑塘

無花無酒只孤船風景依稀憶舊川短髮年年吹不盡
茱萸插遍一潸然

松風餘韻卷五十

松風餘韻卷末

目錄

秀閨謝氏婦一首

陸娟一首

王鳳嫺三首

張引元三首

張引慶三首

吳肫三首

斗孃四首

盛韞貞四首

章有渭二首

朱婢一首

陸氏一首

周釐生一十二首

柳如是十一十二首

外吳忠一首

釋子溫二首

釋永彝二首

釋淨慧二首

釋通洽一首

明顯師一首

釋寶律一首

釋法止 三首

釋廣來 七首

釋廣澈 一首

釋廣燈 一首

松風餘韻卷末

目錄

二

松風餘韻卷末

胥浦姚弘緒聽巖編次

謝氏婦

列朝詩集靖難後誅戮臣僚妻子發教坊或配象奴有一烈婦題詩於衣帶間赴武定橋河而死失其姓名或云松江謝氏婦詩話類編泖湖謝氏松江右室也國初被籍沒坐誅有婦美色給配象奴婦給奴曰待我祭亡夫乃從爾奴信之婦攜酒飯至武定橋哭奠賦詩遂自刎死

衣帶中詩

不忍將身配象奴自攜麥飯祭亡夫今朝武定橋頭死

松風餘韻卷末

明

一

一 劍清風滿帝都

澱山謝氏有墓土為義山在澱湖之濱葬邑之寓

公封華亭縣男者謝德嘉也不知何時人元末有助修

華亭縣學者謝庭蘭與其姪晉也有創谷洲義塾

者謝伯禮也有所居名孤湖小隱者謝士安也俱

見府志伯禮一作伯理據光祿亭於泖湖為宴樂之所楊雄植晚年避地嘗居焉見堯山堂

外又錢元方有題謝仲允一掬泉許穆有過謝氏

舊宅王逢有舟中懷謝府倅履菴詩錢應庚又嘗

館於澱湖謝氏見邵亨貞詩題其為吾松右姓無疑但明

初富室多有徙濠者不知謝氏何罪而得禍獨酷

也

陸娟

雲間雜識陸潤玉之女自少穎異授以書史輒記憶不忘長於詩有索其父送行詩者父不在始為代作父歸責之自是吟咏絕不及門外事後歸馬龍姑亡事舅孝舅歿託以二女乃置淨室與之同寢處者十年既嫁始復夫室無出為夫買妾生一子將卒以所作彙悉焚之曰非婦人事也

代父作送行詩

津亭楊柳碧鬢人醉東風酒半酣萬點落花舟一葉載將春色過江南

按娟名曹蠲見張東海集陸夢菴墓表

王鳳嫺

列朝詩集華亭張孺人王氏名鳳嫺解元獻吉之姊張進士本嘉之妻也本嘉為宜春令卒於官艱辛自誓撫其子汝開舉於鄉為懷慶丞孺人年七十餘乃卒女引元引慶皆工翰藻母子自相倡和有焚餘艸雙燕遺音行於世傳略范濂孺人字瑞卿別號文如子父見素公配張氏夢鳳入懷而生孺人故名垂髫時大父試以駢句云秀眉新月小即應聲云鬢髮片雲濃蓋風慧也女文姝次媚姝所著焚餘諸艸若干卷

燕子樓

燕子樓頭燕子回何年鶴去見歸來相思怨結東風淚灑向殘花已剝灰

送遠

西風吹妾千行淚明月隨君萬里行昨夜推牕望南北不知何處是君程

梅雨連月未報晴色幸小園儘足消散漫賦

山窗岑寂任陰晴白苧衣裁適體輕鸚鵡和歌花外舌鷓鴣催句雨中聲古城雲黯連天合漳浦潮生接地平歲有獸爐香篆裊不愁炊火熟無成

張引元

傳畧

范濂妹姓張字蕙如別號文姝進士本嘉女

也母為王孺人性喜讀書工古文詩詞歸進士公首生姝甫六歲孺人取唐詩三體訓之過目輒成誦孺人誥曰古有女中堯舜吾女獨不可為青蓮摩詰乎年漸長孺人訓女紅外悉取六經左國騷選諸書示之姝一一了悟似有夙契一日從進士公渡江忽夢一金甲神問曰若知前身事乎汝為玉帝案前掌書記暫謫人世三九年當復召入仙籍須善自護持勿墮塵劫姝聞之憬然有覺既委禽楊生安世楊業儒善貧姝力苦茹荼旦夕惟賦詩與母孺人弟妹相酬和性至孝歷年二十有七果如神授之數忽遘寒疾瞑目端坐而逝越半載

楊生卜祖塋葬之先一夕就寢見妹從夢中來對
楊生曰吾去時猶冀更生為上帝召書尚寶錄未
竣遂不復返且曰吾乃樊夫人之姊也夷考樊夫
人見裴航傳記中今數百年而其姊又為楊生婦
豈仙家去來亦同泡幻自有不可測者乎

館娃宮次韻奉母命作

繁華事散惟荒土麋鹿踪消只薜蘿皓月尚疑懸玉鏡
露桃猶似妬金釵蛾眉一瞬歌塵散魚腹千年俠骨埋
今日姑蘇重回首嶺雲江水不勝懷

燕子樓和母韻

人自傷心春自回倚闌愁對燕歸來玉簫吹斷秦樓曲

贏得紅顏鏡裏灰

戊申上元寓懷

欲向空門淨六塵松龕蒲簟度芳春病容消瘦慵梳洗
一任東風冷笑人

張引慶

字媚姝王孺人第二女文姝之妹也

館娃宮次韻奉母命作

禾黍已漂香徑土蘇臺還恨鎖蒼厓雲歸疊疊堆鴉髻
花落紛紛擲燕釵此日錦笙惟鳥弄當年雄劍自塵埋
荒原古柏西風裏漫對吳山獨愴懷

燕子樓和母

雒陽三月雨如煙添得離人思黯然惆悵秦樓分鳳侶
青燈寒月自年年

關山月

落日映千山征鴻度遠關天空懸玉鏡海濶蕩金銀仗
劍凌霄漢揮戈貫斗間故鄉音問斷飛夢幾時還

日關山月傷別離也梁陳間為之俱凄切不揚惟徐陵有云將軍擁節起戰士夜鳴弓差堪作羯鼓洗耳

吳 拙

號冰蟾子出瑣溪望族工詩善畫適干溪曹允端
有女孫名鑑冰字韋堅亦以詩畫著名

感晚

秋虹隱復現華彩無多時落日照大荒繁風鳴條枝流
雲宿高岫歸鳥銜瑤芝皎皎冰蟾生溥溥白露滋觸景
多悲慨登臨涕淋瀝擾擾塵寰中營營竟何之朱顏易
為改況乃世事差幽懷閉虛室一殮三歎思我志苦未
成歲月忽已馳

採蓮曲

弱柳繫遊驄叢花辨嬌面郎佩紫紵囊儂從扇底見

再贈莫慧如

含嬌聞却紫金釵膏翠誰憐歲月埋露下綠楊應鎖恨
春深芳艸定繁懷花明泚氣還雙鬢雲化瑤情自一齋
鸞鏡不羞雙照影難將咫尺作天涯

斗嫌

〔列朝詩集〕松江女子斗娘賦詩送其夫姚生聞者
愛其語意清雅但云永別之言為未宜姚果卒於
外見吳人沈津潤卿吏隱錄

送夫四絕句

止馬離違日黃花正晚秋君心宜自適莫為妾多憂
遠送風塵路遺書滿目愁思君不成寐月上看牽牛
夢聞天籟愁眠覺夜遲遙憐江海別殘月夢君時
別後嗟不偶永別事堪傷縫緝多辛苦君看莫易忘

盛韞貞

〔明詩綜〕韞貞字靜維華亭人

〔松窗雜錄〕

明

太

村居樵感

自我來茲地重門曉夜扃蕭條門外柳幾度向人青
采薪懷商土占時望歲星但能安病骨不必問池亭
烽火吳關遠烟花谷水明孤墳應宿艸白髮隔重城遺
行書難就立言校未成愁心託幽夢茲夕倍縱橫
蓬徑無人跡春厨斷暮烟稻梁謀自拙僕隸義相捐薄
俗終難入幽棲性自便尺書兼斗粟慚媿主人賢

寄兄

一自雙親盡鄉園不忍旋七年三見面稚子漸齊肩
斷燕山月春歸海樹烟書來能念我三復鵲鴒篇

章有渭

〔明詩綜〕有渭字玉璜華亭人嫁嘉定侯泓有燕喜
樓艸

舟行即事

曉霧迷離彩鷁輕櫂歌徐動見新晴臨湍鷺子亭亭立
夾岸蒲花漫漫生遙指小山遮塔影忽經深樹出鐘聲
晚涼不覺羅衣薄自愛澄湖片月明

春感

舞蝶莊生夢啼鴉蜀帝魂紫芝逢勝友芳艸想王孫小
閣聞雞唱閒庭聽鳥喧曉烟迷麥隴香霧鎖柴門魚戲
青萍動風吹碧葉翻絲毫題玉柱綠蟻引金尊乍摘戴
蕤草長依翡翠軒避秦無絕境何必問桃源

〔松窗雜錄〕

明

七

朱婢

小長蘆詩讀華亭朱吉士大韶萬曆丁未進士性
好藏書尤愛宋時鏤板訪得吳門舊姓有宋槧囊
宏後漢紀係陸放翁劉須溪謝疊山手評飾以古
錦玉籤遂以一美婢易之蓋非此不能得也婢臨
行時題詩於壁吉士見詩惋惜未幾捐館子聞之
李高士昱云朱從南少司成被察家居二十年
而卒似非為庶常時事也宜改正

題壁

無端割愛出深閨猶勝前人換馬時他日相逢莫惆悵
春風吹盡道旁枝

陸氏

明詩綜氏華亭夏考功允彞侍妾

追悼

錦瑟蒼涼憶舊踪芳年行樂太匆匆
濃香簾幙圖書靜明月樓臺笑語通
人並玉壺冰壺裏才分綵筆黛螺中
祇餘華表魂歸去夜夜星辰夜夜風

周釐生

興國知州汝誼女有塞蘭閣小咏前集晚集曹謬
廷口塞蘭閣小咏乃先祖母伯姊所作嘗有句云
小妹塞蘭閣字來即指先祖母也詩學得自丹崖
公庭授隨宦興國日坐一樓吟咏或為公代作文
榜皆斐然可觀適顧氏卒

寒食

明

八

寒食

寂寂柴扉晝掩時隔提楊柳發新枝
應知此日無煙火一任東風抵夜吹

北窗

落日蒼茫夕籟吹避喧高枕黑甜時
羲皇以後應無此一榻清風數卷詩

晨發石門

南浦凌晨發朝霞逐水流鶯疑迎客棹
鷗欲避漁舟樹色晴初染峰嵐曉未收
侍兒忙捧硯近午不梳頭

夢遊篇有序

客歲家大人挈家寓西湖余得從焉時值暮

春落花繚繞垂柳參差畫舫笙歌竟日不絕

若乃歸舟唱晚新月如鉤水光接天一碧萬

頃使人心骨俱爽不知身在人間世矣時景

易遷倏驚改歲疇昔之夕忽夢舊遊髣髴留

連恍然心目因作歌記之時己卯季春之二

日

昔時曾到西陵渡小橋曲澗橫山路蹉跎一別倏經年
風景依稀夢中遇絕壁危巒不斷青落花飛絮紛無數
一泓湖光淡宕間四圍山色相回護蘇小墳前翠柏森
白公堤上垂楊暮簾外鞦韆送日遲樓頭歌舞留春住
游人紈扇撲香塵佳人羅襪矜芳步油車畫舫紛去來

賦得傍簾垂柳報芳菲

明

九

流鶯舞燕聲交耳夢回恍惚續前遊獨倚吟窗覓新句

賦得傍簾垂柳報芳菲次于雍母舅韻

夏姓洋
涇鎮人

綠楊如黛半垂條描就雙蛾別樣嬌春度玉門驚短笛

花飛深苑隔長橋行吟孤客驚青眼學舞佳人妒細腰

寄語韶光須護惜一年春色幾今朝

呵筆

筆底花生凍未開江郎好夢恰初回若非素口輕呵徹
安得蛟龍作陣來

次心舒弟七夕韻

金風乍動正秋清綠樹新蟬盡日鳴骨瘦自憐身尚在
病餘貪看月初明向無銀漢乘槎術豈有針樓乞巧情

瓜菓漫陳聊免俗雙星恐如坐深更

入日

入春七日暖還賒草茁微青柳欲芽故事不須誇綵勝
獨攜詩卷對梅花

和右文大弟元夕咏紅梅韻

吹步星橋點幾宵笙歌夾道擁朱燈莫教絳燭燒長夜
香在梅花月滿房

玉簫催開火樹徧春條紅芳早擅傾城色
月夜頭勝昨宵

村居即事

地僻林疎五柳家籬邊徐步日方斜一灣流水門前徑

松風餘韻卷末

明

十

幾樹枯梅屋外花野曠牛羊驕未下庭閒鳥雀靜無譁
幽居選勝少餘事漫擬東陵學種瓜

續夢中詩

玉梅重發舊枝條一夜壺冰凍未消二句夢中作清夢醒來
無箇事紗窗風雨正蕭蕭

柳如是

雲陽草堂集河東君傳君初名隱更名是字如是為人

短小性機警饒膽略適雲間某孝廉為妾孝廉能

文章工書法教之作詩寫字風氣弈弈顧倜儻好

奇尤放誕孝廉謝之去遊吳越間格調高絕詞翰

傾一時嘉興朱治憫為虞山錢宗伯稱其才宗伯

心艷之未見也崇禎庚辰冬扁舟訪宗伯幅巾弓

鞋着男子服口便給神情瀟灑宗伯大喜留連半

野堂文譙浹月既度歲與為西湖之遊刻東山唱

和集集中稱河東君云君至湖上別去過期不至

宗伯使人構之乃出定情之夕在辛巳六月初七

年二十四矣宗伯賦前七夕詩屬諸詞客和之乃

於半野堂後築絳雲樓貯焉頗能制馭宗伯宗伯

甚寵憚之已酉之變力勸宗伯死宗伯謝不能乃

自奮身欲沉池水中持之不得入丁亥二月宗伯

有急徵君挈一囊從刀頭劍鉞中牧園饘索惟謹

庚寅絳雲樓燬久之不自得癸卯秋下髮入道明

松風餘韻卷末

明

士

年五月宗伯捐館族人求金要挾遽起自經死宗
伯之子與壻為之訟寃邑中士大夫謀為君喪葬

焉

次韻奉答牧齋泛舟有贈之作

誰家樂府唱無愁望斷浮雲西北樓漢佩敢同神女贈

越歌聊感鄂君舟春前柳欲窺青眼雪裡山應想白頭

莫為盧家怨銀漢年年河水自東流

春日我聞室作

裁紅暈碧淚漫漫南國春衣正薄寒此去柳花如夢裡

向來烟月是愁端畫堂消息何人曉翠帳容顏獨自看

珍重君家蘭桂室東風取次一憑闌

依韻奉和中秋攜內人出遊之作

秋水春衫澹暮愁船窗笑語近紅樓多情落日依蘭棹
無籍烟雲傍綵舟月幌歌闌尋麝尾風林書亂覓搔頭
五湖烟水長如此願逐鳴夷泛急流

奉和小歲日京口舟中之作

自北飛蓬鬢有霜香奩累月廢丹黃却憐鏡裡叢殘影
相對尋前燈燭光錯引舊愁停笑語探支新喜壓愁傷
微生欲似添絲線邀勒君恩並許長

除夕

合尊餞歲是辰良綺席羅幃暈曙光小院圍爐如白晝
兩人隱几自焚香紫窗急雪催殘漏照室華燈促艷粧

松風集卷末

明

圭

明日珠簾侵曉卷驚鶯羅列已成行

雨中遊斷橋

野橋丹閣總通烟春氣虛無花影前北浦因誰芳艸後
西泠真有恨情邊看桃子夜論鸚鵡折柳孤亭憶杜鵑
神女生涯應是夢何妨風雨照嬋娟

西泠

西泠月照紫蘭叢楊柳絲多待好風小苑有香皆冉冉
新花無夢亦濛濛金吹油壁朝來見玉作靈衣夜半通
一樹紅梨更惆悵分明遮向畫樓中

燈昏月底更傷神馬埭隨風夜拂塵楊柳已成初鴈恨
桃花猶作未鶯春青驄點點餘芳艸紅淚年年屬舊人

金縷還能移鳳吹相思何異洛橋津

微波一曲月蒼茫聲起西泠葉葉涼杜宇每隨金管發
春風不及玉杯長邀人畫舫留鸚鵡游女新綾織鳳凰
況是綺花輕蝶裏祇應十步有蘭香

橫山雜作

美人遙夜佇何方應是當年踏蹬鄉自愛文園能犢鼻
却愁世路有羊腸徐看雀墜枝先墜誰惜桃僵李亦僵
只此時名皆足廢寧須萬事折腰忙

劉夫人移居金陵賦此奉寄

釣魚溪畔賃茅茨負戴風流近可追雖溪潘安居舊業
蘇州宋玉宅新移門前一水如臨鏡天外雲山與畫眉

松風集卷末

明

圭

桃葉渡頭雙漿在清溪莫過小姑祠

寒食雨後

紅綃蛺蝶霧事茫茫不信今宵風吹長留得春風自憔悴
傷心人起異垂楊

吳忠

太平清話余壬午館元龍姚氏有僕吳忠侍余掃
拭勤覲候余寢輒於樓下鼓琴或拍魚筒余異之
時延與相對出一詩示余乃題桃花詩也後託惡
疾辭主人余送入小崑山為焚香道者

題桃花

游子訪桃源桃源在深處不必問漁郎谷口隨花去

釋子溫

〔方志〕子溫字仲言號日觀又號知歸子郡人宋季元初萍浮四方止杭之瑪瑙寺善草書喜畫葡萄鬚梗枝葉皆草書法也世號溫葡萄雅好着恢帽短衣囊錢果猖狂街陌探囊投市中兒問識溫相公麼由是進止輒擁羣兒謹呼溫相公詩人遂有短褐狂溫相公之句性嗜酒然楊總統璉以酒飲之一不沾唇每見則連聲曰掘墳賊云趙松雪云日觀老師作墨葡萄初若不經意而枝葉肯綮細玩之纖悉皆具殆非學所能至俗人懇求之靳不與一遇佳士雖不求輒索紙筆揮灑無吝色豈

可謂胸中無涇渭耶

懷淨土詩

往往來來舊破瓢此心未了漫徒勞如今不作輪迴夢只走人間這一遭

題自畫葡萄卷

松江府是我鄉州有愧生平欠一遊子去扁舟泊烟渚相煩致意舊沙鷗題月麓題云淋漓淡墨藏雲濕老免忽作鮫人泣欲令象罔求玄珠三尺
萬里應沙朝復暮相看絕似歲寒交天上歸來祇如故涼州刺史真癡兒不如葡萄酒一危君攜壺來歸亦奇九山猿鶴今奚疑起松雪題云寄與望教千里面去冬曾君自吳來燕辱以紙一紙見寄相望教千里不遐棄乃爾展轉因想勝風微和從西湖山一水間何可得也時辛卯歲二月二十二日見府志

按月麓詩似題贈曾之卷而松雪所題又似附曾寄趙之卷陸宅之有題曾省元所藏溫師葡萄後詩即用此詩之韻見前第三卷則知此卷乃贈曾者故為曾所藏而松雪所題又寄趙另一紙也

釋永昇

〔文翰類選〕永昇字古鼎松江人

南屏道中

五月雨聲連六月南屏雲氣擁柴扉林巒有穴山精出巖谷無人石燕飛詩句偶從行處得家鄉多在夢中歸朝來杖策溪南路新水溶溶沒釣磯

題趙仲穆看雲圖

靄靄晴雲映碧巒清秋影落江干何人宴坐長松下蒼翠滿身生薄寒

釋淨慧

〔列朝詩集〕淨慧字古明松江人正書師虞永興甚得其法

寄梅雪朱隱居

何處風篁好漁莊路匪遙水光清暑簟花影赤開橋坐客分詩卷隣姬浣酒瓢離懷無可贈清夢過蘭苕

題天馬圖

八尺飛龍十二閑飄飄來自崑崙山曾陪八駿崑崙頂肯逐羣雄草莽間落日倒行悲峻坂西風苦戰憶重關

拂郎可是無繇貢天步于今正險艱

釋通洽

〔列朝詩集〕通洽字履正華亭超果寺僧叅兩汰諸講席有詩名秋盡寒猶淺曉來山漸深其佳句也

雪夜

雪光窗外寒如月梅影燈前韻過僧坐到更殘羣響盡細吹楫杓煮春冰

明顥師

華亭縣志師俗姓薛郡南薛塔人猖狂若顥衣不蔽體人或遺之衣則轉以施人大雪中露脛跣足手持鐵釘遇瓦礫雜置袖中人與之誠語則答以

〔松蘿先生集〕

明

去

機鋒或侮之則酬以狂語兒輩爭挽袖覓錢或與之一錢兩錢無緣則不與市肆與之錢則其門駢集或飯之不問遠近識不識皆凌晨而即至市去則探錢置几上酬直數多寡不差倭奴見之必羅拜曰向海中失風得此僧幸免於死慧性通敏不學而能詩詩不盡記嘗遇濟顥於洙涇彼此不相識忽相顧曰噫濟顥贈之詩曰青箬笠間天地濶碧蓑衣底水雲寬不言不語知何事只把人心不自諱嘗自寫頂相有刻本流傳

咏菖蒲

糝下塵泥一點無性便泉石愛清孤當時不惹湘江恨

葉葉如何有淚珠

釋寶律

帝京景物畧云雲間釋

法雲寺

山迴不見寺仄徑有人迎峰黛皆過畫花幽莫辨名避炎穠樹合催雨澀雲生獨喜無塵事沆觀泯泯清

釋法止

帝京景物畧云雲間釋

秋暮集鏡園

在水

天迴使秋瑟湖清與鏡俱波紋來越練水調按吳歛藻敗雲全影荷消雨不珠虛疑農墅裏實喜帝城隅

遊百花山

盤盤疲不覺獨取最高幽轉得林光潤時因花氣留石橋無故樹山徑入深秋但踏嵐光去千峰湧未休濟勝其慵甚真煩童杖扶野香紛樹出林氣亂花鋪突石將雲入峯峰且日晡正看疑路盡仄徑有樵呼

釋廣來

字無從華亭人

徑山感懷次韻

樓閣三千幾度塵草屨踏破石頭鱗空堂列祖既非相昔日老龍曾化人一塚難靈何自曉五峯螺翠為誰新如逢撥草瞻風者莫道無人却笑秦

開山影堂

霜空清洗碧琅玕
却外長趺草不殘
遇徑止來千嶂裏
乘流行遍一毫端
巖雲尚作靈芝秀
夜雪翻憐伏兔寒
自是祖庭從此立
一枝橫出破頭看

禮大慧塔

神弓聖箭較猶遲
鐵壁銀山粉碎時
一個竹篋離背觸
片言皮鞭浪驚疑
廣長舌覆傾無盡
日月心空照不私
突岫五峯縣宰堵
常光寧與劫同隳

馬大師緘書徑山

打圓作點絕無蹤
一墨水成兩處龍
多口南陽添注脚
却令千里信難通

禮紫柏塔

胸藏狼毒氣冲天
一劍橫眉雪佛冤
宛珍重曼殊臺畔骨
何如擎在路旁邊

肯將性命閒拋擲
不是冤家不聚頭
今日空山埋舍利
白雲孤月自千秋

雲龍風虎及時雄
一等心肝絕不同
佛祖頂門多抹煞
棒頭流血至今紅

釋廣澈

字念空華亭人

早春同無從道兄馮文玉錢澈原李夢西三居士登徑山參憨山和尚

名藍絕頂列杉松
殘雪還將石徑封
禮徧祖師惟白塔
叅來知識是猶龍
晴空竹翠半沉雨
古殿蓮開五片峰
落州喜從良伴侶
山頭同聽幾宵鐘

釋廣燈

字斷峰華亭人

登徑山

雙徑直條條
五峰青矗矗
八十老古椎
阿誰真面目

張旂 式曾 慕曾

孫 法祖 學勤 做祖校字

惟邁 惺曾 念曾

松風餘韻卷末

松風餘韻卷末

生

覽始得邀

曾王父聽巖公在詞館七年與修明史洎淵鑑類
函奉職唯謹嗣以高王父春秋高乞養退休侍
膳之餘殫心著撰慮夫鄉先生之嘉言懿行久而
湮沒爰是旁搜博采上自晉唐下訖明季閱十六
寒暑成松風餘韻若干卷未謀梨棗而曾王父捐
館時先祖官漢興觀察奉諱歸心傷手澤獨力
開雕迨予祖歿後二年而剞劂甫竣從祖輩先已
相繼徂謝校讐之役獨五叔祖及族祖平山先生
任焉是可哀已乾隆甲午兵部職方司郎中新安
汪君啓淑以是書進

秘閣之品題益臣家之榮寵文籍異數殆非偶然湘

敬承先志藏弄是版珍若珙璧時一展帙恍乎挹
前人之清芬因補錄

欽定四庫全書總目提要一則以弁卷首後之采風者擬
其一二於以闡幽而表微是書或不無小補云嘉
慶乙丑夏日曾孫男湘謹識

松風餘韻五十一卷

浙江汪啟淑家藏本

國朝姚宏緒編宏緒號聽巖婁縣人康熙辛未進士
官翰林院檢討是選上自六朝下迄有明凡雲間
諸人之以全集傳或篇什之僅存一二者悉收輯
之人各綴以小傳義取博收不能一一澄汰其凡
例有云集內詩有鄙俚可笑者以采得不忍復逸
存詩所以存其人也一之已甚云云則宏緒已自
言之矣